

**AMMIANI
MARCELLINI
QUAE
SUPERSUNT**

Ammianus Marcellinus



Reg. 234.

6.50.

msk
3 vols

116504

1 A

11

0

A M M I A N I
M A R C E L L I N I
Q V A E S V P E R S V N T


C V M N O T I S I N T E G R I S
F R I D. L I N D E N B R O G I I,
H E N R. E T H A D R. V A L E S I O R V M
E T I A C. G R O N O V I I

Q V I B V S
T H O M. R E I N E S I I Q V A S D A M E T S V A S
A D I E C I T
I O. A V G V S T I N. W A G N E R

E D I T I O N E M A B S O L V I T
C A R. G O T T L O B A V G. E R F V R D T

T O M V S P R I M V S

L I P S I A E C I D I C C C V I I I.
I N L I B R A R I A W E I D M A N N I A
L O N D I N I A P V D I. P A Y N E E T M A C K I N L A Y
E T W. H. L V N N



Handwritten text, possibly a signature or date, located in the upper right quadrant of the page.

Handwritten text, possibly a signature or date, located in the middle right quadrant of the page.

LECTORI S.

Ammianum Marcellinum perpetuo illustratum Commentario edere constituerat IOAN-
NES AUGUSTINUS WAGNERUS, Vir desideratissi-
mus, quum, absoluto paene opere, causis
quibusdam iisque non levibus, quas enume-
rare nihil attinet, ab illo dimoveretur confi-
lio. Neque tamen multo post, monitus ab
amico, ut quas Gronoviana editio, rarissima
illa, complecteretur, virorum doctorum ani-
madversiones integras exhiberet, suis adjun-
ctis observationibus, ad scriptorem sibi dile-
ctissimum reversus est, initaque de libro redi-
mendo cum Weidmannianis pactione id sibi

putavit faciundum, ut non modo Commentarium, addendo, tollendo, ad mutatam editionis rationem accommodaret, verum etiam loca scriptorum a superioribus interpretibus pro illorum temporum consuetudine admodum leviter excitata curiosius indicaret, adscripto fere capitum, et sicubi opus esse videretur, paragraphorum numero. Atque ex hoc quidem genere plurima ipse extremo vitae tempore profligaverat, in retractando autem Commentario non ultra Lib. XIV. progredi licuit. Aucta enim in dies virium imbecillitate instantem praefagiens mortem, uti de aliis rebus quam diligentissime statuerat, ita ne, si quid sibi accidisset, destitutus jaceret Ammianus suus, pro eo quo me complectebatur amore me sibi hoc in opere successorem esse voluit.

Supereſt igitur, ut paucula quaedam, quae ſcire lectorum intereſſe poſſit, ipſius Wagneri juffu adjiciamus. Huc referendum eſt primo, quod, qui ex Gronovii aetate in Ammiano vel corrigendo vel illuſtrando ver-

fati sunt, eorum labores, quotquot ad manus haberet, consuluit atque in usum suum convertit: quibus copiis ineditae accesserunt Reinesii observationes a Christ. Godofr. Müllero, Scholae Cizensium episcopalis Rectore merittissimo, perhumaniter transmissae. Neque in aliorum commentis acquiescendum ratus ipse quoque nonnullorum corruptelam locorum sanare studuit, ea tamen usus moderatione, ut suas non magis quam alienas correctiones temere in textu reponeret. Denique gratiam se speravit a lectoribus initurum, si, quantum in ipso situm esset, eorum prospiceret commoditati. Quod cum factum est disper-tiendis in paragraphos capitibus, quorum tantae nonnulla sunt longitudinis, ut duodecim et plures etiam paginas occupent, tum eodem consilio Indices adjicere placuit duos, alterum historico-geographicum, alterum, qui pertineret ad Imperii Romani statum aulicum, civilem et militarem, qualis Ammiani temporibus fuit. Ille et auctior est et emendatior eo, quem Gronoviana subnexum sibi habet edi-

tio, hic ad exemplum Ernestiani Indicis Dignitatum, quam appellationem ut minus commodam noluit retinere, novo studio et proprio iudicio confectus.

Vale, Lector, et fave. Scr. Merseburgi
d. XXIV. April. MDCCLXXXVIII.

M. CAR. GOTTLOB AVG. ERFVRDT,
Gymnasii Merseburgensis Conrector.

I. A. C.

I A C. G R O N O V I I

A D

C O S M V M III

M A G N A E E T R V R I A E D V C E M

D E D I C A T I O.

Eam iudicavi esse Ammiani Marcellini rationem, ut sui pariter et mei animi interpretes ire posset, ac congesta in utrumque beneficia fatendo publice ac memorando in Principale Auditorium Tuum perferre iustam reverentiae privata religione hucusque cultae significationem. Haec votorum, quae per complures annos coacervavimus, summa; haec spes, cui iamdiu imminemus, etsi magnae felicitatis capax, tamen eo minus improba, quod infinitam salutaris dexteræ Tuæ benignitatem experti coram et admirati, ne nunc quidem ab ea adoranda nos remotum iri pro pietate nostra credimus. Utique hic ille vir est, qui non in ipsa vitae actione tantum secutus exempla veterum vicinae Tuæ Romae civium, sed etiam in hoc sermone, qualicuit, presse adhaerens optimorum vestigiis, earum rerum nobis reliquit planam historiam, quae quum sint dignissimae cognitu, tamen earum magna pars aut penitus nunc esset ignota, nisi ipse intercessisset, aut nonnisi tenuibus et invalidis coniecturis per quorundam potius allusiones, quam narrationes

spectanda. Caeterum incredibile dictu est, quemadmodum ante hoc saeculum nimis insigni foedatus caligine et fere in perpetuam valetudinem lapsus lingua simul et sententia infelicitur titubaverit, dum quod aerugo vetustatis aut exedens obscuraverat aut intervertens ab conspectu amandaverat, alii suo potius taetu quam ex legitimis monumentis replent et infulciunt, miserrima lincinatione Ammianum torquentes. Nec ab eo contagio refici potuit, nisi hoc ipso demum saeculo; in cuius exordio, petita velut medicina ex eadem regione, unde tantum non omnia doctrinae instrumenta lucem hauserunt, felice Tua, Clementissime Princeps, Etruria, purgatio exire coepit. Tunc quidem eius causa non tralaticie aut leviter acta est, sed prudenti consilio et industria memorabili. Nam ne unius tantum se crederet arbitrio, verum quoscunque advocaret ad lectionis antiquae repetitionem, suspensa in propatulo tabula, quae excerptas mirabilis in Regia Tua chirographi et singularis fidei notas exponeret omnium conspectui. Sic falsus iste et evulgatus cento, qui universam auctoris manum illepide supposuerat et turbaverat, discessu et varietate admodum conspicua signabatur ferme pudorem iniiciens eruditis hominibus, ut sanctius et lenius in Ammiano consulere conantes incenderent animum ad inventionem latentis. Hoc vexillo inde primum sublato, quum adhuc esset in expectatione recipiendi ab eadem manu melioris notis, interceptus in alia terrarum plaga, ad Sequanam detentus et possessus, non aliter quam ipse quondam illic depressus Iulianus Caesar, nequivit ingenua libertate uti. Quaecunque enim cura, et illa sane, quod negari nequit, peregregia, istuc eum poliverit, opinari fas est non desisse eum anhelare et fere quiritando poscere, ut permitteretur gratias agere loco primae post magnam longam-



colligata est politura nobilium animorum, plurimum per omnes aetates contulerit Etruria Tua. Graecos vero in primis, immenso quodam humanitatis cognoscendae studio instinctos semper homines, quum per reliquam Italiam multiplices se effunderent, versus eandem Etruriam Tuam progredi, illic colonias condere, et non tam sua instituta illuc inferre, quam Genio quodam telluris fausto eos allicefacienti se committere et ab illa regione plenam elegantiae suae culturam petere mirabiliter laetatos videbam. Quae quidem quum sint sic vetusta, ut universus tamen quorumcunque saeculorum ordo circumferat eorum experientiam; tum animadvertēbam nostris temporibus ita constitutum esse, ut instrumenta huius iucundi laboris, libros nempe et quidquid eorum sive per Graecos et Graeci sermonis interpretationem, sive per ipsos Italos et Latinam linguam ad memoriae veteris custodiam residuum nobis est, unica Etruriae Tuae cautela et fotu ab internecone vindicatum esse. Etenim Deo auspice illud assecutus eram, ut profectus meos negarem includi intra unius, ut solent, septi satis arcti metas, sed libere spatiando optarem mihi non ignota esse, quae per tot centenos annos in tanta licet iactura omnis munditiae, tot barbarorum vastationibus, tot tyrannorum, quos ante omnia contra bonos libros potestatem suam omnem permisisse legimus, aerumnosis imperiis, non sine coelesti cura servatum tantis laudibus ab nostrae et praecedentis aetatis viris doctis efferri observabam. Harum rerum consideratione et ipse excitatus, nec ex muto sanguine me provenisse cogitans, tota iuventute mea flagraveram in illud imperii Tui penetrabile velut sacris rebus secedere, et quum annis id ipsum hortantibus facultas non deesset, quasi Deo monstranti me concessi. Quae illa fuit hospitalitas Musarum Etruscarum? quae illa vita mea? quam

super omnem opinionem literata istius temporis studiorum agitatio? Quum, ut vere dicam, studere demum didici, hoc est, animadvertere, quid is, qui feliciora et his reconditis libris instructiora loca sequitur, interesset illo, qui domi habitans satiare se potest sola contemplatione eorum, quae ab typographis accipit, ultra horum aetatem nihil pensi habens. Ista illa calamitas est, quae in his quidem terris nimias ruinas edit. Hinc aliquid ex iusto admirari, hinc verum probumque et fortunas fataque negotii, quod tractamus, recognoscere prohibemur. At ibi in singulas horas licebat contemplari, quam vane et incondite ab occidentali Alpium latere a me tractata essent, et ab omnibus etiam aliis, quin et cum maxime tractarentur antiqua scripta ab maximis ingeniis ad posteritatem prodita et tantarum impensarum praesidiis per manus sparsa. Quanta cura nomino illos dies, illos festissimos dies, quibus Herodotum coepi intelligere simul et ab nullo intelligi cognovi? O venerabilia ista momenta, quae mihi Polybium, Arrianum, Aelianum, Dionem Cassium aperuerunt, quos omnibus aliis clausos noram! Quam faustae illae horae, quibus Aeneae, Hierocli, Artemidoro operam dare potui, ut ipsos aperte plana voce fermocinantes narrantesve audirem? Tunc mihi ad liquidum dulcis fui. Tunc imaginari potui ad istam absolutionem vitae, quam sapientis esse statuebant, me propinquasse, quum nullis umbris aut tenebris cognitionem eius, quod antehac inscrutari arcebar, vetantibus liceret perfectam Gratiarum omnium Venerumque, quibus audieram referta esse studia, amoenitatem affluenter haurire, et oculos simul manusque ac pedes pascere peragrando illa tam nobilitata scriniorum S. Laurentii spatia. Quid quum occurreret illa turba variarum rerum tantopere profutura, si non lateret, quas nec fando

indicari audiveram, nec appellationes unquam perceperam? Haec profecto quum partim adspicere et recensere, partim in alias chartas conicere chi-rographo meo liceret: nonne iure opinabar Idaeorum Dactylorum nomina notitiae meae adfundi? Eorum maiestate vitam ab terroribus servari immerito et fatue statuebant gentiles. Ego vero tum non magis praevidi, quam postea expertus sum in illis tranquilli otii, in illis arcanae sapientiae, in illis vitae convenienter agenda et principia et profecto firmamenta esse. Equidem in ista proluione adeo me haec explebant, ut omnium aliarum rerum immemor in novos verosque non Hesperidum, sed Copiae ipsius aut Minervae Paciferae hortos delatus frui tam sancto nominum et laborum priorum consortio gestirem, singula scrinia velut altaria totidem altitudini ingeniorum ab Divis Heroibus Mediceis dicata spectans, inter quae tanquam Brachmanum aliquis, ut ipse testatur hic scriptor, spatiatum et operans nihil morarer alias causas, ob quas peregrini Italiam visitant. Quin etiam potuit hic adfixus illi augusto Camoenarum receptaculo animus Celsitudini Tuae placere; utque nutriendo propagares, Domine, hanc assiduitatem meam, et quidquid tacito secessu colligerem, in usum aliquem referretur, qua non auspiciis Tuorum felicitate, quibus non munificentiae experimentis me succinctum vivere iussisti? Quae quum et immensa fuerint omnia, numerumque et sermonem meum excedentia, tum in eis ut semper recordatione exsulto, ita nunc verbis etiam indulgendo luderem, nisi, dum id paro, sentirem me moesto quodam aculeo pungi, memorans et considerans non modo quam Tua Serenissima Celsitudo me locupletarit, sed simul quod iis ereptus sim. Et tamen confirmata contra confusionem mente quotidie et loquor et memoro, et quae ului, quae ornamento ex



IAC. GRONOVII
P R A E F A T I O.

Quum ex Ammiano Marcellino magna et crebra oblectamentorum causa citeriori vitae meae acciderit, libens feci, ut haec nostra familiaritas innotesceret publice, et velut ad vicem reddendam partes aliquot horarum nunc mearum, quas ille plurimas antehac refecerat, illi concederem, eo consilio, quo nitentiora et speciosiora exstarent residua historiarum eius volumina. Hoc illi videbar debere, viro, in quo cernebam propositum contra sua saecula magnificum et excellens. Etsi enim quae alii de eo scripserunt, nec mea faciam, nec advertere velim, et in ista ominum praesagiorumque fallacissimorum observatione omnia alia mallem; videam quoque in illo esse aliqua nescio qui felici nostrae politurae nonnimis congrua: tum adverti refert eum vixisse isto tempore, quo Latina studia vix fuisse dici oportet, aut omnia arctabantur angustiis epitomarum, hoc est, degeneris inertiae socordia, et illam urbem, quam Aeternam laudat, Venerabilem et virtutum omnium domicilium, obsidebant aerumnosae et execrabiles ineptiae omni vigore animi pessumdato, et nihil istic ad priorem magnificentiam. Quod si quos mens melior tamen eveheret, quidquid id erat, ad blanditias auribus principum praebendas modo adhibuisse cernimus. Tali noster tempore quid magis mirer, utrum sustinuisse mente concipere tam nobilis ac diuturni la-

boris opportunitatem, an etiam subire alacriter et exsequi? neque id ita, ut videri queat temere effuisse aut inconsulte profuisse ad hoc munus, sed mente Herculeo studiorum robore bene et diu firmata, et ad hanc efficaciam circumspecto iusto et, ut ipse loqui solet, impetrabili apparatu. Ille sine dubio multum diversus ab reliquorum simul militantium otiosa imperitia, sub pellibus tempora distinguendo in certas operas, et ubi res poscebat, Martem; ubi quies dabatur, Palladem aemulando, et occasione praesidiorum variarumque expeditionum, regiones, gentes, mores, historiam priscam et sui simul temporis perdiscendo, exemplum veteris Romani sive militis sive ducis ne instante quidem praelio studia Graeca perinde ac Latina omittentis retulisse sibi placuit, ut hinc secus aut recte facta vel Principum ipsorum vel Optimatum valeret consulta ratione aestimare: incolasque Romani imperii vel ultimo hoc specimine veteris ingenii admoneret gloriae et moris maiorum, ut in profundo otio scirent aliorum scripta aequae ac Iuvenalis et Marii Maximi contrectanda esse; simul hortaretur, et in calamitatibus tam praesentibus, quam gravioribus post venturis solatia adferret stimulandis animis, ne antiquitatum ignari facile desponderent, utque ad priscam tuendae patriae fortitudinem revocarentur. Hoc res ipsa fatetur, et palam tota eius ratio clamat. Adeo nihil indignius potuisse pronuntiari existimo, quam quod nupera Parisina praefatio edidit, Ammianum denique, quum post sacramentum hanc rem arripere cogitaret, tum demum ut miles quondam ac Graecus Latinae linguae ac historiae Romanae magis adsuesceret, Catonem maiorem vel Censorium, Caesaris commentarios, Sallustium, M. Tullium Ciceronem diligentissime legisse. An quia natus et educatus Antiochiae fuit, ubi et Gallus Caesar dicitur vesperi per tabernas



nota novisse se ostendit, Batavos et fere perpetuo una cum his tendentes Erulos, etsi regionibus et origine discretissimos, virtute tamen et militari gloria convenientes iunctim memorans, ederetur ad cognoscendam propinquioris temporis, prout facultatem praebet, rationem, et multiplicia supplementa tirocinii exercituum Romanorum ex his brevibus regionibus, quae inde quoque exinanitae tandem fuere, petita ad suffulciendas ubique ruinas labantis imperii. Hic, inquam, merebatur publicari (et iam olim aliorum eandem constat fuisse sententiam) Ammianus ille, non nudus ut quondam et multitudine foedissimarum sordium oblitus, sed quanto ornatu fieri poterat, vestitus et purificatus. Quod certe nostro saeculo contigit, quo historiam illam praeclari duoviri tanta castitate versaverunt, ut quum ineunte etiamnum eo nonnisi confusa quaedam ingenuitatis suae lineamenta praeferret, vel potius ex male commixtis quibusdam literis haberet compositos versus incantamenta anilia et incongrue quaedam mussanda magis, quam articulatam bonae mentis expressionem et sententiam humanam continentes, nunc egregie sese ipse cognoscat, et instar redivivi phoenicis aut exsulis renati post tredecim saecula ostendet. Itaque horum memoriam adoro, et cum perutili et peregregio emolumento evulgatas lucubrationes exosculor. Has cedro dignas, has refertas bonis studiosorum adiumentis et varietatis in docto homine flagitandae specimen praeferentes, has denique ad eruditionem, sapientiam et eloquentiam semitas planissimas et unicas censeo, et quod in me est, expertus sum. Sic quum tota aetas mea saepe gratias egerit Friderico Lindebrogio et Henrico Valefio; tamen gratulatus plurimum fui huic scriptori simul et ipsis commentariis, quum ante decem annos Parisiis omnia ab Valefii fratre instaurari non sine eximia accessione



31] quod ibi fit in nota ad voces *Galli periret avunculus*, quum ea pagina iam tantopere antecesserit? Nonne indecorum est, quod in illa editione scribitur libro xxvii cap. 5 pag. 484 ad vocem *Mysia* [de qua Marcellinus in lib. xvii pag. 140]? quum ista pagina ibi incurrat in librum xvi; tanto indecentius, quod Henricus in editione sua recte citaverit pag. 104. Etsi profecto hac in re non modo negligenter fuerit apparata ista editio; sed etiam intolerabiliter quodammodo audax, nescio cuius interventu, ut saepe citatio ab Henrico immissa, nuper fuerit deleta et omissa. Sic quum scribit Henricus in sua editione pag. 599, quae incidit in principium libri xxx, ubi ostendit *inexplicabile* subiectum pro *inexpiabile* [Idem error lib. xv pag. 55 insedit] inde posterior haec editio pag. 585 quintam vocem cum postremo numero expulit: item in nota sequente de τῶ *cuppediae* quum notet Henricus [hic et in lib. xxvi pag. 511] voluit frater tantum edi [hic et in lib. xxvi]. Nec adverti, nisi semel mutavisse, nempe in libro xxxi cap. 12, ubi notabat Henricus de verbo *recingi*. Certe mutare debuerat vitiosum illud, quod occurrit in nota ad libri xxviii cap. 3 pag. 525 voces *In locum Valentis Iovini*, ubi scribit Valesius [Movet me locus, qui est in p. 370] ubi nihil est quod ad hanc rem facit, et pagina 307 incurrit in locum libri 25, quem citavit; ut nesciam, quid velit.

Secundo occurrebant in Valesianis commentariis aperti quidam errores sive typosetarum sive ipsius scribentis; quos quum iure sperarem emendatos esse, aut saltem signo aliquo demonstratos, tetrum in modum deprehendi illic non modo relictos veteres, sed novos accessisse. Sic libro xv cap. 4 §. 4 de finali libramento apud Henricum nominatur Antonius Loifellus, in nova Pariliensi Antoninus. Sic libro xxxi cap. 13 §. 1. ubi notatur de

Equitio, nunc primum ex chirographo Henrici additur [*Atque ita citat Cripinianus in fastis*]. Libro xxiii cap. 5 §. 13. citat Henricus verba *Interpretes arcessit*, et notat [*Lege arcessiti interrogatique, ut habet Editio Augustana*]. In quo falsus fuit Vir optimus. Legitur enim clare in illa editione *accerfiti*. Quod tanto notabilius, quia Hadriano ibi placuit addere, in codice Colbertino sic legi.

Libro xxi cap. 10 §. 3. Hadrianus novam notam fratris protulit ad verba *in angustias tumidos collibus definentes*, ubi diversa confudit in unum. Nam omnia illa verba [Apud Nicephorum in libri 9 capite 15 legitur *σούσακis* non multo melius quam apud Socratem, ex quo id Nicephorus exscripsit. Unus Philostorgius in libro iii recte nominat *Σούκεις Αλπειs*: sed Nicephorus et heic quoque *Σουσαίκεις* praetulit] non pertinent huc, sed ad praecedentem notam de Succis, et illuc relata volebat Henricus, quacunque etiam paginae parte notaverit.

Libro xxii cap. 8 §. 34. sunt Ammiani verba *immolantes advenas Dianae, quae apud eos dicitur Oreiloche*, ad quae aliquid notans Henricus, scribit inter alia [ipsam autem Iphigeniam sacerdotem sua *Tauropoli* constituit] in quibus sententia nulla est: nec tamen sustinui quidquam mutare, quum potuerit aliqua mutavisse Henricus, quae perperam sunt publicata. Attamen in editione ipsius Henrici erat *sacerdotem Dianae Tauropoli*, idque cum laceris Antonini verbis affatim congruit. Contra non potui non corrigere, quod in nova fratris nota ibidem ad libri eiusdem cap. 16 §. 20. voces *Hic primum homines ad v. religionum incunabula pervenerunt* ex Eusebio profert sic Hadrianus, *As πρώτοι μερόπων ἐπ' ἀπείρονα πρῆξιν ἔφικ'*, quum certe ipse non magis potuerit ultimam vocem intellexisse, quam intellexit lib. xxiii cap. 5 *ὑφάνισαν*, ut ille edidit, quum in fratris editione prior litera esset

maculose expressa in nota ad voces *ut suadere nobis laboret* etc. unde prioris loci notam tanto iustius expuli, quod aliter sit in ipso Eusebio, ut illa quidem duo ex vero correxerim. In libro xxv cap. 6 §. 8. notat Henricus in editione Romana *Chartam* legi. At plane in ea expressum est *Churram*. Sic libro xxvi cap. 8 ipsi Valefii nesciunt, utrum velint Mascizelem, an Mascezilem; quippe utrumque ibi tenentes in utraque editione, idque propterea etiam ipsis donavi. Et quis non credat Hadriano placuisse ludere in scriptis fraternis, dum in nota ad libri xxxi cap. 2 §. 13. voces *Hoc transito* sustinuit edere [Nam Europaeos Alaunos vocat a montibus Alanis ita dictos: Asiaticos vero Alaunos Scythas ab Alanis montibus] quum Henricus ediderit [Nam Europaeos Alaunos vocat a montibus Alauis ita dictos: Asiaticos vero Alanos Scythas ab Alanis montibus]. Quorum haec posterior constitutio certe ut ex Ptolemaeo petita esse dicitur, si recte cum eo convenit, non prior: sed meum non fuit, omnia curva corrigere.

Sic quum ista pulchra et sibi placens editio tractaverit manum Henrici Valefii; refert etiam scire, quomodo curaverit ipsum Ammianum, quod quidem iam rei caput ac summa est. Patet vel ex libro xxix cap. 6 §. 3. ubi sola ista ex omnibus editio, *munimentum absque una causatione consurgeret*, satis inepte, quum reliquae *ulla*. Quum libro xxx cap. 4 §. 12. habeant illae *cum Evandri matre abhinc saeculis obrutas multis*, haec nunc protulit et in Latinitatem invexit *adhinc*. Libro xiv cap. 9 §. 2. quum Henrici editio aliaeque legant *sed si quid auribus eius huiusmodi quivis insudisset ignotus*, Hadrianaea maluit *quidvis*. Libro xviii cap. 7 §. 9. editio nuperrima habet *nisi quod in puteis aqua repetitur exilis*, ubi priores servant *reperitur*. Quod ut est exiguum, ita gravius peccatur in versu

sequente, ubi edit *iamque suorumque duritiae fiducia transituri*, quum priores *suorum duritiae*. Denique in eodem capite §. 10. edidit *Bargala*, ubi anteriores *Barzala*, etiam ipsa Romana huc alludente *Barzalos*. Libro xix cap. 4 §. 4. nunc volunt legi *Peloponesiaci*, ubi Henricus et omnis prior memoria *Peloponnesiaci*. Libro xxiii cap. 6 §. 80. legitur in aliis *minaces iuxta in adversis rebus et prosperis*; sed Parisina illa vult omitti coniunctionem *in adversis rebus prosperis*. Libro xx cap. 4 §. 14. edidi *Nocte vero coeptante in apertum erupere dissidium* ex Lindebrogiana et Augustana, quum utraque *Valesiana dissidium*; at omnes ibi dicuntur simul mansisse, sed concitatos fuisse animos ad seditionem et conversos ad tela ac manus. Denique an non notam negligentiae praefert ista mirifice varia inscriptio in summis paginis libri xxii? ubi videbis modo DN. CL. FL. IULIANUS PIUS FELIX AUGUSTUS, modo IULIANUS AUGUSTUS, modo CLAUDIUS IULIANUS AUGUSTUS, modo DN. IULIANUS AUGUSTUS, modo FL. CL. IULIANUS AUGUSTUS; aequè ut in libro xvii modo posuerunt DN. CONSTANTIUS AUGUSTUS, modo IULIUS CONSTANTIUS AUG. modo CONSTANTIUS AUG. modo DN. CONSTANTIUS P. F. AUG.

Quum et in Valesianis commentariis et in ipso Ammiano talem paratum curamque adhibitam cererem; non debui notabilem aliquam sollicitudinem in eis, quae ab Lindebrogio scripta erant, concipere. Propterea quum ad rem veni, reperi etiam observationes istas ita editas, ut qui eas legerit, profecto parum absit, quin pro cerrito vel in Latinis vel in Graecis auctorem traducat. An non enim tale est, quod editur libro xxi cap. 1 in nota ad voces *Somniorum rata fides* [Synesius *περὶ ἐνυπνίων* et in eum Niceph. Artemidor. et Apomas.] Ea postrema voce iam duae editiones Ammiani conspurca-

spurcatae fuerunt cum ludibrio Lindebrogii. Nectertia vice fieret, intercessi, et reposui, quem sine dubio ille innuebat. Libro xxxi c. 10 §. 21. pag. 80 Parisinae editionis ad paginam contextus 659, ubi sunt verba, *Dum inter eius Armigeros militaret, ac regiam custodiret*, apponunt hanc notam ut Lindebrogianam [Socrat. lib. iii cap. 1 *εἰς τῶν δορυφόρων*. Antoninus Aug. in Itinerario.] Fungus profecto et stupidus debuit fuisse Lindebrogius, si sic notare sustinuit, ut has duas citationes de eadem re potuerit iungere, quod tamen isti Parisini optimo viro impegerunt: et summo iure querulus iste Hadrianus de eo scripsisset, ut sustinet scribere in praefatione, eum saepe minutiis immorari, et totas paginas Graecis excerptis ubique implere, quibus aequo animo carere possemus. Sed, proh facinus! inconditi isti rerum alienarum obtrectatores geminam Lindebrogii notam in unum contraxerunt, quum postremae quatuor voces pertinerent ad notam de Bononia, quam quidem notam Galli, forsan auctore aliquo, qui deliciari voluit, omnem exstirparunt. Caeterum sic quoque querelam istam Hadriani pro verissima agnoscat, quisquis inspexerit pag. 38 editionis Parisinae notam in libro xvii cap. 12 extr. ad voces *Eductis mucronibus, quos pro numinibus colunt*, utpote quum illic citationem de Alanis ex lib. xxxi cap. 2 §. 23. et de Danis ex M. Adamo bis positam videat omnibus vocibus iisdem integris, atque adeo sex versus impleantur verbis, quibus certe non tantum aequo animo carere possemus, sed quae per meram stultitiam iterantur. Verum auferat hoc Hadrianus, et fruatur, ut iactet auctiores Lindebrogii Observationes ab se editas; emendatiores utique ne addat. Absit enim, ut credamus ita blateravisse, aut expleri voluisse Lindebrogium; ipse Hadrianus in culpa est, quum Lin-

debrogius illam notam universam renovaverit, priorem totam volens induci, quod ab benignitate Gallica non impetravit. Quod tamen ut minus in Hadriano stupeas, non aliter consuluit in fratris nota lib. xxxi cap. 2 §. 9. ad voces *Contortis laciniis illigant*; ubi quum Henricus in nota posuisset [De Iaxamatis quidem id refert Mela in fine lib. 1] iste hoc non satiatus nuper addidit. [Et Iaxamatarum ostio Tanais proximorum feminas ex equis pugnare scribit Mela libri 1 capite ult. et *quos luqueis interceperunt hostes, trahendo conficere*] Haec quum Henricus deinde aliquo tempore apposuerit vel oblitus quid olim istic edi curavisset, vel explanare volens id, quod brevius antea collegisset; non dedecuerat Hadrianum probe inspicere, si quam illic notam voluntatis suae Henricus reliquerit. Omni-
no deliravit Lindebrogius, si in libro xvii cap. 7 §. 12. citans verba Ammiani scripserit *Neptunum humentis substantiae infestat Ennos*, ut ibi Hadrianus potuit edere, quum aliter ipse auctor in Hamburgenfi. Sic ad libri xix cap. 4 §. 3. voces *Qui sol aestimatur*, Hadriani gratia bis Lindebrogius citavit *Alexandrum in Tabulam Heliacam*. Utique praeco dimitti merebatur, qui inquireret, ecquis habeat notitiam *Iuliani Carris*, quem Lindebrogio notum fuisse probant duae editiones ex notis ad libri xxix cap. 2 §. 17. voces *Exsecto vivae mulieris ventre atque intempestivo partu extracto*. Nullus equidem copiosam et supervacuam notarum abundantiam in Lindebrogio negabit, qui in ista Parisina editione viderit ab Lindebrogio ad librum xxvii cap. 4 §. 7. postquam citavit *Unde eorum iubar*] scribi, [*Unde eo iubar*. Scripsit Ammian, *unde eorum iubar*.] Enimvero digna nota, quae Parisinos exerceret typos! In notis ad finem libri xx inter nova augmenta ediderunt ex Valerio Flacco, *Nunc, ait, eripiat divae Titana volucris*, quum

Lindebrogius, ut in ipso poeta legitur, scripserit *dirae*. Quid igitur, mi lector, existimas de Graecis? Ad librum xxiii cap. 3 §. 6. ubi edunt Galli in citatione Chrysostomi *στομάτων ουδεσμών*, quid oro intellexerunt? At in libro xvii cap. 4 §. 11. praeclarum correctorem Hadrianus egit; quoniam Hamburgi in loco Glycae ad voces *per speciem apis* editum erat *οὐχ εἰροτονητὸς*, ipse edidit *οὐκ εἰροτονητὸς*. An igitur ab tali correctore sperarem vel intellecta esse, vel integratum iri Graeca in allegatione Procopii ad libri xix cap. 6 §. 7. voces *Galli morarum impatientes, secutibus gladiisque succincti*, ubi iam bis editur *ἡ λαβὴ δὲ τοῦ ξίφους βραχεῖα ἐστάγαν* ut Parisini, *ἐστάγαν* ut Hamburgenses? Multo minus, ut opinarer debere ab eo in citationem ex Zosimo ad libri xxiv cap. 6 §. 15. voces *Caesis Persarum plus minusve duob. mill.* addi negativam *οὐ*, quae interciderat in numero caesorum Romanorum *οὐ παλαιοῦς*. Itaque ubi tam accurate omnia sunt gesta, debemus scilicet nobis imaginari rectius ad librum xxvii cap. 9 circa finem edidisse Hadrianum *constitutione Arcad. Honor. et Theod. Impp.* et paulo post *constitutio Valentinian. Theodos. Arcad. Impp.* quam scripisse Lindebrogium utroque loco *Imppp.*

Et quidni ridicula accessio est notae Lindebrogianae ad libri xvii cap. 10 §. 2. voces *Veiovis fulmine*, ubi apponit Parisina editio [*Diiovis* meminit et Gellius loco supra laudato] Id quum sit nulli bono, tum ipse vidi non id ita profectum esse ab Lindebrogio, qui ad vocem *Diiurnius* in ea nota ex Glossario citatam in margine adscripserat [*γρ. Diiovis. Gell. ibid.*] Id testatur hodieque codex et manus eius, quae sunt Hamburgi, et unde ipse descripsi. Caeterum ut pateat porro licentia, qua in notis Lindebrogianis quicumque ille fuit Parisiis usus sit, notabat aliqua vir egregius ad locum libri

xv cap. 8 de ritu et apparatu allocutionum e tribu-
nalis suggestu, scribens in fine: [Sed ut res magis
in oculos incurrat, nummi veteris typum, eorum
gratia qui minus in hisce studiis versati sunt, appo-
nere placet; in quo et tribunalis forma, et signo-
rum in hac parte effigies apparet] quibus adiecerat
nummum Probi Imperatoris. Et verba haec omnia
et nummum omisit ista Hadrianaea editio, nescio
qua auctoritate. Quod quidem fastidium tanto est
stultius, quod illum ipsum nummum videatur fere
verbis describere Henricus ad librum xvi cap. 12.
Vice versa in libro xx cap. 5 §. 10. ubi Genii Publi-
ci mentionem facit Ammianus, appingendam Gallia
iudicavit effigiem Genii Publici tam nugacem, ut
nihil supra, quod vel sola barba densior probat,
quae in temporis eius nummis, ubi frequentissimus
Genii Publici typus, nunquam apparet, et tantum
Genio senatus adfingitur in nummo Antonini Pii.
Et utique cum descriptione Lindebrogiana non con-
venit iste typus; quum illa statuatur fuisse velato ca-
pite, quod in hac figura aliter habetur. Sed etiam
ut sciat lector, unde illam petiverint, aut ubi Lin-
debrogius eam reperiri significaverit, citatos illic
videbis *Pisonem, Chorel, et qui porro de hac re*
scripserunt, quum intelligat Choulum.

An vero Hadrianus is fuit, qui Lindebrogii
Graeca excerpta debuit tantopere vituperare? an
aut ipse, aut universus orbis ignorat, quoties illa
ipsa Lindebrogiana excerpta iteret frater eius Hen-
ricus et modo non sua facere cupiat? An libro xiv
cap. 11 §. 10. insolentiam Diocletiani, qua excepit
Maximianum, ex Rufo Festo et Eutropio non pri-
mus notavit Lindebrogius, et secutus fuit Valesius?
Et similiter ibidem agitur in locis Velleii de fato-
rum more? An de alumine libro xx cap. 11 §. 13.
ex Gellio non idem affert Valesius, quod Linde-
brogius ante attulerat? Sed ut hic male ponit nu-

meros *lib. 15 cap. 5*, ita et altera prave *lib. 16 initio*, quum sit 15, 1. An solus aut primus Valefius est, qui Ammiano restituit *lib. xx cap. 3 §. 11. ἀπόκρουσιν σελήνης*, aut explicuerit, et non antecessit Lindebrogius? Ille quatiens scutum Iulianus et locus Vegetii ex libro ii cap. 14 nonne ab Lindebrogio ostensus et explanatus fuit Valefio? An Massagetarum Hunnos vocari in loco Procopii non ex Lindebrogio repetivit Valefius ad librum xxiii cap. 5 §. 16? An armorum crepitum in assensu et locum Iulii Caesaris ex libro vii belli Gallici aliunde huc attulit, quam ex Lindebrogio, aut saltem post eum? An libro xxv cap. 3 §. 13. de praeliis Marcelli discrepantem numerum ex Plinio et Solino non antecedens Valefium Lindebrogius notavit, et illas ibidem adoras obumbratas ab Catilina ex Solino per imitationem petitas sic notavit primus Lindebrogius, ut tamen Valefius id ipsum quoque inculcaverit ita, ut nihil prorsus praeter Lindebrogiana afferret? An libro xxvii cap. 6 §. 14. ubi Ammianus laudat in iudice, si sit legum similis, non Lindebrogius est, qui id ab eo fieri ad imitationem Ciceronis libro 2 de Offic. c. 12 notat prior, et Valefius est qui tamen illud excerptum Lindebrogianum suis immiscet? Scilicet quum Valefius libro xxxi cap. 2 §. 23. de gladio apud Scythicos populos culto tam large locum Iornandis excerptit, persuadere nobis vult Hadrianus ab eo non fuisse visum Lindebrogium iisdem verbis excerptis illustratorem eius ritus. Denique quid est, quaeso, quod ad libri xv cap. 9 extr. voces *Pronuntiarunt animas immortales* inter novas ab Henrico accessiones ostendat Hadrianus [Idem de Gallis dicit Mela cap. 2 lib. 5] an non septuaginta annis ante et viderat et indicaverat ad eas ipsas voces Lindebrogius?

Et quid si ad alterum ex Germania non spernendum sane virum transierimus? Nonne libro xiv

cap. 6 §. 6. ad voces *populi Romani nomen circum-*
spectum et verecundum Ianus Gruterus est, qui ad
 postremae vocis illustrationem iam ante advocaverat
 auxilium ab Casaubono praestitum in historia Au-
 gusta, ubi et istum locum et ex libro xxi coniunxit,
 et *aidolois* supplices ostenderat? Nonne eiusdem
 libri cap. 7 init. pro eo quod vulgo legitur *diffimu-*
lata licentia, Gruterus est primus, qui rogavit [An
 fuit? *diffeminata*.] Sequutusque Boxbornius scri-
 bit [*diffeminata* scribendum hic est, quod nemo
 non videt] velut ultro confessus debuisse iam aliis id
 occurrere. Vide iam, quam sero veniat Valesius.
 Ibidemque cap. 11 §. 32. nonne Gruteri est *Eadem*
Mancinum dedit Numantinis? Rursus libro xvi
 cap. 2 §. 12. *Circumdatus retiis busta* non ex utroque
 MS. annotavit Gruterus? Et cap. 12 §. 40. quum
 Caesar exclamaret *Redeamus ad nostros, saltem*
gloriae futuri participes, si eos pro republica dimi-
cantes non relinquimus inconsulte, Gruterus utique
 prior exstitit, qui ad ea notaret [Editio Accursiana
 negativam ut insererem suavit] post notavit etiam
 Valesius [Negativam particulam, quae in cunctis
 exemplaribus deerat, ex Mar. Accursii Editione sup-
 plevimus.] Libro xvii cap. 15 ad verba *Plus aesti-*
mantis creare quam asferre barbaris Regem notat
 Gruterus [Credo voluisse scribere *auferre*] Notat
 et Valesius [Legendum videtur *quam auferre*] egre-
 gio concentu. Totum excerptum ex Curtii libro 4
 ad verba Ammiani *apud Persas silentii colitur nu-*
men libro xxi cap. 13 §. 30. non Valesius recensuit
 post Gruteri indicium? aequae ac locum Livii de se-
 natoribus Campanis vino distentis ad librum xxix
 cap. 5 §. 54. idem excitavit primus Gruterus, ac
 secundus iteravit Valesius: aequae ac locum Taciti
 ex libro 15 ann. cap. 57 de Hermunduris et Chattis
 ob salem contententibus produxit primus Gruterus,
 et tanquam echo resonavit eundem Valesius ad librum

xxviii cap. 5 §. 4. Et quod libro xxiii cap. 5 scribit Ammianus *Ut suadere nobis laboret monumentorum veterum fides*, ex Floro petatum esse observavit primus Gruterus. Etiam libro xxv cap. 4 §. 20. *Ni transissent ad numinum cultum*, sane Fauchetius Gruterianus coniecit ex Theodoretto lib. iii cap. 6: et quod ibidem §. 22. legitur ad voces *figura tali situque membrorum*, omne est Gruteri. Illud verissimum in libro xxxi cap. 2 §. 11. *ad omnem auram incidentis spei novae perquam mobiles* non est nisi unius Gruteri. Immo illud Hadriani *cum prope in acie starent* libro xxvi cap. 9 §. 3. publicavit ex libro Fauchetii Gruterus. Sed et alterum eiusdem eod. libr. cap. 6 §. 17. ut in Ammiano restituatur *redivivas nebulas debitorum*, significavit tanto tempore ante Franc. Iuretus in Miscellaneis ad Symmachum lib. i epist. 26, et ex eo notavit quoque Gruterus.

Neque idcirco imminuitur apud me, aut haec colligo, ut imminuatur apud alios gloria laboris huius, quo Henricus Valesius, vir nunquam sine honore nominandus, divine Ammianum expolivit. Illa profecto sunt *ἐκ νέεθνος*, illa cedro digna. Neque etiam is est, qui sic de Lindebrogio scribit. Verum ut ne bene cedat Hadriano tam temere pronuntiasse, ubi nec commodi quidquam inde oriebatur, nec alter erat meritis. Utique quum Lutetiae versarer, non audiivi Hadrianum talem fuisse, qui mentiri non posset; quod egregie illum praestitisse reor in vita fratris, viri certe *ἐπιεικοῦς* et de ratione sua modeste cogitantis, humaniorisque, quam ut ante annum vitae lx annos suos non attenderet, et ab mea demum epistola hoc didicerit.

Habes, lector, pignora firmissima et experientiae indubitabilis fulcra, unde de postrema editione Parisina iudicare queas, an ea sit, quae priorum editionum bona complectatur, earundem vero vitis

careat; pariterque causas, quibus ego ad hanc editionem comparatus fui. Sed praeter haec quum scirem hunc esse genium postremae editionis, cui nihil aliud acceptum referri potest, nisi aucta commentaria maximorum virorum, Lindebrogii et Valesii, et quasdam bonas restitutiones ex codice Colbertino; et tamen Ammianus is esset, qui etiam praeter Valesios fuerat diligenter lectus ab aliis eruditissimis hominibus, vel aequalibus vel eorum vitam quacunque parte tangentibus, quos in exemplari meo notaveram; ipsa dulcedo, quam studiis meis attulit Ammianus, ipsa propensio, qua Ammianum et studia prosequor, compulit me prospicere, ut vel aliqua saltem parte prodessem Ammiano, vel ad eius cogitata aut scripta lectorem locis quibusdam revocarem. Etiam ipse fueram diligens et attentus in consideratione lectionum, quae ex MSSis erant prolatae. Ex his sustinui nonnulla suis locis adspargere lectori, ut spero, futura et probabilia et opportuna et iucunda. Equidem magnopere optassem, ut ad Lindebrogii exemplum potuissent ab sese impetrare Valesii, ut similem Variarum lectionum, quas ex tot collationibus veterum exemplarium contulerant, syllogen et indicem exarare voluissent, ut facile factu illis fuit. Est enim in huius auctoris antiquis codicibus eadem ratio, quam observavi in epistolarum Ciceronis ad Atticum vetustissimis et fidelissimis exemplaribus, ut non turbide per variorum hominum hariolationes in diversa velut portentosa ludicra discedant, sed fere consentiant, et presse retineant similitudinem priscae lectionis, simulata per summam fidem imitatione veteris scripturae, licet eius sententia periisset; unde nunquam dubitavi, quin quod veram eorum qui scripserunt manum non habeamus nec assequamur, non alteri causae id attribui debeat, quam imbecillitati nostrae, quae aut iustam

ansam recōrrigendi arripere nequit, 'aut non' semper nos ad restitutionem satis instruit. Quod si exemplarium Valesii inspectorum, et ut reor, annotatorum singulae notulae publicarentur, praestare ausim futura longe plura, quae ad instaurandum Ammianum a nobis possent proficisci. Nam non negabo specimen. Sic libro XIV cap. 6 §. 20. dicuntur feminae *iactari volubilibus*, aut ut Valesius *volucris*, *gyris*, quum in codice Regio, ut et Romana editione advertat pro media voce exstare *volvetur*. Quaeso quae probabilitas huius rei aut quae convenientia inter eas voces? Certe longe verisimilius accidet hinc unicuique, auctorem scripsisse *iactari volucriter gyris*. Illa enim vox est Ammiani, ut patet ex Lindebrogianis ad librum XXVIII cap. 6 et infinitis locis. Sic eod. lib. cap. 11 §. 21. dicitur Gallus Caesar *terrore propinquantis exitus iam praesepultus*. Observabis, mi lector; exitum pro perniciē nunquam poni ab Ammiano, prorsus dico nunquam. Nam alia locutio est, quum ait *gloriosos vitae exitus*. Et hinc contigit, ut quum libro XXV cap. 3 §. 8. olim legeretur *magno spiritu contra exitum certans arma poscebat et equum*, Gruterus ex Fauchetianis membranīs restituerit *exitum*. Quod iam satis suspectam facit hanc vocem. Quin et editio Romana habet *exituam*. Nec potest esse dubium, quin dederit auctor *propinquantis exitii iam*. Sic millies hanc vocem adhibet. Libro XV cap. 1 §. 3. pessime Hadrianus edidit *confestim a iustitia declinavit ita intemperanter, ut aeternitatem eam aliquoties assereret ipse dictando*, imitans Lindebrogium, quum editio Romana, Augustana, Henrici legat verissime *Aeternitatem meam*. Sic enim innuit ipsum dictasse aut in epistolis iussisse scribi *Aeternitas Mea*. Libro XV cap. 5 §. 34. *Ut Romae in circo maximo populus, incertum ratione quadam percitus an prae-*

sagio, SILVANVS DEVICTVS EST, magnis vocibus exclamaret. Sic edunt hodie plerique, quum in Romana editione habeatur *praesagio et Silvanus devius magnis*, Augustana *praesagio ut SILVANVS DEVIVS magnis*, priore loco voculam *ut* non agnolcente. Hic tacent Valesii, quum utique sit aliquid non satis certum. Quasi vero pugna ingens expeditioque suscepta esset, cuius exclamaretur felicitas. Unus Lindebrogius notat in MS. Florentino legi *Et Silvanus devii est*, nec dubito quin tale quid fuerit in codicibus per Valesios inspectis. An igitur cunctari possumus, quin ex eo credamus clamorem istum fuisse, et Ammianum scripsisse, *SILVANVS DESIIT ESSE*, quam decessoris mei Zuerii Boxhornii coniecturam pro verissima amplector. Eodem libro cap. 6 §. 2. *Ne vi nimia tormentorum levi corpore fatigato, reos atrocium criminum perspicue citari faceret multos.* Sic edidit Hadrianus nescio qua fiducia, certe ineptissime, quum omnes ante eum pro undecimo vocabulo *promiscue* vel *promisce* legant, quorum utrumcunque est verissimum. Libro xvi cap. 5 §. 1. miror contemptis libris MSS. edi *ex rhetris Lycurgi et axonibus*, quum Augustana *ex Lycurgi id est axonibus*, aequae ac miror in MSS. ipsis legi teste Valesio *ex rhetris Lycurgi, id est axibus*. Expressum vero id vidi in Romana editione *Lycurgi. 1. axibus*, quum utique sciverit Valesius, sciat omnis orbis, posteriores non esse Lycurgi, sed Solonis. Gruterus silens de excerptis duorum codicum, quae habuit, suspicatur excidisse eam ipsam appellationem ob similitudinem literarum, quae prava accusatio est bonorum librariorum. Nam nihil certius potest esse, quam ab ista concordia codicum nos eo duci, ut credamus dedisse Ammianum *ex rhetris Lycurgi, item axibus* vel *axonibus*. Quippe infinitis exemplis constat solita esse in MSS. libris commisceri

idem, item, id est: et sic alia nota perperam intellecta fecit, ut libro xvii cap. 12 §. 6. *esse Valeriam* exhibeat Romana, quum in MSS. sit *cc*. Eodem libro xvi cap. 11 §. 4. *Invasere Lugdunum incautam: eamque populatam nisu valido concremassent*. Sic putant Valesii se recte defunctos esse, quia alibi *nisu valido firmare* dixit auctor, quum MSS. libri hic legant *visu . . a concremassent*. Quaeso per Musas! unde hinc liquide exsculpi potuit *nisu* ille validus? Utique testatur ipse primam literam in scriptis exstare *v*, non *n*: deinde finalem et proximam verbo *concremassent* esse *a*, non *o*. Quid inde potest sequi, nisi ut scripserit *populatam visumma concremassent*, ut xxiii, 6. *Quibus ineuntes praelia viri summa vi vehi exsultantes solent*, xxix, 1. *Quorum summa vi salus crebro oppugnabatur*. Alibi *nimia vi* solet scribere. Sic indigne videtur tractari Ammianus lib. xvii cap. 4 §. 15. de obelisco. *Sola post haec restabat erectio, quae vix aut ne vix quidem sperabatur posse compleri: erectisque usque periculum altis trabibus, ut machinarum cerneret nemus* etc. Unde illic inolevit *τὸ erectisque*? Editio Romana habet *id est isque periculum*, quod haud dubie est ex Mss. Augustana *id est absque periculo*. *Altis*, ex mutatione editoris. Unus Lindebrogius Romanae editionis lectionem ab codice Florentino testatur confirmari. Non possunt aliter in MSS. suis invenisse Valesii. Et cur tacent? Si verum vis, scripsit Auctor *fixis usque ad per*. Semper certe illo verbo in tali negotio utitur. xix, 2 *acies immobiles stabant, ut fixae*. xx, 7 *machinae haerebant velut altis radicibus fixae*. Alibi *fixis tentoriis*. xxii, 15. *Si stipitem quisquam fixerit rectum*. Sic libro xvii cap. 5 pro *maximopere* una editio Romana, fidelissima scripti codicis imitatrix, habet *maximo opere*. Sic libro xvii cap. 9 §. 2. legitur *sperans ex Chamavorum segetibus id*

suppleri posse, quod ablatum est. At in Romana editione non exstat illud *posse*. Quod propterea non dubito etiam abesse ab libris scriptis, et immissum ab illis, qui non cogitabant *suppleri* hoc loco usurpatum pro suppletum iri, ut in Cicerone idem apprehendi tum alibi, tum in epistola xviii ad Brutum: estque idem lapsus, quem Valesius inducere in Ammianum voluit, quum in libri xiv postremis verbis legendum se ait coniecere *scrutari posse putabit*, quum media vox in nullo legatur antiquo codice, et Gruterus recte iam *τὸ putabit* confirmans statuisset eius interpretationem esse *scrutari poterit*, at Boxhornius rem non perspicue videns malo sensu daret *scrutari putabit*. Sane omnia perperam, et unica veritas in vetustis libris. Sed neque unquam intelligere potui, aut ad intelligenda quisquam praeit verba libri xv cap. 3 §. 4. *Inter quos facile Paulus et Mercurius eminebant: hic origine Persa; ille natus in Dacia: Notarius ille; hic ex ministro triclinii Rationalis.* Neque etiam dubito, quin tantundem intellexerint duo Valezii, quod ipsi facile fatentur ex ore unius Henrici, qui animadvertit in libro xiv cap. 5 non procul ab initio hunc eundem Paulum in Hispania natum esse dixisse; adeo ut inde colligat aperteque statuatur in altero horum locorum mendum esse necesse esse, quum et in actis passionis Artemii hic Paulus notarius Hispanus dicatur. Sic ille maximus vir nodum nectit iustissime et firmissime, sed non solvit; cuius rei tamen copiam ei fuisse in usu tot veterum codicum mihi imaginor. Neque ego mihi satisfecissem, nisi prima illa Romana editio, certe veteris libri instar, mihi fuisset ad manum, quod benignitati Amplissimi et Consultissimi Viri IOANNIS DE WIT debeo. In ea legitur, *hic origine Persa natus in Dacia.* Ex quo patet *τὸ ille* non fuisse in Msto libro, unde ista editio fuit expressa. Sed neque illa vox apparet in

editione Augustana. Hinc patet oportere istam vocem expelli, et continenter scribi *hic origine Persa natus in Dacia*, nempe Mercurius, cuius solius modo patriam inculcare debuit, non item Pauli, de quo id fecerat libro praecedente. Paulum ibi dixerat Hispanum esse: nec operae erat aut hic aut alibi id ipsum iterare. De Mercurio nunc notat maiores eius fuisse Persas, quum ipse natus fuerit in Dacia, parentibus eius quancunque ob causam migrare ex Persia in Daciam coactis, exemplo eodem, quo ille apud Parisios natus in Galliis ad Persas abierat profugus, exindeque sortita coniuge, liberisque susceptis; Persis servierat, ut narrat libro xviii cap. 6 §. 16. Ita obscurissimo loco subventum vides. Sed in his, quae sic video residua esse, luxuriari, et late evagari possem, si ratio praefationis me non contineret.

Praeterea sunt nonnulla in notis Valclianis, de quibus admoneri publice refert, ut libro xxx cap. 1 in fine vult probare Ammianus ex Demosthene, nunquam similitudine aut impunitate alterius criminis delui id, quod contra ac liceat arguitur factum. Id appositis Demosthenis verbis illustrat Valesius, quae certum est ab eo descripta ex ipso Mureto, quem citat, ne inspecto tunc quidem Demosthene; quod liquide patet ex verbis *ὥσπερ γὰρ εἴ τις ἐάλω*, quae sic prorsus quoque citat Muretus, quum eorum sententia sit manca et imperfecta. Itaque et Quintilianus extendens amplius reddit *Nam ut si quis eorum damnatus esset*. Hunc genitivum, qui omnino necessarius est, in Graecis omitti vides. Atqui plenissime et optime Demosthenes, *ὥσπερ γὰρ ἂν τις ἐκείνων προήλω*. Ne dicam mox in Demosthene etiam non legi *οὕτως ἂν σὺ νῦν ἀλῶς*, sed *νῦν δίκην δῶς*. Citavit hunc locum quoque Theon in Pro-gymnasmatibus pag. 11, ubi scribit *ὥσπερ γὰρ ἂν τις ἐκείνων ἐάλω*. Ipsius vero huius ratiocinationis vim

claro exemplo firmare dicam an alludere videtur Livius in concione tribunorum plebis, *proditam Veiiis rempublicam esse ab ducibus, proditum deinde, quia illis impune fuerit, in Volscis ab consule exercitum* etc. vociferantium libro iv cap. 40. Item libro xvi cap. 11 §. 4. ad voces *Laeti barbari*, sumit Henricus occasionem, qua vult succurrere auctori *Panegyrici dicti Constantio Caesari*, ut scribit, quum verba ibi allegata essent in Panegyrico, qui dictus Maximiano Caesari, quod etiam satis ad-monebat mentio Diocletiani. Denique videas ab Ammiano in libro xxvi cap. 8 §. 3. fieri mentionem lacus Sunonenfis, de quo notat Valefius [Videtur porro hic Sunonenfis lacus idem esse, qui Ascanius a Geographis dicitur iuxta Nicomediam.] Quae coniectura binominis lacus iam diu antequam scriberet Valefius, ab Abr. Ortelio in mundum producta est, ut patet cuicunque ex Geographico eius Thesauro. Sed quis Ascanium lacum apposuit Nicomediae? Ortelius perspicue distinguit scribens [quo aut Ascanium lacum aut Nicomediensium designare videtur.] Et apud eundem Ortelium in v. *Nicomediensium lacum* Pet. Gyllius observat, de lacu supra Nicomediam scribere Plinium, quem falso quidam putent Ascanium, cum hic sit iuxta Nicaeam, distans ab illo amplius centum mille passibus, cuius fluvius influat in Propontidem, illius vero in Sagarim.

Sed neque audiri meretur Io. Pricaeus, dum in notis ad Apuleium Miles. librum vii pag. 559 notat [Ammianus lib. 26 ex Apuleio nostro *Gradum sensim referentes moris diuturnis excruciabant.* repono ex Auctore nostro *m. diutinis e.*] Locus hic exstat libro xxv cap. 6 §. 11. Quae coniectura est sine ulla causa, quum aliter potuerit loqui Apuleius, aliter Ammianus, licet saepe imitans, nunc tamen se retinens. Ut enim *diutinus* placuit Apuleio, (et

usus diutinus etiam Ammiano xvi, 12, at prope illic *usu praeliorum diuturno*) sic *diuturnus* Ammiano, unde alibi *aerumnis diuturnis attritus*, alibi *diuturna carie*, *diuturnos errores Aeneae*, *diuturna Principis permanſio*, *diuturnam morborum asperitatem*. Cui ipſi etiam nequaquam aſſentiendum cenſeo in eo quod ad eiusdem Apologiam aſſert, quaſi lib. xiv cap. 6 §. 11. ſcribi oporteret, *Dotatur ex aëario filia Scipionis, quum nobilitas et flos adultae virginis diuturnam abſentiam pauperis erubeſceret patris*. Graſſatur enim licenter contra veteres codices, qui manifeſte dictant fuiſſe *cum nobilitas florem adultae virginis diuturna in abſentia pauperis erubeſceret patris*. Sed etiam praeter caeteros animadverſione dignus locus eſt lib. xxvii cap. 5 §. 8. *collecta plebs infima Lampadii domum iniectis facibus incenderat et malleolis, ni vicinorum et familiarum veloci concurſu a ſummis tectorum culminibus petita ſaxis et tegulis abſceſſiſſet*. Ubi egregie Hadrianus excitavit renovavitque illud *vicinorum*, quod diſputat in praefatione; quum etiam in Vaticano libro exſtare ſciam, *ne vitiorum*, non *ne ſervitiorum*. Sed quum idem voluit *familiarum*, nequivi illuc accedere. Cauſatur familiares et amicos Lampadii, ſummum domus eius tectum conſcenſuros non fuiſſe, ſed opera ſervorum ſuorum ad arcendum incendium et ad repellendam plebem uſuros. Quaero cur non illi aequè, ac vicini? An vicini eius non erant aut poterant eſſe eadem dignitate, qua familiares? Cur autem familiares et amici eius, ſi ad manum eſſent, non conſcenderent ea cauſa tectum? praefertim ſi celeritatem ea res requireret? Familias ſumi pro ſervis tralaticium eſt. Et ſane teſtatur *familiarum* legi in codice Colbertino. Attamen putavi familiares magis convenire cum vicinis, quam ſervos, quum utique vicini poſſent eſſe ingenui. Quidquid ſit, quum priores conſentiant in *τὸ familiarium*, ne

quid abscondam, putavi Ammianum hic ante oculos habuisse Tullium, cuius verba sunt de senectute cap. 7. *Possim nominare ex agro Sabino rusticos Romanos vicinos et familiares meos.* Mulieres et servitia ex tectis iacientia tegulas et saxa iungit Livius v, 21. Neque tamen taceri debet, quod velut ex suo promit Valesius lib. xiv, cap. 2 §. 5. *Cognitis enim pilatorum caesorumque funeribus*, esse ipsum Boxbornii; perinde ac libro xv cap. 6 §. 3. eiusdem *εὐγεμνα* est *pondus largiretur*, etsi tanquam omnibus qui illud legerunt fatiscentibus scribat Valesius ex relationibus scripturae variae, quam ex libris priscais memorat, apparere sic legendum esse; atque etiam xvi, 11 §. 8. quod simili pompa profert, *concaede*, quod si inspexeris, palam dixeris vidisse Valesium in Boxbornio. Quin et libro xviii cap. 4 §. 5. quum Boxbornius in MS. notari ab Lindebrogio advertisset *paritas*, ex continenti subiecit [e quo facies *parvitas* aut *raritas*] limis oculis id praetermisit Valesius, quum quod Ammiano perierat, sic iam biennio ante in his oris fuerit restitutum, antequam innotesceret Lutetiae. Certe non ego is sum, qui amare possim notas domino suo uberiores. Ne et hoc reticeam, displicet in editione postrema Parisina varietas et inaequabilis in scribendo fluctuatio, ut *Samofata* modo ut foemininum singulare, modo ut neutrum plurale, nunc *Darius*, nunc *Dareus*, de quo notavit Henricus. Libro xiv, 8 *Cassii montis*, alibi *Cassii*. xvi, 4 edit *die noctuque*, sed xviii, 4 et xxviii, 4 *eandem incudem diu noctuque tundendo*. Libro xxix, 1 et xxxi, 2 edit *cladum*; ubi omnes, etiam Henricus ante eum *cladium*, quam formam retinet initio libri xx, et eodem libro xxxi, 16. Itidem *Gothi* et *Gotthi* in libro xxxi, cap. 2 hic *Euphratem*, illic *Euphraten*. Quartus pluralis nunc in *eis*, nunc in *es* terminatus. Quae omnia

omnia non alium in finem colligo, nisi ut pateat praeter lacunas hic illic hiantes insanum multa in hoc scriptore restare sananda, utque ad eam spem se erigant illi, quorum ea felicitas est, ut libros ante typographiam inventam scriptos queant inspicere.

Erant alia, quae ad Ammianum pertinentia post praefationes poterant addi, eiusdem scilicet generis collectanea, qualia ab Chifletio conscripta addi iudicavit Hadrianus, et huius exemplo etiam nos; etsi profecto digna, quae cum Henrici solida et perdocta praefatione iungerentur, nequaquam iudicantes. Talia sunt, quae conscripsit Ger. Io. Vossius, et Balthasar Bonifacius, similesque, ac modo Mart. Hankius. Sed quum ea ignorare nullus paulo humanior queat; neque quidquam afferatur, quod ante ipsos ignotum orbi fuit, facile permittimus, ut in eis ipsi auctores sibi placeant.

Atque ita meo et loco et nomini responsum, ut opinor, erit, haec qualiacunque nominari merentur, exaraville; et tum publicae eruditionis adiuvandae ergo, praesertim vero ut nostratum iuvenum ingenia, mirum quantum noxiis consiliis in arctissimas, quas falsa sed gloriosa insigniunt multarum historiarum specie, compendiorum angustias et vanas hodiernorum acroamatum quisquillas conclusa, ista etiam varietate pascantur, in hac statione mea istum quoque pulverem collegisse. Quod si tamen hic titulus nimium conspectus nimiumque honestus videtur, licuerit mihi me in hanc laboris placiti faciem commisisse, ut etiam Hylas a me dictus fuisse ostendatur, vel potius ab Ammiano dictum fuisse Hylam me ostendente appareat: quod ne proverbiali iaculatione in alterutro a me scribi opineris, testabitur libri alterius ab vigesimo caput octavum. Hinc iam nihil nisi publicae benevolentiae haec discrimina mea commendo; in quae prae-

ter causas iam memoratas tanto facilius attrahi me toleravi, quod hic ipse Ammianus erat, cuius exemplar ab Lindebrogio usurpatum, primum omnium inter vetustos Florentiae codices vidi, quum bibliothecam S. Marci elegisset ad committenda benevolentiae suae, quae immensa et incredibilis futura erat, pignora Illustris et tum de omni studiorum ac studiosorum hominum genere, tum de me et fratre meo optime meritus ANTONIUS MAGLIABEQUIUS, et hunc ante omnes codicem e forulis produci iubendo tacitum eius amorem, infixum quidem iam ante, longe ardentiorum inspirans sic quoque me devinciret ad grates laudesque aeternas Illi agendas. Vale igitur, Lector, et tibi gratulare, quod, quantumvis duro, aspero, incompto et plane barbaro sermone, ut ex lascivis omnino ingeniis nonnulli sustinuerunt opinari, scripserit Ammianus; id tamen quod iidem spernendi profecto et pro nugacibus damnandi addiderunt, scripsisse ita, ut vix quid dicat consequi possis, rebus queas refutare, ac partem saeculorum utique dignissimam, quam et Christianus homo recognoscat, certe clareque contemplari.

HADRIANI VALESII
 HISTORIOGRAPHI REGII
 AD LECTOREM
 PRAEFATIO
 IN POSTERIOREM AMMIANI M. EDITIONEM.

HISTORIAM Romanam antiquitatis studiosi semper ceteris omnibus non immerito praetulere. Nam cum Imperium iam inde a Iulio Caesare atque Augusto maximas ac nobilissimas Europae, Asiae Africaeque Provincias complectatur: accidit res Romanorum legentibus, ut uno simul tempore in unius populi bellis civilibus ac externis, omnium nationum, et totius fere generis humani per orbem terrarum gesta cognoscant: quo quid fieri, quid fingi potest utilius atque iucundius? Inter Historiae Romanae Latinos Scriptores proximum Cornelio Tacito et Suetonio Tranquillo, quos et secutus est, locum tenet Ammianus Marcellinus, res Romanas annorum cc. xxiii. ab exortu Nervae ad Valentis Aug. mortem xxxi. libris complexus. Hunc Itali, Galli, Vindelici, ipsi etiam Germani, alique clarissimi Europae populi certatim in membranis diligentissime descripserunt, et in nobilissimis ac locupletissimis Bibliothecis servandum curaverunt. Ex quo iudicari potest, quanti celebrem Auctorem fecerint, cum tamdiu tam assiduam operam dederint,

ut (quantum in ipsis erat) salva ad posteros eius Historia perveniret. Intelligebant nimirum utilitatem Operis, quo plurima memoria dignissima continebantur, quae ab aliis partim transcurfu dicta, aut in artum contracta, partim etiam ex toto omissa esse constabat. Post inventam artem impressoriam, eruditis ingeniis non minor fuit cura librorum Ammiani. In Italia, in Gallia atque Germania docti clarique Critici atque Typographi, ope, codicum antiquorum adiuti, pro se quisque Ammianum publicare, dum alii alios sagacitate, iudicio ac labore superare contendunt: nec ullum alium Scriptorem toties typis mandatum memini. Igitur anno M. cccc. lxxiv. Romae, ubi nata et composita fuerat, primum edita est Ammiani Marcellini Historia, studio A. Sabini Poëtae laureati. Secuta est Romanam aliquanto post editio Bononiensis in Aemilia; mox Basiliensis Iohannis Frobenii; tum unius eiusdemque anni duae, altera Mariangeli Accursii Augustae Vindelicorum, v. libris Ammiani auctior; altera Hieronymi Frobenii Iohannis filii Basiliae Sequanorum, curante Sigismundo Gelenio: anno xiii. post iterum alia Frobenii Basiliae, uno libro locupletior: Roberti Stephani, deinde Henrici Stephani editiones Luteciae Parisiorum, Sebastiani Gryphii Lugduni Segusianorum, alibi aliae, quas singulas ac universas enumerare difficile sit ac supervacaneum. Et illi quidem Editores ad unum omnes tantummodo curaverant, ut Ammianum Marcellinum emendatiorem et auctiorem haberemus. Primus Fridericus Lindenbrogius Hammaburgensis I. C. vir eruditus et diligens, quod nemo antea tentaverat, facere aggressus est; nec contentus auxilio codicis Florentini aliqua in Ammiano correxisse, anno M. dc. ix. Auctorem intellectu perquam difficilem perpetuis observationibus exposuit: varias etiam codicis Florentini ac priorum editionum

lectiones adiecit. Lindenbrogium Ianus Gruterus excepit, qui Ammianum ope veteris codicis emendatum, sed nudum a notis et observationibus publicavit. Hec notandum est, Marcellini XIII. priores libros, quibus res CC. LVIII. annorum continebantur, summo Historiae Romanae damno in omnibus praeis codicibus desiderari; posteriores libros octodecim paene eisdem ac totidem ubique lacunis deformatos reperiri.

Ad hunc igitur modum se habebat Ammianus Marcellinus, et duabus postremis eius editionibus plerique adquiescebant. Intellexit Henricus Valefius frater meus, veterem ac bonum Historicum, iniuria temporum, negligentia scriptorum, et audaci nonnullorum Criticorum inscitia depravatum ac mutilum, validioribus remediis indigere, ut in pristinum nitorem restitueretur: et suscepto improbo labore, veterrimas Marcellini editiones, quae nobis membranarum ex quibus desumptae sunt, instar esse debent, diligentissime evoluit, et cum optimis codicibus mss. contulit, ut celeberrimi nominis Historicum, quantum fieri poterat, emendaret. Ut autem notis diffusis, doctis ac laboriosis eundem explicaret, et omnibus fidem diligentiamque praestaret; non Historiae solum Romanae Scriptores Latinos ac Graecos ad Ammiani tempora pertinentes, sed etiam quoscumque alios aequales eius aetatis aut supiores, Leges quoque Romanas Codicis Theodosiani exacte perlegit. Ea ratione Marcellinus a mendis quamplurimis vindicatus, et anno M. DC. XXXVI. Parisiis est editus vivo adhuc Lindenbrogio: et una cum difficillimis quibusque Auctoris locis Romanae eorum temporum antiquitates ac leges, dignitates Palatinae, civiles, ac militares explicatae. Nihil Valefius intactum, nihil intentatum reliquit: nullos (si ita loqui licet) scopulos metu periculi aut laboris vitavit. Miratus est Lector

sollertiam, sagacitatem, acumen, felicitatem etiam hominis singularem in corrigendis desperatis Ammiani locis; doctrinam in exponendis: altissimum eius ingenium, acerrimum iudicium, variam ac interminatam eruditionem tum agnovit quisque atque suspexit. Superfuit Valefius editioni Ammiani annis quadraginta. Per tot annos licet Historiae Ecclesiasticae aliisque operibus vacaret, nihil sibi patiebatur elabi, quod ad Ammianum Marcellinum pertineret: ut quidque occurrerat, sedulo adnotabat, et libro suo curabat adscribi. Sic sensim accreverunt emendationes observationesque, tanto pluris faciendae, quanto altioris ac diuturnioris erant meditationis. Hae observationes ac emendationes novae, et raritas venalium exemplarium alteram Ammiani Marcelli Editionem tacite postulabant. Vivo adhuc Valefio, novae Editioni Blavius Typographus Batavus, post eo mortuo Elzevirius eiusdem regionis Typographus imminebat. Intercessit Illustrissimus Colbertus, et pro summa sua in litteras litteratosque voluntate, Ammianum Lutetiae publicandum curavit, ac mihi editionis curam onusque delegavit. Optandum quidem mihi fuerat, ut meis potius quam alienis operibus manus admoverem, et magis ut propriis quam alienis scriptis edendis inclarescerem: si tamen aliena dici possunt, quae arte sanguinis et nominis ac vitae studiorumque communitas pro domesticis haberi iubet. Ultro igitur parvi mandatis amplissimi et excellentissimi viri, cui iure a quoquam negari nihil potest, et cunctis sepositis quae in manibus habebam, huic uni negotio totus vacare constitui. Ac primum singulis Ammiani libris suam epitomen varia in capita distinctam praeposui, ut cuncti quid unoquoque libro contineretur, statim in prima eius fronte notatum conspicerent: singula capita cuiusque epitomes marginibus paginarum suo quodque ordine ap-

posui: Imperatorum nomina, paria Consulum, et annos Christi nati singulis paginis, quantum fieri potuit, exacte praefixi, ut legentes statim scirent, sub quo quidque Principe et quo anno gestum esset. In Ammiano deletis, quae communi doctorum consensu mendosa et damnanda erant, emendationes Valesii, Criticorum ac veterum membranarum auctoritate confirmatas, quasdam etiam certa coniectura fretas substitui. Quae a nonnullis ad implendam sententiam verbis Ammiani Marcellini erant inserta, duobus uncinis inclusi, quoties in priscis codicibus scripta non reperiiebantur. Notas fratris posteriores a prioribus distinxi, ac duobus asteriscis inclusi, ut omnes intelligerent ac viderent quae post editum Ammianum nova observavisset, ac Notis suis adiecisset. Addidi et inserui ipse non raro adnotationes ac observationes meas, quotiescumque verba Historici nostri explicationem postulare videbantur, et quoties codicis Colbertini, de quo infra plura dicturus sum, et codicis Valentini, ex quo varias lectiones P. Pithoei manu notatas legi, aliam in sententiam me trahebat auctoritas. Eiusdem codicis Colbertini passim mentionem feci, quoties cum aliis codicibus conveniebat, aut fratris mei emendationem opinionemque comprobabat. Notarum mearum pars est, disceptatio de Hebdomo. Et quoniam mea a fraternis discernenda erant, ne a legentibus confunderentur, ea duobus uncinis diligenter inclusi. Itaque quidquid in Notis duobus uncinis clauditur, meum est. Ammiano Marcellino subiunxi de Constantio Chloro, de Constantino Magno et aliis Imperatoribus Excerpta vetera Auctoris ignoti, et ex libris Chronicorum de Odoacre et Theoderico Regibus Italiae nonnulla magni facienda, quae Valesius a V. Cl. Iac. Sirmundo amico suo acceperat, ac notis illustraverat. Adieci Indicem rerum memorabilium, quae Ammiani Mar-

cellini libris, notisque fratris ac meis continentur, quam maxima potui cura diligentiaque confectum, cuncta ad Historiam Romanam atque ad doctrinam pertinentia complexum. Nuda enim nomina provinciarum, urbium et locorum, atque quarumlibet dignitatum, et exempla ex antiquitate petita, ac Philosophorum de rerum natura, ac de moribus, Theologorum de Diis Gentium placita in Indice notare inutile ac supervacuum existimavi. Fridericus Lindenbrogius post editum Ammianum vixit annis plus minus triginta: quo toto temporis spatio non oblitus tanti Historici, suis Observationibus plurima adiecit: quae ex urbe Hammaburgo ad me missa, corpori eius Observationum adiunxi, ac suis quaeque locis inserui. Cunctas istas accessiones duobus asteriscis medias interposui, ut a prioribus Observationibus separarentur. Addita sunt et ipsius Collectanea Variarum Lectionum. Antonius Oiselius, Loisellus aliis dictus, vir doctus, codicem quemdam Ammiani M. Valentiae Segalaunorum evolverat, cum ibi anno M. D. LX. sub Cuiacio Professore Ius Civile disceret: sicuti Petrus Pithoeus, Cuiacii quoque auditor, eadem in urbe anno M. D. LVIII. ex eodem codice varias lectiones excerpserat, et in margine Ammiani sui, Lugduni anno M. D. LII. a Gryphio vulgati, manu sua adnotaverat: quas mihi beneficio V. Cl. Fauri Doctoris Theologi nancisci contigit. Hunc codicem Ammiani M. qui Antonio Oiselio et Petro Pithoeo Valentiae magno usui fuit, et eidem Pithoeo non multum vetus, sed ex vetustissimo descriptus dicitur, Valentinum voco, et tum in alicuius Valentiae Monasterii Bibliotheca servatum fuisse existimo. Excerpta Oiselii atque Pithoei, ut ex eodem fonte hausta sunt, inter se consentiunt. Oiselii pauculas notas a Lindenbrogio descriptas reperi: quas ne quis desideraret, Lindenbrogii Observationibus sub-

texendas duxi. Librum Claudii Chifletii I. C. Sequani de Vita A. Marcellini, et eiusdem libellum de dignitatibus praecipuis eorum temporum quae sunt ab A. Marcellino descripta, opuscula minime contemnenda emendavi ac recognovi, et post Praefationem fratris mei, Historiae Ammiani praefixi. Omni denique ratione operam dedi, ut nostra editio esset quemadmodum postrema sic optima, et omnibus numeris absoluta. Chifletius iste in Vita Ammiani non semel meminit *Scholorum suorum*, quibus eum Historicum exponere conatus erat: sed ea numquam edita sunt, nec apud Chifletios usquam hodie reperiuntur.

Marcellus Donatus Ponzanus Comes, homo Mantuanus genere clarus, circa annum M. DC. scripsit Dilucidationes in T. Livium, in C. Tacitum, in C. Suetonium Tranquillum, in A. Marcellinum, et in v. Historiae Augustae Scriptores: quas omnes Ianus Gruterus sui Thesauri Critici Tomo VI. inseruit. Sed nec Graecos nec Latinos Historicos eorum temporum laudat, nihil ad Historiam Ammiani pertinens tractat, nullos aequales eius aetatis Auctores attingit; Caelium Rhodiginum, et Alexandrum ab Alexandro, at quos Criticos? Italos Italus saepe nobis obtrudit. Praeterea nullis codicibus adiuvatur: ac de Officiis tantum Palatinis, civilibus et militaribus paucula infeliciter effudit. Quare Observationes eius, aut, sicuti maluit, obscurae *Dilucidationes* LXVIII. circiter pagellarum in A. Marcellinum, nobis indignae visae sunt, quas editioni nostrae adiungeremus. Nunc de A. Marcellino aliqua dicenda sunt.

Ammianus Marcellinus, Protector Domesticus, cum Uricino Magistro militum a Constantio A. in Orientem missus: postea eum in Italiam, deinde in Gallias, variasque orbis Romani partes secutus est: demum cum eodem in tractus Orientis revertit:

ubi quid Urficinus, quid ipsemet rerum egerit, et post mortem Constantii expeditionem Iuliani in Persas | cui interfuit, fuse enarrat. Eum patria Antiochensem fuisse, prolata Libanii ad ipsum epistola ita frater meus docuit, ut nullus dubitationi locus relinquatur. Petrus Pithoeus ad latus Ammiani sui manu sua notavit, eum Christianum fuisse, propterea quod in libro xxvii. c. 5 scripsit, *Antistites quosdam provinciales*, id est Episcopos Christianorum, parco victu, vili veste, et demissis oculis, *perpetuo numini verisque eius cultoribus ut parcos commendari et verecundos*. An ideo Ammianus Christianus habendus est, quod Deum Christianorum *perpetuum numen*, id est Deum aeternum, et Christianos *Antistites*, *veros perpetui numinis cultores* appellat? Quasi non *veros perpetui numinis cultores*, Ammianus vocaverit Gentiles ipsos ac sui similes, quibus quidam etiam Christianorum Episcopi in provinciis sanctitate vitae et verecundia commendarentur ac placerent. Ita tamen de Ammiano sensit et Claudius Chiffletius, cum verbis eius supra laudatis, tum aliis levissimis coniecturis adductus. Sed qui attente legerit, quae praeter cetera in fine libri xiv. de Adrastia vel Nemeli, quae in libro xvi. de Mercurio, quae in libro xxi. de numine Themidis, de Haruspicina, de Auguriis, variisque artibus futura praenoscendi, veteres Theologos suos et Physicos ac Mysticos secutus scripsit: profecto fateri cogetur, eum cultui Deorum addictum ac devotum fuisse. Certe de Diis Gentium tamquam de suis semper loquitur; de Christianis sacris Mysteriisque non item. Numquam Christianis se adiungit; numquam et nusquam eorum se numero adscribit: et Iulianum A. quem suum heroa fecit, hanc praecipue ob causam mihi videtur toties et tantopere laudare, quod a Religione Christiana ad numinum cultum desciverit. Qua tamen erat pru-

dentia, adeo modeste atque sincere, ac nonnumquam etiam benivole de Christianis rebus commemorat, ut aliqui unum ex nostris putaverint. Nimirum sicuti existimo, vir bonus, integer et sapiens Religionem Christianam non sequi tuto se posse intelligebat: eandem Principibus suis acceptam et toto fere orbe Romano diffusam palam damnare non audebat. Sed et forsitan religionum diversitates non improbavit, persuasumque habuit (sicut ait de notitia Dei Symmachus) una via non posse perveniri ad tam grande secretum.

Valentiniano et Valente imperantibus Ammianus M. militiae renuntiavit, et Antiochiam domumque rediit. Ubi post Theodori coniurationem patefactam atque oppressam, iniquo Iudicum Advocatorumque colludio litibus inquietatus ac vexatus videtur fuisse, non sine aliqua rei familiaris iactura. Sic enim explicanda iudico verba haec A. Marcellini in libro xxx cap. 4 §. 4. ubi in Orientalium Rom. causidicinam fuisse invehitur. *Ergo absolutis super eius indignitate paucis, quam in illis partibus (Orientis) agens expertus sum, ad coeptorum cursum regrediar institutum.* Quapropter indignatus, Orientali ac patriae valedixit iam aetate proventus, et Romam secessit Gratiano, Valentiniano et Theodosio Principibus, ut frater meus credit: ut ego malo, vivo adhuc Valente A. Tanta in urbe Ammianus cum domicilium constituisset, multos Senatores qui Clarissimorum titulo et Nobilium appellatione censebantur, sibi amicos adiunxit: quos Magistratu aliquo, in primis Praefectura Urbana egregie functos, ex occasione in sua Historia laudare consuevit. Hos inter primas tenuit Hypatius, vir Consularis, frater Eusebiae Augustae, ac Eusebii similiter Consularis, qui ex Oriente in Occidentem quoque transierat, et Romae sedem ceperat: quem in libro xxix. eximie laudat, et amicitia causa no-

strum Hypatium appellat. Adnumerandus est et magnis amicis A. Marcellini Eutherus, qui Constantis A. Cubicularius, deinde Iuliani Praepositus Cubiculi fuerat, ac Romae domicilium fixerat: cuius virtutibus in libro xvi. enarrandis vacat. Nec tum etiam defuere Urbi viri doctrina praestantes, quibus A. Marcellinus familiariter uteretur. Igitur ut erat homo nobilis et locuples, otii ignobilis impatiens, in tam iucundo suavique secessu totum se litteris dedit. atque ut miles quondam et Graecus linguae Latinae ac Historiae Romanae magis assuesceret, Catonem maiorem vel Cenforium, Caesaris Commentarios, Sallustium, M. Tullium Cicero- nem, alios utriusque linguae Auctores diligentissime evoluit: quos et passim in Historia sua laudat. Talibus et tantis praesidiis instructus, Historiam Romanam ab exortu Nervae usque ad Valentis A. interitum xxxi. libris Latine scribere aggressus est. Et priora quidem a Nerva ad Constantinum Maximum aut omissa maxima ex parte, aut negligenter et nullo rerum ac temporum ordine servato scripta hactenus fuerant, quae xiii. libris fusius ac multo diligentius exposuit, qui pridem magno Reip. litterariae damno desiderantur. Cetera a Magnentii caede ad Valentis mortem, quae vidit, quibus ipse interfuit, et quorum etiam aliqua pars fuit, aut quae ex amicorum relationibus didicit, xviii. voluminibus narravit. Haec ut notiora et oculis animisque aequalium inserta, aut memoriae infixata, latissime explicare conatus est. Sed prae ceteris in rebus Iuliani A. prope nimius haberi potest: in quo nonnulla quidem laude digna, multa nihilominus (quemadmodum ipsemet Historicus nonnumquam fatetur) vituperanda fuerunt. Certe scriptor alioquin diligens et veri studiosus, xi. fere libros Iuliani laudibus implevit: reliquos suae aetatis Imperatores, Constantium, Iovianum, Valentinianum et

Valentem, ceu invidos et detrahentes eius Principis memoriae, non raro deterit arguitque: paene ut mihi persuadeam, Ammianum unius Iuliani causa tantum Opus suscepisse, ne quam amplificandae virtutis herois sui quem summopere mirabatur omnibusque praeferibat, occasionem praeteriret. Historiam autem suam non continuo labore composuit: sed ut erat plures in libros divisa, per partes eam vulgavit, et nunc unum volumen, nunc alterum frequenti auditorio, ac amicorum suorum et doctorum hominum iudicio commisit, magnamque inde laudem est consecutus: ut docet epistola Libanii a fratre laudata. Recitationes porro (sicuti et declamationes) duorum generum fuere: publicae aliae; aliae privatae. Publicae recitationes erant ac nuncupabantur, quae aut in certaminibus publice propositis praemiis, aut in aliquo loco publico citra ullum certamen fiebant. Eiusmodi exstiterunt Oratorum ac Poëtarum certamina, quotannis in Albano a T. Flavio Domitiano edita: ubi Statius se praemio ter donatum scripsit. Tale Lugduni ad aram Augusti certamen Graecae Latinaeque facundiae, editum a Caio Caligula, in quo victi victoribus praemia conferebant. Sic Nero orationis carminisque Latini coronam omnium consensu sibi concessam recepisse dicitur a Tranquillo. Publice quoque Statius Romae Thebaidem suam plaudente populo recitavit: uti Iuvenalis in Sat. vii. prodit his versibus:

*Curritur ad vocem iucundam et carmen amicae
Thebaidos, laetam fecit cum Statius Urbem,
Promisitque diem: tanta dulcedine captos
Assicit ille animos, tantaque libidine vulgi
Auditur.*

Durabant adhuc Romae circa annum Christi n. lxxx. publicae orationum et carminum recitationes: et ibi in foro Traiani magnifica poëmata ab Aucto-

ribus recitata Senatus Populusque Romanus audiebat: ut testatur Fortunatus Italus in libri III. Carmine XXIII. de opusculis et epigrammatis cothurnatis ac tumidis Bertechramni Burdigalensis Episcopi hisce verbis, indicans et Poëtis qui placuissent, a Senatu calceos filis aureis ornatos dari consuevisse.

Vix modo tam nitido pomposa poemata cultu

Audit Traiano Roma verenda foro.

Quod si tale decus recitasses aure Senatus:

Stravisset plantis aurea fila tuis.

Studioſi et docti quidquid compoſuerant, Proceres quidem ac locupletes domi nunc per ſe, nunc per lectorem coram amicis invitatis recitabant: mediores vero ac tenues in aedibus Optimatum, conductis ſubſelliis et anabathris pulpitisve. Privatarum recitationum mentionem facit Suetonius Tranquillus in Claudio capite XLI. Caius Plinius Secundus paſſim in libris Epistoſularum, et Iuvenalis in Sat. I. et VII. qui Frontonem recitantibus Poëtis porticus ſuas marmoreas commodaviſſe ſcribit, et in his conſeſſibus quosdam ſolitos eſſe diſponi, qui plauderent et magnis vocibus acclamarent. Et in Sat. III. ipſe Aquini ubi natus erat, ſatiras ſuas praefentibus amicis quos convocaverat, recitaviſſe ſe ait: et magna frequentia magnoque ſucceſſu ter auditus eſt: quod et in eius Vita a veteri Scholiaſte ſcriptum invenio. Ammianus igitur famae gloriaeque dulcedine ſimiliter ſuccenſus, et experiendi amicorum doctorumque virorum iudicii cupidus, Romae ex more ſuam per partes recitavit Hiſtoriam, prout librum quemque compoſuerat. Hinc oratione numerola et bene ſonante, plena pompae et maiestatis eſt uſus, qualem recitationes iſtae poſtula- bant, ut aures et animos auditorum impleret. Ad pompam recitationum pertinent, dictorum factorumque aetatis ſuae memorabilium cum priſcis, ho-

minum cum hominibus comparationes, ad commovendos animos amplificatae rerum imagines, tragicae Fortunae compellationes, crebritas figurarum ac translationum, descriptiones procliorum et obsidionum nonnunquam lufibus lascivientis ingenii locisve communibus quam Historiae legibus convenientiores. Eandem ob causam A. Marcellinus ubique omnis generis doctrinae famam affectavit. Cui rei indicio sunt laudationes tot veterum Auctorum, laudatae saepius Ciceronis sententiae, Virgilii, Menandri, et aliorum versus inserti: tot et tanti excessus narrationem rerum interrumpentes, de Adrastia vel Nemefi in libro xiv. de origine doctoribusque Gallorum, et de Alpibus Gallicanis in libro xv. de obeliscis, et de notis hieroglyphicis, et de variis terrae motibus in libro xvii. de causis ac generibus pestilentiae in libro xix. de defectibus Solis et Lunae, deque variis Lunae mutationibus et figuris, nec non de arcu caelesti in libro xx. de variis artibus futura praenoscendi, et de Geniis libro xxi. de Nilo, de crocodilo, de ibi, ac de pyramidibus in libro xxii. descriptiones v. muralium machinarum, nec non xviii. maiorum Provinciarum Regni Perfici, item de ortu margaritarum in libro xxiii. de cometis, et de facibus caelo decidere visis in libro xxv. de ratione Bissexti in libro xxvi. de causis medicina, deque Iurisconsultis, et variis Advocatorum generibus in libro xxx. Descriptiones quidem variarum Provinciarum Imperii Romani apud A. Marcellinum longe lateque diffusae sunt: quae apud Sallustium de bello Iugurthino, apud Caesarem et Livium aliosque Historicos multo breviores reperiuntur. Sed non omittendi sunt duo maximi excessus de vitiis Senatus Populique Rom. in libris xiv. et xxviii. quos qui attente mecum consideraverit, facile sibi persuadebit, tum lenes admodum atque patientes fuisse Romanos, si aut pravi, quo-

rum vanâ studia et vitia in Ammiani libris describebantur, aequo animo tulerunt a peregrino Graeculo in Historia palam traduci se ac derideri; aut boni existimarunt liberas eorum reprehensiones ac notas nihil ad totius amplissimi Ordinis ac universae civitatis dedecus ulla ratione pertinere.

Petrus Pithoeus in margine Ammiani sui, cum codice Valentino collati, manu sua scripsit, praeter XIII. priores libros qui desiderantur, in libris XVIII. qui supersunt, *multa etiam deesse videri: quandoquidem Ammianus saepe plures annos indictos transmittit: quod ex Consulibus quos notat ordine, in Fastis intellectum iri.* Ita Petrus Pithoeus loquitur et sentit. Sed ei respondere possumus, Ammianum quidem Consules aliquot in XVIII. voluminibus quae supersunt, omisisse: non tamen eorum annorum res gestas omisisse. Omisit quidem Ammianus in rebus annorum XXV. paria Consulium IX. videlicet Lupicinum et Iovinum, Valentinianum II. et Valentem II. et Valentinianum Nobilissimum Puerum et Victorem, Gratianum Augustum II. et Probum, Modestum et Arinthaem, Valentinianum IV. et Valentem IV. post Consulatum Gratiani III. et Aequitii; Valentem A. V. et Valentinianum iuniorem A. Valentem A. VI. et Valentinianum A. II. Coss. Sed quae his Consulibus hisve annis acta sunt, nihilominus exposuit: cum aliquando bella duobus aut etiam pluribus annis gesta continua oratione enarret, ne seriem rerum interrumpat. Exempli causa translato in Thraciam Gothos, et Valentis A. cum eis pugnam ac mortem fuisse in libro ultimo commemorat: quibus utrumque Coss. factum sit, non commemorat. Vir doctus, qui codicem Regium manu sua descripsit, in libro XXIV. post haec verba de Arinthaeo Persas persequente, *latebrae texere notissimae*, ad marginem adnotat suspicari se,

se, plurima heic deesse: cui coniecturae meus frater merito accedit. Deest enim (ut ipse observavit) legatio Saporis Persarum Regis ad Iulianum A. Libanio et Socrati non indicta: deest relatio rerum ab Arsace Rege Armeniae et a Procopio ac Sebastiano in Mesopotamia gestarum; et quae fuerit causa, quare Iuliano in Assyria Arsaces, Procopius ac Sebastianus, sicut iussi erant, cum suis copiis occurrere non potuerint: cuius rei *causas* a se *praedictas*, paullo infra ipsemet Ammianus in fine eiusce libri prodidit. Desideratur in eadem lacuna et dolus transfugarum Persarum, quorum fraude deceptus Iulianus suam classem incendit: quos ibidem Historicus *infaustos ductores* appellat, et in tormentis fraudem confessos esse tradit. Sed post obitum Valentiniani A. qui libro xxx. enarratur, plurima eaque maxima ac memoria dignissima in Historia Ammiani desidero, quae scriptor diligens plane videtur nec omittere debuisse, nec vero ulla ratione omissurus fuisse. Scripsit quidem Ammianus in fine libri xxx. Valentinianum iuniorem tum quadrimum in Pannonia, post Valentiniani patris sui repentinam mortem, ab exercitu ex Optimatum sententia Augustum consalutatum esse. Sed quae secuta sunt, apud Ammianum, qualem nunc habemus, nusquam reperiuntur: videlicet quomodo Gratianus A. Imperium Valentiniano fratri se insciente delatum, cum Valente patruo sua auctoritate confirmaverit: qui et quando Imperium Romanum in Occidentis partibus, et Comites ac numeros militares cum fratre partitus sit; et Gallias, Hispanias, ac Britannias sibi retinuerit, Italiam et Africam cum parte Illyrici Occidentalis, et Frigeridum Ducem ac Sebastianum Comitem prae ceteris ei attribuerit: quemadmodum communem amborum patrem Valentinianum cum Valente fratre collega suo totius orbis Romani provincias, legiones quoque,

ac Comites seu Magistros militum divisisse refert Ammianus in libro xxvi. Iam damnatio ac supplicium Maximini Praefecti Praetorio, et Simplicii ac Doryphoriani sub Gratiano, apud Ammianum desideratur: de quorum tamen mortibus et merita poena *postea tempestive se dicturum* in libro xxviii. pollicetur. Desideratur apud eundem mors Theodosii Magistri militum, Theodosii postea Imperatoris patris, viri Britannicis Africanisque victoriis illustris, et de Repub. optime meriti, ac *plurimorum Nobilium*, hoc est Senatorum, quos *una occisos* anno Domini ccc. lxxvii. tradit Hieronymus in Chronico. Desiderantur et multa alia in Oriente et Occidente domi forisque gesta toto triennio, quod inter Valentiniani et Valentis mortem intercessit. Theodosium quidem post Britanniam et Africam Imperio Rom. restitutas, sua gloria invisum aulicis reddiderat: a quibus infimulatus rerum novarum apud Gratianum, ac iussus interfici, post Baptismum acceptum, Carthagine percussori ultro iugulum praebuit: sicuti in libri vii. capite xxxiii. tradit Orosius. Quare errant Socrates in libri iv. capite xix. et Paullus Diaconus Aquileiensis, et qui ambos secutus est Chisletius in Vita Ammiani: quum Theodosium, quem *Theodosiolum virum fortem ex Hispania* Socrates appellat, propter nomen suum in coniuratione Theodori iussu Valentis A. morte affectum tradunt. Nam Carthago Africae caput, ubi Theodosius iugulatus est, non Orienti sed Occidenti adscribebatur; non parebat Valenti, sed Valentiniano iuniori, cuius curam ac tutelam cum matre gerebat Gratianus: qui fratrem maxima *pietate dilexit et educavit*, ut in libro xxx. loquitur Ammianus. Nihil igitur Valenti Imperatori Orientis in Theodosium Magistrum militum licere potuit: qui semper in Occidentis provinciis bella gessit, semper Occidentis Principibus subiectus fuit,

nec umquam Ortivi Imperii fines ingressus est. Praeterea Theodorus Notarius cum coniurationis consciis iussu Valentis damnatus, Antiochiae periit Gratiano A. II. et Probo Coss. anno Christi ccc. lxxi. hoc est toto fere ante caedem Theodosii sexennio. Non itaque Theodosio quatuor priores nominis sui litterae, nec Theodori coniuratio, sed aulicorum et inimicorum calumniae causâ cruentae mortis fuerunt: neque a Valente, sed a Gratiano fraude invidorum Palatinorum decepto caedes ista tam iniqua mandata est. Haec igitur omnia quae nunc apud A. Marcellinum non leguntur, persuasere Chisletio, ut in Vita Ammiani scriberet, eum in libro xxxi. qui nobis desit, cuncta ista supradicta narrasse, et librum qui nunc xxxi. vocetur, xxxii. fuisse, atque ita appellandum esse: quam opinionem verisimillimam iudico. Ceterum inter Epigrammata Graeca reperiuntur nonnulla cum in pagina iv. tum alibi, quibus nomen Ammiani praefigitur; Historici, an alius cuiusquam, incertum est: sicut nec constat, an Historicus noster fuerit, qui sub Gratiano, Valentiniano et Theodosio *Comes rerum Privatarum Ammianus* vocatur in libro xii. Codicis Theodosiani: quibus imperantibus A. Marcellinum Romae vixisse, et Historiam Romanam scripsisse indubitatum est.

Sunt, qui A. Marcellinum plurimum damnent et aspernentur, tamquam passim Grammaticos canones excedentem. Certe nonnumquam declinationes ac terminationes nominum mutat: ut in libro xv. *G. et T. jaevium tyrannorum*: in libro xxix. de Theodosio, *suppliciorum jaevium repertorem*: in libro xvii. de terrae motuum generibus, *climatiae qui limes ruentes et obliqui*: in libro xx. *limibusque oculis eos a. m. contuens m.* Ibidem, *c. f. lapidum madore etiamtum infirmium*. Quamquam Caper Grammaticus dici asserit *infirmus* et *infirmis*, sicuti

imberbus et imberbis, inermus et inermis. Ita in libro xx. sonus pro soni, sonu item pro sono in veteribus membranis et in editionibus reperitur. Iterata magnitudine sonus Augustum appellavere. Item, Exclamabatur undique vocum terribilium sonu. Initio libri xxvii. Dum cedentes obiectu corporis et vocis iurgatorio sonu audentius pertinet. Ubi et pertinet sumitur active pro retinet: quemadmodum scriptum praefert codex Colbertinus. In libro xxi. Hi genii animis connexi mortalium, eas tuentur. In libro xix. Animis in ventum solutis proiiciebantur exstincti. Animis pro animabus. In libro xvi. Circumdatus retiis busta, pro retibus. In libro xxv. Ductore eorum aliae turmae apposito. In libro xvii. Ablatum uno templo miraculum. In nominibus iv. declinationis morem veterum praefertim Poëtarum sequitur, et iii. casum non aliter quam litera u terminat. In libro xxvi. impetu, necnon ictu: in xxix. accessu. Interdum et significationes nominibus novas Ammianus attribuit. Ergo pruina, quam vulgo gelucanum vocitamus, sumit pro glacie in libris xvii. xxiv. aliisque, eique crustas, acumina, ac congeriem tribuit. In libro xiv. ex turba turbelam facit, et Hermogenis meminit, apud CP. populari turbela discerpti. Ex turbela orta est vox Francica trouble. Iam apud Ammianum M. in verbis praeteritorum mutationes aut potius depravationes aliquando reperio. In libro xvi. verbo pello dat praeteritum pepuli, uti facere debuit; in libro xxx. etiam pulsi: percello similiter nunc perculi, in libro xvii. nunc et perculsi in xvii. et xxv. Verbum fodio ex tertia coniugatione in quartam transfert Marcellinus in libro xxiv. Id a. Traianus egesto solo fodiri in m. c. a. curaverat. Gaudet etiam mutationibus temporum. In libro xxii. Poterantque miserandi homines Christianorum adiumento defendi, ni Georgii

odio omnes indiscrete flagrabant: ubi Critici adversantibus codicibus edi curarunt flagrassent. Quin etli priscis membranis maior quam editis libris fides habetur, *aestimare* passim ponit Ammianus Marcellinus pro *existimare*: ut Sulpicius Severus de Vita S. Martini, Aurelius Victor in Caesaribus, alique facere consueverunt. Ne de Nostis loquar, qui utrumque verbum uno eodemque reddunt, *estimer*. Utitur etiam saepissime sine causa verbis frequentativis, sed novis et inusitatis, ut prisci codices testantur, et in Notis non semel observare memini. In libro xxvi. *vastitatis propinquioribus locis*, pro vastatis. Circa finem libri xxxi. *Portatis scriptis et recitatis, utque decebat contemptis*: ubi aliae editiones excusum habent *contemptis*, aliae *contem- platis*. In his aliisque eiusmodi, si quando peccavit A. Marcellinus, si nonnumquam a legibus Grammaticae recessit: facile aequalium aetatis suae ac supparium Auctorum exemplo defendi potest, qui eadem ratione, aut certe non multo melius locuti sunt ac scripserunt: cum iam Imperium Romanum a pristino splendore ac potentia, ac simul lingua Latina a veteri elegantia degenerare coepisset. Ut omittam Ammiano homini Graeco linguam Latinam minus notam esse debuisse, quam Italis et ceteris Occidentalium Provinciarum incolis, quibus Latinus sermo erat innatus.

In emendando Ammiano maximo mihi adiumento fuit codex recentior quidem, sed ex veterissimo ac optimo exemplari descriptus, quem Colbertinum appello, propterea quod in Bibliotheca Colbertina servatur. In eo igitur codice, qui a V. C. tantae Bibliothecae praefecto mihi est commodatus, plurima reperi, multo quam in omnibus Ammiani M. editionibus emendatiora: quas emendationes, quoniam certissimae erant, sequi non dubitavi. Earum emendationum sive restitutionum ac lectio-

num partim mentionem in Notis feci, partim etiam omisi. Omissa tantum attingam pauca de multis. Omnium enim eorum quae notare oblitus sum, hunc meminisse non possum.

In libro xvi. c. 5. §. 4. de Alexandro Magno scriptum invenio. *Ut cum nervorum vigorem sopor laxasset infusus.* Uti et Rittershusius in Ligurinum emendavit: cum *nervorum rigorem* libri editi obtrudant.

In libro xxii. c. 5. §. 3. de Iuliano Christianos inter se maligne committente. *Dissidentes Christianorum Antistites c. p. d. in Palatium intromissos monebat civilius, ut discordiis consopitis quisque nullo vetante religioni suae ferviret intrepidus.* Sic codex Colbertinus; sic et Florentinus a Lindenbrogio lectus: cum in editis legatur, *Diff. Chr. Ant. c. p. d. i. p. i. monebat, ut civilibus discordiis consopitis,* etc. minus bene. *Monebat civilius*, id est, admonerat comiter, et humane; principali fastu deposito hortabatur. Hoc in Ammiano mutare ac emendare, et in Notis meis observare non memini.

In libro xxv. c. 5. §. 6. de Iuliano A. *Audenter effunderet semet in pugnam.* Qui solam audaciam viro fortissimo tribuit, minus aliquid quam par sit tribuere videtur. P. Pithoeus in codice Valentino pro *audenter* legisse se *ardenter* notavit ad oram Ammiani sui: idem legi et in codice Colbertino. *Ardorem* Iuliano similiter tribuit non semel A. Victoris Epitome. *Cumque inconsulto ardore nititur ordines ad proelium componere, ab uno ex hostibus et quidem fugiente, conto percutitur.*

In libro xxv. c. 4. §. 4. de Iuliani A. frugalitate. *Namque in pace victus eius mensura atque tenuitas erat recte noscentibus admiranda.* Ita codex Colbertinus, optime: quasi Iulianus certi ponderis ac mensurae cibus vinoque uteretur. At in vulgatis libris *victus eius mensarumque tenuitas* tautologiam

ridiculam continebat. *Victus* enim, et *mensa*, una eademque res est: et *mensae* Iuliani pro mensa absurde vocarentur.

Ibidem §. 5. *Expergefactus explorabat per semetipsum vigiliarum vices et stationum: post haec seria, ad artes confugiens doctrinarum.* Ita editiones: quasi serium non sit studium litterarum, aut saltem minus serium nocturna exploratione vigillum, atque stationum, quam Iulianus studiis praemittere consueverat. In codice Colbertino unius litterulae adiectione locus sic emendatur. *Post haec, serias ad artes confugiens doctrinarum.* Id est: post explorata castra, sive post facta haec quae in bello necessaria sunt, Iulianus ad seria convertebatur, litterisque vacabat.

In libro eodem c. 7. §. 8. de Ioviano A. in summa rerum omnium inopia cum Persis de pace per quadriduum deliberante. *Quo temporis spatio a. h. m. si exabusus Princeps paullatim terris hostilibus excessisset, profecto venisset ad praesidia Corduenae, uberis regionis et nostrae, etc.* Ita codex Colbertinus diserte scriptum habet: cum in editis Ammiani libris legatur *abusus*. Deceptus erat Iovianus ab aulicis adulatoribus, instantibus affirmantibusque, ni confestim ex Assyria rediret, Procopium cum exercitu cui praeerat, facile ac certo res novaturum, ut paullo infra Ammianus ipse scribit. *Exabusus* ergo in passiva significatione est, malis adulatorum consiliis meliora et honestiora praefereus, *desabusé, détrompé*: fitque ex *abusus*, ut *exauctoratus*, ex *auctoratus*, *exarmatus*, ex *armatus*, *exoneratus*, ex *oneratus*.

In libro xxvi. c. 1. §. 11. *Ut ad unum distinctumque exitum circumversio cursus annui revoluta.* Ita codex Colbertinus, et quidem optime. At ex editionibus aliae, *circumversio anni revoluta*; aliae, *conversio cursus anni revoluta*, minus bene.

In eodem libro c. 6. §. 7. de Petronio Patricio, focero Valentis A. *Nocentes pariter et infantes post exquisita tormenta quadrupli nexibus vinciebat.* Ita legit P. Pithoens in codice Valentino, ut ad marginem Ammiani sui notavit. Ita et ego legi in codice Colbertino. *Quadrupli nexibus vinciebat,* id est condemnabat quadrupli, ut eos nudaret fortunisque spoliaret. At in editionibus reperitur, *quadruplicibus nexibus vinciebat.* Quo nihil fingi potest absurdius: quasi miseri isti a Petronio quadruplici serie catenarum vincti tenebantur in carcere.

In eodem libro c. 6. §. 20. *Andriscus de genere quidam infimae sortis.* Id est, Andriscus quidam natus genere plebeio, genere infimae plebis, fullone genitus. Ita codex Colbertinus; ita et editio Roberti Stephani. At ceterae editiones: *Andriscus degener quidam infimae sortis,* male. Nam si degener hoc loco est homo obscuri generis; nihil opus fuit addere, *infimae sortis:* quod idem plane significat.

In eodem libro c. 9. §. 4. de Arbetione Exconsule. *Ut Constantiniani Ducis verecundia truces animi lenirentur.* Arbetionem virum Consularem, *Constantinianum Ducem* a Constantino Maximo cognominat codex Colbertinus: quem libri typis impressi *Constantianum Ducem* a Constantio Constantini filio. Si Arbetio qui Constantii ante quinquennium mortui Dux fuerat, anno Domini ccc. lxxvi. iam senex et admodum aetate proventus erat; haud dubie sub Constantino Maximo ante xxx. annos defuncto ducere copias potuit.

In eodem libro ibid. §. 7. *Qua successus alacritate Valens, castra promovit ad Phrygiam.* Hunc omnium editionum errorem unius litterae mutatione codex Colbertinus corrigit eum in modum: *Qua succensus alacr. V. c. p. a. P.* Scilicet

animi hominum secundis initiis incensi, ad proposita exsequenda atque consummanda incitantur. Valens igitur Gomoarii ad se transitione *succensus*, et alacrior factus erat ad belli Procopiani reliquias persequendas. Eum errorem in Ammiano emendare non memini.

In eod. lib. ibid. §. 8. *Procopius salutis intercluso suffugio versus in pedes*. Ita libri editi. At codices Colbertinus et Valentinus teste P. Pithoeo, ac editio Rob. Stephani: *Pr. salutis intercluso suffragio*, etc. *Suffragium salutis*, est suffragium salutare, vel ad salutem conferens, auxilium salutare. Ita A. Marcellinus loqui solet.

In libro xxvii. c. 2. §. 8. de Iovino Alamannos caedente ac persequente. *Per aperta camporum sequebatur et mollia, calcando semineces et constrictos*. Ita codex Colbertinus: cum in editis libris legatur *constratos* minus bene. Nam si ab hoste calcabantur, iam humi strati esse debebant. Mors autem instans vulneratorum corpora constringit ac velut in globum cogit. Quare statim subiungit A. Marcellinus: *Quos vulneribus frigorum asperitate contractis dolorum absumerat magnitudo*. Corporibus erant constrictis, qui vulnera habebant frigore contracta.

In eodem libro c. 3. §. 1. de Terentio Excorrectore Tusciae. *Eaque confidentia deinceps inquietius agitans multa, in Naviculariorum negotio falsum admisisse convictus*, etc. Ita codex Colbertinus, optime. At libri editi: *E. c. d. inquietius agitans, multa in Naviculariorum negotio falso admisisse convictus*.

In eodem lib. c. 3. §. 4. de domo Symmachi a Romanis incensa. *Quod vilis quidam plebeius infixerat, illum dixisse sine indice ullo vel teste*, etc. Ita scriptum reperi in codice Colbertino: ita reperit et in Valentino P. Pithoeus. Id est, infixerat

omnium auribus animisque: plebi Romanae plebeius iste calumniator plane persuaserat. At in vulgatis libris legitur *finxerat*: quod verbum priore minus est validum.

Ibidem §. 9. de Lampadio Praefecto Urbi. *Eaque vi territus ipse, fremituque crebrescentis seditionis in maius, secessit ad Mulvium pontem.* Quanto melius codex Colbertinus? *Eaque vi territus ipse primitus crebrescentis seditionis in maius, f. a. M. p.*

Ibidem c. 6. §. 8. Valentiniani A. de Gratiano filio loquentis verba sunt et promissa. *Potioribus (invidiae metu dicitur) protinus succreturum.* Ita codex Colbertinus, bene. At libri vulgati: *Paucioribus invidiae metu, ut dicitur, protinus succreturum.* *Invidiae metu dicitur*, id est, absit invidia, faceffat invidia: pace mihi liceat Caelestes dicere vestra.

In libro xxviii. c. 1. §. 4. de Phrynico Tragico. *Cum cothurnarius stilus procederet lacrimosus.* Ita editi libri omnes. At codex Colbertinus quem secutus sum, mutata unica litterula multo melius: *Cum cothurnatus stilus procederet lacrimosus.* Id est, cum magis magisque cothurnate et tragice ac miserabiliter cladem Milesiorum deploraret, ac flebiliter versibus exponeret. *Cothurnarius* quidem *stilus* Latine dici non potest, sed cothurnatus aut cothurnosus: et ita Ammianus scripturus fuit, cum *cothurnarius* haudquaquam Latinum sit nomen. A *cothurnatus* fit *cothurnate* et *cothurnatus*.

In libro xxix. c. 1. §. 14. *Advenit aliquando tamen ipse quoque Theodorus.* Sic codex Colbertinus, et reliqui omnes. *Aliquando tamen*, hoc est, aliquando tandem. Et sic fere semper Ammianus *tamen* ponit pro *tandem*; ut Apuleius *interim* pro *interdum*.

Ibidem §. 21. *Quorum in aerario bona coacta, et ipse ad quaestus proprios redigebat.* Ita codex Colbertinus, et Rob. Stephani ac Seb. Gryphii editiones: vulgo, *in aerarium.*

Ibidem §. 23. *Nihilominus tamen ipsi quoque cum cognitoribus Principi caedes incendiaque flagitantes Furias imminere.* Sic editiones, nullo bono sensu. Quid enim sibi volunt *Furiae* illae *caedes* et *incendia flagitantes*? Quanto melius codex Colbertinus? *Nihilominus tamen ipsis quoque cum cognitoribus Principi caedeis incendiaque flatantes Furias imminere.* Id est, flantes caedes ac ignes. Verbis frequentativis uti gaudet et solet A. Marcellinus. *Flato* a *flo* deductum, ut *nato* a *no*, *dato* a *do*; unde adverbium *datatim*. Ceterum notandum est, quod scribit heic Ammianus, ipsius Valentis A. et ipsorum quaestorum cruentam ac funestam mortem Theodoro eiusque coniurationis consciis fuisse cum ipsorummet exitio praedictam. Et Valentem quidem nemo nescit misero mortis genere periisse. Modestus autem Praefectus Praetorio, ac post Consul, homo Arianus et avarus, qui huic cognitioni iussu Principis praefuit, et *Summates*, qui cum ipso de Theodorianis iudicaverunt, nec ab Ammiano nominantur, qualem exitum fecerint, ignoramus.

Ibidem c. 2. §. 22. *Festus quidam administrata Syria, Magisterioque Memoriae peracto, bona lenitudinis et reverentiae reliquit exempla.* Sic editiones Rob. Stephani, Seb. Gryphii, aliorumque: nullo sensu. Quid enim est, *relinquere bona exempla reverentiae*? Quanto felicius codex Colbertinus? *Bona lenitudinis et reverentia reliquit exempla.* *Reverentia exempla*, id est reverenda, verenda, honoranda. Eadem ratione *Reverentissimus* in veteribus inscriptionibus ac titulis epistolarum pro *Reverendissimus* saepissime occur-

rit. Epistola Pauli Verodunensis Episcopi ad Desiderium Cadurcorum Episcopum inscribitur *Domino reverentissimo Desiderio Papae P. P.*

Ibidem c. 3. §. 8. *In hoc negotio Protectores ad exhibendas missi personas, dicuntur fustibus praeter solitum usi. Ita Stephanus et Gryphius: Frater meus, dicuntur fustibus p. f. caesi. At codex Colbertinus: De fustibus praeter solitum caesi. Et ita ponendum curaveram: sed Typographus de sustulit, quod vitiosum putabat.*

Ibidem c. 4. §. 1. de Valentiniano A. *Illud contemplans quod maius pretium operae forsitan regendis verius milite Barbaris quam pellendis. Ita codex Colbertinus, optime. Vult dicere Ammianus, Valentinianum A. qui in Alamannorum et Quadorum aliorumque Barbarorum finibus castella ac munimenta statuebat, eosque longe a limitibus Imperii Romani repellere conabatur, multo melius forsitan facturum fuisse, si voluntaria Barbarorum opera in bellis uti, eorumque auxiliis militaribus Romanos praeponere maluisset. At vulgati libri: Illud contemplans, quod maius pretium operae forsitan fecerat regendis veteri limite Barbaris quam pellendis.*

Ibidem c. 5. §. 3. de Firmo Mauro. *Ultimorum metu iam trepidans ne amandatis quae praetendebat, ut perniciosus et contumax condemnatus occideretur. Quanto melius editionibus istis codex Colbertinus, qui pro contumax scriptum habet contumeliosus? Neque enim tum contumax aut fuit, aut dici potuit ac debuit Firmus, qui missis per suos ad Imper. Valentinianum relationibus factum suum defendere ac sese purgare conabatur. Sed contumeliosus erat Imperio Romano, id est pudendus, dedecorosus, qui cum esset Romanae ditionis, fratrem suum per insidias interemerat.*

In libro xxx. c. 5. §. 6. de tributorum oneribus et augmentis. *Et flagitantium ministrorum amaritudine quidam oppressi, cum non suppeteret quod daretur, erant perpetui carcerum inquilini.* Sic editiones. Quanto elegantius codex Colbertinus? *Et flagitantium ministrorum amaritudine quidam expressi, c. n. f. q. d. e. p. c. i.* *Expressi*, id est *exhausti, exsucti*, opibus cunctis nudati, *jucez, pressez, pressoirez*. Translatio elegans ducta a torculari, quo uvae premuntur, et vinum e racemis exprimitur: unde et altero nomine *pressorium* appellatur. Vespasianus Procuratoribus rapacissimis vulgo *pro spongiis dicebatur uti*, quod quasi et siccos maderaceret et exprimeret humentes: ut ait Suetonius in capite xvi. *Exprimeret humentes*, hoc est plenos exhauriret ac exfugeret, et rapinis locupletatos damnaret atque spoliaret.

In libro xxx. c. 6. §. 3. de Valentiniano A. *Paullatimque lenitus et ad molliora propensior*, etc. Sic editiones. At in codice Colbertino desunt haec, *et ad molliora*, quae ob id in Ammiano duobus uncinis inclusi.

In libro xxxi. c. 2. §. 9. de Hunnis hostes laqueis intercipientibus. *Ut laqueatis resistentium membris, equitandi vel gradiendi adimant facultatem.* Ita in editionibus legitur, sed mendose. Quippe ut Hunni, sic et Barbari Scythiae incolae fere omnes ex equis pugnabant: et cum equitarent, pedibus ingredi non poterant, nec eis ab hoste gradiendi facultatem adimi necesse erat. Quanto verius et certius codex Colbertinus scriptum praefert? *Ut laq. ref. me. equitandi vel gravandi adimant facultatem.* *Gravandi* hostis, id est feriendi hostis, nocendi hosti, *grever*.

Ibidem c. 4. §. 6. *Quem qui scire velit, (ut eminentiss. memorat vates) Libyci velit aequoris idem discere, quam multae Zephyro trudentur harenae.*

Ita codex Colbertinus, optime: cum in editis libris legatur, *turbentur harenae*, minus bene.

In libro xxxi. c. 5. §. 1. de Thervingis esurientibus, quibus Duces Romani turpi commercio canes pro singulis Mancipiis comedendos dederant. *Et tenebantur consulto, nefandis nundinandi commerciis.* Ita editiones omnes, quas corrigit codex Colbertinus hoc modo: *Et ten. conf. nefandis nudandi commerciis:* hoc est, suis omnibus bonis spoliandi. Sic Martialis de muliere amasio opes suas vestesque pretiosas conferente:

Vae glabraria: vae tibi misella.

Nudam te statuet tuus Lupercus.

Id est, te spoliabit, te nudabit, cunctisque opibus exuet. Et ipse Ammianus in libro xxvi. c. 6. §. 7. *Ad nudandos sine discretione cunctos immaniter flagrans.*

Haec sunt pauca de plurimis, quorum in notis meis mentionem facere rationemve reddere non memini, aut verius propter Typographorum festinationem non potui.

Sunt et multa, quae in Ammiano emendavi, codicis Colbertini vestigia (ut ita loquar) et litteras secutus; aut etiam sola coniectura sed certa et indubitata adductus: qualia sunt quae subiiciam.

In libro xxiii. c. 6. §. 15. post enumeratas xviii. maiores Regni Persici regiones, statim adiicit A. Marcellinus: *Citra omnes propinqua est nobilis Assyria.* Ita omnes editiones et prae ceteris ipse codex Colbertinus: sed male. Cur enim Assyria nobilis diceretur magis quam Media, aut Persis, aut Parthia: quae similiter ut Assyria maximis Regnis originem, sedem ac nomen dederunt? Praeterea *propinqua Assyria* dicitur ab Ammiano: cui regioni sit propinqua, non dicitur. Quare non dubitavi sublatis 2 litteris ita locum emendare: *Citra omnes propinqua est nobis Assyria. Propinqua*

nobis Assyria, id est propinqua Romanis, quos A. Marcellinus nunc *nos*, nunc *nostros* appellare consuevit. In libro xxvii. c. 12. §. 1. *Sapor cum suis paullisper nobis visus amicus.* c. 12. §. 9. *Haec inter nos et Saporem discordiarum excitavere causas.* Ibidem. *Quod ratione iusta est observatum, ne fracti foederis nos argueremur et pacis.* Sane ultima omnium Persici Regni maximarum regionum numero xviii. aetate Ammiani fuit Assyria, et Romanis, hoc est Mesopotamiae Imperii Rom. provinciae proxima: *citra omnes*, seu omnium regionum Persidis citima habita ratione Roman. ultima et extima habita ratione Persarum.

Ibidem c. 6. §. 21. *Adiabena ab amne perpetuo Adiaba cognominata, ut a fluminibus maximis Aegyptus, et India, et Euphratenfis, itidemque Iberia ex Ibero, nunc Hispania, et a Baeti amne insignis provincia Baetica.* Emendavi sublata una littera: *Et a Baeti amne insigni provincia Baetica.* Qua emendatione nihil certius: ut maxima flumina, Nilus Aegypto, Indus Indiae, Euphrates Commagenae vel Euphratenfi, Iberus Iberiae seu Hispaniae, et Baetis amnis insignis provinciae Baeticae nomen dederunt; sic et Adiabenaе amnis perpetuus Adiabas, nec umquam aestate deficiens. Vere Baetis *amnis insignis* Ammiano dicitur, Solino *nobilis*, quem Plinius *multorum fluminum capacem* esse, et *provinciam* (Baeticam) *adoptare* ait. Nemo autem non videt Baeticam non meliori iure aut maiori ratione ab Ammiano *M. insignem provinciam* vocari debuisse aut etiam potuisse, quam Assyriam, aut Aegyptum, aut Indiam, aut Hispaniam, cuius tantummodo pars erat Baetica.

In libro xxvi. c. 1. §. 13. *Hocque excepto emerferunt alia plurima quae fallebant.* Ita omnes libri editi, atque etiam scripti, nullo sensu. Pro quibus verbis emendavi: *Hocque ex coepto emerferunt*

alia pl. quae f. id est, ex audacia Sacerdotum, intercalando subtrahentium vel augmentum tempora in gratiam publicanorum et litigantium.

In libro xxvi. c. 10. §. 9. *Et pacis obtentu vitium detestandum agitabatur.* Sic libri editi: quibus in verbis nullus est sensus. Codex Colbertinus: *Et pacis obtentui tum detestandum agitabatur.* Ex quibus emendavi ad hunc modum: *Et pacis obtentu iudicium detest. agitabatur.* Quam emendationem paullo post sequentia Ammiani verba confirmant, quibus *iura et leges*, et *iudices* describuntur, ex voluntate ac libidine Imperatoris in Procopianos saevientes.

In eodem libro c. 10. §. 15. *Horrendi tremores per omnem orbis ambitum grassati sunt subito: quales*, etc. Ita libri editi. At codex Colbertinus: *Horrendi erroris*, etc. Ex quo emendavi: *Horrendi terrores.* *Terrores* heic dicuntur res terribiles aut terrificae, quae animos terrificant; videlicet fulgura, fulmina, et terrarum motus ac marium. Certe Ammianus ipse in libro xvii. de terrae motu sic loquitur: *Qua de causa terrores huiusmodi vaporatis temporibus, aut nimia aquarum caelestium superfusione contingunt.* Ubi et codex Colbertinus diserte scriptum habet, *terrores*.

In libro xxvii. c. 3. §. 8. de plebe Rom. domui Lampadii Praefecti Urbi faces admovente. *Ni servitorum et familiarium veloci concursu, a summis tectorum culminibus petita (plebs) saxis et tegulis abscessisset.* Ita editiones mendose omnino. Nam certe familiares et amici Lampadii summum domus eius tectum conscensuri non fuerunt, sed opera servorum suorum ad arcendum incendium et ad repellendam plebem usuri. In codice Colbertino lego: *Ne vitiorum et familiarum veloci concursu, a. f.* etc. Ex quibus addita una litterula, detracta altera,

altera, feci: *Ni vicinorum et familiarum veloci concursu*, etc. *Familias* Ammianus pro famulis posuit, ut in libro xiv. *Senatores familiarum agmina post terga trahere* scribit. Vult ergo dicere, vicinos Lampadii, et servos eius amicorumque ad arcedam plebem concurrisse.

In eodem libro c. 7. §. 5. de saevitia Valentiani A. *Eminuit tamen p. i. t. i. a. h. n. mors Dioclis et Diodori, triumque Apparitorum potestatis Vicariae per Italiam, ob id vexatorum atrociter, quod*, etc. Ita editi libri, mendose omnino et male. Aliud enim est, homines supplicio capitali afficere; aliud, tantummodo vexare. Codex Colbertinus pro *vexatorum* scriptum habet *peccatorum*. Ex quo emendavi *necatorum*, una mutata littera, et altera sublata: quae emendatio non minus certa quam necessaria est.

In eodem libro c. 8. §. 4. *Motus adolescentis et senescentis Oceani, Situmque Britanniae p. c. u. explanavi*. Ita Codex Colbertinus. Ex quo emendavi: *Motus ad. et sen. Oceani, situmque Britanniae*, etc. cum editiones habeant, *tractumque Britanniae*, mendose.

In libro xxviii. c. 1. §. 29. *Paphius quinetiam et Cornelius Senatores, ambo venenorum artibus se polluisse confessi*, etc. Sic editi libri. At codex Colbertinus, atque etiam Valentinus teste P. Pithoeo, alique: *Ambo venenorum artibus praevenisse polluisse confessi*. Ex quibus emendavi, sublatis tribus litterulis: *Ambo venenorum artibus praevis se polluisse confessi*.

In libro xxviii. c. 3. §. 8. de Aereanis in Insula Britannia stationes agentibus. *Acceptorum promissorumque magnitudine praemiorum allectos, quae apud nos agebantur, aliquoties Barbaris prodidisse*. Ita vulgatae editiones. At codex Colbertinus: *Acceptarum promissarumque magnitudine*

praecarum adlectos, quae apud nos agebantur, aliquando Barbarico dedisse. Ex praecarum feci praedarum. Ex Barbarico dedisse forte faciendum, Barbaris edidisse.

In libro xxx. c. 4. §. 7. *Cicero orationis imperiosae fulminibus saepe depressos aliquos iudiciorum eripiens flammis. Ita libri scripti et editi, mendose. Nam fulmen igni suo non eripit quemquam, sed potius involvit. Quare legendum puto fluminibus. Certe et aureum eloquentiae flumen fundens Aristoteles vocatur a M. T. Cicerone.*

In libro xxxi. c. 2. §. 29. de Alanis. *Gladius lumi figitur nudus: eumque ut Martem, regionum quas circumeunt, praefulem verecundius colunt. Ita libri editi: quidam circueunt. At codex Colbertinus: Eumque ut Martem, regionum quas circumcircunt praef. ver. colunt. Legendum omnino est, u in a conuerso, circumcircant. De verbo circare et circitare, (unde et circitor, et nostrum chercher profluxit) vide Glossas veteres, et Ios. Scaligerum in Propertium. Certe et Ammianus ibidem ait, Alanos locatis in orbem sarracis, ferino ritu vesci.*

In libro xxxi. c. 5. §. 6. de caede militum Rom. a Gothis facta. *Quae accidisse idem Lupicinus latenti nuntio doctus. Ita libri editi. At codex Colbertinus: Quae accedens idem Lup. lat. nun. d. Pro quo substitui: Quod accidens i. L. l. n. d. Id est, quem casum, quam suorum cladem edoctus. Ita Ammianus non semel loquitur.*

Haec sunt pauca de multis, quae codicis Colbertini beneficio, aut certis coniecturis ductus, in A. Marcellino correxi: et quorum in Notis meis rationem reddere Typographis festinantibus nequaquam potui.

In Friderici Lindenbrogii I. C. Observationibus multa reperias, quae doctrinam eius ingenium-

que testentur, diligentiam quoque hominis paene nimiam arguant, dum saepe minutiis immoratur, et totas paginas Graecis excerptis ubique implet, quibus aequo animo carere possemus. Hae Observationes cum a me legerentur attente, ut auctiores ac emendatiores ederentur: nonnulla in eis notavi, quae a Lindenbrogio scripta nollem. De quibus lectorem admonere operae pretium erit, ne quis incautus viri docti auctoritate deciperetur.

L. 15. c. 11. §. 14. *Elusae* (inquit) *mentio apud Claudianum, qui ex ea nefandissimum illum Rufinum eunuchum originem duxisse putat.* At Rufini Consularis et Patricii, ac Praefecti Praetorio sub Arcadio A. solum paene crimen ambitio cum avaritia coniuncta. Dotes enim animi et corporis ei multae magnaeque inerant. Neque vero *hic eunuchus* fuit: cum in veteri Chronico post Rufini caedem *eius uxor et filia exsulasse* dicantur. Plane mihi videtur Lindenbrogius, cum de Rufino scriberet haec, Eutropium eunuchum, Praepositum sacri cubiculi Arcadii, in mente habuisse: in quem, sicut in Rufinum, Claudianus duos libros scripsit.

L. 17. c. 12. §. 2. Ad *Sarmatarum loricas ex cornibus rasis* refert Lindenbrogius Statii *Gortynia cornua*, id est arcus cornutos Cretum: et Virgilii *rubrae cornua cristae*, hoc est, cristas galeae, cornibus animalium similes.

Lib. 17. c. 12. §. 16. Haec de Sarmatis verba Ammiani laudat ex libro xvii. (c. 12. §. 16.) *Inge-
rebat se maximus numerus catervarum confluentium
nationum et Regum, suspendi à iugulis suis gladios
obsecrantium, postquam Araharium impune com-
pererant abscessisse.* Ea verba Lindenbrogius vir
litteratus ad litteram (ut vulgo loquuntur) simplici-
terque intelligit: quasi Sarmatae a Constantio A.
petierint, ut ad expiandas incursiones suas in Pan-
nonias et Moesiam, nudi gladii cervicibus suis ap-



sub ea specie, ut si in ea hora qua ensis super cervicem eius incumbibat, non reverteretur ad haereticorum sectam, non occideretur; ne etc. sed exilio damnaretur. Quod ita factum esse, manifestum est. Nam cum imminenti morte interrogatus fuisset, si mori pro fide Catholica destinaret; respondit: Haec enim est sempiterna vita, pro iustitia mori. Tunc SUSPENSO GLADIO, (id est sustentato, retento) apud Albigensem Galliarum urbem exilio deportatus est. Plura addi nihil necesse est.

L. 17. c. 13. §. 25. Lindenbrogius negat, Constantium A. recte dictum esse *secundum Sarmaticum*, propterea quod ante ipsum M. Aurelius Antoninus, et A. Antoninus Bassianus Caracalla, alii-que Imperatores ob victos Sarmatas Sarmatici quoque sint dicti. Sed fallitur. Nam ut e. c. Maximianus Galerius apud Eusebium in libro VIII. H. E. *secundo Carpicus maximus, sexto Armenicus maximus* appellatus est, quod bis Carpos, sexies Armenios devicisset, et ob ea cognomine Carpici iterum, Armeniaci sexies a militibus esset honoratus, sic Constantius *secundo Sarmaticus* ab exercitu suo publice cognominatus est, quod bis Sarmatas proelio superavisset, et antea ob aliam ex eadem Gente relatam victoriam cognomen *Sarmatici* militari acclamatione accepisset. *Secundo Sarmaticus*, vel *secundus Sarmaticus*, (nam ita Ammianus cum editus tum scriptus loquitur) una eademque res est. Nec verba A. Marcellini aliter quam dixi, sunt accipienda.

L. 18. c. 2. §. 15. *Regionem cui Capellatii vel Palas nomen est, ubi terminales lapides Alamannorum et Burgundiorum confinia distinguebant*, falso putat Lindenbrogius esse *Palas*, castrum in agro Trevirico a Ditmaro memoratum. Quippe regio *Capellatium vel Palas* trans Rhenum posita erat in magna Germania, et inter Alamannos ac Burgun-

diōs vel Burgundiones, Gentes Germaniae Transrhenanas iacebat: ut aperte docet Ammianus in libro xviii. ac xxviii. At *Palas* Ditmari, castrum erat cis flumen Rhenum in provincia Galliae Belgica prima: quod Ditmarus in libro vi. tradit a *Trevirensibus adversus Regem* munitionibus firmatum esse.

L. 19. c. 6. §. 7. armaturam Gallorum Francorumque confundit Lindenbrogius, et quia Ammianus ibi *Gallos securibus gladiisque succinctos* descripsit, laudat Apollinarem Sidonium, et Procopium, ac Agathiam: qui Francorum secures ancipites vel bipennes, vulgo Franciscas a Gente cognominatas, et hastas lanceasve quae angones vocabantur, describere.

L. 21. c. 15. §. 6. de Constantio Aug. *Uxorem autem praegnantem reliquit. Unde edita postuma,* etc. Ad ea Ammiani in libro xxi. verba ista Lindenbrogius adiecit, et quidem post editum pridem Ammianum suum: *Ante Constantium obiisse eius uxorem* scribit Zonaras. Γαμετὴ δ' ἦν αὐτῷ Εὐσεβία. Et paullo inferius: τοῦ Κωνσταντίου προτέθνηκεν, ἅπαις διὰ βίου μέλαινα. Hoc de Eusebia uxore Constantii A. vere prodidit Zonaras: quae *Regina Eusebia, quod vixerat, sterilis* dicitur et Ammiano in libro xvi. At idem nihilominus tamen in libro xxi. c. 6. §. 4. scribit, Tauro et Florentio Coss. anno Christi ccc. lxi. Constantium Antiochiae *Faustinam sortitum esse coniugem, (amissa iam pridem Eusebia)* quam eodem anno moriens *praegnantem reliquerit.* Eius filiam postumam, nomine patris Constantiam appellatam esse; quam parvulam nunc finu, nunc lectica secum Procopius tyrannus circumtulit, et quae postea adulta Gratiano A. nupsit; sicuti in libris xxvi. et xxix. Marcellinus narrat. Distinguendae ergo fuerunt duae minimum Constantii A. uxores: prior Eusebia sterilis; posterior Faustina,

ex Constantio A. mater Constantiae A. quae duae Augustae cum ab Ammiano disertis verbis non semel distinctae fuerint, ab homine qui Ammianum observationibus suis illustrabat, ignorari aut confundi non debuerunt.

L. 28. c. 5. §. 6. *Gruthungos* Ammiani, quos Vopiscus *Gauthunnos*, Claudianus *Gothunnos*, Zosimus *Prothingos* mendose vocet: a Sidonio *Vithungos*: ab Ammiano ipso in libro xvii. *Iuthungos* appellari ait Lindenbrogius, et unos eisdemque sibi videri: *Gruthungos* vel potius *Greuthungos* Gentem Gothicam, et *Iuthungos* seu *Vithungos*, nationem Alamannicam longissime a *Greuthungis* distantem confundens.

L. 28. c. 5. §. 11. Ammiani ex libro xxviii. verba haec laudat Lindenbrogius: *Sobolem se esse Romanam Burgundii sciunt.* Tum addit: *De Burgundiis hoc eatenus verum putare se, quatenus in Aeduorum fratrum populi Rom. sedes successerunt.* Quo nomine a fratre meo in Notis merito reprehenditur. Quippe nondum cis flumen Rhenum in Sequanis et Aeduis aliisque Galliarum regionibus et provinciis sedem ceperant Burgundii vel Burgundiones, sed trans Rhenum adhuc habitabant, quum Ammianus scribebat Historiam: quos Burgundiones nonnisi Honorio et Theodosio iuniore Principibus Rhenum transisse perpetuae possessionis causa et *Lucio V. Cl. Consule* anno Domini cccc. xiii. post Valentis A. mortem xxxv. *partem Galliae Rheno propinquam armis obtinuisse* Tiro Prosper et Cassiodorus Senator in Chronicis tradunt. Quod autem ibidem ait A. Marcellinus, *Burgundios*, qui ceteris omnibus Historicis *Burgundiones* vocantur, *salinarum finiumque causa Alamannis saepe iurgasse*: sic explicat Lindenbrogius, ut dicat harum salinarum meminisse Iohannem Sarisberiensem in epistola 196. hisce verbis: *Utinam sepeliatur in*

salinario Aeduorum. In quo sui similis est, et uti supra, graviter errat Lindenbrogius. Nam ut ambo populi, Alamanni et Burgundiones aetate A. Marcellini trans flumen Rhenum sedes adhuc suas habebant: sic *salinae* ab Ammiano memoratae, in utriusque Gentis confinio trans Rhenum quoque positae erant. Ac *Salinae* cis Rhenum erant in Sequanis, cum Ledone Salinario et castro Salinensi, nihil ad salinas istas Trausrhenanas, de quibus Alamanni et Burgundiones inter se pugnabant, ulla ratione pertinentes, duobus puteis salis illustres: quas *Salinas* Iohannes Sarisberienfis *Salinarium Aeduorum* vocavit, cum *Salinarium Sequanorum* appellare debuisset. Nam ullas in Aeduorum finibus, hoc est in pago Augustodunensi, in Cabillonensi item, et Matisconensi, ac Nivernensi salinas esse non novi. Et de Lindenbrogio hactenus: quae solo amore veri impulsus adnotavi, ac studiosos admonui, ne quis minime praemonitus, eosdem in scopulos imprudens ac incautus incideret.

Habes, erudite et candide lector, Ammianum celeberrimum Historicum, in quem totos menses viginti me assidue impendisse non poenitet. Habes editionem nostram, tempore quidem novissimam, sed certe tamen (si fas est dicere) omnium primam. Quippe singula ac universa cunctarum priorum editionum bona complectitur; earundem vero vitiis caret: plurima praeterea optima et maxima ac perquam utilia continet, quae ceteris omnibus desunt. Quo nomine (ut spero) commendanda, et apud posteros famam est aliquam meritura. Fruere igitur, et vale.

HENRICI VALESII
AD CANDIDUM LECTOREM
PRAEFATIO
IN PRIOREM AMMIANI MARCELLINI EDITIONEM.

AMMIANUS Marcellinus Antiochiae genitus fuit, parentibus ut conicere est nobilissimis. Ipse admodum adolescens inter Protectores Domesticos militavit. Quo maxime argumento eius nobilitasprehenditur. Ducum enim, Comitum et Magistrorum militarium filii in eam scholam referebantur. Itaque et Constantius Chlorus, et Iovianus, qui postea Augusti fuerunt, et Gaudentius Aëtii pater, qui post ad Magisterii equitum culmen pervenit, a Domesticali militia exorsi sunt. Ac ceteri quidem milites in votis habere consueverant hanc militiae promotionem, ut Protectores fierent, quemadmodum scribit Paulinus in Epist. 39. Marcellinus vero noster ab eo loco militiam auspicatus est adolescens, ad quem vota nobilium iuvenum ac desideria adspirabant. Cum autem hic mos esset, ut ex Domesticiis Protectoribus alii in Comitatu confisterent ad Imperatoris custodiam, alii cum Magistris militum per varias orbis Romani provincias mitterentur: (quod in Adnotationibus uberius explicui) Marcellinus noster cum Urlicino Magistro equitum missus est in Orientem, eidemque a Constantio Aug. obsequi est iussus: ut ipsemet scribit libro XIV. Urlicinus autem a Constantio ad tutelam

Orientis destinatus est anno Natalis Dominici 350. ut elicitur ex libro XVIII. Postea Ursicino iussu Imperatoris Mediolanum accito, Marcellinus quoque noster una cum eo in Italiam venit, Consulatu Constantii septimo et Constantii Galli tertio, qui annus erat 354. Natalis Dominici. Anno autem sequenti, cum idem Ursicinus ad opprimendam Silvani tyrannidem a Constantio mitteretur in Gallias, Ammianum Marcellinum una cum aliis spectatae industriae Protectoribus secum duxit. Exstincto brevi Silvano, Ursicinus aliquamdiu detentus est in Galliis: tandemque a Constantio Sirmium evocatus, paullo post reddita Magisterii dignitate in Orientem remissus est, iuncto ut antea Marcellino. Ibi quae Marcellinus noster gesserit, quibus in proeliis obsidionibusque versatus sit, quas legationes obierit, satius ac iucundius fuerit ex ipsius narratione quam nostris verbis discere. Post obitum Constantii Iulianus rerum potitus, ingenti apparatu bellum intulit Persis. Cui expeditioni se interfuisse Marcellinus noster affirmat. Valentiniano deinde et Valente regnantibus quid egerit, aut ad quam dignitatem promotus fuerit, quoniam ipse tacuit, obscurum est. Videtur tamen, si conicere licet, tum relicta militia ad otium se contulisse. Certe Valentis temporibus quin Antiochiae (quam eius patriam fuisse dixi) commoratus sit, dubitari non potest. Nam in libro XXIX. c. 1. ubi coniurationem illam Theodori commemorat, quae Antiochiae patefacta simul et vindicata est, his verbis utitur: *Et quoniam addici post cruciabiles poenas vidimus multos, summatim (quia nos penitissima gestorum memoria fugit) quae recolere possumus, expeditius absolvemus.* Quibus accedunt ea quae infra dicit in eodem libro, et in lib. XXX. Gratiano demum ac Valentiniano Iuniore et Theodosio simul imperantibus, Marcellinus Oriente relicto Romam mi-

gravit: quam ob causam, et utrum a Principe illuc evocatus, incertum est. Ceterum magnitudine et copiis urbis in qua domicilium constituerat, non ad luxum ac desidiam abusus est, ut plerique tum facere solebant: sed optimarum artium studiis, et Auctorum maxime Latinorum lectioni vacans, in clarissimi et doctissimi cuiusque amicitia consenuit. Testes sunt unus et triginta Historiarum libri, quibus res Romanas ab exordio Nervae ad Valentis obitum comprehenderat. Quos quidem libros Romae ab eo scriptos fuisse multa argumenta demonstrant. Primo enim censurae illae sane graves, quibus in vitia Nobilitatis simul ac plebis Romanae invehitur, non modo in libro xiv. c. 6. sed etiam in xxviii. c. 1. §. 4. et alibi, non ab alio quam ab urbis Romae inquilino proficisci potuerunt. Cur enim unius populi Rom. delicta tam accurate retulit? An solus eo tempore populus Rom. vitiis sca-tebat? Nonne eadem Constantinopoli etiam age-bantur? Sed nimirum qui Romae residebat, et Romanis historias suas recitabat, huiusmodi obiur-gationibus admonere cives Romanos, et ad melio-rem frugem revocare cupiebat. Praeterea idem ostendit reprehensio Senatoris cuiusdam Rom. quae legitur in principio libri xxvi. Sed in exordio ipso libri xxviii. longe clarius id ipsum significat Marcel-linus. Ait enim timuisse se, si calamitates urbis Romae accuratius commemoraret, ne idem sibi ac-cideret quod olim Phrynicho: qui cum expugna-tionem Mileti (quae Colonia Atheniensium erat) argumentum sumpisset tragoediae, suffragiis popu-li Atheniensis graviter multatus fuisse dicitur. De-nique in lib. xxx. c. 4. de Advocatorum professione locuturus, se in Occidente fuisse, cum ea scriberet, testatur his verbis: *Ergo absolutis super eius in-dignitate paucis quam in illis (Orientalibus scilicet) partibus agens expertus sum, ad coeptorum cursum*

regrediar. Quod si quis fortasse his argumentis non satis convictus est, Libanii certe Antiocheni testimonio fidem non derogabit. Hic in Epistola ad Marcellinum nostrum, eum Romae vixisse, et historias suas magno cum plausu et favore populi Romani recitasse docet. Sed quoniam haec Epistola et laudes Marcellini nostri, et alia quaedam de ipso necessaria scitu continet: operae pretium duxi, eam hic integram ex codice Bibliothecae Regiae apponere.

ΛΙΒΑΝΙΟΣ ΜΑΡΚΕΛΛΙΝΩ.

ΚΑΙ σὲ ζηλῶ τοῦ Ῥώμην ἔχειν, καὶ κείνην τοῦ σε. σὺ μὲν γὰρ ἔχεις ὧ τῶν ἐν γῇ παραπλήσιον εὐδέν. ἡ δὲ τῶν ἑαυτῆς πολιτῶν, οἷς πρόγονοι δαίμονες, οὐχ ὕστερον. ἦν μὲν οὖν δὴ σοι μέγα, καὶ τὸ μετὰ σιγῆς ἐν τῇ τοιαύτῃ διάγειν, καὶ τὸ λόγους ὑπ' ἄλλων λεγομένους δέχεσθαι πολλοὺς δὲ ἡ Ῥώμη τρέφει ζήτορας πατράσιν ἀκολουθοῦντας. νῦν δ' ὥς ἔστιν ἀκούειν τῶν ἐκεῖθεν ἀφικνουμένων, αὐτὸς ἡμῖν ἐν ἐπιδείξεσι ταῖς μὲν γέγονας, ταῖς δὲ ἔση, τῆς σύγγραφῆς εἰς πολλὰ τετμημένης, καὶ τοῦ φανέντος ἐπαινεθέντος μέρος ἕτερον εἰσκαλοῦντος. ἀκούω δὲ τὴν Ῥώμην αὐτὴν στεφανοῦν σοι τὸν πόνον, καὶ κεῖσθαι ψῆφον αὐτῇ τῶν μὲν σε κεκρατηκέναι, τῶν δὲ οὐχ ἡττησθαι. ταυτὶ δὲ οὐ τὸν συγγραφέα κοσμεῖ μόνον, ἀλλὰ καὶ ἡμᾶς ὧν ἔστιν ὁ συγγραφεύς. μὴ δὴ παύσῃ τοιαῦτα συντιθεῖς, καὶ κομίζων ἐκεῖθεν εἰς συλλόγους, μηδὲ κάμης θαυμαζόμενος. ἀλλ' αὐτὸς τε γίγνου λαμπρότερος, καὶ ἡμῖν τοῦτο δίδου. τοιοῦτον γὰρ πολίτης εὐδοκιμῶν κοσμεῖ τοῖς αὐτοῦ τὴν πόλιν τὴν ἑαυτοῦ. σὺ μὲν οὖν ἐν τοιούτοις εἴης. ἡμῖν δ' ἐν πένθει κειμένοις εἰ μὴ τις θεῶν ἀμύνοιε, οὐκ ἔσθ' ὅπως οἴσομεν. ὅς γὰρ δὴ μόνος ἦν ἡμῖν εὐ κακὸς ἐκ μητρὸς ἀγαθῆς, εἰ μὴ καὶ ἐλευθέρως, οἴχεται καὶ τέθραπται λύπη τελευτήσας, εἰς.

LIBANIUS MARCELLINO.

ET tibi quod Romae es gratulor, et Romae quod te possidet. Nam et tu eam urbem habitas, cui orbis terrarum nihil par habet. Et illa civibus suis qui Heroas pro conditoribus habent, te nihilo inferiore tenet. Ac magnum quidem tibi esset, vel cum silentio in tanta urbe degere, et aliorum recitationes audire. Multos enim alii oratores Roma, a parentibus non degeneres. Nunc vero, ut ab iis qui illinc veniunt, accepimus, tu ipse tua partim iam recitasti, partim recitaturus es, cum historiae tuae plura in membra divisae sint, et partis publicatae laudatio, sequentium publicationem invitet. Accepi etiam Romam ipsam labores tuos coronare, et totius civitatis hoc iudicium esse, te hos quidem longe superasse, ab illis vero non esse superatum. Et haec quidem non solum historiae scriptorem, sed nos etiam a quibus profectus est, ornant. Perge igitur talia componere, ac deinde in corona recitare, et admirationem ac plausum referre. Nec desine laudes tuas ac simul nostras amplificare. Eiusmodi enim civis gloria patriae quoque ornamento est. Ac tuae quidem res in eo statu sint. Ego vero luctu confectus, nisi Deorum quis openi tulerit, quid agam nescio. Nam qui mihi unicus erat, non malus bonae matris licet non ingenuae filius, periit humatusque est, prae dolore mortuus, etc.

Haec insignis Epistola non hoc tantum quod asserimus probat: sed praeterea docet Ammianum Marcellinum, quod in principio dixeram, domo Antiochensem fuisse. Est certe Marcellinus in laudem Antiochiae propensior, nec fere umquam de ea civitate nisi adiuncto elogio loquitur. Hinc etiam est, quod Antiochenes male acceptos proscriptosque a Iuliano in eo volumine quod *Μισοπώγων* appellavit, ipse utpote cives suos benivole ex-

cufat. Sic enim ait in lib. xxii. sub finem: *Quo-
 circa in eos deinceps saevius ut obtrectatores et con-
 tumaces, volumen composuit invectivum, quod An-
 tiochense vel Misopogonem appellavit, probra civi-
 tatis infensa mente dinumerans, addensque veritati
 complura.* Ceterum cum post obitum Valentis
 Marcellinum in Urbem venisse, ibique historias
 composuisse docuerim: tempus ipsum, quo hae hi-
 storiae scriptae sunt, satis demonstratum puto.
 Quamquam tantum tamque arduum opus non uno
 die, aut anno detextum est; sed per partes subinde
 ab Auctore publicatum: quod etiam in Epistola
 supra allata testatur Libanius. Et librum quidem
 xxvii. post necem Gratiani, et post tyrannidem
 Maximi iam profligatam scriptum fuisse patet ex
 libro ipso xxvii. quod etiam ex prooemio libri
 xxviii. colligi potest, ubi ait: *Tamen praesentis
 temporis modestia confusus, etc.* Praeterea in libro
 xxvi. Neotherium Consulem memorat. Fuit autem
 Neotherius Consul anno Domini 390. At in libro
 xxii. de Serapeo ut adhuc stante loquitur: quod
 Theodosii Imp. edicto destructum est Consulatu Ti-
 masii et Promoti, id est anno ante Consulatum
 Neotherii, ut scribit Marcellinus in Chronico.
 Quamquam Tatiano et Symmacho Coss. anno Dom.
 391. id accidisse indicat Theodosii ipsius edictum
 in codice Theodos. de Paganis. Quanti porro fa-
 ciendum sit hoc Historiarum opus Marcellini nostri,
 ex allato Libanii testimonio perspicui potest. Mihi
 quidem Marcellinus summis quibusque Historiae
 Scriptoribus comparandus videtur. Nam cum duo
 maxime in historico spectanda sint, res et verba:
 elocutio quidem haudquaquam rerum gestarum
 Scriptori negligenda est: rerum tamen prima ac
 potissima cura esse debet. Et Marcellinus quidem
 cum argumento operis, tum delectu ac dispositione,
 et iudicio ac fide nemini cedit: in procliorum vero

obsidionumque narrationibus multos longo intervallo superat. Verba autem ipsa sunt ea quidem Latina fere omnia: sed constructio et collocatio verborum est, ut ita dicam, fere militaris. Nolim tamen omnino negare, in historiis Marcellini quaedam occurrere reprehendenda. Nam et interdum verbosior est quam par sit, et doctrinae famam nimis affectat: quod vitium est plerumque eorum, qui provecta iam aetate ad studia se contulerunt. Hinc excessus illi intempestivi atque pueriles de terrae motuum causis, de cometis, de Iride. Praeterea numerum et tonum historicum raro servat: sed fere cothurnatus incedit, cum Historico conveniat tracta et leniter fluens oratio, quam *εἰσομένην λέξιν* Aristoteles appellat. Sed haec fortasse excusari poterunt, si meminerimus quod in dicta Epistola testatur Libanius, historias a Marcellino nostro *πρὸς ἐπίδειξιν*, id est ad ostentationem esse compositas. Proinde mirum videri non debet, scenae aliquid ac plausui ab eo datum fuisse. Adde quod haec vitia reliquis operis virtutibus ac dotibus facile obscurantur. Denique, ut paucis absolvam, eum ad rerum civilium, tum ad Ecclesiasticae historiae cognitionem hic Scriptor non modo utilis est, sed etiam necessarius. Etli enim Deorum cultui mancipatus fuit, quod certe negari non potest, ea tamen fide, sinceritate, modestia de Christianorum rebus loquitur, ut nisi ex plurimis locis toto opere sparsis constaret eum cultorem numinum fuisse, Christianus non immerito posset videri. Mitto quod antiquitates et origines tum maiorum nostrorum, puta Francorum, tum Alamannorum et Burgundiorum aliarumque gentium non aliunde, quam ex Marcellini historiis peti possunt. Atque utinam tredecim quoque priores libri superessent, quibus res gestas Augustorum ab exordio Caesaris Nervae ad Constantii tempora pertexuerat. Etli enim prio-

rum Principum gesta succinctius memoraverat, ut ex eo apparet quod xxx. prope Imperatorum historiam tredecim libris erat complexus: non tamen dubitandum est, quin plurima scitu digna iis voluminibus continerentur. Sed praeterquam quod libri illi vetustatis iniuria perierunt, octodecim reliqui, tamquam ex naufragio quodam ita laceri mutilique ad nos pervenerunt, ut vel una haec ratio multos ab eorum lectione deterruerit. Quod quidem non scriptorum dumtaxat exemplarium vitio contigit, sed etiam editorum culpa. Prima quidem Marcellini Historiarum Editio Romae prodit anno Domini mccccclxxiv. cui praefuit A. Sabinus Poëta laureatus. Haec Editio, utpote nondum exorta Criticorum natione, omnium fidelissima est. Naevos enim exemplaris sui et lacunas servat omnes. Hanc secuta est Editio Bononiensis anno 1517. quam curavit P. Castellus, vir nec ingenio nec iudicio ullo praeditus. Ac nescio utrum stuporem hominis mirari magis, an audaciam atque impudentiam debeas. Nam neque ullum codicem manuscriptum consuluit; et coniecturae adeo infeliciter indulgit, ut monstra quaedam ac deliria in Marcellini libros intruserit. Denique lacunas omnes quae in Editione Romana fideliter expressae fuerant, ipse insertis vocabulis explevit, aut ita coïre fecit, nullum ut earum vestigium lectoribus relinqueretur. Itaque haec Editio omnium fere errorum, qui in Marcellini libris occurrunt, seminarium merito dici potest. Quod si quis eam in manus sumpserit, ac vel ipsam Castelli Epistolam legerit, is profecto fatebitur nihil a nobis exaggerari. Huic, anno post, successit Editio Basiliensis a Iohanne Frobenio excusa, quae Bononiensem illam dumtaxat expressit. Tandem vero anno mdxxxiii. Editiones duae prodire: prior Augustae Vindelicorum,

corum, emendata a Mariangelo Accursio: posterior Basileae apud Hieronymum Frobenium Iohannis filium, cui praefuit Sig. Gelenius. Haec Calendis Iulii; illa mense Maio absoluta est. Utraque porro ex scriptorum codicum fide emendata et aucta. Nam Accursius libros quinque postremos, qui in superioribus Editionibus deerant, ex suo codice primus adiecit. In Editione vero Gelenii, qui Hirsfeldensi Ms. exemplari usus est, ultimus liber cum extrema tricesimi pagina desideratur. Ceterum has inter se Editiones conferre nec inutile mihi, nec iniucundum fuit. Erat quidem in utroque horum virorum magna doctrina, ut scripta utriusque testantur. Sed in Gelenio maior quaedam ingenii vis, et iudicium acrius fuit. Quod cum multi praeclari labores illius viri testantur, tum maxime interpretationes Latinae Dionysii Halicarnassensis, Appiani, Philonis item ac Iosephi, Origenis et aliorum. Ex quibus apparet eum excellenti ingenio et singulari doctrina praeditum fuisse. Sed et Ammiani Marcellini historiae ab eo editae id ipsum abunde testantur. In quibus plurima acute et ingeniose emendavit; et in lignem paginarum transpositionem, quae in Mss. omnibus codicibus reperitur, et in Editione exstat Accursii, mira dexteritate restituit. Quamobrem eius viri nomini libepter hoc laudis testimonium impertimus, neminem adhuc exstitisse, qui de historia Marcellini melius meritus sit. Has secuta est Editio Frobenii anno MDXLVI. in qua ultimus liber adiectus, et quidam loci a nescio quo emendati sunt, ope Editionis Augustanae, ut equidem cenleo. Ex hac deinceps Editione reliquae omnes cum in Gallia, tum in Germania propagatae videntur, donec Fridericus Lindenbrogius, vir eruditus ac diligens, novam Editionem aggressus est anno MDCIX. Qui

praeterquam quod aliquot locos Scriptoris nostri ope M^s. codicis Florentini egregie correxit; primus omnium Auctorem sane difficillimum perpetuis Observationibus illustrare ausus est. Varias denique M^s. codicis lectiones in calce Editionis apposuit, quae novam quandoque Editionem aggressuris magno usui esse possent. Proinde et doctrinae et industriae non mediocrem certe laudem meretur. Hae fere sunt Editiones Historiarum Marcellini, quae singulare quiddam prae ceteris habuerunt. Nam reliquae ex his tamquam fontibus derivatae sunt omnes. Editio verbi gratia Roberti Stephani ad exemplar Gelenianae illius expressa est. Henrici autem Stephani, Gryphique Editiones Basiliensem illam anni M^oXLVI. instar archetypi secutae sunt. Earum porro seriem Editionum paullo fusius hic enarrandam esse duxi duabus de causis. Nam cum in Annotationibus nostris priores quatuor saepissime nominentur, officii nostri fuit Lectorem de singulis praemonere. Altera ratio est, ut appareat Lectori, quibus praesidiis succinctus novam hanc Editionem susceperim. Etenim Romana quidem et Augustana et Basiliensis Editio, utpote ex M^s. exemplaribus profectae, scriptorum codicum vicem merito praestiterunt. Bononiensis autem illa, (quod unum maxime intererat) fontem mihi omnium mendorum aperuit. In quo certe nos feliciores et Accursio fuisse et Gelenio nemo dubitavit. Hi enim, ut mihi quidem videtur, solam Iohannis Frobenii Editionem viderant, quae Bononiensem, uti supra dixi, cum omnibus mendis expresserat. Nec quisquam ante nos de facinore P. Castelli ne suspicatus quidem videtur. Nobis porro praeter haec subsidia, M^s. etiam codices non defuerunt. Inter quos merito palmam ferat codex Bibliothecae Regiae, quem a Viro clarissimo doctissimoque Nicolao Rigaltio, eius Bibliothecae Praefecto, com-

modatum accepi. Hic codex etsi non multum antiquus, ex optimo tamen exemplari et ab erudito homine descriptus, in plurimis locis emendandis permagno mihi usui fuit. Huic accessit codex Bibliothecae Vaticanae, qui olim Monasterii Fuldenfis fuerat, ante quadringentos plus minus annos exaratus. Ex eo locos quosdam a I. Iacobo Bouchardo erudito viro ut petieram collatos, misit ad me Nicolaus Fabricius Peirescius V. Cl. qui cum rei publicae litterarum bono natus est, tum in nostris privatim studiis iuvandis et promovendis nulli labori et impensae parcere solet. Et quamquam pagellas ab eo ad me missas serius et affecta iam Editione nostra accepi: observavi tamen Vaticanum codicem illum fere ubique cum Regio consentire. Praeterea librum Antonii Loifelli, in quo vir ille doctissimus varias aliquot lectiones Mf. codicis, qui olim Valentiae Cavarum fuit, adnotaverat, benigne mihi communicavit Hieronymus Bignonius V. Cl. et inter praecipua Luteciae nostrae ornamenta numerandus. Denique Friderici Lindenbrogii et Gruteri Editiones, varias quoque lectiones ex Mss. exemplaribus Florentino et Fauchetii suppeditarunt. His igitur auxiliis instructus, Marcellini historias mendis quamplurimis purgatas in publicum emisi. Adnotationes quoque uberiores addidi, quibus cum emendationum mearum rationem redderem, tum difficiles quosque locos (cuiusmodi in hoc Scriptore occurrunt plurimi) explicarem. In quo quid praestiterim, tuo Lector iudicio relinquo. Hoc quidem mihi videor iure posse dicere, dedisse me operam, ut nullum obscuriorem locum tacite et dissimulanter praeterirem. Postremo Excerpta de gestis Constantini, quorum in Adnotationibus saepe mentionem facio, huic Editioni nostrae subiungere placuit. Eorum autem mihi copiam fecit R.

P. Iacobus Sirmundus, iudicio, doctrina, stilique elegantia, ut inter omnes constat, eminentissimus. Cuius etiam humanitati debetur nummus ille Hanniballiani Regis, qui Adnotationum nostrarum vestibulum exornat. Eius enim nummi ectypum pro sua erga me benevolentia liberaliter mihi communicavit. Frueris igitur, amice Lector, hoc labore nostro: et si quando, ut in tam lubrico opere, lapsi erimus, nobis humaniter condonabis.

CLAUDII CHIFFLETII I. C.

SEQUANI VESONTINI,

DOLANAE ACADEMIAE REGII ANTECESSORIS,

DE

AMMIANI MARCELLINI

VITA ET LIBRIS RERUM GESTARUM

MONOBIBLION.

AMMIANUS MARCELLINUS natione Graecus fuit, ut saepius profitetur: unde domo. perincertum. Pater et genus ignorantur; nisi quod ingenuum se et nobilem fuisse non obscure indicat, cum fugiens vim Persicam, tandem *se nimietate pedibus incendi superatum, ut insuetum ingenuum*, (utar enim verbis eius quantum licebit) narrat lib. XIX. Solet autem Marcellinus, cum multis aliis, ingenuos nobiles appellare. Fit quidem mentio *Antonii Marcellini*, sub Constantino Magno Praefidis provinciae Lugdunensis primae: ad quem exstat L. I. Cod. Theod. Sine censu vel reliq. et aliquot aliae. Is an huius pater fuerit, nec negare, nec adfirmare ausim. Certe *Marcellini* Cos. cum Probino, Constantini filiorum temporibus, fasti meminerunt; sicut et *Marcellini Comitiss Orientis*, in L. VI. C. utroque, de oper. publ. quae data est Lime-

nio et Catullino Coss. Item *Marcellini* P P. ad quem L. III. C. Theod. de honorar. C. quae data est Acindyno et Proculo Coss. Invenio et *Marcellinum* appellari a Sexto Victore, in veteribus etiam libris, qui cum Chrestio et Magnentio in Constantis necem conspiravit: sed non facile dixerim, an ad *Ammianum* pertinuerit, quem nomine tenus refert. Coniicio tamen eundem esse, quo duce Magnentius Nepotianum, res novas Romae molientem oppressit; quem Zosimus *Magistrum Officiorum* appellat. De his igitur nihil aliud habeo quod dicam, quam Marcellinorum familiam, unde Ammianus, illis temporibus illustrem fuisse, et Comitivae, et Magisterii dignitatibus decoratam. Ex eius forte posteris (nihil enim praeter nominis conjecturam habeo) est is, ad quem rescribunt Honorius et Theodosius Iunior in L. III. C. Theod. de religios. qui mihi videtur idem esse cum illo *Marcellino Tribuno, et Notario*, quem in collatione Catholicorum et Donatistarum Imperatores iidem cognitorem et iudicem dederunt; cuius meminit Orosius lib. VII. cap. XXXII. et passim in Epistolis Divus Augustinus, ad quem etiam videtur dedisse insignes de Civitate Dei libros. Nam ne eundem faciam cum hoc nostro, annorum ratio repugnat. Alioquin dicendum esset *Ammianum* centenario paullo minorem, tam arduae et laboriosae cognitioni praefuisse. Denique illius Epistola, inter Augustinianas quarta, ab huius stilo remotissima est. Fuit igitur de nomine eius et familia; ut et alter *Marcellinus Comes Justiniani Imp. a cancellis*, cuius Chronicon laudabile exstat.

Porro qui *Ammianum* Constantinopolitanum faciunt, quem secuti sint non video: nam in fine Operis tantum se *Graecum* profitetur; nullibi Thracem: quod ei facile fuisset in Thraciarum descriptione, et Byzantii mentione. Procul dubio

non filuisset *ius Buleutarum*, ad exemplum urbis Romanae a Iuliano Byzantiis datum, aliaque in eos collata beneficia, quae Zosimus expressit: ut verum sit, quod initio dixi, patriam eius ambiguum et incertam.

Ab adolescentia prima liberalibus disciplinis imbutus fuisse videtur, et sermonis utriusque copiam, adiuncta rerum gestarum scientia, consecutus. Unius sane *Ciceronis* lectione delectatum, passim tota Historia indicat: cuius utinam stilum, ut sententias, quas saepissime interferit, fuisset imitatus! His adducor ut credam, a prima pueritia *Marcellinum*, quamvis ortu Graecum, in Occidente vixisse, ibique Latinae loquutionis facultatem consequutum. Nam sequens eius aetas provector et maturior, toties bellis et rebus gerendis interpellata ac impedita, ei rei vix suffecisset. Militiam enim armatam statim sectatus est, primumque a *Constantio* adolescens admodum, in cohorte *Ursicini* Magistri equitum fuit adscriptus; quem etiam saepissime occasione data commendat, ac eius militares virtutes ad invidiam usque praeclaras celebrat. Quo ab Oriente revocato, inter Protectores Domesticos Constantii *equestres*, ut puto, potius quam *pedites*, retentus fuit *Marcellinus*, homo adhuc adolescens; quamvis eius ordinis viri ex iis delecti essent, qui arma iam tulerant, bellisque aliis et expeditionibus interfuerant, ut Iuliani Imperat. ad Leontium Epistola probat. Is locus et gradus militiae ea tempestate adeo fuit honestus, ut *Iovianus* ex Domestico Protectore, et Ammiani collega, factus *Scholae Primicerius*, ex Primicerio *Imperator* creatus sit; idque suis libri xxi. et sequentes docent.

Missus postea in Galliam *Ursicinus*, quasi successor *Silvani* Magistri equitum et peditum, natione Franci, qui tum imperium invaserat Coloniae

Agrippinae; ceu altiore consilio, ut in ipsis primordiis tyrannus opprimeretur, duxit secum egregio facinori perpetrando, ut postularat, Tribunos, et Protectores Domesticos decem, ad iuvandas necessitates publicas. Quia vero *Ursicino* iam cognita erat *Ammiani* industria et fides, eum inter alios delegit cum *Veriniano collega*: eoque tandem res processit, et tam vafre acta est, ut *Ursicini* et comitum arte atque industria summa deiecto ac caeso *Silvano*, Imperium *Constantio* adsererent, quod liber xv. luculentius explicat. In ea peregrinatione et legatione puto *Ammianum Vesonionem Sequanorum matrem, patriam mihi dulcissimam* vidisse, tunc tantum non dirutam, et in oppidum redactam, licet maximam olim, sed *Alamannorum* vastatorias manus haud multo ante perpellam. De ea sic in Galliarum descriptione lib. xv. *Apud Sequanos Bisontios vidimus, et Rauracos, aliis potiores opidis multis.* Quin et ibidem diutius commoratum ideo crediderim, quia occiso *Silvano Iuliano* Caesar creatus, et in partes Galliarum praemissus, exercitum sequentem in unum iusserat *Vesuntii* *) congregari, cui praesidebat *Ursicini* successor *Marcellus*, ipseque *Ursicinus Ammiani nostri Dux*, praeceptus a *Constantio* iisdem in locis agere, adusque expeditionis finem. Interfuit igitur, aut vero interelle potuit *Marcellinus* noster proeliis illis levioribus, quae apud *Brocomagum, Senonas*, et alibi ante pugnam *Argentoratensem* memorabilem facta sunt. Nam ne gloriae huius particeps esset, obstitit *Ursicini* paullo ante initum proelium revocatio: qui litteris *Constantii* ex *Iuliani* comitatu accessitus, *Sirmium* ad Imperatorem comitantibus sociis venit, in quorum, ut diximus, numero erat *Ammianus*: ibique libratiss super pace cum *Persis* consiliis, in Orientem cum *Magisterii* potestate re-

*) immo *Remis*. Valef.

mittitur: simulque individuus eius comes *Marcellinus*, iussu Imperatoris profectus est, adolescens etiamnum, altiorum dignitatum militarium nondum capax. Ita enim de se lib. xvi. refert: *Provectis e consortio nostro ad regendos milites natu maioribus, adolescentes eum (Urficinum) sequi iubemur; quidquid pro Rep. mandaverit impleturi.* Sed cum *Urficinus*, grassantibus in palatio *Constantii* adulatoribus, accepto successore *Sabiniano*, a Persica expeditione ad comitatum Imperatoris revocaretur, atque in delenimentum ablatae provinciae, Magisterium pedestris militiae ei offerretur; dum ad iussa festinat, et *Ammianum* atque solitum comitatum trahit, cuncti paulisper cis *Taurum* morati, (causa in obscuro est) tandem ad partes Italiae ex imperio festinantes, prope flumen venerunt *Hebrum* in Thraciam, ibique alia Principis scripta recipiunt, iubentia omni causatione posthabita reverti in *Mesopotamiam*, sed sine Apparitione: nullam expeditionem periculosam curaturos, omnipotestate ad *Sabinianum* translata. Ubi tamen praecclaris factis bellicis inclaruit *Urficinus* cum *Marcellino* et comitibus; quae lib. xviii. latius diggeruntur. In eo de se persaepe Auctor scribit, citra adrogantiam tamen. Inter cetera autem conspicuum est, et pietatis laude celebre factum eius, qui liberalem puerum, torquatum et ingenuum, a matre vastatorios Persarum globos fugitante in medio aggeris relictum, et tunc eiulantem, impositum equo praeferens sustulit, et in tuto intra civitatem proximam locavit; parumque abfuit, quin regrediens ad socios caperetur, quos securos hostium, signo e longinquo demonstrato, periculi instantis admonuit: quo ea ratione superato, missus est *Marcellinus* ab *Urficino* ad Satrapam *Corduënæ*, qui a Romanis non erat alienus, ut Persarum consilia scrutaretur: delectusque ideo fuit, quia libe-

ralibus disciplinis deditus erat, quibus etiam *Sastra* delectabatur. Quae legatio felix adeo fuit, ut Persicum apparatus oculitus didicerit, retuleritque comitatu Urficini. Eo tempore ac bello retinuisse adhuc Ammianum militiam et dignitatem Protectoris Domestici, ex eo constat, quod *Verenianum* aequalem, Protectorem Domesticum, de quo supra, *collegam suum* appellat, cum eius casum describit: non enim dubito, quin is sit, quem Editiones corrupte appellant lib. xv. modo *Verianum*, modo *Verinianum*. In eo bello a Duce suo Urficino vi Parthica separatus *Marcellinus*, *Amidam*, magnis tenuit aerumnis, quae ab hoste tandem, propugnante inter ceteros nostro, non obtinendae salutis, sed fortiter moriendi studio flagrante, ut ait, post longae ac periculosae obsidionis moram capta est: ex qua quomodo evaserit, et quibus fuerit agitato casibus, donec reperto Duce suo, cum eo *Antiochiam* revisit, modeste commemorat lib. xix.

Reverso autem ad commilitium Principis *Urficino*, factoque iterum Magistro peditum Praesentalium, probabile est, comitem eius adfiduum *Ammianum*, ad Protectoris Domestici ordinariam functionem rediisse: aut si ad ampliores dignitates fuerit provectus, modeste reticet. Bellis sane, ac proeliis, et periculosis expeditionibus, aetate iam in maturum gliscente, accessionem honoris meruerat, cuius tamen prae litterarum ac doctrinarum dulcedine valde appetens, aut ambitiosus non videtur fuisse. Porro quamvis *Palatinorum* calumniis appetita esset Urficini clarissima et consummatissima virtus, isque deposita militia honorata, digredi ad otium ignobile iussus sit, ut lib. xx. perstringitur: credo tamen *Ammianum* suum locum et ordinem, qualiscumque tandem fuerit, retinuisse; quia de *Urficino* tunc separatim loquitur, quasi

ab eius fortuna discretus; cum alioquin in rerum ab eo gestarum commemoratione se ipsum ei frequentius adiungat: et vero hanc status sui commutationem haud dissimulasset. Quas autem mortuo Constantio, sub *Juliano*, *Valentiniano*, *Valente*, *Gratiano*, ac *Theodosio*, militares aut civiles dignitates gesserit, ex eius verbis nobis est incompertum. In fine quidem Operis simpliciter se *militem* appellat; ut incertum sit, miles cum dignitate fuerit, necne. Militavit quidem bello Persico sub *Juliano*, cui etiam *Historicus Eutropius* interfuit; sed an ut Protector Domesticus, aut sub alio dignitatis militaris titulo, quem eius industria merebatur, ideo est obscurius, quia posteris id tradere curae ei non fuit: ab omni enim vanitatis ac iactantiae suspicione abest longissime *Ammianus*. Forte noluit referre auctus suos et dignitates adiectas, sive a *Juliano*, sive ab aliis, ne beneficii huius publicatione de Historiae suae fide vel saltem suspicione tenus deminueret. Sed tamen in Reip. luce versatum tantae industriae virum, ac titulis dignitatum decoratum fuisse non dubito; cum etiam sub *Gratiano*, *Valentiniano Iuniore*, ac *Theodosio* Comitum rei Privatae meruerit, id est ab armata ad palatinam dignitatem transierit. Nam sic inscribitur lex xli. Cod. Theod. de appellat. IIDEM A. A. AD AMMIANUM COM. R. P. quae eiusdem anni est, licet alterius diei, cum L. v. in Cod. utroque ad leg. Iul. repet. quae ad Magistratum et in administratione positum scripta est; cuius est inscriptio plenior in Theodosiano Codice: IIDEM AAA. HAVE MARCELLINE. K. N. B. ut nemini mirum videri debeat, si a nobis initio libri suus titulus ei fuerit restitutus. In ea dignitate, quae inlustris erat, collegam habuit *Nebridium*, quem anno praecedenti, et eodem etiam lego appellari *Com. rei Priv.* in L. xvi. et xviii. C. Theod. de Petit. et ultro dat. et del. Item

in L. v. Cod. Theodos. de palat. sacr. Larg. et rer. Priv.

Porro in partione Comitum, et numerorum militarium, quam *Valentinianus* et *Valens A. A.* fecerunt apud *Naissum* Illyrici urbem, dum ille Occidenti, hic Orienti se accingit: videtur partem *Valentis* secutus *Marcellinus*. Nam res eius, et cognitiones saevas sub eo habitas digerens, lib. xxix. tandem subiungit: *Addici post cruciabiles poenas vidimus multos, ut in tenebrosis rebus confusione cuncta miscnte.* Et aliquanto post, ubi lanienam nobilium plebeiorumque memoravit, addit: *Omnes ea tempestate velut in Cimmeriis tenebris reptabamus, peria convivis Siculi Dionysii pavitantes.* Praeter Orientis et Perfidis peregrinationes non semel institutas, Gallias etiam ac Germanias, ex iis quas retuli causis adiit; sed et Aegyptum lustravit, visa pleraque in ea narrans. Thracias describens lib. xxvii. 4. obscura varietate omissa, sufficere ait, ea expedire, quae vidisse meminit. Orientalium rabularum, et circumforaneorum oratorum vafricie versutiaque aliquando vexatus fuit; quam iniuriam ulciscitur satis excessu de moribus eorum instituto lib. xxx. eosque suis depingit coloribus.

Etiam vixisse Romae Ammianum non dubitaverit, qui populi Rom. mores, et errata ab eo expressa lib. xiv. 6. et xxviii. 4. legerit: nec enim nisi testis oculatus talia observare et scribere potuit.

Fuit *Ammianus* (ut et hanc vitae eius dotem exsequar) *professione Christianus*, nisi fallor, aut saltem animo et voto a Christianis non alienus: de quibus honorifice in tota Historia sparsim sentit, et scribit; dataque occasione libens eorum mentionem interserit, non odio, ut maligni Scriptores, sed ad commendationem potius. Nam cum lego lib. xviii. extremo factum Saporis Persarum Regis

laudari, qui in castellis duobus a se captis *inventas virgines, Christiano ritu cultui divino sacratas, custodiri intactas, et religioni servire solito more, nullo vetante, praecepit*; vix est ut credam Christiani oris haec verba non esse. Cum item narrat lib. xxix. 5. Theodosium patrem leniter suscepisse Christiani ritus Antistites, a *Firmo Tyranno* missos, ut pacem orarent; quid aliud, quam ex ea in Christianos humanitate laudem *Theodosio* adseruit? Sed haec sunt leviora: his autem quae subiuciam, quid clarius? nam de Constantio ita statuit lib. xxi. 16. *Christianam religionem absolutam et simplicem anili superstitione confudisse*. In quo ei cum tota historia Ecclesiastica convenit, quae uno ore *Arianae* pravitatis consensum *Constantio* affingit. *Superstitionis* enim nomine haereticas sententias intelligit *Ammianus*, quia et de *Manichaeis* loquens lib. xv. *sectam superstitionum appellat*. Cum autem lib. xxii. 11. de *Georgii Alexandrini Antistitis* acerbitate, et vindictae nimio studio usque ad vile delationis officium, quem ob id plebs Alexandrina crudelissime occidit, plura dixisset; subiungit: *Professionisque suae oblitus, quae nihil nisi iustum suadet et lene, ad delatorum causa feralia desciscebatur*. Sed paullo post Martyres ait appellari, qui *deviare a religione compulsi, adusque gloriosam mortem intemerata fide progressi sunt*. Nemo sane pagani spiritus homo sic loqueretur. Quid vero de Iuliano scribit libro xxii. et xxv. *Inter quae (inquit) erat illud inclemens, quod docere vetuit magistros Rhetoricos et Grammaticos Christianos, ne transissent ad numinum cultum*. Illud enim verum est, ob gentilem superstitionem Iulianum ab eo numquam laudari; quin immo libro praecedenti sic de eo: *Pergebat ulterius Imperator, placida ope numinis, ut arbitrabatur, erectior*. Cautem quidem, quasi aliud ipse Auctor sentiret. Illa quae

de Antistitum provincialium vitae severiori disciplina traduntur ab eo lib. xxvii. nonne Christianum pectus sapiunt? *Quos tenuitas edendi potandique parcissime, vilitas etiam indumentorum, et supercilia humum spectantia perpetuo numini, verisque eius cultoribus ut puros commendant et verecundos.* Ioviani autem virtutes commemorans, inter cetera ait: *Christianae legis idem studiosus.* Si ergo in laude Ioviani ponit, *Christianum* fuisse; de Christiana eum lege bene existimasse necesse est. Haec pro adserenda *Marcellini* professione et religione dicere volui; ne quis eum posthac ut paganus et melioris voti exsortem condemnet. Sane cum Iudaeis non sentit, quos lib. xxii. 5. *faetentes, ac tumultuantes* vocat. Multa sunt tamen in eo *Hellenismi* vestigia, qualia fuisse in Christianis illorum temporum notissimum est. Quis enim Iovianum inter Principes Christianos non refert: de quo nobile Auctoris testimonium protulimus ante. At huius Imperii primordio, et hostiae pro eo caeduntur, et exta inspectantur, ut libro xxv. continetur. Gentilitas macula fuit tam elui pertinax, ut vestigia eius remanserint diutissime; et dum in fidei summam consentirent gentes, multa illis primi religionis Antistites et Institutores condonabant.

Videtur tardius, et quinquagenario maior ad Icribendam Historiam descendisse, id est consummator belli pacisque temporibus, et post observatas insignes rerum, quibus interfuit, vicissitudines. Mecum faciet, qui tempus quo se adolescentem dixit, circa octavum nempe Constantii Consulatum, cum eo contulerit, quo Historiam scripsit, quod contigit Theodosio imperante, sed ante ruinam templi ambitiosi *Serapidis* Alexandrini, cuius ut stantis adhuc, meminit in Aegypti descriptione, et post *Gratiani* mortem. Huius enim ut fato functi sic meminit lib. xxvii. *Imperatorem impleffet cum*

veterum lectissimis comparandum, si per fata proximosque licuisset, qui virtutem eius etiamtum instabilem obnubilarunt actibus pravis. Quin etiam eius ut mortui virtutes ac vitia, data occasione, strictim commemorat, vivis parcere multorum exemplo solitus. Nam quod *Theodosio* Imperium regente scripserit, cuius parentem *Theodosium* eximie laudat, eiusque res gestas stylo altiore condit, et a quorundam reprehensionibus defendit, praeter superiorem rationem vel inde existimo, quia *Theodosium* iuniorem, ducem *Moesiae*, prima etiamtum *lanugine* iuvenem, *Principem* postea *perspectissimum* appellat libro xxix. 6. Sed et saeculi *Theodosiani* felicitatem ac modestiam videtur commendare libri xxviii. principio, cum ait: *Praesentis temporis modestia fretus, carptim, ut quaeque memoria digna sunt, explanabo.* Ab viii. autem Consulatu *Constantii* ad exortum *Theodosii* Principis anni sunt xxiv. ad *Gratiani* A. caedem xxviii.

De tempore mortis ac genere nihil habeo quod dicam: tantum moneo, *Ammianum* in studiis doctrinarum ad extremum usque vitae spiritum operam posuisse, ex eoque colligo, quod, dum populi Rom. et maxime Nobilitatis otia, malasque artes reprehendit, *doctrinas* ait, *ut venena detestari*, producto in eam rem *Socratis* nobili dicto, qui e vita postridie discessurus, aliquid amplius scire optavit.

Sed et sollemne est *Ammiano*, bene vel male gestam Remp. doctrinae, aut ignorantiae adscribere. Itaque *peritiam* *Gratiani* in fine lib. xxx. laudat: ut alibi *Valentis* rudem et male informatum animum atque ut ille appellat *inconsummatum* notat. Ex hac mentis inclinatione et proposito, *Valentinianum* Imperat. ante *Gratiani* assumptionem, sic pro eo apud milites spondentem inducit xxvii. 6. *Quoniam humanitate, et studiis disciplinarum sol-*

lertium expolitus, librabit suffragiis puris merita recte secusve gestorum: faciet ut sciant se boni intelligi, etc. Eo pertinet, quod de Orfito Praef. V. sic scribit xiv. 6. *Forensium negotiorum oppido gnarus, sed splendore liberalium doctrinarum minus quam Nobilem decuerat, institutus.* Culpat etiam in libro xxx. 4. *Modestum* *) *Praefectum Praetorio, quod subagreste ingenium, nullis vetustatis lectionibus expolitus habuerit: et Nobilitatem Romanam non semel carpit, quod a doctrinis aliena, et in perpetuum clausis apud eos sepulcrorum ritu bibliothecis, malas otii artes tantum agitare.* Quae omnia varie sparsa et collecta, mores animumque *Marcellini* velut ob oculos legentibus ponunt.

Synchronos habuit (praeter alios multos, quorum ingenii opera nobis sunt ignota) hos monumentorum exstantium gloria florentes: ex Latinis, *Ambrosium, Severum Sulpicium, Symmachum, Macrobius, Ausonium*, (quem Graeci, et Codex uterque *Auxonium* appellant) *Sext. Aurel. Victor, Eutropium, Rufum Festum, Iulium Valerium, Vegetium*: ex Graecis, *Basilium, Gregorium utrumque, Nazianzenum, et Nyssenum, Epiphanium, Libanium, Musonium, Iamblichum, Eunapium, Themistium*, aliosque non paucos: quorum plerique dignitatibus et administrationibus sive civilibus, sive ecclesiasticis claruerunt.

Amicos praecipue coluit *Ursicinum Comitem*, et Magisterii dignitate toties praepollentem, ut dixi; *Hypatium* praeterea Urbis, ac Praetorii Praefectum, Consularem et Constantii Aug. quondam affinem, de quo ita lib. xxix. *Inter quos omnes adolescentia et virtutum pulcritudine commendabilis noster Hypatius eminebat: ubi de eo plura.* Cum igitur uberrimo illo eruditorum saeculo, tot Prin-

cipes

*) immo *Valentem Aug. Valer.*

cipes fuerit emensus, toties res translatas viderit, iis interfuerit vir doctus, eruditus, probus, spectatus, et consummatus: non potuit non secundum ingenium ad Historiam scribendam attulisse.

Natura etiam probum, veri amatorem, aequi bonique studiosum fuisse, ex eius apparet Historia, prorsusque alienum ab omni odio, invidia, ambitione, adulatione: adeoque res gestas diligenter ac prudenter scribit, virtutes Imperatorum ac Ducum, rei militaris errores perite revincit, et vitia Principum libere et ingenue reteggit: ut qui stilum admo-verint felicius narrationi rerum, pauci hodie supersint; nec indignus videatur, qui cum *Salustio*, *Livio*, *Cornelio*, quadrigam Historiae Romanae et Latinae constituat. Nam ceteri vitarum et epitomarum scriptores, inter secundarios et proletarios referendi sunt potius.

Reliquerat autem rerum gestarum libros xxxi. id est eius Historiae seriem fuerat complexus, quam omnium maxime intererat salvam permanere: sed libri xiii. priores cum xxxi. desiderantur, magno veteris memoriae damno, quod vix aliunde sarciri potest. Nam multa memorabilia et hodie sepulta fuisse complexum, argumento sunt reliquiae nobiles accuratissime conscriptae: quamquam in iis stylum diffudit, quo propius ad sui aevi memoriam accessit. Scripsit enim ad xv. usque audita lectaque, et aetatem eius, aut cognitionem Reipubl. supergressa: exinde vero visa cognitaque digerit. Videtur initium ducere a fine Historiae Cornel. Taciti, qui res Domitiani scripserat. Nam in fine Operis a principatu *Nervae* ad usque *Valentis* interitum se Historiam perduxisse commemorat, quam claudit exitu notabili et clade insigni, quae cladibus aliis postea ex eadem causa supervenientibus initium dedit: ubi etiam *D. Hieronymus* Chronici *Eusebio* subiecti filum abrumpit. Non puto enim *Ammia-*

num agitalle, Historiam ulterius producere, quia et consilii sui certus quaedam diu post gesta, data occasione repraesentat: ut in fine lib. xxviii. nec ullum contrarii instituti vestigium reliquit; quin immo videtur data opera vitalle, ne viventium Principum res bene secusve gestas describeret, cum librum xxvi. sic ordiatur: *Dictis impensiore cura rerum ordinibus adusque memoriae confinia propioris, convenerat iam referre a notioribus pedem, ut et pericula declinentur veritati saepe contigua, et examinatores contexendi Operis deinde non perferamus intempestivos.*

Latina, quam Graeca et populari lingua scribere historias elegit, quia in palatio et comitatu Imperatorum versabatur assidue: ubi Latinae linguae dignitas adhuc retinebatur, et leges, constitutiones, forma dignitatum, acta consistoriana, testamenta, aliaque permulta, etiam in Oriente verbis civilibus expediebantur. Primus *Theodosius* Iunior id infregit, facta potestate in testamentis Graeca lingua utendi. Exinde enim Graecarum etiam constitutionum licentia fluxit, cum ante eum paucas haberemus.

In tota autem Historia noster prudens est consiliorum indagator, eventuum sollers narrator, quos cum veteri historia non inconcinne confert. Res urbanas, civiles, domesticas, palatinasque pravitates atque artes attingit eximie, ne quis putet in bellis tantum externis scribendis quorundam more operam consumere. Non solum etiam publica fata condit; sed multorum privatorum memorabiles eventus. Denique suorum temporum mores, eorumque causas proponit aperte: atque (ut vere dicam) nemo verius et liberius Principum, Palatinorum, militum, urbanorum, forensium, nobilitatis, plebis vitia et perversa studia depinxit. Praeter iam narrata, sunt etiam haec in Ammiano fere

singularia. Nam librorum initiis praefari amat, idque praestat *Livio et Tacito* multo frequentius. Ad annalium legem non se adstringit, nec scrupulose annos sequitur: sed leviter ratione temporum observata, carptim, ut quaeque memoria digna sunt, explicat. Utitur frequenter veteris Historiae, sive Graecae sive Latinae collatione: qua in re parcius est eo *Cornel. Tacitus*, sobrietatis historicae cultor maximus. Iactat saepe ^{a)} *Historiam non decere produci per minutias ignobiles, et squalidas personas, ^{b)} discurrere per negotiorum celsitudines adfuetam*: in quod tamen vitium aliquando nimia ingenii indulgentia delabitur; vel tum maxime, cum Graecam diligentiam, ^{c)} quam ille in *Timogene* laudans, Graecis omnibus tribuit, supra modum affectat. In excessibus, qui variam eius doctrinam arguunt, et Historiam praeparant ac illustrent, frequens est: quod forte tempora illa ferebant: cui et facilius eo nomine indulgendum, quia propositi non obliviscitur. Sane praemissae rerum gestarum narrationibus, locorum ac regionum descriptiones, non solum venia, sed exultatione omni dignae sunt: quod verbis eius ostendere malo, Galliarum descriptioni praemissis: ^{d)} *Galliarum tractus et situm ostendere, puto nunc tempestivum, ne inter procinctus ardentes proeliorumque varios casus ignota quibusdam expediens, imitari videar desides nauticos, adtrita lintea cum rudentibus, quae licuit parari securius, inter fluctus refarcire coactos et tempestates*. Conciones omnes apud eum sunt Imperatoriae, et militares adloquutiones militariter scriptae; quamquam in iis optimi et clari sensus contineantur: mirumque est, eas tantum *Constantio, Iuliano, et Valentiniano* tribui; *Gratianum*

g 2

^{a)} *Lib. xxviii. l. 15.*^{c)} *Lib. xv. 9.*^{b)} *Lib. xxvi. l.*^{d)} *Lib. xv. 9.*

vero, qui studiis litterarum et melioribus disciplinis imbutus esset, (nam de *Valente* rudi et inconsummato non ita mirum) nec post Imperii participationem, sed nec post nobilem illam *Argentuariensem* pugnam induci concionantem. Nisi cogitemus ab adsumpto in *Caesaris* nomen, aut *Augusti* consortium Principe, vivo patre adlocutiones pro more tunc non fieri solitas. Pugna vero *Argentuariensi* commissa et perpetrata, noluit Auctor *Gratianum* in concionibus detinere, auxilium patruo ferre properantem. In descriptionibus locorum et regionum, ut diximus, non tantum lecta et audita, sed etiam visa et curiose comperta refert, idque in *Aegypti*, *Thraciarum* et *Persidis* topographia maxime praestat. De *Gallorum* autem antiquitate, quae a regionum incolis didicerat, ^{e)} profitetur in eorum monumentis incisa legisse: tanta cura et diligentia rerum scriptioni vacavit. Studium suum veritatis indagandae et publicandae saepe commendat, a qua numquam sponte digreditur, quam nec silentio corrumpit, nec mendacio; eoque ad aequalem sui memoriam provocat *confisus*, (verbis enim eius hinc inde adsumptis utar) *quod nec metu, nec adulandi foeditate constricta posteritas, incorrupta posterorum soleat esse spectatrix*. Arcana tamen Principum et interiora Aulae nullius usus, non vult videri anxie persequi: quae palam gesta, et quae ad exemplum pertinent, quamvis occulta, scribere mavult. Nam de secretis litteris *Iuliani* iam tum *Augusti* ad *Constantium* ita: ^{f)} *His litteris iunctas secretiores alias, Constantio offerendas, clanculo misit obiurgatorias et mordaces: quarum seriem nec scrutari licuit, nec si licuisset, proferri decebat in publicum*. Prudenter sane; cum de Diis ac Principibus non omnia vulganda esse, bona ve-

e) *Lib. xv. 9.*

f) *Lib. xx. 8.*

tustas crediderit: quo pudore saepe contineri se dicit *Herodotus*, ne res mysticas atque silentii, narratione profanet. Sed quod in tam varia Historia difficillimum est, quodque pauci tenuerunt, sibi constans est *Ammianus*, nec summum medio, medicum nec discrepat imo. Est quidem multus in *Juliani* Imper. rebus. Fatetur enim libro xvi. se *instrumenta omnia mediocris ingenii in his monstrandis commoturum*: sed et libro xv. de illo scripturus, ab hac praefatione non abstinet: *Maius opus moveo, maiorque rerum mihi nascitur ordo*. Falsos etiam de eo rumores coarguit, et ab improbo magicarum artium ac divinandi studio, quod ei tamen procures nostrae religionis tribuunt, ipsum defendit. At neque propterea libertatis et ingenuitatis obliviscitur: quin immo candido et aperto pectore pluribus locis timiditatem, ostentationem, levitatem, vanitatem, dissimulationem, acerbitatem, temeritatem, malignitatem reliquaque vitia, quorum caput erat *Apostasia* et Christianorum odium, insectatur, atque, ut eius verbo utar, *vellit*. Quamvis igitur de Iuliano scripserit initio libri xvi. *Quidquid de eo narrabitur quod non falsitas arguta concinnat, sed fides integra rerum absolvit, documentis evidentibus fulta, ad laudativam paene materiam pertinebit*: tamen non ignorabat, quid quantumque discreparet ab *encomio historia*: quae *δις διὰ πᾶσιν* inter se differre Lucianus ait: sed hoc voluit, omnes vitae *Juliani* partes, et tamquam actus *paene esse laudabiles*. Munit enim se studiose particula minuente, ne in encomium tantum (quod, nisi veritate cogente, Historiae non est admiscendum) labi videretur. Idque cum toto Opere apparet; tum maxime ex ea, quam pro Iuliano non solum, sed etiam pro defuncto quolibet Principe instituit, virtutum ac vitiorum anacephalaeosi: in qua ea breviter aliquando perstringit, quae in rerum

gestarum narratione tamquam minutiora omiserat. Dissimilis sane *Zosimo* illi maledicentissimo Scriptori et nigerrimo, cuius amarulentiam, et latratus in pios Principes, *Constantinum*, et *Theodosium*, ut Christianae et purioris sectae patronos, nemo umquam iure excusaverit.

Inter paucos igitur lectione iugi dignus est *Marcellinus*, quia (ut ab eius persona ad res descriptas transeam) temporum illorum, quibus res Christiana invalescebat, insignemque Reip. mutationem adferebat, cognitionem nobilissimam et dignissimam repraesentat. Certe in plerisque Historiae illius partibus insignem licet Dei providentiam admirari, qui post laxatas sceleratis habenas, post effrenem honesta omnia pervertendi licentiam, tandem de iis debitas exigit poenas. Sic *Paulus* ille, ab complicandorum negotiorum industria Catena dictus, tartareus delator; sic *Maximinus* utriusque Praefecturae obtentu in omni malignitatis et crudelitatis genere volutatus, et turbo feralis nuncupatus; sic *Doryphorianus*, *Palladius*, *Remigius*, alique scelerum inventores, ac ministri administrique, ubi aliquamdiu impune in libero malitiae campo exsultarunt, ac bonorum capitibus et exsimationibus illuserunt: tandem supervenit pede poena clauda, quae dignum cruciariis exitum rependit, tanto severiorem, quanto lentiolem. Suppeditabit argumenta non pauca viro pio *Ammianus*, quibus Ecclesiastica tempora constituat, maximeque Sedis Apostolicae auctoritatem ex eo adfirmet, quod *Constantius* Imperator, post damnatum et sede Episcopali deiectum *Athanasium*, cui tamquam Arianis addictior semper fuit infestus: curavit omnibus modis ac minis *Liberium* Romanum tunc Pontificem damnationi eius, et Arianae sententiae subscribere. Nam ut *Marcellinus* ait lib. xv. 7. *Auctoritate, qua potiores aeternae urbis Episcopi,*

firmari desiderio nitebatur ardenti: quod an a Liberio impetrarit Constantius, videbimus in Scholiis. Et quidem Iuliani praeclarae dotes proponuntur, bonis etiam Principibus aemulandae, quas utinam apostasiae detestando scelere non maculasset! quod ideo in eo magis mirum, quia vinum (inquit divinus Sapiens) et mulieres faciunt apostatate homines a Deo; sed tamen hic et castus, et sobrius in aliud vitium incurrit, mali corvi scilicet malum ovum: nam ab Eusebio Nicomediensi, Ariano improbo, et eximio dissimulatore fuerat olim institutus. Hoc igitur crimen horrendum, toto conatu vitandum et fugiendum Principibus: sobrietas, castitas, recti et aequi studium, provinciarum amor et caritas, belli pacisque studia, quaeque alia in vita eius laudabilia fuerunt, imitanda et sequenda sunt. Quis enim regno aptus et imperio, non malit Iuliano, quam Valentiniano saltem in eo similis esse, quod ille g) agnoscens levitatem commotioris ingenii sui, Praefectis proximisque permittebat, ut fidenter impetus suos aliorum tendentes, ad quae decebat monitu opportuno frenarent; monstrabatque subinde se dolere delictis, et gaudere correctione. At vero longe aliter Valentinianus, cuius occasione sic noster: h) Haec et similia licenter ideo altiore fastu quidam Principes agunt, quod amicis emendandi secus cogitata vel gesta copiam negant; inimicos loqui terrent amplitudine potestatis. Quin etiam pure lectis Ammiani libris, discent Principes ac Reges, legem maiestatis acerbius iusto exercitam, tributis ac vestigalibus provincias plus aequo gravatas, multas invexisse Reip. calamitates: esseque inter gravissima saeculi opprobria petitionum licentiam, et flagitatorum rapacitatem, quorum avidas fauces nemo umquam Principum, quantumvis in

g) Lib. xxii. 10.

h) Lib. xxvii. 7.

largiendo facilis, expleverit. Legent non semel Principum illorum laudes, qui in Magistratum ac Iudicum Ministrorumque delectu, non per immodicos saltus, non studio et affectu singulari, sed solius Reip. causa, callide ac prudenter promovendorum, expensis meritis et laboribus versati sunt. Inde enim quies Reipublicae certissima, et felicitas subditorum summa defluit. Utinamque vox illa Iuliani ad milites regentium aures hodie personaret!

¹⁾ *Id sub reverenda concilii vestri facie statuo, ut neque civilis quisquam iudex, nec militiae rector, alio quodam praeter merita suffragante, ad potio-rem veniat gradum: non sine detrimento pudoris eo, qui pro quolibet petere tentaverit, discessuro.* Hac enim cautione insuper habita, quantis Respubl. damnis et cladibus exinde laboret, probabit Lectori suo Ammianus. Hinc transfugia, discessiones, provinciarum vexationes, urbium direptiones, nobilium everfiones processerunt: hinc veri iuris germanaeque aequitatis contemptus, omniumque ordinum confusio: quae mala omnia iudicum avidae manus, Palatinorum, Rationaliumque foedae rapacitates, et delatorum ausa feralia pepererunt. Nam, ut in plenum et semel dicam, nihil aliud recinit *Marcellini* Historia, quam Reipubl. casum, et prostratum eius statum, non tam Principibus ipsis, nimium rerum saepe ignavis, quam ministris, proximis, Consiliariis, Ducibus aut ambitiosis, aut ignavis, aut rapacibus esse adscribendum: qui fere omnes morbi, et saeculi illius vitia, ad extremum casum Remp. Rom. sunt comitata. Nam aliquantis post Marcellinum annis *Salvianus Gallus* de vero iudicio et providentia Dei lib. II. easdem paene corruptelae causas agnoscit: *Quid est (inquit) aliud dignitas omnium sublimium, quam proscriptio civitatum? nulla siquidem est maior pauperculorum*

i) *Lib. xx. 5.*

depopulatio, quam potestas. Rursus libro v. ex illa colluvione Bagaudarum factiones ortas esse, his praedicat verbis: De Bagaudis nunc mihi sermo est, qui per malos iudices et cruentos spoliati, afflicti, necati, postquam ius Romanae libertatis amiserant, etiam honorem Romani nominis perderunt. Et imputatur his infelicitas sua; imputamus his nomen calamitatis suae; imputamus nomen, quod ipsi fecimus. Vocamus rebelles, vocamus perditos, quos esse compulimus criminosos. Quibus enim aliis rebus Bagaudae facti sunt, nisi iniquitatibus nostris, nisi improbitatibus iudicum, nisi eorum proscriptionibus et rapinis, qui exactio- nis publicae nomen in quaestus proprii emolumenta verterunt, et indictiones tributarias praedas suas fecerunt? Bagaudae vel Bacaudae factio primum Rusticorum fuit, orta sub Diocletiano, et a Maximiano compressa: sed non ita sublata, quin causa motus durante, factio ad Salviani tempora perduravit. Is pius Scriptor in eodem libro et aliis, Gallorum et Afrorum discessionis ac defectionis ad Gothos et Vandalos causas easdem consignat, quas Marcellinus noster tribuit Silvani, Antonini, Firmi, aliorumque transfugiis, defectionibus, imperiique usurpationibus: ad quae mala ipsi ex sola desperatione legitimi iuris obtinendi, et quia nullum in clementia Principis haberent perfugium, compulsi adactique sunt. Has igitur corruptelae causas quaecumque Resp. nutriet aut sustinere cogetur, vicinam illorum temporum calamitatem, et casum expectet. Non deesset oratio, si utilitates omnes Ammianeae Historiae vellem comprehendere, quae corrumpendae et conservandae Reip. causas, imperiique moderate exercendi regulas continet infinitas: sed eas malo ex eius lectione cognosci. Nam quod haec clarissimam faciem praeferat Historiae Iuris Civilis, et Constitutionum Imperialium volu-

mina quae restant, valde illustret, nemo iure dubitaverit. Sane in *Ammiano* memoria conservata est multorum, moresque ac dignitates indicatae, ad quos Constitutiones et Rescripta data sunt: cuius ope vitiosae inscriptiones et subscriptiones, quae toties occurrunt in Codice, persanare non est difficile. Qui vero Iurisprudentiae iam in senium tunc vergentis faciem rugosam videre volet, is sumpto in manus *Ammiano* consequetur optime. Alius autem apud eum deprehendet, quibus *Francorum*, *Burgundionum*, *Saxonum*, *Scotorum*, aliorumque populorum origines nondum satis compertas declaret: quam viam persequi nostri non est instituti. Haec, ut Lectoris novelli gustum excitarem, eumque leviter instruerem, dicta sunt. Prorogabo enim ampliorem huius Historiae collationem in tempus suum: si hoc unum repraesentavero, nobis bona fide dolendum esse, *Iulianum Imperat.* acerrimum Fidei nostrae hostem, non sine causa iactasse libro xxii. *Nullas infestas hominibus bestias, ut sunt sibi ferales plerique Christianorum.* Nam et eandem paene reprehensionem a D. Gregorio Nazianzeno in Apologetico sustinuerunt tum Christiani. Quid? non idem in nos iaci merito potest? utinamque nihil acerbius. Sed haec alias: pergam nunc ad cetera.

Genus scribendi sequitur pro conditione temporum laetum ac floridum. Nihil enim ad *Livii* aut *Taciti* venustatem, magnificentiam, nitorem *Ammianus*: eoque ab illorum lectione digressus, difficiles aditus apud hunc inveniet: quo tamen facilius utuntur, qui in lectione Codicis Theodos. et Auctorum eiusdem saeculi sunt exercitati. Nam temporis illius eloquentiam probe refert; ut vere constitui possit, σύνεσιν πολιτικὴν ei inesse, deesse vero quam ἁεπε δύναμιν ἐρμηνευτικήν. Tam frequenter enim coacte et auxie incedit, ut si indicio suo non

se prodidisset *Graecum*, et *militem*: facile tamen quivis iudicaret, Latinae locutionis facultatem non esse ei nativam, aut forensem eloquentiam minime fuisse sectatum: adeo hyperbatis, synchelis, et aliis fluidae orationis naevis abundat. Sed militaris viri sensus quamvis incompti, tamen validi sunt. Verba quidem fere Latina esse non negabit, qui linguam Latinam exigit non ad praesentes angustias, sed ad ubertatem veterem, et ad praeclara antiquorum monumenta, quibus caremus, quaeque ille viderat, ac studiose lectitaverat. Graeca pura vix interiicit nisi coactus, et cum admonitione ac praefatione. Hellenismi saepius occurrunt ex temporis illius licentia. Compositio alias est conveniens Historiae, quae (inquit *Fabius*) currere debet ac ferri: alias autem in salebras, et asperum ac perplexum sermonem revolvitur, ac male ita componit, ut nisi vitium sit in Scriptura, iure dicatur fecisse ambiguum, quantum in ipso fuit. Incidit etiam in illius exempli vitium, quod a Fabio profertur lib. viii. cap. 2. cum quis dicit, *visum a se librum hominem scribentem*. (haec est enim collocatio verborum Fabii.) Nam etiamsi librum ab homine scribi pateat; male tamen composuerat, inquit ille. Huic autem adfinia esse in *Marcellino* exempla, *Scholia nostra* probabunt. Id et ex antedictis causis, et maxime propter segetem errorum ac mendarum, quae in eius Historia passim occurrunt, contingere solet. Verba enim inversa, et traiecta, interruptae sententiae, et confusae narrationes inveniuntur saepissime, et Lectorem avertunt. Quae non tam Auctoris, quam temporis, ac describentium vitia sunt. Ea nos maxima ex parte aut sanavimus, aut indicavimus.

Sunt qui *Marcellinum* existiment, unum ex omnibus rerum Scriptoribus *Tacitum* sibi ad intuentum et imitandum proposuisse. Ego quod exem-

plar scribendae Historiae sibi designaverit, nescio; hoc tantum scio, nec verborum *Cornelii* dignitatem, nec sententiarum lumina, nec iudicium in rerum delectu, nec ordinem narrandi, nec divinam brevitatem fuisse consecutum: haec enim inimitabilia esse iudico. In eo tantum utrique conveniunt, quod res civiles, domesticas, cognitiones celebres, ac pericula singulorum diligenter ac cum fide narrent. Cum utrumque igitur Scriptorem satis curiose triverim, numquam tamen studium eximium *Marcellini* in *Tacito* evolutando potui observare. Esse autem *Ammianum Tacito* uberiores, (quod vir doctus scripsit) non statim crediderim. Sic enim statuo. Si ad Annalium libros comparationem revocemus, laxior et diffusior *Tacito Ammianus* apparebit: quia nec ei necessitati se devinxit, sed liberius ac solutius fertur. Sin vero Historias Historiis conferamus, tanto artior erit *Marcellinus Tacito*, quanto hic paucorum mensium res gestas pluribus libris; ille annorum aliquot uno singulari complectitur. In universum inter *Tacitum* et *Ammianum*, ut cetera omittam, tantum interest, quantum inter *Atticos* et *Asianos Rhetores*. Adeo noster illo est tumidior ac inflatior, et, cui multa detrahas: cum illi ut nihil addi, sic nec sine periculo deduci possit. Est enim aliqua ex parte *Marcellinus* reprehensionibus illis obnoxius, dum *Constantii* Urbis ingressum ac pompam, signa militaria seu *dracones* describit ^{k)}: quibus sui temporis Historicum notat *Lucianus*. Denique non dubitaverim superflui vitio in eo *Marcellinum* arguere, quod cum populi Rom. vitia, et curam nimiam spadonum castigans, de Semiramide sobrie dixisset: ^{l)} *Quae teneros mares castravit omnium prima, velut vim iniectans naturae; intulit tamen: Quae inter ipsa*

k) *Lib. xvi.*

l) *Lib. xiv.*

oriundi crepundia per primigenios seminis fontes, tacita quodammodo lege vias propagandae posteritatis ostendit. Nam quorsum erat his opus? quae proculdubio melius reticuisset Auctor, et verborum inanium turbam repressisset. At vero lib. xxxii. in deploranda *Thraciarum* vastatione illa Fortunae adlocutio, quam pro ingenuo, paullo ante divite et libero instituit, qui belluae ritu trahebatur a Gothis; nonne tota supervacanea est, et luxuriantis ingenii argumentum? Nam de *ingenuis* ac *nobilibus* tractis, paullo ante satis dixerat: nec potest Lector suspicari calamitatem eius *ingenui*^{m)} eximiam, cuius nomen, et generis, ac domus vocabula reticet. Magis ergo poëtam, et declamatorem levem, quam Historicum tunc agere videtur. In eiusmodi cum Fortuna expostulationibus, et in illo tropi genere nimium sibi placet *Marcellinus*: id enim usurpasse eum in iis quos terimus libris observavi; alibi certe tolerabilius, illo loco satis importune. Hoc uno atque altero argumento sufficiat ostendisse, Graecam vanitatem etiam in nostro *Ammiano* aliquando elucere. Quae loca Historiae conditori, cui inter ceteros ingenii libertas, et fidi indulgentia denegata est, notanda, non imitanda existimo; cum praesertim bonis aliis multis leve hoc damnum in hoc Scriptore pensetur.

Rara est autem apud veteres *Ammiani* mentio, quia statim post *Theodosium* lapsa fuit Rom. Imperii maiestas, et maluerunt posterius redivivam eius memoriam excitantes, epitomarum ac desflorum collectores sectari, quam vivae Historiae conditores. Eoque *Paulus Diaconus*, cum supplementum *Eutropii* ex illo Scriptorum grege confecisset, *Ammianum* non attigit. Reperi tamen unum singulare *Marcellini* testimonium ex libro xiv. apud *Priscianum* in libro x. cuius in *Scholiis* memini. At vero

m) *Ingenuum* haec pro quibuslibet *ingenuis* dixit *Ammianus*.

Julius Solinus Grammaticus (nam sic a Prisciano in vi. libro appellatur) miscellam suam Historiam etiam ex hoc nostro Auctore confecit: a quo sumpsit quae de rebus Aegyptiis, de ostiis Danubii, de margaritis commemorat variis capitibus. Et quamquam locos integros invertat, ac aemuletur potius, quam exscribat: saepe tamen clucent propria *Ammiani* verba. Nam *Solinum Marcellino* iuniorem, licet reclamantibus aliis, qui meliora tempora ei adsignant, firmare ausim; cum ob eam causam, tum quod *Collectaneum* illud, five res, five ordinem respicias, nihil dignum temporibus illis quibus *Solinus* vixisse putatur, contineat; a quo meo iudicio *Marcellinus* nihil sumere potuit, cum graviores Auctores sequatur, non defloratores huiusmodi. Sed et in fine codicis perantiqui invenitur descriptus *Theodosii* invictissimi Principis temporibus: quae inscriptio primum licet integrior cum libro publicata, sic deinde in alios translata, saltem indicium praebet, quando liber fuerit editus.

Quatuor omnino sunt (in plures enim non incurri) *Ammiani Marcellini* Editiones, quarum singulae dote propria non carent. Prima est *Mariangeli Accursii* viri doctissimi, eoque maxime nomine de litteris optime meriti: qui quos habuit debiles ac fractos *Marcellini* libros, bona fide publicavit. Successit fausta felixque *Frobeniana* Editio, codicis *Hirsfeldensis* beneficio, studio *Sigismundi Gelenii* viri doctissimi, quatuor his libris auctior, xxvii. xxviii. xxix. et xxx. ac lacunarum multarum exificatione politior; in summa locis non paucis castigatior, melioris codicis ope. Quam aemulatus *Robertus Stephanus*, oculus alter typographiae, versura facta libri quem credidit xxxi. a *Mariangeli* Editione, characterum elegantiam et voluminis facilitatem adiecit. Hos sequutus *Sebast. Gryphus*, spectatissimus etiam bonorum librorum Editione,

melioris codicis ope multa sanavit, fracta restituit, clausulas integras, unde nemo suspicaretur deerrantes reduxit, et trigesimi libri finem primus invulgavit: ut ex omnibus *Marcellini* Editionibus (si operarum quaedam errata, et aliquot vitia male dissimulata, quamvis ab aliis detecta et insinuata, excipias) illa ceteris omnibus hodie uberior sit, et diligentiae maioris. Unde tamen accessionem pararit, diligenti aliarum collatori non erit obscurum. In his tribus posterioribus iam in acta sancitis exemplaribus, delidero maxime curam et diligentiam vestigia veteris scripturae, quantumvis perversae, bona fide referendi: quod egregie *Mariangelus* in libri sui Editione praestiterat. Hoc enim studium occasionem praebet posteris coniectandi saepe veriora, quam quae receperint Editionum procuratores. Quo etiam genere laudandi *Beatus Rhenanus*, *P. Victorius*, alique non pauci, qui et coniecturis sagacissimis Auctores repararunt, et enixa sua diligentia etiam ipsos scripturae apices, naevos, lituras, maculas repraesentarunt: ut post tantorum virorum manus, veteres schedas taediose revolvere non sit necesse; sed ex illorum fide et cura cuique liceat metere fructum curationis, Auctori ipsi gratissimum. Itaque polliceri ausim, quod si mihi antiquum exemplar, quantumvis ab aliis tritum, oblatum fuisset, aut studio et precibus consequi illud potuissem, pleraque in hoc Scriptore ab aliis inobservata deprehendissem: non quod fideliores aliis oculos habeam, sed quia *in quo prato* (inquit Seneca) *nonnisi lacertam alter invenit, potest alter leporem capere*. Porro *Mariangeli*, *Stephani*, et *Gryphii* Editiones unus error habet, quod librum Ammiani trigesimum primum esse profiteantur, qui est trigesimus secundus: idque sic colligent mecum Lectores candidi. Nam cum ultra librum illum verbum Historiae suae non addiderit Ammianus,

quam veluti signo impresso verbis apertissimis clausit: necesse est statuamus, quae se in praecedentibus professus est postea scripturum, in sequentibus comprehendisse; nisi memoria defectum *Marcellinum* quis audeat adfirmare: quod a me non fiet. Itaque cum libro xxviii. reiecerit in subsequentes libros *Maximini* illius feralis Praefecti Praetorio, et aliorum damnationem, quae in exstantibus non apparet, cum xxxi. deperisse manifestum est. Sic enim Marcellinus ea de re: *Namque (ut postea tempestive dicetur) et idem Maximinus, sub Gratiano intoleranter se efferens, damnatorio iugulatus est ferro, etc.* Cum igitur *Gratiani* res mortuo *Valentiniano* lib. xxxi. describeret, illam *Maximini* et aliorum mortem, ac alias plerasque res Occidentis in eum coniecerat. Nam mortuo *Valentiniano*, et translatis rebus, multa evenisse credendum est in Palatio, in Urbe, in Galliis, quae non omisisset Marcellinus, diligentissimus in his expediendis et condendis. Praeterea Orientis res, et quae circa *Valentis* palatium evenerunt fratre vel vivo adhuc, vel mortuo, silentio male involvisset, si nimio festinandi studio motum Gothicum morti *Valentiniani* statim copulasset: cum praesertim *Theodori* quaestio in ea aula duraret adhuc, pluresque ea de causa caederentur; ac inter ceteros *Theodosius* Comes illustris, futuri postea Principis pater, cuius nobilem mortem iussu *Valentis* ⁿ⁾ apud Carthaginem acceleratam, sine piaculo tacere non potuit Auctor. De ea Orosius alique, sed maxime Paulus Aquilegensis his verbis: *Occidebantur itaque Theodori, Theoduli, Theodoti, et quicumque has literas ΘΕΟΔ in capite nominis sui habuisset; inter quos etiam Theodosius vir fortis, et ex Hispania provincia genus ducens, pater Theodosii qui post Imperio praefuit,*

n) *Gratiani* potius. Nam *Valenti* Carthago non parebat. Valef.

fuit, occisus est, etc. Reputet interim Lector inter *Valentiniani* et *Valentis* exitus tres annos intercessisse: quo tempore in variis orbis partibus multa contigerunt, praeter Gothicum motum, et *Argentuariensem Gratiani victoriam*, *Ammiano* contra morem indicta incelebrataque. Ipsum sane primum libri ultimi caput et initium iungi trigelimi fini non potest, nam sic incipit: *Interea Fortunae volucris rota, adversa prosperis semper alternans, Bellonam Furiis in societatem adscitis armabat.* Ecquae enim prospera intelligit? non ut puto *Valentiniani* mortem; quae potius inter adversa deputari debuit, quia motibus Barbarorum causam dare potuit. Magis verisimile est in deperditi libri extremo retulisse *Ammianum*, quod Reip. laetum et prosperum esset. Id vero quid fuerit, et Occidentis, an Orientis rebus adscribendum, quia divinare non possum, in medio relinquo. Illarum igitur quatuor Editionum collatione (nam antiquissimae aut primae numquam fui particeps) instructi, ac verborum et rerum pensitatione non incuriosa, Auctorum denique variorum lectione adiuncta, quintam hanc recensui et confeci; dedique operam ne vitiosior esset aliis progenies. Ad *quingentos* sane, et quod excurrit, *locos*, eam repurgare fludui, confusos alios distinxi, luxatos reduxi, obscuros illustravi, mancos indicavi; nec omnium tamen in *Scholiis* meminisse potui. Lectio ipsa, dummodo ingenua, deprehendet novae curae solatia, et commodius quam antea nobilis haec volvetur ac tractabitur Historia. Utinamque hac Editione provocati boni et eruditi viri, *Marcellini* libros amissos, quos habent *ex Reginaldi Poli Cardinalis amplissimi Bibliotheca*, (ut fama tenus accepi) aliquando edant, et sigilla ingrata resignent. Nunc ad *Cornel. Tacitum*, quem iamdiu a nobis locis innumerabilibus emendatum, et commentariis auctum

studiose premimus, maiore conatu et paratu invulgandum descendo, idque brevissime, nisi qua fors propositum interpellarit, adcurabo; in eamque rem subseciva nostra studia dedico.

STATUS REIP. ROM.

S U B

CONSTANTINO M. ET EIUS FILIIS.

Duo sunt praeter iam tradita, quae ad Ammiani lectionem praeparant, et ad eius Historiam facilius adsequendam deducunt; Reip. scilicet forma ob oculos posita, quae tunc fuit, ac praecedentis historiae nexus, sive narrationis eius coniunctio, quam intercepit vetustas, et in qua desinebant Ammiani libri priores. In Reipubl. constitutione ad *Constantini* tempora praecipue respiciendum est; qui faciem eius invertit, novosque Magistratus suppressis aliis adiecit, et novas dignitates primus adinvenit. Oneravit enim Remp. inutili officiorum ac dignitatum turba. Nos vero strictim ac summatim (quod satis sit Auctori nostro) omnia persequemur; quia amplior huius rei digerendae et explicandae ratio alium locum et aliud tempus postulat. *Constantinus Magnus* Byzantio ampliato, et in sui nominis urbem verso, (causam Zosimus fere solus exponit lib. II.) alteram Imperii sedem aemulam Romae constituit, ut quemadmodum Roma Occidentis, sic Constantinopolis Orientis Imperii locus esset. Primus enim antehac unum et singulare, Romanum Imperium discidit, ornamentis eius eo-

dem pro parte translatis. Haec nova rerum facies et divisio traxit aliam in Rempubl. commutationem, et totam magistratum, ac veteris administrationis sive civilis sive bellicae rationem pervertit. Nam duplex quodammodo Imperii caput duplices etiam magistratus exigebat; quos ille semel ab institutis veterum devius, ad suum arbitrium et pro capto temporum informavit; provincias aliter descripsit; disciplinam militarem longe secus constituit. Facendum tamen est, multa eum recte in civilibus emendasse, ac bono consilio ex horrida antiquitate pleraque mutasse: demique Iurisprudentiam clariorem simplicioreque reddidisse. Nam quod praeter ceteros Christianae rei contulerit, quantumque pomperium eius auxerit, et quo studio nascentes errores suffocare curaverit, monumenta Ecclesiastica loquuntur. Sed non persequar, in quas laudes aut reprehensiones inciderit: signabo tantum quid animadverterim post eius tempora, in illa bicipiti Republica circa potestates observatum.

Ex Ammiano, Zosimo, libris Legum, et aliis Auctoribus deprehendo, ita per haec tempora potestates in utroque Imperio tributas, ut aliae civiles essent et ordinariae; aliae militares; aliae palatinae; aliae municipales. Civiles et ordinarii magistratus, sive Iudices, erant Praefectus Praetorio, Praefectus Urbi, tam Romae, quam Constantinopoli, (hic enim circa Constantini tempora primus institutus est, ut Cassiodorus in Chronico ait) eorumque Vicarii. His adde alios Romae magistratus. Erant etiam ordinarii, Comes Orientis, ceterique provinciarum rectores, sive Consulares, sive Correctores essent. Comitatus Orientis (inquit Zosimus lib. v.) ea potestas est, ut qui eam gerit, omnibus provincias Orientis administrantibus praesit, et quaecumque non aguntur ut par est, emendet. At Praefectus Praetorio, ait idem lib. ii. magistratus

post Imperatorem secundus existimabatur. Constantinus Magnus eum magistratum, cum antea duo essent, in quatuor imperia discerpfit, ut unus esset Praefectus Praetorio Orientis, alter Illyrici, tertius Italiae, quartus Galliarum. Quam vero late singulorum iurisdictiones patuerint, idem Zosimus et alii tradunt: ex quibus unus semper in comitatu Augusti aut Caesaris videtur fuisse, pro ratione loci in quo Princeps versabatur. Idque ex Ammiano non uno loco deprehendi. Sane et ex eodem Auctore constat, duas huius distributionis Praefecturas Praetorianas uni aliquando commissas. Nam lib. xxvi. Mamertinus dicitur initio Imperii Valentiniani rexisse potestate Praefecti Italiam et Illyricum. Horum omnium ordinariorum ministri et officiales Apparitores dicuntur passim, qui et Scholam et Principem habent, quem Apparitionis Principem appellatum hic legimus.

Militarium magistratum, qui et Castrenses appellantur Ammiano, alii peditum, alii equitum Magistri dicebantur; uterque Magister armorum ab Ammiano saepe nuncupatur. In Codice utroque etiam militum Magistri appellantur. Hi portionem potestatis veterum Praefectorum Praetorio habebant, nempe disciplinae militaris custodiam, et ius gladii in milites, quos etiam ordinabant, ut Zosimus ait. Equitum Magister dicitur a Marcellino lib. xxviii. equitum copias tueri: idem ergo de Magistro peditum dici poterit. His autem exercitus potissimum committebantur; hi magnarum et arduarum expeditionum duces deligebantur: cuius rei exempla in hac Historia sunt non pauca. Habebant et hi Apparitores, ut civilis Magistratus, quorum in Iure non obscura mentio: habebant et Protectores aliquando, ut postea dicemus. Militum porro alii in exercitu erant; alii in limitibus et praefidiis excubabant; alii in comitatu Augusti,

aut Caesaris versabantur. Ex his alii Protectores Domestici, et corporis principalis custodes erant, unde nomen Protectorum sortiti sunt, ait Imp. L. 9. C. Th. de Domestic. et Protect. Alii legiones Comitatenfes constituebant. Hi numeros; illi Scholam habebant, ac perinde Comitem, Tribunum ac Primicerium sive Primum. Nam ut Primicerius distinguitur a Tribuno lib. xviii. huius Historiae, ubi hic fit ex illo: sic a Tribuno Domestico- rum separatur Comes lib. xx. Ex Tribuno enim fiebat Comes: ut Bonifatius ille, scriptis Divi Augustini notissimus, cum antea Tribunus fuisset, postea Comitavam Domestico- rum assumpsit potestatem, ut idem ait Epist. lxx. et magnis legionibus imperitavit. Et horum quidem Protectorum pars equites, pars pedites fuerunt: ut in Vita Ammiani adnotavi, in cuius Historia Domestici non alii sunt, quam Protectores Domestici. Erant enim et alii Protectores; non tamen Domestici, quia domum Principalem non sectabantur, sed bellicis expeditionibus inhaerebant: qui paribus privilegiis ac Domestici donantur ab Imperatoribus L. ix. C. Theod. de Dom. Protect. Credo enim ex illis sumptos fuisse, sic ut missi in longinquas expeditiones, Domestici esse desinerent, Protectores non item. Talis fuit Ammianus, cum Urlicinum in Oriente et in Gallis comitaretur: tales alii, qui Ducibus aliis adscripti erant. Sic enim et Antoninus quidam dicitur Protector Mesopotamiae Ducis lib. xviii. Hi ergo Protectores absolute dicuntur; illi nunc Domestici tantum, nunc Domestici Protectores, nunc Domestici Praesentales L. vi. C. de Advoc. divers. iud. appellantur. Eoque fit, ut saepe in Iure separentur et distinguantur toto Tit. C. de Dom. et Prot. L. xxxix. C. Th. de Decur. Instin. Edicto viii. etc.

Sequuntur Palatinae dignitates, in quarum numerum refert Ammianus Magistrum Officiorum, et Comitem Sacrarum Largitionum: quibus addendi Quaestor, Comes rei Privatae, sive patrimonii Principis, Comes Sacri Palatii, Comes Consistorii, Praepositus Cubiculi, quos omnes Palatinorum appellatione comprehendit Marcellinus lib. xxii. At vero lib. xiv. omnes omnino intelligit ea nuncupatione, qui in Palatio versabantur extra milites. Ambrosius Epist. xxxiii. Apparitores, aliosque dignitatum Palatarum ministros ea appellatione comprehendit. *Palatina* (inquit) *omnia officia, hoc est Memoriales, Agentes in rebus, Apparitores diversorum Comitum, temperare a processu iubentur.* Magister Officiorum, cui omnes Palatii ordines suberant, et sub eius erant dispositione, ut Zosimus in multis locis ait, habuit nihilominus et Scholam propriam, in qua qui militabant, Agentes in rebus dicuntur passim: quorum alii Comites, id est Scholae Praefecti; alii Principes, id est primi inter Agentes, L. 1. C. de offic. Mag. Offic. nunquam, quod sciam, Primicerii. Erant et alii inter eos gradus, de quibus non est nunc dicendi locus. Quamquam autem ipse Magister Officiorum, quinimmo Comes Sacrarum Largitionum inter Agentes numerentur in 1. C. Constitut. idemque de Comite rei Privatae censendum sit; tamen officium, sive ministri Magisteriae potestatis dignitas hanc sibi singularem appellationem vindicat. Ambros. 11. Offic. c. xxix. *Legebatur rescripti forma; directio Magistri Officiorum statuta; Agens in rebus imminabat.* Quaestor, qui Constantinianus etiam Magistratus fuit, preces et sanctiones condebat, et ut ait Zosimus libro v. dictabat quae Principi viderentur. Hic non habuit Scholam, sed sumpsit Adiutores de scriniis: ut vir studiorum gloria nobilissimus Iacobus Cuiacius I. C. praeceptor et amicus

noster, docuit in libros posteriores Codicis. Comitibus Sacrarum Largitionum, ac rei Privatae, qui imminent, et in eorum Scholis militant, Palatini speciali vocabulo dicuntur, generis appellatione speciei aptata: ut praeter Titulum proprium in Cod. utroque, probat Imperatoris Constitutio, L. *Nullum*. C. de offic. rect. provinc. in qua legendum *imminere*, non *minuere*: ut quidam male suspicantur. Nihil enim est aliud imminere, quam Apparitoris officio fungi: quo alludens Horatius ait: *Iam Cytherea choros ducit Venus imminente Luna*: quasi quae Apparitoris vice tunc fungeretur. Ex Palatinis, qui Comiti Largitionum apparebant, *Largitionales*; qui vero Comiti rei Privatae, *Privatiani* in Constitutionibus appellantur. Ammianus illos semel *Apparitores* appellavit: meminit etiam frequenter *Rationalium*, qui in singulis erant provinciis, et suberant *Comiti rei Privatae* L. III. C. de bon. vacan. Itaque a Rationali ad Comitem rei Privatae appellari solet, L. xxvi. C. Theod. de appellat. Occurrit frequens Notariorum mentio apud Ammianum, quorum erat honoratissima militia, et privilegiis non parvis decorata: qui notis acta Consistoriana excipiebant, et eiusmodi cognitionibus intererant. Nam lib. xiv. in cognitione narranda subdit: *Assistebant hinc inde Notarii, quid quaesitum esset, quidve responsum, cursum ad Caesarem perferentes*. Et lib. xxii. de Pentadio Notario: *Cui id obiectum est, quod a Constantio missus, notis excepit, quae propinquante pernicie super multis interrogatus responderat Gallus*. Eo fit, ut Exceptores dicantur, cum in Iure, tum apud alios Auctores. Hi erant sub dispositione Magistri Officiorum, argumento inscriptionis L. II. C. lib. xii. de Primicerio, et Secundar. et Notar. quorum Schola Tribunalium et Primicerium habuit. Tribuni sunt, qui a Marcellino nostro, a D. Ambrosio,

et aliis dicuntur Tribuni et Notarii, quasi diceret Notariorum Tribuni: qua ratione Comes et Magister accipiendus pro eo, qui inter Comites Magister est, argumento inscriptionis L. iv. C. de Offic. Praefect. Praetor. Orient. Primicerius Notariorum, cuius forma est apud Cassiodorum, dicitur primus Notariorum in hac Historia. Erant praeter hos et alii dignitatum tituli primum a Constantino inventi, quo inter plures honores partiretur, ut Eusebius Caesariensis initio lib. iv. de vita eius scriptum reliquit. Quomodo enim Iulius Caesar post civiles victorias Civitatem, et Curiam Rom. pluribus victoriae participibus communicavit, et honores eos vulgavit: sic etiam Constantinus, post Maxentium et Licinium devictos, praemia victoriae haec dignitatum commenta fecit. Harum aliae vacantes et honorariae erant, aliae in actu positae. Tunc igitur primum ista honorum vocabula inducta sunt, Comitatus et Comitatus, Magistri et Magisterii, Patriciatus et Patriciorum, Nobilissimus et Nobilissimorum; nomina quidem ante nota, sed eo sensu inaudita. Comites enim nihil aliud sunt, quam Praefecti, sive Praepositi: plusque est Magistrum esse, quam Comitem. Ammianus lib. xxvi. de Equitio: *Nondum Magister, sed Comes. et paulo post: Eodem Equitio aucto Magisterii dignitate.* Omnis igitur Magister erat Comes; non contra. Itaque legimus, ut dixi, has appellationes, Comes et Magister, id est, inter Comites Magister. Comitum porro non unum genus est: nam gradibus distinguebantur, sic ut alii primi, alii secundi, tertiique ordinis essent, quorum aperte in Constitutionibus mentio. De Patriciatus honore ita Zosimus lib. ii. *Eum honoris titulum Constantinus excogitaverat, lataque lege sanxerat, ut qui eum consecuti essent, supra ipsos Praefectos Praetorii sessitarent.* Meminerunt et alii non pauci. Nobilissimus

dignitas videtur propria peculiarisque fuisse iis tantum, qui agnatione aut propinquitate Imperatorem ipsum contingebant: quod antiqui nummi, in quibus dignitatis huius clara expressio, ipseque Zosimus eodem volumine probant.

Municipalium porro dignitatum et ordinum haec distinctio videtur illis temporibus obtinuisse, ut alii Curiales, alii Sacerdotales, alii Principales, alii Defensores essent. Curiales etiam Decuriones appellantur, qui manifeste a Primoribus et Defensoribus separantur, L. III. Cod. Theod. de Pagan. ac in varia munia dividuntur, quae gradatim subibant. Invenio enim ex his quosdam vel Praepositos horreorum fuisse, vel Praepositos pacis, aut Susceptores diversarum specierum, L. XXXIX. Cod. Theod. de Decur. sive Exactor. annonarum, L. un. C. de Magist. Munic. denique aliis muneribus, quorum obscura sunt nomina, praefectos. Ex his cum quidam essent inferiores, quidam maiores, ordine decursis inferioribus, fiebant vel Sacerdotales, vel Principales, L. VI. C. Theod. de Decur. Hinc toties videmus Decuriones, et Principales separari, L. V. L. XXXIX. Cod. Theod. de Decur. Principales etiam appellantur Primarii in iisdem Constitutionibus. Et eos esse puto, quos reverendi ordinis Duces Ammianus puncupat lib. XIV. Ex his erant, qui Patronorum dignitatem adipiscerentur, L. LXI. C. Theod. de Decur. Interque Principales crediderim fuisse, quos Aediles nominabant, cum videam coniungi Sacerdotalibus in libro XXVIII. his verbis: *Occisis Decurionibus multis, inter quos Rusticianus Sacerdotalis, et Nicasius enitebat Aedilis.* Aediles enim in municipiis dici iam notum est. Hi ergo non unius loci, sed omnium municipiorum et Civitatum principalem gradum sustinebant. Nam in quibusdam municipiis tantum Aediles fuisse, quod eruditi contendunt, firmare non ausim. Ae-

diles dicebantur, quod aedificiorum publicorum et privatarum aedium curam haberent, ut Sacerdotes, qui sacrorum. De Aedilibus Curialibus intelligenda L. II. C. Si servus; aut libert. ad Decur. aspir. lib. x. Puto etiam Duumviros, sive Magistratus inter Principales numeratos fuisse, quia in decursu munerum patriae vetat Imperator a Duumviratu, vel Sacerdotio incipere, L. LXXVII. C. Theod. de Decur. Hi a numero sic dicuntur, Iudicesque sunt, et Decurionum ex ordine sumebantur, L. III. C. Quando provoc. Defensores autem, Syndici ac velut publici delatores erant, quia comperta referunt: quemadmodum Duumviri relata iudicant, aut plectunt, L. XII. C. Theod. de pag. sacrific. et templ. Illi tamen etiam de quibusdam iudicabant, L. I. C. de Defens. Quemadmodum et Duumviri Syndicorum munera subibant. Itaque et negotium procuratoribus iniungunt, puta tutoribus, procuratoribus, curatoribus, L. V. Si quid. ff. Quod vi, aut clam. Unde vero sumerentur Defensores, et quae esset officii eorum ac iurisdictionis forma, Iure Civili manifestatur, d. Tit. C. de Defens. civit. Novell. xv. Haec breviter de potestatibus Ammianeorum temporum a nobis dicta sunt: ex quibus Reip. illius forma colligi, aut saltem adumbrari poterit. Nam totam cuiusque dignitatis rationem persequi, nostri non est instituti: quod ex Notitia Romani Imperii, quamvis Theodosiana tempora magis respiciat, itemque ex sexto et septimo libro Variarum Cassiodori, et Cod. I. et XII. Iustiniani, aliisque Auctoribus repetendum censeo. Nam praeparare, non explere Lectorem, nobis initio constitutum fuit.

FR. LINDENBROGI I. C.

PRAEFATIO AD LECTOREM.

HISTORIARUM cognitio, cum per se res delectabilis sit: tum vero cuicumque in celebritate et luce publica versanti maxime utilis necessariaque. Sed ne caeco quodam iudicio atque profani vulgi errore decepti, falsa pro veris amplectamur, et insuper habitis melioribus in deterioribus occupemur, delectu maxime opus esse nemo sanus negabit: eosque Scriptores praeferendos, qui non tam oratione vinnula ac venustula aures legentis oblectent, ceterum a rebus steriles sint atque inanes, quam qui sapientiae praeceptis rerumque gravissimarum exemplis informare animum possint.

Eo in numero iure meritoque collocandum censeo Ammianum Marcellinum, Auctorem serium et ingenii elegantis: quem non magis in manibus hominum versari miror, immo indignor. Cuius si integra historia exstaret, quam a Nervae principatu ad Valentiniani et Valentis Impp. obitum perduxit, esset profecto qui aliorum iacturam aequiore animo ferremus. De rebus sane maiorum nostrorum a Taciti aevo natus Scriptorem habemus neminem, qui memoriae aut plura, aut exactiora tradiderit. Quippe non audita narrat, sed visa; nec ab aliis saltem acta, sed quibus ipsemet saepe interfuit, laborum particeps periculorumque: qui et stipendia adversus Germanos meruit, et pleras-

que Germaniarum partes lustravit: quo nomine ut Germanus merito illum amo. Praeter omnifarium doctrinarum genus quo deliciatur, sententiis creber est et aptus; consiliorum diligens observator: nec publica tantum et cuius in oculos incurrentia, sed arcana quoque et quae intra aulam, ut dicitur, notat, iudicio minime vanus. Nisi quod in multiplicibus illis regionum descriptionibus, rerumque naturalium disquisitionibus paene intempestivis in leges historicas nonnihil videtur peccare: quorum alterum philosophi proprium; alterum periegetici est, et orbis situm narrantis.

De stilo eius, quem nescio qui scholastici vituperant, sic sentio. Durus ille quidem et asper, si cum Augusti aevo conferatur: at vero ornatus et suas habens vneres; si posteriora tempora et saeculum Auctoris, originemque eius et sectam spectes. Qui cum Graecus natione esset, et castra sequeretur, castrensi, immo aulica quoque dictione usus est. Nam et ipsi Imperatores, et qui in Comitatu eorum elegantiores videri volebant, ita tam loquebantur. Tamen ut in senticeto rosae nonnumquam et lilia succrescunt; ita in eius stili aspritie velut flosculi quidam elegantiarum urbanarum apparent, qui cum Livianis de iure Latinitatis oppido certare possint: unde neque Priscianus Grammaticus veritus est auctoritate eius uti. Itaque si minus interdum placet et obscurus esse videtur: obscuritates non adsignemus culpae scribentis, sed inscitiae non assequentis, ut apud A. Gellium Sex. Caecilius inquit. Robur addunt inscitiae corruptelae, quibus adeo turpiter interpolatus hactenus fuit, ut ipse sese, si postliminio mortis in vitam animaretur, credo saepissime non intelligeret. Idcirco inpenso operam dedi, uti quae mendosa sunt, quantum eius fieri potuit, tollerem, obscura illustrarem.

Et mendorum quidem foedissimorum naevos innumeros demsi, ope membranarum adiutus, quarum fragmenta vetusta penes me haud ita olim in Galliis fuere. Quibus accessit codex Florentinus, qui in Bibliotheca S. Marci adservatur: non ille quidem valde vetustus; ex vetusto tamen, eoque haud malo ut cõparet exemplari descriptus. Illum calente tum fidere caelestis Leonis, ut aestus ardorem mihi secessu vitarem, totum in Marciana aede accurate contuli: sine quo si fuisset, manum nunquam operi admoveere ausus essem. Atque etiam nunc aliquam multa vitia haerent, quae altius radices egisse videntur, quam ut facile extirpari possint.

In Observationibus id potissimum adnisi sum, non ut singularem emendationum rationem per minutias redderem: longum id fuisset, et cui bono? sed quae haud ita facile ab omnibus intelligi posse putabam, vel ab aliis Historicis lucem desiderabant, ea ut explicarem: breviter omnia et veluti per indicem tantum ostendens, quid cuique inservire maxime possit. Quod si commode sub manus cessit, sat est; certe haec operae impensae summa est. Feliciter.

C. G. HEYNI
 PROLUSIO
 CENSURAM ET INGENIUM HISTORIARUM
 AMMIANI MARCELLINI

CONTINENS.

(Ad indicenda sacra anniversaria inaugurationis Georgiae
 Aug. Kal. Sept. 1802.)

Ammianus Marcellinus, si non arte, fide tamen et auctoritate gravissimus scriptor eorum temporum, quae cognitu utilissima videri possunt scire cupientibus, quae, post sacra christiana ab ipsis principibus publice suscepta, rerum mutatio, et melioris doctrinae vis ad hominum vitam, mores et imperii administrationem fuerit. Quis enim non expectet, in vita cum privata tum publica, post abolitas superstitiones et receptas doctrinas, ad vitam sancte pieque agendam rerum summam revocantes, et magnam et in melius mutationem esse factam? Enimvero historiarum monumentis ingenuo studio excussis mala et vitia pristina malis et vitiis novis aucta non meliorem, sed deteriorem vitae publicae privataeque conditionem intulisse, ipsis rerum eventis docti non sine dolore et indignatione discimus. Iniquum tamen esset, omnia ea ad novas re-

ligiones earumque ministros referre, qui a praeceptis saluberrimis mortalium studia ad doctrinarum spinas ac sentes opinionumque ludibria avocare malebant; dominationis enim male constitutae erant mala, principum ignaviae et imperitiae, fallusque pessimo exemplo ex oriente illati, eunuchis et spardonibus in aulas receptis, assentatorum artibus principem tanquam reti circumdatum undique urgentibus, et ab omnium bonorum et prudentum virorum alloquio prohibentibus; munerum civilium et militarium partibus male confusis, ex aulicorum iudicio et optione, prout avaritia et dominandi cupiditas suadebat, mandatis, et ex eorum voluntate administratis. Inter haec omni luxur et libidinis genere ab aulicis et potentibus in vulgus manante, sensus et mores hominum ad bona, vera et recta studia occalluerant; ingeniis partim ad levia et frivola abiectis, partim per calamitates publicas cesseratis, et ad liberalium litterarum studia obtusis. Ita evenit, ut ii quoque, qui diviniore ingenio et generosiore indole instructi bonis litteris operam dedissent, ex saeculi faecibus multa contraherent, quibus ingenia alioqui praeclara foedarentur; nihil enim est, quod difficilius animis evellitur, quam errores ex puerili institutione et publico communique saeculi exemplo suscepti; alioqui enim, res nisi ipsa probaret, quomodo putabimus fieri potuisse, ut ii quoque, qui optimis litteris imbuti erant, auguriis, ominibus portentisque fidem haberent, aut magicarum artium efficaciam aliquam esse sibi persuaderent? Huic perniciosae persuasioni, tantum abest ut funditus tollendae profuerit, ut potius ei firmandae et per ratiuncularum commenta fundandae inservierit philosophia subtilior et sanctior Christianorum doctrina.

Utinam servati essent integri *Ammiani Marcel-
lini* libri xxxi. rerum gestarum iude a principatu

Nervae ^{a)} usque ad excessum Valentis, per decursum annorum 282. ab A. C. 96. usque ad a. 378. Quae eorum restat pars a libro xiv. ad extr. xxxi. complectitur Constantii acta inde ab anno imperii xvii. Galli, Iuliani, Ioviani, Valentiniani, Valentis; qui sunt anni fere xxv. ab A. C. 353. ad a. 378. qua Valens Gothos bello adortus in fuga periit; unde apparet, fortuna aliqua propitia partem operis potiore esse servatam; nam in libris xiii. prioribus, qui interiere, non nisi strictim expositae esse potuere res superiorum temporum ex aliorum memoracione; in iis autem, quae servata sunt, historici Ammianus vere et proprie nomen ac personam sustinet partesque explet, narratis iis, quae ipse vidit aut ab iis, qui interfuerant, comperit. Militavit ^{b)} in cohorte Urlicini, Magistri militum, summi eorum temporum viri, cum eodem ad opprimendum Silvanum in Gallias profectus (Lib. xv. 5.) et in Mesopotamiam adversus Persas (Lib. xviii. 6.) mox Iuliani quoque in Persas expeditioni interfuit. (Lib. xxiv. pr.) Ad acta publica provocat libro xvi. extr. Narrat autem eo cum candore, ut facile agnoscas virum probum et prudentem, rerum usu versatum nec literarum expertem ^{c)}; nec narrat nisi

a) Quid eum adduxerit, ut ab hoc tempore initium scribendi duceret, non constat; potest videri Suetonii vitas continuare velle: cuius tamen in his, quae supersunt, nulla sit memoratio, ut nec Taciti; neque ullum aut lecti aut imitatione expressi vestigium occurrit; memorat Salustium; Ciceronem et Maronem laudat saepius.

b) Eum inter Protectores domesticos adscriptum fuisse aiunt. De his ac reliquis, quae de Ammiani vita disputantur, vide

in Chiffletii libello de vita Ammiani Marcellini.

c) Memoratu digna sunt, quae ipse de se professus est in fine Libri xxxi. qui et operis finis est: *Haec ut miles quondam et Graecus, a principatu Caesaris Nervae exorsus, ad usque Valentis interitum pro virium explicavi mensura; opus, veritatem professum, nunquam, ut arbitror, sciens silentio ausus corrumpere vel mendacio. Scribant reliqua potiores, aetate doctrinaque florentes; quos id, si libuerit, aggressuros,*

nisi ea, quorum notitiam iustam habuerat, non autem omnia eorum temporum acta; ut, si vererem aestimare velis, in multis commentarios potius quam historiam scripsisse dicendus sit; ita de se nonnulla interponit, imprimis in rebus Perficis, et Amida oppugnata et capta, quae in magno historiae corpore locum vix haberent. Si quid est, quod magnopere desiderandum esse putamus, est, quod non meliore saeculo vixit et scripsit Ammianus, quo liberalior institutio, exemplorum, quae sequeretur, prudentior dilectus, oratio purior et stili maior simplicitas, cum dignitatis historiae subtiliore iudicio suppetebat. At ista aetate bona latinitas a nativa simplicitate et elegantia desciverat in orationem turgidam et fastu inflatam, mixta poeticorum troporum audacia, lyricaque insolentia cum pedestri sermone; nec rerum narrandarum severius iudicium et dilectus suppetebat, aut in iis, quae vulgaris superstitio iactabat, subtilior indagatio. Bonorum scriptorum exemplo passim digressionibus utitur, sed ambitiose quaesitis, partim alienis, ex interpretatione eorum, quae in naturae eventis insolitis occurrunt, parum opportune, plerumque infeliciter, arcessitis. Sanum tamen iudicium et felix ingenii sagacitas, quoties nec docta rerum scientia destituitur, nec falsa saeculi persuasionem corrumpitur. Itaque in rerum gestarum consiliis, modis, causis nec acumen nec prudentiam desideres; in moribus (nos characteres appellamus) designandis eximius passim artifex; ut Constantii (Lib. xxi. 16.) Iuliani; (xxii. 14. et xxv. 4.) nonnulla interdum urbane et false perstringens; ut Constantium *imperatoriae auctoritatis cothurnum ubique custodientem*, et oris maiestatem statu corporis immobili affectantem; cum itaque ille curru Romam inveheretur —

ros, procudere linguas ad maiores moneo stilos. Scilicet elegantiam et dignitatem orationis quaerebant tum in stili tumore. Iam senem se haec scripsisse aperte declarat, et docet idem memoratio seniorum eventuum passim iniecta. Intra Iulia-

ni Imp. res et tempora continere se ab initio voluisse significat Libro xxvi. pr. ne notiora apponeret; partim quoque, ne periculosum esset vera scribere, partim, si propositum teneret et potiora tantum apponeret, ne videretur multa praeteriisse.

talem se tamque immobilem, qualis in provinciis suis videbatur, ostendens; nam et corpus humile curvabat, portas ingrediens celsas, et velut collo munito rectam aciem luminum tendens, nec dextra vultum nec laeva flectebat, tanquam figmentum hominis; non, cum rota concuteret, nutans, nec spuens, aut os aut nasum tergens vel fricans, manumque agitans visus est nunquam (Lib. xvi. 10.) aut ut magistrum armorum Lupicinum exhibet, *supercilia erigentem ut cornua, et de tragico, quod aiunt, cothurno strepentem* (Lib. xx. 1.) cui similes homines videre meminimus. Nec illepidum est, quod de Constantio dicit: *doctrinarum diligens affectator: sed cum a rhetorica per ingenium defereretur obtusum, ad versificandum transgressus, nihil operae pretium fecit*; cuius dicti transferendi opportunitas haud infrequens se etiamnum offert. Dignus omnino scriptor, cui meliore apparatu instructa recensio dudum obtigisset; sed obstitit superiorum aetatum studium ex critica magis et verbis gloriam quaerens, quam ex rebus illustrandis; etsi operam luculentam in hoc scriptore iam positam esse haud abnuerim. Multa ille habet non aliunde nota, alia praeclara et cognitu utilia, aut cum aliis utiliter comparanda, in primis, quae ad aetatum dominationis luxu corruptarum morem et usum cognoscendum sunt opportuna. Ea, quae ad historiam temporum spectant, exposuere cum alii enarratores historiarum, tum Tillemont, Lebeau et Gibbon, cuius narratio gravitatis, qua celebratur, multum ex Ammiano mutuata est, minus conspicua in sequentibus. Alia ad Codicem Theodosianum sunt illustrata a doctis commentatoribus. Nos pro consilii nostri ratione enotabimus pauca, quae temporum hominumque ingenia et mores declarare possint; adiiciemus alia, quae singulari aliqua de causa notabilia esse visa sunt.

Omnia si quis corruptelas omnis generis, quae aulas et palatia potentum obsident, cognoscere voluerit, si artes adulantium, tortuosos in gratiam principis irre-

pentium meatus et cuniculos, imminentium in mutua exitia aulicorum studia, blanditiarum tetra commenta, quibus princeps a palatina cohorte circumveniri solet, si quis, adspectu vani fastus, tetrarum curarum, et anxietatis invidentium metuentiumque, contemptum et miserationem cum indignatione animo vult concipere ex cogitatione infinitarum calamitatum, quae ex his paucorum pravis studiis in omnem publicam rem promanant, ita ut tributis et vectigalibus exhausta regna et provinciae opibus virisque spoliatae in solitudines vertantur: si quis, inquam, haec voluerit tanquam in tabula proposita cognoscere, is adeat Ammiani libros, quibus Constantii principis res expositae sunt. Nutu suo omnem se terrarum orbem quassare putans, serviliter obnoxius erat assentatorum voluntatibus; in summo rerum fastigio constitutus muliebri tamen vanitate levissimis decoribus superbiens, plaudentium, immodicarum quamvis, laudum avidissimus, alienarum muliebriter impatiens, in ^{d)} suspiciones et formidines misere pronus; ita malignis susurris patulas aures praebens, bonis obsruebat viris, quos a principis occurso arcere, alienatam ab iis mentem odio et ira inflammare, offensas ementiri, inter aulicorum artes habetur. Ita quoque Iulianum Caesarem in suspiciones et periculum vitae adduxerant, ut salutis suae consulere se aliter non posse videret, quam ut periculo ipse obviam iret, et ex confesso se inimicum monstraret. Hisce obtrectationibus criminantium et accusationibus cupide admissis, tandem ad incredibilem saevitiam prolapsus, delatorum malitiae et aviditati optimi cuiusque salutem vitamque praedae paratae loco, in quam involarent, permisit. In Galli Caesaris palatio, stimulante uxore, ad muliebres similtates et odia proclivi, aulicorum artes occultius grassabantur, clandestinos rumores deferendo, comminiscendo falsa aut in deterius versa et interpretata, etiam ea, quae clam

d) Lib. xix. 12. ut erat angustius pectoris, obsurdescens in aliis — in hoc titulo (rerum genere) ima, quod aiunt, auricula mollior, et suspicax et minutus, acris felle concaluit.

in penetrali secreto a patre familias uxori in aures essent susurrata. At Valentiniani Augusti animus veneficiorum et artium magicarum terroribus percussus ad aliud suspicionum genus conversus per delatorum fraudes suppliciis tormentorumque cruciatibus saeviebat promiscue. In Constantii palatio spadonum et eunuchorum magna erat potentia: quibus semel in aulam inductis, quicquid rectum iustumque habetur, exclusum expulsumque esse, recte dixeris; cum muliebri enim impotentia dominandi cupiditas et avaritia horum hominum animis insidebat; iidem inter ministeria vitae secretioris per arcanos susurros principis auribus nutrimenta omnis suspicionis instillare poterant. Plura horum hominum, et in his Eusebii, cubiculo praepositi, scelera commemorat, et in hoc portentorum genus invehitur Ammianus multis locis (ut XIV. 11. XVIII. 5.) unde prodigii instar visus erat honesta sequens Euthérius cubiculi praepositus (de quo multis agit XVI. 7.) et monstri instar apparuit ipse Iulianus, qui, si qua alia re, fastu principali e palatio eiecto, magna illa in se hominum odia concitavit: turbam enim inutilem in ministerio imperatoris repererat incredibile madito imperio, coquos quidem, memorante Libanio, mille, totidem tonsores, pincernas autem plures, ministrorum omnis generis examina, quae Ammianus (XXII. 4.) *vitiorum omnium seminarium* appellat; *pasti enim ex his quidam, Christiani scilicet, quos Libanius disertius declarat, templorum spoliis, et lucra ex omni odorantes occasione, ab egestate infima ad saltum sublatis divitiarum ingentium, nec largiendi, nec rapiendi, nec absumendi tenere aliquem modum, aliena invadere semper adsueta: unde fluxioris vitae initia pullularunt, et periuria, et nullus existimationis respectus etc.* Celebratum est, quod de Iuliano narratur: *evenerat iisdem diebus, ut ad demendum imperatoris capillum tonsor venire praeceptus, introiret quidam ambitiose vestitus. Quo viso Iulianus obstupuit; ego, inquit, non rationalem* (procuratorem

credere licet, etsi varia huius nominis fuere ministeria) — *interrogatus tamen ille, quid haberet ex arte compendii, stipendium memorat longe lautissimum. Unde motus, omnes huiusmodi cum coquis, similibusque aliis — data, quo velint, eundi potestate proiecit.*

Alia res, quae Ammiani lectione attentiore animum insigniore modo advertit, est mira superstitionum vis ad mentes humanas, pro cuiusvis saeculi indole ad certa genera procliviores. Etsi enim veriore christianae luce doctrinae omnes tum Imperii Romani terras colustrante, occaecati tamen hominum animi praedictionum, ominum, prodigiorum, magicarum artium ludibriis non minus tenebantur, quam antea patriis religionibus antiquae persuasionis auctoritate has superstitiones firmantibus; quid? quod ipsa philosophia, vano superstitionum principio, quod omnino inficiandum erat, imprudenter admissio, tantum rationes et causas commentitias circumspiciebat, quibus doctrinae vanitas stabiliretur. Adeoque ii, qui in ceteris omnibus inter se acerrimis dissidiis odiisque distinebantur, pagani, Christiani et philosophi, in una eaque vanissima re inter se conspirabant, ut prodigiis et miraculis fidem haberent. Cuius erroris memorabile exemplum una cum Iuliano Imp. noster est Ammianus: iste quidem philosophiae fanaticae a Maximo propinatis poculis inebriatus, hic autem, ipsius principis anilem superstitionem ridens, non tamen dubitat vulgatam famam de rerum futurarum praedictionibus et per omina ac prodigia significationibus gravissimarum rerum narrationi ubique inferere. Nisi experientia doceret, vix fidem inveniret haec in eiusdem hominis animo iudiciorum discordia in rerum paritate. In consiliorum eventorumque causis et rationibus acute videns, quidque per intercedentes causas varietur, bene intelligens, ab inutili tamen praedictione eventa repetit, haud dubie pleraque ex evento ipso aut ficta aut in memoriam revocata; etsi probabile sit, a superstitiosis hominibus in ipso re-

rum aditū minima quaeque notata esse, quae aut bonum aut malum successum significare vulgo crederentur, ex iisque post eventum ea, quae ipsi evento responderent, iactata esse. Nihil saltem est, in utramque fortunam vel paullulum memorabile, cuius non omen aliquod antegressum etsi levissimum memoretur. In eadem superstitione mirationem facit hoc, quod etiam illi, qui, ante rerum incepta, auspicia captabant, sinistris tamen haud deterriti coepta peragebant, aut iterum alia aliaque captabant, donec incideret aliquid, quod pro omine exoptato haberi posset. Verum in toto hoc genere nihil est, quod cum ratione ulla idonea factum esse dici possit, multo minus in ipsa ominum interpretatione. Quis a viro prudente exspectet adscripta Lib. xix. 12. extr. *tunc apud Daphnen — visu relatuque horrendum natum est monstrum, infans ore gemino, cum dentibus binis et barba, quatuorque oculis et brevissimis duabus auriculis; qui partus ita distortus praemonebat, rempublicam in statum verti deformem. Nascuntur huiusmodi saepe portenta, indicantia rerum variarum eventus: quae, quoniam non expiantur, ut apud veteres, publice inaudita praetereunt et incognita.* Philosophia hoc ipso in perniciem hominum vertebat, quod vanarum superstitionum firmamenta nova ex suarum opinionum commentis suppeditabat. Videre refert subtiles et argutas ratiunculas, quibus evincere se credit Ammianus (Lib. xxi. princ.) sapienti viro contingere utique posse arcanam futura praenoscendi artem; quod si semel admiseris, nihil est in hoc genere, quod refellas. Eodem modo numinum religiones antiquas tuebantur philosophi, et miris argutiis veteres mythos interpretabantur: cuius studii quoque vestigia aliquot in Ammiano occurrunt, ut de Adrastea Dea (Lib. xiv. 11.) de Genio, unicuique nascenti assignato (xxi. 14.) et *Mercurium, ait, mundi velociorem sensum esse, motum mentium suscitantem, theologiae prodidere doctrinae* (Lib. xvi. 5.).

Curiose quaesitum est, uti de aliis, ita quoque de Ammiano, fueritne professione Christianus nec ne. Est tamen obvia res in lectione scriptorum istius temporis, e prudentioribus plerosque nec patrias religiones abiecisse nec novas damnasse, sed in his quidem pro suorum ingeniorum facultate probanda probasse. Ita Ammianus, ut Iuliani superstitiones, ex philosophia temporum et obtrectandi cupiditate susceptas, improbat (xxii. 12. et xxv. 4.) et, Georgium Alexandrinum antistitem Christianum, *professionis suae oblitum, quae nihil nisi iustum suadet et lene, ad delatorum causa feralia descivisse* (xxii. 11.). Idem Constantium ait *Christianam religionem absolutam* (planam, diserte enuntiatam) *et simplicem anili superstitione confudisse, in qua scrutanda perplexius, quam componenda gravius, excitavit discordia plurima; quae, progressa fusius, aluit concertatione verborum: ut catervis antistitem, iumentis publicis ultro citroque discurrentibus per synodos, quas appellant, dum ritum omnem ad suum trahere conantur arbitrium, rei vehiculariae succideret nervos;* (xxi. extr.) recte hactenus ad mores animi et consilia factaque et vitam referens meliorem doctrinam, modo non ipse aliis superstitionibus succubuisset.

Supereft nunc, ut enotemus nonnulla memorabilia, in scriptore a paucis lecto tanquam latentia; et in his quidem primo ea, quae per *digressiones* sunt inserta; quas Ammianum nonnunquam intempestive affectasse iam supra monitum est. Sunt eae sane diversi generis, aliae enim terrarum populorumque descriptiones continent; quas inter geographicas et historicas exercitationes referre possis; aliae ad phylicas, cum rerum naturas et causas exponit; in his quidem scientiae subtilitate parum plerumque instructus. Ex hoc genere, ut ab his ordiamur, sunt loca sequentia: Lib. xvii. 7. ubi Nicomediae clades narrata est, de motibus terrae eorumque causis; — Lib. xix. 4. de lue in Amida obfessa orta et de pestilentiae causis; — Lib. xx. 5. de

defectu solis diuturniore in orientalibus plagis a. 360. omninoque de defectuum solis caussis. — De arcu caelesti xx. 11. — de cometis xxv. 10. — de palmarum maritandarum arte xxiv. 3. — Cerevisiae genus, *Sabaiae* nomine in Illyrico habitum xxvi. 8. *Est autem sabaia ex hordeo vel frumento in liquorem conversis paupertinus in Illyrico potus* — de anno Romano xxvi. 2. — Utiliora sunt prioris generis disputata, in quibus sunt loca: Lib. xiv. 4. de Saracenorum moribus (h. e. Arabum nomadum. cf. xxii. 15.) — Lib. xx. 9. f. Galliae tractus et situs ex Timagenis fide, rhetoris et historici aetatis Augustae — Lib. xvii. 12. de Sarmatarum moribus, simillima iis, quae de nonnullis Asiae nostra aetate narrantur, et hoc quoque, quod de Scythis et Sarmatis Strabo memorat vii. p. 480. equis eos uti castratis. — Lib. xxxi. 2. de Hunnis et Alanis, nota inter historicos loca. — Lib. xxii. 8. de situ Pontici sinus, h. e. Ponti Euxini inde ab Hellesponto periplus. — Lib. xxvii. 4. regionum Thraciae recensio. — Lib. xxii. 14. 15. de Aegypto et Nilo, bellisque et ceteris animantibus, ubi significat, seres Aegyptiacas iam ante in rebus Hadriani exposuisse. Quibus addit quaedam de Aegyptiorum ingeniis Lib. xxii. 6. et c. 16. extr. Tum Lib. xxiii. 6. de regno Persarum, multis insertis, quae audita acceperat. Utinam in ipsa Iuliani expeditione geographicas rationes subtilius exegisset! Antiquitatis militaris curiosis accepta esse potest xxiii. 4. expositio machinarum obsidionalium, ballistae, scorpionis, helepolis, malleolorum. Luculentissima sunt loca de Romanorum vita et moribus xiv. 6. et xxviii. 4. in hoc quidem Senatorum primum, tum plebis: in isto luxus omnino divitum, in cuius apparatu multa occurrunt notabilia. Ita in carrucis altioribus et ambitioso vestium cultu summum decus ab iis positum videmus, *lacernis pluribus, tenuissimo filo textis*, corpori circumdatis, animalium figuras intextas exhibentibus, (*varietate lictorum effigiatae in species animalium multiformes*). Po-

tentium patrocinia et studia praeripiunt, qui currum et equorum agitationes, aut artem tesslerariam profitentur, aut secretiores artes se nosse fingunt: *homines autem eruditos et sobrios, ut infaustos et inutiles vitant.* Ita corruptelarum similitudinem videas per omnium temporum historias, virtutum perraro. Adde Lib. xxx. 4. de caussidicorum pravis artibus; etsi desultorie narrata. Inter alia locus de iis est: *e quibus ita rudes sunt nonnulli, ut nunquam codices se habuisse meminerint; et, si in circulo dociorum auctoris veteris inciderit nomen, piscis aut edulii peregrinum esse vocabulum arbitrantur.*

Subiiciemus his pauca memorabilia e diversis locis notata: Antiochiam *lucernis per vias dispositis noctu lucentibus instructam* legimus Lib. xiv. 1. *in urbe, ubi pernoctantium luminum claritudo dierum solet imitari fulgorem.* — Ad commerciorum ex India paucillimas notitias accedit locus xiv. 5. *Batne, municipium in Anthemusia (Mesopotamiae) conditum Macedonum manu priscorum, ab Euphrate flumine brevi spatio disparatur, (disiungitur) refertum mercatoribus opulentis; ubi annua sollennitate prope Septembris initium mensis, ad nundinas magna promiscuae fortunae convenit multitudo ad commercanda, quae Indi mittunt et Seres, aliaque plurima vehi terra marique consueta.* Sunt haec Palmyrae calamitate seriora. — De obelisco Constantii cura Romam advecto, et in Circo Maximo posito xvii. 4. memorare, tanquam de re nota, nihil attinet. — Ex libro xxi. extr. patet, *Constantium triumphales arcus ex clade provinciarum sumtibus magnis erexisse in Galliis et Pannoniis, titulis gestorum affixis.* — Lib. xvi. 10. in ingressu Constantii in urbem memorantur aedificia et ornamenta publica, quae tum adhuc superfuisset ex his constat. — Memorabile est, quod xv. 8. de more militari narratur: cum Iulianum Caesarem a Constantio dictum audissent, *militares omnes horrendo fragore scuta genibus illidentes: quod est prosperitatis*

(assensus) *indiciū plenum: nam contra, cum hastis clipei feriuntur, irae documentum est et doloris; immane, quo quantoque gaudio, praeter paucos, Augusti probavere iudiciū: videmus diversitatem pulforum clipeorum parum notam. — Novum exemplum arcani nuntii missi, membranae scriptae notarum figuris, in vaginae internis absconditae xviii. 6. — In motu terrae per Bithyniam, quo everſa est Nicomedia, notabilis erat ingens fragor ventorum et procellarum incumbentium, cf. xxvi. extr. cum alias aëre sine motu librato metus anxietatem iniiciat. — Ad naturas animantium spectant haec xviii. 3. linquentes orientem anſeres ob calorem, plagamque petentes occiduam, cum montem penetrare coeperint Taurum aquilis abundantem, timentes fortissimas volucres rostra lapillis occludunt, ne eis eliciat vel necessitas extrema clamorem; iisdemque collibus agiliore volatu transcursis proiciunt calculos, atque ita securius agunt, et Lib. xviii. 7. de leonibus Mesopotamiae excaecari solitis, cum culices palpebris insidentes amolitori oculos unguibus effodiunt. — Ad ea, quae de craniorum diversa duritie inter Persas et Aegyptios in Herodoto iii. 12. legimus, addi possunt sequentia ex Libro xix. 9. extr. pugna facta cum Persis numerus utrinque caesorum paullo post ita initus est, quod Romanorum cadavera mox fatiscunt et defluunt, adeo ut nullius mortui facies post quatrīdium agnoscat; interfectorum vero Persarum inarescunt in modum stipitum corpora, ut nec liquentibus membris, nec sanie perfusa madescant, quod vita parcior facit, et, ubi nascuntur, exustae caloribus terrae. Verum revocandus est calamus currens de similibus enotandis, ne videamur pro sportula coenam rectam praebuisse. P. P. in Georgia Augusta pridie Kal. Septembres c1510cccll.*

Desunt priores Libri XIII.

AMMIANI MARCELLINI
RERUM GESTARUM
LIBER XIV.

Galli Caesaris saevitia. C. I. Isaurorum incursiones. II. Persarum commentum irritum. III. Saracenorum irruptiones et mores. IV. Magnentianorum supplicia. V. Senatus populiue R. vitia. VI. Galli Caesaris immanitas et saevitia. VII. Orientis provinciarum descriptio. VIII. De Constantio Gallo Caesare. IX. Pax Alamannis petentibus datur a Constantio A. X. Constantius Gallus Caesar evocatur a Constantio A. et capite truncatur. XI.

(A. C. 353.)

Post emensos insuperabilis expeditionis eventus, languentibus partium animis, quas periculorum varietas fregerat et laborum, nondum tubarum cessante clangore, vel milite locato per ¹⁾ stationes hibernas, fortunae saevientis procellae tempestates alias rebus ²⁾ infudere communibus, per multa illa

1) *al.* stationum hiberna. 2) *Steph.* infundere conantur, per.

- et dira facinora Caesaris Galli: qui ex squalore nimio miseriarum, in aetatis adultae primitiis, ad principale culmen insperato cultu proventus, ultra terminos potestatis delatae procurrens, asperitate nimia cuncta foedabat. Propinquitatem enim regiae stirpis, gentilitateque ³⁾ etiamtum Constantini nominis efferebatur in fastus, si plus valuisset, ausurus hostilia in auctorem suae felicitatis, ut videbatur. Cuius acerbitati uxor grave accesserat incitium, germanitate Augusti turgida supra modum, quam Hannibaliano regi, fratris filio, antehac Constantinus iunxerat pater. Megaera quaedam mortalis, inflammatrix saevientis ⁴⁾ adfida, humani cruoris avida nihil mitius quam maritus, qui paulatim eruditiores facti processu temporis ad nocendum, per clandestinos versutosque rumigerulos, compertis leviter addere quaedam male suetos, falsa et placentia sibi discentes, adfectati regni vel artium nefandarum calumnias insontibus ⁵⁾ adfigebant.
- ³ Eminuit autem inter humilia, supergressa iam potentia fines mediocrium delictorum, nefanda Clematii cuiusdam Alexandrini nobilis mors repentina: cuius focrus cum misceri sibi generum, flagrans eius amore, non impetraret, ut ferebatur, per palatii pseudothyrum introducta, oblato pretioso reginae monili id adsequuta est, ut ad Honoratum, tum Comitem Orientis, formula missa ⁶⁾ letali, homo scelere nullo contactus idem Clematius, nec hiscere nec loqui permissus, occideretur.
- ⁴ Post hoc impie perpetratum, quod in aliis quoque iam timebatur, tamquam licentia crudelitati indulta, per suspicionum nebulas aestimati quidam noxii damnabantur: quorum pars necati, alii puniti bonorum multatione, actique laribus suis extorres,

³⁾ Steph. etiamnum. ⁴⁾ vulg. assidue. ⁵⁾ Mf. adfigebant. ⁶⁾ al. lethali odio.

nullo sibi relicto praeter querelas et lacrymas, sipe collaticia victitabant: et civili iustoque imperio ad voluntatem converso cruentam, claudebantur opulentae domus et clarae. Nec vox accusatoris ulla, 5 licet subditicii, 7) in his malorum quaerebatur acervis, ut saltem specie tenus crimina praescriptis legum committerentur, quod aliquoties fecere principes saevi: sed quidquid Caesaris implacabilitati sedisset, id velut fas iusque perpensum confestim urgebatur impleri. Excogitatum est super his, ut 6 homines quidam ignoti, vilitate ipsa parum cavendi, ad colligendos rumores per Antiochiae latera cuncta destinarentur, relaturi quae audirent. 8) Hi peragranter et dissimulanter honoratorum circulis adfistendo, pervadendoque 9) divitum domus egentium habitu, 10) quidquid noscere poterant vel audire, latenter intromissi per posticas in regiam, nuntiabant: id observantes conspiratione concordi, ut fingerent quaedam, et cognita duplicarent in peius: laudes vero supprimerent Caesaris, quas invitis compluribus formido malorum impendentium exprimebat. Et interdum acciderat, ut, si quid in 7 penetrali secreto, nullo citerioris 11) vitae ministro praesente, paterfamilias uxori susurrasset in aurem, velut Amphiarao referente aut Marcio, quondam vatibus inclytis, postridie disceret imperator. Ideoque etiam parietes arcanorum soli conscii timebantur. Adolescebat autem obstinatum propositum 8 erga haec et similia 12) multa scrutandi, stimulos admovente regina; 13) quae abrupte mariti fortunas trudebat in exitium praeceps: cum eum potius lenitate feminea ad veritatis humanitatisque viam redu-

A 2

7) *Mf. et Stephani editio et in his malor.* 8) *Mf. Hi meragranter.* 9) *vulg. domos.* 10) *Mf. et Steph. Si quidquam nosc.* 11) *vulg. eius vitae.* 12) *Steph. servandi.* 13) *vulg. quae abrupta e mariti fortuna stridebat.*

cere utilia suadendo deberet, ut in Gordianorum actibus factitasse Maximini truculenti illius imperatoris retulimus coniugem.

9 Novo denique perniciosoque exemplo idem Gallus ausus est inire flagitium grave, quod Romae cum ultimo dedecore tentasse aliquando dicitur Gallienus: et adhibitis paucis clam ferro succinctis, vesperi per tabernas palabatur et compita, quaeritando graeco sermone, cuius erat impendio gnarus, quid de ¹⁴⁾ Caesare quisque ¹⁵⁾ sentiret. Et haec confidenter agebat in urbe, ubi pernoctantium luminum claritudo dierum solet imitari fulgorem. Postremo agnitus saepe, iamque, si prodisset, conspicuum se fore contemplans, non nisi ¹⁶⁾ luce palam egrediens, ad agenda, quae putabat seria, cernebatur. Et haec quidem medullitus ¹⁷⁾ multis gementibus agebantur.

10 Thalassius vero ea tempestate Praefectus Praetorio Praesens, ipse quoque arrogantis ingenii, considerans incitationem eius ad multorum augeri discrimina, non maturitate vel consiliis mitigabat, ut aliquoties celsae potestates iras principum molli-verunt: sed adversando iurgandoque, cum parum congrueret, eum ¹⁸⁾ ad rabiem potius evibrabat: Augustum, actus eius exaggerando, creberrime docens, idque, incertum qua mente, ne lateret adfectans. ¹⁹⁾ Quibus mox Caesar acrius efferatus, velut contumaciae quoddam vexillum altius erigens, sine respectu salutis alienae vel suae, ²⁰⁾ ad vertenda supposita instar rapidi fluminis irrevocabili impetu ferebatur.

II. Nec sane haec perniciēs sola Orientem diversis cladibus adfligebat. Namque et Isauri, qui-

¹⁴⁾ Steph. *et* quisque *deest*. ¹⁵⁾ Steph. *sentirent*. ¹⁶⁾ Ms. *lucem palam*. ¹⁷⁾ Ms. *multum*. ¹⁸⁾ Ms. *eum ad rab. e. A.* ¹⁹⁾ Ms. *Quibus ut mox*. ²⁰⁾ *vertenda*.

bus usitatum et saepe pacari, saepeque inopinis excursibus cuncta miscere, ¹⁾ ex latrociniis occultis et raris, alente impunitate adolescentem in peius audaciam, ad bella gravia proruperunt: diu quidem perduelles spiritus irrequietis motibus erigentes; ²⁾ hac tamen indignitate perciti ³⁾ vehementer, ut iactitabant, quod eorum quidam capti consortes, apud ⁴⁾ Iconium Pisidiae oppidum in amphitheatrali spectaculo feris praedatricibus obiecti sunt praeter morem. Atque, ut Tullius ait, ut *etiam* ⁵⁾ *ferae* ⁶⁾ *fame monitae plerumque ad eum locum, ubi aliquando pastae sunt, revertuntur*; ita omnes instar turbinis digressi montibus impeditis et arduis, loca petivere mari confinia: per quae ⁶⁾ viis latebrosis sese convallibusque occultantes, cum ⁷⁾ adpeterent noctes, (luna etiamtum cornuta, ideoque nondum solido splendore fulgente) nauticos observabant. Quos cum in somnum sentirent effusos, per ancoralia quadrupedo gradu repentes, seseque suspensis pallibus infectantes in scaphas, ⁸⁾ eisdem nihil opinantibus adfistebant, et ⁹⁾ incendente aviditate saevitiam, ¹⁰⁾ ne cedentium quidem ulli parcendo, obtruncatis omnibus, merces opimas ¹¹⁾ velut viles nullis repugnantibus avertabant.

Haecque non diu sunt perpetrata. Cognitis ¹²⁾ enim pilatorum caesorumque funeribus, nemo deinde ad has stationes adpulit navem: sed ut Scironis praerupta letalia declinantes, litoribus Cypriis contigui navigabant, quae Isauriae scopulis sunt controversa. Procedente igitur mox tempore, cum ¹³⁾ adventitium nihil inveniretur, relicta ora mari-

1) et latrociniis. 2) Steph. attamen. 3) Mf. vehementes. Steph. vehementi. 4) Steph. Leonium. 5) vulgo *et fame* deest. 6) Mf. viis latebrosis convallibusque occult. 7) Mf. appeterent noctis. 8) Mf. eisdem enim nihil. 9) Steph. incitante. 10) Steph. ne cadentium. 11) Steph. velut viles. 12) Mf. pilatorum caesorumque funeribus. 13) adventitium.

tima in Lycaoniam adnexam Isauriae se contule-
 runt: ibique ¹⁴⁾ densis interfaepientes itinera prae-
 tenturis, provincialium et viatorum opibus pasce-
 5 bantur. Excitavit hic ardor milites per municipia
 plurima, quae iisdem conterminant, dispositos et
 castella: et quisque serpentes latius pro viribus re-
 pellere moliens, nunc globis confertos, aliquoties
 et dispersos, multitudine superabatur ingenti: quae
 nata et educata inter editos recurvosque ambitus
 montium, eos ut loca plana persultat et mollia, mis-
 silibus obvios eminus lacessens, et ululatu truci
 6 perterrens. Coactique aliquoties nostri pedites ad
 eos persequendos scandere clivos sublimes, etiamsi
 lapsantibus plantis, fruticeta prensando vel dumos,
 ad vertices venerint summos: inter arta tamen et
 invia nullas acies explicare permitti, nec firmare
 nisu valido gressus, hoste discursatore rupium abs-
 cissa volvente superne, periculose per prona dis-
 cedunt; aut ex necessitate ultima fortiter dimican-
 tes, ruinis ponderum immanium consternuntur,
 7 Quamobrem circumspecta cautela observatum est
 deinceps; et cum edita montium petere coeperint
 grassatores, loci iniquitate milites cedunt. Ubi
 autem in planitie potuerint reperiri, quod contin-
 git adfidue, nec exertare lacertos, nec crispare per-
 missi tela, ¹⁵⁾ quae vehunt bina vel terna, pecudum
 ritu inertium trucidantur.
 8 Metuentes igitur iidem latrones Lycaoniam ma-
 gna parte campestrem, cum se impares nostris fore
 congressione stataria documentis frequentibus sci-
 rent, tramitibus deviis petivere Pamphyliam, diu
 quidem intactam, sed timore populationum et cae-
 dium, milite per omnia diffuso propinqua, magnis
 9 undique praefidiis communitam. Raptim igitur

¹⁴⁾ *vulg.* densis inter obsidentium itinera praetenturis. ¹⁵⁾
vulg. velium.

properantes, ut motus sui rumorem celeritate nimia praevenirent, vigore corporum ac levitate confisi; per ¹⁶⁾ flexuosas semitas ad summities collium tardius evadebant. Et cum superatis difficultatibus arduis, ad supercilia venissent fluvii Melanis alti et verticosi, qui pro muro tuetur accolae circumfus, ¹⁷⁾ augente nocte adulta terrorem, quiescere paulisper lucem opperientes. Arbitrabantur enim nullo impediēte transgressi, inopino accursu adposita quaeque vastare: sed incassum labores pertulere gravissimos. Nam sole orto, magnitudine ¹⁸⁾ angusti gurgitis, sed profundi a transitu arcebantur: et dum piscatorios quaerunt lenunculos, vel innare temere contextis ratibus parant: effusae legiones, quae hiemabant tunc apud ¹⁹⁾ Siden, iisdem impetu occurrere veloci. Et signis prope ripam locatis ad manus comminus conferendas, ²⁰⁾ densata scutorum compage semet scientissime praestruiebant: ausos quoque aliquos fiducia nandi, vel cavatis arborum truncis amnem permeare latenter, facillime trucidarunt. Unde tentatis ad discrimen ²¹⁾ ultimum artibus multum, cum nihil impetraretur, pavore vique repellente extrusi, et quo tenderent, ambigentes, venire prope oppidum Laranda. ²²⁾ Ubi ²³⁾ victu recreati et quiete, postquam abierat timor, vicos opulentos adorti, equestrium adiumento cohortium, quae casu propinquabant, nec resistere planitie porrecta conati, digressi sunt: retroque concedentes, omne iuventutis robur relictum in ²⁴⁾ sedibus acciverunt. Et quoniam inedia gravi afflictabantur, locum petivere Paleas nomine, vergentem in mare, valido muro firmatum; ubi conduntur nuncusque commeatus, distribui militibus

16) *Mf.* plexuof. 17) *al.* urgente nocte adulta temporeque, quiev. 18) *Mf.* Sideniadem. 19) densitas scutorum compagetem et scientissime. *Steph.* densas scutorum compages scientiss. 20) *al.* Ubi.

omne latus Isauriae defendentibus adfueti. Circumstetero igitur hoc munimentum per triduum et trinoctium: et cum neque acclivitas ipsa sine discrimine ²¹⁾ adiri letali, nec cuniculis quidquam geri posset, nec procedebat ullum obsidionale commentum: maesti excedunt, ²²⁾ postrema vi subigente
 14 maiora viribus adgressuri. Proinde concepta rabie saeviore, quam desperatio incendebat et fames, amplificatis viribus ardore incohibili in excidium urbium matris ²³⁾ Seleuciaefferebantur, quam Comes tuebatur Castricius, tresque legiones bellicis
 15 sudoribus induratae. Horum adventum praedocti speculationibus fidis rectores militum, tellera data sollemni, armatos omnes celeri eduxere procursu: et agiler praeterito ²⁴⁾ Calicadui fluminis ponte, cuius undarum magnitudo murorum adluit turres, in speciem locavere pugnandi. Neque tamen exsilivit quisquam, nec permissus est congregi. Formidabatur enim flagrans vesania manus, et superior numero, et ruitura sine respectu salutis in ferrum.
 16 Viso itaque exercitu procul auditoque ²⁵⁾ liticinum cantu, represso gradu parumper stetero praedones: ²⁶⁾ exertantesque minaces gladios, postea lentius
 17 incedebant. Quibus occurrere bene pertinax miles explicatis ordinibus parans, hastisque feriens scuta (qui habitus iram pugnantium concitat et dolorem) proximos iam gestu terrebat. Sed eum in certamen alacriter confurgentem revocavere ductores, rati intempestivum, anceps subire certamen, cum haud longe muri distarent, quorum tutela ²⁷⁾ securitas
 18 poterat in solido locari cunctorum. ²⁸⁾ Hac ita persuasione reducti intra moenia bellatores, obseratis undique portarum aditibus, propugnaculis in-

21) *Mf. et Steph.* adiri possit letali. 22) *Steph.* postremo ira subeunte. 23) insolentia. 24) *Mf.* Calydcanni. 25) *Steph.* latronum. 26) *Mf. et Steph.* extantesque minantes. 27) *Steph.* Securi poterant in solido loca cuncta locare. 28) *Mf.* Hac uti.

habeant et pinnis, congesta undique saxa telaque habentes in promptu, ut, si quis sese ²⁹⁾ proripuisset interius, multitudine missilium sterneretur et lapidum. Illud tamen clausos vehementer angebat, ¹⁹ quod captis navigiis, quae frumenta vehabant per flumen, Isauri quidem alimentorum copiis adfluebant: ipsi vero solitarum rerum cibos iam consumendo, inediae propinquantis aerumnas exitiales horrebant. Haec ubi latius fama vulgasset, missae- ²⁰ que relationes assidue Gallum Caesarem permovissent: quoniam magister equitum longius ea tempestate distinebatur, iussus Comes Orientis Nebrius, contractis undique militaribus copiis, ad eximendam periculo civitatem amplam et opportunam, studio properabat ingenti: quo cognito abscessere latrones, nulla re amplius memorabili gesta, ³⁰⁾ dispersique, ut solent, avia montium petiere celorum.

III. Eo adducta re per Isauriam, rege Persarum, bellis finitimis illigato, repellenteque a collimitiis suis ferocissimas gentes, quae mente quadam verisimili hostiliter eum saepe incessunt, et in nos arma moventem aliquoties iuvant: Nohodares quidam nomine e numero optimatum, incurfare Mesopotamiam, quoties copia dederit, ordinatus, explorabat nostra sollicitate, si reperisset usquam locum, vi subita perrupturus. Et quia Mesopotamiae tractus ² omnes crebro inquietari sucti, praetenturis et stationibus servabantur agrariis, laevorsum flexo itinere Osdroenae subsederat extimas partes, novum parumque aliquando tentatum commentum adgressus: quod si impetrasset, ¹⁾ fulminis modo cuncta vastarat. Erat autem, quod agitabat, huiusmodi. Batne municipium in Anthemusia conditum Mace- ³

²⁹⁾ Ms. proripuisset . . . terias. ³⁰⁾ dispersisque. — ¹⁾ al. ful. instar.

donum manu priscorum, ab Euphrate flumine brevi spatio disparatur; refertum mercatoribus opulentis: ubi annua sollemnitate, prope ²⁾ Septembris initium mensis, ad nundinas magna promiscuae fortunae convenit multitudo, ad commercanda, quae Indi mittunt et Seres, aliaque plurima vehi terra mari-
4 que consueta. Hanc regionem praestitutis celebri-
tati diebus invadere parans dux ante dictus, per solitudines Aboraeque amnis herbidas ripas: suorum indicio proditus, qui admissi flagitii metu exagitati, ad praesidia ³⁾ descivere Romana, absque ullo egressus effectum, deinde tabescebat immobilis.

I IV. Saraceni tamen nec amici ¹⁾ nobis umquam, nec hostes optandi, ultro citroque discursantes, quidquid inveniri poterat, momento temporis parvi vastabant, milvorum rapacium similes: qui si praedam dispexerint celsius, volatu rapiunt celeri, aut,
2 nisi impetraverint, non immorantur. Super quorum moribus licet in actibus principis Marci, et postea aliquoties meminerim retulisse; tamen nunc
3 quoque pauca de iisdem expediam carptim. Apud has gentes, quarum exordiens initium ab Assyriis ad Nili cataractas porrigitur et confinia Blemmyarum, omnes pari sorte sunt bellatores, seminudi, coloratis sagulis pube tenus ⁴⁾ amicti, equorum adiumento pernecium graciliumque camelorum per diversa reptantes, in tranquillis vel turbidis rebus: nec eorum quisquam aliquando stivam adprehendit, vel arborem colit, aut arva subigendo ⁵⁾ quaerit victum: sed errant semper per spatia longe lateque distenta, sine lare, sine sedibus fixis aut legibus: nec idem perferunt diutius caelum, aut tractus
4 unius soli illis umquam placet. Vita est illis semper in fuga: uxoresque mercenariae conductae ad

2) *εὖ* mensis *vulg. deest.* 3) *vulg. discurrere.* 1) *Mf. nobiscum quam nec host.* 2) *Mf. amicitia.* 3) *al. quaeritant.*

tempus ex pacto: atque ut sit species matrimonii, dotis nomine futura coniunx hastam et tabernaculum offert marito, post statum diem, si id elegerit, discessura: et incredibile est, quo ardore apud eos in venerem uterque solvitur sexus. Ita autem, 5 quoad vixerint, late palantur, ut alibi mulier nubat, in loco pariat alio, liberosque procul educat, nulla copia quiescendi permessa. Victus universis 6 caro ferina est, lactisque abundans copia qua sustentantur, et herbae multiplices, et si quae alites capi per aucupium possint; et plerosque nos vidimus frumenti usum et vini penitus ignorantes. Hac- 7 tenus de natione perniciosa: nunc ad textum propositum revertamur.

V. Dum haec in Oriente aguntur, Arelate hie- 1 mem agens Constantius, post theatrales ludos atque circenses ambizioso editos adparatu, die sexto idus Octobres, qui imperii eius annum ¹⁾ tricesimum terminabat, ²⁾ insolentiae pondera gravius librans, — si quid dubium deferrebat aut falsum, pro liquido accipiens et comperto, inter alia excarnificatum Gerontium ³⁾ Magnentianae Comitem partis, exulari maerore multavit. Utque aegrum corpus quassari 2 etiam levibus solet offensis, ita animus eius angustus et tener, quidquid increpuiisset, ad salutis suae dispendium existimans factum aut cogitatum, insolentium caedibus fecit victoriam luctuosam. Si 3 quis enim Militarium vel honoratorum, aut nobilis inter suos, rumore tenus esset infimulatus fovisse partes hostiles, iniecto onere catenarum in modum belluae trahebatur: et inimico urgente vel nullo, quasi sufficiente hoc solo quod nominatus esset, aut delatus, aut postulatus, capite vel multatione bonorum, aut insulari solitudine damuabatur.

1) Mf. tricenisimum. 2) Mf. insolentiae. 3) al. Moguntianae.

4. *) Accedebant enim eius asperitati, ubi imminuta vel laesa amplitudo imperii dicebatur, et iracundae suspicionum quantitati proximorum cruentae blanditiae, exaggerantium incidentia, et dolere impendio simulantium, si principis perditur vita, a cuius salute velut filo pendere statum orbis
5 terrarum fictis vocibus exclamabant. Ideoque fertur, neminem aliquando ob haec vel similia poenae addictum, oblato de more elogio revocari iussisse, quod inexorabiles quoque principes factitarunt. Et exitiale hoc vitium, quod in aliis non numquam intepestcit, in illo, aetatis progressu effervescebat, obstinatum eius propositum accendente adulatorum cohorte.

6 Inter quos Paulus eminebat Notarius, ortus in Hispania, *) glabro quidam sub vultu latens, odorandi vias periculorum occultas perquam sagax. Is in Britanniam missus, ut Militares quosdam perduceret, ausos conspirasse Magnentio, cum reuerti non possent, 6) iussa licentius supergressus, fluminis modo fortunis complurium sese repentinus infudit: et ferebatur per strages multiplices ac ruinas, vinculis membra ingenuorum adfligens, et quosdam obterens manicis, crimina scilicet multa confarciendo, a veritate longe discreta. Unde admissum est facinus impium, quod Constantii tempus nota
7 inuulerat sempiterna. 7) Martinus agens illas provincias pro Praefectis, aerumnas innocentium graviter gemens, saepeque obsecrans, ut ab omni culpa immunibus parceretur, cum non impetraret, minabatur se discessurum: ut saltem id metuens perquisitor malevolus, tandem defineret quieti 8) coaglitos homines in aperta pericula proiectare. Per

4) Accedebant enim eius asperitati ibi imminu amplitudo i. d. et iracundiae suspicionum quantitati proximorum cruentae bland. 5) Mf. glaber quidam. 6) al. hic licentius. 7) Mf. Martinus agens. 8) Steph. traditos.

hoc minui studium suum existimans Paulus, ut erat in complicandis negotiis artifex dirus, ⁹⁾ unde ei Catenae inditum est cognomentum, Vicarium ipsum eos, quibus praeerat, adhuc defensantem, ad sortem periculorum communium traxit. Et instabat, ut eum quoque, cum Tribunis et aliis pluribus, ad comitatum imperatoris vinctum perduceret: quo percitus ille, exitio urgente ¹⁰⁾ abrupto, ferro eundem adoritur Paulum. Et quia languente dextera letaliter ferire non potuit, iam districtum mucronem in proprium latus impegit: hocque deformi genere mortis excessit e vita iustissimus, remora ausus miserabiles casus levare multorum. Quibus ita scelerate patrat, Paulus cruore perfusus, ⁹⁾ reversusque ad principis castra, multos cooper-
tos pene catenis adduxit, in squalorem deiectos atque maestitiam: quorum adventu intendebantur eculei, uncasque parabat carnifex et tormenta. Et ex iis proscripti sunt plures, actique in exilium alii: nonnullos gladii consumsere poenales. Nec enim quisquam facile meminit sub Constantio, ¹²⁾ ubi susurro tenus haec movebantur, quemquam absolutum.

VI. Inter haec Orfitus Praefecti potestate regibat urbem aeternam, ultra modum delatae dignitatis sese efferens insolenter: vir quidem prudens, et forensium negotiorum oppido gnarus, sed splendore liberalium doctrinarum minus, quam nobilem decuerat, institutus: quo administrante, seditiones sunt concitatae graves ob inopiam vini: cuius avidis usibus vulgus ¹⁾ intentum ad motus asperos excitatur et crebros.

Et quoniam mirari posse quosdam peregrinos existimo haec lecturos, forsitan si contigerit, quam-

9) *al.* Catena. 10) *Mf.* abrupto. 11) reversusque ad Pr. 12) *Mf.* ubi usurio. 1) *Mf.* intentus mutentus.

obrem cum oratio ad ea monstranda deflexerit, quae Romae gererentur, nihil praeter seditiones narratur, et tabernas, et vilitates harum similes alias: summam causas perstringam, nusquam a veritate sponte propria digressurus.

- 3 Tempore, quo primis auspiciis in mundanum fulgorem surgeret victura, dum erunt homines, Roma, ut augeretur sublimibus incrementis, foedere pacis aeternae. Virtus convenit atque Fortuna, plerumque dissidentes: quarum si altera ²⁾ defuisset,
 4 ad perfectam non venerat summitatem. Eius populus ab incunabulis primis adusque pueritiae tempus extremum, quod annis circumcluditur fere trecentis, circummurana pertulit bella: deinde aetatem ingressus adultam, post multiplices bellorum aerumnas, Alpes transcendit et fretum: in iuvenem erectus et virum, ex omni plaga, quam orbis ambit immensus, reportavit laureae triumphos: iamque vergens in senium, et nomine solo aliquo-
 5 ties vincens, ad tranquilliora vitae discessit. Ideo urbs venerabilis post superbas efferatarum gentium cervices oppressas, latasque leges, fundamenta libertatis et retinacula sempiterna: velut frugi parens, et prudens, et dives, Caesaribus tamquam
 6 liberis suis regenda patrimonii iura permisit. Et olim licet otiosae sint tribus, pacataeque centuriae, et nulla suffragiorum certamina, sed Pompiliani redierit securitas temporis: per omnes tamen, quotquot sunt, partes terrarum, ut domina ³⁾ suspicitur et regina: et ubique Patrum reverenda cum auctoritate canities, populi que Romani nomen circumspectum et ⁴⁾ verecundum.
 7 Sed laeditur hic coetuum magnificus splendor levitate paucorum incondita, ubi nati sint, non

2) abfuiſſet. 3) Mſ. ſuſcipitur. 4) Mſ. verecundum.

reputantium, sed tamquam ⁵⁾ indulta licentia vitiis, ad errores lapforum ⁶⁾ et lasciviam. Ut enim Simonides Lyricus docet, beate perfecta ratione victuro, ante alia patriam esse convenit gloriosam. Ex his quidam aeternitati se commendari posse per ⁸ statuas existimantes, eas ardentem adfectant, quasi plus praemii ex figmentis aereis sensu carentibus adepturi, quam ex conscientia honeste recteque factorum: easque auro curant imbracteari: quod ⁷⁾ Acilio Glabrioni delatum est primo, cum consiliis armisque regem superasset Antiochum. Quam autem sit pulchrum, exigua haec spernentem et minima, ad adscensus verae gloriae tendere longos et arduos, ut memorat vates Ascræus, Censorius Cato monstravit: qui interrogatus, quamobrem inter multos ⁸⁾ nobiles statuam non haberet; malo, inquit, ambigere bonos, quamobrem id non meruerim: quam, quod est gravius, cur impetraverim, nullitare.

Alii summum decus in ⁹⁾ carrucis solito altioribus, et ambitioso vestium cultu ponentes, sudant sub ponderibus lacernarum, quas ¹⁰⁾ collis insertas cingulis ipsis adnectunt, ¹¹⁾ nimia subteminum tenuitate perflabiles; ¹²⁾ expectantes crebris agitationibus, maximeque sinistra, ut longiores fimbriae ¹³⁾ tunicaeque perspicue luceant, varietate liciorum ¹⁴⁾ effigiatae in species animalium multiformes. Alii nullo quaerente, vultus severitate ¹⁰ adsimulata, patrimonia sua in immensum extollunt, cultorum ut puta feracium multiplicantes annuos fructus, quae a primo ad ultimum solem se abunde iactitant possidere: ignorantes profecto maiores

5) indulta licentiis ad errores. 6) Ms. ad lasc. 7) Ms. a Cilicio. 8) deest in Ms. 9) Ms. carruchis. 10) Ms. in collis inserta. 11) Ms. ne una. 12) perpia vilis expectantes . . . crebris a cogitationibus, maximeque sinistra. 13) Steph. et Ms. tunicaeque. 14) Ms. effricatae.

suos, per quos ita magnitudo Romana porrigitur, non divitiis eluxisse, sed per bella saevissima, nec opibus, nec victu, nec indumentorum vilitate a gregariis militibus discrepantes, opposita cuncta
 11 superasse virtute. Hinc ex collaticia stipe Valerius humatur ille Poplicola: et subsidiis amicorum mariti, inops cum liberis uxor alitur Reguli: et dotatur ex aerario filia Scipionis, cum nobilitas florem adultae virginis, diuturnam absentiam pauperis erubesceret patris.

12 At nunc, si ad aliquem bene nummatum ¹⁵⁾ timentemque ideo, honestus advena salutatum introiveris, primitus tamquam exoptatus suscipieris: et interrogatus multa, coactusque mentiri, miraberis numquam antea visus, summam virum tenuem te sic enixius observantem; ut poeniteat ob haec bona tamquam praecipua non vidisse ante decen-
 13 nium ¹⁶⁾ Romam. Hacque adfabilitate confusus, cum eadem postridie feceris, ut incognitus haerebis et repentinus, hortatore illo ¹⁷⁾ hesterno . . . numerando, qui sis vel unde venias, diutius ambigente. Agnitus vero tandem, et adscitus in amicitiam, si te salutandi adfiduitati dederis triennio indiscretus, et per ¹⁸⁾ totidem defueris tempus, reverteris ad paria perferenda: nec ubi esses interrogatus, et
 14 in stipite conteres submittendo. ¹⁹⁾ Cum autem intervallata temporibus convivium longa et noxia coeperint adparari, vel distributio sollemnium sportularum; anxia deliberatione tractatur, an exceptis iis, quibus vicissitudo debetur, peregrinum invitari conveniet: et, si digesto plene consilio id ²⁰⁾ placuerit

15) timentemque ideo. 16) Ms. Romam. Hacque 17) al. hesternum die mirando. 18) totidem defueris tempus, reverteris. 19) non te misero. 20) Cum autem commotus intervallata. 21) Steph. placuerit fieri.

cuerit fieri, is adhibetur, qui pro domibus excubat aurigarum, aut artem tellerariam profitetur, aut secretiora quaedam se nosse confingit. Homines enim eruditos et sobrios ut infaustos et inutiles vitant: eo quoque accedente, quod et nomenclatores adfueti haec et talia venditare, mercede accepta, ²²⁾ lucris quosdam et prandis inserunt subditicios ignobiles et obscuros.

Mensarum enim voragines, et varias voluptatum illecebras, ne longius progrediar, praetermitto: illuc transiturus, quod quidam per ampla spatia urbis, subverfasque filices, sine periculi metu properantes, equos velut publicos signatis, quod dicitur, ²³⁾ calceis agitant, familiarum agmina tamquam praedatorios globos post terga trahentes, ne Sannione quidem, ut ait comicus, domi relicto: quos ²⁴⁾ imitatae matronae complures, opertis capitibus et balternis, per latera civitatis cuncta discurrunt. Utque praeliorum periti rectores primo cattervas densas opponunt et fortes, deinde leves armaturas, post iaculatores, ultimasque subsidiales acies, si fors adegerit, ²⁵⁾ invasuras: ita praepositis urbanae familiae suspensae digèrentibus sollicite, quos insignes faciunt virgae dextris aptatae, velut tellera data castrensi, iuxta vehiculi frontem omne ²⁶⁾ textrinum incedit: huic atratum eoquinae adiungitur ministerium, deinde totum promiscue servitium, cum ²⁷⁾ otiosis plebeiis de vicinitate coniunctis: postrema multitudo spadonum, a senibus in pueros desinens, obluridi, distortaque lineamentorum compage ²⁸⁾ deformes: ut quaqua incesferit quisquam, cernens mutilorum hominum agmina, detestetur memoriam Semiramidis reginae illius

22) lucris quosdam. 23) Ms. calcis agitant. 24) semitate. 25) iuvaturas. 26) mextrinum. 27) al. otiosae plebis. 28) Ms. deformes.

veteris, quae teneros mares castravit omnium prima, velut vim iniectans naturae, ²⁹⁾ eandemque ³⁰⁾ ab instituto cursu retorquens, quae inter ipsa oriundi crepundia, per primigenios ³¹⁾ feminis fontes, tacita quodammodo lege, vias propagandae posteritatis ostendit.

18 Quod cum ita sit, paucae domus studiorum seriis cultibus antea celebratae, nunc ludibriis ignaviae torpentis exundant, vocali sono, ³²⁾ perflabili tinnitu fidium resultantes. Denique pro philosopho cantor, et in locum oratoris doctor artium ludicarum accitur: et bibliothecis sepulcrorum ritu in perpetuum clausis, organa ³³⁾ fabricantur hydraulica, et lyrae ad speciem carpentorum ingentes, tibiaeque et histrionici gestus instrumenta non levia.

19 Postremo ad id indignitatis est ventum, ut, cum peregrini ob formidatam haud ita dudum alimentorum inopiam pellerentur ab urbe praecipites, sectatoribus disciplinarum liberalium impendio paucis sine respiratione ulla extrusis, tenerentur ³⁴⁾ mimarum adflectae veri, ³⁵⁾ quique id simularunt ad tempus, et tria millia saltatricum ne interpellata quidem, cum choris totidemque remanerent magistris.

20 Et licet, quocumque oculos flexeris, feminas adfatum multas spectare cirratas, quibus, si nupfissent, per aetatem ter iam nixus poterat suppetere liberorum, adusque taedium pedibus pavimenta ³⁶⁾ tergentes, iactari volubilibus gyris, dum expriunt innumera simulacra, quae finxere fabulae theatrales.

21 Illud autem non dubitatur, quod, cum esset aliquando virtutum omnium domicilium Roma, ingenuos advenas plerique nobilium (ut Homericum ba-

29) Ms. eundemque. 30) *τὸ ab* deest in al. 31) Ms. feminis fortes. 32) vocabili sono perflabili. 33) *al.* fabricant ut. 34) Ms. minimarum. 35) Ms. quique. 36) Ms. tergentis iactare.

carum suavitate Lotophagi) humanitatis multiformibus officiis retentabant. Nunc vero inanes flatus²² quorundam, vile esse, quidquid extra urbis pomerium nascitur, aestimant, praeter orbos et caelibes: nec credi potest, qua obsequiorum diversitate coluntur homines sine liberis Romae. Et quoniam²³ niam apud eos, ut in capite³⁷⁾ mundi, morborum acerbitates cellius dominantur, ad quos vel sedandos omnis professio medendi³⁸⁾ torpescit; excogitatum est adminiculum hospitale, ne quis amicum perferentem familia videat: additumque est cautionibus paucis remedium aliud satis validum; ut³⁹⁾ famulos percontatum missos, quemadmodum valeant noti hac aegritudine colligati, non ante recipiant domum, quam lavacro purgaverint corpus. Ita etiam alienis oculis visa metuitur labes. Sed²⁴ tamen, haec cum ita tutius observentur, quidam vigore artuum imminuto, rogati ad nuptias, ubi aurum dexteris manibus cavatis offertur, impigre vel usque Spoletium pergunt. Haec⁴⁰⁾ nobilium instituta.

Ex turba vero imae sortis et⁴¹⁾ paupertinae in²⁵ tabernis aliqui pernoctant vinariis: nonnulli velabris umbraculorum theatralium latent, quae Campanam imitatus lasciviam Catulus in aedilitate sua suspendit omnium primus: aut pugnaciter aleis certant, turpi sono fragoris naribus introrsum reducto spiritu concrepantes: aut, quod est studiorum omnium maximum,⁴²⁾ ab ortu lucis ad vesperam sole fatiscunt vel pluviis,⁴³⁾ per minutias aurigarum equorumque praecipua, vel delicta scrutantes. Et²⁶ est admodum mirum, videre plebem innumeram

B 2

37) mundiorum acerb. 38) Mf. torrescit. 39) Mf. *ut* deest. 40) Mf. Nobilium est instituta. 41) Steph. paupertinae. 42) *ut* lucis deest al. 43) al. praemia aurigarum equorumque praecipua. Steph. vel praecipuas delicias.

mentibus ardore quodam infuso, cum dimicationum curulium eventu pendentem. Haec similiaque memorabile nihil vel serium agi Romae permittunt. Ergo redeundum ad textum.

- VII.** Latius iam disseminata licentia onerosus bonis omnibus Caesar, nullum post haec adhibens modum, Orientis latera cuncta vexabat, nec honoratis parcens, nec urbium primatibus, nec plebeiis.
- ² Denique Antiochenfis ordinis vertices sub uno elogio iussit occidi; ideo efferatus, quod ei celebrari vilitatem intempestivam urgenti, cum impenderet inopia, gravius Rationabili responderunt: et perisissent ad unum, ni Comes Orientis tunc Honoratus
- ³ fixa constantia restitisset. Erat autem dirlitatis ¹) eius hoc quoque indicium, nec obscurum, nec latens, quod ludicris truentis delectabatur, et in circo sex vel septem aliquoties vetitis certaminibus pugilum vicissim se concidentium, perfusorumque sanguine
- ⁴ specie ut lucratus ingentia laetabatur. ²) Accenderat super his incitatum propositum ad nocendum aliqua mulier vilis, quae ad palatium, ut poposcerat, intromissa, insidias ei latenter obtendi proderat ab militibus obscurissimis: quam ³) Constantina exsultans, ut in tuto iam locata mariti salute, muneratam vehiculoque impositam, per regiae ianuas emisit in publicum, ut iis illecebris alios quoque ad indicanda proliceret paria vel maiora. Post haec Gallus Hierapolim profecturus, ut expeditioni specie tenuis adesset, Antiochenfi plebi suppliciter obsecranti, ut inediae dispelleret metum, quae per multas difficilesque causas adfore iam sperabatur, non (ut mos est principibus, quorum diffusa potestas localibus subinde medetur aerumnis) disponi quidquam statuit, vel ex provinciis alimenta transferri conterminis: sed Consularem Syriae Theophi-

1) τὸ eius Ms. deest. 2) Ms. Accederat. 3) Ms. Constantia.

lum prope adstantem, ultima metuenti multitudini dedit, assidue replicando, quod invito rectore nullus egere poterit victu. Auxerunt haec vulgi⁶ sordidioris audaciam: et cum ingravesceret penuria com meatuum, famis et furoris impulsu, Eubuli cuiusdam inter suos clari domum ambitiosam ignibus subditis inflammavit: rectoremque, ut sibi iudicio imperiali addictum, calcibus incessens et pugnis, conculcans seminecem laniatu miserando discerpsit. Post cuius lacrymosum interitum in unius exitio quisque imaginem periculi sui considerans, documento recenti similia formidabat. Eodem tempore Serenianus ex Duce, cuius ignavia⁷ populatam in Phoenice Celsen ante retulimus, pulsatae maiestatis imperii reus iure postulatus ac lege, incertum qua potuit suffragatione absolvi: aperte convictus, familiarem suum cum pileo, quo caput operiebat, incantato vetitis artibus, ad templum misisse fatidicum, ⁴) quaeritatum expresse, an ei firmum portenderetur imperium, ut cupiebat, et cunctum. Duplexque iisdem diebus acciderat malum, quod et Theophilum insontem atrox ⁵) interceperat casus, et Serenianus dignus execratione eunctorum, innoxius modo non reclamante publico vigore discessit.

Haec subinde Constantius audiens, et quaedam⁹ referente Thalassio doctus, quem obisse iam compererat lege communi: scribens ad Caesarem blandius, adiumenta paullatim illi subtraxit, sollicitari se simulans, ⁶) ne, uti est militare otium fere tumultuosum, in eius perniciem conspiraret, solisque scholis iussit esse contentum palatinis et protectorum, cum scutariis et gentilibus: et mandabat Domitiano, ex Comite ⁷) Largitionum, praefecto, ut,

⁴) Ms. quaeritatum praefata. ⁵) Ms. interceperat. ⁶) Ms. ne vitiae. ⁷) Ms. Largitionum Praefecto provecto.

cum in Syriam venerit, Gallum, quem crebro acci-
 verat, ad Italiam properare blande hortaretur et
 10 verecundē. Qui cum venisset ob haec festinatis
 itineribus Antiochiam, praefrictis palatii ianuis,
 contempto Caesare, quem videri decuerat, ad prae-
 torium cum pompa sollemni perrexit: ⁸⁾ morbos-
 que diu caufatus, nec regiam introiit, nec processit
 in publicum: sed abditus multa in eius moliebatur
 exitium, addens quaedam relationibus supervacua,
 11 quas subinde dimittebat ad principem. Rogatus
 ad ultimum, admissusque in confistorium, ambage
 nulla praegressa, inconsiderate et leviter, Profici-
 scere, inquit, ut praeceptum est, Caesar, sciens,
 quod si cessaveris, et tuas et palatii tui auferri iu-
 bebo propediem annonas. Hocque solo contuma-
 citer dicto, subiratus abscessit, nec in conspectum
 12 eius postea venit saepius ⁹⁾ arcessitus. Hinc ille
 commotus, ut iniussa perferens et indigna, prae-
 fecti custodiam protectoribus mandaverat fidis.
 Quo comperto Montius tunc quaestor, vaser qui-
 dem, sed ad lenitatem propensior, consulens in
 commune, advocatos palatinarum primos schola-
 rum adloquutus est mollius, ¹⁰⁾ docens nec decere
 haec fieri, nec prodesse: addensque vocis obtur-
 gatorio sono, quod, si id placeret, post flatuas
 Constantii deiectas, super adimenda vita praefecto
 13 conveniet securius cogitari. His cognitis, Gallus
 ut serpens adpetitus telo vel saxo, iamque spes ex-
 tremas opperiens, et succurrens saluti suae quavis
 ratione, colligi omnes iussit armatos: et cum starent
 14 attoniti, districta dentium acie stridens, *Adeste,*
inquit, viri fortes mihi periclitanti vobiscum. Mon-
tius nos tumore inusitato quodam et novo, ut rebel-
les et maiestati recalcitrantes Augustae, per haec

8) Steph. morboque diu vexatus. 9) Mf. arcessitus. 10) docens
 nec decere.

quae strepit ¹¹⁾ incusat: iratus nimirum, quod contumacem praefectum, quid rerum ordo postulat, ignorare dissimulantem, formidine tenus iusserim custodiri. Nihil morati post haec militares, avidi¹⁵ saepe turbarum, adorti sunt Montium primum, qui divertebat in proximo, levi corpore senem, atque morbosum: et hirsutis resticulis ¹²⁾ cruribus eius innexis, divaricatum sine spiramento ullo adusque praetorium traxere praefecti. Et eodem impetu¹⁶ Domitianum praecipitem per scalas, itidem funibus constrinxerunt: eosque coniunctos per ampla spatia civitatis acri raptavere discursu. Iamque artuum et membrorum divulsa compage, superscandentes corpora mortuorum, ad ultimam truncata deformitatem, ¹³⁾ velut exsaturati ¹⁴⁾ mox abiecerunt in flumen. Incenderat autem audaces usque ad insa-¹⁷ niam homines ad haec, quae nefariis egere conatibus, Luscus quidam curator urbis subito visus: ¹⁵⁾ eos ut eiulans baiulorum praecentor, ad expediendum, quod orsi sunt, incitans vocibus crebris: qui haud longe postea ideo vivus exultus est.

Et quia Montius inter ¹⁶⁾ dilanantium manus¹⁸ spiritum efflaturus, Epigonium et Eusebium, nec professionem, nec dignitatem ostendens, aliquoties increpabat: qui sint hi, magna quaerebatur industria, et nequid intepesceret, Epigonius e Lycia philosophus ducitur, et Eusebius ab ¹⁷⁾ Emilla Pittacas cognomento, concitatus orator: cum quaestor non hos, sed tribunos fabricarum insimulasset, promittentes armorum si novas res agitari ¹⁸⁾ comperissent. Iisdem¹⁹ diebus Apollinaris Domitiani gener, paulo ante agens palatii Caesaris curam, ad Mesopotamiam missus a focero, per militares numeros inmodice

11) Ms. incusat. 12) τὸ eius Ms. deest. 13) Ms. velut exaturatio. 14) τὸ μορ Ms. deest. 15) al. cumque eo Stenelaus baiulor. 16) Ms. dilacinantium. 17) Ms. ad dimissa pictacas cognomento. 18) al. coepissent.

scrutabatur, an quaedam altiora meditantis iam Galli secreta susceperint scripta: qui compertis Antiochiae gestis, per minorem Armeniam lapsus, Constantinopolim petiit, exindeque per protectores retractus, artissime tenebatur.

20 Quae dum ita struuntur, indicatum est apud Tyrum indumentum regale textum occulte, incertum quo locante, vel cuius usibus adparatum. Id eoque rector provinciae tunc pater Apollinaris, eiusdem nominis, ut conscius ductus est: alique congregati sunt ex diversis civitatibus multi, qui atrocium criminum ponderibus urgebantur.

21 Iamque lituis cladium concrepantibus internarum, non celate, ut antea, turbidum saeviebat ingenium, a veri consideratione detortum: et nullo impositorum vel compositorum fidem sollemniter inquirente, nec ¹⁹⁾ discernente a societate noxiorum infantes, velut exturbatum e iudiciis fas omne discessit: et causarum legitima silente defensione, carnifex rapinarum sequester, et obductio capitem, et bonorum ubique multatio versabatur per orientales provincias: quas recensere puto nunc opportunum, absque Mesopotamia, iam digesta, cum bella ²⁰⁾ Parthica dicerentur, et Aegypto, quam necessario aliud ²¹⁾ reieci ad tempus.

VIII. Superatis Tauri montis verticibus, qui ad solis ortum sublimius attolluntur, Cilicia spatiis porrigitur late distentis, dives bonis omnibus terra: eiusque lateri dextro adnexa Isauria, pari sorte uberi palmitate viret et frugibus multis: quam mediam a navigabile flumen Calycadnus interseindit. Et hanc quidem, praeter oppida multa, duae civitates exorant, Seleucia, opus Seleuci regis, et Claudiopolis, quam deduxit coloniam Claudius Caesar.

19) *al.* discerpente. 20) *Mf.* Parthica . . . rentur. 21) *Mf.* reieci, . . . ad tempus.

Ifaura enim antehac ¹⁾ nimium potens, olim sub-
versa ut rebellatrix interneciva, aegre vestigia cla-
ritudinis pristinae monstrat admodum pauca. Cili-3
ciam vero, quae Cydno amne exsultat, Tarsus no-
bilitat, urbs perspicabilis: (hanc condidisse Perseus
memoratur, Iovis filius et Danaës, vel certe ex Ae-
thiopia profectus Sandan quidam nomine, vir opu-
lentus et nobilis) et Anazarbus auctoris vocabulum
referens: et Mopsuestia, vatis illius domicilium
Mopfi, quem a commilitio Argonautarum, cum
aureo vellere direpto redirent, errore abstractum,
²⁾ delatumque ad Africae littus mors repentina con-
sumpsit: et ex eo, cespite punico tecti manes eius
heroici, dolorum varietati medentur plerumque
fospitales. Hae duae provinciae bello quondam 4
piratico catervis mistae praedonum, a Servilio pro-
consule missae sub iugum, factae sunt vectigales.
Et hae quidem regiones velut in prominenti terra-
rum lingua positae, ³⁾ ab orbe Eoo monte Amano
disparantur. Orientis vero limes in longum pro-5
tentus et rectum, ab Euphratis fluminis ripis adus-
que supercilia porrigitur Nili, laeva Saracenis con-
terminans gentibus, dextra pelagi fragoribus pa-
tens: quam plagam ⁴⁾ Nicator Seleucus occupatam
auxit magnum in modum, cum post Alexandri Ma-
cedonis obitum successorio iure teneret regna Per-
fidis, efficaciae impetrabilis rex, ut indicat cogno-
mentum. Abusus enim multitudine hominum, 6
quam tranquillis in rebus diutius rexit, ex agresti-
bus habitaculis urbes construxit, multis opibus fir-
mas et viribus: quarum ad praesens pleraeque licet
Graecis nominibus adpellentur, quae iisdem ad ar-
bitrium imposita sunt conditoris, primogenia tamen

1) Ms. nemium potens. 2) *al.* delatum ad. 3) Ms. ab urbe.
4) *al.* Nicanor.

nomina non ⁵⁾ amittunt, quae eis Assyria lingua institutores veteres indiderunt.

7 Et prima post Osdroënam, quam (ut dictum est) ab hac descriptione discrevimus, Commagena, nunc Euphratenfis, clementer adfurgit; Hierapoli, ⁶⁾ vetere Nino, et Samofata civitatibus ⁷⁾ amplis illustribus.

8 Dein Syria per speciosam interpatet diffusa planitiem. Hanc nobilitat Antiochia, mundo cognita civitas, cui non certaverit alia advecticiis ita adfluere copiis et internis, et Laodicea, et Apamia, itidemque Seleucia, iam inde a primis auspiciis florentissima.

9 Post hanc ⁸⁾ acclivis Libano monti Phoenice, regio plena gratiarum et venustatis, urbibus decorata magnis et pulchris: in quibus amoenitate celebritateque nominum Tyrus excellit, Sidon et Berytus, iisdemque pares, Emiffa, et Damascus, saeculis conditae priscis. Has autem provincias, quas Orontes ambiens amnis, imosque pedes Cassii montis illius celsi praetermeans, funditur in Parthenium mare, Cn. Pompeius superato Tigraue, regnis Armeniorum abstractas ditioni Romanae coniunxit.

11 Ultima Syriarum est Palaestina, per intervalla magna protenta, cultis abundans terris et nitidis, et civitates habens quasdam egregias, nullam nulli cedentem, sed sibi vicissim velut ad perpendicularum aemulas: Caesaream, quam ad honorem Octaviani principis exaedificavit Herodes, et Eleutheropolim, et Neapolim, itidemque Ascalonem, ⁹⁾ Gazam, 12 aevo superiore exstructas. In his tractibus navigorum nusquam visitur flumen: et in locis plurimis aquae suapte natura calentes emergunt, ad usus aptae multiplicium medelarum. Verum has quoque

5) *al.* admittunt. 6) *Mf.* Veterennino. 7) *Mf.* amplis et illustribus. 8) *al.* acclivis. 9) *deest* in Steph.

regiones pari sorte Pompeius Iudaeis domitis, et Hierosolymis captis, in provinciae speciem, rectori delata iurisdictione, formavit.

Huic Arabia est conferta, ex alio latere Nabataeis contigua; opima varietate commerciorum, castrisque oppleta validis et castellis, quae ad repellendos gentium vicinarum excursus, sollicitudo pervigil veterum per opportunos saltus erexit et cautos. Haec quoque civitates habet inter oppida quaedam ingentes, Bosfram et Gerasam atque Philadelphiam, murorum firmitate cautissimas. Hanc provinciae imposito nomine, rectoreque attributo, obtemperare legibus nostris Traianus compulit imperator, incolarum tumore saepe contuso, cum glorioso Marte Mediam urgeret et Parthos.

Cyprum itidem insulam procul a continenti discretam et portuosam, inter municipia crebra urbes duae faciunt claram, Salamis et Paphus: altera Iovis delubris, altera Veneris templo insignis. Tanta tamque multiplici fertilitate abundat rerum omnium eadem Cyprus, ut nullius externi indigens adminiculi, indigenis viribus, a fundamento ipso carinae ad supremos usque carbasos aedificet onerariam navem, omnibusque armamentis instructam mari committat. Nec piget dicere, avide magis hanc insulam populum Romanum invalisse, quam iuste. Ptolemaeo enim rege foederato nobis et socio, ob aerarii nostri angustias iusso sine ulla culpa proscribi, ideoque hausto veneno voluntaria morte deleta, et tributaria facta est, et velut hostiles eius exuviae classi impositae, in urbem advectae sunt per Catonem. Nunc repetetur ordo gestorum.

IX. Inter has ruinarum varietates, a Nisibi, quam tuebatur accitus Urficinus, cui nos obsequuturos iunxerat imperiale praeceptum, dispicere litis exitialis semina cogeatur, abnuens et reclamans adulatorum oblatrantibus turmis: bellicosus sane

milesque semper et militum ductor, sed forensibus iurgiis longe discretus: qui metu sui discriminis anxius, cum accusatores quaesitoresque ¹⁾ subditivos sibi confociatos ex iisdem foveis cerneret emergentes, ²⁾ quae clam palamve agitabantur, occultis Constantium litteris edocebat, implorans subsidia, quorum metu tumor notissimus Caesaris exhalaret.

2 Sed cautela nimia in peiores haeserat plagas, ut narrabimus postea, aemulis confarcinantibus infidias graves apud Constantium, caetera medium principem, sed si quid ³⁾ auribus eius huiusmodi quivis infudisset ignotus, acerbum et implacabilem, et in hoc causarum titulo dissimilem fuit.

3 Proinde die funestis interrogationibus praestituto, imaginarius iudex equitum resedit magister, adhibitis aliis iam, quae essent agenda, praedoctis: et adstitebant hincinde notarii, quid quaesitum esset, quidve responsum, cursim ad Caesarem perferentes: cuius imperio truci, ac stimulis reginae, exertantis aurem subinde per aulaeum, nec diluere obiecta permitti, nec defensi periere complures.

4 Primi igitur omnium statuuntur Epigonius et Eusebius, ob nominum gentilitatem oppressi. Praediximus enim Montium, sub ipso vivendi termino, his vocabulis adpellatos fabricarum culpasse tribunos, ut adminicula ⁴⁾ futurae molitioni pollicitos.

5 Et Epigonius quidem amictu tenuis philosophus, ut adparuit, prece frustra tentata, sulcatis lateribus, mortisque metu admoto, turpi confessione cogitatorum socium, quae nulla erant, fuisse firmavit, cum nec vidisset quidquam nec audisset, penitus expers forensium rerum: Eusebius vero obiecta fidentius negans, ⁵⁾ suspensus in eodem gradu con-

1) subditivos. 2) Steph. quaedam quae palam ag. 3) *τὸ eius* deest in Mf. 4) futurae ultioni. 5) suspensus in eodem gradu cunctantia est et id latrocinium.

stantiae fletit, latrocinium illud esse, non iudicium clamans. Cumque pertinacius, ut legum gnarus, 6 accusatorem flagitarét atque sollemnia, doctus id Caesar, libertatemque superbiam ratus, tamquam obtrectatorem audacem excarnificari praecepit: qui ita evisceratus, ut cruciatibus membra deessent, implorans caelo iustitiam, torvum renidens fundato pectore mansit immobilis, nec se inculcare, nec quemquam alium passus: et tandem nec confessus nec confutatus, cum abiecto consorte poenali est morte multatus. Et ducebatur intrepidus temporum iniquitati insultans, imitatus Zenonem illum veterem Stoicum, qui ut mentiretur quaedam, laceratus diutius, avulsam sedibus linguam suam cum cruento sputamine in oculos interrogantis 6) Cyprii regis impexit. Post haec indumentum regale quae- 7 rebatur: et ministris fucandae purpurae tortis, confessisque pectoralem tuniculam sine manicis textam, Maras quidam nomine inductus est (ut appellant Christiani) diaconus: cuius prolatae litterae scriptae Graeco sermone ad Tyrii textrini praepositum, celerari speciem perurgebant: quam autem non indicabant: denique etiam idem adusque discrimen vitae vexatus, nihil fateri compulsus est. Quae- 8 stione igitur per multiplices dilatata fortunas, cum ambigerentur quaedam, nonnulla levius actitata constaret, post multorum clades Apollinares ambo, pater et filius, in exilium acti, cum ad locum Crateras nomine pervenissent, villam scilicet suam, quae ab Antiochia 7) vicelimo et quarto disiungitur lapide, ut mandatum est, fractis cruribus occiduntur.

Post quorum necem nihilo lenius ferociens Gal- 9 lus, ut leo cadaveribus passus, multa huiusmodi

6) Ms. et Steph. Cyprii. 7) al. vicelimo.

scrutabatur: quae singula narrare non refert, ne professionis modum, ⁸⁾ quod evitandum est, excedamus.

(A. C. 354.)

X. Haec dum Oriens diu perferret, caeli reformato tepore, Constantius consulatu suo septies, et Caesaris ter, egressus Arelate Valentiam petit, in ¹⁾ Gundomadum et Vadomarium fratres Alamannorum reges arma moturus, quorum crebris ²⁾ excursibus vastabantur confines limitibus terrae Gallorum. Dumque ibi diu moratur, commeatus operiens, quorum translationem ex Aquitania ³⁾ verni imbrēs solito crebriores prohibebant, auctique torrentes, ⁴⁾ Herculaneus advenit protector domesticus, Hermogenis ex magistro equitum filius, apud Constantinopolim, ut supra retulimus, ⁵⁾ populari quondam turbela discerpti: quo verissime referente, quae Gallus egerat, damnis super praeteritis maerens, et futurorum timore suspensus, angorem ³⁾ animi, quamdiu potuit, emendabat. Miles tamen interea omnis apud Cabillona collectus, morarum impatiens saeviebat, hoc irritatior, quod nec subsidia vivendi suppeterent, alimentis nondum ex usu ⁴⁾ translatis. Unde Rufinus ea tempestate praefectus praetorio, ad discrimen trusus est ultimum. Ire enim ipse compellebatur ad militem, quem exagitant inopia simul et feritas, et alioquin coalito more in ordinarias dignitates asperum semper et saevum, ut satisfaceret, atque monstraret, quam ⁵⁾ ob causam annonae convectio sit impedita. Quod opera consulta cogitabatur astute, ut hoc insidiarum genere ⁶⁾ Galli periret avunculus, ne eum ut

8) Ms. saevitatum. 1) Gundoundum. 2) Ms. excursu. 3) Ms. averni. Steph. Arverni. 4) al. Arculanus. 5) populari ut quondam. 6) Ms. talis.

praepotens acueret ⁷⁾ in fiduciam, exitiosa coeptan-
tem. Verum navata est opera diligens; ⁸⁾ hocque
dilato, Eusebius praepositus cubiculi missus est
Cabillona, aurum secum perferens: quo per tur-
bulentos seditionum ⁹⁾ concitores occultius distri-
buto, et tumor consenuit militum, et salus est in
tuto locata praefecti. Deinde cibo abunde perlato,
castra die praedicto sunt mota. Emenfis itaque ⁶
difficultatibus multis, et nive obrutis callibus plu-
ribus, ubi prope Rauracum ventum est ad superci-
lia fluminis Rheni, resistente multitudine Alamanna,
pontem suspendere navium compage Romani vi ni-
mia vetabantur, ritu grandinis undique convolanti-
bus telis: et cum id impossibile videretur, Impera-
tor cogitationibus magnis attonitus, quid capelleret,
ambigebat. Ecce autem ex improvviso index qui-⁷
dam regionum gnarus advenit, et mercede accepta
vadosum locum nocte monstravit, unde superari
potuit flumen: et potuisset aliorum ¹⁰⁾ intentis ho-
stibus ¹¹⁾ exercitus inde transgressus, nullo id opi-
nante, cuncta vastare, ni pauci ex eadem gente,
quibus erat honoratioris militiae cura commissa,
populares suos haec per nuntios docuissent occul-
tos, ut quidam existimabant. Infamabat autem ⁸
haec suspicio Latinum domesticorum comitem, et
Agilonem tribunum stabuli, atque Scudilonem
scutariorum rectorem, qui tunc ut dextris suis ge-
stantes Remp. colebantur. At barbari suscepto ⁹
pro instantium rerum ratione consilio, dirimentibus
forte auspiciis, vel congregi prohibente auctori-
tate sacrorum, mollito vigore, quo fidentius reli-
stebant, optimates misere delictorum veniam peti-
turos et pacem. Tentis igitur regis utriusque lega-¹⁰

⁷⁾ Ms. ad fiduc. ⁸⁾ Ms. hacque delato. *utrumque in aliis
desst.* ⁹⁾ Ms. concitores. ¹⁰⁾ Ms. mittentis. ¹¹⁾ *Haec verba
in al. desunt: in Ms. vero sic leguntur: exercitus deinde trans-
gressus nullo id opinante cuncta vastarem.*

tis, et negotio tectius diu pensato, cum pacem oportere tribui, quae iustis conditionibus petebatur, eamque ex re tum fore sententiarum via concineus adprobasset, advocato in concionem exercitu, Imperator pro tempore pauca dicturus, tribunali adstans, circumdatus potestatum coetu cellarum, ad hunc differuit modum:

- ¹¹ *Nemo quaeso miretur, si post exsudatos labores itinerum longos, congestosque adfatim commeatus, fiducia vestri ductante, barbaricos pagos adven-*
¹² *diverti. Pro suo enim loco et animo quisque vestrum reputans, id* ¹²⁾ *inveniet verum, quod miles ubique, licet membris vigentibus firmus, se solum vitamque propriam circumspicit et defendit: Imperator vero officiorum, dum aequis omnibus alienae custos salutis, nihil non ad sui spectare tutelam* ¹³⁾ *rationes populorum cognoscit, et remedia cuncta, quae status negotiorum admittit, arripere debet alacriter, se-*
¹³ *cunda numinis voluntate delata. Ut in breve igitur conferam, et ostendam, qua ex causa omnes vos simul adesse volui, commilitones mei fidissimi, accipite aequis auribus, quae succinctius explicabo. Veritatis enim* ¹⁴⁾ *absolutus sermo ac semper est*
¹⁴ *simplex. Arduos vestrae gloriae gradus, quos fama per plagarum quoque accolae extimarum diffundit, excellenter accrescens, Alamannorum reges et populi formidantes, per oratores, quos videtis, summissis cervicibus concessionem praeteritorum poscunt et pacem: quam ut cunctator et cautus utiliumque monitor, si vestra voluntas adest, tribui debere censeo, multa contemplans: primo, ut Martis ambigua declinentur: dein, ut auxiliares pro ad-*
versa-

¹²⁾ Mf. inveniet. ¹³⁾ Mf. ratio et remedia. ¹⁴⁾ Mf. absolimo semper ac pereft simplex.

versariis adsciscamus, quod pollicentur: tum autem, ut incruenti mitigemus ferociae flatus, perniciosos saepe provinciis: postremo id reputantes, quod non ille hostis vincitur solus, qui cadit in acie, pondere armorum oppressus et virium; sed multo tutius etiam tuba tacente, ¹⁵⁾ sub iugum mittitur voluntarius, qui sentit expertus, nec fortitudinem in rebelles, nec lenitatem in supplices animos deesse. In ¹⁵ summa, tamquam arbitros vos, quid suadetis, operior, ut princeps tranquillius temperanter adhibere modum adlapsa felicitate decernens. Non enim inertiae, sed modestiae humanitatisque, mihi credite, hoc, quod recte consultum est, adsignabitur.

Mox dicta finierat, multitudo omnis, ¹⁶⁾ ad ¹⁶ quae Imperator voluit, promptior, laudato consilio, consensit in pacem, ea ratione maxime percita, quod norat expeditionibus crebris, Fortunam eius in malis tantum civilibus vigilasse: cum autem bella moverentur externa, accidisse plerumque luctuosa. Icto post haec foedere gentium ritu, perfecta-que sollemnitate, Imperator Mediolanum ad hiberna discessit.

XI. Ubi curarum abiectis ponderibus aliis, tamquam ¹⁾ nodum Gordium difficillimum, Caesarem convellere nisu valido cogitabat: eique deliberranti cum proximis, clandestinis colloquiis et nocturnis, qua vi, quibusve commentis id fieret, antequam effundendis rebus pertinacius incumberet confidentia: acciri mollioribus scriptis per simulationem tractatus publici nimis urgentis, eundem placuerat Gallum, ut auxilio destitutus, sine ullo interiret obstaculo. Huic sententiae versabilium ² adulatorum refragantibus globis (inter quos erat

¹⁵⁾ *al.* iūgo. ¹⁶⁾ *Ms.* atque. ¹⁾ *Al.* nodum et odium. *Ms.* odiem.

Arbetio ad insidiandum acer et flagrans, et Eusebius tunc praepositus cubiculi, effusior ad nocendum) id occurrebat, Caesare discedente Urlicinum in Oriente perniciose relinquendum, si nullus esset, 3 qui prohiberet, altiora meditaturum. Iisdemque residui regii accessere spadones, quorum ea tempestate plus habendi cupiditas ultra mortalem modum adolescebat, inter ministeria vitae secretioris per arcanos susurros nutrimenta fictis criminibus subferentes: qui ponderibus invidiae gravioris virum fortissimum opprimebant, subolescere imperio adultos eius filios mustitantes, decore corporum favorabiles et aetate, per multiplicem armaturae scientiam agilitatemque membrorum inter quotidiana proludia exercitus, consulto consilio cognitos: Gallum suoapte ingenio trucem per suppositos quosdam ad saeva facinora ideo animatum, ut eo digna omnium ordinum detestatione exoso, ad magistri equitum liberos principatus insignia transferantur.

4 Cum haec taliaque sollicitas eius aures everberarent, expositas semper huiusmodi rumoribus et patentes, varia animo tum miscente consilia, tandem id ut optimum factu elegit: et Urlicinum primum ad se venire summo cum honore mandavit, ea specie, ut pro rerum tunc urgentium captu disponderetur concordi consilio, quibus virium incrementis Parthicarum gentium arma minantium 5 impetus frangerentur. Et ne quid suspicaretur adversi venturus, vicarius eius, dum redit, Prosper missus est Comes: acceptisque literis, et copia rei vehiculariae data, Mediolanum itineribus 2) properavimus magnis.

6 Restabat, ut Caesar post haec properaret accitus: et abstergendae causa suspicionis sororem suam, eius uxorem, Constantius ad se tandem de-

2) properamus Mf.

sideratam venire multis fictisque blanditiis hortaba-
 tur. Quae licet ambigeret, metuens saepe cruen-
 tum; spe tamen, quod eum lenire poterat ut ger-
 manum, profecta, cum Bithyniam introisset, in
 statione, quae Caenos Gallicanos adpellatur, ab-
 sumpta est vi febrium repentina. Cuius post obi-
 tum maritus contemplans cecidisse fiduciam, qua
 se solum existimabat, anxia cogitatione, quid mo-
 liretur, haerebat. Inter res enim impeditas et tur-
 bidas, ad hoc unum mentem sollicitam dirigebat,
 quod Constantius cuncta ad suam sententiam cou-
 ferens, nec satisfactionem suscipiet aliquam, nec
 erratis ignoscet: sed ut erat in propinquitatis per-
 niciem inclinior, laqueos ei latenter obtendens,
 si cepisset incautum, morte multaret. Eo neces-
 8
 sariis adductus, ultimaque, ni vigilasset, opper-
 iens, principem locum, si qua patuisset copia, adfecta-
 bat: sed perfidiam proximorum ratione bifaria ³⁾ ve-
 rebatur, ⁴⁾ qui eum ut truculentum horrebant et
 levem, ⁵⁾ quique altiore Constantii fortunam in
 discordiis civilibus formidabant. Inter has cura-
 9
 rum moles immensas, Imperatoris scripta suscipie-
 bat assidua, monentis orantisque, ut ad se veniret,
 et mente monstrantis obliqua, rem publicam nec
 posse dividi, nec debere, sed pro viribus quemque
 ei ferre suppetias fluctuanti, nimirum Galliarum
 indicans vastitatem. Quibus subserebat non adeo ¹⁰
 vetus exemplum, quod Diocletianus et eius collegae,
 ut adparitores, Caesares non resides, sed ultro ci-
 troque discurrentes obtemperabant: et in Syria Au-
 gusti vehiculum irascentis per spatium ⁶⁾ mille
 passuum fere pedes antegressus est Galerius pur-
 puratus.

C 2

3) Ms. deferabatur. 4) Steph. et Ms. qui. 5) Steph. et Ms.
 quique. 6) al. mille passus.

- 11 Advenit post multos 7) Scudilo scutariorum tribunus, velamento subagrestis ingenii persuasionis opifex callidus: qui eum adulabili sermone seriis admisto, solus omnium proficisci pellexit, vultu adsimulato saepius replicando, quod flagrantibus votis eum videre frater cuperet patruelis, quod per imprudentiam gestum est, remissurus ut mitis et clemens: participemque eum suae maiestatis adscitum, 8) et futurum laborum quoque socium, quos
- 12 Arctoae provinciae diu fessae poscebant. Utque solent manum iniectantibus fatis hebetari sensus hominum et obtundi, his illecebris ad meliorum expectationem erectus, egressusque Antiochia numine laevo ductante, prorsus ire tendebat de fumo, ut proverbium loquitur vetus, ad flammam: et ingressus Constantinopolim, tamquam in rebus prosperis et securis, editis equestribus ludis, capiti 9) Coracis aurigae coronam imposuit ut victoris.
- 13 Quo cognito Constantius ultra mortalem modum exarsit: ac ne quo casu idem Gallus de futuris incertus, agitare quaedam conducentia saluti suae per itinera conaretur, remoti sunt omnes de industria milites agentes in civitatibus perviis. Eoque tempore Taurus quaestor ad Armeniam missus, confidenter nec adpellato eo nec viso transivit. Venere tamen aliqui iussu Imperatoris, administrationum specie diversarum, eundem, ne commovere se posset, neve tentaret aliquid occulte, custodituri: inter quos Leontius erat, postea urbi praefectus, ut quaestor, et Lucillianus quasi domesticorum Comes, et scutariorum tribunus nomine
- 15 Bainobaudes. Emenis itaque longis intervallis et planis, cum Hadrianopolim introisset urbem Haemimontanam, Uscudamam antehac adpellatam, fessasque labore diebus duodecim recreans vires,

7) Ms. Cubiculo. 8) Ms. et futurum. 9) Ms. Thoracis.

comperit Thebeas legiones in vicinis oppidis hie-
mantes, consortes suos misisse quosdam, eum, ut
remaneret, promissis fidis hortaturos et firmis,
fiducia sui abunde per stationes locati confines: sed
observante cura pervigili proximorum, nullam vi-
dendi vel audiendi, quae ferebant, furari potuit fa-
cultatem. Inde aliis super alias urgentibus litteris 16
exire, et decem vehiculis publicis, ut praeceptum
est, usus, relicto palatio omni, praeter paucos tori
ministros et mensae, quos ¹⁰⁾ adduxerat secum,
squalore concretus celerare gradum compellebatur
adigentibus multis, temeritati suae subinde flebili-
ter imprecatus, ¹¹⁾ quae eum iam despectum et vi-
lem arbitrio subdiderat infimorum. Inter haec ta- 17
men per inducias naturae conquiescentis, saucia-
bantur eius sensus circumstridentium terrore larva-
rum: intersectorumque catervae, Domitiano et
Montio praeviis, correptum eum, ut existimabat in
somnia, uncis furialibus obiectabant. ¹²⁾ Solutus 18
enim corporeis nexibus animus, semper vicens mo-
tibus indefessis, et cogitationibus subiectus et curis,
quae mortalium sollicitant mentes, colligit visa no-
cturna, quas phantasias nos adpellamus.

Pandente itaque viam fatorum sorte tristissima, 19
qua praestitutum erat eum vita et imperio spoliari,
¹³⁾ itineribus interiectis permutatione iumentorum
emenis, venit Petobionem oppidum Noricorum:
ubi ¹⁴⁾ referatae sunt infidiarum latebrae omnes, et
¹⁵⁾ Barbatio repente adparuit Comes, qui sub eo
domesticis praefuit, cum Apodemio agente in re-
bus, milites ducens, quos beneficiis suis oppigne-
ratos elegerat Imperator, certus, nec praemiis nec
miseratione ulla posse deflecti.

¹⁰⁾ *al.* adiunxerat. ¹¹⁾ *Steph.* quod. ¹²⁾ *Mf.* solutus. ¹³⁾ *Mf.* itineribus eiectis *al.* interiectis. ¹⁴⁾ *Mf.* reservatae. ¹⁵⁾ *Mf.* Barbaratio.

- 20 Iamque non ¹⁶⁾ adumbratis fallaciis res agebatur: sed qua palatium est extra muros, armatis omne circumdedit. Ingressusque obscuro iam die, ablatis regiis indumentis, Caesarem tunica textit et paludamento communi, eum post haec nihil passurum velut ¹⁷⁾ mandato principis iurandi crebritate confirmans: et *statim*, inquit, ¹⁸⁾ *exsurge*: et inopinum carpento privato impositum, ad Istriam duxit prope oppidum Polam, ubi quondam peremptum Constantini filium accepimus Crispum.
- 21 Et cum ibi servaretur artissime, terrore propinquantis exitus iam praefepultus, adcurrit Eusebius, cubiculi tunc praepositus, Pentadiusque notarius, et Mellobaudes armaturarum tribunus, iussu Imperatoris ¹⁹⁾ compulsuri eum singillatim docere, quam ob causam quemque apud Antiochiam necatorum
- 22 iusserat trucidari. Ad quae Adrasteo pallore perfusus, hactenus valuit loqui, quod plerosque incitante coniuge iugulaverit Constantina: ignorans profecto, Alexandrum Magnum urgenti matri, ut occideret quemdam infontem, et dictitanti, spe impetrandi postea, quae vellet, eum se per novem menses utero portasse praegnantem, ita respondisse prudenter: *Aliam, parens optima, posce mercedem; hominis enim salus beneficio nullo pensatur.*
- 23 Quo comperto, ²⁰⁾ irrevocabili ira princeps percitus et dolore, fiduciam omnem fundandae securitatis in eodem posuit abolendo. Et misso Sereniano, quem in crimen maiestatis vocatum, praestigiis quibusdam absolutum ²¹⁾ esse supra monstravimus, Pentadio quinetiam notario, et Apodemio agente in rebus, eum capitali supplicio destinavit: et ita colligatis manibus in modum noxii cuiusdam latro-

16) Ms. umbratis. 17) Ms. mandatu. 18) Ms. exurgeret inopinum. 19) Ms. compulsi. 20) Steph. irrevocabili Princeps percitus dolore. 21) Ms. esse supra monstravimus.

nis cervice abscissa, ereptaque vultus et capitis dignitate, cadaver est relictum informe, paullo ante urbibus et provinciis formidatum. Sed vigilavit²⁴ utrobique superni numinis aequitas. Nam et²²) Gallum actus oppressere crudeles, et non diu postea ambo cruciabili morte absumpti sunt, qui eum, licet nocentem, blandius palpantes, periuriis adusque plagas perduxere letales: quorum Scudilo destillatione iecoris pulmones vomitans interiit: Barbatio, qui in eum²³) iam diu falsa composuerat crimina, cum ex magisterio peditum altius niti quorundam susurris²⁴) incusaretur, damnatus, extincti per fallacias Caesaris manibus²⁵) lacrymoso obitu parentavit.

Haec et huiusmodi quaedam innumerabilia ul-²⁵trix facinorum impiorum, bonorumque praemiatrix aliquoties operatur Adraestia (atque utinam semper!) quam vocabulo duplici etiam Nemesis adpellamus: Ius quoddam sublime numinis efficacis, humanarum mentium opinione lunari circulo superpositum, vel, ut definiunt alii, substantialis tutela generali potentia partilibus praesidens fatis: quam theologi veteres fingentes Iustitiae filiam, ex abdita quadam aeternitate tradunt omnia despectare terrena. Haec²⁶ ut regina causarum, et arbitra rerum ac disceptatrix, urnam sortium temperat, accidentium vices alternans: voluntatumque nostrarum exorsa interdum alio, quam quo contendebant, exitu terminans, multiplices actus permutando convolvit. Eademque necessitatis insolubili retinaculo mortalitatis vinciens fastus tumentes incassum, et incrementorum detrimentorumque momenta²⁶) versans, ut novit, nunc erectas mentium cervices opprimit et enervat: nunc bonos ab imo suscitans, ad bene

22) *al.* Gallum obitu. 23) *Mf.* iamdiu. 24) *Mf.* incausaretur.
25) *Mf.* librimoso. 26) *versabilis.*

vivendum extollit. Pinnae autem ideo illi fabulosa vetustas aptavit, ut adesse velocitate volucris cunctis existimeretur: et praetendere gubernaculum dedit, eique subdidit rotam, ut universitatem regere per elementa discurrens omnia non ignoretur.

- 27 Hoc immaturo interitu, ipse quoque sui pertae-
sus, excessit e vita aetatis anno nono atque ²⁷⁾ vigesi-
mo, cum quadriennio imperasset: natus apud Tuscos
in Massa Veternensi, patre Constantio, Constantini
fratre Imperatoris, matreque Galla sorore Rufini
et Cerealis, quos trabeae consulares nobilitarunt,
28 et ²⁸⁾ praefecturae. Fuit autem forma conspicuus
bona, decente filo corporis, membrorumque recta
compage, flavo capillo et molli, barba licet recens
emergente lanugine tenera, ita tamen, ut maturius
²⁹⁾ auctoritas emereret: tantum a temperatis mo-
ribus Iuliani differens fratris, quantum inter Ve-
29 spasiani filios fuit Domitianum et Titum. Adsum-
ptus autem in amplissimum fortunae fastigium, ver-
sabiles ³⁰⁾ eius motus expertus est, ³¹⁾ qui ludunt
mortalitatem: nunc evehentes quosdam ad fidera,
nunc in Cocyti profunda mergentes. Cuius rei cum
innumera sint exempla, pauca tactu summo trans-
30 curram. Haec fortuna mutabilis et inconstans fecit
Agathoclem Siculum ex figulo regem, et Diony-
sium, gentium quondam terrorem, Corinthi litte-
31 rario ludo praefecit. Haec Adramytenum An-
driscum in ³²⁾ fullonio natum, ad Pseudo-Philippi
nomen evexit: et Persei legitimum filium artem
32 ferrariam ob quaerendum docuit victum. Eadem
Mancinum post imperium ³³⁾ dedit Numantinis,
Samnitum atrocitati Veturium, et Claudium Corlis,
³⁴⁾ substravitque feritati Carthaginis Regulum:

27) Ms. vicensimo. 28) Ms. Praefecturae . . . , autem forma.
29) Ms. fenestras. 30) τὸ εἶδος Ms. deest. 31) Ms. quae. 32) al.
fullonia. 33) τὸ δedit al. deest. 34) Ms. substravit quid. al.
substravit feritati.

istius iniquitate Pompeius, post quaesitum Magni ex rerum gestarum amplitudine cognomentum, ad spadonum libidinem in Aegypto trucidatur. Et 33 Eunos quidam ergastularius servus ductavit in Sicilia fugitivos. Quam multi splendido loco nati, eadem rerum domina connivente, Viriathi genua sunt amplexi vel Spartaci? quot capita, quae horruere gentes, funesti carnifices absciderunt? Alter in vincula ducitur, alter insperatae praeficitur potestati, alius a summo culmine dignitatis excutitur. Quae omnia, si scire quisquam velit, quam 34 varia sint et assidua, arenarum numerum idem iam desipiens, et montium pondera scrutari 35) putabit.

35) putavit.

AMMIANI MARCELLINI

RERUM GESTARUM

LIBER XV.

Mors Galli Caesaris imperatori nunciatur. C. I. Ursicinus Magister equitum per orientem, Iulianus Galli Caes. frater, et Gorgonius praepositus Caesariani cubiculi, accusantur maiestatis. II. In Galli Caesaris amicos et ministros animadvertitur. III. Lentienses Alamanni a Constantio A. pars caesi, pars fugati. IV. Silvanus Francus, magister peditum per Gallias, Coloniae Augustus adpellatur, et XXVIII. imperii die per insidias opprimitur. V. Silvani amici et conscii necati. VI. Ab Leontio praefecto urbi populi R. seditiones repressae. Liberius episcopus sede pulsus. VII. Iulianus Galli frater a Constantio A. fratre patrueli Caesar creatur ac praeficitur Galliis. VIII. De origine Gallorum; et unde dicti Celtae ac Galatae; deque eorum doctoribus. IX. De Alpibus Gallicanis; et de variis per eas itineribus. X. Brevis divisio ac descriptio Galliarum; et cursus fluminis Rhodani. XI. De moribus Gallorum. XII. De Musoniano praefecto praetorio per orientem. XIII.

(A. C. 354.)

¹ **U**t cumque potuimus veritatem scrutari, ¹) ea, quae videre licuit per aetatem, vel perplexe interrogando versatos in medio scire, narravimus ordine casuum exposito diversorum: residua, quae sequuturus aperiet textus, pro virium captu limatius ab-

¹, Mf. ea quae.

solvemus, nihil obtrectatores longi, ut putant, operis formidantes. Tunc enim laudanda est brevis, cum moras rumpens intempestivas, nihil subtrahit cognitioni gestorum.

I. Nondum apud Noricum exuto penitus Gallo, 2 Apodemius, quoad vixerat, igneus turbarum incensor, raptos eius calceos vehens equorum permutatione veloci, ut nimietate cogendi quosdam exstingueret, praecursorius index Mediolanum advenit: ingressusque regiam ante pedes proiecit Constantii, velut spolia regis occisi Parthorum: et perlato nuntio repentino, docente rem insperatam et arduam ad sententiam tota facilitate completam, hi, qui summam aulam tenebant, omni placendi studio in adulationem ex more collato, virtutem felicitatemque Imperatoris extollebant in caelum: cuius nutu, in modum gregariorum militum, licet diversis temporibus, duo exauctorati sunt principes, Veteranio nimirum et Gallus. Quo ille 3 studio blanditiarum exquisito sublatus, immunemque se deinde fore ab omni mortalitatis incommodo fidenter existimans, confestim a iustitia declinavit ita intemperanter, ut aeternitatem eam aliquoties adfereret ipse dictando, scribendoque propria manu orbis totius se dominum adpellaret: quod dicentibus aliis, indignanter admodum ferre deberet is, qui ad aemulationem civilium principum vitam formare moresque suos, ut praedicabat, diligentia laborabat enixa. Namque, etiamsi mun- 4 dorum infinitates Democriti regeret, quos Anaxarcho incitante Magnus somniabat Alexander, id reputasset legens vel audiens, quod (ut docent mathematici 2) concinentes) ambitus terrae totius, quae nobis videtur immensa, ad magnitudinem universitatis instar brevis obtinet puncti.

2) al. continentes.

I. II. Iamque ¹⁾ post miserandam deleti Caesaris
 cladem, sonante periculorum iudicialium tuba, in
 crimen laesae maiestatis arcessebatur Ursicinus, adu-
 lescente magis magisque contra eius salutem livore,
 2 omnibus bonis infesto. Hac enim superabatur dif-
 ficultate, quod ad suscipiendas defensiones aequas
 et probabiles Imperatoris aures occlusae, patebant
 susurris infidantium clandestinis: qui Constantii
 nomine per Orientis tractus omnes abolito, ante-
 dictum ducem domi forisque desiderari, ut formi-
 3 dolosum Perficae genti fingeant. Sed contra ac-
 cidentia vir magnanimus stabat immobilis, ne se
 proiiceret abiectius, cavens, parum tuto loco in-
 nocentiam stare medullitus gemens: hocque uno
 tristior, quod amici ante haec frequentes ad potio-
 res desciverant, ut ad successores, officiorum more
 4 poscente, solent transire lictores. Impugnabat
 autem eum per fictae benignitatis illecebras collega,
 et virum fortem propalam saepe adpellans Arbetio,
 ad innectendas letales infidias vitae simplici per-
 quam callens, et ea tempestate nimium potens. Ut
 enim subterraneus serpens foramen subsidens occul-
 tum, adultu subito singulos transitores observans
 incessit: ²⁾ ita ille ab imae sortis gregario ad sum-
 mum evectus militiae munus, nec laesus aliquando
 nec laceffit, inexplebili quodam laedendi propo-
 5 sito conscientiam ³⁾ polluebat. Igitur paucis arca-
 norum praefectis consciis, latenter cum Imperatore
 4) sententiam rogante id federat, ut nocte ventura
 procul a conspectu militarium raptus Ursicinus in-
 dempnatus occideretur, ut quondam Domitius Cor-
 bulo dicitur caesus in colluvione illa Neroniani sae-
 6 culi, provinciarum fidus defensor et cautus. Qui-

1) Ms. petiferandam. 2) ita ille ad diamaesfortes etiam militiae
 munus. Ms. 3) al. polluebat. Cogitur. 4) sententiam . . . id
 federat, ut. al. sententiam retere. Sederat.

bus ita compositis, cum ad hoc destinati praedictum tempus opperirentur, consilio in lenitudinem flexo, facinus impium ad deliberationem secundam differri praeceptum est.

Indeque ad Iulianum recens perductum calumniarum vertitur machina, memorabilem postea principem, gemino crimine, ut iniquitas aestimabat, implicitum: quod a Macelli fundo in Cappadocia posito, ad Aliam demigrarat liberalium desiderio doctrinarum, et per Constantinopolim trans-euntem viderat fratrem. Qui cum obiecta dilue-⁸ret, ostenderetque neutrum sine iussu fecisse, nefando adsentatorum coetu perisset urgente, ni adspiratione superni numinis, Eusebia suffragante regina, ductus ad Comum oppidum Mediolano vicinum, ibique paulisper moratus, ⁵⁾ procudendi ingenii causa, ut cupidine flagravisset, ad Graeciam ire permissus esset. Nec defuere deinceps ex his emer-⁹gentia casibus, quae ⁶⁾ dispiceres secundis avibus contigisse, dum punirentur ex iure, vel tamquam irrita disfluebant et vana. Sed accidebat nonnumquam, ut opulenti pulsantes praesidia potiorum, iisdemque tamquam ederae celsis arboribus adhaerentes, absolutionem pretiis mercarentur immensis: tennes vero, quibus exiguae vires erant ad redimendam salutem aut nullae, damnabantur abrupte. Ideoque et veritas mendaciis velabatur, et valere pro veris aliquoties falsa.

Perductus est iisdem diebus et Gorgonius, cui erat thalami Caesariani cura commissa: cumque eum aulorum fuisse participem concitoremque interdum, ex confesso pateret, conspiratione spadonum, iustitia concinnatis mendaciis obumbrata, periculo evolutus abscessit.

5) *Mf.* pro candenti. 6) *al.* quae displiceret.

III. Haec dum Mediolani aguntur, Militarium catervae ab Oriente perductae sunt Aquileiam, cum aulicis pluribus, membris inter catenas fluentibus spiritum trahentes exiguum, vivendique moras per aerumnas detestati multiplices. Arcescebantur enim ministri fuisse Galli ferocientis, perque eos Domitianus discerptus credebatur, et Montius, et alii post eos acti in exitium praeceps. Ad quos audiendos Arboreus missus est, et Eusebius cubi-
culi tunc praepositus, ambo inconsideratae iactantiae, iniusti pariter et cruenti: qui nulla perspicacitate, sine innocentium fontiumque differentia, alios verberibus vel tormentis adflictos exfulari poena damnarunt, quosdam ad infimam trahere militiam, residuos capitalibus addixere suppliciis. Impletisque funerum bustis, reversi velut ovantes, gesta retulerunt ad principem, erga haec et similia
3 palam obstinatum et gravem. Vehementius hinc et deinde Constantius, quasi praescriptum factorum ordinem convulsurus, recluso pectore patebat insidiantibus multis. Unde rumorum aucupes subito exstiterere complures, honorum vertices ipsos ferinis morfibz adpetentes, posteaque pauperes et divites indiscrete: non ut Cibratae illi Verrini, tribunal unius legati lambentes, sed rei publicae membra
4 totius per incidentia mala vexantes. Inter quos facile Paulus et Mercurius eminebant: hic origine Persa; ille natus in Dacia: notarius ille; hic ¹⁾ ex ministro triclinii rationalis. Et Paulo quidem, ut relatum est supra, Catenae inditum est cognomen, eo quod in complicandis calumniarum nexibus erat indissolubilis, ²⁾ tetra venena ferens, varieque disperdens: ut in colluctationibus ³⁾ calce tenere
5 quidam solent artifices palaestritae. Mercurius

1) Ms. a ministro. 2) Ms. intra in venerum sese varietate dispendens. 3) Ms. calrenemis.

somniorum adpellatus Comes, quod, ut clam mordax canis, interno vitio submissus, agitans caudam, epulis coetibusque se crebris inferens, si per quietem quisquam, ubi fusius natura vagatur, vidisse aliquid amico narrasset, id venenatis artibus coloratum in peius, patulis imperatoris auribus infundebat: et ob hoc homo tamquam inexpiabili obnoxius culpaе, gravi mole criminis pulsabatur. Haec augente vulgatus fama, tantum aberat, ut⁶ proderet quisquam visa nocturna, cum aegre homines dormisse sese praesentibus faterentur externis: maerebantque docti quidam, quod apud Atlanteos nati non essent, ubi memorantur somnia non videri: quod unde eveniat, rerum scientissimis relinquamus.

Inter has quaestionum suppliciorumque species⁷ diras, in Illyrico exoritur alia clades, ad multorum pericula ex verborum inanitate progressa. ⁴) In convivio Africani Pannoniae secundae rectoris, apud Sirmium poculis amplioribus madefacti quidam, arbitrum adesse nullum existimantes, licenter imperium praesens ut molestissimum incusabant: e quibus alii optatam permutationem temporum adventare, veluti e praesagiis adfirmabant: nonnulli maiorum auguria sibi portendi incogitabili dementia promittebant. E quorum numero Gaudentius,⁸ agens in rebus, mente praecipiti stolidus, rem ut leriam detulerat ad Rufinum, adparitionis praefecturae praetorianae tunc principem, ultimorum semper avidum hominem, et ⁵) coalita pravitate famosum. Qui confestim, quasi ⁶) pinnis elatus ad⁹ comitatum principis advolavit: eumque ad suspensiones huiusmodi mollem et penetrabilem, ita acriter inflammavit, ut sine deliberatione ulla Africanus, et omnes letalis mensae participes iuberentur

4) *al.* in provincia. 5) *collata*. 6) *al.* pinnis alatus.

- 7) rapi sublimes. Quo facto delator funestus, vetita ex more humano validius cupiens, biennio id quod agebat, ut postularat, continuare praeceptus est.
- 10 Missus igitur ad eos corripieudos Teutomeres protector domesticus cum collega, onusulos omnes catenis, ut mandatum est, perducebat. Sed ubi ventum est Aquileiam, 8) Marinus tribunus ex campiductore eo tempore vacans, auctor perniciosi sermonis, et alioquin naturae ferventis, in taberna relictus, dum parantur itineri necessaria, 9) lateri suo cultrum casu repertum impegit, statimque extractis vitalibus interiit. Residui ducti Mediolanum, excruciatique tormentis, et confessi vi quaestionis, inter epulas petulanter se quaedam loquutos, iussi sunt 10) attineri poenalibus claustris, sub absolutionis aliqua spe, licet incerta. Protectores vero pronunciati vertere solum exilio, ut Marino iisdem consciis mori permissio, veniam Arbetione meruere precante.
- 1 IV. Re hoc modo 1) finita, paullo post et Lentienfibus Alamannicis pagis indictum est bellum, collimitia saepe Romana latius irrumpentibus: ad quem procinctum imperator egressus, in Rhaetias camposque venit Caninos: et digestis diu consiliis, id visum est honestum et utile, ut eo cum militis parte Arbetio magister equitum, cum validiore exercitus manu relegens margines lacus Brigantiae pergeret, protinus barbaris congressurus: cuius loci figuram breviter, quantum ratio patitur, designabo. Inter montium cellorum amfractus 2) immani

7) *al.* sublimes tolli. 8) *Mf.* Marinus ex Campiductore. 9) lateri cultrum. 10) *Mf.* attineri. — 1) *Mf.* finita et Lent. 2) impulsu immani Rheni pulos extenditur nes adeptus ut cataractas inclinatione preteriti funditur Nilus; et gari ab ortu poterat ad primogenie eopiis eduerans propriis inruenti curreret sim squam fluenti Iamque ad solutus altaque divortia.

mani pulsu Rhenus exoriens per praeruptos scopulos extenditur nullis aquis externis adoptatis, ut per cataractas inclinatione praecipiti funditur Nilus. Et navigari ab ortu poterat primigenio copiis exuberans propriis, ni ruenti curreret similis potius quam fluenti. Iamque absolutus, altaque³ divortia riparum adradens, lacum invadit rotundum et vastum, quem³) Brigantiam accola Rhaetus adpellat, perque quadringenta et sexaginta stadia longum, parique pene spatio late diffusum; horrore silvarum squalentium inaccessum, (nisi qua vetus illa Romana virtus et sobria iter composuit latum) barbaris et natura locorum et caeli inclementia refragante. Hanc ergo paludem spumosis strependo⁴ verticibus amnis irrumpens, et undarum quietem permeans pigram, mediam velut finali interfecat libramento: et tamquam elementum perenni discordia separatum, nec aucto, nec imminuto agmine, quod intulit, vocabulo et viribus absolvitur integris, nec contagia deinde ulla perpetiens, oceani gurgitibus intimatur. Quodque est impendio mirum,⁵ nec stagnum aquarum rapido transcurso movetur, nec limosa subluvie tardatur properans flumen, et confusum miseri non potest corpus: quod, ni ita agi ipse doceret adspectus, nulla vi credebatur posse discerni. Sic Alpheus oriens in Arcadia,⁶ cupidine fontis Aretusae captus, scindens Ionium mare, ut fabulae ferunt, adusque amatae confinia⁴) progreditur. ***

Arbetio, qui adventus barbarorum nuntiarent,⁷ non exspectans dum adessent, licet sciret aspera orsa bellorum; in occultas delatus infidias, stetit immobilis, malo repentino percussus. Interea visi⁸ e latebris hostes exsiliunt, et sine parcimonia quid-

3) Murigantiam. 4) in Ms. hic lacuna quinque linearum.

quid offendi poterat, telorum genere multiplici configebant: nec enim resistere nostrorum ququam potuit, nec aliud vitae subsidium, nisi discessu sperare veloci. Quocirca vulneribus declinandis intenti, incompósito agmine milites huc et illuc dispalantes terga ferienda dederunt. Plerique tamen per angustas semitas sparsi, periculoque praesidio tenebrae noctis extracti, revoluta iam luce redintegratis viribus agmini quisque proprio sese consociavit. In quo casu ita tristi et inopino abundans numerus armatorum, et tribuni desiderati ⁹sunt decem. Ob quae Alamanni ⁵) sublati animis ferocius incedentes, quotidie prope munimenta Romana, adimente matutina nebula lucem, strictis mucronibus discurrebant, frendendo minas tumidas intentantes. Egressique repente scutarii, cum obiectu turmarum hostilium percussi stetissent, omnes suos ⁶) conspiratis mentibus ciebant ad pugnam. Verum cum plerosque recentis aerumnae documenta terrerent, et intuta fore residua credens haereret Arbetio: tres simul exsiluere tribuni, Arintheus agens vicem armaturarum rectoris, et Seniauchus qui equestrem turmam comitum tuebatur, et Bappo ducens ⁷) Promotos, cum commissis ¹¹sibi a principe. Urgebat causa communis velut propria, vim cunctis arcibus veterum exemplo: instarque ⁸) fluminis hostibus superfusi, non iusto praelio, sed discursionibus praedatoriis, universos in fugam coegere foedissimam: qui dispersi laxatis ordinibus, dumque elabi properant impediti, corpora nudantes intecta, gladiatorum hastarumque ¹²densis ictibus truncabantur. Multique cum equis interfecti, iacentes etiam tum eorum dorsis vide-

5) animis ferocibus. 6) conspiratis mentibus. 7) Ms. promotos hic lacuna unius fere lineae. commissis. 8) Ms. usventere fulminis.

bantur innexi: quo viso omnes e castris effusi, qui prodire in praelium cum sociis ambigebant, cavendi immemores proterebant barbaram plebem, nisi quos fuga exemerat morti; calcantes cadaverum strues, et perfusi sanie peremptorum. Hocque¹³ exitu praelio terminato, Imperator Mediolanum ad hiberna ovans revertit et laetus.

(A. C. 355.)

V. Exoritur iam hinc rebus afflictis haud dispari provinciarum malo, calamitatum turbo novarum: ¹⁾ exstincturus omnia simul, ni fortuna moderatrix humanorum casuum, motum eventu celeri consummasset impendio formidatum. Cum diuturna incuria Galliae caedes acerbis, rapinasque et incendia, barbaris licenter grassantibus, nullo iuvante perferrent; Silvanus pedestris militiae rector, ut efficax ad haec corrigenda, principis iussu ²⁾ perrexit, Arbetione id maturari modis quibus poterat adigente, ut absenti aemulo ³⁾ quem supercisse ⁴⁾ adhuc gravabatur, periculosa molis onus impingeret. * *

Dynamius quidam actuarius sarcinalium principis iumentorum, commendaticias ab eo ⁵⁾ petierat litteras ad amicos, ut quasi familiaris eiusdem esset notissimus. Hoc impetrato, cum ille nihil suspicans simpliciter praestitisset, servabat epistolas, ut perniciosum aliquid in tempore moliretur. Memorato itaque duce Gallias ex re publica discursante, barbarosque propellente, iam sibi diffidentes et trepidantes: idem Dynamius inquietius agens, ut versutus et in fallendo exercitatus, fraudem

D 2

¹⁾ *al. destructurus.* ²⁾ *Ms. superexit.* ³⁾ *Ms. deest.* ⁴⁾ *Ms. adhuc gra . . . hinc lacuna quatuor linearum.* *actuarius.* ⁵⁾ *petierat litteras ad amicos l.*

comminiscitur impiam, subornatore et conscio, ut iactavere rumores incerti, Lampadio ⁶⁾ praefecto praetorio, et Eusebio ex-comite rei privatae, cui cognomentum erat inditum Mattiocopae, atque Aedesio ex-magistro memoriae, quos ad consulatū, ut amicos iunctissimos, idem ⁷⁾ curarat rogari praefectus: et peniculo serie litterarum absterfa, sola incolumi relictā subscriptione, alter multum a vero illo dissonans superscribitur textus: velut Silvano rogante verbis obliquis, oranteque amicos agentes intra palatium, vel privatos, (inter quos et Tullus erat Albinus, alique plures) ut se altiora coeptantem, et propediem ⁸⁾ solium principis adiuturum iuvarent. Hunc fascem ad arbitrium ⁹⁾ fragmenti commisit, vitam pulsaturus infantis. ¹⁰⁾ Dynamius praefectus est, ut haec pro Imperatore scrutaretur. Haec et similia cum ¹¹⁾ astu texeret, consistorium solus ingressus intimum, captato tempore ¹²⁾ vincere sperans pervigilem salutis ¹³⁾ imperatoriae custodem. Lectaque in consistorio astu callido confarcinata materia, tribuni iussi sunt custodiri, et de provinciis duci privati, quorum epistolae nomina designabant. Confestimque iniquitate rei percitus ¹⁴⁾ Malarichus Gentilium rector, collegis adhibitis strepebat immaniter, circumveniri homines dicatos imperio per factiones et dolos minime debere proclamans: petebatque, ut ipse, relictis obsidum loco necessitudinibus suis, Mallobaude armaturarum tribuno spondente quod remeabit, velocius ¹⁵⁾ iuberetur ire ducturus Silvanum, adgredi nihil tale conatum, quale infidiatores acerrimi con-

6) Praefecto Praetorio. 7) Praetorio Mf. deest. 7) Mf. curarat rogari. 8) Mf. locis principalis. 9) Mf. f. com misit. 10) Mf. Dynamius coeptum Praef. est Imperatori avide scrutaretur. 11) Mf. consueteret e id sole ingressus. 12) Mf. deinde sperans ut pervigilem. 13) Mf. deest. 14) Mf. Malarichus. 15) iuberet ire dicturus.

citarunt: vel contra, se paria ¹⁶⁾ promittente, Mallobaudem orabat properare permitti, haec, quae ipse pollicitus est, impleturum. Testabatur enim, ⁷ id se proculdubio scire, quod si quis mitteretur externus, suoapte ingenio Silvanus, etiam nulla re perterrente timidior, composita forte turbabit.

Et quamquam utilia moneret et necessaria, ven- ⁸ tis tamen loquebatur incassum. Namque Arbetione auctore, Apodemius ad eum vocandum cum litteris mittitur, inimicus bonorum omnium diuturnus et gravis: qui ¹⁷⁾ incidentia parvi pendens cum venisset in Gallias, dissidens a mandatis, quae proficiscenti sunt data, nec viso Silvano, nec oblatis scriptis ut veniret admonito, remansit: adscitoque rationali, quasi proscripti iamque necandi magistri peditum clientes et servos hostili timore vexabat. Inter haec tamen dum praesentia Silvani speratur, ⁹ et Apodemius quietam perturbat: Dynamius ut argumento validiore impie structorum adfereret fidem, compositas litteras, his concinentes, quas obtulerat principi per praefectum, ad tribunum miserat fabricae Cremonensis, nomine Silvani et Malarichi, a quibus ut arcanorum conscius monebatur parare propere cuncta. Qui cum haec legisset, haerens ¹⁰ et ambigens diu, quidnam id esset (nec enim meminerat, secum aliquando super negotio ullo interiore hos, quorum litteras acceperat, colloquutos) epistolas ipsas per baiulum, qui portarat, iuncto milite ad Malarichum misit, obsecrans ut doceret aperte, quae vellet, non ita perplexe: nec enim intellexisse firmabat, ut subagrestem et simplicem, quid significatum esset obscurius. Haec ¹¹ Malarichus subito nactus, etiam tunc squalens et

¹⁶⁾ Ms. promittentem. ¹⁷⁾ Ms. incidens (*hic lacuna mediae lineae*) in Galliis. Steph. incidentis cum venisset in Galliis.

- maestus, suamque et popularis Silvani vicem graviter ingemiscens, adhibitis Francis, quorum ea tempestate in palatio multitudo florebat, erectius iam loquebatur: tumultuabaturque, patefactis insidiis, resectaque iam fallacia, per quam ex confesso salus
¹²eorum adpetebatur. Hisque cognitis statuit Imperator dispicientibus Consistorianis et Militaribus universis, in negotium praeterinquiri. Cumque iudices fastidissent, Florentius Nigriniani filius, agens tunc pro magistro officiorum, contemplans diligentius scripta, apicumque pristinorum reliquias quasdam reperiens, animadvertit, ut factum est, priore textu interpolato longe alia, quam dictarat Silvanus, ex libidine confarcinatae falsitatis adscri-
¹³pta. Proinde fallaciarum nube discussa, Imperator doctus gesta relatione fidei, abrogata potestate, praefectum statui sub quaestione praecipit: sed absolutus est enixa conspiratione multorum: suspensus autem Eusebius ex-Comite privatarum, se conscio
¹⁴haec dixerat concitata. Aedefius enim, ¹⁸⁾ minus scisse, quid actum sit, pertinaci infitiatione contendens, abiit innoxius: et ita finito negotio, omnes sunt absoluti, quos exhiberi delatio compulit criminis. Dynamius vero ut praeclaris artibus illustratus, cum Correctoris ¹⁹⁾ dignitate regere iussus est Tulos.
- ¹⁵ Agens inter haec apud Agrippinam Silvanus, assiduisque suorum compertis nuntiis, quae Apodemius in labem suarum ageret fortunarum, et sciens animum tenerum versabilis principis, timens, ne absens et indemnatus perageretur reus; in difficultate positus maxima, barbaricae se fidei committere cogitabat. Sed Lanioaiso vetante, tunc
¹⁶tribuno, quem, dum militaret candidatus, solum

¹⁸⁾ Ms. minus scisse, ¹⁹⁾ Ms. dignitate regere iussus est. ²⁰⁾ Ms. militiam (*hic lacuna mediae lineae*) Agens.

adfuisse morituro Constanti supra retulimus, docenteque Francos, unde oriebatur, interfecturos eum, aut accepto praemio prodituros: nihil tutum ex praesentibus ratus in consilia cogeatur extrema: et sensim cum principiorum verticibus secretius collocutus, iisdemque magnitudine promissae mercedis accensis, cultu ²¹⁾ purpureo a draconum et vexillorum insignibus ad tempus abstracto, ad culmen imperiale surrexit.

Dumque haec aguntur in Galliis, ad occasum ¹⁷ inclinato iam die, perfertur Mediolanum insperabilis nuntius, aperte Silvanum demonstrans, dum ex ²²⁾ magisterio peditum altius nititur, sollicitato exercitu ad Augustum culmen evectum. Hac mole ¹⁸ casus inopini Constantio icto, quasi fulmine fati, primates, consilio secunda vigilia convocato, properarunt omnes in regiam. Cumque nulli ad eligendum, quid agi deberet, mens suppetere posset aut lingua: submissis verbis ²³⁾ perstringebatur Urficini mentio, ut consiliis rei bellicae praestantissimi, frustra grave iniuria lacerati: et per admissionum magistrum, (qui mos est honoratior) accito eodem, ingresso consistorium offertur ²⁴⁾ purpura, multo quam antea placidius omnium primus extero ritu et regio more instituit adorari, cum semper antea ad similitudinem iudicum, salutatos principes legerimus. Et qui paullo antea cum ¹⁹ ²⁵⁾ insectatione malivola, Orientis vorago, invadendaeque summae rei per filios adfectator compellabatur: tunc dux prudentissimus et Constantini [Magni] fuerat commilito, solusque ad extinguendum probis quidem, sed insidiolis rationibus pete-

21) Ms. purpureo a Draconum. 22) *al.* ex magistro. 23) *al.* fit. 24) Ms. purpura multo quam antea placidius omnium primus extorta ei regio re instituit adorari cum semper. *al.* purpura, atque ita ante Principis pedes supplicem statuerant externorum Regem ritu cum semper. 25) Ms. insectatione.

batur. Diligens enim opera navabatur Silvanum
 exstingui, ut fortissimum perduellem: aut si secus
 accidisset, Urficinum exulceratum iam penitus abo-
 leri, ne superesset scrupulus impendio formidan-
 20 dus. Igitur, cum de profectione celeranda dispo-
 neretur, propulsionem obiectorum criminum
 eundem ducem parantem, praegressus oratione
 leni prohibet Imperator, non id esse memorans
 tempus, ut controversa defensio causae suscipere-
 tur, cum vicissim restitui in pristinam concordiam
 partes necessitas subigeret urgentium rerum, ante-
 21 quam cresceret, mollienda. Habita igitur delibe-
 ratione multiplici, potissimum tractabatur, quo
 commento Silvanus ²⁶⁾ gesta etiamtum Imperato-
 rem ignorare existimaret. Et probabili argumento
 ad firmandam fidem reperto, monetur honorificis
 scriptis, ut accepto Uricino successore, cum pote-
 22 state rediret intacta. Post haec ita digesta, proti-
 nus iubetur exire, tribunis et ²⁷⁾ protectoribus do-
 mesticis decem, ut postularat, ad iuvandas necessi-
 tates ²⁸⁾ publicas ei coniunctis: inter quos ego quo-
 que eram cum ²⁹⁾ Veriniano collega; residui ³⁰⁾ om-
 23 nes propinqui et familiares. Iamque eum egressum,
 solum de se metuens quisque per longa spatia de-
 ducebat. Et quamquam ut bestiarii obiiceremur
 intractabilibus feris, perpendentes tamen, hoc bo-
 num habere tristia ³¹⁾ praecedentia, quod in locis
 suis secunda ³²⁾ substituunt, mirabamur illam sen-
 tentiam Tullianam, ex ³³⁾ internis veritatis ipsius
³⁴⁾ promulgatam, quae est talis: *Et quamquam*
optatissimum est, ³⁵⁾perpetuo fortunam quam floren-
tissimam permanere; illa tamen aequabilitas vitae

26) Ms. gesto etiam tum Imperatore rem ign. 27) al. Prote-
 ctiores Domesticos. 28) al. publicas secum duxit. Inter. 29) Ms.
 Veriniano. 30) omnes. . . (hic lacuna mediae lineae) . . .
 Iamque. 31) Ms. recidentia. 32) Ms. substituunt . . . , miraba-
 mur. 33) Ms. aeternis. 34) Adytis Ms. deest. 35) al. perpetuo.

non tantum habet sensum, quantum cum ex saevis et perditis rebus ad meliorem statum fortuna revocatur.

Festinabamus itaque itineribus magnis, ut ambitiosus magister armorum, ante adlapsum per Italicos de tyrannide ullum rumorem, in suspectis finibus adpareret. Verum cursim nos properantes aëria quaedam antevolans prodiderat fama: et Agrippinam ingressi invenimus cuncta nostris conatibus altiora. Namque convena undique multitudine trepide coepta fundante, coactisque copiis multis: pro statu rei praesentis aptius videbatur, ut ad Imperatoris novelli, per ludibriosa auspicia virium accessu firmandi, sensum ac voluntatem dux flebilis ³⁶⁾ verteretur: quo variis adsentandi figmentis in mollius vergente securitate, nihil metuens hostile deciperetur. Cuius rei finis arduus videbatur. Erat enim cautius observandum, ut adpetitus opportunitati obtemperarent, nec praecurrentes eam, nec deferentes: qui si eluxissent intempestive, constabat nos omnes sub elogio uno morte multandos.

Susceptus tamen idem dux leniter, adactusque, inclinante negotio ipso cervicēs, adorare sollemniter anhelantem cellius ³⁷⁾ purpuratum, ut spectabilis colebatur, et intimus: facilitate aditus, honoreque mensae regalis adeo antepositus aliis, ut iam secretius de rerum summa consultaretur. Aegre ferebat Silvanus ad consulatum potestatesque sublimes elatis indignis, se et Urficinum solos, post exsudatos magnos pro re publica labores et crebros, ita fuisse despectos, ut ipse quidem per quaestiones familiarium sub disceptatione ignobili crudeliter agitato, commisisse in maiestatem arcesseretur: alter vero ab Oriente raptus, odiis inimicorum ad-

36) *al. veteretur.* 37) *Ms. purpuram specialius.*

diceretur: et haec adfidue clam querebatur et palam. Terrebant nos tamen, cum dicerentur haec et similia, circumfrentia undique murmura causantis inopiam militis, et rapida celeritate ardentis angustias Alpium perrumpere Cottiarum.

30 In hoc aestu mentis ancipiti, ad effectum tendens consilium occulta scrutabamur indagine: sederatque tandem, mutatis prae timore saepe sententiis, ut quaelitis magna industria cautis ³⁸⁾ rei ministris, obstricto religionum consecratione colloquio, Braccati sollicitarentur atque Cornuti, fluxioris fidei, et ubertate mercedis ad momentum omne
31 versabiles. Firmato itaque negotio per sequestres quosdam gregarios, obscuritate ipsa ad id patrandum idoneos, praemiorum expectatione accensos, solis ortu iam rutilo subitus armatorum globus erupit: atque, ut solet in dubiis rebus audentior, caesis custodibus regia penetrata, ³⁹⁾ Silvanum extractum aedícula, quo exanimatus confugerat, ad conventiculum ritus Christiani tendentem, densis gladiatorum ictibus trucidarunt.

32 Ita dux haud exilium meritorum hoc genere appetit mortis, metu calumniarum, quibus factione iniquorum irretitus est absens, ut tueri possit salutem, ad praesidia progressus extrema. Licet enim
33 ob tempestivam illam cum armaturis proditionem ante Mursense praelium, obligatum gratia retineret Constantium; ut dubium tamen et mutabilem verebatur: licet patris quoque Boniti praetenderet fortia facta, Franci quidem, sed pro Constantini partibus in bello civili acriter contra Licinianos
34 saepe versati. Evenerat autem, antequam huiusmodi aliquid agitaretur in Galliis, ut Romae in Circo maximo populus, incertum, ratione quadam

38) *ro spei* deest al. 39) *Mf. lignarum.*

percitus an praefagio, ⁴⁰⁾ *Silvanus devictus est*, magnis vocibus exclamaret.

Igitur Silvano Agrippinae, ut relatum est, in-35
terfecto, inaeestimabili gaudio re cognita, princeps
insolentia coalitus et tumore, hoc quoque felicitatis
suae prosperis cursibus adsignabat: eo more,
quo semper oderat fortiter facientes, ut quondam
Domitianus, superare tamen quacumque arte con-
traria cupiebat. Tantumque abfuit laudare indu-36
strie gesta, ut etiam quaedam scriberet de Gallica-
nis intercepta thesauris, quos nemo attigerat. Id-
que scrutari iusserat artius, interrogato Remigo
etiamtum rationario adparitionis armorum magistri:
cui multo postea Valentiniani temporibus laqueus
vitam in causa Tripolitanae legationis eripuit. Post37
quae ita completa, Constantius, ut iam caelo con-
tiguus, casibusque imperaturus humanis, ⁴¹⁾ ma-
gniloquentia sufflabatur adulatorum: quos augebat
ipse, spernendo proiciendoque id genus parum
callentes. Ut Croesum legimus ideo regno suo
Solonem expulisse praecipitem, quia blandiri ne-
sciebat: et Dionysium intentasse poëtae Philoxeno
mortem, cum eum recitantem proprios versus ab-
surdos et inconcinnos, laudantibus cunctis, solus
audiret immobilis. Quae res perniciofa vitiorum38
est altrix: eo demum enim laus grata esse potestati
debet excelsae, cum interdum et vituperationi secus
gestorum pateat locus.

VI. Iamque post securitatem quaestiones agi-
tabantur ¹⁾ ex more, et vinculis catenisque plures
ut noxii ²⁾ plectebantur. Exsorgebat enim effer-
vens laetitia Paulus, tartareus ille delator, ad ve-
nenatas artes suas licentius exercendas: et inqui-
rentibus in negotium Consistorianis atque Militari-

⁴⁰⁾ Ms. et Silvanus devii est. ⁴¹⁾ τὸ fastuquo Ms. deest. ¹⁾ Ms. ex more de. ²⁾ Ms. petebantur.

bus, ut praeceptum est, Proculus admovetur eculeo, Silvani domesticus, homo gracilis et morbosus, metuentibus cunctis, ne vi nimia tormentorum levi corpore fatigato, reos atrocium criminum perspicue citari faceret multos: verum contra quam ² speratum est contigit. Memor enim somnii, quo vetitus erat per quietem, ut ipse firmavit, pulsare quemquam infontem, usque ad confinia mortis vexatus, nec nominavit, nec prodidit aliquem: sed adferebat factum Silvani constanter, id cum cogitasse, quod iniit, non cupiditate, sed necessitate compulsus, argumento evidenti demonstrans.

³ Causam enim probabilem ponebat in medio, multorum testimoniis claram, quod die quinto, antequam infulas fusciperet principatus, donatum stipendio militem Constantii nomine adloquutus est, fortis esset et fidus. Unde adparebat, quod, si praesumere fortunae superioris insignia conaretur, ⁴ auri tam grave ³) pondus largiretur ut suum. Post hunc damnatorum forte Poemenius raptus ad supplicium interiit: qui (ut supra retulimus) cum Treveri civitatem Caesari clausissent Decentio, ad defendendam plebem electus est. Tum Asclepiodotus, et Luto, et Maudio Comites interempti sunt, aliique plures, haec et similia perplexe temporis obstinatione scrutante.

¹ VII. Dum has exitiorum communium clades suscitatur turbo feralis, urbem aeternam Leontius regens, multa spectati iudicis documenta ¹) praebebat, in audiendo celer, in disceptando iustissimus, natura benevolus, licet auctoritatis causa servandae acer quibusdam videbatur, et inclinatio ² ad amandum. Prima igitur ²) causa seditionis in eum concitandae vilissima fuit et levis. Philorum enim aurigam rapi praeceptum, sequuta plebs

³) Mf. pondus giretur. ¹) praecipiebat. ²) Mf. aut seditionis.

omnis velut defensura proprium pignus, terribili impetu praefectum incessabat ut timidum: sed ille stabilis et erectus immixtis adparitoribus, correptos aliquot vexatosque tormentis, nec strepente ullo nec obfistente, insulari poena ³⁾ multavit. Die-3
busque paucis sequentis cum iidem plebs excita calore, quo consuevit, vini causando inopiam, ad Septemzodium convenisset, celebrem locum, ubi operis ambitiosi Nymphaeum Marcus condidit Imperator: illuc de industria pergens praefectus, ab omni toga adparitioneque rogabatur enixius, ne in multitudinem se arrogantem inmitteret et minacem, ex commotione pristina saevientem: ⁴⁾ difficilisque ad pavorem recte tetendit, adeo ut eum obsequentium pars desereret, licet in periculum festinantem abruptum. Insidens itaque vehiculo, cum speciosa ⁴
fiducia contuebatur acribus oculis tumultuantium undique cuneorum veluti serpentium vultus: perpeffusque multa dici probrosa, agnitum quemdam inter alios eminentem, vasti corporis, rutilique capilli, interrogavit, an ipse esset Petrus Valvomeres, ut audierat, cognomento: eumque, cum esse sono respondisset obiurgatorio, ut seditioforum antesignanum olim sibi compertum, reclamantibus multis, post terga manibus vinctis suspendi praecipit. Quo viso sublimi, tribuliumque adiuventum nequidquam implorante, vulgus omne paullo ante confectum, per varia urbis membra diffusum ita evanuit, ut turbarum acerrimus concitor, tamquam in iudiciali secreto exaratis lateribus ad Picenum eiiceretur: ubi postea ausus eripere virginis non obscurae pudorem, Patruini ⁵⁾ consularis sententia supplicio est capitali addictus.

³⁾ poena mulctati sunt. ⁴⁾ difficilis ad pavorem recte. ⁵⁾ al. Consulari.

6 Hoc administrante Leontio, Liberius Christianae legis antistes, a Constantio ad comitatum mitti praeceptus est, tamquam ⁶⁾ Imperatoris iussis et plurimorum ⁷⁾ sui consortium decretis obfistens, ⁷ in re, quam brevi textu percurram. Athanasium episcopum eo tempore apud Alexandriam, ultra professionem altius se efferentem, sciscitarique conatum externa, ut prodidere rumores adfidui, coetus in unum ⁸⁾ quaesitus eiusdem loci multorum (synodus ut adpellant) removit a sacramento, quod ⁸ obtinebat. Dicebatur enim fatidicarum sortium fidem, quaeve augurales portenderent alites, scientissime callens, aliquoties praedixisse futura: super his intendebantur ei alia quoque a proposito legis ⁹ abhorrentia, cui praesidebat. Hunc per subscriptionem abiicere sede sacerdotali, paria sentiens caeteris, iubente principe, Liberius monitus, perseveranter renitebatur, nec visum hominem, nec auditum damnare, nefas ultimum saepe exclamans, ¹⁰ aperte scilicet recalcitrans Imperatoris arbitrio. Id enim ille, Athanasio semper infestus, licet sciret impletum, tamen ⁹⁾ auctoritate quoque, qua potiores aeternae urbis episcopi, firmari desiderio nitebatur ardenti: quo non impetrato, Liberius aegre populi metu, qui eius amore flagrabat, cum magna difficultate noctis medio potuit absportari.

¹ VIII. Et haec quidem Romae, ut ostendit textus superior, agebantur. Constantium vero exagitant adfidui ¹⁾ nuntii, deploratas iam Gallias indicantes, nullo renitente ad internecionem barbaris vastantibus universa: aestuansque diu, qua vi propulsaret aerumnas, ipse in Italia residens, ut cupiebat: (periculosum enim existimabat, se in partem contrudere longe dimotam) reperit tandem

6) *al.* Imperatoris. 7) *Mf.* suis. 8) *Mf.* quaesiti. 9) auctoritate qua potiuntur. 1) *τὸ νυντί* *Mf.* deest.

consilium rectum: et Iulianum, patruelem fratrem, haud ita dudum ab Achaico²⁾ tractu accitum, etiam tum palliatum, in societatem imperii adsciscere cogitabat. Id ubi urgente malorum impendentium² mole confessus est proximis, succumbere tot necessitatibus tamque crebris unum se, quod numquam fecerat, aperte demonstrans: illi in adsentationem nimiam eruditi infatuabant hominem, nihil esse ita asperum dictitantes, quod praepotens eius virtus, fortunaque tam vicina sideribus, non superaret ex more. Addebantque, noxarum conscientia stimulante complures, deinceps caveri debere Caesaris nomen, replicantes gesta sub Gallo. Queis adni-³ tentibus obstinate, opponebat se sola regina, incertum, migrationem ad longinqua pertimescens, an pro nativa prudentia consulens in commune, omnibusque memorans anteponi debere propinquum. Post³⁾ multaque per deliberationes ambiguas actitata, stetit fixa sententia: abiectisque disputationibus irritis, ad imperium placuit Iulianum adsumere. Cum venisset accitus praedicto die, advocato omni,⁴ quod aderat, commilitio, tribunali ad altiorem suggestum erecto, quod aquilae circumdederunt et signa, Augustus⁴⁾ inscendens, eumque manu retinens dextera, haec sermone placido peroravit:

Adsisimus apud vos, optimi Reip. defensores,⁵ causae communi uno paene omnium spiritu vindicandae, quam acturus, tamquam apud aequos iudices, succinctius edocebo. Post interitum rebellium⁶ tyrannorum, quos ad haec tentanda, quae moverunt, rabies egit et furor: velut impiis eorum manibus Romano sanguine parentantes, ⁵⁾ persultant barbari Gallias rupta limitum pace; hac animati fiducia, quod nos per disiunctissimas terras arduae

2) Ms. contractu. 3) multa quae. 4) Ms. insigniens. 5) Ms. persultans.

- 7 *necessitates adstringunt. Huic igitur malo ultra
adposita iam* ⁶⁾ *proserpenti, si, dum patitur tem-
pus, occurrerit nostri vestrique consulti suffragium,
et colla superbarum gentium* ⁷⁾ *detumescent, et im-
perii fines erunt intacti. Restat, ut rerum spem,*
8 *quam gero, secundo roboresetis effectu. Iulianum
hunc fratrem meum patruelem, ut nostis, verecun-
dia, qua nobis ita ut necessitudine carus est, recte
spectatum, iamque elucetis industriae iuvenem, in
Caesaris adhibere potestatem exopto, coeptis, si vi-
dentur utilia, etiam vestra consensione firmandis.*
- 9 Dicere super his plura conantem interpellans
concio lenius prohibebat, arbitrium summi ⁸⁾ nu-
minis id esse, non mentis humanae, velut praescia
10 venturi praedicans. Stansque Imperator immobi-
lis, dum filerent, residua fidentius explicavit:
*Quia igitur vestrum quoque favorem adesse fremitus
indicat laetus, adulescens vigoris tranquilli, cuius
temperati mores imitandi sunt potius quam praedi-
candi, ad honorem* ⁹⁾ *prosperatum exsurgat: cuius
praeclaram indolem bonis artibus institutam hoc ipso
plene videor exposuisse, quod elegi.* ¹⁰⁾ *Ergo eum
praesente nutu Dei caelestis amictu principali
velabo.*
- 11 Dixit: moxque indutum avita purpura Iulia-
num, et Caesarem cum exercitus gaudio declara-
tum, his adloquitur contractiore vultu submaestum:
12 *Recepisti primaevus originis tuae splendidum flo-
rem, amantissime mihi omnium frater: aucta glo-
ria mea confiteor, qui iustus in deferenda superio-
ri potestate nobilitati mihi propinquae, quam ipsa*
13 *potestate videor esse sublimis. Adesto igitur labo-
rum periculorumque particeps, et tutelam mini-
sterii*

6) Ms. proserpentis. 7) al. detumesceat. 8) al. Iovis. 9) Ms. prope speratum. al. properatum. 10) Ego Ms.

sterii suscipe Galliarum, omni beneficentia partes levaturus adflictas: et, si hostibus congredi sit necesse, fixo gradu consiste inter signiferos ipsos, audendi in tempore consideratus hortator, pugnantem accendens praeendo cautissime, turbatosque subsidiis fulciens, modeste increpans desides, verissimus testis adfuturus industriis et ignavis. Proinde ur- 14
gente rei magnitudine, perge vir fortis, ducturus viros itidem fortes. Aderimus vobis vicissim amoris robusta constantia, militabimus simul, una orbem pacatum, Deus modo velit, quod oramus, pari moderatione pietateque recturi. Mecum ubique videberis praesens, et ego tibi quodcumque acturo non deero. Ad summam i, i, prospera sociis omnium votis, velut assignatam tibi ab ipsa Rep. stationem cura pervigili defensurus.

Nemo post haec finita reticuit: sed militares 15 omnes horrendo fragore scuta genibus illidentes (quod est prosperitatis indicium plenum: nam contra cum hastis clypei feriuntur, irae documentum est et doloris) immane quo quantoque gaudio praeter paucos Augusti probavere iudicium: Caesaremque admiratione digna suscipiebant, imperatorii muricis fulgore flagrantem. Cuius oculos cum ve- 16 nustate terribiles, vultumque excitatius gratum, diu multamque contuentes, qui futurus sit, colligebant, velut scrutatis veteribus libris, quorum lectio per corporum signa pandit animarum interna. Eumque, ut potiori reverentia servaretur, nec supra modum laudabant, nec infra, quam decebat: atque ideo censorum voces sunt aestimatae, non militum. Susceptus denique ad confessum vehi- 17 culi, receptusque in regiam, hunc versum ex Homérico carmine susurrabat:

Ελλαβε πορθύρεος θάνατος καὶ μοῖρα κραταιή.

Haec die octavo Iduum Novemb. gesta sunt, cum Arbationem consulem annus haberet et Lollianum.

18 Deinde diebus paucis, Helena virgine Constantii
 sorore eidem Caesari iugali foedere copulata, para-
 tisque universis, quae maturitas proficiscendi posce-
 bat, comitatu parvo suscepto, Kal. Decembribus
 egressus est: deductusque ab Augusto adusque lo-
 cum duabus columnis insignem, qui Laumellum
 interiacet et Ticinum, itineribus rectis Taurinos
 pervenit: ubi nuntio percellitur gravi, qui nuper
 in comitatum Augusti perlatus, de industria fileba-
 19 tur, ne parata diffluerent. Indicabat autem Colo-
 niam Agrippinam, ampli nominis urbem in secun-
 da Germania, pertinaci barbarorum obsidione re-
 20 seratam magnis viribus et deletam. Quo maerore
 perculsus, velut primo adventantium malorum au-
 spicio, murmurans querulis vocibus saepe audieba-
 tur: nihil se plus adsequutum, quam ut occupatio-
 21 interiret. Cumque Viennam venisset, ingredien-
 tem optatum quidem et ¹¹⁾ impetrabilem honorifice
 susceptura omnis aetas concurrebat et dignitas:
 proculque visum plebs universa cum vicinitate fini-
 tima, Imperatorem clementem adpellans et fau-
 stum, praevia consonis laudibus celebrabat, avidius
 pompam regiam in principe legitimo cernens: com-
 muniumque remedium aerumnarum in eius locabat
 adventu, salutarem quemdam Genium adfulsisse
 22 ¹²⁾ conclamatis negotiis arbitrata. Tunc anus quae-
 dam orba luminibus, cum percontando, quinam
 esset ingressus, Iulianum Caesarem comperisset,
 exclamavit, hunc deorum templa reparaturum.

1 IX. Proinde, quoniam (ut Mantuanus vates
 praedixit excelsus) maius opus moveo, maiorque
 mihi rerum nascitur ordo, Galliarum tractus et fi-
 tum ostendere puto nunc tempestivum, ne inter
 procinctus ¹⁾ ardentes praeliorumque varios casus

¹¹⁾ Mf. imperabilem. *al.* Imperatorem. ¹²⁾ *al.* conclamans
 nec secius arbitrata. — ¹⁾ *al.* urgentes.

ignota quibusdam expediens, imitari videar desides nauticos, adtrita lintea cum rudentibus, quae licuit parari securius, inter fluctus refarcire coactos et tempestates. Ambigentes super origine prima Gallorum scriptores veteres notitiam reliquere negotii semiplenam: sed postea Timagenes, et diligentia Graecus et lingua, haec, quae diu sunt ignorata, collegit ex multiplicibus libris: cuius fidem sequuti, obscuritate dimota, eadem distincte docebimus et aperte. Aborigines primos in his regionibus quidam visos esse firmarunt, Celtas nomine regis amabilis, et matris eius vocabulo Galatas dictos: ita enim Gallos sermo Graecus adpellat. Alii Dorienſes, antiquiorem sequutos Herculem, oceani locos inhabitasse confines. Dryſidae memorant revera fuisse populi partem indigenam: sed alios quoque ab insulis extimis confluisse et tractibus transrhenanis, crebritate bellorum, et alluvione fervidi maris sedibus suis expulſos. Aiunt quidam, paucos post excidium Troiae, fugitantes Graecos ubique dispersos, loca haec occupasse, tunc vacua. Regionum autem incolae id magis omnibus adseverant, quod etiam nos legimus in monumentis eorum incisum, Amphitruonis filium Herculem ad Geryonis et Taurisci saevium tyrannorum perniciem festinasse, quorum alter Hispanias, alter Gallias infestabat: superatisque ambobus coisse cum generosis feminis, suscepisseque liberos plures, et eos partes, quibus imperitabant, suis nominibus adpellasse. A Phocaea vero Asiaticus populus Harpali inclementiam vitans, Cyri regis praefecti, Italiam navigio petiit. Cuius pars in Lucania Velium; alia condidit in Viennensi Massiliam: dein sequutis aetatibus oppida aucta virium copia, instituere non pauca: sed declinanda varietas, saepe satietati con-

giuncta. Per haec ²⁾ loca hominibus paullatim excultis, viguere studia laudabilium doctrinarum, inchoata per Bardos, et Euhages, et Druidas. Et Bardi quidem fortia virorum illustrium facta heroicis composita versibus cum dulcibus lyrae modulis cantitarunt: Euhages vero scrutantes ³⁾ seriem et sublimia naturae pandere conabantur. Inter hos Druidae ingeniis celliores, ut auctoritas Pythagorae decrevit, sodaliciis adstricti consortiis, quaestionibus occultarum rerum altarumque erecti sunt, et despectantes humana pronuntiarunt animas immortales.

¹ X. Hanc Galliarum plagam, ob suggestus montium arduos, et horrore nivali semper obductos, orbis residui incolis antehac paene ignotam (nisi qua littoribus est vicina) munimina claudunt undique, ² natura velut arte circumdata. Et a latere quidem australi Tyrrheno adluitur, et Gallico mari: qua caeleste suspicit plaustrum, a feris gentibus fluentis distinguitur Rheni: ubi occidentali subiecta est fideri, oceano et altitudine ¹⁾ Pyrenaei cingitur; unde ad solis ortus adtollitur, aggeribus cedit Alpium Cottiarum: quas rex Cottius perdomitis Galliis, solus in angustiis latens, inviaque locorum asperitate confusus, lenito tandem tumore in amicitiam Octaviani receptus principis, molibus magnis exstruxit ad vicem memorabilis muneris, compendiaras et viantibus opportunas, medias inter alias Alpes vetustas, super quibus comperta paullo post ³ ea referemus. In his Alpibus Cottiiis, quarum initium a ²⁾ Segusione est oppido, praecellsum erigitur iugum, nulli fere sine discrimine penetrabile. ⁴ Est enim e Galliis venientibus prona humilitate devexum, pendentium saxorum altrinsecus visu terri-

²⁾ *al. loci.* ³⁾ *Mf. ferviani.* ¹⁾ *et cingitur* in *al. deest.* ²⁾ *Mf. Segusione.*

bile, praesertim verno tempore: cum liquente gelu, nivibusque solutis flatu calidiore ventorum, per disruptas utrimque angustias, et lacunas pruinarum congerie latebrosas, descendentes cunctantibus plantis homines et iumenta procidunt et carpenta: idque remedium ad arcendum exitium repertum est solum, quod pleraque vehicula vastis funibus illigata, pone cohibente virorum vel boum nisu valido, vix gressu reptante paullo tutius devolvuntur. Et haec, ut diximus, anni verno contingunt. Hieme vero humus crustata frigoribus, et tamquam 5 levigata, ideoque labilis, incessum praecipitantem impellit, et patulae valles per spatia plana glacie perfidae vorant nonnumquam transeuntes. Ob quae locorum callidi, eminentes ligneos stilos per cautiora loca defigunt, ut eorum series viatorem ducat innoxium: qui si nivibus operti latuerint, montanis defluentibus rivis ³⁾ everfi, agrestibus praeviis difficile pervaduntur. A summitate autem 6 huius Italici clivi, planities adusque stationem nomine Martis, per septem extenditur millia: et hinc alia celsitudo erectior, aegreque superabilis, ad Matronae porrigitur verticem, cuius vocabulum casus feminae nobilis dedit. Unde declive quidem 7 iter, sed expeditius adusque castellum Virgantium patet. Huius sepulcrum reguli, quem itinera struxisse retulimus, Segusione est moenibus proximum: manesque eius ratione gemina religiose coluntur: quod iusto moderamine rexerat suos, et adscitus in societatem rei Romanae, quietem genti praestitit sempiternam. Et licet haec, quam dixi- 8 mus ⁴⁾ viam, media sit et compendiaria, magisque celebris, tamen etiam aliae multo antea temporibus sunt constructae diversis. Primam Thebaeus Her- 9 cules ad Geryonem extinguendum, ut relatum est

3) Ms. everfi, graves agrestibus. 4) al. via.

et Tauriscum lenius gradiens, prope maritimas composuit Alpes: hicque Graiarum indidit nomen: Monoeci similiter arcem et portum ad perennem sui memoriam consecravit. Deinde emensis postea saeculis multis, hac ex causa sunt Alpes excogitatae
 10 Poeninae. Superioris Africani pater P. Cornelius Scipio Saguntinis memorabilibus aerumnis et fide, pertinaci destinatione Afrorum obsessis, iturus auxilio in Hispaniam, traduxit onustam manu valida classem: sed civitate Poenorum Marte deleta, Hannibalem ⁵⁾ adsequi nequiens, triduo ante transito Rhodano ad Italiae partes contendentem, navigatione veloci intercurso spatio maris haud longo, degressurum montibus apud Genuam observabat, Liguria oppidum, ut cum eo, si copiam fors dedisset, viarum asperitate fatigato decerneret in planitie. Consulens tamen rei communi, Cn. Scipionem fratrem ire monuit in Hispanias, ut Hasdrubalem exinde similiter erupturum arceret. Quae Hannibal doctus a perfugis, ut erat expeditae mentis et callidae, Taurinis ducentibus accolis, per ⁶⁾ Tricastinos et oram ⁷⁾ Vocontiorum extremam, ad saltus Tricorios venit. Indeque exorsus, aliud iter antehac insuperabile fecit: excisaeque rupe in immensum elata, quam cremando vi magna flammarum acetoque ⁸⁾ infuso dissolvit, per Druentiam flumen gurgitibus vagis intutum, regiones occupavit Etruscas. Hactenus super Alpibus, nunc ad restantia veniamus.

1 XI. Temporibus priscis, cum laterent hae partes ut barbarae, tripartitae fuisse creduntur, in Celtas eosdemque Gallos divisae, et Aquitanos, et Belgas, lingua, institutis, legibusque discrepantes.
 2 Et Gallos quidem, qui Celtae sunt, ab Aquitanis

5) Ms. sequi. 6) al. Tricastinos. 7) Ms. Vocontigrum. 8) Ms. intulo quae insolidis solvit.

Garumna disternit flumen, a Pyrenaeis oriens collibus, postque oppida multa transcurfa in oceano delitescens. A Belgis vero eandem gentem Matrona discernit et Sequana, amnes magnitudinis geminae: qui fluentes per Lugdunensem, post circumclausum ambitu insulari Parisiorum castellum, ¹⁾ Lutetiam nomine, confociatim meantes protinus prope castra Constantia funduntur in mare. Horum omnium apud veteres Belgae dicebantur esse fortissimi, eapropter, quod ab humaniore cultu longe discreti, nec adventitiis effeminati deliciis, diu cum transrhenanis certavere Germanis. Aquitani enim, ad quorum littora ut proxima placidaque merces adventitiae convehuntur, moribus ad molitiam lapsis, facile in ditionem venire Romanam. Regebantur autem Galliae omnes, iam inde uti crebritate bellorum urgenti cessere Iulio dictatori, potestate in partes divisa quatuor: quarum Narbonensis una, Viennensem intra se continebat, et Lugdunensem: altera Aquitanis praeerat universis: superiorem et inferiorem Germaniam, Belgasque duae iurisdictiones iisdem rexere temporibus. At nunc numerantur provinciae per omnem ambitum Galliarum: secunda Germania, prima ab occidentali exordiens cardine, Agrippina et Tungris munita, civitatibus amplis et copiosis. Dein prima Germania, ubi praeter alia municipia Mogontiacus est, et Vangiones et Nemetes, et Argentoratus barbaricis cladibus nota. Post has Belgica prima Mediomatricos praetendit, et Treviros domicilium principum clarum. Huic adnexa secunda est Belgica, qua Ambiani sunt, urbs inter alias eminens, et Catelanni et Remi. Apud Sequanos Bifontios videmus, et Rauracos, aliis potiores oppidis multis. Lugdunensem primam Lugdunus ornat, et

¹⁾ Ms. Lutetia.

Cabillonus et Senones, et Biturigae, et moenium
 12 Augustuduni magnitudo vetusta. Secundam enim
 Lugdunensem Rothomagi, et Turones, Mediolanum ostendunt, et 2) Tricastini: Alpes Graiae et
 Poeninae, exceptis 3) obscurioribus habent
 et Aventicum, desertam quidem civitatem, sed
 non ignobilem quondam, ut aedificia semiruta nunc
 quoque demonstrant. Hae provinciae, urbesque
 13 sunt splendidae Galliarum. In Aquitania, quae
 Pirenaeos montes et eam partem spectat oceani,
 quae pertinet ad Hispanos, prima provincia est
 Aquitanica, amplitudine civitatum admodum cul-
 ta: omiſſis aliis multis, Burdegala, et 4) Arverni
 14 excellunt, et Santones, et Pictavi. Novem popu-
 los Ausci commendant, et Vasatae. In Narbonensi
 Elusa et Narbona, et Tolosa principatum urbium
 tenent. Viennensis civitatum exultat decore mul-
 tarum, quibus potiores sunt Vienna ipsa, et Are-
 late, et Valentia: quibus Massilia iungitur, cuius
 societate et viribus in discriminibus arduis fultam
 15 aliquoties legimus Romam. His prope Salluvii
 sunt, et Nicaea, et Antipolis, insulaeque Stoecha-
 16 des. Et quoniam ad has partes opere contexto per-
 venimus, filere super Rhodano, maximi nominis
 flumine, incongruum est et absurdum. A Poeni-
 nis Alpibus effusiore copia fontium Rhodanus fluens,
 et proclivi impetu ad planiora degrediens, proprio
 agmine ripas occultat, et paludi sese ingurgitat no-
 mine Lemanno, eamque intermeans, nusquam
 aquis miscetur externis: sed altrinsecus summitates
 undae 5) praeterlabens seguioris, quaeritans exitus,
 17 viam sibi impetu veloci molitur. Unde sine iactura
 rerum per Sapaudiam fertur et Sequanos: longeque
 progressus, Viennensem latere sinistro perstringit,

2) al. Tricastini. 3) in aliis codicib. hic lacuna nulla est.
 4) al. Averni. 5) al. praeterlabens seguiiores.

dextro Lugdunensem: et emensus ⁶⁾ spatia flexuosa, Ararim (quem Sauconnam adpellant) inter Germaniam primam fluentem, suum in nomen adsciscit: qui locus exordium est Galliarum. ⁷⁾ Exindeque non millenis passibus, sed ⁸⁾ leugis itinera metiuntur. Hinc Rhodanus aquis advenis locupletior, ¹⁸ vehit grandissimas naves, ventorum ⁹⁾ difflatu iactari saepius adsueta: ¹⁰⁾ finitisque intervallis, quae ei natura praescripsit, spumens Gallico mari incorporatur per patulum sinum, quem vocant Ad Gradus, ab Arelate octavo decimo ferme lapide disparatum. Sit satis de situ locorum: nunc figuras et mores hominum designabo.

XII. Cellioris staturae et candidi paene Galli sunt omnes, et rutili, luminumque torvitate terribiles, avidi iurgiorum, et sublatius insolescentes. Nec enim eorum quemquam adhibita uxore rixantem, multo fortiore et glauca, peregrinorum ferre poterit globus: tum maxime cum illa inflata cervice suffrendens, ponderansque niveas ulnas et vastas, admistis calcibus emittere coeperit pugnos, ut catapultas tortilibus nervis excussas. Metuendae voces ² complurium et minaces, placatorum iuxta et irascentium: terri tamen pari diligentia cuncti et mundi: nec in tractibus illis, maximeque apud ¹⁾ Aquitanos, poterit aliquis videri, vel femina, licet perquam pauper, ut alibi, frustis squalere pannorum. Ad militandum omnis aetas aptissima: ³ et pari pectoris robore senex ad procinctum ducitur et adultus, gelu duratis artibus et labore adfido, multa contempturus et formidanda: nec eorum aliquando quisquam, ut in Italia, munus Martium pertimescens, pollicem sibi praecidit, quos

6) Mf. spatio fluctuoso. 7) *al.* Exinde. 8) Mf. leugis. 9) Mf. difflatu. 10) Mf. finitisque intervallis quae. 1) Mf. Aquit, poterit aliquis v *al.* Aquitaniam poterit vid.

4localiter murcos adpellant. Vini avidum genus, adfectans ad vini similitudinem multiplices potus: et inter eos humiles quidam obtulis ebrietate continua sensibus, quam furoris voluntariam speciem esse Catoniana sententia definivit, raptantur discursibus vagis: ut verum illud videatur, quod ait defendens Fonteium Tullius, *Gallos post haec dilatius esse poturos*, quod illi venenum esse arbitrabantur.

5 Hae regiones, praecipue quae confines Italicis, paullatim ²⁾ levi sudore sub imperium venere Romanum: primo tentatae per Fulvium, deinde praeliis parvis quassatae per Sextium, ad ultimum per Fabium Maximum domitae: cui negotii plenus effectus, asperiore Allobrogum gente devicta, hoc in-
6didit cognomentum. Nam omnes Gallias, nisi qua paludibus inviae fuere, ut Sallustio docetur auctore, post decennalis belli mutuas clades ³⁾ subegit Caesar, societatique nostrae foederibus iunxit aeternis. Eiectus sum longius, sed remeabo tandem ad coepta.

1 XIII. Domitiano crudeli morte consumpto, Musonianus eius successor Orientem praetoriani regabat potestate praefecti, facundia sermonis utriusque clarus: unde sublimius, quam sperabatur, eluxit.
2 Constantinus enim cum limatius superstitionum quaereret sectas, Manichaeorum et similium, nec interpretes inveniretur idoneus, hunc sibi commendatum ut sufficientem elegit: quem officio functum perite, Musonianum voluit adpellari, ante Strategium dictitatum: et ex eo percursis honorum gradibus multis, adscendit ad praefecturam: ⁴⁾ prudens alia, tolerabilisque provinciis, et mitis et blandus: sed ex qualibet occasione, maximeque ex controversis litibus, quod nefandum est, et in totum lu-

2) Mf. levis odore. 3) *ro subegit* al. deest. 4) Mf. prudens alia.

crandi aviditate sordescens: ut inter alia multa evidenter adparuit in quaestionibus agitatis super morte Teophili Syriae consularis, proditione Caesaris Galli, impetu plebis promiscuae discerpti: ubi damnatis pauperibus, quos, cum haec agerentur, peregre constabat fuisse, auctores diri facinoris, exuti patrimoniis, absoluti sunt divites.

²⁾ Hunc Prosper adaequabat, pro magistro³ equitum, agente etiam tum in Galliis, militem regens, abiecte ignavus, et, ut ait Comicus, arte despecta furtorum rapiens propalam.

Queis concordantibus, mutuaque commercia⁴ vicissim sibi conciliando locupletatis, Persici duces vicini fluminibus, rege in ultimis terrarum suarum terminis occupato, per praedatorios globos nostra vexabant, nunc Armeniam, aliquoties Mesopotamiam confidentius incurstantes, Romanis ductoribus ad colligendas obedientium exuvias occupatis.

2) Ms. Huc Prosper adequitabat.

A M M I A N I M A R C E L L I N I
R E R U M G E S T A R U M
L I B E R X V I .

Juliani Caesaris laus. C. I. Iulianus Caes. Alamannos adoritur, caedit, capit et fugat. II. Coloniam a Francis captam recipit, et pacem ibi cum Francorum regibus facit. III. apud Senonas oppidum ab Alamannis obsidetur. IV. Iuliani Caesaris virtutes. V. Arbetio, vir consularis, accusatur, et absolvitur. VI. Iulianus Caes. a praeposito cubiculi sui Eutherio apud imperatorem defenditur adversus Marcellum: et laus Eutherii. VII. Delationes et calumniae in castris Constantii Augusti, et aulicorum rapacitas. VIII. Agitur de pace cum Persis. IX. Constantii A. militaris ac velut triumphalis in urbem Romam adventus. X. Iulianus Caes. Alamannos in insulis Rheni, quo se et sua receperant, adgreditur, et Tres Tabernas adversus eos reparat. XI. Idem Alamannorum reges Galliam incubantes adgreditur, et barbaros apud Argentoratum acie fundit. XII.

(A. C. 356.)

Haec per orbem Romanum ¹⁾ factorum ordine contexto versante, Caesar apud Viennam in collegium factorum a consule octies Augusto adscitus, urgente genuino vigore, pugnarum fragores caedesque barbaricas somniabat, colligere provinciae fragmenta iam parans, si adfuisset flatu tandem secundo.

¹⁾ Mf. factorum.

Quia igitur res magnae, quas per Gallias virtute felicitateque correxit, multis veterum factis fortibus praestant, singula serie progrediente monstrabo, instrumenta omnia mediocris ingenii, si suffecerint, commoturus. Quidquid autem narrabitur, quod non falsitas arguta concinnat, sed fides integra rerum absolvit, documentis evidentibus fulta, ad laudativam paene materiem pertinebit. Videtur enim lex quaedam vitae melioris hunc iuvenem a nobilibus cunis adusque spiritum comitata supremum. Namque incrementis velocibus ita domi forisque colluxit, ut prudentia [Vespasiani filius] Titus alter aestimaretur, bellorum gloriosis cursibus Traiani simillimus, clemens ut Antoninus, rectae perfectaeque rationis indagine congruens Marco, ad cuius aemulationem ²⁾ actus suos effungebat et mores. Et quoniam, ut Tulliana docet auctoritas, omnium magnarum artium sicut arborum altitudo nos delectat, radices stirpesque non item: sic praeclarae huius indolis rudimenta tunc multis obnubilantibus tegebantur, quae anteferri gestis eius postea multis et miris hac ratione deberent, quod adolescens primaevus, ut Erechtheus in secessu Minervae nutritus, ex academiae quietis umbraculis, non e militari tabernaculo, in pulverem Martium tractus, strata Germania, pacatisque rigentis ³⁾ Rheni meatibus, cruenta spirantium regum hic sanguinem fudit, alibi manus ⁴⁾ catenis adflixit.

II. Agens itaque negotiosam hiemem apud oppidum ante dictum, inter rumores, qui volitabant assidui, comperit Augustoduni civitatis antiquae muros, spatiosi quidem ambitus, sed carie vetustatis inualidos, barbarorum impetu repentino infesos, torpente praesentium militum manu, vetera-

²⁾ *al.* actus affungebat. ³⁾ *Mf.* Rheni meatibus, ⁴⁾ *Mf.* catenis afflixit.

nos ¹⁾ concussatione pervigili defendisse: ut solet
 abrupta saepe discrimina salutis ultima desperatio
 2 propulsare. Nihil itaque remittentibus curis, an-
 cillari adulatione posthabita, qua eum proximi ad
 amoenitatem flectebant et luxum, satis ²⁾ omnibus
 comparatis, VIII. Kal. Iulias Augustodunum perve-
 nit, velut dux diuturnus, viribus eminens et con-
 siliis, per diversa palantes barbaros, ubi dedisset
 3 fors copiam, adgressurus. Habita itaque delibera-
 tione, adstantibus locorum peritis, quodnam iter
 eligeretur ut tutum, multa ultro citroque diceban-
 tur aliis per Arbor quibusdam per Sedelau-
 4 cum et Coram iri debere firmantibus. Sed cum
 subsererent quidam, Silvanum paullo ante magi-
 strum peditum, per compendiosas vias, verum su-
 spectas, quia tenebris multis umbrantur, cum VIII.
 auxilium millibus aegre transisse, fidentius Cae-
 sar audaciam viri fortis imitari magnopere nitebatur.
 5 Et, ne qua interveniret mora, adhibitis ³⁾ cataphra-
 ctariis solis et ballistariis, parum ad tuendum re-
 ctorem idoneis, percurso eodem itinere Autofido-
 6 rum pervenit. Ubi brevi, sicut solebat, otio cum
 milite recreatus, ad Tricassinos tendebat: et barba-
 ros in se catervatim ruentes, partim cum timeret ut
 ampliores, confertis lateribus observabat: alios oc-
 cupatis habilibus locis decursu facili proterens,
 nonnullos pavore traditos cepit: residuos in curam
 celeritatis omne quod poterant conferentes, quia
 sequi non valebat gravitate praepeditus armorum,
 7 innocuos abire perpessus est. Proinde certiore iam
 spe ad resistendum ingruentibus confirmatus, per
 multa discrimina venerat Tricassas adeo insperatus,
 ut eo portas paene pulsaute, diffusae multitudinis
 barbarae metu, aditus urbis non sine anxia pande-
 8 retur ambage. Et paullisper moratus, dum fatigato

1) Ms. concussatione. 2) Ms. ordinibus. 3) *al.* cataphractis.

consultit militi, civitatem Remos nihil prolatandum existimans petit: ubi in unum congregatum ⁴⁾ exercitum vehementem iusserat opperiri praesentiam suam: cui praefidebat Urficini successor Marcellus, et ipse Urficinus adusque expeditionis finem agere praeceptus iisdem in locis. Post variatas itaque sententias plures, cum placuisset per decempagos Alamannam adgredi plebem, densatis agminibus tendebat illuc solito alacrior miles. Et quia ¹⁰ dies humectus et decolor vel contiguum eripiebat adspectum, iuvante locorum gnaritate, hostes tramite obliquo discurso post Caesaris terga, legiones duas arma cogentes adorti paene delessent, ni subito concitus clamor sociorum auxilia coegisset. Hinc et deinde nec itinera nec flumina transire ¹¹ posse sine insidiis putans, erat providus et cunctator: quod praecipuum bonum in magnis ductoribus, opem ferre solet exercitibus et salutem. Audiens itaque Argentoratum, Brocomagum, Tabernas, Salisnem, Nemetas, et Vangionas, et Mogontiacum civitates barbaros possidentes, territoria earum habitare: (nam ipsa oppida ut circumdata retiis busta declinant) primam omnium Brocomagum occupavit: eique iam adventanti Germanorum manus pugnam intentans occurrit. Cumque in ¹³ bicornem figuram acie divisa, collato pede res agi coepisset, exitioque hostes urgerentur ancipiti, captis nonnullis, aliis in ipso proelii ⁵⁾ fervore truncatis, residui discessere celeritatis praesidio tecti.

III. Nullo itaque posthaec repugnante, ad recuperandam ire placuit Agrippinam, ante Caesaris in Gallias adventum excisam: per quos tractus nec civitas ulla visitur, nec castellum: nisi quod apud Confluentes, locum ita cognominatum, ubi amnis

4) Mf. exercitum vehementem iusserat. 5) Mf. fervore.

Mosella confunditur Rheno, ¹⁾ Rigomagum oppi-
 2 dum est, et una prope ipsam Coloniam turris. Igi-
 tur Agrippinam ingressus, non ante motus est exin-
 de, quam Francorum regibus furore mitescere per-
 territis, pacem firmaret Reip. interim profuturam,
 3 et urbem reciperet munitissimam. Quibus vincen-
 di primitiis laetus, per Treveros hiematurus apud
 Senonas oppidum tunc opportunum abscessit. Ubi
 bellorum inundantium molem humeris suis, quod
 dicitur, vehens, scindebatur in multiplices curas:
 ut milites, qui a solitis descivere praefidiis, redu-
 cerentur ad loca suspecta, et conspiratas gentes in
 noxam Romani nominis disiectaret, ac provideret,
 ne alimenta deessent exercitui per varia discursuro.

1 IV. Haec sollicite perpensantem hostilis adgre-
 ditur multitudo, oppidi capiundi spe in maius ac-
 censa: ideo confidentes, quod ei nec Scutarios ad-
 esse, et quidem monentibus perfugis, didicerant,
 nec Gentiles, per municipia distributos, ut com-
 2 modius ¹⁾ vescerentur. Cum autem . . * . . Clausa
 ergo urbe, murorumque intuta parte firmata, ipse
 cum armatis die noctuque inter propugnacula vise-
 batur et pinnas, ²⁾ ira exundante substridens, cum
 erumpere saepe conatus, paucitate praesentis manus
 impediretur. Post tricesimum denique diem abiire
 barbari tristes, inaniter stulteque cogitasse civitatis
 3 obsidium mullitantes. At, quod indignitati rerum
 est adsignandum, periclitanti Caesari distulit sup-
 petias ferre Marcellus magister equitum, agens in
 stationibus proximis: cum, etiam si civitas absque
 principe vexaretur, opposita multitudine malis ob-
 4 sidionalibus expediri deberet. Hoc metu solutus
 efficacissimus Caesar, providebat constanti sollicitu-
 dine,

¹⁾ Rigomagum. Ms. — ¹⁾ in Ms. lacuna relicta est unius li-
 neae. al. vescerentur. Cla. ²⁾ al. ita.

dine, sicut militum diuturno labori quies succederet aliqua, licet brevis, ad recreandas tamen sufficiens vires: quamquam ultima squalentes inopia terrae saepe ³⁾ vastitatae exigua quaedam victui congrua adgerebant. Verum hoc quoque diligentia curato pervigili, adfusa laetiore spe prosperorum, sublato animo ad exsequenda plurima consurgebat.

V. Primum igitur factuque difficile, temperantiam ipse sibi indixit, atque retinuit, tamquam adstrictus sumptuariis legibus viveret, quas ex rhetris Lycurgi, et axonibus Romam translatae diuque observatas, et senescentes paulatim, reparavit Sylla dictator: reputans ex praedictis Democriti, quod ambitiosam mentem fortuna, parcam virtus adponit. Id enim etiam Tusculanus Cato prudenter definiens, cui Cenforii cognomentum castior vitae indidit cultus: *Magna, inquit, cura cibi, magna virtutis incuria.* Denique cum legeret libellum adfide, quem Constantius ut privignum ¹⁾ ad studia mittens, manu sua conscripserat, praelicenter disponens, quid in convivio Caesaris impendi deberet: phasianum, et vulvam, et lumen exigi vetuit et inferri, munificis militis vili et fortuito cibo contentus.

Hinc ²⁾ contingebat, ut noctes ad officia divideret tripartita, quietis, et publicae rei, et musarum: quod factitasse Alexandrum legimus magnum; sed multo hic fortius. Ille namque aenea concha supposita, brachio extra cubile protento, pilam tenebat argenteam, ut, cum nervorum ³⁾ vigorem sopor laxasset infusus, gestaminis lapsi tinnitus abrumperet somnum. Iulianus vero absque instrumento, quoties voluit, evigilavit: et nocte dimidiata semper exsurgens, non e plumis vel stragulis

³⁾ Ms. vastitate. ¹⁾ al. ad studium. ²⁾ al. contigebat. ³⁾ Ms. vigorem.

sericis ambiguo fulgore nitentibus, sed ex tapete, et ⁴⁾ *σιρίγα*, quam vulgaris simplicitas fisurnam appellat, occulte Mercurio supplicabat, quem mundi velociorem sensum esse, motum mentium fuscitantem, theologiae prodidere doctrinae: atque in tanto rerum defectu ⁵⁾ explore rei publicae munera curabat. Post quae ut ardua et seria terminata, ad procudendum ingenium vertebatur: et incredibile, ⁶⁾ quo quantoque ardore rerum principalium notitiam celsam indagans, et quasi pabula quaedam animo ad sublimiora scandendi conquirens, per omnia philosophiae membra prudenter disputando ⁷⁾ currebat. Sed tamen cum haec effecte pleneque colligeret, nec humiliora despexit, poëticam mediocriter, et rhetoricam amavit, (ut ostendit orationum epistolarumque eius cum gravitate comitas incorrupta) et nostrarum externarumque rerum historiam multiformem. Super his aderat latine quoque differendi sufficiens sermo. ⁷⁾ Si itaque verum est, quod scriptores varii memorant, Cyrum regem, et Simonidem lyricum, et Hippia Eleum sophistarum acerrimum ideo valuisse memoria, quod epotis quibusdam remediis id impetrarunt: credendum est hunc etiam tum adultum totum memoriae dolium, si usquam reperiri potuit, exhaustisse. Et haec quidem pudicitiae virtutumque sunt signa nocturna.

⁹⁾ Diebus vero quae ornate dixerit et facete, quaeve in adparatu vel in ipsis egit congressibus proeliorum, aut in re civili, magnanimitate correxit et libertate, suo quaeque loco singula demonstrabuntur. ¹⁰⁾ Cum exercere proludia disciplinae castrensis philosophus cogeretur ut princeps, artemque modulatius incedendi per pyrrhicham concinentibus disceret

4) Ms. *lyra*. 5) *al.* explore curabat. Ms. explorantur ei p. M. curabat. 6) *al.* quo et quanto. 7) *al.* Sic itaque.

fistulis; vetus illud proverbium, *Clitellae bovi impositae sunt; plane non est nostrum onus*, Platonem crebro nominans exclamabat. Inductis quadam sollemnitate agentibus in rebus in consistorium, ut aurum acciperent; inter alios quidam ex eorum consortio, non, ut moris est, expansa chlamyde, sed utraque manu cavata suscepit: et Imperator: *Rapere, inquit, non accipere sciunt Agentes in rebus.* Aditus a parentibus virginis raptae, eum, qui violarat, convictum relegari decrevit. Hisque indigna pati querentibus, quod non fit morte multatus, responderat hactenus: *Incusent iura clementiam: sed Imperatorem mitissimi animi legibus praestare caeteris decet.* Egressurum eum ad expeditionem plures interpellabant, ut laesi, quos audiendos provinciarum rectoribus commendabat: et reversus, quid egerint singuli quaerens, delictorum vindictas genuina lenitudine mitigabat. Ad ultimum exceptis victoriis, per quas cadentes saepe incolumi contumacia barbaros fudit; quod profuerit anhelantibus extrema paenuria Gallis, hinc maxime claret: quod primitus partes eas ingressus, pro capitibus singulis tributum nomine vicos quinos aureos reperit flagitari: discedens vero septenos tantum, munera universa complentes: ob quae tamquam solem sibi serenum post squalentes tenebras adfulsisse, cum alacritate et tripudiis laetabantur. Denique id eum adusque imperii finem et vitae scimus utiliter observasse, ne per indulgentias quas adpellant, tributariae rei concederet reliqua. Norat enim, hoc facto se aliquid locupletibus additurum, cum constet ubique pauperes inter ipsa dictorum exordia solvere universa sine laxamento compelli.

Inter has tamen regendi moderandique vias, bonis principibus aemulandas, barbarica rabies

17⁸) exarserat in maius. Utque bestiae custodum negligentia raptu vivere solitae, ne his quidem remotis adpositisque fortioribus abscefferunt, sed tumescens inedia, sine respectu salutis, armenta vel greges incurfant: ita etiam illi, cunctis, quae diripere, consumptis, fame urgente agebant aliquoties praedas: interdum antequam contingerent aliquid, oppetebant.

1 VI. Haec per eum annum spe dubia, eventu tamen secundo, per Gallias agebantur. In comitatu vero Augusti circumlatrabat Arbetionem invidia, velut summa mox adepturum, decora cultus imperatorii praestruisse: instabatque ei strepens immania Comes Verissimus nomine, arguens coram, quod a gregario ad magnum militiae culmen evectus, hoc quoque non contentus ut parvo, locum adpeteret principalem. Sed specialiter eum infectabatur Dorus quidam ex-medico scutariorum, quem ¹) nitentium rerum centurionem sub Magnentio Romae provectum, retulimus accusasse Adelphium urbi praefectum, ut altiora coeptantem.

3 Cumque res in inquisitionem veniret, necessariisque negotiorum tentis, obiectorum probatio speraretur, tamquam per saturam subito cubiculariis suffragantibus, ut loquebatur pertinax rumor, et vinculis sunt exutae personae, quae stringebantur ut consciae, et Dorus evanuit, et Verissimus illico tacuit, velut aulaeo deposito scenae.

1 VII. Iisdem diebus adlapso rumore Constantius doctus, obsessio apud Senonas Caesari auxilium non tulisse Marcellum, eum sacramento solutum abire iussit in larem: qui, tamquam iniuria gravi perculsus, quaedam in Iulianum moliebatur, auribus Augusti confusus in omne ¹) patentibus crimen.

2 Ideoque, cum discederet, Eutherus praepositus

8) Ms. exarserat maius. 1) al. nicetiorum. 1) al. parentibus.

cubiculi mittitur statim post, eum, si quid finxerit, convicturus. Verum ille hoc nesciens, mox venit Mediolanum, strepens et tumultuans, ut erat vanidicus et amenti propior, admissus in consistorium, Iulianum ut procacem insimulat: iamque ad evagandum altius, validiores sibi pinnas aptare: ita enim cum motu quodam corporis loquebatur ingenti. Haec eo fingente licentius, Euthérius, ut³ postulavit, inductus, iussusque loqui quod vellet, verecunde et modice docet velari veritatem mendaciis. Magistro enim armorum (ut credebatur) cessante consulto, industria vigili Caesarem obsessum apud Senonas diu, barbaros repulisse: adparitoremque fidum auctori suo, quoad vixerit, fore, obligata cervice sua spondebat.

Res monuit super hoc eodem Euthério pauca⁴ subserere, forsitan non credenda; ea re, quod si Numa Pompilius, vel Socrates bona quaedam dicerent de spadone, dictisque religionum adderent fidem, a veritate descivisse arguerentur. Sed inter vepres rosae nascuntur, et inter feras nonnullae mitescunt. Itaque carptim eius praecipua, quae sunt comperta, monstrabo. Natus in Armenia sangui-⁵ne libero, captusque a finitimis hostibus etiamtum parvulus, abstractis geminis, Romanis mercatoribus venundatus, ad palatium Constantini deducitur: ²⁾ ubi paulatim adulescens rationem recte vivendi sollertiamque ostendebat, litteris, quantum tali fortunae satis esse poterat, eruditus, cogitandi inveniendique dubia et scrupulosa acumine nimio praestans, immensum quantum memoria vicens, benefaciendi avidus, plenusque iusti consilii: quem, si Constans Imperator olim ex adulto iamque maturum audiret honesta suadentem et recta, nulla, vel venia certe digna peccasset. Is praepositus cubicu-⁶

2) Mf. ubi paulatim acules rationem.

li etiam Iulianum aliquoties corrigebat, Asiaticis coalitum moribus, ideoque levem. Denique digressus ad otium, adscitusque postea in palatium, semper sobrius, et in primis constans, ita fidem continentiamque virtutes coluit amplas, ut nec prodidisse aliquando arcanum, nisi tuendae causa alienae salutis, nec exarsisse cupidine plus habendi arcesseretur ut ceteri. Unde factum est, ut subinde Romam secedens, ibique fixo domicilio consenscens, comitem circumferens conscientiam bonam, colatur a cunctis ordinibus, et ametur; cum soleant id genus homines, post partas ex iniquitate divitias, latebras captare secretas, ut lucifugae vitantes multitudinis laesae conspectus. Cui spadonum veterum hunc comparare debeam, antiquitatem replicando compluries invenire non potui. Fuerunt enim apud veteres, licet oppido pauci, fideles et frugi, sed ob quaedam vitia maculosi: inter praecipua enim, quae eorum quisque studio possederat vel ingenio, aut rapax, aut feritate contemtior fuit, aut propensior ad laedendum, ³⁾ vel diligentibus nimium blandus, aut potentiae fastu superbior: ex omni latere autem ita peritum, neque legisse me, neque audisse confiteor, aetatis nostrae testimonio ⁹locupleti confisus. Verum, si forte scrupulosus quidam lector antiquitatum, Menophilum Mithridatis Pontici regis eunuchum nobis opponat, hoc monitu recordetur, nihil super eo relatum, praeter id solum, quod in supremo discrimine gloriole ¹⁰monstravit. Ingenti proelio superatus a Romanis et Pompeio rex praedictus, fugiensque ad regna Colchorum, ⁴⁾ adultam filiam nomine Drypetinam vexatam asperitate ⁵⁾ morborum in castello Synhorio huic Menophilo commissam reliquit: qui virginem

³⁾ Mf. vel ingendimus. ⁴⁾ al. avita, filiam nomine Direptin.
⁵⁾ 17 Mf. margine locorum.

omni remediorum solatio plene curatam patri tutissime servans, cum a Manlio Prisco Imperatoris legato munimentum, quo clauderetur, obsideri coepisset, defensoresque eius deditionem ⁶⁾ meditari sentiret: veritus, ne parentis opprobrio ⁷⁾ puella nobilis captiva superesset et violata, interfecta illa mox gladium in viscera sua compegit. Nunc redeam, unde diverti.

VIII. Superato (ut dixi) Marcello, ¹⁾ reversoque Serdicam, unde oriebatur, in castris Augusti per simulationem tuendae maiestatis imperatoriae multa et nefanda ²⁾ perpetrabantur. Nam, si quis ³⁾ super occentu soricis vel occurfu mustelae, vel similis signi gratia consulisset quemquam peritum, aut anile incantamentum ad leniendum adhibuisset dolorem, (quod medicinae quoque admittit auctoritas) reus, unde non poterat opinari, delatus, raptusque in iudicium, poenaliter interibat.

Per id tempus fer.....num, quemdam ³⁾ nomine Danum, terrore tenus uxor rerum levium ³⁾ incusarat; certum an incertum, insontem Rufinus subsidebat: (quo indicante quaedam cognita per Gaudentium agentem in rebus, consularem Pannoniae tunc Africanum, ⁴⁾ cum convivis retulimus interfectum) Adparitionis ⁵⁾ praefecturae praetorianae tum etiam princeps ob devotionem. Is, ut loquebatur iactantius, versabilem feminam post nefandum concubitum periculosam in fraudem illexit: suavitque confarcinatis mendaciis, laesae maiestatis arcessere maritum insontem, et fingere, quod velamen purpureum a Diocletiani sepulcro furatus, quibusdam consociis occultabat. Hisque ad mul-

6) *al.* meditatores. 7) *Mf.* puella nobilis. 1) *Mf.* reversoque Serdicanum. 2) *Mf.* perpetrabant. 3) *Mf.* incusarat certum an incertum undenotam Rufin. subseda, quo indicante. 4) *Mf.* cum conviviis retulissent effectum. *al.* cum retulissent praefectum. 5) *al.* Praefectura.

torum exitium ita formatis, ipse spe potiorum ad Imperatoris pervolat castra, excitaturus calumnias consuetas. Reque comperta iubetur Mavortius tunc praefectus praetorio, vir sublimis constantiae, crimen acri inquisitione spectare, iuncto ad audiendi societatem Ursulo largitionum comite, severitatem itidem non improbandae. Exaggerato itaque negotio ad arbitrium temporum, cum nihil post tormenta multorum inveniretur, iudicesque haerent ambigui: tandem veritas respiravit oppressa, et in abrupto necessitatis mulier Rufinum totius machinae confitetur auctorem, nec adulterii foeditate suppressa: statimque legibus contemplatis, prout poscebant ordo et iustitia, ambos sententia damnare vere letali. Quo cognito Constantius fremens, et tamquam vindicem salutis suae lugens extinctum, missis equitibus citis, Ursulum redire ad comitatum ⁶⁾ minaciter iussit. Et ille spretis qui prohibebant, perrupit intrepidus: ingressusque consistorium, ore et pectore libero docuit gesta: hacque fiducia linguis adulatorum occlusis, et praefectum et se discrimine gravi subtraxit.

8 Tunc illud apud Aquitanos evenit, quod latior fama vulgarat. Veterator quidam ad lautum convivium rogatus et mundum, qualia sunt in his regionibus plurima, cum vidisset linteorum toralium par, duos clavos ita latissimos, ut sibi vicissim arte ministrantium cohaerent, mensamque operimentis paribus tectam: anteriorem chlamydis partem utraque manu vehens, intrinsecus structuram omnem, ut amictus adornaverat principales, quaerens, patrimonium dives evertit. Malignitate simili quidam agens in rebus in Hispania, ad coenam itidem invitatus, cum inferentes vespertina lumina

6) *al.* minaciter posse resistere veritatis et tale spretis. *Steph.* minaciter iussit territatus spretis.

pueros exclamasse audisset ex usu, ⁷⁾ *Vincamus perun* sollemne interpretatus atrociter, delavit nobilem domum.

Haec taliaque ideo magis magisque crescebant, ¹⁰ quod Constantius impendio ⁸⁾ timidus, semper se ⁹⁾ feriri sperabat, ut Dionysius tyrannus ille Siciliae: qui ob hoc idem vitium et constrictores docuit filias, ne cui alieno ora committeret leviganda: aedemque brevem, ubi cubitare sueverat, alta circumdedit fossa, eamque ponte solubili superstravit: cuius disiectos asseres et axiculos secum in ¹⁰⁾ somnum abiens transferebat, eosdemque compaginabat lucis initio processurus. Inflabant itidem has malorum civilium buccinas potentes in regia, ea re, ut damnatorum petita bona suis adcorporarent, essetque materia per vicinitates eorum late grassandi. Namque, ut documenta liquida prodiderunt, proximorum ¹² fauces aperuit primus omnium Constantinus: sed eos medullis provinciarum saginavit Constantius. Sub hoc enim ordinum singulorum auctores infinita ¹³ cupidine divitiarum arserunt, sine iustitiae distinctione vel recti, inter ordinarios iudices Rufinus primus praefectus praetorio: et inter Militares equitum magister Arbetio, praepositusque ¹¹⁾ cubiculi Eusebius, et anus quaestor, et in urbe Anicii, quorum ad avorum aemulationem ¹²⁾ posteritas tendens, satiari numquam potuit cum possessione multo maiore.

IX. At Persae in Oriente per furta et latrocinia potius quam, ut solebant antea, per concursatorias pugnas, hominum praedas agitabant et pecorum:

7) Ms. Vincamus perun lemne interpretatum. *al.* Vincamus interpretatus. 8) Ms. timidus semper. 9) Ms. ferri. 10) Ms. in fontino. 11) *Al.* *et* Eusebius deest. Ms. vero ita habet: Praepositusque Cubiculi Eusebius lapsus anus Quaestor, et in urbe Aniciique vorum aemulationem. 12) Ms. posteritas.

quis nonnumquam ¹⁾ lucrabantur ut repentini; aliquoties superati multitudine militum amittebant; interdum nihil prospicere prorsus, quod poterat ² rapi, ²⁾ permittebantur. Mulonianus tamen praefectus praetorio, multis (ut ante diximus) bonis artibus eruditus, sed venalis, et flecti a veritate pecunia facilis, per emissarios quosdam fallendi perstringendique ³⁾ gnaros, Persarum ⁴⁾ sciscitabatur consilia, adsumpto in deliberationes huiusmodi Cassiano Mesopotamiae duce, stipendiis et discriminibus indurato diversis. Qui cum fide concinente speculatorum aperte cognosset, Saporem in extremis regni limitibus suorum sanguine fuso multiplici aegre propulsare gentes infestas; Tamsaporem ducem parti nostrae contiguum, occultis per ignotos milites tentavere colloquiis, ut, si copiam fors dedisset, suaderet regi per litteras pacem tandem aliquando cum principe Romano firmare, ut hoc facto, latere ab omni securus, perduelles ⁵⁾ ad-
⁴ volaret adfidos. Paruit Tamsapor, hisque fretus refert ad regem, quod bellis ⁶⁾ acerrimis Constantius implicatus, pacem postulat precativam. Dumque ad ⁷⁾ Chionitas et Eufenos haec scripta mittuntur, in quorum confiniis agebat hiemem Sapor, tempus ⁸⁾ interstitit longum.

X. Haec dum per Eoas partes et Gallias pro captu temporum disponuntur, ¹⁾ Constantius, tamquam recluso Iani templo, stratisque hostibus cunctis, Romam visere gestiebat, post Magnentii exitium absque nomine ex sanguine Romano triumphaturus. Nec enim gentem ullam bella cientem per se superavit, aut victam fortitudine suorum comperit ducum, vel addidit quaedam imperio,

¹⁾ Ms. lucrabatur. ²⁾ Ms. percutiebantur. ³⁾ Ms. gnarus. ⁴⁾ Ms. sciscitabatur. ⁵⁾ Ms. advolaret. ⁶⁾ acerrimis. ⁷⁾ Ms. Chionitas et Eufenos. ⁸⁾ Ms. interstitit. ¹⁾ Ms. Constantius quam recluso.

aut usquam in necessitatibus summis primus, vel inter primos est visus: sed ut pompam nimis extensam, rigentiaque auro vexilla, et pulcritudinem stipatorum ostenderet agendi tranquillius populo, haec vel simile quidquam videre nec speranti umquam nec optanti. Ignorans fortasse, quosdam³ veterum principum in pace quidem lictoribus fuisse contentos: ubi vero proeliorum ardor nihil perpeti poterat segne, alium anhelante²) rabido flatu ventorum lenunculo se commisisse piscantis, alium ad Deciorum exempla vovisse pro Rep. spiritum, alium hostilia castra per semetipsum cum militibus infimis explorasse: ³) diversos denique actibus inclaruisse magnificis, ut gloriosas suas res ⁴) posteritati celebri memoria commendarent.

Ut igitur multa quaeque consumpta sunt in ⁴) adparatu secunda Orfiti praefectura, transcurso Oriculo, elatus honoribus magnis, stipatusque agminibus formidandis, tamquam acie ducebatur instructa, omnium oculis in eo contuitu pertinaci intentis. Cumque urbi propinquaret, ⁵ senatus officia, reverendasque patriciae stirpis effigies ore sereno contemplanus, non ut Cineas ille Pyrrhi legatus in unum coactam multitudinem regum, sed asylum mundi totius adesse existimabat. Unde cum se vertisset ad plebem, stupebat, quae ⁶ celeritate omne, quod ubique est, hominum genus confluxerit Romam: et tamquam Euphratem armorum specie territurus aut Rhenum, altrinsecus prae-euntibus signis, infidebat aureo solus ipse carpento, fulgenti claritudine lapidum variorum: quo micante, lux quaedam misceri videbatur ⁶) alterna. Eumque post antegressos multiplices alios, purpu- ⁷

2) *al.* avido flatu. 3) *al.* diversis. 4) *Ms.* posteritatis. 5) *apparatu* secunda. 6) *Ms.* alternaeumque post tantae.

reis subteminibus texti circumdedere dracones, hastarum aureis gemmatisque summitatibus illigati, hiatu vasto perflabiles, et ideo velut ira perciti sibilantes, caudarumque volumina relinquentes in ventum. Et incedebat hincinde ordo geminus armatorum, clypeatus atque cristatus, corusco lumine radians, nitidis loriceis indutus; sparsique catafracti equites, quos clibanarios dictitant ⁷⁾ Persae, thoracum muniti tegminibus, et limbis ferreis cincti, ut Praxitelis manu polita crederes simulacra, non viros: quos laminarum circuli tenues apti corporis flexibus ambiebant, per omnia membra deducti: ut, quocumque artus necessitas commovisset, vestitus congrueret iunctura cohaerenter aptata. ⁹ Augustus itaque faustis vocibus ⁸⁾ adpellatus, montium litorumque intonante fragore cohorruit, talem se tamque immobilem, qualis in provinciis suis vivebatur, ostendens. Nam et corpus perhumile curvabat portas ingrediens cellas, et velut collo munito rectam aciem luminum tendens, nec dextra vultum, nec laeva flectebat; tamquam figmentum hominis: non, cum rota concuteret, nutans, nec spuens, aut os aut nasum tergens vel fricans, ¹¹ numve agitans visus est umquam. Quae licet adfectabat, erant tamen haec et alia quaedam in ⁹⁾ ceteriore vita patientiae non mediocris indicia, ut ¹² existimari dabatur, uni illi concessae. Quod autem per omne tempus imperii, nec in confessum vehiculi quemquam suscepit, nec in trabea socium privatum adscivit, ut fecere principes ¹⁰⁾ consecrati, et similia multa, ¹¹⁾ quae elatus in arduum supercilium tamquam leges aequissimas observavit, praetereo, memor, ea me retulisse, cum incidissent.

7) Ms. personati. 8) appellatus otium. 9) al. cetera vita. 10) Ms. consecrati. 11) τὸ quae Ms. deest.

Proinde Romam ingressus, imperii virtutumque ¹³
 omnium larem, cum venisset ad Rostra, perspectis-
 simum priscae potentiae forum, obstupuit: perque
 omne latus, quo se oculi contulissent, miraculorum
 densitate praestriatus, adloquutus nobilitatem in
 curia, populumque e tribunali, in palatium rece-
 ptus favore multiplici, laetitia fruebatur optata:
 et saepe, cum equestres ederet ludos, dicacitate
 plebis oblectabatur, nec superbae, nec a libertate
 coalita desciscientis, reverenter modum ipse quoque
 debitum servans. Non enim, ut per civitates alias, ¹⁴
 ad arbitrium suum certamina finire patiebatur: sed
 ut mos est, variis casibus permittebat. Deinde
 intra septem montium culmina, per acclivitates pla-
 nitiamque posita urbis membra collustrans et subur-
 bana, quidquid viderat primum, id eminere inter
 alia cuncta sperabat: Iovis Tarpei delubra, quan-
 tum terrenis divina praecellunt: lavacra in modum
 provinciarum exstructa: amphitheatri molem soli-
 datam lapidis Tiburtini compage, ad cuius summi-
 tatem aegre visio humana conscendit: Pantheum,
 velut regionem teretem speciosa celsitudine fornica-
 tam; elatosque ¹²⁾ vertices, qui scanfili ¹³⁾ suggestu
¹⁴⁾ consurgunt, priorum principum imitamenta por-
 tantes, et Urbis templum, forumque Pacis, et
 Pompeii theatrum, et odeum, et stadium, aliaque
 inter haec decora urbis aeternae. Verum, cum ad ¹⁵
 Traiani forum venisset, singularem sub omni caelo
 structuram, ut opinamur, etiam numinum adsen-
 sione mirabilem, haerebat attonitus, per giganteos
 contextus circumferens mentem, nec relatu effabi-
 les, nec rursus mortalibus adpetendos. Omni ita-
 que spe huiusmodi quidpiam conandi depulsa,
 Traiani equum solum locatum in atrii medio, qui

¹²⁾ *al.* vertice scanf. *Mf.* vertice cassili. ¹³⁾ *al.* suggestus.
¹⁴⁾ *Mf.* consurgunt.

ipsum principem vehit, imitari se velle dicebat, et
 16 posse. Cui prope adstans regalis Hormisda, cuius
 e Perfide discellum supra monstravimus, respondit
 15) gestu gentili: *Ante, inquit, Imperator, stabulum
 tale condi iubeto, si vales: equus, quem fabricare
 disponis, ita late succedat, ut iste, quem videmus.*
 Is ipse interrogatus, quid de Roma sentiret, *Id
 tantum sibi placuisse*, aiebat, *quod didicisset ibi*
 17 *quoque homines mori.* Multis igitur cum stupore
 visis horrendo, 16) Imperator de fama querebatur
 ut invalida vel maligna, quod augens omnia sem-
 per in maius, erga haec explicanda, quae Romae
 sunt, obsolescit: deliberansque diu, quid ageret,
 urbis addere statuit ornamentis, ut in maximo circo
 erigeret obeliscum, cuius originem formamque lo-
 co 17) competenti monstrabo.

18 Inter haec Helenae sorori Constantii, Iuliani
 coniugi Caesaris, Romam adfectionis specie ductae,
 regina tunc infidiabatur Eusebia, ipsa, quoad vixe-
 rat, sterilis: quaesitumque venenum bibere per
 fraudem illexit, ut quotiescumque concepisset, im-
 19 maturum abiiceret partum. Nam et pridem in
 Galliis, cum marem genuisset infantem, hoc per-
 didit dolo, quod obstetrix corrupta mercede, mox
 natum, praefecto plusquam convenerat umbilico,
 necavit: tanta tamque diligens opera navabatur, ne
 fortissimi viri soboles adpareret.

20 Cupiens itaque augustissima omnium sede mora-
 ri diutius Imperator, ut otio puriore frueretur et
 voluptate, adfiduis nuntiis terrebatur et certis, in-
 dicantibus Suevos Raetias incurfare, Quadosque
 Valeriam, et Sarmatas, latrocinandi peritissimum
 genus, superiorem Moesiam et secundam populari
 Pannoniam: quibus percitus, tricesimo, postquam

15) Ms. augustu gentili. 16) Ms. Imperatori fama. 17) Ms.
 competenti.

ingressus est, die, iv. Kal. Iunias ab urbe profectus, per Tridentum iter in Illyricum festinavit. Unde²¹ misso in locum Marcelli Severo, bellorum usu et maturitate firmato, Urscinum ad se venire praecepit. Et ille, litteris gratanter acceptis, Sirmium venit, comitantibus sociis: libratisque diu super pace consiliis, quam fundari posse cum Persis Musonianus retulerat, in Orientem cum magisterii remittitur potestate: proVectis e consortio nostro ad regendos milites natu maioribus, adulescentes eum sequi iubemur, quidquid pro Rep. mandaverit impleri.

(A. C. 357.)

XI. At Caesar, exacta apud Senonas hieme¹ turbulenta, Augusto novies, seque iterum Coss. Germanicis undique circumfremmentibus minis, secundis ominibus motus, Remos properavit, alacrior magisque laetus, quod exercitum regebat Severus, nec discors, nec arrogans, sed longa militiae frugalitate compertus, et eum recta prae²euntem sequuturus, ut ductorem morigerus miles. Parte alia² Barbatio post Silvani interitum promotus ad peditem magisterium, ex Italia iussu principis cum xxv. millibus armatorum Bauracos venit. Cogitatum³ est enim, solliciteque praestructum, ut saevientes ultra solitum Alamanni, vagantesque fusius, multitudine geminata nostrorum, forcipis specie trusi in angustias caederentur. Dum haec tamen rite⁴ disposita celerantur, Laeti barbari ad tempestitiva furta sollertes, inter utriusque exercitus castra occulte transgressi, invasere Lugdunum incautam: eamque populatam nisu valido concremassent, ni clausis aditibus percussi, quidquid extra oppidum potuit inveniri, vastassent. Qua clade cognita,⁵ agili studio Caesar missis cuneis tribus equitum expeditorum et fortium, tria observavit itinera, sciens

per ea erupturos proculdubio grassatores: ¹⁾ nec cognatus irritus fuit. Cunctis enim, qui per eos trames exiere truncatis, receptaque praeda omni intacta, hi soli innoxii absoluti sunt, qui per vallum Barbationis transiere securi: ideo labi permissi, quod Bainobaudes tribunus et Valentinianus postea Imperator, cum equestribus turmis quas regebant, ad exsequendum id ordinati, a Cella tribuno scutariorum, qui Barbationi sociatus venerat ad procinctum, iter observare sunt vetiti, unde redituros didicere Germanos. Quo non contentus magister peditum ignavus, et gloriarum Iuliani pervicax obtrektor, sciens, se id contra utilitatem Romanam iussisse (hoc enim cum argueretur, Cella confessus est) relatione fefellit Constantium: finxitque, hos eosdem tribunos ad sollicitandos milites, quos duxerat, per speciem venisse negotii publici: qua causa, abrogata potestate ad lares rediere privati.

8 Iisdem diebus exercituum adventu perterriti barbari, qui domicilia fixere cis Rhenum, partim difficiles vias, et suapte natura clivosas ²⁾ concaedibus clausere sollerter, arboribus immensi roboris caesis: alii occupatis insulis sparsis crebro per flumen Rhenum, ululantes lugubre conviciis et Romanos incessebant et Caesarem: qui graviore motu animi percitus, ad corripiendos aliquos, septem a Barbatione petierat naves, ex his, quas, velut transiturus amnem, ad compaginandos paraverat pontes: qui, ne quid per eum impetraretur, omnes incendit. 9 Doctus denique exploratorum delatione recens captorum, aellate iam torrida fluvium vado posse transiri, hortatus auxiliares velites cum Bainobaude Cornutorum tribuno misit, facinus memorabile, si iuvisset fors, patratu-
inceden-

1) Ms. neco a nanti irritus fuit. 2) Ms. concaedibus.

incedendo per brevia, aliquoties scutis in modum alveorum suppositis nando ad insulam venire propinquam: egressique promiscue ³⁾ virile et muliebre secus, sine aetatis ullo discrimine, trucidabant ut pecudes: nactique vacuas lintres, per eas licet vacillantes evecti, huiusmodi loca plurima perruperunt: et ubi caedendi satietas cepit, opimitate praedarum onusti, cuius partem vi fluminis amiserunt, redire omnes incolumes. Hocque comperto reli-¹⁰ dui Germani, ut infido praesidio insularum relicto, ad ulteriora necessitudines et fruges opesque barbaricas contulerunt. Conversus hinc Iulianus ad re-¹¹ parandas Tres-tabernas, munimentum ita cognominatum, haud ita dudum obstinatione subversum hostili (quo aedificatio constabat ad intima Galliarum, ut consueverant, adire Germanos arceri) et opus spe celerius consummavit, et victum defensoribus ibi locandis ex barbaricis messibus, non sine discriminis metu collectum militis manu, condidit in usus anni totius. Nec sane hoc solo contentus,¹² sibi quoque viginti dierum alimenta parata collegit. Libentius enim bellatores quaesito dextris propriis utebantur, admodum indignati, quoniam ex com-
meatu, qui eis recens advectus est, ideo nihil sumere potuerunt, quod partem eius Barbatio, cum transiret iuxta, superbe praesumpsit: residuum, quod superfuit, congestum in acervum exussit: quae utrum ut vanus gerebat et demens, an ⁴⁾ mandatu principis confidenter nefanda multi tentabant, usque in id temporis latuit. Illud tamen rumore¹³ tenus ubique iactabatur, quod Iulianus non levaturus incommoda Galliarum electus est, sed ut possit per bella deleri saevissima: rudis etiam tum, ut existimabatur, ac ne sonitum quidem duraturus

3) *scilicet* virilis et muliebris sexus. 4) *Ms.* mandatu.

14 armorum. Dum castrorum opera mature confurgunt, militisque pars stationes praetendit agrarias, alias frumenta insidiarum metu colligit caute: multitudo barbarica rumorem nimia velocitate praeverfa, Barbationem cum exercitu, quem regebat (⁵) ut praedictum est) Gallico vallo discretum, impetu repentino adgressa, sequensque fugientes adusque Rauracos, et ultra quoad potuit, rapta sarcinarum et iumentorum cum calonibus parte maxima, redit

15 ad suos. Et ille, tanquam expeditione eventu prospero terminata, milite disperso per stationes hibernas, ad comitatum Imperatoris revertit, crimen compositurus in Caesarem, ⁶) ut solebat.

1 XII. Quo dispalato foedo terrore, Alamannorum reges Chnodomarius et Vestralpus, Urius quinetiam et Urlicinus cum Serapione et Suomario et Hortario, in unum robore virium suarum omni ¹) collecto, confedere prope urbem Argentoratum, extrema metuentem Caesarem arbitrati retrocessisse, cum ille ²) tum etiam perficiendi munimenti studio
2 stringeretur. Erexit autem confidentiam caput altius ³) adtollentium scutarius perfuga: qui commissi criminis metuens poenam, transgressus ad eos post ducis fugati discessum, armatorum tredecim millia tantum remansisse cum Iuliano docebat: is enim numerus eum sequebatur, barbara feritate certaminum
3 rabiem undique concitante. Cuius adseveratione eadem subinde replicantis, ad maiora stimulati fiducia, missis legatis satis pro imperio Caesari mandaverunt, ut terris abscederet virtute sibi quaesitis et ferro: qui ignarus pavendi, nec ira nec dolore perculsus, sed fastus barbaricos ridens, ⁴) detentis

5) *al.* ut dictum. 6) haec in *Ms.* desunt. 1) collecto belli, cumque foedere confedere prope. 2) *ro tum* *al.* deest. 3) *al.* adtollentem. 4) *al.* vetentis.

legatis adusque perfectum opus castrorum, in eodem gradu constantiae stetit immobilis.

Agitabat autem miscebatque omnia sine modo,⁴ ubique sese diffunditans, et princeps audendi periculosa rex Chnodomarius, ardua subrigens supercilia, ut saepe secundis rebus elatus. Nam et De-⁵centium Caesarem superavit aequo Marte congressus, et civitates erutas multas vastavit et opulentas, licentiusque diu nullo refragante Gallias persultavit. Ad cuius roborandam fiduciam recebs quoque fuga ducis accessit, numero praestantis et viribus. Ala-⁶manni enim scutorum insignia contuentes, norant eos milites permisisse paucis suorum latronibus terram, quorum metu aliquoties cum gradum conferrent, amissis pluribus abiire dispersi. Quae anxie ferebat sollicitus Caesar, quod trudente ipsa necessitate⁵) digresso periculis, cum paucis licet fortibus, populosis gentibus occurrere cogeatur.

Iamque solis radiis rutilantibus, tubarumque⁷ concinente clangore, pedestres copiae lentis incessibus educuntur, earumque lateri equestres coniunctae sunt turmae, inter quas⁶) cataphractarii erant et sagittarii, formidabile genus armorum. Et quo-⁸niam a loco, unde Romana promota sunt signa, adusque vallum barbaricum quarta leuga signabatur et decima, id est, unum et viginti millia passuum: utilitati securitatisque recte consulens Caesar, revocatis⁷) praecursoribus iam antegressis, indictaque solitis vocibus quiete, cuneatim circumfidentes adloquitur genuina placiditate sermonis:

Urget ratio salutis tuendae communis, ut par-⁹cissime dicam, non iacentis animi Caesarem hortari vos et orare, commilitones mei, ut adulta robustaque virtute confisi, cautiorem viam potius eligamus

G 2

⁵) Ms. digressa. ⁶) al. cataphracti. ⁷) Ms. praecursoribus.

ad toleranda vel depellenda quae sperantur, ⁸⁾ non
¹⁰ praeproperam et ancipitem. Ut enim in periculis
⁹⁾ iuventutem impigram esse convenit et audacem;
 ita, cum res postulat, regibilem et consultam.
¹⁰⁾ Quod igitur censeo, si arbitrium adfuerit ve-
 strum, iustaque sustinet indignatio, paucis absol-
¹¹ vam. Iam dies in meridiem vergit; lassitudine nos
 itineris fatigatos scrupulosi tramites excipient et ob-
 scuri; nox senescente luna nullis sideribus adiuvan-
 da; terrae protinus aestu flagrant, nullis aqua-
 rum subsidiis fultae: ¹¹⁾ quae si dederit quisquam
 commode posse transiri, ruentibus hostium exami-
 nibus post otium cibique refectionem et potus, quid
 nos agimus? quo vigore, inedia, siti, laboreque,
¹² membris marcentibus occurramus? Ergo, quo-
 niam negotiis difficillimis saepe dispositio tempestita
 prospexit, et statum nutantium rerum recto consilio
 in bonam partem accepto, aliquoties divina remedia
 repararunt, hic quaeso vallo fossaque circumdati,
 divisus vigiliis quiescamus, somnoque et victu con-
 gruis ¹²⁾ potiti pro tempore, pace dei sit dictum,
 triumphaturas aquilas et vexilla victricia primo
 lucis moveamus exordio.

¹³ Nec finire perpepsi quae dicebantur, stridore
 dentium infrendentes, ardoremque pugnandi hastis
 illidendo scuta monstrantes, in hostem se duci iam
 conspicuum exorabant, caelitis dei favore, fiducia-
 que sui, et fortunati rectoris expertis virtutibus
 freti: atque ut exitus docuit, salutaris quidam Ge-
 nius praesens ad dimicandum eos, dum adesse po-
¹⁴ tuit, incitabat. Accessit huic alacritati plenus cel-
 sarum potestatum adensus, maximeque Florentii
 praefecti praetorio, periculose quidem, sed ratione
 secunda, pugnandum esse ¹³⁾ censentis, dum insta-

8) Ms. non praep. 9) al. virtutem. 10) Ms. id. 11) Ms. quas
 si. 12) al. potiri. 13) al. consentientibus.

rent barbari conglobati: qui si ¹⁴⁾ diffluxissent, motum militis in seditiones nativo calore propensioris ferri non posse aiebat, extortam sibi victoriam, ut putavit, non sine ultimorum conatu graviter toleraturi. Addiderat autem fiduciam nostris considera-¹⁵ tio gemina: recordantibus, quod anno nuper emenso Romanis per transrhenana spatia fusius volitantibus, nec visus est quisquam lares sui defensor, nec obviis stetit: sed concaede arborum densa undique semitis clausis, fidere urente brumali, aegre vixere barbari longius amandati: quodque Imperatore terras eorum ingresso, nec resistere ausi, nec adparere, pacem impetraverunt suppliciter obsecrantes. Sed nullus mutata rationem temporis¹⁶ advertibat, quod tunc tripertito exitio premebantur: Imperatore urgente per Raetias, Caesare proximo nusquam elabi permittente, finitimis, quos hostes fecere discordiae, modo non occipitia conculcantibus hinc indeque cinctorum. Postea vero pace data, discesserat Imperator: et sedata iurgiorum materia, vicinae gentes iam concordabant: et turpissimus ducis Romani digressus ferociam natura conceptam auxit in maius. Alio itidem modo res¹⁷ est adgravata Romana ex negotio tali. ¹⁵⁾ Regii duo fratres vinculo pacis adstricti, quam anno praeterito impetraverant a Constantio, nec tumultuare, nec commoveri sunt ausi. Sed paullo postea uno ex his Gundomado, qui potior erat fideique firmioris, per insidias interempto, omnis eius populus cum nostris hostibus conspiravit: et confestim Vadamarii ¹⁶⁾ plebs, ut adferebat, agminibus bella cientium barbarorum sese coniunxit.

Cunctis igitur summis infimisque adprobanti-¹⁸ bus, tunc opportune congregiendum, nec de rigore

¹⁴⁾ *al.* deflexissent. ¹⁵⁾ *Mf.* Resi duo. ¹⁶⁾ *Mf.* plebs
 ut adferebat.

animorum quidquam remittentibus, exclamavit subito signifer: *Perge, felicissime omnium Caesar, quo te fortuna prosperior ducit: tandem per te virtutem et consilia militare sentimus. I praevius ut faustus antesignanus et fortis: experieris, quid miles sub conspectu bellicosi ductoris, testisque individui gerendorum, modo adsit superum numen, iis rebus*
 19 *efficiet excitatus.* His auditis, cum nullae laxarentur indutiae, promotus exercitus prope collem advenit molliter editum, opertum segetibus iam maturis, a superciliis Rheni haud longo intervallo distantem: e cuius summitate speculatores hostium tres equites exciti, subito nuntiaturi Romanum exercitum adventare, festinarunt ad suos: unus vero pedes, qui sequi non potuit, captus agilitate nostrorum indicavit, per triduum et trinoctium flumen transisse Germanos. Quos cum iam prope densantes semet in cuneos nostrorum conspexere ductores, steterunt vestigiis fixis, antepilanis hastatisque et ordinum primis velut insolubili muro fundatis: et pari cautela hostes fletere cunctati. Cumque ita, ut antedictus docuerat perfuga, equitatum omnem a dextro latere sibi ¹⁷⁾ vidissent oppositum, quidquid apud eos per equestres copias praepollebat, in laevo cornu locavere confertum. Iisdemque sparsim pedites miscuere discursatores et leves,
 22 profecto ratione tuta poscente. Norant enim, licet prudentem ex equo bellatorem cum clibanario nostro congressum, frena retinentem et scutum, hasta una manu vibrata, tegminibus ferreis abscondito bellatori nocere non posse: peditem vero inter ipsos discriminum vertices, cum nihil caveri solet praeter id, quod occurrit, ¹⁸⁾ humi occulte reptantem, latere forato iumentum, incautum rectorem praecipitem agere, levi negotio trucidandum. Hoc
 23

¹⁷⁾ Ms. vidissent. ¹⁸⁾ humiliter occulto.

itaque disposito, dextrum sui latus struxere claudis infidiis et obscuris. Ductabant autem populos omnes pugnaces et saevos Chnodomarius et Serapio, potestate excelsiores ante alios reges. Et²⁴ Chnodomarius quidem nefarius ¹⁹⁾ belli totius incensor, cuius vertici flammeus torulus aptabatur, anteibat cornu sinistrum audax et fidens ingenti robore lacertorum, ubi ardor proelii sperabatur immanis, equo spumante sublimior, erectus in iaculum formidandae vastitatis, armorumque nitore conspicuus, antea strenuus et miles, et utilis praeter ceteros ductor. Latus vero dextrum Serapio²⁵ agebat, etiamtum adultae lanuginis iuvenis, efficacia praecurrens aetatem: Mederichi fratris Chnodomarii filius, hominis, quoad vixerat, perfidissimi: ideo sic adpellatus, quod pater eius diu obsidatus pignore tentus in Galliis, doctusque Graeca quaedam arcana, hunc filium suum Agenarichum genitalem vocabulo dictitatum, ad Serapionis traustulit nomen. Hos sequebantur potestate proximi reges²⁶ numero quinque, regalesque decem, et optimatum series magna, ²⁰⁾ armorumque millia triginta et quinque, ex variis nationibus partim mercede, partim pacto vicissitudinis reddendae quaesita.

Iamque torum ²¹⁾ concrepantibus tubis, Severus²⁷ dux Rom. aciem dirigens laevam, cum prope fossas armorum refertas venisset, unde dispositum erat ut abditae repente exorti cuncta turbarent, stetit impavidus: suspectiorque de obscuris, nec referre gradum, nec ulterius ire tentavit. Quo viso, animosus²⁸ contra labores maximos Caesar, ducentis equitibus saeptus, ²²⁾ ut ardor negotii flagitabat, agmina peditum impetu veloci discurrens verbis hortabatur. Et cum adloqui pariter omnes, nec²⁹

19) Ms. boni. 20) το que deest al. 21) Ms. concrepantibus.
22) το ut deest al.

- longitudo spatiorum extenta, nec in unum coactae multitudinis permetteret crebritas (et alioquin vitabat gravioris invidiae pondus, ne videretur id adfectasse, quod sibi soli deberi Augustus existimabat) cautior sui, hostium tela praetervolans, his et similibus notos pariter et ignotos ad faciendum
- 30 ²³⁾ fortiter accendebat: *Advenit, o socii, iustum pugnandi iam tempus, olim exoptatum mihi vobiscum: quod antehac arcessentes, arma inquietis motibus poscebatis.* Item cum ad alios postsignanos in acie locatos extrema venisset: *En, inquit, commilitones, diu speratus praesto est dies, compellens nos omnes* ²⁴⁾ *elutis pristinis maculis Romanae maiestati reddere proprium decus. Hi sunt barbari, quos rabies et immodicus furor ad perniciem rerum suarum coegit occurrere, nostris viribus opprimen-*
- 32 *dos.* Alios itidem bellandi usu diutino callentes aptius ordinans, his exhortationibus adiuwabatur: *Exsurgamus viri fortes; propellamus fortitudine congrua illisa nostris partibus probra: quae contemplans, Caesaris nomen cunctando suscepi.*
- 33 Quoscumque autem pugnae signum inconsulte poscentes, rupturosque imperium irrequietis motibus ²⁵⁾ praevideret: *Quaeso, inquit, ne hostes vertendos in fugam sequentes avidius, futurae victoriae gloriam violetis, neu quis ante necessitatem ultimam cedat. Nam fugituros proculdubio deferam: hostium terga caesuris adero indiscretus, si hoc perisatione moderata fiat et cauta.*
- 34 Haec aliaque in eundem modum saepius replicando, maiorem exercitus partem primae barbarorum opposuit fronti: et subito Alamannorum pedum fremitus indignationi missus auditus est, unanimi conspiratione vociferantium, relictis equis secum oportere versari regales: ne, si quid conti-

23) *et fortiter* doest al. 24) Ms. *elutis*. 25) Ms. *pervideret*.

gisset adversum, deserta miserabili plebe facilem discedendi copiam reperirent. Hoc comperto, 35 Chnodomarius iumento ²⁶⁾ statim defiluit, et secuti eum residui idem facere nihil morati: nec enim eorum quisquam ambigebat partem suam fore victricem.

Dato igitur ahenatorum accentu sollemniter 36 signo, ad pugnandum utrimque magnis concursus est viribus. Propilabantur missilia, et properantes cito quam considerato cursu Germani, telaque dextris explicantes, involavere nostrorum equitum turmas, frendentes immania: eorumque ultra solitum saevientium comae fluentes horrebant, et elucebat quidam ex oculis furor: quos contra pertinax miles scutorum obicibus vertices tegens, eiectansque gladios, vel tela conerispans mortem minitanti perterrebat. Cumque in ipso proeliorum arti- 37 culo eques se fortiter conturmaret, et muniret latera sua firmiter pedes, frontem artificissimis conserens parmis: erigebantur crassi pulveris nubes, variique fuere discursus, nunc resistentibus, nunc cedentibus nostris: et obnixa genibus quidam barbari peritissimi bellatores hostem propellere laborabant: sed destinatione nimia dexterarum dexteris miscebantur, et umbo trudebat umbonem: caelumque exsultantium cadentiumque resonabat a vocibus magnis: et cum cornu sinistrum altius gradiens, urgentium tot agmina Germanorum vi nimia pepulisset, iretque in barbaros fremens, equites nostri cornu tenentes dextrum, praeter spem incondite discesserunt: dumque primi fugientium postremos impediunt, gremio legionum protecti, fixerunt integrato proelio gradum. Hoc autem exinde acciderat, quod, 38 dum ordinum restituitur series, cataphracti equites viso rectore suo leviter vulnerato, et consorte quo-

26) Ms. statim.

dam per cervicem equi labentis pondere armorum oppresso, dilapsi qua quisque poterat, peditesque calcando cuncta turbassent, ni conferti illi sibi vicissim innixi stetissent immobiles. Igitur, cum equites nihil praeter fugae circumspectantes praesidia, vidisset longius Caesar, concito equo eos
 39 velut repagulum quoddam cohibuit. Quo agnito per purpureum signum Draconis, summitati hastae longioris aptatum, velut senectutis ²⁷⁾ pandentis exuvias, stetit unius turmae tribunus, et pallore ²⁸⁾ timoreque perculsus, ad aciem integrandam re-
 40 currit. Utque in rebus amat fieri dubiis, eosdem lenius increpans Caesar: Quo, inquit, cedimus, viri fortissimi? an ignoratis fugam, quae salutem numquam reperit, irriti conatus stultitiam indicare? redeamus ad nostros, saltem gloriae futuri participes, si eos pro Republica dimicantes non relinqui-
 41 mus inconsulte. Haec reverenter dicendo, reduxit omnes ad munia subeunda bellandi, imitatus ²⁹⁾ salva differentia veterem Sullam: qui, cum contra Archelaum Mithridatis ducem educta acie proelio fatigabatur ardenti, relictus a militibus cunctis, cucurrit in ordinem primum; raptoque et coniecto vexillo in partem hostilem, *Ite*, dixerat, *socii periculorum electi, et scitantes ubi relictus* ³⁰⁾ *sim Imperator, respondete nihil fallentes, solus in Boeotia pro omnibus nobis cum dispendio sanguinis sui decernens.*

42 Proinde Alamanni, pulsos disiectisque equitibus nostris, primam aciem peditum incesserunt, eam
 43 abiecta resistendi animositate pulsuri. Sed postquam comminus ventum est, pugnabatur paribus diu momentis. Cornuti enim et ³¹⁾ Braccati, usu proeliorum diuturno firmati, eos iam gestu terren-

27) Mf. pandentis. 28) Mf. timoreque. 29) *et salva differentia* al. desunt. 30) M. sim. 31) al. Brachati. M. Brachati.

tes, barritum civere vel maximum: qui clamor ipso
 feryore certaminum a tenui susurro exoriens, paul-
 latimque adulescens, ritu extollitur fluctuum cauti-
 bus illisforum: iaculorum deinde stridentium cre-
 britate hincinde convolante, pulvis aequali motu
 adsurgens, et prospectum eripiens, arma armis,
 corpora corporibus obtrudebat. Sed violentia ira-44
 que incompositi barbari in modum exarsere flamma-
 rum, nexamque scutorum compagem, quae nostros
 in modum testudinis tuebatur, scindebant ictibus
 gladiatorum assiduus. Quo cognito, opitulatum con-45
 turmalibus suis celeri cursu Batavi venire cum regi-
 bus (formidabilis manus, extremae necessitatis arti-
 culo circumventos, si iuvisset fors, ereptura) tor-
 rumque canentibus classicis, adultis viribus certa-
 batur. Verum Alamanni bellum acriter ineuntes,46
 altius anhelabant, velut quodam furoris adfectu
 opposita omnia deleturi. Spicula tamen ³²⁾ veruta-
 que missilia non cessabant, ferrataeque arundines
 fundebantur: quamquam ³³⁾ etiam comminus mu-
 cro feriebat contra mucronem, et loricae gladiis
 findebantur, et vulnerati nondum effuso cruore,
 ad audendum ³⁴⁾ exertius consurgebant. Pares47
 enim quodammodo coivere cum paribus, Alamanni
 robusti et celsiores; milites usu nimio dociles: illi
 feri et turbidi; hi quieti et cauti: animis isti fiden-
 tes; grandissimis illi corporibus freti. Resurgebat48
 tamen aliquoties armorum pondere pulsus loco Ro-
 manus: lassatisque ³⁵⁾ impressus genibus, laeyum
 reflectens poplitem barbarus subsidebat, hostem
 ultro laceffens: quod indicium est obstinationis ex-
 tremae. Exsiluit itaque subito ardens optimatum49
 globus, inter quos decernebant et reges, et sequen-
 te vulgo ante alios agmina nostrorum irrupit, et

³²⁾ verrutaeque. ³³⁾ Ms. enim. ³⁴⁾ Ms. exercitus. ³⁵⁾ Ms. impressis.

iter sibi ³⁶⁾ aperiendo adusque primanorum legio-
 nem pervenit, locatam in medio (quae confirmatio
 Castra praetoria dicitur) ubi densior et ordinibus
 frequens miles, instar turrium fixa firmitate con-
 sistens, proelium maiore spiritu repetivit: et vul-
 neribus declinandis intentus, sequi in modum mir-
 millonis operiens, hostium latera, quae nudabat
 50 ira flagrantior, districtis gladiis perforabat. At illi
 prodigere vitam pro victoria contendentes, tenta-
 bant agminis nostri laxare compagem. Sed con-
 tinuata serie peremptorum, quos Romanus iam
 fidencior stravit, succedebant barbari superstites
 interfectis: auditoque occumbentium gemitu cre-
 51 bro, pavore perfusi torpebant. Fessi denique tot
 aerumnis, et ad solam deinceps strenui fugam, per
 diversos tramites tota celeritate egredi festinabant:
 ut e mediis saevientis pelagi fluctibus, quocumque
 avexerit ventus, eiici nautici properant et vectores:
 quod voti magis quam spei fuisse, fatebitur quilibet
 52 tunc praesens. ³⁷⁾ Aderatque propitiati numinis
 arbitrium clemens: et secans terga cedentium miles,
 cum interdum flexis ensibus feriendi non suppete-
 rent instrumenta, ipsis barbaris tela eorum vitalibus
 immergebat: nec quisquam vulnerantium sanguine
 iram explevit, nec satiavit caede multiplici dexte-
 53 ram, vel miseratus supplicentem abscellit. Iace-
 bant itaque plurimi transfixi letaliter, remedia
 mortis compendio postulantes: alii semineces la-
 bente iam spiritu, lucis usuram oculis morientibus
 inquirebant: quorundam capita discissa trabalibus
 telis, et pendencia iugulis cohaerebant: pars per
 lutosum et lubricum solum in sociorum cruore lapsi,
 intactis ferro corporibus, acervis supereruentium
 54 obruti necabantur. Quae ubi satis evenere pro-
 sperrime, validius instante victore, acumina densis

36) Ms. pariendo. 37) al. adorant prop.

ictibus hebescebant, splendentesque galeae sub pedibus volvebantur, et scuta: ultimo denique trudente discrimine barbari, cum elati cadaverum aggeres exitus impedirent, ³⁸⁾ ad subsidia fluminis petivere, quae sola restabant, eorum terga iam ³⁹⁾ perstringentis. Et quia cursu sub armis concito 55 fugientes miles indefessus urgebat: quidam nandi peritia eximi se posse discriminibus arbitrati, animas fluctibus commiserunt. Qua causa celeri corde futura praevidens Caesar, cum tribunis et ducibus clamore obiurgatorio prohibebat, ne hostem avidius sequens nostrorum quisquam se gurgitibus committeret verticosis. Unde id observatum est, 56 ut marginibus insistentes confoderent telorum varietate Germanos: quorum si quem morti velocitas subtraxisset, iacti corporis pondere ad ima fluminis subsidebat. Et velut in quodam theatrâli spectâ- 57 culo aulaeis miranda monstrantibus, multa ⁴⁰⁾ licebat iam sine metu videre: nandi strenuis quosdam nescios ⁴¹⁾ adhaerentes; fluitantes alios, cum ⁴²⁾ expeditioribus linquerentur ut stipites; et velut luctante amnis violentia, vorari quosdam fluctibus involutos; nonnullos clypeis vectos, praeruptas undarum occurrentium moles obliquatis meatibus declinantes, ad ripas ultiores post multa discrimina pervenire. Spumans denique cruore barbarico decolor alveus insueta stupebat ⁴³⁾ augmenta.

Dum haec aguntur, rex Chnodomarius, reper- 58 ta copia discédendi, lapsus per funerum strues, cum satellitibus paucis celeritate rapida properabat ad castra, quâe prope ⁴⁴⁾ Tribuncos et Concordiam munimenta Romana fixit in Triboccis, ut ⁴⁵⁾ escensis navigiis, dudum paratis ad casus ancipites, in

38) *τὸ ad deest* al. 39) *Mf. perstringentos.* 40) *Mf. licebat iam sine.* 41) *al. adhaerere.* 42) *al. expediti virib. Mf. cum expeditioribus linq.* 43) *al. argumenta.* 44) *al. Tribuncos. Mf. Tribunos.* 45) *Mf. escensis.*

- 59 secretis se secessibus ⁴⁶⁾ amandaret. Et quia non nisi Rheno transito ad ⁴⁷⁾ tentoria sua poterat pervenire, vultum, ne agnosceretur, operiens, sensim retulit pedem. Cumque propinquaret iam ripis, lacunam palustribus aquis interfusam circumgrediens ut transiret, calcata mollitie glutinosa, equo est evolutus: et confestim, licet obeso corpore gravior, ad subsidium vicini collis evasit: quem agnitum (nec enim potuit celare, qui fuerat, fortunae prioris magnitudine proditus) statim anhelocursu cohors cum tribuno sequuta, armis circumdatum aggerem nemorosum cautius obsidebat, per-rumpere verita, ne fraude latenti inter ramorum te-
60 nebras exciperetur occultas. Quibus vilis compul-sus ad ultimos metus, ultro se dedit, solus egres-sus: comitesque eius ducenti numero, et tres amici iunctissimi, flagitium arbitrati post regem vivere, vel pro rege non mori, si ita tulerit casus, tradi-
61 dere se vinciendos. Utque nativo more sunt barbari humiles in adversis, disparesque in secundis: servus alienae voluntatis trahebatur pallore confu-sus, claudente noxarum conscientia linguam: im-mensum, quantum ab eo differens, qui post feros lugubresque terrores cineribus Galliarum insultans, multa minabatur et saeva.
- 62 Quibus ita favore superni numinis terminatis, post exactum iam diem occinente liticine revocatus invictissimus miles, prope supercilia Rheni tende-bat, scutorumque ordine multiplicato vallatus,
63 victu fruebatur et somno. Ceciderunt autem in hac pugna Romani quidem ccxl. et iii. rectores vero iv. Bainobaudes Cornutorum tribunus, adae-que Laipso, et Innocentius cataphractarios ducens, et vacans quidam tribunus, cuius non suppetit no-men: ex Alamannis vero ⁴⁸⁾ sex millia corporum

46) Mf. emendaret. 47) Mf. tentoria. 48) Mf. sexalibus millia.

49) inventa sunt in campo constrata, et inaeſtimabiles mortuorum acervi per undas fluminis ferebantur. Tunc Iulianus, ut erat fortuna ſui ſpectatior, me-64
ritisque magis quam imperio potens, Auguſtus acclamatione concordi totius exercitus adpellatus, ut agentes petulantius milites increpabat, id ſe nec ſperare, nec adipiſci velle iurando confirmans. Et ut augeret eventus ſecundi laetitiam, 50) concilio 65
Chnodomarium iuſſit ſibi offerri: qui primo curvatus, deinde humi ſuppliciter fuſus, gentiliſque prece veniam poſcens, bono animo eſſe eſt iuſſus. Et diebus poſtea paucis ductus ad comitatum Im-66
peratoris, miſſusque exinde Romam, in caſtris peregrinis, quae in monte ſunt Caelio, morbo veterui conſumptus eſt.

His tot ac talibus proſpero peractis eventu, in 67
palatio Conſtantii quidam Iulianum culpantes, ut princeps ipſe 51) delectaretur, inriſive Victorinum ideo nominabant, quod verecunde referens, quoties imperaret, ſuperatos indicabat ſaepe Germanos. Interque exaggerationem inanum laudum, oſtenta-68
tionemque aperte lucentium, inflabant ex uſu Imperatorem ſuoſte ingenio nimium, quidquid per omnem terrae ambitum agebatur, felicibus eius auſpiciis adſignantes. Quocirca magniloquentia ela-69
tus adulatorum, tunc et deinde edictis propoſitis arroganter ſatis multa mentiebatur, ſe ſolum, cum geſtis non adfuisset, et dimicaſſe, et vicisse, et ſupplices reges gentium erexiſſe aliquoties ſcribens: et ſi verbi gratia eo agente tunc in Italia, dux quidam egisset fortiter contra Perſas, nulla eius mentione per textum longiſſimum facta laureatas litteras ad provinciarum 52) damna mittebat, ſe inter pri-

49) *al.* inventa ſunt. 50) *Mf.* concilio mu ſpeciare Chonodom. 51) *Mf.* delectaretur inuriſſime Victorin. *al.* delectaretur Victoriam live Victorinum. 52) *Mf.* damna.

mores versatum cum odiosa sui iactatione significans. Extant denique eius edicta in tabulariis principis publicis ⁵³⁾ condita delata narrandi, ⁵⁴⁾ extollendique semet in caelum. ⁵⁵⁾ ab Argentorato, cum pugnaretur, mansione quadragesima disparatus, describens proelium, aciem ordinasse, et stetisse inter signiferos, et Barbaros fugasse praecipites, sibi oblatum fallo indicat Chnodomarium (proh rerum indignitas!) super Iuliani gloriosis actibus conticescens: quos sepelierat penitus, ni fama res maximas vel obumbrantibus plurimis filere nesciret.

⁵³⁾ Mf. condi memoria. ⁵⁴⁾ Mf. extollendoque. ⁵⁵⁾ *ab* deest al.

AMMIANI MARCELLINI

RERUM GESTARUM

LIBER XVII.

Julianus C. transito Rheno Alamannorum vicos diripit ac incendit: ibi munimentum Traiani reparat, et decimestres indutias barbaris concedit. C. I. DC. Francos Germaniam II. vastantes obsidet, et ad deditionem fame compellit. II. Gallos tributis oppressos levare conatur. III. Iussu Constantii A. obeliscus Romae in circo maximo subrectus constituitur: et de obeliscis, ac de notis hieroglyphicis. IV. Constantius A. et Sapor Persarum rex frustra de pace per litteras et legatos agunt. V. Iuthungi, gens Alamannica, in Raetiis, quas populabantur, a Romanis caesi fugatique. VI. Nicomedia terrae motu prostrata: et quot modis terra quatitur. VII. Julianus C. Salios, gentem Francicam, in deditionem accipit: Chamavorum alios caedit, alios capit, reliquis pacem tribuit. VIII. tria munimenta ad Mosam eversa a barbaris instaurat, et a milite famem patiente probris ac minis incessitur. IX. Suomarius et Hortarius Alamannorum reges, captivis redditus, ab Iuliano C. pacem impetrant. X. Iulian. C. post res in Gallia bene gestas, in aula Constantii A. ab invidis deridetur, segnisque et timidus adpellatur. XI. Constantius A. Sarmatas dominos olim, tum exsules, et Quados, Pannoniarum et Moesiae vastatores, ad obsides dandos et captivos reddendos compellit: atque exsulibus Sarmatis, in libertatem avitasque sedes restitutis, regem imponit. XII. Constantius A. Limigantes Sarmatas servos, post magnam ipsorum caedem factam, cogit sedibus suis emigrare, ac milites suos adloquitur. XIII. Romani legati de pace, re infecta, revertuntur ex Perside, Sapore Armeniam et Mesopotamiam repente. XIV.

- ¹ Hac rerum, quas iam digessimus, varietate ita conclusa, Martius iuvenis Rheno post Argentoratensem pugnam otiose fluente securus, sollicitusque, ne dirae volucres consumerent corpora peremptorum, sine discretione cunctos humari mandavit: absolutisque legatis, quos ante certamen superba quaedam portasse praediximus, ad Tres-tabernas
- ² revertit. Unde cum captivis omnibus praedam Mediomatricos, servandam ad reditum usque suum, duci praecepit: et petiturus ipse Mogontiacum, ut ponte compacto transgressus, in suis requireret barbaros, cum nullum reliquisset in nostris, refragante vetabatur exercitu: verum facundia iucunditateque sermonum adlectum, in voluntatem traduxerat suam. Amor enim post documenta flagrantior, sequi libenter hortatus est omnis operae conturmalem, auctoritate magnificum ducem, plus laboris indicere sibi quam militi, sicut perspicue contigit, adsuetum. Moxque ad locum praedictum est ventum, flumine pontibus confistratis
- ³ transmissis, occupavere terras hostiles. At barbari praestricti negotii magnitudine, qui se in tranquillo positos otio tunc parum inquietari posse sperabant, aliorum exitio, quid fortunis suis immineret, anxie cogitantes, simulata pacis petitione, ut primae vertiginis impetum declinarent, ¹⁾ misere legatos cum verbis compositis, quae denuntiarent concordem foederum firmitatem: incertumque, quo consilio aut instituto mutata voluntate, per alios cursu celeri venire compulso, acerrimum nostris minati sunt bellum, ni eorum regionibus excessissent.
- ⁴ Quibus clara fide compertis, Caesar prima noctis quiete navigiis modicis et velocibus octingentos imposuit milites: ea re, ut vi ingenti ²⁾ sursum ver-

¹⁾ *al.* miserunt. ²⁾ *al.* sursum versus.

sum decurso egressi, quidquid invenire potuerint, ferro violarent et flammis. Quo ita disposito, solis 5 primo exortu visis per montium vertices barbaris, ad celsiora ducebatur alacrior miles: nulloque invento (hoc siquidem opinati discessere confessum) eminus ³⁾ ingentia fumi volumina visebantur, indicantia, nostros perruptas populari terras hostiles. Quae res Germanorum perculit animos, atque de- 6 sertis infidiis, quae per arcta loca et latebrosa struxerant nostris, trans Moenum nomine fluvium ad opitulandum suis necessitudinibus avolarunt. Ut enim 7 rebus amat fieri dubiis et turbatis, hinc equitum nostrorum adcursum, inde navigiis vectorum militum impetu repentino perterrefacti, evadendi subsidium velox locorum invenere prudentes: quorum digressu miles libere gradiens, opulentas pecore villas et frugibus rapiebat nulli parcendo. Extra-ctisque captivis, domicilia cuncta curatius ritu Romano constructa, flammis subditis exurebat. ⁴⁾ Emenisque aestimatione decimi lapidis, cum 8 prope silvam venisset squalore tenebrarum horrendam, stetit diu cunctando, indicio perfugae doctus, per subterranea quaedam occulta fossasque multifidas latere plurimos, ubi habile visum fuerit, erupturos. Ausi tamen omnes accedere fidentissime, 9 ilicibus incisis et fraxinis, roboreque abietum magno semitas invenere constratas. Ideoque gradientes cautius retro, non nisi per amfractus longos et asperos ultra progredi posse, vix indignationem capientibus animis, advertabant. Et quoniam aeris 10 urente saevitia, cum discriminibus ultimis laborabatur incassum, (aequinotio quippe autumnali exacto, per eos tractus superfusae nives opplevire montes simul et campos) opus arreptum est memo-

H 2

3) ingentis fumi. 4) Ms. emenisque. *al.* emensisque.

- 11 rabile. Et dum nullus⁵⁾ obsisteret, munimentum, quod in Alamannorum solo conditum Traianus suo nomine voluit adpellari, dudum violentius oppugnatum, tumultuario studio reparatum est: locatisque ibi pro tempore defensoribus, ex barbarorum
- 12 visceribus alimenta congesta sunt. Quae illi maturata ad suam perniciem contemplant, metuque rei peractae volucriter congregati, precibus et humilitate suprema petiere missis oratoribus pacem: quam Caesar omni consiliorum via firmata, causatus verisimilia plurima, per decem mensium tribuit
- 5) intervallum: id nimirum sollerti colligens mente, quod castra, supra quam optari potuit, occupata sine obstaculo, tormentis muralibus et adparatu
- 13 deberent valido communiri. Hac fiducia tres immanissimi reges venerunt, tandem aliquando iam trepidi, ex his, qui misere victis apud Argentoratū auxilia, iurantes conceptis ritu patrio verbis, nihil inquietum acturos, sed foedera ad praestitutum usque diem, quia id nostris placuerat, cum munimento servaturos intacto, frugesque portaturos humeris, si defuisse sibi docuerint defensores: quod utrumque metu perfidiam frenante fecerunt.
- 14 Hoc memorabili bello, comparando quidem Punicis et Teutonicis, sed 6) dispendiis rei Romanae peracto 7) levissimis, ut faustus Caesar exultabat et felix: credique obtrektoribus potuit, ideo fortiter eum ubique fecisse fingentibus, quod oppetere dimicando gloriose magis optabat, quam damnatorum sorte, sicut sperabant, ut frater Gallus occidi: ni pari proposito post excessum quoque Constantii actibus mirandis inclaruisset.
- 1 II. Quibus, ut in tali re, compositis firmiter, ad sedes revertens hibernas, sudorum reliquias

5) Ms. intervallum id. 6) *al.* dispendio. 7) *al.* levissimo.

reperit tales. Remos Severus, magister equitum, per Agrippinam petens et Iuliacum Francorum validissimos cuneos in sexcentis velitibus, ut postea claruit, vacua praefidiis loca vastantes offendit: hac opportunitate in scelus audaciam erigente, quod Caesare in Alamannorum secessibus occupato, nulloque vetante, expleri se posse praedarum opimitate sunt arbitrati. Sed metu iam reversi exercitus, munimentis duobus, quae olim exinanita sunt, occupatis, se, quoad fieri poterat, tuebantur. Hac² Iulianus rei novitate perculsus, et coniciens quorsum erumperet, si iisdem transisset intactis, retento milite circumvallare¹⁾ disposuit Mosa fluvius praeterlambit, et adusque quartum et quinquagesimum diem, Decembri scilicet et Ianuario mense, obsidionales tractae sunt morae, destinatis barbarorum animis incredibili pertinacia²⁾ reluctatis. Tunc pertimescens sollertissimus Caesar, ne³ observata nocte illuni, barbari gelu vinctum amnem pervaderent, quotidie a sole in vesperam flexo adusque lucis principium, lusoriis navibus discurrere flumen ultro citroque milites ordinavit, ut crustis pruinarum diffractis, nullus ad erumpendum quopiam facile³⁾ perveniret. Hocque commento, inedia, et vigiliis, et desperatione postrema lassati, sponte se propria dederunt: statimque ad comitatum Augulli sunt missi. Ad quos eximendos periculo⁴ multitudo Francorum egressa, cum captos comperisset et asportatos, nihil amplius ausa repeditavit⁴⁾ ad sua: hisque perfectis acturus hiemem revertit Parisios Caesar.

III. Quia igitur plurimae gentes vi maiore colaturae capita sperabantur, dubia bellorum coniectans sobrius rector, magnis curarum molibus strin-

1) Mf. oppidum . . . Mosa. 2) Mf. reluctantis. 3) Mf. perveniret: Hocque. 4) al. ad sua castra.

gebatur. Dumque per inducias licet negotiosas et breves aerumnosis possessorum damnis mederi posse credebat, tributi ratiocinia dispensavit. Cumque Florentius praefectus praetorio cuncta permenus, ut contendebat, quidquid in capitatione deesset, ex conquisitis se supplere firmaret, talium gnarus, animam prius amittere, quam hoc finire fieri memorabat. Norat enim huiusmodi provisionum, immo everfionum, ut verius dixerim, insanabilia vulnura, saepe ad ultimam egestatem provincias contraxisse: quae res, ut docebitur postea, penitus evertit Illyricum. Ob quae praefecto praetorio ¹⁾ ferri non posse clamante, se repente factum infidum, cui Augustus summam commiserit rerum; Iulianus eum sedatius leniens, scrupulose computando et vere, docuit non sufficere solum, verum etiam exuberare capitationis calculum ad commeatum necessarios adparatus. Nihilominus tamen diu postea indictionale augmentum oblatum sibi, nec recitare nec subnotare perpellus, humi proiecit. Literisque Augusti monitus ex relatione praefecti, non agere ita perplexe, ut videretur parum Florentio credi: rescripsit gratandum esse, si provincialis hincinde vastatus, saltem sollemnia praebeat, nedum incrementa, quae nulla supplicia egenis possent hominibus extorquere. Factumque est tunc et deinde unius animi firmitate, ut praeter solita nemo Gallis quidquam exprimere ²⁾ conaretur inique. Inusitato exemplo id petendo Caesar impetraverat a praefecto, ut secundae Belgicae multiformibus malis oppressae dispositio sibi committeretur, ea videlicet lege, ut nec praefectianus, nec praesidialis adparitor ad solvendum quemquam urgeret. Quo levati solatio cuncti, quos in ³⁾ curam susce-

¹⁾ *al. ferre,* ²⁾ *Steph. conaretur inique. Ms. conaretur iniqu.* ³⁾ *Ms. cura separat,*

perat suam, nec interpellati, ante praestitutum tempus debita contulerunt.

IV. Inter haec recreandarum exordia Galliarum, administrante secundam adhuc Orfito praefecturam, obeliscus Romae in circo erectus est maximo. Super quo nunc, quia tempestivum est, pauca discurrem. Urbem priscis saeculis conditam ambitiosa moenium strue, et portarum centum quondam aditibus celebrem, hecatompylos Thebas institutores ex facto cognominarunt, cuius vocabulo provincia nunc usque Thebais adpellatur. Hanc inter exordia pandentis se late Carthaginis, improvise excursu duces oppressere Poenorum: posteaque reparatam Persarum rex ille Cambyles, quoad vixerat, alieni cupidus et immanis, Aegypto perrupta adgressus est, ut opes exinde raperet invindendas, ne deorum quidem donariis parcens. Quidum inter praedatores turbulente concursat, laxitate praepeditus indumentorum concidit pronus: ac suomet pugione, quem aptatum femori dextro gestabat, subita vi ruinae nudato, vulneratus paene letaliter interisset. Longe autem postea Cornelius Gallus, Octaviano res tenente Romanas, Aegypti procurator, exhaust civitatem plurimis interceptis: reversusque, cum furtorum arcesseretur et ¹⁾ populatae provinciae, metu nobilitatis acriter indignatae, cui negotium spectandum dederat Imperator, stricto incubuit ferro. Is est, si recte existimo, Gallus poeta, quem flens quodammodo in postrema Bucolicorum parte Virgilius carmine leni decantat.

In hac urbe inter labra ingentia, diversasque moles figmenta Aegyptiorum numinum exprimentes, obeliscos vidimus plures, aliosque iacentes et comminutos: quos antiqui reges bello domitis gentibus, aut prosperitatibus summarum rerum elati,

1) Mf. populatae.

montium venis vel apud extremos orbis incolas
 2) perferutatis excisos erectosque, diis superis in
 7 religione dicarunt. Est autem obeliscus asperrimus
 lapis, in figuram metae cuiusdam sensim ad proce-
 ritatem confurgens excellam; utque radium 3) imi-
 tetur, gracilescens, paulisper specie quadrata in
 verticem productus angustum, manu levigatus arti-
 8 fici. Formarum autem innumeras notas, hierogly-
 phicas adpellatas, quas ei undique videmus incisas,
 9 initialis sapientiae vetus insignivit auctoritas. Vo-
 lucrum enim ferarumque, etiam alieni mundi, ge-
 nera multa sculpendes, ad aevi quoque sequentis
 aetates ut patratorum vulgatus 4) perveniret memo-
 ria, promissa vel soluta regum vota monstrabant.
 10 Non enim, ut nunc litterarum numerus praestitutus
 et facilis exprimit, quidquid humana mens concipi-
 pere potest; ita prisca quoque scriptitarunt Ae-
 gyptii: sed singulae litterae singulis nominibus ser-
 viebant et verbis; nonnumquam significabant inte-
 11 gros sensus. Cuius rei scientiae in his interim 5) sit
 duobus exemplum. Per vulturem naturae vocabu-
 lum pandunt: quia mares nullos posse inter has ali-
 tes inveniri rationes memorant physicae: perque
 speciem apes mella conficientis indicant regem: mo-
 deratori cum incunditate aculeos quoque innasce-
 debere his signis ostendentes, et similia plurima.
 12 Et quia sufflantes adulatores ex more Constans-
 tium, id sine modo strepebant, quod, cum Octa-
 vianus Augustus obeliscos duos ab Heliopolitana
 civitate transtulisset Aegyptia, quorum unus in cir-
 co maximo, alter in campo locatus est Martio; hunc
 recens advectum difficultate magnitudinis territus,
 nec contrectare ausus est, nec movere: discant,
 qui ignorant, veterem principem translatis aliquibus

2) Mf. perferutatis. 3) Mf. emittitur. 4) Mf. pervenire. 5)
 10 sit Mf. deest.

hunc intactum ideo praeterisse, quod Deo Soli speciali munere dedicatus, fixusque intra ambitiosi templi delubra, quae contingi non poterant, tamquam apex omnium eminebat. Verum Constanti-¹³ nus id parvi ducens, avulsam hanc molem sedibus suis, nihilque committere in religionem recte existimans, si ablatum uno templo miraculum Romae sacraret, id est, in templo mundi totius, iacere diu perpeffus est, dum translationi pararentur utilia. Quo convecto per alveum Nili, proiectoque Alexandriae, navis amplitudinis antehac inusitatae aedificata est, sub trecentis remigibus agitanda. Quibus ita provisus, digressoque vita principe me-¹⁴ morato, urgens effectus intepuit: tandemque sero impositus navi per maria fluentaque Tybridis velut paventis, ne, quod paene ignotus miserat Nilus, ipse parum sub meatus sui discrimine moenibus alumnis inferret, defertur in vicum Alexandri, tertio lapide ab urbe seinctum: unde chamulcis impositus, tractusque lenius, per Ostiensem portam piscinamque publicam circo illatus est maximo. Sola post haec restabat erectio, quae vix aut ne vix¹⁵ quidem sperabatur posse compleri: ⁶⁾ erectisque usque periculum altis trabibus, ut machinarum cernerer nemos, innectuntur valli funes et longi, ad speciem multiplicium liciorum caelum densitate nimia subtexentes: quibus colligatus mons ipse effigiatus scriptilibus elementis, paullatimque id per arduum inane protentus, diu pensilis, hominum millibus multis tamquam molendinarias rotantibus metas, cavea ⁷⁾ locatur in media, eique sphaera superponitur ⁸⁾ ahenea, aureis laminis nitens: qua confestim vi ignis divini contacta, ideoque sublata, facis imitamentum infigitur aereum, itidem auro imbracteatum, velut abundanti flamma candentis.

6) Mf. idestisque. 7) Mf. locusus. 8) *ad* ahenea.

16 Sequuntaeque aetates alios transtulerunt: quorum
 unus in Vaticano, alter in hortis Sallustii, duo in
 17 Augusti monumento erecti sunt. Qui autem nota-
 rum textus obelisco incisus est veteri, quem vide-
 mus in circo, Hermapionis librum sequuti, inter-
 pretatum litteris subiecimus Graecis.

ΑΡΧΗΝ ΑΠΟ ΤΟΥ ΝΟΤΙΟΥ ΔΙΕΡΜΗΝΕΥΜΕ-
 ΝΑ ΕΧΕΙ

ΣΤΙΧΟΣ ΠΡΩΤΟΣ ΤΑΔΕ.

18 Ἡλιος βασιλεῖ Ῥαμέστη· δεδώρημαί σοι ἀνὰ πᾶσαν
 οἰκουμένην μετὰ χαρᾶς βασιλεύειν, ὃν Ἡλιος φιλεῖ καὶ
 Ἀπόλλων· κρατερός Φιλαλήθης υἱὸς Ἡρώνος, θεογέ-
 νητος κτιστῆς τῆς οἰκουμένης, ὃν Ἡλιος προέκρινεν,
 ἄλκιμος Ἀρεως βασιλεὺς Ῥαμέστης. ᾧ πᾶσα ὑποτέ-
 τακται ἢ γῇ μετὰ ἀλκῆς καὶ θάρσους. βασιλεὺς Ῥα-
 μέστης Ἡλίου παῖς αἰωνόβιος.

ΣΤΙΧΟΣ ΔΕΥΤΕΡΟΣ.

19 Ἀπόλλων κρατερός, ὅς τῳ ἐπ' ἀληθείας δεσπότης
 διαδήματος, τὴν Αἴγυπτον δοξάσας κεκτημένος,
 ἀγλαοποιήσας Ἡλίου πόλιν, καὶ κτίσας τὴν λοιπὴν
 οἰκουμένην, καὶ πολυτιμήσας τοὺς ἐν Ἡλίου πρόλει θεοὺς
 ἀνιδρυμένους, ὃν Ἡλιος φιλεῖ.

ΤΡΙΤΟΣ ΣΤΙΧΟΣ.

20 Ἀπόλλων κρατερός Ἡλίου παῖς παμφεγγής, ὃν
 Ἡλιος προέκρινεν καὶ Ἀρης ἄλκιμος ἐδώρήσατο. οὐ τὰ
 ἀγαθὰ ἐν παντὶ διαμένει καιρῷ. ὃν Ἀμμων ἀγαπᾷ,
 πληρώσας τὸν νέων τοῦ Φοίνικος ἀγαθῶν. ᾧ οἱ θεοὶ
 ζωῆς χρόνον ἐδώρησαντο. Ἀπόλλων κρατερός υἱὸς
 Ἡρώνος βασιλεὺς οἰκουμένης Ῥαμέστης, ὃς ἐφύλαξεν
 Αἴγυπτον τοὺς ἀλλοεθνεῖς νικήσας. ὃν Ἡλιος φιλεῖ.
 ᾧ πολὺν χρόνον ζωῆς ἐδώρησαντο θεοὶ, δεσπότης
 οἰκουμένης Ῥαμέστης αἰωνόβιος.

ΑΛΛΟΣ ΣΤΙΧΟΣ ΔΕΥΤΕΡΟΣ.

21 Ἡλιος θεὸς μέγας δεσπότης οὐρανοῦ. δεδώρημαί σοι
 βίον ἀπρόσκορον. Ἀπόλλων κρατερός κύριος διαδή-
 ματος ἀνείκαστος, ὃν ἀνδριάντας ἀνέθηκεν ἐν τῇδε
 τῇ βασιλείᾳ δεσπότης Αἰγύπτου, καὶ ἐκόσμησεν Ἡλίου

πόλιν ὁμοίως καὶ αὐτὸν Ἡλίον δεσπότην οὐρανοῦ. συνε-
τελεύτησεν ἔργον ἀγαθὸν Ἡλίῳ παῖς βασιλεὺς αἰω-
νόβιος.

ΤΡΙΤΟΣ ΣΤΙΧΟΣ.

Ἡλιος θεὸς δεσπότης οὐρανοῦ ῥαμέστη βασιλεῖ δε-22
δώρημαί τὸ κράτος καὶ τὴν κατὰ πάντων ἐξουσίαν.
ὃν Ἀπόλλων φιλαλήθης δεσπότης χρόνων, καὶ Ἡφαι-
στος ὁ τῶν θεῶν πατὴρ προέκρινεν διὰ τὸν Ἄρεα. βασι-
λεὺς παγχαρῆς Ἡλίου παῖς, καὶ ὑπὸ Ἡλίου φιλού-
μενος.

ΑΦΗΛΙΩΤΗΣ ΠΡΩΤΟΣ ΣΤΙΧΟΣ.

Ὁ ἀφ' Ἡλίου πόλεως μέγας θεὸς ἐνουράνιος Ἀπόλ-23
λων κρατερός, Ἡρώνος υἱός, ὃν Ἡλιος ἠγάγησεν, ὃν
οἱ θεοὶ ἐτίμησαν, ὁ πάσης γῆς βασιλεύων, ὃν Ἡλιος
προέκρινεν, ὁ ἀλκιμος διὰ τὸν Ἄρεα βασιλεὺς, ὃν
Ἄμμων φιλεῖ. καὶ ὁ παμφεγγῆς συγκρίνας αἰώνιον
βασιλέα. *et reliqua.*

(A. C. 358.)

V. Datiano et Cereali coll. cum universa per
Gallias studio cautiore disponderentur, formidoque
praeteritorum barbaricos hebetaret excursus: rex
Persarum in consiniis agens adhuc gentium extima-
rum, iamque cum ¹⁾ Chionitis et Gelanis, omnium
acerrimis bellatoribus, pignore icto societatis, red-
iturus ad sua, Tamsaporis scripta suscepit, pacem
Romanum principem nuntiantis poscere precativam.
Ideoque non nisi infirmato imperii robore tentari
italia suspicatus, latius semet extentans, pacis am-
plectitur nomen, et condiciones proposuit graves:
missoque cum muneribus Narseo quodam legato,
litteras ad Constantium dedit, nusquam a genuino
fastu declinans, quarum hunc fuisse accepimus sen-
sum: *Rex regum Sapor, particeps siderum, frater* 3
Solis et Lunae, Constantio Caesari fratri meo salu-

1) Ms. Chionitis et Gelanis.

tem plurimam dicò. Gaudeo, tandemque mihi placet, ad optimam te viam revertisse, et incorruptum aequitatis agnovisse suffragium, rebus ipsis expertum, pertinax alieni cupiditas quas aliquoties ediderit strages. Quia igitur veritatis oratio soluta esse debet et libera, et celsiores fortunas idem loqui decet atque sentire; propositum meum in pauca conferam, reminiscens, haec quae dicturus sum, me saepius replicasse. Adusque Strymona flumen, et Macedonicos fines tenuisse maiores meos, antiquitates quoque vestrae testantur: haec me convenit flagitare (ne sit arrogans, quod adfirmo) splendore virtutumque insignium serie veleris regibus antistantem. Sed ubique mihi cordi est recordatio, cui coalitus ab adolescentia prima, nihil umquam poenitendum admisi. Ideoque Armeniam recuperare cum Mesopotamia debeo, avo meo composita fraude praereptam. Illud apud nos numquam acceptum fuit, quod adseritis vos exsultantes, nullo discrimine virtutis ac doli, prosperos omnes laudari debere bellorum eventus. Postremo, si morem gerere suadenti volueris recte, contemne partem exiguan semper luctificam et cruentam, ut caetera regas securus: prudenter reputans, medelarum quoque artifices urere nonnumquam et secare, et partes corporum amputare, ut reliquis uti liceat integris: hocque bestias factitare; quae cum advertant, cur maximopere capiantur, illud propria sponte amittunt, ut vivere deinde possint impavidae.

8 Id sane pronuntio, quod, si haec mea legatio redierit irrita, post tempus hiemalis quietis exemptum, viribus totis accinctus, fortuna conditionumque aequitate spem successus secundi fundante, venire, quoad ratio siverit, festinabo.

9 His litteris diu libratis, recto pectore (quod dicitur) considerateque responsum est hoc modo:

10 Victor terra marique Constantius semper Augustus

fratri meo Saporî regi salutem plurimam dico. Sospitati quidem tuae gratulor, ut futurus, si velis, amicus: cupiditatem vero semper inflexam fusiusque vagantem vehementer infimulo. Mesopota-¹¹ miam poscis ut tuam, perindeque Armeniam: et suades integro corpori adimere membra quaedam, ut salus eius deinceps locetur in solido: quod refutandum est potius, quam ulla consensione firmandum. Accipe igitur veritatem non oblectam praestigiis, sed perspicuam, nullisque minis inanibus perterrendam. Praefectus praetorio meus, opina-¹² tus adgredi negotium publicae utilitati conducens, cum duce tuo per quosdam ignobiles, me inconsulto, sermones conseruit super pace. Non refutamus hanc nec repellimus: adsit modo cum decore et honestate, nihil pudori nostro praereptura vel maiestati. Est enim absolum et indecens, cum gesta-¹³ rum rerum ordine explicatae sint aures, quas invidiae nobis multipliciter incluserunt: cum deletis tyrannis totus orbis Romanus nobis obtemperat, ea prodere, quae contracti in Orientales angustias diu servavimus illibata. Cessent autem quae so formidi-¹⁴ nes, quae nobis intentantur ex more: cum ambigi nequeat, non inertia nos, sed modestia, pugnas interdum excepisse potius, quam intulisse: et nostra, quoties laceessimur, fortissimo benevolentiae spiritu defensare, id experiendo legendoque scientes, in proeliis quibusdam raro rem titubasse Romanam, in summa vero bellorum numquam ad deteriora prolapsam.

Hanc legationem nullo impetrato remissam (uec¹⁵ enim effrenatae regis cupiditati responderi amplius quidquam potuit) post paucissimos dies sequutus est Prosper comes, et Spectatus tribunus et notarius, itemque Eustathius Musoniano suggerente Philolophus, ut opifex suadendi: Imperatoris scripta perferentes et munera, enisuri adparatum interim Sa-

poris arte quadam suspendere, ut supra humanum modum provinciae munirentur Arctoae.

1 VI. Inter quae ita ambigua Iuthungi Alaman-
 norum pars, Italicis conterminans tractibus, obliti
 pacis et foederum, quae adepti sunt obsecrando,
 Raetias turbulente vastabant, adeo ut etiam oppi-
 2 dorum tentarent obsidia praeter solitum. Ad quos
 repellendos cum valida manu missus Barbatio, in
 locum Silvani peditum promotus magister, ignavus,
 sed verbis effusior, alacritate militum vehementer
 erecta, prostravit acerrime multos, ita ut exigua
 portio, quae periculi metu se dedit in fugam, aegre
 dilapsa res suas non sine lacrymis reviseret et lamen-
 3 tis. Huic pugnae Nevita, postea consul, equestris
 praepositus turmae, et adfuisse, et fortiter fecisse
 firmatur.

1 VII. Iisdem diebus terrae motus horrendi per
 Macedoniam, Asiamque, et Pontum adfiduis pul-
 sibus oppida multa concusserunt et montes. Inter
 monumenta tamen multiformium aerumnarum emi-
 nuere Nicomediae clades, Bithyniae urbium ma-
 tris, cuius ruinarum eventum vere breviterque
 absolvam.

2 Primo lucis exortu die nono Kal. Septembrium,
 concreti nubium globi nigrantium, laetam paullo
 ante caeli speciem confuderunt: et amandato solis
 splendore, nec contigua vel adposita cernebantur:
 ita oculorum obtutu praestricto, humo involutus
 3 crassae caliginis squalor insedit. Dein velut numine
 summo fatales contorquente manubias, ventosque
 ab ipsis excitante cardinibus, magnitudo furentium
 incubuit procellarum, cuius impetu pulforum au-
 ditus est montium gemitus, et elisi littoris fragor:
 haecque sequuti typhones atque presteres, cum
 horrifico tremore terrarum, civitatem et suburbana
 4 funditus everterunt. Et quoniam acclivitate col-
 lium aedes pleraeque vehebantur, aliae super alias

concidebant, reclangentibus cunctis sonitu ruinarum immenso. Interim clamoribus variis excelsa culmina resultabant, quaeritantium coniugium liberosque, et si quid necessitudinis arte constringit. Post horam denique secundam, multo ante tertiam, 5 aër iam sudus et liquidus latentes retexit funereas strages. Nonnulli enim superruentium ruderum vi nimia constipati, sub ipsis interiere ponderibus. Quidam collo tenuis aggeribus obruti, cum superesse possent, si qui iuissent, auxiliorum inopia necabantur. Alii lignorum exstantium acuminibus fixi pendebant. Uno ictu caesi complures paullo 6 ante homines, tunc promiscuae strages cadaverum cernebantur. Quosdam domorum inclinata fastigia intrinsecus ferebant intactos, angore et inedia consumendos. Inter quos Aristaenetus adfectatam recens dioecesim curans vicaria potestate, quam Constantius ad honorem uxoris Eusebiae Pietatem cognominaverat, animam hoc casu cruciatam diutius exhalavit. Alii subita ruinae magnitudine op- 7 pressi, iisdem adhuc molibus conteguntur. Collis quidam capitibus, vel humeris praefectis aut cruribus, inter vitae mortisque confinia, aliorum adiumenta paria perferentium implorantes, cum obtestatione magna deserebantur. Et superesse po- 8 tuit aedium sacrarum et privatarum, hominumque pars maior, ni palantes abrupte flammaram ardore per quinquaginta dies et noctes, quidquid consumi poterat, exussissent.

Adesse tempus existimo pauca dicere, quae de 9 terrae pulvis coniectura veteres collegerunt. Ad ipsius enim veritatis arcana non modo haec nostra vulgaris inscitia, sed ne sempiterna quidem lucubrationibus longis nondum exhausta phycorum iurgia penetrarunt. Unde et in ritualibus et ponti- 10 ficiis observatur obtemperantibus sacerdotiis caute, ne alio Deo pro alio nominato, cum, quis eorum

terram concutiat, sit in abstruso, piacula commit-
 11 tantur. Accidunt autem, ut opiniones existimant,
 inter quas Aristoteles aestuat et laborat, aut in ca-
 vernis minutis terrarum, quas Graece syringas ad-
 pellamus, impulsu crebriore aquis undabundis: aut
 certe, ut Anaxagoras adfirmat, ventorum vi sub-
 cunctium ima terrarum: qui cum soliditatibus con-
 cruſtatis inciderint, eruptiones nullas reperientes,
 eas partes soli convibrant, quas subreplerint hu-
 midi. Unde plerumque observatur, terra tremen-
 te, ventorum apud nos spiramina nulla fentiri,
 12 quod in ultimis eius secessibus occupantur. Anaxi-
 mander ait, areſcentem nimia aestuum ſiccitate,
 aut poſt madores imbrium, terram rimas pandere
 grandiores, quas penetrat ſupernus aer violentus et
 nimius, ac per eas vehementi ſpiritu quaſſatam
 cieri propriis ſedibus. Qua de cauſa terrores hu-
 iusmodi vaporatis temporibus, aut nimia aquarum
 caeleſtium ſuperfuſione contingunt. Ideoque Ne-
 ptunum humentis ſubſtantiae poteſtatem, Ennoſi-
 gaeon et Siſichthona poëtae veteres et theologi nun-
 cupaverunt.

13 Fiunt autem terrarum motus modis quatuor.
 Aut enim braſmatiae ſunt, qui humum ¹⁾ moleſtius
 ſuſcitant, ſurſum propellunt immaniffimas moles:
 ut in Aſia Delos emerſit, et Hiera, et Anaphe,
 et Rhodus, Ophiuſa et Pelagia prioribus ſaeculis
 dictitata, aureo quondam imbri perfuſa, et Eleuſin
 in Boeotia, et apud Tyrrhenos Vulcanus, inſulae-
 que plures: aut climatiae, qui limes ruentes et ob-
 liqui urbes, aedificia, montesque complanant: aut
 chaſmatiae, qui grandiori motu patefactis ſubito
 voratrinis, terrarum partes absorbent; ut in Atlan-
 tico mari Europaeo orbe ſpatioſior inſula, et in
 Crifface

1) Ms. moleſtus.

Criffaeo finu Helice et Bura, et in Ciminia Italiae parte oppidum ²⁾ Saccumum, ad Erebi profundos hiatus abactae, aeternis tenebris occultantur. In-¹⁴ter haec tria genera terrae motuum, mycematiae sonitu audiuntur. ³⁾ minaci, cum dissolutis elementa compagibus ultro adfiliunt, vel relabuntur confidentibus terris. Tunc enim necesse est velut taurinis reboare mugitibus fragores fremitusque terrenos. Sed hinc ad exorsa.

VIII. At Caesar hiemem apud Parisios agens, Alamannos praevenire studio maturabat ingenti, nondum in unum coactos, sed ¹⁾ in insaniam post Argentoratum audaces omnes et saevos: opperiensque Iulium mensem, unde sumunt Gallicani provincinctus exordia, diutius angebatur. Nec enim egredi poterat, antequam ex Aquitania, aestatis remissione solutis frigoribus et pruinis, veheretur annona. Sed ut est difficultatum paene omnium ² diligens ratio victrix, multa mente versans et varia, id tandem reperit solum, ut anni maturitate non exspectata, barbaris occurreret ³⁾ insperatus, firmatoque consilio xx. dierum frumentum, ex eo, quod erat in sedibus consumendum, ad usus diuturnitatem excoctum, ³⁾ bucellatum, ut vulgo adpellant, humeris imposuit libentium militum: hocque subsidio fretus, secundis, ut ante, auspiciis profectus est, intra mensem quintum vel sextum duas expeditiones consummari posse urgentes et necessarias arbitratus. Quibus paratis, petit primos omnium ³ Francos, eos videlicet, quos consuetudo Salios adpellavit, ausos olim in Romano solo apud Toxandriam locum habitacula sibi figere praelicenter. Cui, cum Tungros venisset, occurrit legatio prae-

²⁾ Saccumum adhebi profundos hiatus abactae aeter. *al.* Succinenſe profundo hiatu absorpta aeternis. ³⁾ minacium dissol. ¹⁾ *al.* ad insaniam. ²⁾ *Mf.* insperatis. ³⁾ *Mf.* bucellatum.

dictorum, opinantium reperiri Imperatorem etiam-
tum in hibernis, pacem sub hac lege praetendens,
ut quiescentes eos tamquam in suis nec laceggeret
quisquam, nec vexaret. Illos legatos, negotio
plene digesto, oppositaque conditionum perplexi-
tate, ut in iisdem tractibus moraturus, dum rede-
4unt, muneratos absolvit. Dictoque citius sequutus
profectos, Severo duce misso per ripam, subito
cunctos adgressus, tamquam fulminis turbo percul-
sit: iamque precantes potius, quam resistentes, in
opportunam clementiae partem effectum victoriae
flexo, dedentes se cum opibus liberisque suscepit.

5 Chamavos itidem ausos familia adortus, eadem ce-
leritate partim cecidit, partim acriter repugnantes,
vivosque captos compegit in vincula: alios praeci-
piti fuga trepidantes, ad sua, ne militem spatio lon-
go defatigaret, abire interim permisit innocuos:
quorum legatis paullo postea missis precatum con-
sultumque rebus suis, humi prostratis sub obtuti-
bus eius, pacem hoc tribuit pacto, ut ad sua redi-
rent incolumes.

IX. Cunctis igitur ex voto currentibus, studio
pervigili properans modis omnibus utilitatem fun-
dare provinciarum, munimenta tria recta serie su-
perciliis imposita fluminis Mosae, subversa dudum
obstinatione barbarica, reparare pro tempore co-
gitabat: et illico sunt instaurata, procinctu paulli-
2 sper omisso. Atque ut consilium prudens celeritas
faceret tutum, ex annona decem dierum et septem,
quam in expeditionem pergens vehebat cervicibus
miles, portionem subtractam in iisdem condidit
castris, sperans, ex Chamavorum segetibus id sup-
3 pleri posse, quod ablatum est. Longe autem aliter
accidit. Frugibus enim nondum etiam maturis,
miles expensis, quae ¹⁾ portabat, nusquam repe-

1) Ms. portabat.

riens victus, extrema ²⁾ minitans Iulianum compellationibus incessebat et probris: Arianum adpellans, Graeculum, et fallacem, et specie sapientiae stolidum. Utque inveniri solent quidam inter armatos verborum volubilitate conspici, haec et similia multa strepebant: *Quo trahimur spe meliorum abolita, olim quidem dura et perperis asperissima per nives tolerantes et acumina crudelium pruinarum? sed nunc, proh nefas! cum ultimis hostium fatis instamus, fame, ignavissimo mortis genere tabescentes. Et ne quis nos turbarum existimet concitatores, pro vita loqui sola testamur; non aurum, neque argentum petentes, quae olim nec contrectare potuimus, nec videre, ita nobis negata velut contra Remp. tot suscepisse labores et pericula confutatis. Et erat ratio iusta querelarum. Inter tot enim rerum probabilium cursus articulosque necessitatum aucipites, sudoribus Gallicanis miles exhaustus, nec donativum meruit nec stipendium, iam inde ut Iulianus illo est missus: ea re, quod nec ipsi, quod daret, suppeterere poterat usquam, nec Constantius erogari more solito permittebat. Hocque exinde claruit fraude potius, quam tenacitate committi, quod cum idem Caesar, petenti ex usu gregario cuidam ut barbas detonderet, dedisset aliquid vile, contumeliosis calumniis adpetitus est a Gaudenio tunc notario, ad explorandos eius actus diu morato per Gallias, quem postea ipse interfici iussit, ut loco monstrabitur competenti.*

X. Lenito tandem tumultu non sine blanditiarum genere vario, contextoque navali ponte Rheno transito, terris Alamannorum calcatis, Severus magister equitum bellicosus ante haec et industrius, repente commarcuit. Et qui saepe universos ad

2) al. militans.

fortiter faciendum hortabatur et singulos; tunc disuasor pugnandi contemptus videbatur et timidus, mortem fortasse metuens adventantem: ut in ¹⁾ Tageticis libris legitur, ²⁾ Veiovis fulmine mox tangendos adeo hebetari, ut nec tonitrum, nec maiores aliquos possint audire fragores: et iter ignaviter egerat praeter solitum, ut ductores viarum prae-euntes alacri gradu, ultima minitando terreret, ni omnes conspirantes in unum se loca penitus ignorare firmarent. Qui interdicti metuentes auctoritatem, nusquam deinde sunt progressi.

3 Inter has tamen moras Alamannorum rex ³⁾ Suomarius ultro cum suis improvisus occurrit, ferox ante saeviensque in damna Romana, sed tum lucrum existimans insperatum, si propria retinere permetteretur. Et quia vultus incessusque supplicem indicabat, susceptus, bonoque animo esse iustus et placido, nihil arbitrio suo relinquens, pacem genibus curvatis orabat. Et eam cum concessionem praeteritorum sub hac meruit lege, ut captivos redderet nostros, et, quoties sit necesse, militibus alimenta praeberet, susceptorum vilium more securitates accipiens pro illatis: ⁴⁾ quas si non ostendisset in tempore, sciret se rursus ea de re fatigandum.

5 Quod ita recte dispositum, est impraepedite completum. Hortarii nomine petendus erat regis alterius pagus: et quia nihil videbatur deesse praeter ductores, Nesticae tribuno scutariorum, et ⁵⁾ Chariettoni viro fortitudinis mirae, imperaverat Caesar, ut magna quaesitum industria comprehensumque offerrent sibi captivum: et correptus velociter adulescens ducitur Alamannus, pacto obtinendae salutis pollicitus itinera se monstraturum.

1) Ms. Tageticis lib. 2) Ms. Vegonicis. 3) Ms. Sumoarius.
4) Ms. quas si. 5) Ms. Chariettoni.

Hoc praegresso sequutus exercitus, cellarum arborum obfistente concaede ire protinus vetabatur. Verum per circuitus longos et flexuosos ventum est tandem ad loca: et ira quisque percitus armatorum urebat agros, pecora diripiebat et homines, resistentesque sine ulla parcimonia contruncabat. His malis percussus rex, cum multiplices legiones, vicorumque reliquias cerneret exustorum, ultimas fortunarum iacturas adesse iam contemplatus, oravit ipse quoque veniam, facturum se imperanda, iurandique execratione restituere universos promissit: id enim cura agebatur impensiore: detentisque plurimis, reddidit paucos. Quo cognito, ad indignationem iustam Iulianus erectus, cum munerandus venisset ex more, quatuor comites eius, quorum ope et fide maxime nitebatur, non ante absolvit, dum omnes rediere captivi. Ad colloquium tamen accitus a Caesare, trementibus oculis adorato, victorisque superatus adspectu, conditione difficili premebatur: hac scilicet, ut, quoniam consentaneum erat, post tot secundos eventus civitates quoque reparari vi barbarorum excisas, carpenta et materias ex opibus suis suorumque praeberet: et haec pollicitus, imprecatusque, si perfidum quidquam egisset, luenda sibi cruore supplicia, ad propria remeare permissus est. Annonam enim transferre, ita ut Suomarius, ea re compelli non posuit, quod ad internecionem regione eius vastata nihil inveniri poterat, quod daretur.

Ita reges illi tumentes quondam immaniter, rapinisque ditescere adfueti nostrorum, Romanae potentiae iugo subdidere colla iam domita, et velut inter tributarios nati et educati, obsecundabant imperiis ingravate. Quibus hoc modo peractis, disperso per stationes milite consuetas, ad hiberna regressus est Caesar.

1 XI. Haec cum in comitatu Constantii subinde noscerentur (erat enim necesse, ¹⁾ tamquam adparitorem Caesarem super omnibus gestis ad Augusti referre scientiam) omnes, qui plus poterant in palatio, adulandi professores iam docti, recte consultata prospereque completa vertebant in deridiculum: talia sine modo strepentes insulse, *In odium venit cum victoriis suis capella, non homo*: ut hirsutum Iulianum carpentes, adpellantesque loquacem talpam, et purpuratam simiam, et litterionem Graecum: et his congruentia plurima atque ²⁾ vernacula principi resonantes, audire haec taliaque gestienti, virtutes eius obruere verbis impudentibus conabantur, ut segnem incessentes, et timidum, et umbratilem, gestaue secus verbis comptioribus exornantem: quod non tunc primitus accidit. Namque, ut solet amplissima gloria obiecta esse semper invidiae, legimus in veteres quoque magnificos duces vitia criminaque, etiamsi inveniri non poterant, finxisse malignitatem, spectatissimis actibus eorum **3** offensam. Ut Cimonem, Miltiadis filium, infimulatum intemperantiae, qui prope Eurymedonta Pamphylium flumen Persarum populum delevit innumerum, coëgitque gentem insolentia ³⁾ semper elatam, obsecrare suppliciter pacem: Aemilianum itidem Scipionem, ut somniculosum aemulorum incusari malevolentia, cuius ⁴⁾ impetrabili vigilantia, obstinatae in perniciem Romae, duae sunt potentissimae urbes excisae. Nec non etiam in Pompeium obtrectatores iniqui multa scrutantes, cum nihil, unde vituperari deberet, inveniretur, duo haec observaverunt ludibriosa et irrita: quod genuino quodam more caput digito uno scalpebat: quodque aliquamdiu tegendi ulceris causa deformis

¹⁾ *al.* tanquam Caesarem. ²⁾ *Mf.* utinnacula. ³⁾ *al.* regis elatam. ⁴⁾ *al.* impenetrabili.

fasciola candida crus ⁵⁾ colligabat: quorum alterum factitare ut dissolutum, alterum ut novarum rerum cupidum adferebant: nihil interesse oblatrantes argumento subfrigido, quam partem corporis redimeret regiae maiestatis insigni: ⁶⁾ eum virum, quo nec fortior, nec cautior quisquam patriae fuit, ut documenta praeclara testantur.

Dum haec ita aguntur, Romae Artemius curans⁵ vicariam, praefecturam pro Basilio quoque agebat: qui recens promotus urbi praefectus fatali decesserat sorte. Cuius administratio seditiones perpessa est turbulenta, nec memorabile quidquam habuit, quod narrari sit dignum.

XII. Augusto inter haec quiescenti per hiemem apud Sirmium, indicabant nuntii graves et crebri, permixtos Sarmatas et Quados, vicinitate et similitudine morum armaturaeque concordēs, Pannonias Moesiarumque alteram cuneis incurfare dispersis. Quibus ad latrocinia magis quam aperto habilibus² Marti, hastae sunt longiores, et loricae ex cornibus rasis et levigatis, plumarum specie linteis indumentis innexae: equorumque plurimi ex usu castrati, ne aut feminarum visu exagitati raptentur, aut in subsidiis ferocientes, prodant hinnitu denfioe vectores. Et per spatia discurrunt amplissima sequentes³ alios, vel ipsi terga vertentes, insidendo velocibus equis et morigeris, trahentesque singulos, interdum et binos, uti permutatio vires foveat iumentorum, vigorque otio integretur alterno.

Aequinoctio itaque temporis verni confecto,⁴ Imperator coacta militum valida manu, ductu laetioris fortunae profectus, cum ad locum aptissimum pervenisset, flumen Istrum exundantem pruinarum iam resoluta congerie, super navium foros ponte contexto transgressus, populandis barbarorum

⁵⁾ colligatum. ⁶⁾ *al.* in eum virum.

incubuit terris: qui itinere festinato praeventi, cattervasque bellatoris exercitus iugulis suis imminere cernentes, quem nondum per anni tempus colligi posse rebantur, nec spirare ausi, nec stare, sed vitantes exitium insperatum, semet omnes effuderunt
 5 in fugam. Stratisque plurimis, quorum gressus vinxerat timor, hi, quos exemit celeritas morti, inter latebrosas convalles montium occultati, videbant patriam ferro pereuntem: quam vindicassent profecto, si vigore, quo discesserant, restitissent.
 6 Gerebantur haec in ea parte Sarmatiae, quae secundam prospectat Pannoniam: parique fortitudine
 1) circa Valeriani opes barbaricas, 2) urendo rapiendoque
 7 doque occurrentia, militaris turbo vastabat. Cuius cladis immensitate permoti, posthabito consilio latendi, Sarmatae petendae specie pacis agmine tripartito agentes securius nostros adgredi cogitarunt:
 3) ut nec expedire tela, nec vim vulnerum declinare, nec, quod est in rebus artificissimis ultimum, verti
 8 possent in fugam. Aderant autem illico Sarmatis periculorum Quadi participes, qui noxarum saepe socii fuerant indiscreti: sed ne eos quidem prompta
 9 iuivit audacia, in discrimina ruentes aperta. Caesis enim compluribus, pars, quae potuit superesse, per notos colles evalit: quo eventu vires et animos incitante, iunctis densius cuneis ad Quadorum regna properabat exercitus: qui ex praeterito casu impendentia formidantes, rogaturi suppliciter pacem, fidentes ad principis venire conspectum, erga haec et similia lenioris: dictoque die statuendis conditionibus, 4) Zizais quoque etiam tum regalis, haud parvi corporis iuvenis, ordines Sarmatarum more certaminis instruxit ad preces: visoque Imperatore abiectis armis pectore toto procubuit exa-

1) Ms. cum Valerian. 2) al. ferendo. 3) *ut* Ms. desit.
 4) Steph. modo Zizais quoque.

nimis stratus. Et amisso vocis officio prae timore,
 5) tum, cum orare deberet, maiorem misericordiam
 movit, conatus aliquoties, parumque, impediēte
 singultu, permissus explicare, quae poscebat. Re- 10
 creatus denique tandem, iussusque exsurgere, ge-
 nibus nixus usu linguae recuperato, concessionem
 delictorum sibi tribui supplicavit et veniam: eoque
 ad precandum admissa multitudo, cuius ora formi-
 do muta claudebat, periculo adhuc praestantioris
 ambiguo: ubi ille solo iussus attolli, orandi signum
 expectantibus diu monstravit, omnes clypeis telis-
 que proiectis manus precibus dederunt, plura ex-
 cogitantes, ut vincerent humilitate supplicandi re-
 galem. Duxerat potior cum caeteris Sarmatis etiam 11
 6) Rumonem, et Zinafrum, et Fragiledum subregu-
 los, plurimosque optimates, cum 7) impetrandi spe
 similia petituros. Qui, licet elati gaudio salutis
 indultae, conditionum sarcina compensare inimice
 facta pollicebantur, seque cum facultatibus et libe-
 ris et coniugibus terrarumque suarum ambitu, Ro-
 manae potentiae libenter 8) offerrent: praevaluit
 tamen aequitati iuncta benignitas: iussique obtinere
 sedes impavidi, nostros reddidere captivos. Duxe-
 runtque obsides postulatos, et obedire praeceptis
 deinde promptissime sponponderunt. Hortante hoc 12
 exemplo clementiae, advolarunt regales cum suis
 omnibus Araharius et Usafer, inter optimates ex-
 cellentes, agminum gentilium duces, quorum alter
 9) Transiugitanorum 10) Quadorumque parti, alter
 quibusdam Sarmatis praeerat, locorum confiniis et
 feritate iunctissimis: quorum plebem veritus Impe-
 rator, ne ferire foedera simulans, in arma repente
 confurgeret, discreto consortio, pro Sarmatis obse-

5) Steph. dum eum. 6) Mf. Rumorem. 7) Mf. impetrandi
 specie. 8) Steph. offerrent. 9) Transfugitanorum. 10) rō que
 deest al.

crantes iussit paullisper abscedere, dum ¹¹⁾ Araharii
13 et Quadorum negotium spectaretur. Qui cum eo-
rum ritu oblatis, stantes curvatis corporibus, faci-
nora gravia purgare non possent, ultimae sortis in-
fortunia metuentes, dederunt obsides imperatos,
numquam antea pignora foederis exhibere compulli.
14 His ex aequo bonoque compositis, Usafer in preces
admissus est: Arahario pertinaciter obstrepente,
firmanteque, pacem, quam ipse meruit, ei quoque
debere proficere, ut participi, licet inferiori, et
15 obtemperare suis imperiis consueto. Verum quae-
stione discussa, aliena potestate eripi Sarmatae iussi,
ut semper Romanorum clientes, offerre obsides,
quietis vincula conservandae, gratanter amplexi
16 sunt. Ingerebat autem se post haec maximus nu-
merus catervarum confluentium nationum et regum,
suspendi a iugulis suis gladios obsecrantium, post-
quam Araharium impune compererant abscessisse:
et pari modo ipsi quoque adepti pacem, quam po-
scebant, accitos ex intimis regni procerum filios,
obsidatus sorte opinione celerius obtulerunt; iti-
demque captivos, ut placuerat, nostros, quos haud
minori gemitu perdidere quam suos.
17 Quibus ordinatis, translata est in Sarmatas cura,
miseratione dignos potius quam simultate: quibus
incredibile quantum prosperitatis haec attulit causa:
ut verum illud existimetur, quod opinantur quidam,
18 fatum vinci principis potestate, vel fieri. Potentes
¹²⁾ olim ac nobiles erant huius indigenae regni, sed
coniuratio clandestina servos armavit in facinus.
Atque ut barbaris esse omne ius in viribus adluevit,
vicerunt dominos ferocia pares, sed numero prae-
19 minentes. Qui, confundente metu consilia, ad
Victothalos discretos longius confugerunt, obsequi
defensoribus, ut in malis, optabile, quam servire

11) Ms. Barbarii. 12) *al.* olim ignobiles.

suis mancipiis arbitrati: quae deplorantes post im-
 petratam veniam recepti in fidem, poscebant prae-
 sidia liberati: ¹³⁾ eosque iniquitate rei permotus,
 inspectante omni exercitu, convocatos adloquutus
 verbis mollioribus Imperator, nulli nisi sibi duci-
 busque Romanis ¹⁴⁾ parere praecepit. Atque ut re-
 stitutio libertatis haberet dignitatis augmentum,
 Zizaim regem iisdem praefecit, conspicuae fortu-
 nae tum insignibus aptum profecto, ut res docuit,
 et fidelem: nec discedere quisquam post haec
¹⁵⁾ gloriose gesta permissus est, antequam (ut placue-
 rat) remearent nostri captivi. His in barbarico
 gestis, Bregetionem castra commota sunt: ut etiam
 ibi belli Quadorum reliquias, circa illos agitantium
 tractus, lacrymae vel sanguis exstingueret. Quo-
 rum regalis Vitrodorus Viduarii filius regis, et Agi-
 limundus subregulus, aliique optimates, et iudices
 variis populis praesidentes, viso exercitu in gremio
 regni solique genitalis, sub gressibus iacere mili-
 tum, et adepti veniam iussa fecerunt: sobolemque
 suam obsidatus pignore, ut obsequuturi conditioni-
 bus impositis, tradiderunt: eductisque mucroni-
 bus, quos pro numinibus colunt, iuravere se per-
 manuros in fide.

XIII. His (ut narratum est) secundo finitis even-
 tu, ad ¹⁾ Limigantes Sarmatas servos ocius signa
 transferri utilitas publica flagitabat, quos erat ad-
 modum nefas, impune multa et nefaria perpetrasse.
 Nam velut obliti priorum, tunc erumpentibus libe-
 ris, ipsi quoque tempus aptissimum nacti, limitem
 perrupere Romanum, ad hanc solam fraudem do-
 minis suis hostibusque concordēs. Deliberatum est
 tamen id quoque lenius vindicari, quam criminum
 magnitudo poscebat, hactenus ultione porrecta, ut

¹³⁾ Steph. eosque. ¹⁴⁾ Mf. parcere. ¹⁵⁾ Mf. gloriosa. ¹⁾
 Steph. Limitantes.

ad longinqua translati amitterent copiam nostra
 vexandi: quos pericula formidare monebat scele-
 3 rum conscientia diutius commissorum. Ideoque in
 se pugnae molem suspicati vertendam, dolos para-
 bant, et ferrum, et preces. Verum adspectu primo
 exercitus tamquam fulminis ictu perculsi, ultima-
 que cogitantes, vitam precati, tributum annuum,
 delectumque validae iuventutis, et servitium spo-
 ponderunt: abnuere parati, si iuberentur aliorum
 migrare, ut gestibus indicabant et vultibus, loco-
 rum confisi praesidio, ubi lares post exactos ²⁾ do-
 4 minos fixere securi. Has enim terras Parthiscus
 irruens obliquatis meatibus Istro miscetur. Sed
 dum solus licentius fluit, spatia longa et lata sensim
 praeterlabens, et ea coartans prope exitum in an-
 gustias, accolas ab impetu Romanorum alveo Da-
 nubii defendit, a barbaricis vero excursibus suo
 tutos praestat obfiaculo: ubi pleraque humidioris
 soli natura et incrementis fluminum redundantia,
 stagnosa et referta salicibus, ideoque invia nisi per-
 quam gnaris: et super his insularem amfractum
 aditu Parthisci paene contiguum amnis potior amb-
 5 iens, terrae consortio separavit. Hortante igitur
 principe, cum genuino fastu ad citeriorem venere
 fluminis ripam, ut exitus docuit, non iussa facturi,
 sed ne viderentur militis praesentiam formidasse:
 stabantque contumaciter, ideoque propinquasse
 6 monstrantes, ut iubenda repudiarent. Quae Im-
 perator accidere posse contemplans, in agmina plu-
 rima clam distributo exercitu, celeritate volucris
 migrantes ³⁾ intra suorum acies clausit. Stansque
 in aggere celsiore cum paucis, et stipatorum prae-
 sidio tectus, eos, ne ferocirent, lenius admonebat.
 7 Sed fluctuantes ambiguitate mentium, in diversa
 rapiebantur, et furori mista versutia tentabant cum

2) τοῦ inde deest Ms. 3) Steph. intra vallum.

precibus proelium; vicinumque sibi ⁴⁾ in nostros parantes excursum, proiecere consulto longius scuta, ut ad ea recuperanda sensim progressi, sine ullo fraudis indicio spatia furarentur.

Iamque vergente in vespereum die, cum moras ⁸ rumpere lux moneret excedens, erectis vexillis, in eos igneo miles impetu ferebatur: qui ⁵⁾ conferti, acieque densiore contracta, adversus ipsum principem stantem (ut dictum est) altius, omnem impetum contulerant, eum oculis ⁶⁾ incessentes et vocibus truculentis. Cuius furoris amentiam exercitus ⁹ ira ferre non potuit, eosque Imperatori, ut dictum est, acriter imminentes, desinente in angustum fronte, quem habitum caput porci simplicitas militaris adpellat, impetu disiecit ardenti: et dextra pedites catervas peditum obtruncabant; equites laeva equitum se turmis agilibus infuderunt. Cohors ¹⁰ praetoria ex adverso Augustum cautius stipans, resistentium pectora, moxque terga fugientium ⁷⁾ incidebat: et cadentes insuperabili contumacia barbari, non tam mortem ⁸⁾ dolere, quam nostrorum laetitiam horrendo stridore monstrabant: et iacentes, absque mortuis, plurimi succisis poplitibus, ideoque adempto fugiendi subsidio; alii dextris amputatis; nonnulli ferro quidem intacti, sed ⁹⁾ superuentium collisi ponderibus, cruciatus alto silentio perferebant. Nec eorum quisquam inter diversa ¹¹ supplicia veniam petiit, aut ferrum proiecit, aut exoravit celerem mortem: sed arma iugiter retinentes, licet adstricti, minus criminis aestimabant, alienis ¹⁰⁾ viribus potius, quam conscientiae suae iudicio vinci: nullantesque audiebantur interdum, fortunae non meriti fuisse, quod evenit. Ita in semi-

⁴⁾ *al.* in nocturnos. ⁵⁾ *Steph.* conversi. ⁶⁾ *al.* incessentibus.
⁷⁾ *al.* caedebat. ⁸⁾ *Steph.* dolere. ⁹⁾ *Steph.* supervenientium.
¹⁰⁾ τὸ potius deest *al.*

horae curriculo discrimine proeliorum emenso, tot procubuere subito barbari, ut pugnam fuisse sola victoria declararet.

- 12 Vix dum populis hostilibus stratis, gregatim peremptorum necessitudines ducebantur humilibus extractae tuguriis, aetatis sexusque promiscui: et fastu vitae prioris abolito, ad infimitatem obsequiorum venire servilium: et exiguo temporis intervallo decurso, caesorum aggeres, et captivorum agmina
 13 cernebantur. Incitante itaque fervore certaminum fructuque vincendi, confurrectum est in perniciem eorum, qui deseruere proelia, vel in tuguriis latitantes occultabantur. Hos, cum ad loca venisset avidus barbarici sanguinis miles, disiectis culmis levibus obtruncabat: nec quemquam casa vel trabi-
 14 bus compacta firmissimis periculo mortis extraxit. Denique, cum inflammarentur omnia, nullusque latere iam posset, cunctis vitae praelidiis circumcisis, aut obstinate igni peribat absumptus, aut incendium vitans ¹¹⁾ egressusque, uno supplicio de-
 15 clinato, ferro sternebatur hostili. Fugientes tamen aliqui tela incendiorumque magnitudinem, amnis vicini se committere gurgitibus, peritia nandi ripas ulteriores occupare posse sperantes: quorum plerique submersi necati sunt, alii iaculis periere confixi: adeo ut abunde cruore diffuso meatus fluminis spumaret immensi: ita per clementum utrumque Sarmatas vincentium ira virtusque delevit.
- 16 Placuerat igitur post hunc rerum ordinem cunctis adimi spem omnem vitaeque solatium: et post lares incensos raptasque familias, navigia iussa sunt colligi, ad indagandos, quos a nostrorum acie ulte-
 17 rior discreverat ripa. Statimque, ne alacritas in-
 tepesceret pugnatorum, impositi lintribus per abdita ducti, velites expediti, occuparunt latibula

11) Steph. egressusque.

Sarmatarum: quos repentinus fefellit adspectus, gentiles lembos et nota remigia conspicientes. Ubi 18 vero procul micantibus telis, quod verebantur, propinquare senserunt, ad ¹²⁾ suffugia locorum palustrium se contulerunt: eosque sequutus infestius miles, caesis plurimis ibi victoriam reperit, ubi nec caute posse consistere, nec audere aliquid credebatur. Post absumptos paene diffusosque Ami- 19 censes, petiti sunt sine mora Piceuses, ita ex regionibus adpellati conterminis: quos tutiores fecere sociorum aerumnae, rumorum assiduitate comper-
tae. Ad quos opprimendos (erat enim arduum sequi per diversa conspersos, imprudentia viarum arcente) Taifalorum auxilium, et liberorum adaeque Sarmatarum adsumptum est. Cumque auxiliorum 20 agmina locorum ratio separaret, tractus contiguos Moesiae sibi miles elegit; Taifali proxima suis sedibus obtinebant; liberi terras occupaverant e regione sibi oppositas.

¹³⁾ Limitantes territi ¹⁴⁾ recentibus subactorum 21 exemplis ¹⁵⁾ et prostratorum, diu haesitabant ambiguis mentibus, utrum oppeterent an rogarent, cum utriusque rei suppeterent documenta non levia. Vicit tamen ad ultimum coetu seniorum urgente, dedendi se consilium: variaeque palmae victoriarum accessit eorum quoque supplicatio, qui armis libertatem invaserant: et reliqui eorum cum precibus, ut superatos et imbelles dominos adspernati, fortioribus visis inclinavere cervices. Accepta itaque pu- 22 blica fide, et deserto montium propugnaculo, ad castra Romana convolavit eorum pars maior, diffusa per spatia ampla camporum, cum parentibus, et natis, atque coniugibus, opumque vilitate, quam eis celeritatis ratio ¹⁶⁾ furari permisit. Et, qui 23

12) *al.* suffragia. 13) *Ms.* Limitantes. 14) *et recentibus Ms.* deest. 15) *Ms.* et subacrum prostratorum. 16) *Ms.* futurari.

animas amittere potius, quam cogi solum vertere putabantur, dum licentem amentiam libertatem existimarent, parere imperiis, et sedes alias suscipere sunt adfensi tranquillas et fidas: ut nec bellis vexari, nec mutari seditionibus possint. Iisdemque ex sententia, ut credebatur, acceptis, quievere paullisper, post feritate nativa in ¹⁷⁾ exitiale scelus erecti, ut congruo docebitur textu.

- 24 Hoc rerum prospero currente successu, tutela Illyrico competens gemina est ratione firmata: cuius negotii duplicem magnitudinem Imperator adgressus, utramque ¹⁸⁾ perfecit. Exfules populos, licet mobilitate ¹⁹⁾ suspectos, acturos tamen paullo verecundius, tandem reductos in avitis sedibus collocavit. Iisdemque ad gratiae cumulum, non ignobilem quempiam regem, sed quem ipsi antea sibi praefecere, regalem imposuit, bonis animi corporisque praestantem. Tali textu recte factorum, Constantius iam metuente sublimior, militarique consensu secundo Sarmaticus adpellatus ex vocabulo subactorum, iamque discessurus, convocatis cohortibus, et centuriis, et manipulis omnibus, tribunal insistens, signisque ambitus et aquilis, et agmine multiplicium potestatum, his exercitum adlocutus est, ore omnium favorabilis, ut solebat: *Hortatur recordatio rerum gloriose gestarum, omni iucunditate viris fortibus gratior, admodum verecunde replicare, quae divinitus delata sorte vincendi, et ante proelia, et in ipso correximus fervore pugnarum, Romanae rei fidiissimi defensores. Quid enim tam pulcrum, tamque posteritatis memoriae iusta ratione mandandum, quam ut miles strenue factis,* 27 *ductor prudenter consultis exsultet? Persultabat Illyri-*

17) Mf. exitiale. 18) Steph. perfecit infidis. Exules. 19) Mf. supra res.

Illyricum furor hostilis, absentiam nostram inanitate tumentis despiciens, dum Italos tuerentur et Gallos: variisque discursibus vastabat extrema limitum: nunc ²⁰⁾ cavatis roboribus, aliquoties peragrans pedibus flumina, non congressibus, nec armis fretus aut viribus, sed latrociniis adjuetus occultis, astu et ludificandi varietate iam inde ab instituta gente ²¹⁾ nostris quoque maioribus formidatus: quae longius disparati, qua ferri poterant, tulimus, leviores iacturas efficacia ducum vetari posse sperantes. Ubi vero per licentiam scandens in maius, ad ²⁸ funestas provinciarum clades erepsit et crebras: communis aditibus Raeticis, tutelaque pervigili Galliarum securitate fundata, terrore nullo relicto post terga, venimus in ²²⁾ Pannonias, ut placuit ²³⁾ numini sempiterno, labentia firmaturi: cunctisque paratis, ut nostis, vere adulto egressi, arripuimus negotiorum maximas moles: primum, ne struendo textis compagibus ponti telorum officeret multitudo: quo opera levi perfecto, visis terris hostilibus et calcatis, obstinatis ad mortem animis conatos resistere Sarmatas absque nostrorum dispendio stravimus: parique petulantia ruentes in agmina nobilium legionum Quados, Sarmatis adiumenta ferentes, attrivimus. Qui post aerumnosa dispendia inter discursus et repugnandi minaces anhelitus, quid nostra valeat virtus, experti, manus ad dimicandum paratas, armorum abiecto munimine, pone terga vinxerunt: restareque solam salutem contemplantibus in precibus, adfusi sunt vestigiis Augusti clementis, cuius proelia saepe compererant exitus habuisse felices. His sequestratis, Limigantes quo- ²⁹ que fortitudine superavimus pari: interfectisque pluribus, alios periculi declinatio adegit suffugia

²⁰⁾ Steph. nauticis roboribus. ²¹⁾ Steph. nostrisque. ²²⁾ al. Pannoniam. ²³⁾ Ml. nomini.

- 30 *petere latebrarum palustrium. Hisque secundo finitis eventu, lenitatis tempus aderat tempestivae. Limigantes ad loca migrare compulimus longe discreta, ne in perniciem nostrorum se commovere possent ulterius: et pepercimus plurimis; et Zizaim praefecimus liberis, dicatum nobis futurum et fidum, plus aestimantes creare, quam auferre barbaris regem: hoc decore augente sollemnitatem, quod iisdem quoque rector tributus, antehac electus est et*
- 31 *acceptus. Quadruplex igitur praemium, quod unus procinctus absolvit, nos quaesivimus et res publica, primo ultione parta de grassatoribus noxiis; deinde, quod vobis abunde sufficient ex hostibus captivi. His enim virtutem oportet esse contentam,*
- 32 *quae sudore quaesivit et dexteris.* ²⁴⁾ *Nobis amplae facultates, opumque sunt magni thesauri: integra omnium patrimonia, nostri labores et fortitudo servarint. Hoc enim boni Principis menti, hoc*
- 33 ²⁵⁾ *successibus congruit prosperis. Postremo ego quoque hostilis vocabuli spoliū prae me fero, secundi Sarmatici cognomentum, quod vos unum idemque sentientes, mihi (ne sit arrogans dicere) merito tribuistis.*
- 34 *Post hunc dicendi finem, concio omnis alacrior solito, aucta spe potiorum et lucris, vocibus festis in laudes Imperatoris adsurgens, deumque ex usu testata, non posse Constantium vinci, tentoria repetit laeta. Et reductus Imperator ad regiam, otioque bidui recreatus, Sirmium cum pompa triumphali regressus est, et militares numeri destinatas remearunt sedes.*
- XIV. *Hisce iisdem diebus Prosper, et Spectatus, atque Eustathius, legati ad Persas, ut supra docuimus, missi, Ctelsiphonta reversum regem adire, litteras proferentes Imperatoris et munera:*

24) *al. Nobis amplas.* 25) *Steph. sensibus.*

poscebantque rebus integris pacem, et mandatorum memores nusquam ab utilitate Romanae rei maiestateque discedebant, amicitiae foedus sub hac lege firmari debere adseverantes, ne super turbando Armeniae vel Mesopotamiae statu quidquam moveretur. Diu igitur ibi morati, cum obstinatissimum² regem, nisi harum regionum dominio sibi adiudicato, obdurescentem ad suscipiendam cernerent pacem, negotio redierunt infecto. Post quod,³ id ipsum conditionum robore pari impetraturi, Lucillianus missus est comes, et Procopius tunc notarius, qui postea nodo quodam violentae necessitatis adstrictus, ad res consurrexit novas.

A M M I A N I M A R C E L L I N I
R E R U M G E S T A R U M
L I B E R X V I I I .

Julianus C. Gallorum commodis consulit, et ubique ab omnibus ius servandum curat. C. I. castellorum ad Rhenum quae receperat, moenia reparat: Rhenum transit, et hostili Alamanniae parte vastata V. Alamannorum reges ad pacem petendam et captivos reddendos compellit. II. Barbationi magistro peditum et uxori eius cur capita abscissa sint iussu Constantii A. III. Rex Persarum Sapor Romanos totis viribus adgredi parat. IV. Antoninus protector cum suis omnibus ad Saporem transfugit: eumque in bellum Romanum sponte iam motum impellit. V. Ursicinus magister militum ex oriente evocatus, cum iam venisset in Thraciam, remittitur in Mesopotamiam: quo reversus, per Marcellinum Saporis adventum explorat. VI. Sapor cum Chionitarum et Albanorum regibus Mesopotamiam intrat. Romani suos ipsi agros incendunt, agrestes in oppida compellunt, ac citeriorem ripam Euphratis castris praesidiisque communiunt. VII. Septingenti equites Illyriciani necopinantes a Persis coniiciuntur in fugam. Evadunt hinc Ursicinus, inde Marcellinus. VIII. Descriptio Amidae, et quot tum ibi legiones ac turmae in praesidio fuerint. IX. Sapor duo castella Romana in fidem recipit. X.

(A. C. 359.)

Haec per orbis varias partes uno eodemque anno sunt gesta. At in Galliis cum in meliore statu res

¹⁾ essent, et Eusebium atque Hypatium fratres sublimarent vocabula consulum, Iulianus contextis successibus clarus, apud hiberna, sequestratis interim sollicitudinibus bellicis, haud minore cura provinciarum fortunis multa conducentia disponebat: diligenter observans, ne quem tributorum sarcina praegravaret, neve potentia ²⁾ praesumeret aliena, aut ii versarentur in medio, quorum patrimonium publicae clades augebant, vel iudicum quisquam ab aequitate devia-³ret impune. Idque ea re² levi labore correxit, quod ipse iurgia dirimens, ubi causarum coge-⁴bat magnitudo vel personarum, erat indeclinabilis iustorum iniustorumque distinctor. Et licet multa sint eius laudanda in huiusmodi con-³trover-⁴siis, unum tamen sufficiet poni, ad cuius similitudinem acta vel dicta sunt. Numerium Narbonensis paullo ante rectorem accusatum ut furem, inusitato cenforio ³⁾ vigore pro tribunali palam admissis volentibus audiebat: qui cum ⁴⁾ infitiatione defenderet obiecta, nec posset in quoquam confutari; Delphidius orator acerrimus vehementer eum impugnans, documentorum inopia percitus exclamavit: *Ecquis, florentissime Caesar, nocens esse poterit usquam, si negare⁵⁾ suffecerit?* contra quem Iulianus prudenter motus ex tempore, *Ecquis, ait, innocens esse poterit, si accusasse sufficiet?* Et haec quidem et huiusmodi multa civilia.

II. Egressurus autem ad procinctum urgentem, cum Alamannorum pagos aliquos esse reputaret hostiles, et ausuros immania, ni ipsi quoque ad caeterorum sternerentur exempla: haerebat anxius, qua vi, qua celeritate, cum primum ratio copiam tribuisset, rumore praecurso terras eorum invaderet repentinus.

¹⁾ *al.* esset. ²⁾ *al.* praemeret. ³⁾ *Mf.* vigore. ⁴⁾ *Steph.* infitiatione. ⁵⁾ *al.* suffecerit circa.

- 2 Seditque tandem multa et varia cogitanti, id tentare, quod utile probavit eventus. Hariobaudem vacantem tribunum fidei fortitudinisque notae, nullo conscio, legationis specie ad Hortarium miserat regem iam pacatum, ut exinde facile ad collimitia progressus eorum, in quos erant arma protinus commovenda, scitari possit, quid molirentur;
- 3 sermonis barbarici perquam guarus. Quo fidenter ad haec patrandam digresso, ipse anni tempore opportuno, ad expeditionem undique milite convocado profectus, id inter potissima mature duxit implendum, ut ante proeliorum fervorem civitates multo ante excisas introiret, receptasque communiret: horrea quinetiam exstrueret pro incensis, ubi condi posset annona, a Britannis sueta transferri.
- 4 Et utrumque perfectum, et spe omnium citius. Nam et horrea veloci opere surrexerunt, alimentorumque in iisdem satias condita: et civitates occupatae sunt septem: Castra Herculis, ¹⁾ Quadriburgium, Tricelinae, Novesium, Bonna, Antunnacum, et Bingio: ubi laeto quodam eventu etiam Florentius praefectus adparuit subito, partem militum ducens, et commeatum perferens copiam sufficientem usibus longis.
- 5 Post haec ²⁾ impetrata, restabat adigente necessitatum articulo, receptarum urbium moenia reparari, nullo etiam tum interturbante: idque claris indiciis adparet, ea tempestate utilitati publicae metu barbaros obedisse, rectoris amore Romanos.
- 6 Reges ex pacto superioris anni aedificiis habilia multa suis ³⁾ misere carpentis: et auxiliarii milites semper munia spernentes huiusmodi, ad obsequendi sedulitatem Iuliani blanditiis ⁴⁾ deflexi, quinquagenarias longioresque materias vexere cervicibus

¹⁾ Mf. Quadriburgi unius Novesio. Steph. Quadri Stricensium Noves. ²⁾ al. imperata. ³⁾ al. misere. ⁴⁾ Mf. deluxi.

ingravate, et fabricandi ministeriis opem maximam contulerunt.

Quae dum diligenti maturantur effectu, Hario-7
baudes exploratis omnibus rediit, docuitque com-
perta. Post cuius adventum incitatis viribus omnes
venere Mogontiacum: ubi Florentio et Lupicino,
Severi successore, destinate certantibus per pontem
illic constitutum transiri debere; renitebatur firmis-
sime Caesar, adserens pacatorum terras non debere
calcari, ne, ut saepe contigit per incivilitatem mi-
litis occurrentia vastantis, abrupte foedera frange-
rentur.

Alamanni tamen omnes, quos petebat exerci-8
tus, confine periculum cogitantes, Suomarium
regem amicum nobis ex pactione praeterita monue-
runt minaciter, ut a transitu Romanos arceret.
Eius enim pagi Rheni ripis ulterioribus adhaere-
bant. Quo testante, 5) resistere solum non posse:
in unum coacta 6) barbarica multitudo venit prope
Mogontiacum, 7) prohibitura viribus magnis exer-
citus, ne transmitteret flumen. Gemina itaque
ratione visum est habile, quod suaserat Caesar, ne
pacatorum terrae corrumparentur, neve renitente
pugnacissima 8) plebe, pons cum multorum discrimi-
nine iungeretur, iri in locum ad compaginandum
pontem aptissimum. Quod hostes sollertissime con-10
templati, per contrarias ripas leniter incedentes,
ubi nostros figere tentoria procul cernebant, ipsi
quoque noctes agebant exsomnes, custodientes per-
vigili studio ne transitus tentaretur. Verum cum 11
nostri locum adventarent provisum, vallo fossaque
quievere circumdati: et adscito Lupicino in consi-
lium, Caesar certis imperavit tribunis, ut trecen-
tenos pararent cum sudibus milites expeditos,

5) τὸ resistere al. deest. 6) Mf. barbara. 7) Mf. prohibitus.
8) Mf. plebe.

quid agi, quove iri deberet, penitus ignorantcs.

¹² Et collecti nocte provecta, impositique omnes, quos lusoriae naves quadragiuta, quae tunc aderant solae, ceperunt, decurrere iubentur per flumen adeo taciti, ut etiam remi suspenderentur, ne barbaros sonitus excitaret undarum: atque mentis agilitate et corporum, dum hostes nostrorum ignes observant, adversas perrumpere ⁹⁾ limitis ripas.

¹³ Dum haec celerantur, Hortarius rex nobis antea foederatus, non novaturus quaedam, sed amicus finitimis quoque suis, reges omnes, et regales, et regulos ad convivium corrogatos retinuit, epulis adusque vigiliam, tertiam gentili more extentis: quos discedentes inde, casu nostri ex improvviso adorti, nec interficere, nec corripere ullo ¹⁰⁾ genere potuerunt, tenebrarum equorumque adiumento, quo dubius impetus trufit abreptos: lixas vero vel servos, qui eos pedibus sequebantur, nisi quos exemit discrimine temporis obscuritas, occiderunt.

¹⁴ Cognito denique Romanorum transitu, qui tunc perque expeditiones praeteritas ibi levamen sumere laborum opinabantur, ubi hostem contingeret inveniri: perculsi reges eorumque populi, qui pontem, ne strueretur, studio servabant intento, metu exhorrescentes diffuse vertuntur in pedes: et indomito furore sedato, necessitudines opesque suas transferre longius festinabant. Statimque difficultate omni depulsa, ponte constrato, sollicitarum gentium opinione praeventa, visus in barbarico
¹⁵ miles, per Hortarii regna transibat intacta. Ubi vero terras infestorum etiam tum tetigit regum, urens omnia rapiensque per medium rebellium solum grassabatur intrepidus.

Postque saepimenta fragilium penatium inflammata, et obtruncatam hominum multitudinem,

9) Ms. milites. 10) *al. modo.*

vilosque cadentes multos, aliosque supplicantes, cum ventum fuisset ad regionem cui Capellatii, vel Palas nomen est, ubi terminales lapides ¹¹⁾ Alaman-
norum et ¹²⁾ Burgundiorum confinia distinguebant, castra sunt posita: ea propter, ut ¹³⁾ Macrianus et Hariobaudus germani fratres et reges, susciperentur impavidi; qui propinquare sibi perniciem sentientes, venerant pacem anxiiis animis precaturi. Post quos statim rex quoque Vadomarius venit, ¹⁶ cuius erat domicilium contra Rauracos: scriptisque Constantii principis, quibus commendatus est artius, allegatis, ¹⁴⁾ leniter susceptus est, ut decebat, olim ab Augusto in clientelam rei Romanae susceptus. Et Macrianus quidem cum fratre inter ¹⁷ aquilas admissus et signa, stupebat armorum viriumque varium decus, visa tunc primitus, proque suis orabat. Vadomarius vero nostris coalitus, utpote vicinus limiti, mirabatur quidem adparatum ambiciosi procinctus, sed vidisse se talia ¹⁵⁾ saepe ab adulescentia meminerat prima. Libratis denique ¹⁸ diu consiliis, concordiae adlensione cunctorum, Macriano quidem et Hariobaudo pax est attributa: Vadomario vero, qui suam locaturus securitatem in tuto, et legationis nomine precator venerat pro ¹⁶⁾ Urio, et Uricino, et Vestralpo regibus, pacem itidem obsecrans, interim responderi non poterat, ne, ut sunt fluxioris fidei barbari, post abitum recreati nostrorum, parum adquiescerent per alios impetratis. Sed cum ipsi quoque missis legatis post ¹⁹ messes incensas et habitacula, captosque plures et interfectos, ita supplicarent, tanquam ipsi haec deliquissent in nostros; pacem conditionum similitudine meruerunt. Inter quas id festinatum est

11) Ms. Romanorum. 12) Burgundorum. 13) Ms. Macrinus.
14) Ms. susceptus est dicebat olim. 15) *re ab* Ms. deest. 16)
Steph. Vario.

maxime, ut captivos restituerent omnes, quos¹ raperant excursibus crebris.

- ¹ III. Haec dum in Galliis caelestis corrigit cura, in comitatu Augusti turbo novarum exoritur rerum, a primordiis levibus ad luctus et lamenta progressus, in domo Barbationis pedestris militiae tunc rectoris, examen apes fecere perspicuum. Superque hoc ²) ei prodigiorum gnaros sollicite consulenti, discrimen magnum portendi responsum est, coniectura videlicet tali, quod hae volucres post compositas sedes opesque congestas, fumo pelluntur et ² turbulento sonitu cymbalorum. Huic uxor erat Assyria nomine, nec taciturna, nec prudens: quae eo ad expeditionem profecto et multiplici metu suspenso, ob ea, quae meminerat sibi praedicta, ²) perculsa vanitate ³) muliebri, ancilla adscita notarum perita, quam e patrimonio Silvani possederat, ad maritum scripsit intempestive, velut flens ⁴) obtestansque, ne post obitum Constantii propinquantem in imperium ipse, ut sperabat, admissus, despecta se, anteponeret Eusebiae matrimonium tunc reginae, decore corporis inter multas feminas excellentis. Quibus litteris occulte, quantum fieri potuit, missis, ancilla, quae domina dictante perscripserat, reversis omnibus e procinctu, exemplum ferens ad ⁵) Arbetionem noctis prima quiete confugit, avideque suscepta, chartulam prodidit. ⁴ Hocque indicio ille confusus, ut erat ad criminandum aptissimus, principi detulit: atque ex usu nec mora ulla negotio tributa nec quiete, Barbatio epistolam suscepisse confessus, et mulier scripsisse documento convicta non levi, cervicibus interiere ⁵ praecisis. Hisce punitis, quaestiones longe serpebant, vexatique multi nocentes sunt, et innocentes.

¹) τὸ ei deest al. ²) al. praeculsa. ³) al. mulieri. ⁴) τὸ que Mf. deest. ⁵) Mf. Barbetionem.

Inter quos etiam Valentinus ex primicerio protectorum tribunus, ut conscius inter complures alios tortus aliquoties supervixit, penitus, quid erat gestum, ignorans. Ideoque ad iniuriae periculique compensationem, ducis in Illyrico meruit potestatem.

Erat autem idem Barbatio subagrestis arrogantisque propoliti, ea re multis exosus, quod et, dum domesticos protectores sub Gallo regeret Caesare, proditor erat et perfidus: et post eius excessum nobilioris militiae ⁶⁾ fastu elatus, in Iulianum itidem Caesarem paria confingebat, crebroque, detestantibus bonis, sub Augusti patulis auribus multa garriebat et saeva. Ignorans profecto ⁷⁾ vetus Aristotelis sapiens dictum, qui Callisthenem sectatorem et propinquum suum ad regem Alexandrum mittens, ei saepe mandabat, ut quam rarissime et iucunde apud hominem loqueretur, vitae potestatem et necis in acie linguae portantem. Ne sit hoc mirum, homines profutura discernere nonnumquam et ⁸⁾ nocentia, quorum mentes cognatas caelestibus arbitramur, animalia ratione carentia salutem suam interdum alto tueri silentio solent: ut exemplum est hoc perquam notum. Linquentes Orientem ⁹⁾ anseres ob calorem, plagamque petentes occiduam, cum montem penetrare coeperint Taurum aquilis abundantem; timentes fortissimas volucres, rostra lapillis occludunt, ne eis eliciat vel necessitas extrema clangorem: iisdemque collibus agiliore volatu transcurulis proiciunt calculos, atque ita securius pergunt.

IV. Dum apud Sirmium haec diligentia quaeruntur impensa, Orientis fortuna periculorum terribiles tubas inflabat. Rex enim Perfidis ferarum gentium, quas placarat, adiumentis accinctus, au-

6) *al. statu.* 7) *al. notum.* 8) *al. decentia.* 9) *al. grues.*

gendique regni cupiditate supra homines flagrans, arma viresque parabat et commeatus, consilia tartareis manibus miscens, et ¹⁾ praestigiatores omnes consulens de futuris: hisque satis collectis, pervadere cuncta prima verni temperie cogitabat.

- 2** Et cum haec primo rumores, dein nuntii certi perferrent, omnesque suspensos adventantium calamitatum complicaret magna formido, ²⁾ Comitensis fabrica eandem incudem (ut dicitur) diu noctuque tundendo ad spadonum arbitrium, Imperatori ³⁾ suspicaci ac timido intendebat Urficinum, velut vultus Gorgonei torvitatem: haec saepe taliaque replicans, quod interempto Silvano, quasi paenuria meliorum ad tuendas partes Eoas denuo
- 3** missus, altius anhelabat. Hac autem adfrendendi nimia foeditate mercari complures nitebantur Eusebii favorem, cubiculi tunc praepositi, apud quem (si vere dici debeat) multa Constantius potuit, antedicti magistri equitum salutem acriter impugnantis, ratione bifaria: quod omnium solus nec opis eius egebat, ut caeteri, et domo sua non cederet
- 4** Antiochiae, quam molestissime flagitabat. Qui ut coluber copia virus exuberans, natorum multitudinem etiam tum aegre serpentium excitans ad nocendum, emittebat cubicularios iam adultos: ut inter ministeria vitae secretioris, gracilitate vocis semper puerilis et blandae, apud principis aures nimium patulas existimationem viri fortis invidia gravi pulsarent: et brevi iussa fecerunt. Horum et similium taedio iuvat veterem laudare Domitianum, qui licet patris fratrisque dissimilis memoriam nominis sui inexpiabili detestatione perfudit; tamen receptissima iuclaruit lege, qua minaciter interdixerat, ne intra terminos iurisdictionis Romanae castraret quisquam puerum: quod ni contigisset, quis eorum

1) *Mf.* praestionis. 2) *al.* Comitensis. 3) *al.* suspicantis.

ferret examina, quorum ⁴⁾ paucitas difficile toleratur? Actum est tamen cautius, ne, ut fingebat, ⁶ rursus accitus idem Urlicinus metu cuncta turbaret, sed cum ⁵⁾ fors copiam detulisset, raperetur ad mortem.

Haec opperientibus illis, et ancipiti cogitatione ⁷ districtis, nobis apud Samosatam, Commageni quondam regni clarissimam sedem, parumper morantibus, repente novi motus rumoribus densis audiuntur et ⁶⁾ confertis; quos docebit orationis progrediens ⁷⁾ textus.

V. Antoninus quidam ex mercatore opulento rationarius adparitor Mesopotamiae ducis, tunc protector, exercitatus et prudens, perque omnes illas notissimas terras, aviditate quorundam nexus ingentibus damnis, cum iurgando contra potentes se magis magisque iniustitia frangi contemplaretur, ad ⁴⁾ deferendam potioribus gratiam, qui spectabant negotium, inclinatis: ne contra acumina calcitraret, flexit se in blanditias molliores: confessusque debitum, per colludia in nomen fisci translatum, iamque ausurus immania, rimabatur tectius rei publicae membra totius: et utriusque linguae literas sciens, circa ratiocinia versabatur, qui vel quarum virium milites ubi agant, vel procinctus tempore quos ²⁾ tuerentur, describens: itidem armorum et commeatumum copiae, aliaque usui bello futura, an abunde suppetant, indefessa scitatione percontans. Et cum totius Orientis didicisset interna, virorum stipendique parte maxima per Illyricum distributa, ubi distinebatur ex negotiis seriis Imperator: adlapsuro iam praestituto die solvendae pecuniae, quam per syngrapham debere se confiteri vi metuque compulsus est, cum omnibus se prospici-

4) Ms. paritas. 5) *al.* fors. 6) *al.* concretis. 7) Ms. exitus.
¹⁾ *al.* differendam. ²⁾ *Steph.* inmerentur.

ceret undique periculis opprimendum, largitionum Comite ad alterius gratiam infestius perurgente; fugam ad Persas cum coniuge, ³⁾ liberis, et omni ³ viuculo caritatum ingenti molimine conabatur. Atque, ut lateret stationarios milites, fundum in Hiaspide, qui locus Tigridis fluentis adluitur, pretio non magno mercatur. Hocque commento cum nullus causam veniendi ad extremas Romani limitis partes, iam possessorem cum plurimis auderet exigere, per familiares fidos peritosque nandi occultis saepe colloquiis ⁴⁾ cum Tamsapore habitis, qui tractus omnes adversos ducis potestate tunc tuebatur, et antea cognitus, misso a Persicis castris auxilio virorum perniciem, lembis impositus, cum omni ⁵⁾ penatum dulcedine nocte concubia transfretat, ⁶⁾ re contraria, specie Zopyri illius similis Babylo-
nii proditoris.

⁴ Rebus per Mesopotamiam in hunc statum deductis, Palatina cohors palinodiam in exitum concinens nostrum, invenit tandem ansam nocendi fortissimo viro, auctore et incitatore coetu spadonum: qui feri et ⁷⁾ acidi semper, carentesque necessitudinibus caeteris, divitias solas ut filiolas iucundissimas amplectuntur. Stetitque sententia, ut Sabinianus vietus quidem senex et bene nummatus, sed imbellis et ignavus, et ab impetranda magisterii dignitate per obscuritatem adhuc longe discretus, praeficiendus Eois partibus mitteretur. Urfeinus vero curaturus pedestrem militiam, et successurus Barbationi, ad comitatum reverteretur, quo praesens rerum novarum avidus concitor, ut iactabant, a gravibus inimicis et metuendis incesceretur.

⁶ Dum haec in castris Constantii quasi per lustra aguntur et scenam, et diribitores venumdatae subito

³⁾ *al.* liberisque. ⁴⁾ *Mf.* cum tam sapore. ⁵⁾ *al.* poenarum.
⁶⁾ *Mf.* rex contrar. ⁷⁾ *Mf. et Steph.* acidi.

potestatis pretium per potiores diffunditant domos, Antoninus ad regis hiberna perductus averter suscipitur: et apicis nobilitatus auctoritate (quo honore participantur mensae regales, et meritorum apud Persas ad suadendum ferendasque sententias in concionibus ora panduntur) non contis, nec ⁸⁾ rymulco, ut aiunt [id est non flexiloquis ambagibus vel obscuris,] sed velificatione plena in rem publicam ferebatur: eundemque incitans regem, ut quondam Maharbal lentitudinis increpans Annibalem, posse eum vincere, sed victoria uti nescire, adfidue praedicabat. ⁹⁾ Educatus enim in medio, ⁷ ut rerum omnium gnarus, auditorum nactus ¹⁰⁾ vigiles sensus, et aurium delenimenta captantes, nec laudantium, sed secundum Homericos Phaeacas cum silentio admirantium, iam inde quadragesimi anni memoriam replicabat: post bellorum adfidos casus, et maxime apud Hileiam et Singaram, ubi acerrima illa nocturna concertatione pugnatum est, nostrorum copiis ingenti strage confossis, quasi dirimente quodam medio feciali, Persas nondum Edessam nec pontes Euphratis tetigisse victores: quos armipotencia fretos successibusque magnificis, ita dilataste ¹¹⁾ decuerat rem, eo maxime tempore, quo diuturnis bellorum civilium motibus sanguis utrimque Romani roboris fundebatur.

His ac talibus subinde inter epulas sobrius per- ⁸ fuga, ubi de adparatu bellorum et seriis rebus apud eos Graiorum more veterum consultatur, regem incendebat ardentem, ut exacta hieme statim arma, fretus fortunae suae magnitudine, concitaret: ipse quoque in multis ac necessariis operam suam fidenter promittens.

8) Ms. ramulo. 9) *al.* eductus. 10) Ms. vigiliis eius sensus.
11) Ms. decueratarent.

1 VI. Sub iisdem fere diebus Sabinianus adepta
 repentina potestate sufflatus, et Ciliciae fines ingres-
 sus, decessori suo Principis litteras dedit hortantis,
 ut ad comitatum dignitate adficiendus superiore
 citius properaret: eo necessitatum articulo, quo,
 etiam si apud Thulen moraretur Urficinus, acciri
 eum magnitudo rerum ratione probabili flagitabat;
 utpote disciplinae veteris, et longo usu bellandi
 2 artis Perficae scientissimum. Quo rumore provin-
 ciis percitis, ordines civitatum et populi, decretis
 et acclamationibus densis, iniecta manu detinebant
 penes se publicum defensorem, memores, quod
 relictus ad sui tutelam cum inertis et umbratili mi-
 lite, nihil amiserat per decennium: simul metuen-
 tes salutem, quod tempore dubio, remoto illo, ad-
 3 venisse hominem compererant inertissimum. Cre-
 dimus, neque enim dubium est, per aërios trami-
 tes famam praepetem volitare, cuius indicio haec
 gesta pandente, ¹⁾ consiliorum apud Persas summa
 proponebatur: et multis ultro citroque deliberatis
 placuit, Antonino suadente, ut Urficino procul
 amoto, despectoque novello duce, posthabitis civi-
 tatum perniciosis obliidiis, perrumperetur Euphra-
 tes, ireturque prorsus: ut occupari possint provin-
 ciae, fama celeritate praeventa, omnibus ante bel-
 lis (nisi temporibus Gallieni) intactae, paceque lon-
 gissima locupletes: cuius rei, prosperante deo, du-
 4 ctorem commodissimum fore spondebat. Laudato
 firmatoque concordi omnium voluntate consilio,
 conversisque universis ad ea, quae erant citius con-
 gerenda, commeatus, milites, arma, caeteraque
 instrumenta, quae poscebat procinctus adventans,
 perpetua hieme parabantur.

5 Nos interea paullisper cis Taurum morati, ex
 imperio ad partes Italiae ²⁾ festinantes, prope
 flumen

1) *al.* conciliorum. 2) *al.* venientes festinantes.

flumen venimus Hebrum, ex Odrysarum montibus decurrentem: ibique Principis scripta suscepimus, iubentia omni ³⁾ causatione posthabita reverti Mesopotamiam sine adparitione, nullam expeditionem curaturi periculofam, ad alium omni potestate translata. Quod ideo per molestos formatores imperii struebatur, ut, si Persae frustra habitus redissent ad sua, ducis novi virtuti facinus adsignaretur egregium: si fortuna ⁴⁾ sequior ingruisset, Urficinus reus proditor rei publicae ⁵⁾ deferretur. Agitati igitur sine rationibus, diu cunctati, reverſique, fastidii plenum Sabinianum invenimus, hominem mediocris staturae, et parvi angustique animi, vix sine turpi metu sufficientem ad levem convivii, nedum ⁶⁾ proelii strepitum perferendum.

Tamen, quoniam speculatores adparatus omnes ⁸ apud hostes fervere constanti adseveratione perfugis concinentibus adfirmabant, oscitante homunculo Nisibin propere venimus utilia paraturi, ⁷⁾ ne dissimulantes obsidium Persae civitati supervenirent incautae. Dumque intra muros maturanda perurge-⁹ rentur, fumus micantesque ignes adſidue a Tigride per castra Maurorum, et Sisara, et collimitia reliqua adusque civitatem ⁸⁾ continui perlucebant solito crebriores, erupisse hostium vastatorias manus superato flumine permonstrantes. Qua causa ne ¹⁰ occuparentur itinera, celeri cursu praegressi, cum ad secundum lapidem venissemus, liberali forma puerum Torquatum, ut coniectabamus, octennem, in aggeris medio vidimus eiulantem, ingenui cuiusdam filium, ut aiebat: quem mater dum imminenti-
tium hostium terrore percita fugeret, impeditior trepidando reliquerat solum. Hunc dum imperatu ducis miserati commotique, impositum equo prae

3) Ms. cautione. 4) Ms. aequior. 5) Ms. differretur. 6) Ms. proelio. 7) Ms. ni dissimulantes. 8) *ro continui* Ms. deest.

me ferens ad civitatem reduco, circumvallato murorum ambitu praedatores latius vagabantur. Et quia me obsidionales aerumnae terrebant, intra semiclausam posticam exposito puero, nostrorum agmen agilitate volucris repetebam examinis: nec multum fuit, quin caperer. Nam cum Abdigidum quemdam tribunum fugientem cum calone ala sequeretur hostilis, lapsoque per fugam domino servum deprehensum, cum ego rapido ictu transirem, interrogassent, quisnam ⁹⁾ provectus sit iudex, audissentque Ursicinum paullo ante urbem ingressum, montem Izalam ¹⁰⁾ petere: occiso indice, in unum quaesiti complures nos irrequietis cursibus sectabantur. Quos cum iumenti agilitate praegressus, apud ¹¹⁾ Amudim munimentum infirmum dispersis per pabulum equis recubantes nostros securius invenissem, porrecto ¹²⁾ extentius brachio, et summitatibus sagi contortis elatius, adesse hostes signo solito demonstrabam: iisdemque iunctus impetu ¹³⁾ communi ferebar, equo iam fatifcente. Terrebat autem nos plenilunium noctis, et planities supina camporum, nulla, si occupasset artior casus, latibula praebere sufficiens; ubi nec arbores, nec frutecta, nec quidquam praeter herbas humiles visabatur. Excogitatum est ergo, ut ardente superposita lampade, et circumligata, ne rueret, iumentum solum, quod eam vehebat, solutum sine rectore laevorsum ire permetteretur, cum nos ad montanos excessus dextra positos ¹⁴⁾ tenderemus: ut praelucere sebalem facem duci lenius gradienti Persae credentes, eum tenerent potissimum cursum: quod nisi fuisset praevisum, circumventi et capti sub ditionem venissemus hostilem.

9) Mf. profectus. 10) Mf. petero indicem in unum. 11) Mf. Amudim. *al.* Amudum. 12) *al.* extensius. 13) Mf. extendere-mus.

Hoc extracti periculo, cum ad nemorosum 16
quemdam locum vineis arbuſtisque pomiferis con-
ſitum, Meiacarire nomine veniſſemus, cui fontes
dedere vocabulum gelidi, lapſis accolis omnibus,
ſolum in remoto ſecellu latentem invenimus mili-
tem: qui oblatus duci, et loquutus varia prae ti-
more, ideoque ſuſpectus, adigente metu, qui in-
tentabatur, pandit rerum integram fidem: docet-
que, quod apud Parthios natus in Galliis, et eque-
ſtri militans turma, vindictam quondam commiſſi
facinoris timens, ad Perſas abierat profugus; exin-
deque morum probitate ſpectata ſortita coniuge,
liberisque ſuſceptis, ſpēculatorem ſe miſſum ad
noſtra, ſaepe veros nuntios reportaſſe. At nunc ſe
14) a Tamſapore et Nohodare optimatibus miſſum,
qui catervas ductaverant praedatorum, ad eos redi-
re, quae didicerat, perlaturum. Poſt haec, ad-
iectis quae agi in parte diverſa norat, occiditur.

Proinde curarum crescente ſollicitudine, inde 17
paſſibus citis Amidam pro temporis copia venimus,
civitatem poſtea ſequutis cladibus inclytam. Quo
reverſis exploratoribus noſtris, in vaginae internis
notarum figuris membranam reperimus ſcriptam,
a Procopio ad nos perferri 15) mandata, quem le-
gatum ad Perſas antea miſſum cum comite Lucillia-
no praedixi: haec conſulto obſcurius indicantem,
ne captis baiulis, ſenſuque intellecto ſcriptorum,
excitaretur materia funeſtiſſima: *Amandatis procul 18*
Graiorum legatis, forſitan et necandis, rex longae-
vus non contentus Hellesponto, iunctis Granici et
26) Ryndaci pontibus, Aſiam cum numeroſis popu-
lis pervaſurus adveniet, ſuoſte ingenio irritabilis et
aſperrimus, auctore et incenſore Hadriani quon-

L 2

14) Mſ. a tam ſapore. 15) Mſ. mandata tamquam. 16) Mſ.
Bandaci.

dam Romani Principis successore: actum et conclamatum est, ni caverit Graecia.

19 Qui textus significabat Persarum regem, transitis fluminibus Anzaba et Tigride, Antonino hortante dominium Orientis adfectare totius. Illis ob perplexitatem nimiam aegerrime lectis, consilium suscipitur prudens.

20 Erat eo tempore Satrapa Corduenae, quae obtemperabat potestati Persarum, Iovinianus nomine adpellatus, in solo Romano adulescens, nobiscum occulte sentiens: ea gratia, quod obsidatus sorte in Syriis detentus, et dulcedine liberalium studiorum illectus, remeare ad nostra ardenti desiderio
21 gestiebat. Ad hunc missus ego cum centurione quodam fidissimo, exploratus noscendi gratia, quae gerebantur, per avios montes angustiasque praecipites veni. Vilusque et agnitus, comiterque susceptus, causam praesentiae meae uni illi confessus, adiuncto taciturno aliquo locorum perito, mittor ad praecellias rupes exinde longe distantes: unde nisi oculorum deficeret acies, ad quinquagesimum usque lapidem quodvis etiam minutissimum adpare-
22 bat. Ibi morati integrum biduum, cum sol tertius adfulsisset, cernebamus terrarum omnes ambitus subiectos, quos horizontas adpellamus, agminibus oppletos innumeris, et antegressum regem vestis claritudine rutilantem. Quem iuxta laevus incedebat 17) Grumbates Chionitarum rex, aetate quidem media, rugosisque membris, sed mente quadam grandifica, multisque victoriarum insignibus nobilis: dextera rex Albanorum, pari loco atque honore sublimis: post duces varii auctoritate et potestatibus eminentes: quos ordinum omnium multitudo sequebatur, ex vicinarum gentium roboribus lecta, ad tolerandam rerum asperitatem diuturnis

17) Ms. Grynates Chionitarum rex nobis quidem aetate.

casibus erudita. Quousque nobis Doriscum Thra-²⁸
ciae oppidum, et agminatim intra consaepta exer-
citus recensitos Graecia fabulosa narrabis? cum
nos cauti, vel, ut verius dixerim, timidi nihil ex-
aggeremus, praeter ea, quae fidei testimonia neque
dubia, neque incerta monstrarunt.

VII. Postquam reges Nineve Adiabene ingenti
civitate transmissa, in medio pontis Anzabae hostiis
caesis extisque prosperantibus transiere laetissimi,
coniectantes nos, reliduum plebem omnem aegre
penetrare post triduum posse, citius exinde ad sa-
trapen reversi quievimus, hospitalibus officiis re-
creati. Unde per loca itidem deserta et sola, ma-²
gno necessitatis ducente solatio, celerius, quam
potuit sperari, reversi, confirmavimus animos hae-
sitantium, unum e navalibus pontem transisse reges
absque ulla circuitione perdoctos. Extemplo igi-³
tur equites citi ¹⁾ mittuntur ad Cassianum Mesopo-
taniae ducem, rectoremque provinciae tunc Eu-
phronium, compulsuri agrestes cum familiis et pe-
coribus universis ad tutiora ²⁾ transire, et agiliter
deseri Carras oppidum, invalidis circumdatum mu-
ris: super his campos omnes incendi, ne pabulo-
rum suppeteret copia. Et imperatis sine mora⁴
completis, iniecto igne, furentis elementi vis maxi-
ma frumenta omnia, cum iam stipula flaverit turge-
rent, herbasque pubentes ita contorruit, ut adus-
que Euphratem ab ipsis marginibus Tigridis nihil
viride cerneretur. Tunc exultae sunt ferae com-
plures, maximeque leones per ea loca saevientes
immaniter, consumi vel caecari sueti paullatim hoc
modo. Inter harundineta Mesopotamiae fluminum⁵
et frutecta leones vagantur innumeri, clementia
hiemis ibi mollissimae semper innocui. At ubi

¹⁾ Mf. mittuntur tunc ad. ²⁾ Mf. et Steph. transire compelli
et agiliter.

solis radiis exarserit tempus, in regionibus aestu ambustis, vapore sideris et magnitudine culicum agitantur, quorum examinibus per eas terras referata sunt omnia. Et quoniam oculos, quasi humida et lucentia membra, eadem adpetunt volucres, palpebrarum libramentis mordicus infidentes, iidem leones cruciati diutius, aut fluminibus merfi sorbentur, ad quae remedii causa confugiunt, aut amissis oculis, quos unguibus crebro lacerantes effodiunt, immanius ³⁾ efferascunt: quod ni fieret, universus Oriens huiusmodi bestiis abundaret.

6 Dum campi cremantur (ut dictum est) tribuni cum protectoribus missi, citeriores ripas Euphratis castellis, et praeacutis sudibus, omnique praesidiorum genere communibant, tormenta, qua non erat voraginosum, locis opportunis aptantes.

7 Dum haec celerantur, Sabinianus inter rapienda momenta periculorum communium lectissimus moderator belli internecivi, per Edessena sepulcra, quasi fundata cum mortuis pace nihil formidans, more vitae remissioris fluxius agens, militari pyrricha sonantibus modulis pro histrionicis gestibus in silentio summo delectabatur, ominoso sane et incepto et loco. Cum haec et huiusmodi factu dictuque tristitia futuros praenuntiant motus, vitare optimum quemque debere saeculi progressionem di-

8 scamus. Interea reges Nisibi ⁴⁾ prostratione vili transmissa, incendiis arida nutrimentorum varietate crescentibus, fugitantes inopiam pabuli, sub montium pedibus per valles gramineas incedebant.

9 Cumque Bebasen villam venissent, unde ad ⁵⁾ Constantinam usque oppidum, quod centesimo lapide disparatur, arescunt omnia siti perpetua, nisi quod in puteis aqua reperitur exilis; quid agerent diu

3) Ms. efferascunt. 4) Ms. prostratione. 5) Ms. Constantinam.

cunctati, iamque suorum ⁶⁾ duritiae fiducia transi-
turi, exploratore fido docente, cognoscunt Eu-
phratem nivibus tabefactis inflatum, late fusis gur-
gitibus evagari: ideoque vado nequaquam posse
transiri. Convertuntur ergo ad ea, quae ample-
ctenda fortuita daret occasio, spe concepta praeter
opinionem exclusi: ac proposito pro abrupto rerum
praesentium statu urgenti consilio, Antoninus di-
cere, quid sentiat, iussus orditur, flecti iter sua-
dens in dexterum latus, ut per longiorem circui-
tum, ⁷⁾ omnium rerum usu regionum feracium,
et consideratione ea, qua rectus pergeret hostis,
adhuc intactarum, castra duo praesidiaria Barzala
et Laudias peterentur sese ductante: ubi tenuis flu-
vius prope originem et angustus, nullisque adhuc
aquis advenis adulescens, facile penetrari poterit
ut vadofus. His auditis, laudatoque suatore, et
iussu ducere, qua norat, agmina cuncta ab institu-
to itinere conversa praevium sequebantur.

VIII. Quo certis speculationibus cognito, nos
disposuimus properare Samosata, ut superato exin-
de flumine, pontiumque apud Zeugma et Caperfa-
na iuncturis abscissis, hostiles impetus, si iuvisset
fors ulla, repelleremus. Sed contigit atrox et si-
lentio omni dedecus obruendum. Namque duarum
turmarum equites circiter septingenti, ad subsidium
Mesopotamiae recens ex Illyrico missi, enerves et
timidi, praesidium per eos traductus agentes, no-
cturnasque paventes insidias, ab aggeribus publicis
vesperi, quando custodiri magis omnes tramites
conveniret, longius discedebant. Hocque obser-
vato, eos vino oppressos et somno, viginti millia
fere Persarum, Tamsapore et Nohodare ductanti-
bus, nullo prospiciente transgressa, post tumulos
cellos vicinos Amidae occultabantur armata.

6) Ms. duritia. 7) Ms. omnem rerum usu regionem inferacium.

- 4 Moxque (ut dictum est) cum abituri Samosatam luce etiam tum dubia pergeremus, ab alta quadam specula radiantium armorum splendore praestrici, hostesque adesse excitatus clamitantes, signo dato, quod ad proelium solet hortari, resistimus conglobati: nec fugam capessere, cum essent iam in con-
 5 tuitu, qui sectarentur, nec congredi cum hoste, equitatu et numero praevalente, metu indubitatae mortis cautum existimantes. Denique ex ultima necessitate manibus iam conferendis, cum, quid agi oporteat, cunctaremur, occiduntur quidam nostrorum temere procurstantes: et urgente utraque parte, Antoninus ambitiose praegrediens agmina, ab Urlicino agnitus, et obiurgatorio sono vocis increpitus, proditorque et nefarius adpellatus, sublata tiara, quam capiti summo ferebat honoris insigne, defiluit equo: curvatisque membris, humum vultu paene contingens, salutavit, patronum adpellans et dominum, manus ¹⁾ post terga connectens, quod
 6 apud Assyrios supplicis indicat formam: Et, *ignosce mihi, inquit, amplissime Comes, necessitate, non voluntate ad haec, quae novi, scelesti prolapsus: egere me praecipitem flagitatores, ut nosti: quorum avaritiae ne tua quidem excelsa illa fortuna, propugnans miseriis meis, potuit refragari.* Simul haec dicens, e medio prospectu abcessit, non averfus, sed dum evanesceret verecunde retrogradiens, et pectus ostentans.
- 7 Quae dum in curriculo semihorae aguntur, postsignani nostri, qui tenebant editiora collis, exclamant aliam cataphractorum multitudinem equitum pone visam, celeritate quammaxima propinquare.
- 8 Atque, ut in rebus solet adflictis, ambigentes, cui nam deberet aut posset occurri, trudente pondere plebis immensae, passim, qua cuique proximum

¹⁾ Ms. post terga.

videbatur, diffundimur universi. Dumque se quisque expedire discriminè magno conatur, sparsim disiecti hosti concursatori miscemur. Itaque, spre- 9
ta iam vivendi cupiditate, fortiter decernentes, ad ripas pellimur Tigridis alte excisas. Unde quidam praecipites pulsi, implicantibus armis haeserunt, ubi vadofus est amnis: alii ²⁾ lacunarum hausti vertigine vorabantur: nonnulli cum hoste congressi, vario eventu certabant: quidam cuneorum densitate perterriti, petebant proximos Tauri montis excessus. Inter quos dux ipse agnitus, pugnatorum- 10
que mole circumdatus, cum Aiadalthe tribuno, caloneque uno, equi celeritate ereptus abscessit.

Mihi, dum avius ab itinere comitum, quid age- 11
rem, circumspicio, Verennianus domesticus protector occurrit, femur sagitta confixus: quam dum avellere obtestante collega conarer, cinctus undique antecedentibus Persis, civitatem petebam an-
helo cursu rependo, ex eo latere, quo incessebamur, in arduo sitam, unoque adscensu perangusto meabilem, quem scissis collibus molinae ad calles artandas aedificatae, densius constringebant. Hic 12
misti cum Persis, eodem ictu procurrentibus ad superiora nobiscum, adusque ortum alterius solis immobiles stetimus ita conferti, ut caesorum cadavera multitudine fulta reperire ruendi spatium nusquam possent: utque miles ante me quidam discriminato capite, quod in aequas partes ictus gladii fiderat validissimus, in stipitis modum undique coartatus haereret. Et licet multiplicia tela per tormento- 13
rum omnia genera volarent e propugnaculis, hoc tamen periculo murorum nos propinquitas eximebat: tandemque per posticam ingressus, refertam inveni confluyente ex finitimis virili et muliebri sexu. Nam et casu illis ipsis diebus, in suburbanis pere-

2) *MC. lacunarium.*

grina commercia circumacto anno solita celebrari,
 14 multitudo convenarum augebat agrestium. Interea
 sonitu vario cuncta miscentur, partim amissos ge-
 mentibus, aliis cum exitio sauciis, multis caritates
 diversas, quas prae angustis videre non poterant,
 invocantibus.

1 IX. Hanc civitatem olim perquam brevem,
 Caesar etiam tum Constantius, ut accolae suffugium
 possint habere tutissimum, eo tempore, quo Anto-
 ninupolim oppidum aliud struxit, turribus circum-
 dedit amplis et moenibus: locatoque ibi conditorio
 muralium tormentorum, fecit hostibus formidatam,
 2 suoque nomine voluit adpellari. Et a latere qui-
 dem australi, geniculato Tigridis meatu subluitor
 propius emergentis: qua Euri opponitur flatibus,
 Mesopotamiae plana despectat: unde Aquiloni ob-
 noxia est, Nymphaeo amni vicina, verticibus Tau-
 rinis umbratur, gentes Transtigritanas dirimenti-
 bus et Armeniam: spiranti Zephyro contraversa
 Gumathenam contingit, regionem uberem et cultu
 iuxta fecundam: in qua vicus est Abarne nomine,
 fospitalium aquarum lavacris calentibus notus. In
 ipso autem Amidae meditullio sub arce fons dives
 3) exundat, potabilis quidem, sed vaporatis aesti-
 3 bus nonnumquam faetens. Cuius oppidi praesidio
 erat semper quinta Parthica legio destinata, cum
 indigenarum turma non contemnenda. Sed tunc
 ingruentem Persarum multitudinem sex legiones
 raptim percursis itineribus antegressae, muris adsti-
 tere firmissimis; Magnentiaci et Decentiaci, quos
 post consummatos civiles procinctus, ut fallaces et
 turbidos ad Orientem venire compulit Imperator,
 ubi nihil praeter bella timetur externa: et 2) Trice-
 simani Decimanique Fortenses, et superventores
 atque praeventores cum Aeliano iam Comite, quos

1) *al.* exudat. 2) *Ms.* Tricensimani.

tirones tum etiam novellos, hortante memorato adhuc protectore erupisse a Singara, Persasque suos in somnum retulimus trucidasse complures. Aderat comitum quoque sagittariorum pars maior,⁴ equestres videlicet turmae ita cognominatae, ubi merent omnes ingenui barbari, armorum viriumque firmitudine inter alios eminentes.

X. Haec dum primi impetus turbo conatibus agitatis, rex cum populo suo gentibusque, quas ductabat, a Bebase loco itinere flexo dextrorsus, ut monuerat Antoninus, per Horren et ¹⁾ Maiacarire et Charcha, ut transiturus Amidam, cum prope castella Romana venisset, quorum unum Reman, alterum Busan adpellatur, perfugarum indicio ²⁾ didicit, multorum opes illuc translatas servari, ut in munimentis praecelsis et fidis: additumque est, ibi cum suppellectili pretiosa inveniri feminam pulcram cum filia parvula, Craugasii Nisibeni cuiusdam uxorem, in municipali ordine genere, fama, potentiaque circumspecti. Aviditate itaque rapiendi aliena festinans, petit impetu fidenti castella: unde subita animi consternatione defensores armorum varietate praestrici, se cunctosque prodidere, qui ad praefidia confugerunt, et digredi iussi, confestim claves obtulere portarum: patefactisque aditibus, quidquid ibi congestum erat, eruitur: et productae sunt attonitae ³⁾ metu mulieres, et infantes matribus implicati, graves aerumnas inter initia tenerioris aetatis experti. Cumque rex, percontando, cuiusnam coniunx esset, Craugasii comperisset, vim in se metuentem prope venire permisit intrepidam, et visam opertamque adusque labra ipsa atro velamine, certiore iam spe mariti recipiendi, et pudoris inviolati mansuri, benignius confirmavit. Audiens enim conjugem miro eius amore

1) Ms. Maiacariren. 2) al. dicitur. 3) al. senitu.

flagrare, hoc praemio Nisibenam se proditionem
4mercari posse arbitrabatur. Inventas tamen alias
quoque virgines Christiano ritu cultui divino sacra-
tas, custodiri intactas, et religioni servire solito
more, nullo vetante praecepit: lenitudinem pro-
fecto in tempore simulans: ut omnes, quos antehac
4) diritate crudelitateque terrebat, sponte sua metu
remoto venirent, exemplis recentibus docti, hu-
manitate eum et moribus iam placidis magnitudi-
nem temperasse fortunae.

4) diritate terrebat.

AMMIANI MARCELLINI

RERUM GESTARUM

LIBER XIX.

Sapor, dum Amidenses ad deditiōem hortatur, a praesidiariis sagittis et tragulis petitur. Idem dum tentat Grumbates rex, filius eius interficitur. C. I. Amida circumfidetur, et intra biduum bis oppugnatur a Persis. II. Ursicinus noctu obsidentibus supervenire frustra conatur, Sabiniano magistro militum repugnante. III. Pestilentia Amidae orta intra decimum diem exiguo imbre sedatur. Et de causis ac generibus pestilentiae. IV. Amida hinc circum muros, inde per subterraneos fornices duce transfuga oppugnatur. V. Gallicanarum legionum eruptio, Persis exitiabilis. VI. Turres et alia opera urbis muris admoventur; incenduntur a Romanis. VII. Amida per celsos aggeres muris proximos tentatur a Persis ac invaditur. Marcellinus post captam urbem nocte evadit, ac fuga Antiochiam petit. VIII. Amidae ex ducibus Rom. alii supplicio adfecti, alii vincti. Craugasius Nisibenus desiderio uxoris captivae transfugit ad Persas. IX. Plebs Rom. inopiam frumenti metuens seditiones movet. X. Limigantes Sarmatae, dum simulata petitione pacis deceptum imperatorem invadunt, maxima suorum strage reprimuntur. XI. Laesae maiestatis multi arcessiti atque damnati. XII. Lauricius Comes Isaurorum latrocinia compefcit. XIII.

Hoc miserae nostrorum captivitatis eventu rex laetus, successusque opperiens similes, egressus exinde paullatimque incedens, Amidam die tertio venit.

2 Cumque primum aurora ¹⁾ fulgeret, universa quae
 videri poterant armis stellantibus coruscabant, ac
 3 ferreus equitatus campos opplevit et colles. Infi-
 dens autem equo, ante alios celsior ipse praeibat
 agminibus cunctis, aureum capitis arietini figmen-
 tum interstinctum lapillis pro diademate gestans,
 multiplici vertice dignitatum et gentium diversa-
 rum comitatu sublimis. Satisque eum constabat
 colloquio tenus defensores moenium tentaturum,
 4 aliorum Antonini consilio festinantem. Verum
 caeleste numen, ut Romanae rei totius aerumnas
 intra unius regionis concluderet ambitum, adege-
 rat in immensum se extollentem, credentemque,
 quod viso statim obsessi omnes metu exanimati,
 5 supplices venirent in preces. Portis obequitabat,
 comitante cohorte regali: qui dum se prope confi-
 dentius inserit, ut etiam vultus eius possit aperte
 cognosci, sagittis missilibusque caeteris ob decora
 petitus insignia, corruisset, ni pulvere iaculantium
 adimente conspectum, parte indumenti tragulae
 ictu discissa, editurus postea strages innumeras eva-
 6 sisset. Hinc quasi in sacrilegos violati saeviens tem-
 pli, temeratumque tot regum et gentium dominum
 praedicans, eruendae urbis adparatu nisibus magnis
 instabat: et orantibus potissimis ducibus, ne pro-
 fusus in iram a gloriosis descisceret coeptis, leni
 summatum petitione placatus, postridie quoque su-
 per deditione moneri decreverat defensores.
 7 Ideoque, cum prima lux advenisset, rex Chio-
 nitarum Grumbates fidenter ²⁾ eam operam navatu-
 rus tendebat ad moenia, ³⁾ cum manu promptissi-
 ma stipatorum: quem ubi venientem iam telo forte
 contiguum contemplator peritissimus advertisset,
 contorta ballista filium eius primae pubis adolescen-
 tem, lateri paterno haerentem, thorace cum pecto-

1) *al. surgeret.* 2) *et eam* Ms. deest. 3) Ms. cum eo manus.

fe perforato, profudit, proceritate et decore corporis aequalibus antestantem. Cuius occasu in fugam dilapsi populares eius omnes, moxque, ne raperetur, ratione iusta regressi, numerosas gentes ad arma clamoribus dissonis concitarunt: quarum concursu ritu grandinis hinc inde convolantibus telis, atrox committitur pugna. Et post interneciva certamina adusque finem diei protenta, cum iam noctis esset initium, per acervos caesorum et scaturigines sanguinis aegre defensum caligine tenebrarum extrahitur corpus; ut apud Troiam quondam super comite Thessali ducis exanimi acies Marte acerrimo conflixerunt. Quo funere regia maesta,¹⁰ et optimatibus universis cum parente subita clade percussis, indicto iustitio iuvenis nobilitate commendabilis et dilectus, ritu nationis propriae lugebatur. Itaque, ut armari solebat elatus, in amplo quodam suggestu locatur et celso: circaque eum lectuli decem sternuntur, figmenta vehentes hominum mortuorum, ita curate pollincta, ut imagines essent corporibus similes iam sepultis: ac per dierum spatium septem, viri quidem omnes per contubernia et manipulos epulis indulgebant saltando, et cantando tristitia quaedam genera naeniarum, regium iuvenem lamentantes. Feminae vero miserabili¹¹ planctu, in primaevo flore succisam spem gentis solitis fletibus conclamabant; ut lacrymare cultrices *) Veneris saepe spectantur in sollemnibus Adonidis sacris, quod simulacrum aliquod esse frugum adularum religiones mysticae docent.

II. Post incensum corpus, ossaque in argenteam urnam coniecta, quae ad gentem humo mandanda portari statuerat pater; agitata summa consiliorum placuerat, busto urbis subversae expiare perempti iuvenis manes: nec enim Grumbates *) inulta unici

4) *al. Venerere.* 1) *Ms. invita.*

2 pignoris umbra ire ultra patiebatur. Biduoque ad otium dato, ac missis abunde, qui pacis modo patientes agros pingues cultosque vastarent, quinquies ordine multiplicato scutorum cingitur civitas: ac tertiae principio lucis corusci globi turmarum impleverunt cuncta, quae prospectus humanus potuit undique contueri: et sorte loca divisa clementi gradu incedentes ordines occuparunt. Persae omnes murorum ambitus obfidebant. Pars, quae orientem spectabat, Chionitis evenit, qua funestus nobis ceciderat adulescens. ²⁾ Vertae meridiano lateri sunt destinati: tractum servabant septemtrionis Albani: occidentali portae oppositi sunt Segestani, acerrimi omnium bellatores: cum quibus elata in arduum specie elephantorum agmina, rugosis horrenda corporibus, leniter incedebant armatis onusta, ultra omnem diritatem taetri spectaculi formidanda, ut retulimus saepe.

4 Cernentes populos tam indimensos, ad orbis Romani incendium diu quaesitos, in nostrorum conversos exitium; salutis rata desperatione gloriosos vitae exitus deinde curabamus, iamque omnibus nobis optatos. A sole itaque orto usque diei ultimum acies immobiles stabant ut fixae, nullo variato vestigio, nec sonitu, vel equorum audito hinnitus: eademque figura digressi, qua venerant, cibo recreati et somno, cum superesset exiguum noctis, aeneatorum clangore ductante, urbem ut mox caesuram terribili corona cinxerunt. ³⁾ Vixque ubi Grumbates hastam infectam sanguine ritu patrio nostrique more coniecerat fecialis, armis exercitus concrepans involat in muros: confestimque lacrymabilis belli turbo crudescit, rapido ⁴⁾ turmarum processu in procinctum alacritate omni tendentium, et contra acri intentaque occurratione nostrorum.

Pro-

2) Ms. Cuius. 3) *al.* Vixque ibi. 4) Ms. turomarium processu.

Proinde diffractis capitibus multos hostium scor-
pionum iactu moles saxae colliserunt: alii traieci
sagittis, pars confixi tragulis, humum corporibus
5) obstruebant; vulnerati alii socios fuga praecipiti
repetebant. Nec minores in civitate luctus aut
mortes, sagittarum creberrima nube auras spissa
multitudine obumbrante, tormentorumque machi-
nis, quae 6) direpta Singara possederant Persae,
vulnera inferentibus plura. Namque viribus colle-
ctis propugnatores, omissa vicissim certamina repe-
tentes, in maximo defendendi ardore faucii perni-
ciose cadebant, aut laniati, volvendo stantes proxi-
me subvertebant, aut certe spicula membris infixi
vivi adhuc vellendi peritos quaeritabant. Ita
strages stragibus implicatas, et ad extremum usque
7) diei productas, ne vespertinae quidem hebetave-
rant tenebrae: ea re, quod obstinatione utrimque
magna decernebatur. Agitatis itaque sub onere ar-
morum vigiliis, resultabant altrinsecus exortis cla-
moribus colles: nostris virtutes Constantii Caesaris
extollentibus, ut domini rerum et mundi: Persis
Saporem et 8) Saansaan adpellantibus et 9) Pyrosen,
10) quod rex regibus imperans, et bellorum victor
interpretatur.

Ac priusquam lux occiperet, signo per lituost
dato, ad 11) fervorem similium proeliorum excitae
undique inaeestimabiles copiae in modum alituum
ferebantur: unde longe ac late prospici poterat,
campis et convallibus nihil praeter arma micantia
ferarum gentium demonstrantibus. Moxque cla-
more sublato, cunctis temere prorumpentibus, te-
lorum vis ingens volabat e muris: utque opinari
dabatur, nulla frustra mittebantur, inter hominum

5) *al.* obsternebant. 6) *al.* direpta in Singara. 7) *Steph.* diem.
8) *Mf.* Saansaan. 9) *Mf.* Pyrosen. 10) *al.* Regibus. 11) *Mf.*
fortiorem.

cadentia densitatem. Tot enim nos circumstantibus malis, non obtinendae causa salutis, ut dixi, sed fortiter moriendi studio flagrabamus: et a diei principio adusque lucem obscuram neutrubi proelio inclinato, ferocius quam consultius pugnabatur. Exfurgebant enim ruentium ferientiumque clamores, ut prae alacritate consistere sine vulnere quisquam vix possit. Tandemque nox finem caedibus fecit, et satias aerumnarum indutias partibus dederat longiores. Ubi enim quiescendi nobis tempus est datum, exiguas quae ¹²⁾ supererant vires continuus cum insomnia labor absumpsit, sanguine et pallente exspirantium facie perterrente, ¹³⁾ quibus ne suprema quidem humandi solatia tribui sinebant angustiae spatiorum, intra civitatis ambitum non nimium amplae legionibus septem, et promiscua advenarum civiumque sexus utriusque plebe, et militibus aliis paucis adusque numerum millium xx. ¹⁵ concitis inclusis. Medebatur ergo suis quisque vulneribus pro possibilitate, vel curantium copia: cum quidam graviter saucii cruore exhausto spiritus reluctantes efflarent: alii confossi mucronibus prostrati, animis in ventum solutis proiciebantur extincti: aliquorum foratis undique membris mederi periti vetabant, ne offensionibus callis animae vexarentur adflictae: nonnulli ¹⁴⁾ vellendis sagittis in ancipiti curatione graviora morte supplicia perferebant.

III. Dum apud Amidam hac partium destinatione pugnatur, Urficius maerens, quod ex alterius pendebat arbitrio, auctoritatis tunc in regendo milite ¹⁾ potioris Sabinianum, etiam tum sepulcris haerentem crebro monebat, ut compositis velitarius cunctis, per imos pedes montium occultis iti-

¹²⁾ Steph. supererant. ¹³⁾ Mf. de quibus. ¹⁴⁾ Steph. vullis.
¹⁾ Mf. potioris.

neribus properarent: quo levium armorum auxilio, si qua fors iuvisset, stationibus interceptis, nocturnas hostium adgrederentur excubias, quae ingenti circuitu vallaverant muros, aut laceffitionibus crebris occuparent obsidioni fortiter adhaerentes. Quibus Sabinianus renitebatur ut noxiis, palam² quidem litteras imperiales praetendens, intacto ubique milite, quidquid geri potuisset, impleri debere aperte iubentes: clam vero corde altissimo retinens, saepe in comitatu sibi mandatum, ut ansam omnem adipiscendae laudis decessori suo ardenti studio gloriae circumcideret, etiam ex republica processuram. Adeo vel cum exitio provinciarum festinaba-³ tur, ne bellicosus homo memorabilis alicuius facinoris auctor nuntiaretur aut socius. Ideoque his attonitus malis, exploratores ad nos saepe mittendo (licet ob custodias artas nullus facile oppidum poterat introire) et utilia agitando complura nihil proficiens, visebatur ut leo magnitudine corporis et torvitate terribilis, inclusos intra retia catulos periculo ereptum ire non audens, ²) unguibus adeptis et dentibus.

IV. Sed in civitate, ubi sparsorum per vias cadaverum multitudo humandi officia superaret, pestilentia tot malis accessit, verminantium corporum lue tabifica, vaporatis aestibus, varioque plebis languore nutrita: quae genera morborum unde oriri solent, breviter explicabo. Nimietatem frigoris,² aut caloris, vel humoris, vel siccitatis, pestilentias gignere philosophi et illustres medici tradiderunt. Unde accolentes loca palustria vel ¹) humecta, tusses et oculares casus, et similia perferunt: contra confines caloribus, ²) tepore febrium arescunt. Sed,

M 2

²) Ms. sanguinibus adeptis. ¹) Ms. humectatus sese oculares. *al.* humecta, tusses ioculares. ²) *al.* tempore febrium aresc. Ms. tepore febrium arescentes.

quanto ignis materies caeteris ³⁾ est efficacior; tanto
 3 ad perimendum celerior ficcitas. Hinc, cum de-
 cennali bello Graecia defudaret, ne peregrinus
 poenas dissociati regalis matrimonii lucraretur:
 huiusmodi ⁴⁾ grassante pernicie, telis Apollinis
 4 periere complures, qui sol aestimatur. Atque ut
 Thucydides exponit, clades illa, quae in Pelopon-
 nesiaci belli principiis Athenienses acerbo genere
 morbi vexavit, ⁵⁾ abusque ferventi Aethiopiae plaga
 5 paullatim proserpens, Atticam occupavit. Aliis
 placet, auras, ut solent, aquasque vitiatas faetore
 cadaverum vel similibus, salubritatis violare maxi-
 mam partem: vel certe aëris permutationem subi-
 6 tam aegritudines parere leviores. Adfirmant etiam
 aliqui, terrarum halitu densiore crassatum aëra,
 emittendis corporis spiraminibus resistentem, neca-
 re nonnullos: qua causa animalia praeter homines
 caetera iugiter prona Homero auctore, et experi-
 mentis deinceps multis, cum talis incesserit labes,
 7 antenovimus interire. Et prima species luis Pande-
 mus adpellatur, quae efficit in aridioribus locis agen-
 tes caloribus crebris interpellari: secunda Epidemus,
 quae tempore ingruens ⁶⁾ acies hebetat luminum,
 et concitat periculosos humores: tertia Loemodes,
 quae itidem temporaria est, sed volucris velocitate
 8 letabilis. Hac exitiali peste quassati, paucis intem-
 peranti aestu consumptis, quos multitudo angebat:
 tandem nocte, quae diem consequuta est decimum,
 exiguis imbribus disiecto concreto spiritu et crassa-
 to, sospitas retenta est corporum firma.

V. Verum inter haec inquires Persa ¹⁾ vimineis
 civitatem pluteis circumdabat, et erigi aggeres coc-
 pti: turresque fabricabantur frontibus ferratis ex-
 cellae, quarum fastigiis ballistae locatae sunt ²⁾ sin-

3) τὸ est Mf. deest. 4) al. grassata. 5) τὸ ferventi Mf. et
 Steph. deest. 6) acies habet lum. 1) Mf. vineis. 2) Mf. singulae.

gulae, ut a propugnaculis propellerent defensores: levia tamen per funditores et sagittarios proelia ne puncto quidem ³⁾ brevi cessabant. Erant nobiscum ² duae legiones Magnentiacae, recens e Galliis ductae, ut praediximus, virorum fortium et perniciem, ad ⁴⁾ planarios conflictus aptorum: ad eas vero belli artes, quibus stringebamur, non modo inhabiles, sed contra nimii turbatores: qui, cum neque ⁵⁾ in machinis, neque in operum constructione iuvarent aliquem, ⁶⁾ stolidius erumpentes dimicantesque fidentissime, minuto numero revertabant; tantum proficientes, quantum in publico (ut aiunt) incendio aqua unius hominis manu adgesta. Postremo ³ obseratis portis, precantibusque tribunis egredi nequeunt, frendebant ut bestiae. Verum sequentibus diebus efficacia eorum eminuit, ut docebimus.

In summoto loco partis meridianaе murorum, ⁴ quae despectat fluvium Tigrim, turris fuit in sublimitatem exsurgens, sub qua hiabant rupes abscissae, ut despici sine vertigine horrenda non possent: unde ⁷⁾ cavatis fornicibus subterraneis per radices montis scalae adusque civitatis ducebant planiciem, quo ex annis alveo haurirentur aquae furtim, ut in omnibus per eas regiones munimentis, quae contingunt flumina, vidimus, ⁸⁾ fabre politae. Per ⁵ has tenebras ob dirupta neglectas, oppidano transfuga quodam ductante, qui ad diversam partem desciverat, LXX. sagittarii Persae ex agmine regio, arte fiduciaque praestantes, silentio summoti loci defensi, subito singuli ⁹⁾ noctis medio ad contignationem turris tertiam adscenderunt: ibique occultati, mane sago punicei coloris elato, quod erat subeundae indicium pugnae, cum ex omni parte circumveniri

³⁾ τὸ brevi deest Mf. ⁴⁾ Mf. palmarios. ⁵⁾ τὸ in Mf. deest. ⁶⁾ Mf. studiis. ⁷⁾ Mf. vacati. ⁸⁾ Mf. fabre. ⁹⁾ al. nocte media.

urbem suis copiis inundantibus advertissent, exinanitis proiectisque ante pedes pharetris, ¹⁰⁾ clamoris ululabilis incendio tela summa peritia dispergebant. Moxque acies omnes ¹¹⁾ densae petebant multo infestius quam antea civitatem. ¹²⁾ Inter incertos nos et ancipites, quibus occurri deberet, instantibus supra, an multitudini transcensu scalarum iam propugnacula ipsa prensanti, dividitur opera: et translatae leviores quinque ballistae contra turrim locantur: quae ocius lignea tela fundentes nonnumquam binos forabant: e quibus pars graviter vulnerati ruebant: alii machinarum metu stridentium praecipites acti, laniatis corporibus interibant. Quibus hac celeritate confectis, relatisque ad loca sueta tormentis, paullo securius ¹³⁾ moenia omnium concursu defendebantur. Et quoniam augebat curas militum scelestum facinus perfugae, quasi decurrentes in planum, ita iaculantes diversa missilia laceratis fortibus incumbebant, ut ¹⁴⁾ Vertae in meridiem degentes, vulnerum atri repulsa disiecti, lacrymantem complurium mortes tentoria repeterent metu.

VI. Adspiravit auram quamdam salutis fortuna, innoxio die cum hostili clade emenso: cuius reliquo tempore ad quietem reficiendis corporibus dato, posterae lucis initio ex arce innumeram cernimus plebem, quae Ziata capto castello ad hosticum ducebatur: ad quem locum ut capacissimum et munitum (spatio quippe decem stadiorum ambitur) promiscua confugerat multitudo. Nam etiam alia munimenta iisdem diebus ¹⁾ rapta sunt et incensa, unde hominum millia extracta complura ²⁾ servituri sequebantur: inter quos multi senecta infirmi, et mulieres iam grandaevae, cum ex variis deficerent

¹⁰⁾ *al.* clamoris ululatus. ¹¹⁾ *Mf.* tensae tepebant. ¹²⁾ *rd* inter *Mf.* deest. ¹³⁾ *Mf.* moenia omnia. ¹⁴⁾ *Mf.* vergentem merid. ¹⁾ *Mf.* rapta. ²⁾ *Mf.* servituri.

causis, itineris longinquitate offensae, abiecta vivendi cupiditate, furis vel suffraginibus relinquebantur exsectis.

Has miserabiles turmas Galli milites contuentes, ³rationabili quidem, sed intempèstivo motu, conferendae cum hostibus manus copiam sibi dari poscebant, mortem tribunis vetantibus primisque ordinibus minitantes, si deinceps prohiberent. Ut-⁴que dentatae in caveis bestiae, taetro pedore acerbius efferatae, evadendi spe repagulis versabilibus illiduntur: ita gladiis portas caedebant, quas supra diximus obseratas: admodum anxii, ne urbe excisa ipsi quoque sine ullo specioso facinore deleantur, aut exuta periculis, nihil egisse operae pretium pro magnanimitate Gallica memorentur: licet antea saepe egressi, structoresque aggerum ⁴) confossis quibusdam impedire conati, paria pertulerunt.

Inopes nos consilii, et quid opponi deberet ⁵saevientibus ambigentes, id potissimum, aegre iisdem adsentientibus, tandem elegimus, ut, quoniam ultra ferri non poterant, paullisper morati custodias adgredi permitterentur hostiles, quae non procul erant a coniectu locatae telorum, ut eis perruptis pergerent prorsus. Adparebat enim, eos, si impetrassent, strages maximas edituros. Quae dum parantur, per varia certaminum genera ⁶defensabantur acriter muri, laboribus et vigiliis, et tormentis ad ⁷) emittenda undique saxa telaque dispositis. Duo tamen aggeres celli, Persarum peditum manu erecti, et expugnatio civitatis struebatur operibus lentis: contra quos nostrorum impensiore cura moles excitabantur altissimae, fastigio adversae cellitudinis aequatae, propugnatorum vel nimia pondera duraturae.

³) Ms. intemperativo. ⁴) Ms. et Steph. confusis. ⁵) al. mittenda.

7 Inter haec Galli morarum impatientes, securibus gladiisque succincti, patefacta sunt egressi postica, observata nocte squalida et interluni; orantes caeleste praesidium, ut propitium adesset et libens. Atque ipsum spiritum reprimentes, cum prope venissent, conferti valido cursu, quibusdam stationariis interfectis, exteriores castrorum vigiles, ut in nullo tali metu sopitos obtruncantes, supervenire ⁶⁾ ipsi regiae, si prosperior iuvisset eventus, occulte meditabantur. Verum audito licet levi ⁷⁾ tendentium sonitu, gemituque caesorum, discusso somno, excitatis multis, et ad arma pro se quoque clamitante, steterunt milites vestigiis fixis, progredi ultra non ausi: neque enim cautum deinde, expergefactis, quos petebant ⁸⁾ insidiae, in apertum properare discrimen, cum iam undique frendentium catervae Persarum in proelia venirent accensae. Contra Galli corporum robore audaciaque, quoad poterant, inconcussi, gladiis secantes ⁹⁾ adversos, parte suorum strata, vel sagittarum undique volantium crebritate confixa, cum unum in locum totam periculi molem converfam, et currentium hostium agmina advertissent, nullo terga vertente evadere festinabant: et velut repedantes sub modulis, sensim extra vallum protrusi, cum manipulos confertius invadentes sustinere non possent, tubarum perciti clangore castrensum, discedebant. Et resultantibus e civitate lituis multis, portae panduntur recepturae nostros, si pervenire illuc usque valuissent: tormentorumque machinae stridebant sine iaculatione ulla telorum, ut stationibus praesidentes, post interemptos socios pone agerentur ignari, urbis oppositi moenibus ¹⁰⁾ nudatis, ut viri fortes susciperentur innoxii. Hacque

6) Ms. ipsi regiae. 7) Ms. revertem p. dentium. 8) Steph. insidiis. 9) Ms. adversas partes. 10) Ms. nudarent nuperia viri.

arte Galli portam prope confinia lucis introiere minuto numero, quidam perniciose, pars leviter vulnerati, quadringentis ea nocte desideratis: qui non Rhoesum, nec cubitantes pro muris Iliacis Thracas, sed Persarum regem armatorum centum millibus circumsaepum, ni obstitisset violentior casus, in ipsis tentoriis obtruncarant. Horum campiductori-¹² bus, ut fortium factorum antesignanis, post civitatis excidium, armatas statuas apud Edessam in regione celebri locari iusserat Imperator, quae ad praesens servantur intactae.

Retectis sequenti luce funeribus, cum inter cae-¹³ sorum cadavera optimates invenirentur et satrapae, ¹¹⁾ clamoresque dissoni fortunam aliam alibi cum lacrymis indicabant, luctus ubique et indignatio regum audiebatur, arbitrantium, per stationes muris obiectas irrupisse Romanos: indutiisque ob hoc tridui datis ad sensu communi, nos quoque spatium ad respirandum accepimus.

VII. Percussae deinde novitate rei efferataeque ¹ gentes, omissa omni cunctatione, operibus, quoniam vis minime procedebat, decernere iam cessabant: et concito extremo belli ardore, omnes oppetere gloriose iam properabant, aut ruina urbis animis litasse caesorum.

Iamque adparatu cunctorum alacritate perfecto, ² exsiliante lucifero, operum variae species cum turribus ferratis admovebantur: quorum in verticibus cellis aptatae ballistae propugnatores agitantes humiliter disiectabant. Et albescente iam die, ferrea ³ munimenta membrorum caelum omne subtexunt: densitataeque acies non inordinatim ut antea, sed barbarum sonitu leni ductante, nullis procurstantibus incedebant, machinarum operi tegminibus, cratesque vimineas praetendentes. Cumque pro-⁴

¹¹⁾ Ms. clamoresque dissoni.

pinquantes ad coniectum venere telorum, oppositis scutis Persae pedites sagittas tormentis excussas e muris aegrius evitantes, laxarunt aciem, nullo paene iaculi genere in vanum cadente: etiam cataphracti hebetati et cedentes animos auxere nostro-
 5 rum. Tamen, quia hostiles ballistae ferratis impositae turribus, in humilia ex supernis valentes, ut loco dispari, ita eventu dissimili nostra multo cruore foedabant: ingruente iam vespera cum requiescerent partes, noctis spatium maius consumptum est, ut excogitari possit, quid exitio ita atro-
 6 oi obiectaretur.

6 Et tandem multa versantibus nobis sedit consilium, quod tutius celeritas fecit, quatuor iisdem ballistis scorpiones opponi: qui dum translati e regione caute, quod artis est difficillimae, collocantur, lux nobis advenit maestissima, Persarum manipulos formidatos ostentans, adiectis elephantorum agminibus, quorum stridore immanitateque corporum nihil humanae mentes terribilius cernunt.

7 Cumque omni ex latere armorum et operum belluarumque molibus urgeremur, per scorpionum ferreas fundas e propugnaculis subinde rotundi lapides acti, dissolutis turrium coagmentis, ballistas earumque tortores ita fudere praecipites, ut quidam citra vulnerum noxas, alii obtriti magnitudine ponderum interirent: elephantis vi magna propulsis, quos flammis coniectis undique circumnexus, iam corporibus tactis, gradientesque retrorsus, ¹⁾ retinere magistri non poterant: postque exustis operibus,
 8 nulla quies certaminibus data. Rex enim ipse Persarum, qui numquam adesse certaminibus cogitur, his turbinum infortuniis percitus, novo et numquam ante cognito more, proelioris militis ritu profiluit in confertos: et quia conspectior tegan-

1) Mf. recere.

tium multitudine procul speculantibus visebatur, petitus crebritate telorum, multis stipatoribus stratis abscessit, alternans regibiles acies: et ad extremum diei nec ²⁾ mortium truci visu nec vulnorum territus, tandem tempus exiguum tribui quieti permisit.

VIII. Verum nocte proelia dirimente, somno per breve otium capto, ¹⁾ innotescente iam luce ad potiunda sperata, ira et dolore exundans, nec fas ullum prae oculis habiturus, gentes in nos excitabat. Cumque crematis operibus, ut ²⁾ docuimus, pugna per aggeres cellos muris proximos tentaretur, ex aggestis erectis intrinsecus, quantum facere nitique poterant, nostri aequis viribus per ardua resistebant.

Et diu cruentum proelium stetit, nec metu mortis quisquam ex aliqua parte a studio propugnandi removebatur: eoque producta contentione, cum fors partium eventu regeretur indeclinabili, diu laborata moles illa nostrorum, velut terrae quodam tremore ³⁾ quassata procubuit: et tamquam itinerario aggere vel superposito ponte complanatum spatium, quod inter murum congestamque forinsecus struem hiabat, patefecit hostibus transitum, nullis obicibus impeditum; et pars pleraque militum deiectorum oppressa vel debilitata ⁴⁾ cessabat. Concursum est tamen undique ad propulsionem ³ periculi tam abrupti: et festinandi studio aliis ⁵⁾ irretientibus alios, audacia hostium ipso successu crescebat. Actis igitur regis imperio proelioribus ⁴ universis, strictoque comminus ferro, cum sanguis utrubique immensis caedibus funderetur, ⁶⁾ oppletae sunt corporibus fossae, latiorque via ⁷⁾ ideo pan-

2) mortium truci visio nec vuln. 1) Ms. innotescente. 2) al. docueram. 3) Ms. quassata. 4) al. cessabat. 5) al. irretientibus. 6) Ms. appellatae. 7) al. inde.

debatur: et concursu copiarum ardenti iam civitate oppleta, cum omnis defendendi vel fugiendi spes esset abscisa, pecorum ritu armati et imbelles sine sexus discrimine trucidabantur.

5 Itaque vespere tenebrante, cum adhuc, licet iniqua reluctante fortuna, multitudo nostrorum manu conferta distringeretur; in abstrusa quadam parte oppidi cum duobus aliis latens obscurae praesidio noctis, postica, per quam nihil servabatur, evado, et squalentum peritia locorum, comitumque adiutus celeritate, ad decimum lapidem tan-
6 dem perveni. In qua statione lenius recreati, cum ire protinus pergeremus, et incedendi nimietate iam superarer, ut insuetus ingenuus: offendi⁸⁾ dirum adspectum, sed fatigato mihi lassitudine gravi
7 levamen impendio tempestivum. Fugaci equo nudo et infreni calorum quidam sedens, ne labi possit, ex more habenam, qua ductabatur, sinistra manu artius illigavit: moxque decussus, vinculi nondum abrumpere nequieus, per avia saltusque membratim discerptus, iumentum exhaustum cursu, pondere cadaveris⁹⁾ detinebat: cuius dorsualis comprehensi servitio usus in tempore, cum iisdem
8 sociis ad fontes sulphureos aquarum suapte natura calentium aegre perveniri. Et quia per aestum arida siti¹⁰⁾ reptantes aquam diu quaeritando, profundum bene vidimus puteum, et neque descendendi prae altitudine, nec restium aderat copia, necessitate docente postrema, indumenta lintea, quibus tegebamur, in oblongos discidimus pannulos: unde explicato fune ingenti, centonem, quem sub galea unus ferebat e nostris, ultimae aptavimus summitati: qui per funem comiectus aquasque hauriens ad peniculi modum, facile sitim, qua hauriebamur,
9 exstinxit. Vnde citi ferebamur ad flumen Euphra-

8) *al.* dirum aspectu. 9) *Ms.* detinebatur. 10) *Ms.* reputantes.

tem, ulteriorem ripam petitori per navem, quam transfretandi causa iumenta et homines, in eo tractu diuturna consuetudo locarat. Ecce autem Romanum agmen cum equestribus signis disiectum eminus cernimus, quod ¹¹⁾ persequabatur multitudo Persarum, incertum unde impetu tam repentino terga vianum adgressa. Quo exemplo terrigenas illos non finibus terrae emerfos, sed ¹²⁾ exuberanti pernecitate credimus natos: qui, quoniam inopini per varia visabantur, Sparti vocitati, humo exiluisse, ¹³⁾ vetustate ut caetera fabulosius extollente, sunt existimati. ¹⁴⁾ Hoc conciti, cum omne iam ¹² esset in celeritate salutis praesidium, per dumeta et silvas montes petimus celliores: exindeque Melitiam minoris Armeniae oppidum venimus: ubi repertum ducem comitati iam profecturum, Antiochiam revisimus.

IX. Interea Sapor et Persae, quia tendere iam ¹ introrsus autumnus praecipiti ¹⁾ haedorumque improbo sidere exorto prohibebantur, captivos agentes et praedas, remeare cogitabant ad sua. Inter haec ² tamen funera direptionesque civitatis excisae, Aeliano Comite et tribunis, quorum efficacia diu defensa sunt moenia, stragesque multiplicatae Persarum, patibulis scelestis suffixis, Iacobus et Caesius numerarii adparitionis magistri equitum, alique protectores post terga vinctis manibus ducebantur: Transtigritanis, qui sollicita quaerebantur industria, nullo infimi summiue discrimine, ad unum omnibus contruncatis.

Vxor vero Craugasii, quae retinens pudorem in- ³ violatum ut matrona nobilis colebatur, maerebat velut orbem alium sine marito visura, quamquam sperabat documentis praesentibus altiora. In rem ⁴

11) Ms. prosequabatur. 12) Ms. exsuperanti. 13) Ms. vetustate mater. 14) το male Ms. deest. 1) το improbo deest al.

- itaque consulens suam, et accidentia longe ante prospiciens, anxietate bifaria stringebatur, viduitatem detestans et nuptias. Ideo familiarem suum perquam fidum, regionumque Mesopotamiae gnarum, ²⁾ per Izalam montem inter castella praesidaria ³⁾ duo, Maride et Lorne, introitum Nisibin occulte dimisit, mandatis arcanisque vitae secretioris maritum exorans, ut auditis, quae contigerint, **5** veniret secum beate victurus. Quibus contentus expeditus viator, per saltuosos tramites et frutecta Nisibin passibus citis ingressus, causatusque, se domina nusquam visa, et forsitan interempta, data evadendi copia castris hostilibus abscessisse, et ideo ut vilis neglectus, docet Craugasium gesta: moxque accepta fide, quod, si tuto licuerit, sequetur coniugem libens, evasit exoptatum mulieri nuntium ferens: quae hoc cognito, ⁴⁾ per Tamsaporem ducem supplicaverat regi, ut, si daretur facultas, antequam Romanis excederet finibus, in potestatem suam iuberet propitius maritum adscisci.
- 6** Praeter spem itaque omnium digresso advena repentino, qui postliminio reversus, statim sine ullius evanuit conscientia, perculsus ⁵⁾ suspicione dux Cassianus, praesidentesque ibi proceres alii, minitantes ultima Craugasium incessebant, non sine eius voluntate vel venisse, vel abisse hominem clamitantes.
- 7** ⁶⁾ Qui prodicionis metuens crimen, impendioque sollicitus, ne transitione perfugae uxor eius superesse doceretur, et tractari piissime; per simulationem matrimonium alterius splendidae virginis adfectavit. Et velut paraturus necessaria convivio nuptiali, egressus ad villam octavo lapide ab urbe distantem, ⁷⁾ concito equo ad Persarum vastatorium

²⁾ Ms. perizalam. ³⁾ Ms. Duomaride. ⁴⁾ Ms. per tam saporem. ⁵⁾ Ms. perditione. ⁶⁾ al. Qui vero prod. ⁷⁾ concito equo.



cissimae plebis, famem ultimum malorum omnium exspectantis, subinde Tertullus vexabatur ea tempestate praefectus, irrationabiliter plane: nec enim per eum steterat, quo minus tempore congruo alimenta navibus veherentur, quas maris casus asperiores solitis, ventorumque procellae reslantium, delatas in proximos sinus, introire portum Augusti
 2 discriminum magnitudine perterrebant. Quocirca idem saepe praefectus seditionibus agitated, ac plebe iam saevitante immanius, quam ¹⁾ urebat impendens exitium, ab omni spe tuendae salutis exclusus, ut aestimabat, ²⁾ tumultuanti acriter populo, sed accidentia considerare sueto, prudenter ob
 3 iecit parvulos filios: et lacrymans, *En, inquit, cives vestri, procul omen Dii caelestes avertant! eadem perlaturi vobiscum, ni fortuna adfulserit laetior. Si itaque his abolitis, nil triste accidere posse existimatis, praesto in potestate* ³⁾ sunt vestra. Qua miseratione vulgus, ad clementiam suapte natura proclive, lenitum conticuit, aequanimiter ven
 4 turam opperiens sortem. Moxque divini arbitrio numinis, quod auxit ab incunabulis Romam, perpetuamque fore respondit, dum Tertullus apud Ostia in aede sacrificat Castorum, tranquillitas mare mollivit: mutatoque in austrum placidum vento, velificatione plena portum naves ingressae, frumentis horrea referferunt.

1 XI. Inter haec ita ¹⁾ ambigua Constantium, Sirmii etiam tum hiberna quiete curantem, promovebant nuntii metuendi et graves, indicantes id, quod tunc magnopere formidabat, ²⁾ Limigantes Sarmatas, quos expulisse paternis avitisque sedibus dominos suos ante monstravimus, paullatim posthabitis locis, quae eis anno praeterito utiliter sunt destinata,
 ne,

¹⁾ Mf. et Steph. urebat. ²⁾ al. tumultuante. ³⁾ al. sum. ¹⁾ al. ambiguum. ²⁾ Mf. Limitantes.

ne, ut sunt versabiles, aliquid ³⁾ molirentur inimicum, regiones confines limitibus occupasse: vagarique licentius genuino more, ni pellerentur, omnia turbaturos.

Quae superbius incitanda propediem Imperator ² dilato negotio credens, coacta undique multitudine militis ad bella promptissimi, nec dum ⁴⁾ adulto vere ad procinctum egressus est, gemina consideratione alacrior: quod expletus praedarum opimitate exercitus aestate nuper emensa, ⁵⁾ similium spe fidenter in effectus animabitur prosperos: quodque Anatolio regente tunc per Illyricum praefecturam, necessaria cuncta vel ante tempus coacta sine ullius dispendiis adfluebant. Nec enim dispositionibus ³ umquam alterius praefecturae (ut inter omnes constat) ad praesens Arctoae provinciae bonis omnibus floruerunt, correctione titubantium benivola et solerti, vehiculariae rei iacturis ingentibus, quae claudere domos innumeras, et censuali professione speciosa fiducia relevatae: indemnesque deinde et innoxii earum incolae partium, querelarum sopitis materiis viverent, ni postea exquisitorum detestanda nomina titulorum, per offerentes fuscipientesque criminose in maius exaggerata, his ⁶⁾ propugnare sibi nitentibus potestates, illis attenuatis omnium opibus se fore sperantibus tutos, adusque proscriptiones miserrorumque suspendia pervenerunt.

Rem igitur emendaturus urgentem, profectus ⁴ cum instrumentis ambitiosis Imperator, ut dictum est, Valeriam venit, partem quondam Paannoniae, sed ad honorem Valeriae, Diocletiani filiae et institutam et ita cognominatam: sub pellibusque exercitu diffuso per Histri fluminis margines, barbaros ob-

³⁾ Mf. molirentur incum. reg. *al.* molirentur regiones. ⁴⁾ Mf. adulto queat proc. ⁵⁾ similium spem. *al.* simili in spe. ⁶⁾ MC propugnari.

servabat, ante adventum suum amicitiae velamento
7) Pannonias furtim vastandas invadere hiemis durissimo cogitantes, cum necdum solutae vernis calorigibus nives amnem undique pervium faciunt, nostri-que pruinis subdivales moras difficile tolerabant.

5 Confestim itaque missis ad Limigantes duobus tribunis cum interpretibus singulis, explorabat modestius percunctando, quam ob rem relictis laribus, post pacem et foedera petentibus attributis, ita palarentur varii, limitesque contra interdicta pulsa-

6 rent. Qui vana quaedam causantes et irrita, pavore adigente mentiri, Principem exorabant in veniam, obsecrantes, ut, similitate abolita, transmissio flumine ad eum venire permetterentur, docturi, quae sustinerent, incommoda: paratique intra spatia orbis Romani, si id placuerit, terras suscipere longe discretas, ut diuturno otio involuti, et quietem colentes tamquam salutarem deam, tributariorum onera subirent et nomen.

7 His post reditum tribunorum compertis, Imperator exsultans, ut negotio, quod rebatur inexplicabile, sine ullo pulvere consummando, cunctos admisit, 8) aviditate plus habendi incensus: quam adulatorum cohors augebat, id sine modo strepitum, quod externis sopitis, et ubique pace composita, proletarios lucrabitur plures, et tirocinia cogere poterit validissima: aurum quippe gratanter provinciales corporibus dabunt, quae spes rem Ro-

8 manam aliquoties adgravavit. Proinde vallo prope Acimincum locato, celsoque aggere in speciem tribunalis erecto, naves vehentes quosdam legionarios expeditos, alveum fluminis proximum ripis observare sunt iussae, cum Innocentio quodam agrimensore huius auctore consilii: ut, si barbaros tumultuare sensissent, aliorum intentos post terga pervia-

7) Ms. Pannonias furtim vastandas. 8) Ms. aviditate.

derent improvisi. Quae Limigantes licet properari 9
sentirent, nihil tamen praeter preces fingentes sta-
bant incurvi; longe alia, quam quae gestu praese-
rebant et verbis, altis mentibus perpensantes.

Visoque Imperatore ex alto suggestu iam sermo- 10
nem 9) parante lenissimum, meditanteque alloqui
velut morigeros iam futuros: quidam ex illis furo-
re percitus truci, calceo suo in tribunal contorto,
marha, marha, quod est apud eos signum belli-
cum, exclamavit: eumque sequuta incondita multi-
tudo, vexillo elato repente barbarico, ululans fe-
rum in ipsum principem ferebatur. Qui cum ex 11
alto despiciens plena omnia discurrentis turbae cum
10) millibus vidisset, reiectisque gladiis et verutis
iam propinquam perniciem: externis mistus et suis,
ignotusque, dux esset, an miles, quia neque cun-
ctandi aderat, tempus neque cessandi, equo veloci
impesitus, cursu effuso evasit. Stipatores tamen 12
pauci, dum ignis more inundantes conabantur 11) ar-
cere, aut vulnerati interierunt, aut ponderibus
superruentium solis adflicti: sellaue regalis cum
aureo pulvinari nullo vetante direpta est.

Mox autem audito, quod ad ultimum paene 13
tractus exitium, in abrupto staret adhuc Imperator,
antiquissimum omnium exercitus ratus eum iuvare
(nondum enim exemptum periculis aestimavit) sa-
lutis fastu fidentior, licet ob procurfionem subitam
semitectus, sonorum et Martium frendens, barba-
rorum mori obstinatorum catervis semet immerfit.
Et, quia virtute dedecus purgatura ardens copia 14
nostrorum erupit, iras in hostem perfidum parans,
obvia quaeque obtruncabat sine parcimonia, vivos
conculcans et semineces ac peremptos: et antequam

N 2

9) Mf. parare. 10) al. missilibus. 11) al. arcere interierunt
ponderibus.

exsatiaret caedibus barbaricis manus, acervi consti-
 15 pati sunt mortuorum. Urgebantur enim rebelles,
 aliis trucidatis, aliis terrore disiectis: quorum pars
 spem vitae cassis precibus usurpando, multiplicatis
 ictibus caedebantur: postque deletos omnes ¹²⁾ in
 receptum canentibus lituis, nostri quoque licet rari
 videbantur exanimis, quos impetus conculcaverat
 vehemens, aut furori resistentes hostili, lateraque
 16 nudantes intecta, ordo fatalis absumpsit. Mors ta-
 men eminuit inter alios Cellae, scutariorum tribuni,
 qui inter confligendi exordia ¹³⁾ primus omnium in
 medios Sarmatarum globos se immisit.

17 Post quae tam ¹⁴⁾ saeva, digestis ¹⁵⁾ pro securitate
 limitum, quae rationes monebant urgentes, Con-
 stantius Sirmium redit, ferens de hoste fallaci vin-
 dictam: et maturatis, quae necessitates temporis
 poscebant instantes, egressus exinde Constantinopo-
 lim petit: ut Orienti iam proximus, cladibus apud
 Amidam mederetur acceptis, et redintegrato sup-
 plementis exercitu, impetus regis Persarum pari vi-
 rium robore cohiberet: quem constabat (ni caele-
 stis ratio, impensiorque repelleret cura multorum)
 Mesopotamia relictâ post terga, per extenta spatia
 signa moturum.

1 XII. Inter has tamen sollicitudines, velut ex re-
 cepto quodam antiquitus more, ad vicem bellorum
 civilium inflabant litui quaedam colorata laesae cri-
 mina maiestatis: quorum exsecutor et administer
 saepe ¹⁾ dicendus ille notarius missus est Paullus:
 qui peritus artium cruentarum, ut lanista ex com-
 merciis libitinae vel ludi, ipse quoque ex eculeo,
 2 vel carnifice quaestum fructumque captabat. Ut
 enim erat obstinatum fixumque eius propositum ad
 laedendum; ita nec furtis abstinuit, innocentibus

¹²⁾ τὸ in deest al. ¹³⁾ al. primum. ¹⁴⁾ al. saeva. ¹⁵⁾ al. pro
 securitate, quae limitum. ¹⁾ Mf. dictaneus.

exitiales causas ²⁾ adstringens, dum in calamitosis stipendiis versaretur.

Materiam autem in infinitum quaestionibus ex-³ tendendis dedit occasio vilis et ³⁾ parva. Oppidum est Abydum in Thebaidis parte situm extrema: hic Besae dei localiter adpellati oraculum quondam futura pandebat, priscis circumiacentium regionum caerimoniis solitum coli. Et quoniam quidam prae-⁴ sentes, pars per alios desideriorum indice missa scriptura, supplicationibus expresse conceptis consulta numinum scitabantur; chartulae seu membranae, continentes, quae petebantur, post data quoque responsa interdum remanebant in fano. Ex ⁵ his aliqua ad Imperatorem maligne sunt missa, qui, ut erat angusti pectoris, obsurdescens in aliis etiam nimium seriis, in hoc titulo ima, quod aiunt, "auricula mollior, et suspicax, et ⁴⁾ minutus, acri felle concaluit: statimque ad Orientem ocius ire monuit Paullum, potestate delata, ut instar ducis rerum experientia clari, ad arbitrium suum audiri efficeret causas. Datumque est negotium Modesto, etiam ⁶ tum per Orientem comiti, apto ad haec et similia. Hermogenes enim Ponticus ea tempestate praefectus praetorio, ut lenioris ingenii spernebatur.

Perrexit, ut praeceptum est, Paullus, funesti ⁷ furoris et anhelitus plenus: dataque calumniae indulgentia, plurimi ducebantur ab orbe prope terrarum, iuxta nobiles et obscuri: quorum aliquos vinculorum adflixerant nexus, alios claustra poenalia consumpserunt. Et electa est spectatrix suppliciorum ⁸ feralium civitas ⁶⁾ in Palaestina Scythopolis, gemina ratione visa magis omnibus opportuna, quod secretior, et inter Antiochiam Alexandriamque media, unde multi plerumque ad crimina trahebantur.

²⁾ Mf. adstringens. ³⁾ Mf. pura. ⁴⁾ al. munitus. ⁵⁾ Mf. muroris. ⁶⁾ τὸ in deest al. ⁷⁾ τὸ fuga deest al.

- 9 Ductus est itaque inter primos Simplicius, Philippi filius, ex praefecto et consule, reus hac gratia postulatus, quod super adipiscendo interrogasse dicebatur imperio: perque elogium principis torqueri praeceptus, qui in his casibus nec peccatum aliquando pietati dederat nec erratum, fato quodam arcente, corpore immaculato lata ⁷⁾ fuga damnatus
 10 est. Dein Parnasius, ex praefecto Aegypti, homo simplicium morum, eo deductus periculi, ut pronuntiaretur capitis reus, itidem pulsus est in exilium: saepe auditus multo antehac retulisse, quod, cum Patras Achaicum oppidum, ubi genitus habuit larē, impetrandae causa cuiusdam relinqueret potestatis, per quietem deducētia se habitus tragici
 11 figmenta viderat multa. Andronicus post a studiis liberalibus et claritudine carminum notus, in iudicium introductus, cum secura mente nullis suspicionibus urgeretur, purgando semper et fidentius absolutus est.
 12 Demetrius itidem Chytras cognomento philosophus, grandaevus quidam, et corpore durus et animo, sacrificasse aliquoties confutatus infitiri non potuit, adserens propitiandi causa numinis haec a prima adolescentia factitasse, non tentandi sublimiora scrutatis: nec enim quemquam id noverat adfectare. Diu itaque adhaerens eculeo, cum fiducia gravi fundatus, nequaquam varians, eadem oraret intrepidus, Alexandriam, unde oriebatur, innoxius abire permissus est.
- 13 Et hos quidem aliosque paucos aequa fors veritatis adiutrix, periculis exemit abruptis. Criminibus vero serpentibus latius per implicatos nexūs sine fine distentos, quidam corporibus laniatis exstinguebantur: alii poenis ulterioribus damnati sunt, bonis ereptis, Paulo succentore fabularum crudelium, quasi e promptuaria cella fallaciarum ⁸⁾ et nocendi

⁷⁾ τὸ *fuga* deest al. ⁸⁾ Ms. et nocendi species egerentque, al. extulit nocendi specie exitque complures.

Species suggerente complures, cuius ex nutu (prope dixerim) pendebat incedentium omnium salus. Nam, si qui remedia quartanae, vel doloris alterius 14 collo gestaret, sive per monumentum transisse vespere malivolorum argueretur indiciis, ut veneficus, sepulcrorumque horrores et errantium ibidem animarum ludibria colligens vana, pronuntiatus reus capitis interibat. Et prorsus ita res agebatur, quasi 15 Clarum, Dodonaeas arbores, et effata Delphorum olim sollemnia, in Imperatoris exitium sollicitaverint multi. Unde blanditiarum taetra commenta palatina 16 cohors exquisite confingens, immunem eum fore malorum communium adferebat, fatum eius vicens semper et praesens in abolendis adversa conantibus eluxisse, vocibus magnis exclamans.

Et inquitum in haec negotia fortius, nemo, 17 qui quidem recte sapiat, reprehendit. Nec enim abnuimus salutem legitimi principis, propugnatoris bonorum et defensoris, unde salus quaeritur aliis, confociato studio muniri debere cunctorum: cuius redimendae causa validius, ubi maiestas pulsata defenditur, a quaestionibus vel cruentis nullam Corneliae leges exemere fortunam. Sed exsultare mae- 18 stis casibus effrenate non decet, ne videantur licentia regi subiecti, non potestate. Imitandus sit Tullius, cum parcere vel laedere potuisset, ut ipse adfirmat, ignoscendi quaerens causas, non puniendi occasiones: quod iudicis lenti et considerati est proprium.

Tunc apud Daphnen, amoenum illud et ambi- 19 tiosum Antiochiae suburbanum, visu relatuque horrendum natum est monstrum, infans ore gemino, cum dentibus binis et barba, quatuorque oculis, et brevissimis duabus auriculis: qui partus ita distortus praemonebat, rempublicam in statum verti deformem. Nascuntur huiuscemodi saepe portenta, 20 indicantia rerum variarum eventus: quae, quoniam

non expiantur, ut apud veteres, publice inaudita praetereunt et incognita.

XIII. His temporibus Isauri diu quieti, post gesta, quae superior continet textus, tentatumque Seleucia civitatis obsidium, paullatim reviviscentes (ut solent verno tepore foveis exsilire serpentes) saltibus degressi scrupulosis et inviis, confertique in cuneos densos, per furta et latrocinia finitimos ¹⁾ adflictabant; praetenturas militum ut montani fallentes, perque rupes et dumeta ex usu facile discurrentes. Ad quos vi vel ratione sedandos Lauricius, adiecta Comitatus dignitate, missus est rector; homo civilis prudentiae: qui minis potius, quam acerbitate pleraque correxit, adeo ut eo diu provinciam obtinente, nihil accideret, quod animadversione dignum aestimaretur.

¹⁾ *al.* adflictab. et eo praetent.

AMMIANI MARCELLINI

RERUM GESTARUM

LIBER XX.

Lupicinus magister armorum adversus Scotorum et Pictorum incursiones in Britannias cum exercitu mittitur. C. I. Ursicinus magister peditum Praesentalis, calumniis adpetitus discingitur. II. Defectus solis: et de dubbus solibus; ac de causis defectuum solis et lunae; deque variis lunae mutationibus ac figuris. III. Iulianus C. a militibus Gallicanis, quos Constantius ipsi detrahi, et in orientem adversus Persas transferri iusserat, Luteciae Parisiorum, ubi hiemabat, per vim Augustus adpellatur. IV. Iulianus A. concionem habet ad milites. V. Singara a Sapore oppugnata et capta: oppidani cum equitibus auxiliaribus et duabus legionibus praesidiariis in Persidem abducti: oppidum excisum. VI. Bezabden oppidum, a tribus legionibus defensum, Sapor expugnat; ac reparatum praesidio commeatuque instruit: idem Virtam munimentum frustra adoritur. VII. Iulianus A. per litteras Constantium A. de re Luteciae gesta certiore facit. VIII. Constantius A. Iulianum Caesaris nomine contentum esse iubet, legionibus Gallicanis uno animo constanter repugnantibus. IX. Iulianus A. Francos cognomine Altuarios trans Rhenum inopinantes adgressus, post plurimos partim captos, partim occisos, caeteris pacem petentibus dedit. X. Constantius A. Bezabden omnibus copiis oppugnat, ac re infecta discedit: et de arcu caelesti. XI.

(A. C. 360.)

Haec per Illyricum, perque Orientem rerum series ruit. Consulatu vero Constantii decies, terque

Juliani, in Britanniis, cum Scotorum Pictorumque gentium ferarum excursus, rupta quiete conducta, loca limitibus vicina ¹⁾ vastarent, et implicaret formido provincias praeteritarum cladum congerie fellas: hiemem agens apud Parisios Caesar, distractusque in sollicitudines varias, verebatur ire subsidio transmarinis: (ut retulimus ante fecisse ²⁾ Constantem) ne rectore vacuas relinqueret Gallias, Alamannis ad saevitiam etiam tum incitatis et bella.

³⁾ Ire igitur ad haec ratione vel vi componenda Lupicinum placuit, ea tempestate magistrum armorum, bellicosum sane, et castrensis rei peritum, sed supercilia erigentem ut cornua, et de tragico, quod aiunt, cothurno strepentem: super quo diu ambigebatur, avarus esset potius, an crudelis. Moto ergo velitari auxilio, Aerulis scilicet et Batavis, numerisque ⁴⁾ Moesiacorum duobus, adulta hieme dux antedictus Bononiam venit: quaesitisque navigiis, et omni imposito milite, observato flatu secundo ventorum, ad Rutupias fitas ex adverso deferretur, petitque ⁵⁾ Lundinium: ut exinde suscepto pro rei qualitate consilio, festinaret ocius ad procinctum.

¹⁾ II. Quae cum ita geruntur, post Amidae oppugnationem Urficinum ad commilitium principis ut peditum magistrum reversum (successisse enim eum Barbationi praediximus) obtrectatores excipiunt: primo disseminantes mordaces susurros: ²⁾ dein propalam ficta crimina subnectentes. Quibus Imperator adensus, ex opinione pleraque ¹⁾ aestimans et insidiantibus patens, Arbetionem et Florentium officiorum magistrum quaesitores dederat, spectaturos, quas ob res oppidum sit excisum.

¹⁾ Ms. vastarent. ²⁾ Ms. Constantem. ³⁾ Ms. ire igitur ad haec retione vel compon. ⁴⁾ al. Moesicorum pluribus. ⁵⁾ al. Lundinum. ¹⁾ Ms. aestimassit.

Quibus apertas probabilesque refutantibus causas, 3
veritisque, ne offenderetur Eusebius cubiculi tunc
praepositus, si documenta suscepissent perspicue
demonstrantia, Sabiniani pertinaci ignavia haec ac-
cidisse quae contigerunt: a veritate detorti, inania
quaedam, longeque a negotio distantia scruta-
bantur.

Qua iniquitate percitus qui 2) audiebatur: *Et si* 4
me, inquit, despicit Imperator, negotii est tamen
magnitudo, ut non nisi iudicio principis nosci pos-
sit et vindicari: sciat tamen velut quodam prae-
sagio, quod, dum maeret super his, quae apud
Amidam gesta emendata didicit fide, dumque ad
spadonum arbitrium trahitur, 3) defrustrandae Me-
sopotamiae proximo vere ne ipse quidem cum exer-
citus robore omni opitulari poterit praesens. Rela- 5
tis adiectisque cum interpretatione maligna com-
pluribus, iratus ultra modum Constantius, nec
discusso negotio, nec patefieri, quae scientiam eius
latebant, permissis, adpetitum calumniis, deposita
militia digredi iussit ad otium, Agilone ad eius lo-
cum 4) immodico saltu promoti, ex gentilium scu-
tariorum tribuno.

III. Eodem tempore per Eoos tractus caelum 1
subtextum caligine cernebatur obscura, et a primo
aurorae exortu adusque meridiem intermicabant
iugiter stellae hisque terroribus accedebat, quod,
cum lux caelestis operiretur, e mundi conspectu
penitus luce abrepta, defecisse diutius solem pavi-
dae mentes hominum aestimabant: primo attenua-
tum in lunae corniculantis effigiem, deinde in spe-
ciem auctum 1) semestrem, posteaque in integrum
restitutum. Quod alias non evenit ita perspicue, 2
nisi cum post inaequales cursus iter menstruum lunae

2) *al.* audiebat. 3) *al.* defenlandae. 4) *Steph.* moderandum
a se. 1) *MI.* semestrem.

- ad idem revocatur initium certis temporum intervallis: id est, cum in domicilio eiusdem signi tota reperitur luna sub sole liniamentis obiecta rectissimis, atque in his paullisper consistit minutis, quae
- 3) geometrica ratio partium ²⁾) partes adpellat. Ac licet utriusque sideris conversiones et motus, ut scrutatores causarum intelligibilium adverterant, in unum eundemque finem lunari cursu impleto, perenni distinctione conveniunt: tamen sol non semper his diebus obducitur, sed cum luna e regione, velut libramento quodam, igneo orbi et adspectui
- 4) nostro opponitur media. Ad summam tum sol occultatur splendore suppresso, cum ipse et lunaris globus astrorum omnium infimus parili comitatu obtinentes circulo proprios, salvaque ratione altitudinis interiectae iunctim locati, ut scienter et decore Ptolemaeus exponit, ad dimensiones venerint, quos *ἀναβιβάζοντας* et *καταβιβάζοντας ἐκλειπτικούς συνδεσμούς*, coagmenta videlicet defectiva Graeco ³⁾) dictitant sermone. Et, si contigua iisdem iuncturis praestrinxerint spatia, dilutior erit defectus.
- 5) Si vero articulis ipsis inhaeserint, qui coactius adscensus vinciunt et descensus, ⁴⁾) offunditur densioribus tenebris caelum, ut crassato aëre ne proxima quidem et adposita cernere queamus.
- 6) Sol autem geminus ita videri existimatur, si erecta cellius solito nubes, aeternorumque ignium propinquitate collucens, orbis alterius claritudinem tamquam e speculo puriore formaverit.
- 7) Nunc veniamus ad lunam. Apertum et evidentem ita demum sustinet luna defectum, cum pleno lumine ⁵⁾) rotundata solique contraria, ab eius orbe centum octoginta partibus, id est, signo septimo disparatur. Et quamquam hoc per omne plenilu-

²⁾ Ms. partium partes app. ³⁾ Ms. dictitata serm. ⁴⁾ Ms. offunditur. ⁵⁾ *al.* rotunda.

nium semper eveniat, non semper deficit tamen. Sed quoniam circa terrenam mobilitatem locata, et 8 a caelo totius pulcritudinis extima, nonnumquam ferienti se ⁶⁾ subserit luci, obiectu metae noctis inconum ⁷⁾ definentis angustum latet parumper umbrata: tumque nigrantibus involvitur globis, si sol sphaerae inferioris curvamine circumfusus, mole obsistente terrena, radiis eam suis illustrare non possit: quam numquam habere proprium lumen opiniones variae collegerunt. Et cum ad idem ⁹ signum aequis partibus soli concurrerit, obscuratur (ut dictum est) penitus hebetato candore; *σύνωδος* Graece ⁸⁾ *μήνης* dicitur.

Nasci autem putatur, cum parva declinatione ¹⁰ velut e perpendiculo superiectum gerit solem. Exortus vero eius adhuc gracilescens primitus mortalitati videtur, cum ad secundum relicto sole migraverit signum. ⁹⁾ Progressa itaque porrectius, iamque abunde nitens cornutae habitu, *μηννοειδής* est adpellata. Cum autem sole longo coeperit interstitio submoveri, et ad quartum pervenerit signum, radiis eius ad se converfis, maius concipit lumen, et fit Graeco sermone ¹⁰⁾ *διχόμηνος*, quae forma semiorbem ostendit. Procedens deinde iam ¹¹⁾ dis- ¹² iunctissime quintoque signo arrepto, figuram monstrat *ἀμφικύρτου*, utrimque prominentibus gibbis. E regione vero cum normaliter steterit contra, lumine pleno fulgebit, domicilium septimi retinens signi: et in eodem tum etiam agens, paullulumque progressa minuitur, quem habitum vocamus ¹²⁾ *ἀπόκρουσιν*, atque easdem formas repetit senescendo: ¹³⁾ traditurque doctrina multiplici congruente, non

6) Ms. subserit. lanici. 7) Ms. defidentis. 8) *al.* mene Graeco synodus. nasci autem. 9) Ms. progressus. 10) *al.* διχότομος. 11) Ms. disiunctissimo quintoque signo. 12) Ms. ΑΤΟΚΡΙCΙΝ. Steph. ἀπόκρουσιν. 13) Ms. graditurque.

nisi tempore intermenstrui deficere visam usquam lunam.

12 Quod autem solem nunc in aethere, nunc in mundo inferiore ¹⁴⁾ cursare praediximus; sciendum est, siderea corpora, quantum ad universitatem pertinet, nec occidere, nec oriri: sed ita videri nostris obtutibus constitutis in terra, spiritus cuiusdam interni motu suspensa, rerumque magnitudini instar exigui ¹⁵⁾ subdita puncti, nunc caelo infixas suspicere stellas, quarum ordo est sempiternus, aliquoties humana visione languente discedere suis sedibus arbitrari. Verum ad instituta iam revertamur.

1 IV. Properantem Constantium Orienti ferre suppetias, turbando propediem excursibus Perficis, ut perfugae concinentes exploratoribus indicabant, urebant Iuliani virtutes, quas per ora gentium diversarum fama celebrior effundebat, magnorum eius laborum factorumque vehens adoreas cellas, post Alamanniae quaedam regna prostrata, receptaque oppida Gallicana ante direpta a barbaris et excisa, quos tributarios ipse fecit et vectigales. Ob haec et similia percitus, metuensque, ne augerentur in maius, stimulante (ut ferebatur) praefecto Florentio, Decentium tribunum et notarium misit, ¹⁾ auxiliares milites exinde protinus abstracturum Aerulos et Batavos, cumque Petulantibus Celtas, et lectos ex numeris aliis trecentenos, hac specie iussos accelerare, ut adesse possint armis primo vere movendis in Parthos.

3 Et super auxiliariis quidem et trecentenis cogen-dis ocius proficisci Lupicinus conventus est solus, transisse ad Britannias nondum compertus: de scutariis autem et gentilibus excerpere quemque promptissimum, et ipse perducere ²⁾ Sintula iubetur, Caesaris stabuli tunc tribunus.

¹⁴⁾ Ms. cursari. ¹⁵⁾ Ms. subditam. ¹⁾ Ms. auxiliares milites exinde. ²⁾ Ms. Singula.

Conticuit, hisque acquieverat Iulianus, potio-4
ris arbitrio cuncta concedens. Illud tamen nec
dissimulare potuit, nec filere: ut illi nullas pate-
rentur molestias, qui relictis laribus transrhenanis,
sub hoc venerant pacto, ne ducerentur ad partes
umquam transalpinas: verendum esse adfirmans, ne
voluntarii barbari militares, saepe sub eiusmodi le-
gibus adfueti transire ad nostra, hoc cognito dein-
ceps arcerentur. Sed loquebatur incassum. Tri-5
bunus enim parvi querelas Caesaris ducens, Augu-
sti iussis obtemperabat: et lecta expeditiore manu,
vigore corporumque levitate praestanti, cum his-
dem profectus est, spe potiorum erectus.

Et quia sollicitus Caesar, quid de residuis mitti 6
praeceptis agi deberet, perque varias curas animum
versans, attente negotium tractari oportere cense-
bat; cum hinc barbara feritas, inde iussorum urge-
ret auctoritas, maximeque absentia magistri equi-
tum ³⁾ augente dubietatem, redire ad se praefectum
hortatus est, olim Viennam specie annonae paran-
dae digressum, ut se militari eximeret turba. Per-7
pendebat enim ad relationem suam, quam olim pu-
tabatur misisse, abstrahendos a Galliarum defen-
sione pugnaces numeros, barbarisque iam formida-
tos. Qui, cum suscepisset Caesaris litteras monen-8
tis petentisque, ut venire acceleraret, rempublicam
consiliis iuvaturus, obstinatissime detrectabat: ea
ratione pavore mente confusa, quod aperta scripta
significabant, ab Imperatore nusquam diiungi de-
bere praefectum in ardore terribilium rerum. Ad-
iectumque est, quod, si procurare dissimularet,
ipse ⁴⁾ propria sponte proiiceret insignia principa-
tus: gloriosum esse existimans iussa morte oppetere,
quam ei provinciarum interitum adsignari. Sed
vicit praefecti propositum pertinax, his, quae ra-

3) Ms. fugente. 4) Steph. propria fronte.

tionabiliter poscebantur, parere contentione maxima reluctantis.

- 9 Inter has tamen moras absentis Lupicini, motusque militares timentis praefecti, Iulianus confiliorum adminiculo destitutus, ancipitique sententia fluctuans, id optimum factu ⁵⁾ existimavit: via sollemni cunctos e stationibus egressos, in quibus
 10 hiemabant, maturare disposuit. Hocque comperito, apud Petulantium signa famosum quidam libellum humi proiecit occulte, inter alia multa etiam id continentem: *Nos quidem ad orbis terrarum extrema ut noxii pellimur et ⁶⁾ damnati: caritates vero nostrae Alamannis denuo servient, quas captivitate prima post internecivas liberavimus pugnas.*
 11 Quo textu ad comitatum perlato lectoque, Iulianus contemplans rationabiles querelas, cum familiis eos ad Orientem proficisci praecepit, clavularis cursus facultate permitta: et cum ambigeretur diutius, qua pergerent via, placuit notario suggerente Ducentio, per Parisios homines transire, ubi morabatur adhuc
 12 Caesar nusquam motus. Et ita factum est. Iisdemque adventantibus in suburbanis Princeps occurrit ex more, laudans, quos agnoscebat, factorumque fortium singulos monens, animabat lenibus verbis, ut ad Augustum alacri gradu pergerent, ubi potestas est ample patens et larga, praemia laborum adeptu-
 13 ri dignissima. Utque honoratius procul abituros tractaret, ad convivium proceribus corrogatis, petere iure, si quid in promptu esset, edixit. Qui liberaliter ita suscepti, dolore duplici suspensi discesserunt et maesti, quod eos fortuna quaedam inclemens et moderato rectore et terris genitalibus dispararet. Hocque angore impliciti, in stativa
 14 solita ⁷⁾ recesserunt. Nocte vero coeptante in apertum
 tum

5) Mf. existimavit. 6) Steph. et imbelles. 7) Mf. cessarunt.

tum erupere dissidium: incitatisque animis, ut quemque insperata res adfligebat, ad tela convertuntur et manus: fremituque ingenti omnes petivere palatium, et spatii eius ambitis, ne ad evadendi copiam quisquam perveniret, Augustum Iulianum horrendis clamoribus concrepabant, eum ad se prodire ⁸⁾ destinatius adigentes: expectareque coacti, dum lux promicaret, tandem progredi compulerunt. Quo viso, iterata magnitudine ⁹⁾ sonus Augustum adpellavere consensione firmissima.

Et ille mente fundata universis resistebat et singulis, nunc indignari semet ostendens, nunc manus tendens, oransque et obsecrans, ne post multas felicissimasque victorias agatur aliquid indecorum; neve intempestiva temeritas et prolapsio discordiarum materias excitaret. Haecque adiciebat, tandem sedatos leniter allocutus: *Cesset ira, quaeso, paulisper: absque dissensione, vel rerum adpetitu novarum impetrabitur facile, quod postulatis: quoniam vos dulcedo patriae retinet, et insueta peregrinaque metuitis loca, redite iam nunc ad sedes, nihil visuri, quia displicet, transalpinum. Hocque apud Augustum capacem rationis et prudentissimum ego competenti satisfactione purgabo.* Conclamabatur post haec ex omni parte nihilominus, uno parique ardore nitentibus universis: maximoque contentionis fragore, probro et conviciis misto, Caesar adsentire coactus est. Impositusque scuto pedestri, et sublatius eminens, ¹⁰⁾ nullo silente Augustus renuntiatus, iuebatur diadema proferre: negansque umquam habuisse, uxoris colli vel capitis polcebatur. Eoque adfirmante, primis auspiciis non congruere aptari muliebri mundo, equi ¹¹⁾ pha-

8) *al.* festinatius. 9) *al.* soni. 10) *Ms.* pullo silente. *11)* nullo silente. 11) *Ms.* phaleras.

lera quaerebatur, uti coronatus speciem saltem obscuram superioris praetenderet potestatis. Sed cum id quoque turpe esse adseveraret: Maurus nomine quidam, postea Comes, qui rem male gessit ¹²⁾ apud Succorum angustias, Petulantium tunc hastatus, abstractum sibi torquem, quo ut draconarius utebatur, capiti Iuliani imposuit confidenter: qui trusus ad necessitatem extremam, iamque periculum praesens vitare non posse advertens, si reniti perseverasset, quinos omnibus aureos, argentique singula pondo promisit.

- 19 Hisque gestis haud minore quam antea cura constrictus, futuraque celeri providens corde, nec diadema gestavit, nec procedere ausus est usquam,
 20 nec agere seria, quae nimis urgebant. Sed cum ad latebras secessisset occultas accidentium varietate perterritus Iulianus; aliquis palatii decurio, qui ordo est dignitatis, pleniore gradu signa Petulantium ingressus atque Celtarum, facinus indignum turbulente exclamat, pridie Augustum eorum arbitrio declaratum, clam interemptum. Hocque
 21 comperto, milites, quos ignota pari sollicitudine movebant et nota, pars crispantes missilia, alii minitantes nudatis gladiis, diverso vagoque (ut in repentino solet) excursu occupavere volucriter regiam: strepituque immani excubitores perculsi, et tribuni, et domesticorum Comes Excubitor nomine, veritique ¹³⁾ versabilis perfidiam militis, eva-
 22 nuere metu mortis subitae dispalati. Viso tamen otio summo, quieti fletere paullisper armati: et interrogati, quae causa esset inconsulti motus et repentini, diu tacendo haesitantes super salute principis, non antea discesserunt, quam acciti in consistorium fulgentem eum augusto habitu conspexissent.

12) *al.* apud Succorum angustias speculantium, tunc Hastatus.

13) *al.* versabilem.

V. His tamen auditis, etiam illi, quos ante-¹gressos retulimus ¹) ducente Sintula, cum eo iam securi Parisios ²) revertuntur: edictoquo, ut futura luce cuncti convenirent in campo, progressus princeps ambitiosius solito tribunal adscendit, lignis aquilisque circumdatus et vexillis, saeptusque tutius armatarum cohortium globis. Cumque inter-²quievisset paullulum, dum alte contemplatur praesentium vultus, alacres omnes visos et laetos, quasi lituis, verbis (ut intelligi possit) simplicibus incendebat.

Res ardua poscit et flagitat, propugnatores mei³ reique publicae fortes et fidi, qui mecum pro statu provinciarum vitam saepius obiecistis, quoniam Caesarem vestrum firmo iudicio ad potestatum omnium ³) columnen sustulistis, perstringere pauca summam, ut remedia permutatae rei rata colligantur et cauta. Vixdum adulescens specie tenus purpuratus (ut nostis) vestrae tutelae nutu caelesti commissus, numquam a proposito recte vivendi deiectus sum: vobiscum in omni labore perspicuus, cum dispersa gentium confidentia, post civitatum excidia, peremptaque innumera hominum millia, pauca, quae semiintegra sunt relictas, cladis immensitas persultaret. Et retexere superfluum puto, quoties hieme cruda, ridentique caelo, quo tempore terrae ac maria opere Martio vacant, indomitos antea cum iactura virium suarum repulimus Alamannos. Id sane nec praetermitti est aequum nec taceri,⁵ quod, cum prope Argentoratum illuxisset ille beatissimus dies, vehens quodammodo Galliis perpetuam libertatem, inter confertissima tela me discurrente, vos vigore ususque diuturnitate fundati, velut incitatos torrentes, hostes abruptius inundantes, supe-

O 2

¹) Mf. ducente Sintula. ²) Mf. reverterentur. ³) Mf. columnen.

raſtis ferro proſtratos, vel fluminis profundo ſubmerſos, paucis relictis noſtrorum, quorum exſequias honeſtavimus celebri potius laude, quam luctu.

6 *Post quae opinor tanta et talia nec poſteritatem tacitURAM de veſtris in rempublicam meritis ⁴⁾ in gentibus cunctis, ſi plene, ⁵⁾ quem altiore faſtigio maiestatis ornasti, virtute gravitateque, ſi quid ad-*
7 *verſum ingruerit, defendatis. Ut autem rerum integer ordo ſervetur, praemiaque virorum fortium maneant incorrupta, nec honores ambitio praeripiat clandestina, id ſub reverenda conſilii veſtri facie ſtatuo, ut NEQUE CIVILIS QUISQUAM IUDEX, NEC MILITIAE RECTOR, ALIO QUODAM PRAETER MERITA SUFFRAGANTE, AD POTIOREM VENIAT GRADUM, NON SINE DETRIMENTO PUDORIS EO, QUI PRO QUOLIBET PETERE TENTAVERIT, DISCESSURO.*

8 *Hac fiducia ſpei maioris animatus inferior miles, dignitatum iam diu expers et praemiorum, haſtis feriendo clypeos ſonitu adſurgens ingenti, uno pro-*
9 *pemodum ore dictis favebat et coeptis. Statimque, ne turbandae diſpoſitioni conſultae tempus ſaltem breve concederetur, pro actuariis ⁶⁾ obſecraverunt Petulantes et Celtae, recturi, quas placuiſſet provincias, mitterentur: quo non impetrato abiere nec offenſi, nec tristes.*

10 *Nocte tamen, quae declarationis Auguſtae praecellerat diem, iunctioribus proximis retulerat Imperator, per quietem aliquem viſum, ut formari Genius publicus ſolet, haec obiurgando dixiſſe: *Olim, Iuliane, veſtibus aedium tuarum obſervo latenter, augere tuam geſtiens dignitatem; et aliquoties tamquam repudiatus abſceſſi: ⁷⁾ ſed, ſi ne nunc quidem recipior, ſententia concordante multorum; ibo demiffus et maefſtus. Id tamen retineto ⁸⁾ imo corde, quod tecum non diutius habitabo.**

4) *et in* deest. 5) Haec Mf. defunt. 6) Mf. obſervare. 7) Mf. defunt. 8) Mf. in imo corde.

VI. Haec dum per Gallias agerentur intente, r
truculentus rex ille Persarum, incentivo Antonini
adventu Craugasii duplicato, ardore obtinendae
Mesopotamiae flagrans, dum ageret cum exercitu
procul Constantius, armis multiplicatis et viribus
transmisso sollemniter Tigride, oppugnandam ado-
ritur Singaram milite usuique congruis omnibus,
ut aestimavere, qui regionibus praeerant, abunde
munitam. Cuius propugnatores viso hoste longissi- 2
me, clausis ocius portis, ingentibus animis per tur-
res discurrebant et minas, saxa tormentaue bellica
congerentes, cunctisque praestructis stabant omnes
armati, multitudinem parati propellere, si moenia
subire tentasset.

Adventans itaque rex, cum per optimates suos 3
propius admissos, pacatiore colloquio flectere de-
fensores ad suum non potuisset arbitrium, quieti
diem integrum dedit: et matutinae lucis exordio,
signo per flammeum erecto vexillum, circumvadi-
tur civitas a quibusdam vehementibus scalas, aliis
componentibus machinas, plerisque obiectu vinea-
rum pluteorumque tectis, iter ad fundamenta parie-
tum quaerentibus subvertenda. Contra haec oppi- 4
dani superstantes propugnaculis cellis, lapidibus
eminus telorumque genere omni ad interiora fero-
cius se proripientes arcebant.

Et pugnabatur eventu ancipiti diebus aliquot, 5
hinc inde multis amissis et vulneratis: postremo
fervente certaminum mole, et propinquante iam
vespera, inter machinas plures admotus aries ro-
bustissimus orbiculatam turrim feriebat ictibus densis,
unde referatam urbem obsidio superiore docuimus.
Ad quam conversa plebe dimicabatur artissime: fa- 6
cesque cum taedis ardentibus et malleolis ad exuren-
dum imminens malum undique convolabant, nec¹⁾ sa-

1) Steph. non sagittarum.

gittarum crebritate, nec ²⁾ glandis hinc inde cessante. Vicit tamen omne prohibendi commentum acumen arietis, coagmenta fodiens lapidum recens structorum, madoreque etiam tum infirmium.

7 Dumque adhuc ferro certatur et ignibus, turri lapsa cum patuisset iter in urbem, nudato propugnatoribus loco, quos periculi disiecerat magnitudo, Persarum agmina undique ululabili clamore sublato, nullo cohibente cuncta oppidi membra complebant: caesisque promisce paucissimis, residui omnes ³⁾ mandatu Saporis vivi comprehensi, ad regiones Persidis ultimas sunt asportati.

8 Tuebantur autem hanc civitatem legiones duae, prima Flavia, primaque Parthica, et indigenae plures, cum auxilio equitum ilico ob repentinum malum inclusorum: qui omnes, ut dixi, vinctis manibus ducebantur, nullo iuvante nostrorum.

9 Nisibin enim sub pellibus agens pars maior exercitus custodiebat, intervallo perquam longo discretam: alioquin numquam labenti Singarae vel temporibus priscis quisquam ferre auxilium potuit, aquarum paenuria cunctis circum arentibus locis. Et licet ad praesciscendos adversos subitosque motus, id munimentum opportune locavit antiquitas, dispendio tamen fuit rei Romanae, cum defensorum iactura aliquoties interceptum.

VII. Exciso itaque oppido, rex Nisibin prudenti consilio vitans, memor nimirum, quae saepius ibi pertulerat, dextrum latus itineribus petit obliquis: Bezabden, quam Phoenicam quoque institutores veteres adpellarunt, vi vel promissorum dulcedine illectis defensoribus retenturus, munimentum impendio validum, in colle mediocriter edito positum, vergensque in margines Tigridis, atque, ubi loca suspecta sunt et humilia, duplici muro

2) *al.* glande, 3) *Ms.* mandatu.

vallatum: ad cuius tutelam tres legiones sunt deputatae, secunda Flavia, secundaque Armeniaca, et Parthica itidem secunda, cum sagittariis pluribus Zabdicenis, in quorum solo tunc nobis obtemperantium hoc est municipium positum.

Primo igitur impetu cum agmine cataphractorum fulgentium rex ipse sublimior caeteris, castrorum ambitum circumcursans, prope labra ipsa fossarum venit audentius: petitusque ballistarum ictibus certis et sagittarum, densitate ¹⁾ opertus armorum in modum testudinis contextorum, abscellit innoxius. Ira tamen tum sequestrata, caduceatoribus missis ex more, clausos blandius hortabatur, ut vitae speique consulturi obsidium deditione solverent opportuna, reſeratisque portis egressi, supplices victori gentium semet offerrent. Quibus ⁴ adire propius ausis defensores moenium ideo perpercerunt, quod cohaerenter sibi iunctos duxerant ²⁾ hisdem notos ingenuos, Singarae captos: eorum enim miseratione telum nemo contorsit, nec super pace respondit.

Deinde datis indutiis diei totius et noctis, ante ⁵ alterius lucis initium Persarum populus omnis adortus avide vallum, acriterque minans ac fremens, ubi ad ipsa moenia confidenter accessit, ³⁾ dimicabat vi magna resistentibus oppidanis. ⁴⁾ Quare faucibus ⁶ bantur plerique Parthorum, quod pars scalas vehentes, alii opposcentes vimineas crates, veluti caeci pergebant introrsus, nec nostris innocui. Sagittarum enim nimbi crebrius volitantes, stantes confertius perforabant: partibusque post solis occasum aequa iactura digressis, adpetente poſtridie luce ardentius multo quam antea pugnabatur, hinc inde concinentibus tubis: nec minores strages utrobique visae sunt, ambobus obstinatissime colluctatis.

1) Ms. opertus. 2) Ms. iste in notos. 3) Ms. dicabat vi. 4) Ms. et quae re. 5) ex quo re, ut alibi ea re.

- 7 Verum sequuto die, otio communi adfensu post aerumnas multiplices attributo, cum magnus terror circumfisteret muros, Persaeque paria formidarent: Christianae legis antifles exire se velle gestibus ostendebat et nutu; acceptaque fide, quod redire permitteretur incolumis, adusque tentoria regis accessit. Ubi data copia dicendi, quae vellet, suadebat placido sermone discedere Persas ad sua, post communes partis utriusque luctus formidari etiam maiores adfirmans, forsitan adventuros. Sed persistabat incassum haec multaue similia disserendo, efferata vesania regis obstante, ⁵⁾ non ante castrorum
- 8 excidium digredi pertinaciter adiurantis. Perstrinxit tamen suspicio vana quaedam episcopum, ut opinor, licet adseveratione vulgata multorum, quod clandestino colloquio Saporem docuerat, quae moenium adpeteret membra, ut fragilia intrinsecus et invalida. Hocque exinde verisimile visum est, quod postea intuta loca carieque nutantia cum exultatione magna, velut regentibus penetralium calidis, contemplabiliter machinae feriebant hostiles.
- 9 Et quamquam angusti calles difficiliorem aditum dabant ad muros, aptatique arietes aegre promovebantur, manualium saxorum sagittarumque metu arcente: nec ballistae tamen cessavere nec scorpiones, illae tela torquentes, hi lapides crebros, qualique simul ardentes pice et bitumine illiti: quorum assiduitate per proclive labentium ⁶⁾ machinae haerebant velut altis radicibus fixae, easque malleoli et faces iactae destinatus exurebant.
- 10 Sed cum haec ita essent, caderentque altrinsecus multi, ardebant magis oppugnatores naturali situ et ingenti opere munitum oppidum ante brumale sidus excindere, rabiem regis non ante sedari ⁷⁾ posse credentes. Quocirca nec multa cruoris effusio,

5) desunt Mf. 6; Mf. machinarum. 7) *eo posse* deest al.

nec confixi mortiferis vulneribus plurimi caeteros ab audacia parili revocabant. Sed diu cum exitio ¹² decernentes postremo, periculis obiectavere semet abruptis: et agitantes arietes, denso saxorum molarium pondere fomentisque ignium variis, ire protinus vetabantur. Verum unus aries residuis celsior, ¹³ humectis taurinis opertus exuviis, ideoque minus casus flammeos pertimescens aut tela, antegressus omnes repsit nilibus magnis ad murum: vastoque acumine coagmenta lapidum fodiens, turrin laxatam evertit. Qua sonitu lapsa ingenti, superstantes quoque repentina ruina deiecti, diffractique vel obruti, mortibus interiere diversis et insperatis: inventoque tutiore adscensu armata irruit multitudo.

Trepididis deinde superatorum auribus ululan- ¹⁴ tium undique Persarum intonante fragore, artius proelium intra muros exarsit, hostium nostrorumque catervis certantibus comminus, cum confertis inter se corporibus, hinc indeque stricto mucrone nulli occurrentium parceretur. Magna denique ¹⁵ mole ancipiti diu exitio renitentes obsessi, postremo plebis immensae ponderibus effuse disiecti sunt. Et post haec iratorum hostium gladii, quidquid inveniri poterat, concidebant: abreptique sinibus matrum parvuli, ipsae quoque matres trucidabantur, nullo, quid ageret, respectante. Inter ea tam funesta, gens rapiendi cupidior, onusta spoliorum genere omni, captivorumque examen maximum ducens, tentoria repetivit exsultans.

Rex tamen gaudio insolenti elatus, diuque desi- ¹⁶ derio capiendae Phoenicae flagrans, munimenti perquam tempestivi, non ante discessit, quam labefactata murorum parte reparata firmissime, alimentisque adfatim conditis, armatos ibi locaret insignes origine, bellicae artibus claros. Verebatur enim, quod accidit, ne amissionem castrorum ingentium

ferentes aegre Romani, ad eadem obsidenda viribus magnis accingerentur.

17 Latius se proinde iactans, additaque spe, quidquid adgredi posset, adipiscendi, interceptis castellis aliis vilioribus Virtam adoriri disposuit, munimentum valde vetustum, ut aedificatum a Macedone credatur Alexandro, in extremo quidem Mesopotamiae situm, sed muris velut sinuosis circumdatum et cornutis, instructioneque varia inaccessum. Quod cum omni tentaret arte, nunc ⁸⁾ promissis defensores alliciens, nunc poenas cruciabiles minitans, aliquoties struere aggeres parans, obsidionalesque ⁹⁾ admovens machinas, multis acceptis vulneribus, quam illatis, omisso vano incepto tandem abscessit.

18 VIII. Haec eo anno inter Tigrim gesta sunt et Euphratem. Quae cum frequentibus nuntiis didicisset Constantius, metuens expeditiones Parthicas, hiemem apud Constantinopolim agens, impensiore cura limitem instruebat cum omni adparatu bellorum. Arma quoque et tirocinia cogens, legionesque augens inventutis validae supplementis, quarum statariae pugnae per orientales saepius emicuerat procinctus: auxilia super his Scytharum poscebat mercede vel gratia, ut adulto vere profectus ¹⁾ e Thraciis, loca suspecta protinus occuparet.

2 Inter quae Iulianus apud Parisios hibernis locatis, summa coeptorum quorsum evaderet pertimescens, erat anxius, nusquam adlensurum Constantium factis multavolvendo considerans, apud 3 quem sordebat ut infimus et contemptus. Circumspectis itaque trepidis rerum novarum exordiis, legatos ad eum mittere statuit gesta docturos, eisque concinentes litteras dedit, quid actum sit, quidve fieri oporteat deinceps, monens apertius et demon- 4 strans. Quamquam cum haec dudum comperisse

8) Mf. promissis. 9) al. movens. 1) Mf. et braratus.

opinabatur, relatu Decentii olim reversi, et cubiculariorum recens de Galliis ²⁾ praegressorum, qui ad Caesarem aliqua portavere sollemnia. Et, quamquam non repugnanter, tamen nec arrogantibus verbis quidquam scripsit, ne videretur subito ³⁾ reclinasse. Erat autem litterarum sensus huiusmodi:

Ego quidem propositi mei fidem non minus moribus, quam foederum pacto, quoad fuit, unum semper atque idem sentiens conservavi, ut effectum 5
multiplici claruit evidenter. Iamque inde, ut me 6
creatum Caesarem pugnarum horrendis fragoribus obiecisti, potestate delata contentus, currentium ex voto prosperitatum nuntiis crebris, ut adparitor fidus tuas artes implevi, nihil usquam periculis meis adsignans: cum documentis adfideis constet, diffusis permistisque passim Germanis, in laboribus me semper visum omnium primum, ⁴⁾ in laborum refectione postremum.

Sed bona venia tua dixerim, si quid novatum 7
est nunc, ut existimas: in multis bellis et asperis aetate sine fructu conterens miles, olim ⁵⁾ deliberatum implevit, fremens, secundique impatiens loci rectorem, cum nullas sibi vices a Caesare diuturni sudoris et victoriarum frequentium rependi posse contempleretur. Cuius iracundiae, nec dignitatum 8
augmenta, nec annum merentis stipendium, id quoque inopinum accessit, quod ad partes orbis Eoi postremas venire iussi, homines adsueti glacialibus terris, separandique liberis et coniugibus, egentes trahebantur et nudi. Unde solito saevius efferati, nocte in unum collecti palatium obsedere, Augustum Iulianum vocibus magnis adpellantes et crebris. Co- 9
horruui, fateor, et secessi; amandatusque, dum potui, ⁶⁾ salutem simulatione quaeritabam et latebris.

2) Ms. praegressorum. 3) Ms. redundasse. 4) Ms. in laborum refectione. 5) Ms. deliberatum. 6) Ms. salutemus latione.

Cumque nullae darentur indulgentiae, libero pectoris muro, ut ita dixerim, saeptus, progressus ante conspectum omnium steti, molliri posse tumultum
 10 auctoritate ratus, vel sermonibus blandis. 7) Exarsere mirum in modum, eoque proVecti, ut cum precibus vincere pertinaciam conabar, instanter mortem contiguis adfultibus intentarent. Victus denique, mecumque ipse contestans, quod alter confosso me forsitan libens declarabitur princeps, adensus sum, vim lenire sperans armatam.

11 Gestorum hic textus est, quem mente quaeso accipito placida. Nec actum quidquam secus existimes, vel susurrantes perniciose malignos admittas, ad compendia sua excitare secessiones principum adsuetos: sed adulatione vitiorum 8) altrice depulsa, excellentissimam virtutum omnium adverte iustitiam: et conditionum aequitatem, quam propono, bona fide suscipito, cum animo disputans, haec statui Romano prodesse, nobisque, qui caritate sanguinis, et fortunae superioris culmine sociamur.

12 Ignosce enim: quae cum ratione poscuntur, non tam fieri cupio, quam a te utilia probari et recta, avide tua praecepta deinde quoque suscepturus.

13 Quae necesse sit fieri, in compendium redigam breve. Equos praebebo 9) curules Hispanos, et miscendos gentilibus atque scutariis adulescentes Letos quosdam, cis Rhenum editam barbarorum progeniem, vel certe ex dediticiis, qui ad nostra desciscunt. Et haec adusque exitum vitae me spondeo non modo grato animo, verum cupido quoque factu-

14 rum. Praefectos praetorio, aequitate et meritis notos, tua nobis dabit clementia: residuos ordinarios iudices, militiaeque moderatores promovendos arbitrio meo concedi est consentaneum, itidemque stipatores. Stultum est enim, cum ante caveri pos-

7) Ms. quom. 8) Ms. alacri caede pulsa. 9) Ms. curules Sparnos.

fit ne fiat, ¹⁰⁾ eos ad latus Imperatoris adscisci, quorum mores ignorantur et voluntates.

Hoc sane sine ulla dubitatione firmaverim: tiro-¹⁵ nes ad peregrina et longinqua Galli mittere, diuturna perturbatione casibusque vexati gravissimis, nec sponte sua poterunt nec coacti, ne consumpta penitus iuventute, ut adfliguntur praeterita recordantes, ita desperatione pereant impendentium. Nec ¹⁶ Parthicis gentibus opponenda auxilia hinc acciri conveniet, cum adhuc nec barbarici sint impetus interclusi, et (si dici, quod verum est, pateris) hae provinciae malis iactatae continuis, externis indigeant adiumentis et fortibus.

Haec hortando, ut aestimo, salutariter scripsi, ¹⁷ poscens et rogans. Scio enim, scio, ne quid sublatius dicam cum imperio congruens, quas rerum acerbitates iam conclamatas et perditas, concordia vicissim sibi cedentium principum meliorem revocavit in statum: cum adpareat maiorum exemplo nostrorum, moderatores haec et similia cogitantes, fortunate beateque vivendi reperire quodammodo viam, et ultimo tempori posteritatisque iucundam sui memoriam commendare.

His litteris iunctas secretiores alias Constantio ¹⁸ offerendas clanculo misit, obiurgatorias et mordaces: quarum seriem nec scrutari licuit, nec, si licuisset, proferre decebat in publicum.

Ad id munus implendum electi viri sunt graves, ¹⁹ Pentadius officiorum magister, et Eutherus cubi- culi tunc praepositus, post oblatas litteras relaturi, nullo suppresso, quae viderunt, et super ordine futurorum fidenter acturi.

Auxerat inter haec coeptorum invidiam Floren- ²⁰ tii fuga praefecti: qui velut praefagiens concitandos motus ob militem, ut sermone tenuis iactabatur, ac-

¹⁰⁾ Ms. eos latus. 79. eos ad latus Imp.

citum, consulto discesserat Viennam; alimentariae rei gratia divelli causatus a Caesare, quem saepe
 21 tractatum asperius formidabat. Dein cum comperisset eum ad augustum culmen evectum, exigua ac prope nulla vivendi spe versus in metum, ut longe disiunctus, malis se, quae suspicabatur, exemit: et necessitudine omni relictā digressus venit ad Constantium itineribus lentis: utque se nulli obnoxium culpaē monstraret, Iulianum ut perduellem multis
 22 criminibus adpetebat. Cuius post abitum bene Iulianus cogitans et prudenter, scirique volens, quod praesenti quoque pepercisset; caritates eius cum re familiari intacta, publici cursus usu permissō, ad Orientem redire tutius imperavit.

1 IX. Nec minore studio sequenti legati, haec secum ferentes, quae praediximus, intentique ad viandum, cum venirent ad indices celsiores, oblique tenebantur: morasque per Italiam et Illyricum perpeSSI diuturnas et graves, tandem¹⁾ transfretati per Bosporum, itineribusque lentis progressi, apud Caesaream Cappadociae etiam tum degentem invenerunt Constantium, Mazacam antehac nominatam, opportunam urbem et celebrem, sub Argaei montis
 2 pedibus sitam. Qui intromissi, data potestate offerunt scripta: iisque recitatis, ultra modum solitae indignationis excanduit Imperator, ²⁾ limibusque oculis eos adusque metum contuens mortis, egredi iussit, nihil post haec percontatus vel audire perpeSSus.

3 Percussus tamen ardentē cunctatione stringebatur ambigua, utrum in Persas, an contra Iulianum moveri iuberet acies, quibus fidebat: haesitansque diu perpeSSis consiliis, flexus est quorundam sententia ³⁾ utilium suavorum, et iter orientem versus

1) Ms. transfretati per Bosphorum. 2) Ms. limisque oculis.
 3) Ms. utilium suavorum.

edixit. Statim tamen et legatos absolvit, et Leo-⁴
nam quaestorem suum in Gallias cum litteris datis ad
Iulianum pergere celeri statuit gradu, nihil novato-
rum se adferens suscepisse, sed eum (si salutis suae
proximorumque consulit) tumentis flatibus deposito,
intra Caesaris se potestatem continere praecipiens.
Utque id facile formido intentatorum efficeret, velut ⁵
magnis viribus fretus, in locum Florentii praefe-
ctum praetorio Nebridium, tum quaestorem eius-
dem Caesaris promoverat, et Felicem notarium,
officiorum magistrum, et quosdam alios. Guinoha-
rium enim successorem Lupicini, antequam sciretur
huiusmodi quidquam, magistrum provexit armo-
rum.

Ingressus itaque Parisios Leonas, susceptus ut ⁶
honoratus et prudens, postridie principi progresso
in campum cum multitudine armata pariter et ple-
beia, quam de industria convocarat, e tribunali, ut
emineret altius, superstanti, scripta iubetur offerre.
Replicatoque volumine edicti, quod missum est, et
legi ab exordio coepto, cum ventum fuisset ad lo-
cum id continentem, quod gesta omnia Constantius
improbans, Caesaris potestatem sufficere Iuliano
censebat, ⁴) exclamabatur undique vocum terribi-
lium sonu: *Auguste Iuliane, ut provincialis, et* ⁷
miles, et rei publicae decrevit auctoritas; recreatae
quidem, sed adhuc metuentis redivivos barbarorum
excurfus.

Quibus auditis Leonas, cum Iuliani litteris haec ⁸
eadem ⁵) indicantibus revertit incolumis: solusque
admissus est ad praefecturam Nebridius: id enim
Caesar quoque scribens, ex sententia sua fore aperte
praedixit. Magistrum enim officiorum iampridem
ipse Anatolium ordinavit, libellis antea responden-

⁴) Ms. exclamabatur undique vocum terribilium sonum. ⁵) Ms. innotantibus,

tem, et quosdam alios, ut sibi utile videbatur et tutum.

9 Et quoniam, cum haec ita procederent, timebatur Lupicinus, licet absens, agensque etiam tum apud Britannos, homo superbae mentis et turgidae; eratque suspicio, quod, si haec trans mare didicisset, novarum rerum materias excitaret: notarius Bononiam mittitur, observaturus sollicite, ne quisquam fretum oceani transire permetteretur. Quo vetito, reversus Lupicinus, antequam horum quidquam sciret, ⁶⁾ nullas eiere potuit turbas.

X. Iulianus tamen iam celsiore fortuna militis-
que fiducia laetior, ne intepesceret, neve ut remissus argueretur et deses, legatis ad Constantium missis, in limitem Germaniae secundae est egressus: omnique adparatu, quem flagitabat instans negotium, ¹⁾ communitus, Tricensimae oppido propinquabat. Rheno ²⁾ exinde transmissio regionem subito pervasit Francorum, quos Attuarios vocant, inquietorum hominum, licentius etiam tum percurantium extima Galliarum. Quos adortus subito nihil metuentes hostile, ³⁾ nimiumque securos, quod scruposa viarum difficultate arcente, nullum ad suos pagos introisse meminerant principem, superavit negotio levi; captisque plurimis et occisis, orantibus aliis, qui superfuere, pacem ex arbitrio dedit, hoc prodesse possessoribus finitimis arbitrat³ tus. Unde reversus pari celeritate per flumen, praesidiaque limitis explorans diligenter et corrigens, adusque Rauracos venit: locisque recuperatis, quae olim barbari intercepta retinebant ut propria, iisdemque pleniore cura firmatis, per Besan³ tionem Viennam hiematurus abscessit.

XI. Hic

6) Ms. nullus. 1) Ms. communitus Obtricensimae oppido. 2) al. deinde. 3) al. nimium sic.

XI. Hic per Gallias erat ordo gestorum. Quae
 dum ita prospere succedunt et caute, Constantius
 accitum Arsacen Armeniae regem, summaque li-
 beralitate susceptum praemonebat et hortabatur, ut
 nobis amicus esse perseveraret et fidus. Audiebat 2
 enim saepius eum tentatum a rege Persarum falla-
 ciis, et minis, et dolis, ut Romanorum societate
 posthabita, suis rationibus ¹⁾ stringeretur. Qui cre- 3
 bro adiurans animam prius posse amittere, quam
 sententiam, muneratus cum comitibus, quos duxe-
 rat, rediit ad regnum, ²⁾ nihil ausus temerare post-
 ea promissorum, obligatus gratiarum multiplici ne-
 xu Constantio: inter quas illud potius excellebat,
 quod Olympiada Ablabii filiam praefecti quondam
 praetorio, ei copulaverat coniugem, sponsam fratris
 sui Constantis.

Quo dimisso a Cappadocia, ipse per Melitinam 4
 minoris Armeniae oppidum, et Lacotena, et Sa-
 mosata, transito Euphrate Edessam venit: ubique,
 dum agmina undique convenientium militum, et
 rei cibariae abundantes copias opperitur, diu mora-
 tus; post aequinoctium egreditur autumnale, Ami-
 dam petens.

Cuius cum prope venisset moenia, favillis opple- 5
 ta collustrans, flebat cum gemitu, reputans quales
 miserranda civitas pertulerat clades. Ibi tunc forte
 Urfulus praesens, qui aerarium tuebatur, dolore
 percitus exclamavit: *En quibus animis urbes a mi-
 lite defenduntur, cui ut abundare stipendium possit,
 imperii opes iam fatiscunt!* Quod dictum ita ama-
 rum militaris multitudo postea apud Chalcedona re-
 cordata, ad eius exitium consurrexit.

Exinde cuneis confertis incedens, cum Bezab- 6
 den adventaret, fixis tentoriis, vallo fossarumque
 altitudine circumsaeptis, obequitans castrorum

1) Ms. stringeretur. 2) Ms. inthelausus temeratore.

ambitum longius, docebatur relatione multorum, instaurata esse firmitus loca, quae antehac incuria
 7 corruerat vetustatis. Et, ne quid omitteret, quod ante fervorem certaminum erat necessario praestruendum; viris prudentibus missis, conditione posita dupla, cogebat moenium defensores redire ad suos, alienis sine cruore concessis, aut in ditionem venire Romanam dignitatibus augendos et praemiis. Atque, cum illi destinatione nativa reniterentur ut clare nati, periculisque et laboribus indurati, cuncta obsidioni congrua parabantur.

8 Densis itaque ordinibus cum tubarum incitamentis latera oppidi cuncta adortus alacris miles, legionibus in testudines varias conglobatis, paullatim tuto progrediens subruere moenia conabatur: et quia telorum omne genus in subeuntes effundebatur, nexu clypeorum soluto discessum est, in recessum carentibus signis. Laxatis deinde ad diem unum³⁾ indutiis, tertia luce curiosius⁴⁾ tecti, elatis passim clamoribus adscensus undique tentabant. Et licet defensores obtentis ciliciis, ne conspicerentur ab hostibus, latebant intrinsecus; tamen, quoties flagitabat necessitas, lacertos fortiter exertantes, lapidibus subiectos incessabant et telis. Et vimineae
 10 crates cum procederent confidenter, essentque parietibus contiguae, dolia desuper cadebant, molae et columnarum fragmenta: quorum ponderibus nimis obruebantur oppugnatores, hiatuque violento disiectis operimentis, cum periculis ultimis evadebant.

11 Decimo itaque, postquam⁵⁾ pugnari die coeptum est, cum⁶⁾ spes nostrorum interiora cuncta inacerore compleret, transferri placuerat molem arietis magni, quam Persae quondam Antiochia pulli-

3) Ms. indomis. 4) Ms. tecto. 5) Ms. pugnari. 6) Ms. spe nostrorum interior.

bus eius excisa relatae reliquerant apud Carras: quae subito visa, aptataque faberrime, clausorum hebetaverat mentes, adusque deditiois remedia paene prolapsas, ni resumptis viribus opponenda machinae huic praeparassent. Nec temeritas post 12 haec cessaverat, nec consilium. Namque, dum instrueretur aries vetustus, et dissolutus, ut facile vereretur, 7) omni arte, omni que virium nisu, et 8) oppugnantorum vi et firmitudine summa defensus batur: tormenta nihilominus et lapidum crebritas atque fundarum ex utraque parte plurimos consume bant: et aggerum moles incrementis celeribus con surgebant: acriorque indies adulescebat obsidio, multis nostrorum idcirco cadentibus, quod deter nentes sub Imperatoris conspectu, spe praemiorum, ut possent facile, qui essent, agnosci, nudantes ga leis capita sagittariorum hostilium peritia fundeban tur. Proin dies et noctes intentae vigiliis, cautio- 13 res stantes utrobique faciebant. Et Persae aggerum altitudine iam in sublime porrecta, machinaeque ingentis horrore perculsi, quam minores quoque se quebantur, omnes exurere vi maxima nitebantur: et assidue malleolos atque incendiaria tela torquen tes, laborabant incassum, ea re, quod humectis scortis et centonibus erant operatae materiae plures, aliae unctae alumine diligenter, ut ignis in eas labe retur innoxius. Verum has admoventes fortitudine 14 magna Romani, licet difficile defensus bant, tamen cupiditate potiundi oppidi ne prompta quidem peri cula contemnebant. Et contra propugnatores, cum 15 iam discussurus turrim oppositam aries maximus ad ventaret, prominentem eius ferream frontem, quae

P 2

7) Mf. omni argento. 72. omni argumento, ut in Actis Euphemiae. Trahentes argumentis lapides. 8) Mf. oppugnantorum veni et fortitud.

revera formam ⁹⁾ effingit arietis, arte subtili illaqueatam altrinsecus laciniis retinere longissimis, ne retrogradiens resumeret vires, neve ferire muros adsultibus densis contemplabiliter posset, fundentes quoque ferventissimam picem: et diu promotae machinae stabant, muralia saxa perferentes et tela.

16 Iamque aggeribus cumulatus excitatis, defensores, ni vigilassent, exitium adfore iam sperantes, in audaciam ruere praecipitem: et repentino decursu portis effusi, primosque adorti nostrorum, faces litellasque ferreas onustas ignibus in arietes magnis
17 viribus iaciebant. Verum post ambiguum proelii virtutem, plurimi nihil impetrato intra moenia repelluntur: moxque ex aggeribus, quos erexerant Romani, iidem Persae propugnaculis insistentes, sagittis incescebantur et fundis, telisque igniferis: quae per tegumenta turrium volitantia, paratis, qui restinguerent, plerumque irrita labebantur.

18 Cumque pauciores utrobique fierent bellatores, et Persae truderentur ad ultima, ni potior ratio succurrisset, impensiore opera procursum tentabatur ex castris: et eruptione subita multitudinis facta, inter armatos, qui portabant ignes, ¹⁰⁾ amplioribus ordinatis, iaciebantur corbes in materias ferreae plenae flammarum, et sarmenta, aliaque ad
19 ignes concipiendos aptissima. Et quia conspectum abstulerant sumi nigerrimae nubes, classico excitante in pugnam, legiones procinctae celeri gradu venerunt: et subcrecente paulatim ardore bellandi, cum ventum fuisset ad manus, repente machinae omnes effusis ignibus urebantur, praeter maiorem: quam direptis restibus, quibus e muro iactis implicabatur, virorum fortium acrior nifus aegre semiuflam extraxit.

9) efficit. 10) Mf. amplioribus ordinati iaciebuntur.

At ubi nocturnae tenebrae finem proeliis attulerunt, non in longum ¹¹⁾ militi quies data: cibo enim exiguo refectus et somno, rectorum monitu excitus, munitiones a muro longe demovit, dimicare succinctius parans per sublimes aggestus, qui iam consummati muris altius imminebant. Utque facile defensores moenibus pellerentur, in ipsis aggerum summitatibus binae sunt locatae ballistae, quarum metu ne prospicere quidem posse hostium quisquam crederetur. His satis provisus, prope ²¹ ipsum crepusculum triplex acies nostrorum instructa, conisque galearum minacius nutans, scalas vehementibus multis impetum ¹²⁾ conabantur in muros. Iam resultantibus armis et tubis, uno parique ardore hinc ¹³⁾ inde pugnabatur audaci conflictu: latiusque sese pandentes Romani, cum Persas occultari viderent pavore impositorum aggeribus tormentorum, pulsabant turrim ariete: et cum ligonibus et dolabris et vectibus ¹⁴⁾ scalisque propinquabant, utrimque convolante missilium crebritate. Adli- ²² ctabant tamen multo vehementius Persas ictus varii ballistarum, tamquam per transfennam a clivis structilibus decurrentes. Unde fortunas suas sitas in extremo iam cogitantes, destinatam ruebant in mortem: et partiti munera dimicandi inter necessitatis articulos, relictis, qui moenia tuerentur, resecrata latenter postica, strictis gladiis valida manus erupit, pone sequentibus aliis, qui flammam occulte portabant. Dumque Romani nunc instant cedentibus, ²³ nunc ultro incessentes excipiunt: qui vehebant foculos repentis incurvi, prunas unius aggesti inseruere iuncturis, ramis arborum diversarum, et iunco, et manipulis constructi cannarum: qui conceptis incendiorum aridis nutrimentis iam cremaban-

¹¹⁾ Ms. militi qui estate. ¹³⁾ Ms. militi quies est data. ¹²⁾ Ms. conabantur. ¹³⁾ *al.* inde. ¹⁴⁾ Ms. scalaeque propinq.

tur, militibus cum intactis tormentis exinde periculose digressis.

- 24 Ut vero certaminibus finem vespera ¹⁵⁾ dedit incedens, partesque discesserunt ad otium breve, Imperator in varia sese consilia diducens et versans, cum excidio Phoenicæ diutius imminere necessariae rationes urgerent, quod munimentum velut insolubile claustrum hostium excursibus erat obiectum, et serum repelleret tempus: certaturus leviter ibi statuit immorari, alimentis destituendos forsitan cedere existimans Persas: quod secus atque rebatur
- 25 evenit. Cum enim remissius pugnaretur, humente caelo undantes nubes cum tenebris advenere minacibus: adfiduisque imbribus ita immaduerat solum, ut luti glutinosa mollities per eas regiones pinguis-
simi caespitis omnia perturbaret: et super his iugi fragore tonitrua fulguraque mentes hominum pavidas perterrebant.
- 26 Accedebant arcus caelestis conspectus adfidui: quae species unde ita figurari sit solita, expositio brevis ostendet. Halitus terrae calidiores et humoris spiramina conglobata in nubes, exindeque disiecta in adspergines parvas, ac radiorum fusione splendida facta, supinantur volubiliter contra ipsum igneum orbem, irimque conformant, ideo spatioso curvamine sinuosam, quod in nostro panditur mundo, quem sphaerae dimidia
- 27 parti rationes physicae superponunt. Cuius species, quantum mortalis oculus contuetur, prima lutea visitur, secunda flavescens vel fulva, punicea tertia, quarta purpurea, postrema caeruleo concreta et vi-
- 28 ridi. Hac autem mixta pulcritudine temperatur ideo, ut terrenae existimant mentes, quod prima eius pars dilutior cernitur, aëri concolor circumfuso: sequens fulva, id est paullo excitatior quam

15) Ms. *incedens* deest al.

lutea: ¹⁶⁾ punicea tertia, quod solis obnoxia claritudini, pro ¹⁷⁾ receptatione spiritus fulgores eius ¹⁸⁾ purissimi e regione desflorat: quarta ideo ¹⁹⁾ purpurat, quod intermicante adspersionum densitate, per quas moritur radiorum ²⁰⁾ splendor, conspiciens offendit adspectum flammeo propiorem: qui color quanto magis diffunditur, concedit in caeruleum et virentem.

Arbitrantur alii, tunc iridis formam rebus adpa- 29
rere mundanis, cum altius delatae nubi crassae radii solis infusi lucem iniecerint liquidam: quae non reperiens exitum, in se conglobata nimio splendescit adritu: et proximos quidem albo colores a sole sublimiore decerpit: subvirides vero a nubis similitudine superiectae: ut in mari solet usu venire, ubi candidae sunt undae, quae littoribus illiduntur, interiores sine ulla concretionem caeruleae.

Et quoniam indicium est permutationis aurae, 30
(ut diximus) a ²¹⁾ sudo aëre nubium concitans globos, aut contra ex concreto ²²⁾ immutans in serenam laetitiam caelum; ideo apud poetas legimus ²³⁾ saepe, Irim de caelo mitti, cum praesentium rerum verti necesse sit status. Suppetunt aliae multae opiniones et variae, quas dinumerare nunc est supervacuum, narratione redire, unde digressa est, festinante. His ac talibus Imperator inter 31
spem metumque iactabatur, ingravescente hiemis magnitudine, ²⁴⁾ suspectisque per avios tractus insidiis: inter quae ²⁵⁾ etiam tumultum exasperati militis verebatur. Super his urebat eius anxiam mentem, quod velut patefacta ianua divitis domus, irritus propositi reverteretur.

16) Ms. picea. 17) Ms. pro reticatione. 18) Ms. purissimi.
19) Steph. purpurea. 20) Ms. splendor conspiciens. 21) al. sudore aëre. 22) Ms. mutans. 23) in Ms. ita hic locus legitur: Legimus nimirum de caelo hinc verti necesse mitti cum praes.
24) Ms. super eos quae per avictio, stractus. 25) etiam . . . cum exasp.

- 32 Quas ob res omisso vano incepto, hiematurus Antiochiae redit in Syriam acrumnosam, perpeffus et ulcerum sed et atrociam, diuque deflenda. Evenerat enim hoc, quasi fatali constellatione ita regente diversos eventus, ut ipsum Constantium dimicantem cum Persis fortuna semper sequeretur adflictior: unde vincere saltem per duces optabat: quod aliquoties meminimus contigisse.
-

AMMIANI MARCELLINI

RERUM GESTARUM

LIBER XXI.

Julianus A. Viennae quinquennalia celebrat: quomodo Constantium A. brevi moriturum praenoverit: et de variis artibus futura praenoscendi. C. I. Julian. A. Viennae Christianum se simulat illiciendae multitudinis causa: et de die festo in ecclesia inter christianos Deum precatur. II. Vadomarius rex Alamannorum, rupto foedere, per emissarios limites vastat, et Libinonem comitem cum paucis interficit. III. Julian. A. interceptis Vadomarii litteris ad Constantium A. cum in convivio comprehendendum curavit: et Alamannis aliis occisis, aliis in deditionem acceptis, caeteris pacem petentibus dedit. IV. Julian. A. milites suos alloquitur, et in verba sua universos adigit, Constantio A. bellum illaturus. V. Constantius A. Faustinam ducit uxorem: auget supplementis exercitum: Armeniae et Hiberiae reges donis sibi conciliat. VI. Const. A. Antiochiae tum agens, per Gaudentium notarium Africam in potestate sua retinet; et Euphrate transito Edeffam se exercitumque confert. VII. Julianus A. post ordinatas res Galliarum, ripam Danubii petit, et partem militum per Italiam perque Raetias praemittit. VIII. Taurus et Florentius consules, ac praefecti praetorio, hic per Illyricum, ille per Italiam, fugiunt adpropinquante Iuliano A. Lucillianus magister equitum, qui resistere Iuliano parabat, opprimitur. IX. Julianus A. Sirmium, caput Illyrici occidui, una cum praesidio in fidem recipit; Succos occupat, et ad Senatum scribit contra Constantium. X. Duae legiones Constantianae, quae apud Sirmium ad Iulianum A. transierant, ab eo missae in Gallias, Aquileiam occupant consentientibus

oppidanis, ac Iuliani militi portas claudunt. XI. Aquileia favens Constantii A. partibus oppugnatur: quae postea comperto eius obitu, Iuliano se dedit. XII. Sapor domum reducit copias, inhibentibus bellum auspiciis: Constantius A. in Iulianum arma moturus Hierapoli milites alloquitur. XIII. Praesagia mortis Constantii A. XIV. Moritur Constantius A. apud Mopsucrenas Ciliciae. XV. Constantii A. virtutes et vitia. XVI.

- 1 Intercluso hac bellorum difficili sorte Constantio trans flumen Euphratem, Iulianus agens apud Viennam, formandis in futura consiliis dies impendebat et noctes, quantum opes patiebantur angustae, altius semet attollens: semperque ambigens, utrum Constantium modis omnibus alliceret in concordiam, an terroris incutiendi gratia laceggeret prior.
- 2 Quae sollicite reputans, utrumque formidabat, et amicum cruentum, et in aerumnis civilibus saepe victorem: maximeque Galli fratris exemplum mentem eius anxiam suspendebat, quem inertia mistae-
- 3 que periuriis fraudes prodidere quorundam. Erigebat tamen aliquoties animum ad multa et urgentia, tutissimum ratus inimicum se ex confesso monstrare ei, cuius ex praeteritis motus coniectabat ut prudens, ne per amicitias fictas infidiis falleretur
- 4 occultis. Parvi igitur habitis, quae per Leonam Constantius scripserat, nulloque arbitrio eius promotorum suscepto praeter Nebridium, quinquennalia Augustus iam edidit: et ambitioso diademate utebatur lapidum fulgore distincto, cum inter exordia principatus adsumpti vili corona ¹⁾ circum-
- 5 tus erat, xylistarchae similis purpurato. Inter quae Helenae coniugis defunctae suprema miserat Romam, in suburbano viae Nomentanae condenda, ubi uxor quoque Galli, quondam soror eius, sepulta est Constantina.

1) Mf. circumdatus erat.

Accidebat autem, incendebatque eius cupidi- 6
tatem pacatis iam Galliis inceslere ultro Constan-
tium: coniiciens eum per vaticinandi praeſagia
multa (quae callebat) et ſomnia, e vita protinus ex-
ceſſurum.

Et quoniam erudito et ſtudioſo cognitionum 7
omnium principi malivoli praeſcendi futura pra-
vas artes adſignant, advertendum eſt breviter, unde
ſapienti viro hoc quoque accidere poterit doctrinae
genus haud leve. Elementorum omnium ſpiritus, 8
nſuſe perennium corporum ²⁾ praeſentiendi motu
ſemper et ubique vigenſ, ex hiſ, quae per diſcipli-
nas varias adfectamus, participat nobiſcum munera
divinandi: et ſubſtantiales poteſtates ritu diverſo
placatae, velut ex perpetuiſ fontium veniſ ³⁾ vati-
cina mortalitati ſuppeditant verba, quibꝯ numen
praeſeſſe dicitur Themidiſ: quam ex eo, quod fixa
fatali lege decreta praeſcire ⁴⁾ facit in poſterum,
quae *τῶνδεσμεύειν* ſermo Graecus adpellat, ita cogno-
minatam, in cubili ſolioque Ioviſ vigoris viviſici
theologi veteres collocarunt.

Auguria et auſpicia non volucrum arbitrio futura 9
⁵⁾ neſcientium colliguntur: (nec enim hoc vel inſi-
piens quiſquam ⁶⁾ dicet) ſed volatus avium dirigit
denſ, ut roſtrum ſonans, aut praetervolans pinna
turbido meatu vel leni futura praemonſtret. Amat
enim benignitas numiniſ, ſeu quod merentur ho-
mineſ, ſeu quod tangitur eorum adfectione, hiſ
quoque artibꝯ prodere, quae impendent.

Extiſ item pecudum attenti fatidiciſ, ⁷⁾ in ſpe- 10
cieſ converti ſuetiſ innumeraſ, accidentia ſciunt.
Cuiuſ diſciplineſ Tageſ nomine quidaſ monſtrator
eſt; ut fabulantur, in Etruriæ partibuſ emerſiſſe
ſubito viſuſ e terra.

2) *nl.* praeſcienti. 3) *Mf.* vaticinia. 4) *Mf.* facit. 5) *Mf.*
naſcentium. 6) *Mf.* dicet. 7) *Mf.* in ſpeſ.

11 Aperiant tunc quoque ventura, cum ⁸⁾ aestuant hominum corda, sed loquuntur divina. Sol enim (ut aiunt phyfici) mens mundi, nostras mentes ex sese velut scintillas diffunditans, cum eas incenderit vehementius, futuri conscias reddit. Unde Sibyllae crebro se dicunt ardere, torrente vi magna flammarum. Multa significant super his crepitus vocum, et occurrentia signa, tonitrua quinetiam et fulgura et fulmina, itidemque siderum sulci.

12 Somniorum autem rata fides et indubitabilis foret, ni ratiocinantes coniectura fallerentur. Interdumque, ut Aristoteles adfirmat, tum fixa sunt et stabilia, cum animantis altius quiescentis ocularis

13 ⁹⁾ pupilla neutrobi inclinata, rectissime cernit. Et quia vanities aliquoties plebeia strepit, haec imperite mullando, si esset praesentiendi notitia quaedam, cur ille se casurum in bello, vel alius hoc se passurum ignoravit, aut illud? sufficiet dici, quod et grammaticus loquutus interdum est barbare, et absurde cecinit musicus, et ignoravit remedium medicus: et non ideo nec grammatica, nec musica, 14 nec medicina subsistit. Unde praeclare hoc quoque, ut alia, Tullius, *Signa ostenduntur*, ait, *a diis rerum futurarum. In his si quis erraverit, non deorum natura, sed hominum coniectura peccavit.* Ne igitur extra calcem, quod dicitur, sermo decurrens lecturo fastidium ferat, ad explicanda prospecta revertamur.

1 II. Cum apud Parisios adhuc Caesar Iulianus, quatiens scutum variis motibus exerceretur in campo, axiculis, quibus orbis erat compaginatus, in vanum excussis, ansa remanserat sola: quam retinens 2 valida manu stringebat. Territisque ut omine diro praesentibus cunctis, *Nemo*, inquit, *vereatur: habeo firmiter, quod tenebam.* Item cum apud Vi-

8) aestivant. 9) popiala.

enam postea quiesceret sobrius, ¹⁾ horrore medio noctis imago quaedam visa splendidior, hos ei versus heroos modo non vigilantem aperte dixit, eadem saepius replicando: quibus fretus nihil asperum sibi superesse existimabat.

²⁾ Ζεὺς ὅταν εἰς πλατὺ τέρμα μόλη κλυτοῦ ὕδροχόοιο,
Παρθενικῆς δὲ Κρόνος μοῖρῃ βαίῃ ἐπὶ πέμπτῃ
Εἰκοστῇ, Βασιλεὺς Κωνστάντιος Ἀσίδες αἴης
Τέρμα Φίλου βιοτοῦ στυγερὸν καὶ ἐπώδυνον ἔξει.

Agebat itaque nihil interim de statu rerum praesentium mutans, sed animo tranquillo et quieto incidentia cuncta disponens, paullatimque sese corroborans, ut dignitatis augmento virium quoque congruerent incrementa. Utque omnes, nullo impedi-⁴ ente, ad sui favorem illiceret, adhaerere cultui Christiano fingebat, a quo iam pridem occulte desciverat, arcanorum participibus paucis, haruspinae auguriisque intentus, et cacteris, quae deorum semper fecere cultores. Et ut haec interim⁵ celarentur, feriarum die, quem celebrantes mense Ianuario Christiani ³⁾ Epiphania dictitant, progressus in eorum ecclesiam, sollemniter numine orato discessit.

III. Dum haec ita aguntur, propinquante iam vere, nuntio percitus inopino, ad trilitiam versus est et maerorem. Didicit enim Alamannos a pago Vadomarii exorsos, unde nihil post ictum foedus sperabatur incommodum, vastare confines Raetiis tractus: nihilque sinere intentatum manus praedatorias fusius discurrentes. Quod ne dissimulatum² redivivas bellorum materias excitaret; Libinonem quemdam Comitem cum Celtis et Petulantibus milit

¹⁾ *al.* hora media. ²⁾ M. ΖΕΥΣ ΟΤΑΝ ΕΙΣΙ ΠΛΑΤΤΓΕΡ-
ΣΙΑ ΜΙΟΑΝΚΙΤΟΥ ΤΑΡΟΧΟΥΟ ΠΑΡΘΕΝΙΚΗΣΔΕΚΟΝΟΣ
ΓΟΙΡΝΣ ΒΕΕΝΕΙΗΠΕ Λ ΠΤΝΕΙΚΟΣ ΤΗ ΒΑΣΙΛΕΥΣΚΩΣΤΑΝΤΙ
ΟΣΑΣΙΛΟΣΕ ΗΣΤΕ ΡΛΛΑ ΦΙΟΛΑΝ ΒΙΟΤΟΥ ΕΤΤΓΕΡΟΝ ΚΑΙ
ΕΠΩΔΤΝΟΝ ΕΞΕΙ. ³⁾ *al.* Epiphaniam.

hiemantibus secum, negotium, ut poscebat ratio,
 3 correcturum. Qui cum mature prope oppidum
 Sanctionem venisset, longe visus a barbaris, qui
 iam certamina meditantes sese per valles abdide-
 rant: hortatusque milites licet numero impares,
 cupidine tamen pugnandi vehementius irritatos,
 adgreditur inconsulte Germanos, interque dimi-
 candi exordia ipse concidit omnium primus: cuius
 interitu erecta barbarorum fiducia, Romanisque ad
 ducis vindictam accensis, certamen committitur
 obstinatum, et urgente magnitudinis mole disiecti
 sunt nostri, occisis paucis et vulneratis.

4 Cum hoc Vadomario, et Gundomado eius fra-
 tre, itidem rege, Constantius (ut iam relatum est)
 firmaverat pacem. Post quae mortuo Gundomado,
 hunc sibi fore existimans fidum, secretorumque ta-
 citurnum exsecutorem et ¹⁾ efficacem, mandabat (si
 famae solius admittenda est fides) scribebatque, ut
 tamquam ²⁾ rupto concordiae pacto, subinde colli-
 mitia sibi vicina vexaret: quo Iulianus id metuens,
 5 nusquam a tutela discederet Galliarum. Quibus
 (ut dignum est credere) obtemperans Vadomarius,
 haec et similia perpetrabat: ad perstringendum fal-
 lendumque miris modis ab aetatis primitiis callens,
 ut postea quoque ducatum per Phoenicem regens
 6 ostendit. Sed re ipsa convictus abstinuit. Capto
 enim a stationariis militibus notario, quem miserat
 ad Constantium, scrutatoque, si quid portaret,
 epistola eius reperta est, in qua praeter alia multa
 id quoque scripserat: *Caesar tuus disciplinam non*
habet. Iulianum autem assidue per litteras domi-
 num et Augustum adpellabat et Deum.

IV. Haec ut erant periculosa et dubia, Iulianus
 in exitiale malum eruptura considerans, in unum
 omni cogitatione intenta, cum incautum rapere

1) Ms. effacitatem. 2) Ms. rupto sane concord.

festinabat, ut securitatem suam provinciarumque locaret in tuto: et iniit consilium tale. Philagrius ² notarium, Orientis postea Comitem, ad eas miserat partes, cuius prudentiae fidebat olim sibi comperti: eique inter multa, quae pro captu instantium rerum erat acturus, signatam quoque chartulam tradidit, mandavitque, ne aperiret vel recitaret, nisi Vadomario viso cis Rhenum. Perrexit Phila- ³ grius, ut praeceptum est: eoque praesente, et negotiis adstricto diversis, transgressus Vadomarius flumen, ut nihil in profunda metuens pace, nihilque secus gestorum simulans scire, viso praeposito militum ibi degentium, pauca loquutus ex more, ultro semet, ut suspicionis nihil relinqueret abiturus, ad convivium eius venire promisit, ad quod erat etiam Philagrius invitatus. Qui statim ingres- ⁴ sus, rege conspecto, Imperatoris recordatus est verba, causatusque rem seriam et urgentem, ad diversorium rediit: scriptisque lectis doctus, quid agi conveniret, confestim reversus discubuit inter caeteros. Finitisque epulis Vadomarium fortiter ⁵ adprehensum, rectori militum arte custodiendum apud signa commisit, textu lecto iussorum, comitibus eius ad sua redire compulsis, super quibus nihil fuerat imperatum. Exhibitus tamen idem rex ⁶ ad Principis castra, iamque spe veniae omni praeclusa, cum interceptum notarium, et, quae scripserat ad Constantium, comperisset iam publicata, ne convicio quidem tenus compellatus, missus est ad Hispanias. Id enim studio curabatur ingenti, ne Iuliano discedente a Galliis, immanissimus homo provinciarum statum aegre compositum licentius conturbaret.

Hoc casu elatior Iulianus, regis opinione citius ⁷ intercepti, quem profecturus ad longinqua formidabat, nihil remittentibus curis barbaros adoriri disposuit, quos peremisse Libinonem Comitem in

quoties libet, *Rhenum pervium feci: contra rumo-
rum fremitus, gentiumque validarum violentos ex-
cursus stando immobilis, virtutis vestrae nimirum
firmamento confisus. Et haec, laborum, quos ex- 4
hausimus, Galliae spectatrices, post funera multa
iacturasque recreatae diuturnas et graves, posteri-
tati per aetatum examina commendabunt. At 5
nunc, cum auctoritate vestri iudicii, rerumque ne-
cessitate compulsus, ad augustum elatus sum culmen,
Deo vobisque fautoribus, si fortunâ cbeptis adfuerit,
altius adfecto maiora: id prae me ferens, quod ex-
ercitui, cuius aequitas armorumque inclaruit ma-
gnitudo, 6) domi moderatus visus sum et 7) tranquil-
lus, et in crebritate bellorum contra conspiratas
gentium copias consideratus et cautus. Ut igitur 6
adversa praeveniamus mentium societate iunctissi-
ma, sequimini viam consilii mei salutarem, ut pu-
to, cum integritas rerum intentioni nostrae volun-
tatiue respondeat: et dum maioribus vacant prae-
sidiis regiones Illyricae, impraepedito cursu ten-
dentes, Daciarum interim fines extimos occupemus,
exinde, quid agi oporteat, bonis successibus instru-
endi. At vos 8) ex more fidentium ducum, iura- 7
mento quaeso concordiam spondete manjuram et
fidem, operam mihi 9) navaturo sedulam et jolitam,
ne quid agatur inconsultum et segne; et producturo,
si quis exegerit, incorruptam conscientiam meam,
quod nihil voluntate praeter ea, quae in commune
conducunt, adgrediar aut tentabo. Illud sane ob- 8
testor et rogo, observate, ne impetu gliscentis ardo-
ris in privatorum damna quisquam vestrum ex-
siliat: id cogitans, quod haud ita nos illustrarunt
hostium innumerae strages, ut indemnitas provin-
ciarum et salus, exemplis virtutum pervulgatae.*

6) Ms. τὸ et deest. 7) Ms. tranquilla et in creb. 8) Ms. ut
quos ex more fid. 9) Ms. Vosque ex more fid. 9) Ms. minabantur.

9 Hoc sermone Imperatoris vice alicuius oraculi comprobato, mota est incitatus omnis concio: et rerum cupida novandarum, ¹⁰) unanimanti consensu voces horrendas immuni scutorum fragore miscebat, magnum elatumque ducem, et, ut experta est, fortunatum ¹¹) domatorem gentium adpellans et regum.

10 Iussique universi in eius nomen iurare sollemniter, gladiis cervicibus suis admotis sub execrationibus diris, verbis iuravere conceptis, omnes pro eo casus, quoad vitam profuderint, si id necessitas exegerit, perlaturus: quae sequuti rectores, omnesque principis ¹²) proximi fidem simili religione fir-

11 marunt. Solus omnium, licet proposito stabili, audacter tamen praefectus repugnavit Nebridius, iurisiurandi nexu contra Constantium nequaquam se constringi posse commemorans, cuius beneficiis

12 obligatus erat crebris et multis. Quibus auditis, cum stantes propius milites acriter inflammati eum adpeterent trucidandum; ad genua sua prolapsus Imperator paludamento protexit: indeque reversus in regiam cum antegressum eum vidisset, supplicemque iacentem orare, ut levandi causa timoris ei porrigeret dexteram: *Ecquid, ait, praecipuum amicis servabitur, si tu manum tetigeris meam? Sed hinc, quo libet, abi securus.* Hocque audito, ille in-

13 noxius ad larem suum recessit in Tusciam. His Iulianus, ut poscebat negotii magnitudo, praestructis, expertus, quid in rebus tumultuosis anteverfio valeat et praegressus, per tesseram edicto itinere in Pannonias, castris promotis et signis, temere se fortunae commisit ambiguae.

(A. C. 361.)

1 VI. Replicare nunc convenit tempore, et narrare summam, quae (dum aguntur in Galliis ante-

10) *Al.* unanimi. 11) *Mf.* dominatorem. 12) *Mf.* proximis.

dicta) Constantius hiemans Antiochiae, domi militiaeque perfecit. Inter complures alios honore 2 conspicuos, adoraturi Imperatorem peregre venientem ordinantur etiam ex tribunis insignibus. Cum igitur a Mesopotamia réversus Constantius hoc exciperetur officio, Amphilocheus quidam ex tribuno Paphlago, quem dudum sub Constante militantes discordiarum sevisse causas inter priores fratres, suspiciones contiguae veritati pullabant, ausus paulo petulantius stare, ut ipse quoque ad parile obsequium ¹⁾ admittendus, agnitus est et prohibitus: strepentibusque multis, et intueri lucem ulterius non debere clamantibus ut perduellem et obstinatum, Constantius circa haec lenior solito: *Desinite*, ait, *urgere hominem, ut existimo fontem, sed nondum aperte convictum: et mementote, quod, si quid admisit huiusmodi, sub obtutibus meis conscientiae ipsius sententia punietur, quam latere non poterit:* et ita discessum est. Postridie ludis Cir-3 censibus idem ex adverso Imperatoris, ubi consueverat, spectans, repentino clamore sublato, cum certamen opinatum emitteretur, diffractis cancellis, quibus una cum pluribus incumbibat, cunctis cum eo in vanum excussis, laesisque leviter paucis, interna compage disrupta efflasse spiritum repertus est solus: unde Constantius futurorum quoque praescius exsultabat.

Eodem tempore Faustinae nomine sortitus est 4 coniugem, amissa iampridem Eusebia, cuius fratres erant Eusebius et Hypatius consulares, corporis morumque pulcritudine pluribus antistante, et in culmine tam celso humana: cuius favore iustissimo exemptum periculis, declaratumque Caesarem retulimus Iulianum.

Q 2

¹⁾ ML. admittendus.

- 5 Habita fuit iisdem diebus etiam Florentii ratio,
 2) e Galliis novitatis metu digressi, et Anatolio recens mortuo praefecto praetorio per Illyricum, ad eius mittitur locum: cumque Tauro iisdem praefecto praetorio per Italiam, amplissimi suscepit insignia magistratus.
- 6 Parabantur nihilominus externorum atque civilium instrumenta bellorum, et augebatur turmarum equestrium numerus, parique studio supplementa legionibus scripta sunt, indictis per provincias tirocinii: omnisque ordo et professio vexabatur, vestem armaque exhibens et tormenta, aurum quin etiam et argentum; multiplicisque rei cibariae copias, et diversa genera iumentorum. Et quia, Persarum rege ob difficultatem hiberni temporis 3) aegre contruso, referata caeli temperie validior impetus timebatur, ad Transtigritanos reges et satrapas legati cum muneribus missi sunt amplis, monituri cunctos et hortaturi nostra sentire, et nihil fallax tentare vel fraudulentum. Ante omnia tamen Arfaces et Meribanes, Armeniae et Hiberiae reges, cultu ambitioso indumentorum emercabantur et multiformibus donis, damna negotiis Romanis illaturi, si rebus tum etiam dubiis descivissent ad Persas.
- 9 Inter tot urgentia Hermogene defuncto, ad praefecturam promovetur Helpidius, ortus in Paphlagonia, adspectu vilis et lingua, sed simplicioris ingenii, incruentus et mitis: adeo ut cum ei coram innocentem quemdam torquere Constantius praecipisset, aequo animo abrogari sibi potestatem oraret, haecque potioribus aliis ex sententia Principis agenda permitti.
- 1 VII. Rigore itaque instantium negotiorum anceps Constantius, quid capefferet, ambigebat, diu.

2) Ms. e Galliis. 3) Ms. e graeco contrusore rata. Steph. aegre constructa re cibaria.

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100	101	102	103	104	105	106	107	108	109	110	111	112	113	114	115	116	117	118	119	120	121	122	123	124	125	126	127	128	129	130	131	132	133	134	135	136	137	138	139	140	141	142	143	144	145	146	147	148	149	150	151	152	153	154	155	156	157	158	159	160	161	162	163	164	165	166	167	168	169	170	171	172	173	174	175	176	177	178	179	180	181	182	183	184	185	186	187	188	189	190	191	192	193	194	195	196	197	198	199	200	201	202	203	204	205	206	207	208	209	210	211	212	213	214	215	216	217	218	219	220	221	222	223	224	225	226	227	228	229	230	231	232	233	234	235	236	237	238	239	240	241	242	243	244	245	246	247	248	249	250	251	252	253	254	255	256	257	258	259	260	261	262	263	264	265	266	267	268	269	270	271	272	273	274	275	276	277	278	279	280	281	282	283	284	285	286	287	288	289	290	291	292	293	294	295	296	297	298	299	300	301	302	303	304	305	306	307	308	309	310	311	312	313	314	315	316	317	318	319	320	321	322	323	324	325	326	327	328	329	330	331	332	333	334	335	336	337	338	339	340	341	342	343	344	345	346	347	348	349	350	351	352	353	354	355	356	357	358	359	360	361	362	363	364	365	366	367	368	369	370	371	372	373	374	375	376	377	378	379	380	381	382	383	384	385	386	387	388	389	390	391	392	393	394	395	396	397	398	399	400	401	402	403	404	405	406	407	408	409	410	411	412	413	414	415	416	417	418	419	420	421	422	423	424	425	426	427	428	429	430	431	432	433	434	435	436	437	438	439	440	441	442	443	444	445	446	447	448	449	450	451	452	453	454	455	456	457	458	459	460	461	462	463	464	465	466	467	468	469	470	471	472	473	474	475	476	477	478	479	480	481	482	483	484	485	486	487	488	489	490	491	492	493	494	495	496	497	498	499	500	501	502	503	504	505	506	507	508	509	510	511	512	513	514	515	516	517	518	519	520	521	522	523	524	525	526	527	528	529	530	531	532	533	534	535	536	537	538	539	540	541	542	543	544	545	546	547	548	549	550	551	552	553	554	555	556	557	558	559	560	561	562	563	564	565	566	567	568	569	570	571	572	573	574	575	576	577	578	579	580	581	582	583	584	585	586	587	588	589	590	591	592	593	594	595	596	597	598	599	600	601	602	603	604	605	606	607	608	609	610	611	612	613	614	615	616	617	618	619	620	621	622	623	624	625	626	627	628	629	630	631	632	633	634	635	636	637	638	639	640	641	642	643	644	645	646	647	648	649	650	651	652	653	654	655	656	657	658	659	660	661	662	663	664	665	666	667	668	669	670	671	672	673	674	675	676	677	678	679	680	681	682	683	684	685	686	687	688	689	690	691	692	693	694	695	696	697	698	699	700	701	702	703	704	705	706	707	708	709	710	711	712	713	714	715	716	717	718	719	720	721	722	723	724	725	726	727	728	729	730	731	732	733	734	735	736	737	738	739	740	741	742	743	744	745	746	747	748	749	750	751	752	753	754	755	756	757	758	759	760	761	762	763	764	765	766	767	768	769	770	771	772	773	774	775	776	777	778	779	780	781	782	783	784	785	786	787	788	789	790	791	792	793	794	795	796	797	798	799	800	801	802	803	804	805	806	807	808	809	810	811	812	813	814	815	816	817	818	819	820	821	822	823	824	825	826	827	828	829	830	831	832	833	834	835	836	837	838	839	840	841	842	843	844	845	846	847	848	849	850	851	852	853	854	855	856	857	858	859	860	861	862	863	864	865	866	867	868	869	870	871	872	873	874	875	876	877	878	879	880	881	882	883	884	885	886	887	888	889	890	891	892	893	894	895	896	897	898	899	900	901	902	903	904	905	906	907	908	909	910	911	912	913	914	915	916	917	918	919	920	921	922	923	924	925	926	927	928	929	930	931	932	933	934	935	936	937	938	939	940	941	942	943	944	945	946	947	948	949	950	951	952	953	954	955	956	957	958	959	960	961	962	963	964	965	966	967	968	969	970	971	972	973	974	975	976	977	978	979	980	981	982	983	984	985	986	987	988	989	990	991	992	993	994	995	996	997	998	999	1000	1001	1002	1003	1004	1005	1006	1007	1008	1009	1010	1011	1012	1013	1014	1015	1016	1017	1018	1019	1020	1021	1022	1023	1024	1025	1026	1027	1028	1029	1030	1031	1032	1033	1034	1035	1036	1037	1038	1039	1040	1041	1042	1043	1044	1045	1046	1047	1048	1049	1050	1051	1052	1053	1054	1055	1056	1057	1058	1059	1060	1061	1062	1063	1064	1065	1066	1067	1068	1069	1070	1071	1072	1073	1074	1075	1076	1077	1078	1079	1080	1081	1082	1083	1084	1085	1086	1087	1088	1089	1090	1091	1092	1093	1094	1095	1096	1097	1098	1099	1100	1101	1102	1103	1104	1105	1106	1107	1108	1109	1110	1111	1112	1113	1114	1115	1116	1117	1118	1119	1120	1121	1122	1123	1124	1125	1126	1127	1128	1129	1130	1131	1132	1133	1134	1135	1136	1137	1138	1139	1140	1141	1142	1143	1144	1145	1146	1147	1148	1149	1150	1151	1152	1153	1154	1155	1156	1157	1158	1159	1160	1161	1162	1163	1164	1165	1166	1167	1168	1169	1170	1171	1172	1173	1174	1175	1176	1177	1178	1179	1180	1181	1182	1183	1184	1185	1186	1187	1188	1189	1190	1191	1192	1193	1194	1195	1196	1197	1198	1199	1200	1201	1202	1203	1204	1205	1206	1207	1208	1209	1210	1211	1212	1213	1214	1215	1216	1217	1218	1219	1220	1221	1222	1223	1224	1225	1226	1227	1228	1229	1230	1231	1232	1233	1234	1235	1236	1237	1238	1239	1240	1241	1242	1243	1244	1245	1246	1247	1248	1249	1250	1251	1252	1253	1254	1255	1256	1257	1258	1259	1260	1261	1262	1263	1264	1265	1266	1267	1268	1269	1270	1271	1272	1273	1274	1275	1276	1277	1278	1279	1280	1281	1282	1283	1284	1285	1286	1287	1288	1289	1290	1291	1292	1293	1294	1295	1296	1297	1298	1299	1300	1301	1302	1303	1304	1305	1306	1307	1308	1309	1310	1311	1312	1313	1314	1315	1316	1317	1318	1319	1320	1321	1322	1323	1324	1325	1326	1327	1328	1329	1330	1331	1332	1333	1334	1335	1336	1337	1338	1339	1340	1341	1342	1343	1344	1345	1346	1347	1348	1349	1350	1351	1352	1353	1354	1355	1356	1357	1358	1359	1360	1361	1362	1363	1364	1365	1366	1367	1368	1369	1370	1371	1372	1373	1374	1375	1376	1377	1378	1379	1380	1381	1382	1383	1384	1385	1386	1387	1388	1389	1390	1391	1392	1393	1394	1395	1396	1397	1398	1399	1400	1401	1402	1403	1404	1405	1406	1407	1408	1409	1410	1411	1412	1413	1414	1415	1416	1417	1418	1419	1420	1421	1422	1423	1424	1425	1426	1427	1428	1429	1430	1431	1432	1433	1434	1435	1436	1437	1438	1439	1440	1441	1442	1443	1444	1445	1446	1447	1448	1449	1450	1451	1452	1453	1454	1455	1456	1457	1458	1459	1460	1461	1462	1463	1464	1465	1466	1467	1468	1469	1470	1471	1472	1473	1474	1475	1476	1477	1478	1479	1480	1481	1482	1483	1484	1485	1486</
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	--------

ordinatis, ducum nuntiis docebatur et litteris, Persarum copias in unum coactas rege ³⁾ turgido prae-eunte, iam prope margines tendere Tigridis, in-
 7 certum, quoniam erumpere cogitantes. Quibus percitus, ut propius agens futuros possit antevenire conatus, quamprimum hibernis egressus, accito undique equitatu peditumque robore, quo fidebat, per Capellanam Euphrate navali ponte transcurso, Edessam petit uberem com meatibus et munitam: ibi parumper opperiens, dum exploratores aut per-fugae motum castrorum hostilium indicarent.

1 VIII. Discedens inter haec Iulianus a Rauracis, peractis, quae docuimus dudum, Sallustium prae-
 fectum promotum remisit in Gallias, Germaniano iusso vicem tueri Nebridii: itidemque Nevitae ma-
 gisterium commisit armorum, ¹⁾ Gumoarium pro-
 ditorem antiquum timens, quem, cum scutarios
 2) ageret, latenter prodidisse Veteranionem suum principem audiebat; et Iovio quaesturam, cuius in actibus Magnentii meminimus; et Mamertino lar-
 gitiones curandas: et Dagalaiphum praefecit dome-
 sticis, aliosque ³⁾ plures ex arbitrio suo militibus regendis adposuit, quorum merita norat et fidem.
 2 Profecturus itaque per Marcianas silvas, viasque iunctas Histri fluminis ripis, inter subita vehemen-
 ter incertus id verebatur, ne contemptus ut comi-
 tantibus paucis, multitudinem offenderet repugnan-
 3 tem. Quod ne fieret, consilio sollerti praevidit: et agminibus distributis, per itinera Italiae nota quosdam properaturos cum Iovino misit et Iovio; alios per mediterranea ⁴⁾ Raetiarum magistro equi-
 tum Nevitae commissos, quo diffusi per varia opi-
 nionem numeri praeberent immensi, formidineque cuncta complerent. Id enim et Alexander Magnus

3) τὸ turgido Ms. deest. 1) Ms. Gumaorium. 2) Ms. ageret laetantem. 3) τὸ plures in al. deest. 4) Ms. Rhetiorum.

et deinde alii plures, negotio ita poscente, periti fecere ductores. Mandabat tamen egressis, ut tam-⁴ quam hoste protinus occursuro ocius graderentur, stationesque nocturnas agerent et vigilias, ⁵) ne improvise invaderentur excursu.

IX. Quibus ita, ut videbatur, apte dispositis, ¹ more, quo tractus perruperat saepe barbaricos, contextis successibus fidens, porrectius ire pergebat. Cumque ad locum venisset, unde navigari posse ² didicit flumen, lembis adscensis, quos opportune fors dederat plurimos, per alveum (quantum fieri potuit) ferebatur occulte: ideo latens, quod toleranter et fortiter nullius cibi indigens mundioris, sed paucis contentus et vilibus, oppida forinsecus ³) transibat et castra: imitatus ²) egregium illud Cyri veteris dictum, qui, cum delatus ad hospitem, interrogaretur ab eo, quid ad convivium parari deberet, panem responderat solum: sperare enim aiebat, prope ³) rivum se cenaturum. Fama vero, ³ quae mille (ut aiunt) linguis rerum misere exaggerat fidem, per Illyrios omnes celebrior fundebatur, Iulianum strata per Gallias multitudine regum et gentium, numerofo exercitu et successibus tumidum variis adventare. Quo rumore percussus praefectus ⁴ praetorio Taurus, ut hostem vitans exterum mature discessit: vectusque mutatione celeri cursus publici, transitis Alpibus Iuliis, eodem ictu Florentium itidem praefectum secum abduxit. Levibus tamen ⁵ indiciis super Iuliani motu Lucillianus percitus Comes, qui per illas regiones rem curabat ea tempestate castrensem, agensque apud Sirmium, milites congregans, quos ex stationibus propriis acciri celeritatis ratio permittebat, venturo resistere cogitabat. Sed ille ut fax vel incensus malleolus volu- ⁶

5) Mf. nemo proviso suo minuaderentur. 1) Mf. transibat et catremitatus. 2) Steph. Graecum. 3) τὸ σε al. deest.

criter ad destinata festinaus, cum venisset Bononiam, a Sirmio milliaro nono disparatam et decimo, senescente luna, ideoque obscurante noctis maximam partem, e navi exsiluit improvisus: statimque ⁴⁾ Dagalaiphum misit cum expeditis ad Lucillianum vocandum, trahendumque, si reniteretur. Qui tum etiam quiescens, cum strepitu ⁵⁾ excitatus turbulento vidisset ignotorum hominum se circulo circumlaeptum, concepto negotio, et imperatorii nominis ⁶⁾ metu praestrictus, praeceptis paruit invitissimus: sequutusque alienum arbitrium magister equitum, paullo ante superbus et ferox, iumentoque impositus repentino, Principi ut captivus offertur ignobilis, oppressam terrore vix colligens mentem. Verum cum primitus visus, adorandae purpurae datam sibi copiam advertisset, recreatus tandem suiue securus: *Incaute, inquit, Imperator, et temere cum paucis alienis partibus te commisisti.* Cui amarum Iulianus subridens, *Haec verba prudentia serva, inquit, Constantio: maiestatis enim insigne non ut consiliario tibi, sed, ut desinas pavere, porrexisti.*

X. Nihil deinde amoto Lucilliano differendum, nec agendum segne ratus, ut erat in rebus trepidis audax et confidentior, civitatem, ut praesumebat, dediticiam petens, citis passibus incedebat: eumque suburbanis propinquantem amplis nimiumque protentis, militaris et omnis generis turba cum lumine multo et floribus, ⁷⁾ votisque faustis, Augustum adpellans et dominum, duxit in regiam. Ubi eventulactus et omine, firmata spe venturorum, quod ad exemplum urbium matris et populosae et celebris, per alias quoque civitates ut fidus salutare susciperetur, edito postridie curuli certamine cum gaudio

4) Ms. Dagalaiphum. 5) Ms. excitatus. 6) Ms. motu. 7) Ms. portisque.

plebis, ubi lux excanduit tertia, morarum impatiens percursis aggeribus publicis, Succos (nemine auso resistere) praefidiis occupavit: iisdemque tuendis Nevitam praefecit ut fidum: cuius loci situm ex nunc convenienter ostendam.

Consertae cellorum montium summitates Aemi 3 et Rhodopes, quorum alter ab ipsis Histri marginibus, alter ab Axii fluminis citeriori parte confurgit, in angustias tumidolis collibus 2) desinentes, Illyrios intersecundunt et Thracas, hinc vicinae mediterraneis Dacis et Serdicae, inde Thracias despectantes et Philippopolim, civitates amplas et nobiles: et (3) tamquam Natura in ditionem Romanam redigendas nationes circumfuit praeoscente) ita figuratae consulto, inter artos colles quondam hiantes obscurius, ad magnitudinem splendoremque postea rebus elatis patefactae sunt et carpentis: aditibusque aliquoties clauis magnorum ducum populorumque repulere conatus. Et pars, quae Illyricum spectat mollius edita, 4 velut incauta subinde superatur. Latus vero e regione oppositum Thraciis, prona humilitate deruptum, hincque et inde fragosis tramitibus impeditum, difficile scanditur etiam nullo vetante. Sub hac altitudine aggerum utrobique spatiosa camporum planities iacet, superior adusque Iulias Alpes extenta, inferior ita resupina et panda, ut nullis habitetur obstaculis adusque fretum et Propontidem.

His, ut in re tali tamque urgenti, compositis, 5 magistro equitum illic relicto, imperator revertitur Naessum copiosum oppidum, quo 4) impraepedite cuncta disponderet suis utilitatibus profutura. Ubi 6 Victorem apud Sirmium visum scriptorem historicum, exindeque venire praeceptum, Pannoniae secundae consularem praefecit, et honoravit aenea

2) Ms. desinenter. 3) *et Natura* in Ms. desest. 4) Ms. praepedite.

statua, virum sobrietatis gratia ⁵⁾ aemulandum,
 7 multo post Urbi praefectum. Iamque altius se ex-
 tollens, et numquam credens ad concordiam pro-
 vocare posse Constantium, orationem acrem et in-
 vectivam, probra quaedam in eum explanantem et
 vitia, scripserat ad senatum. Quae cum Tertullo
 administrante adhuc praefecturam recitarentur in
 curia, eminuit nobilitatis cum speciosa fiducia be-
 nignitas grata. Exclamatum est enim, in unum
 cunctorum sententia congruente, AUCTORI TUO RE-
 VERENTIAM ROGAMUS.

8 Tunc et memoriam Constantini, ut novatoris
 turbatorisque priscarum legum et moris antiquitus
 recepti, vexavit, eum aperte inculans, quod bar-
 baros omnium primus adusque fasces auxerat et tra-
 beas consulares: insulse nimirum et leviter: qui,
 cum vitare deberet id, quod infestius obiurgavit,
 brevi postea ⁶⁾ Mamertino in consulatu iunxit Nevi-
 tam, nec splendore, nec usu, nec gloria horum
 7) similem, quibus magistratum amplissimum detu-
 lerat Constantinus: contra inconsummatum et sub-
 agrestem, et quod minus erat ferendum, celsa in
 potestate crudelem.

1 XI. Haec et talia cogitanti, sollicitoque super
 maximis rebus et seriis, nuntius metuendus intima-
 tur et insperatus, ausa indicans quorumdam imma-
 nia, impeditura cursus eius ardentes, ni vigilanter
 haec quoque, antequam adulescerent, hebetasset:
 2 quae breviter exponentur. Duas legiones Constan-
 tiacas, addita una sagittariorum cohorte, quas in-
 venerat apud Sirmium, ut suspectae adhuc fidei per
 speciem necessitatum urgentium misit in Gallias:
 quae pigrius motae, spatiaque itinerum longa et

5) Ms. mutilandum. 6) Ms. Mamertinum in Consulatu inuxit
 nec vittam nec splend. Steph. Mamertino Consulatum iniunxit
 nec vita splend. 7) in Ms. τὸ cuiusquam deest. Steph. cuius-
 quam simili.

Germanos hostes truces et adfidos formidantes, novare quaedam moliebantur, auctore et incitatore Nigrino, equitum turmae tribuno, in Mesopotamia genito: reque digesta per secreta colloquia, et alto roborata silentio, cum Aquileiam pervenissent, urbem litu et opibus murisque circumdatam validis, eam hostiliter repente clausere, iuvante indigena plebe tumultus horrorem, cui Constantii nomen erat tum etiam ⁶⁾ amicum. Et obsecratis aditibus, ³ turribusque armatis et propugnaculis, futurae concertationi praeparabant utilia, interim soluti et liberi: hocque facinore ita audaci, ad favendum Constantii partibus ut superstitis, Italicos incolas excitabant.

XII. Quibus Iulianus acceptis, agens tunc apud ¹ Naessum, nihil a tergo timens adversum, legensque et audiens hanc civitatem circumfessam quidem aliquoties, numquam tamen excisam aut deditam, impensiore studio sibi sociare, vel fraude, vel diversis adulationum generibus, antequam maius oriretur aliquid, properabat. Ideoque Iovinum magi- ² strum equitum venientem per Alpes, Noricosque ingressum, ad id, quod exarserat, quoquo modo corrigendum redire citius ¹⁾ imperavit. Et, ne quid deesset, milites omnes qui comitatum sequebantur aut signa, retineri iussit per idem oppidum trans-euntes, pro viribus laturos auxilium.

Hisque dispositis, ipse haud diu postea cognita ³ morte Constantii, discursis Thraciis, Constantinopolim introiit: ac saepe doctus, lentius fore id obfidium, quam verendum, Immone cum Comitibus aliis ad hoc destinato, removit exinde ²⁾ Iovinum, alia, quae potiores flagitabant necessitates, acturum.

6) Ms. initium. 1) Steph. imperabat. 2) al. Iovium.

- 4 Ordine itaque scutorum gemino Aquileia circum-
 faepta, concinentibus sententiis ducum, conveniens
 visum est ad deditionem allicere defensores mina-
 cium blandorumque varietate sermonum: et multis
 ultro citroque dictitatis, in immensum obstinatione
 5 gliscente, ex colloquio re infecta disceditur. Et
 quia nihil praeter pugnam iam spectabatur, curatis
 utrobique cibus somnoque corporibus, aurora iam
 surgente, concrepante sonitu buccinorum, partes
 accensae in clades mutuas, ³⁾ ferocientes magis
 quam consultius, elatis clamoribus ferebantur.
 6 Pluteos igitur praeferentes oppugnatores, cratesque
 densius textas, sensim incedentes et caute, muro-
 rum ima suffodere ferramentorum multitudine cona-
 bantur: ⁴⁾ factas plerique ⁵⁾ vehementes ad mensuram
 moenium scalas, iamque parietibus paene contigui,
 pars lapidibus volutis in primum collisi, pars con-
 fixi stridentibus iaculis, retroque gradientes aver-
 terunt secum omnes alios, metu similium a propo-
 7 sito pugnandi retortos. Hoc primo congressu ere-
 cti in audaciam clausi, adsumpta fiducia meliorum
 parvi ducebant resstantia: mentibusque fundatis, et
 compositis per opportuna tormentis, indefesso la-
 bore vigilas et caetera subsidia securitatis imple-
 8 bant. Contra munitores, licet pavore discriminum
 auxilii, pudore tamen, ne secordes viderentur et
 segnes, ubi parum vis procedebat Marte aperto ten-
 tata, ad instrumenta obsidionalium artium transtu-
 lerunt. Et quia nec arietibus admovendis, ⁶⁾ nec ad
 intentandas machinas, vel ut possint forari cuniculi,
 inveniebatur ⁷⁾ usquam habilis locus, disparatione
 brevi civitatem ⁸⁾ Natifone amni praeterlabeunte,
 commentum excogitatum est cum veteribus admi-

3) *Mf. et Steph.* ferocientes. 4) *Mf.* natas. 5) *Mf.* ementes.
 6) *al.* nec intendendis machinis. 7) *Steph.* quid habile. 8) *Mf.*
 Tefioni.

randum. Constructas veloci studio ligneas turres, 9
propugnaculis hostium celliores, impoluerunt trigemi-
nis navibus ⁹⁾ valde sibi connexis: quibus insistentes
armati, uno parique ardore prohibitores dispellere
collatis ex propinquo viribus nitebantur: subterque
expediti velites a turrium cavernis egressi, iniec-
tis ponticulis, quos ante compagnarant, transgredi fe-
stinarunt indiviso negotio: ut, dum vicissim missili-
bus se petunt et saxis utrimque fecus alte locati, hi,
qui transiere per pontes, nullo interpellante aedifi-
cii parte convulsa, aditus in ¹⁰⁾ penetralia refera-
rent. Iterum summa coepta prudentis aliorum eva- 10
sit. Cum enim adventarent iam turres, contortis
malleolis madentibus pice, arundine quinetiam,
sarmentis ac vario fomite flammarum incescebantur.
Quae quoniam incendio celeri, ponderibusque tre-
pide superstantium inclinatae prociderunt in flumen,
armatorum aliqui per earum fastigia interibant, emi-
nus confixi tormentis. Inter quae destituti pedites 11
post navalium sociorum occasum, obtriti sunt saxis
immanibus, praeter paucos, quos morti ¹¹⁾ scilicet
per impedita suffugia velocitas exemerat pedum.
Ad ultimum certamine ¹²⁾ protracto in vespem,
datoque signo ¹³⁾ in receptum ex more, ambo di-
gressi diei residuum animis egere disparibus. Mu- 12
nitorum enim maerores, funera lugentium propria,
prohibitores spe iam superandi ¹⁴⁾ firmabant, licet
ipsi quoque paucos gemebant ¹⁵⁾ amissos. Propera-
batur tamen nihilominus: et quantum recreandis vi-
ribus quiete et cibo satis fuit, tributo per noctis in-
tegrae spatium, reparatur lucis exordio proclium in-
citamento tubarum. Et quidam elatis super ca- 13
pita scutis, ut pugnaturi levius, alii vehentes hu-

9) Ms. valde. 10) Ms. penetralia referarent. 11)
al. licet. 12) al. producto. 13) al. receptui. 14) Ms. flagrabant.
15) Ms. amicos.

- meris ut antea scalas, ferventique impetu procurren-
 tes, pectora multiformium telorum ictibus expone-
 bant. Alii ¹⁶⁾ ferratas portarum obices effringendas
 adorti, ultro ignibus petebantur, vel saxis murali-
 bus oppetebant. Quidam fossas fidentius transire
 conati, repentinis eorum adsultibus, qui erumpe-
 bant clanculo per posticas, ¹⁷⁾ ruebant incaute, aut
 faucii discedebant. Recursus enim ad moenia tu-
 tior, vallumque autemuranum, cespitibus fultum,
 14 infidiantes ab omni discrimine defendebat. Et
 quamquam prohibitores ¹⁸⁾ duritia bellorumque ar-
 tibus ¹⁹⁾ antistarent, quibus nihil praeter moenium
 supererat adiumentum: collectus tamen ex potiori-
 bus numeris miles diuturnas ferre nequiens moras,
 suburbana omnia circumibat, diligenter inquirens,
 qua vi vel machinis posset patefactam irrumpere ci-
 15 vitatem. Quod ubi patrare non poterat magnitu-
 dine vetante difficultatum, obsideri remissius coepta
 est: et excubiis stationibusque relictis praefidarii
 milites vastantes agros propinquos, omnibus con-
 gruentibus abundabant, raptorum pleraque ²⁰⁾ con-
 corporalibus suis impertientes. Unde largiore ad-
 modum potu saginisque distenti marcebant.
- 16 His relatione Immonis consortiumque cognitis,
 Iulianus Constantinopoli etiam tum hibernans, sol-
 lerti remedio turbatis consuluit rebus: moxque Agi-
 lonem magistrum peditum ea tempestate probe co-
 gnitum miserat, ut viso honoratissimo viro, com-
 pertaque per eum morte Constantii, solveretur ob-
 sidium.
- 17 Inter quae ne cessaret ²¹⁾ Aquileiae oppugnatio,
 cum in reliquis opera consumeretur incassum, pla-
 cuit resistentes acriter ad deditionem siti compelli.

16) Ms. ferratas portarum obices effringendas. 17) Ms. rue-
 bant. 18) Ms. turcicia. 19) Ms. antis..... iant, qui-
 bus. 20) *al.* contubernalibus. Ms. cum corporalibus. 21) Ms.
 Aquileiae cum.

Et ubi aquarum ductibus intersectis nihilominus celliore fiducia repugnarent, flumen laboribus avertitur magnis; quod itidem frustra est factum. Attenuatis enim avidioribus bibendi subsidis, hi, quos temeritas clauferat, contenti putealibus aquis parce vixerunt.

Quae dum agitantur casibus antedictis, supervenit, ut praeceptum est, Agilo, scutorumque densitate contactus, prope fidenter accessit: multaque loquutus et vera, quibus Constantii obitum, firmatumque Iuliani docebat imperium, non sine conviciis computabatur ut fallax. Nec ei quisquam credidit gesta narranti, antequam pacta salute susceptus ad pugnaculum solus, fide religiosius reddita, ea, quae docuerat, replicaret. His auditis, ex diuturno angore portis reclusis omnes effusi, susceperunt laeti pacificum ducem: seque purgantes, Nigrinum totius furoris auctorem, paucosque alios obtulerunt, eorum supplicio laesae crimina maiestatis et urbis aerumnas expiari poscentes. Paucis denique post diebus exploratus spectato negotio, Mamertino tum iudicante praefecto praetorio, Nigrinus ut acerrimus belli instinator exustus est vivus. Romulus vero post eum et Sabostius curiales, convicti ²²⁾ sine respectu periculi studia sevisse discordiarum, poenali consumpti sunt ferro: ²³⁾ residui omnes abierunt innoxii, quos in certaminum rabiem necessitas egerat, non voluntas. Id enim acquitate pensata statuerat placabilis Imperator et clemens. Et haec quidem postea gesta sunt.

Iulianus vero agens etiam tum apud Naessum, curis altioribus stringebatur, multa utrimque pertimescens: formidabat enim, ne clausorum militum apud Aquileiam repentino adfultu obferatis angust-

²²⁾ Ms. sine re ut periculi in studia. ²³⁾ Ms. residui nes abier.

stis Alpium Iuliarum, provincias et adminicula per-
 22 deret, quae exinde sperabat indies. Itidemque
 opes Orientis magnopere verebatur, audiens, disper-
 sum per Thracias militem contra vim subitam cito
 coactum adventare Succorum confinia, Comite Mar-
 ciano ducente. Sed tamen congrua instantium sol-
 licitudinum moli ipse quoque agitans, efficaciter Illy-
 ricum contrahebat exercitum, pulvere coalitum
 Martio, promptumque in certaminibus bellicoso
 23 iungi rectori. Nec privatorum utilitates, in tem-
 pore adflagranti despiciens, litesque audiens con-
 troversas, maxime municipalium ordinum, ad quo-
 rum favorem propensior, iniuste plures muneribus
 24 publicis adnectebat. Ibi Symmachum repertum et
 Maximum senatores conspicuos, a nobilitate lega-
 tos ad Constantium missos, exinde reversos honori-
 fice vidit: et potiore posthabito, in locum Tertulli
 Maximum urbi praefecit aeternae, ad Rufini Vulca-
 tii gratiam, cuius sororis eum filium norat. Hoc
 administrante alimentaria res abundavit, et quere-
 25 lae plebis excitari crebro solitae cessaverunt. Tunc,
 ut securitatem trepidis rebus adferret, et obedi-
 entium matriret fiduciam, 24) Mamertinum praefectum
 praetorio per Illyricum designavit consulem, et Ne-
 vitam: qui nuper, ut primum augendae barbari-
 cae vilitatis auctorem, immoderate notaverat Con-
 stantinum.

1 XIII. His ac talibus 1) inter spem metumque
 nova negotia commovente, Constantius apud Edes-
 sam exploratorum relationibus variis anxius, in ra-
 tiones 2) diducebatur ancipites, nunc ad concursa-
 torias pugnas militem struens: nunc, si copia pa-
 tuisset, obsidione gemina Bezabden adgressurus:
 con-

24) Ms. Mamertinum promertinum Praef. 17. Mamertinum Pro-
 motum Praefect. 1) haec Ms. desunt. 2) at. ducebatur.

consultans prudenter, ne mox partes petiturus Arctoas, improtectum Mesopotamiae relinqueret latus. Verum consiliorum ambiguum retinebant multipli-² ces morae, tardante trans Tigridem rege, dum³) moveri permetterent sacra. Nam si permeato flumine nullum, qui resisteret, invenisset, absque difficultate⁴) penetrarat Euphraten: alioquin ad civilia bella custodiens militem, timebat eum periculis obiectare circummurans, firmitatem moenium muni-
menti defensorumque alacritatem expertus.

Ne quiesceret tamen, neve condemnaretur iner-³ tiae, Arbetionem et Agilonem, pedestris equestrisque militiae magistros, cum agminibus maximis properare coegit: non ut lacefferent Persas in proelia, sed praetenturis iuncturos citeriores Tigridis ripas, et speculatu-
ros, quonam⁵) rex erumperet violentus. Addebatque monendo saepius et scribendo, ut, simul-
atque multitudo transire coepisset hostilis, referrent citius pedem. Dumque conlimitia iussa custo-⁴ diunt duces, et occulta fallacissimae gentis observantur, agens ipse cum parte validiori exercitus curabat urgentia, velut pugnaturus, oppidaque tuebatur excursu. Speculatores vero et transfugae subinde venientes repugnantia prodebant: ideo fu-
turatorum incerti, quod apud Persas nemo consilio-
rum est conscius, praeter optimates taciturnos et fidos, apud quos Silentii quoque colitur numen. Accersebatur autem a memoratis ducibus Impera-⁵ tor assidue, orantibus ferri sibi suppetias. Testa-
bantur enim, se non nisi coactis in unum viribus cunctis posse impetum regis ardentissimi sustinere.

Quae dum aguntur ita sollicitè, nuntii percre-⁶ buere [certissimi]: quorum clara fide compertum est, Iulianum Italiam et Illyricum cursu celebri

³) *al.* movere permetteret. ⁴) *al.* penetraret. ⁵) *scò eorum* Mf. deest.

praetergressum, claustra interim occupasse Succorum: accita undique praestolantem auxilia, ut multitudi-
 7 titudine stipatus armorum pervaderet Thracias. Quo cognito, maerore offusus Constantius, solatio uno sustentabatur, quod intestinos semper superaverit motus: re tamen magnam ei difficultatem ad cape-
 sendum consilium adferente, id elegit potissimum, ut vehiculis publicis impositum paullatim praemitteret militem, imminenti casus atrocitati velocius oc-
 8 cursurum. Omniumque consensu adprobata sententia, pergebant, ut praeceptum est, expediti. Eique haec disponenti luce postera nuntiatur, regem cum omni manu, quam duxerat, ad propria revertisse, auspiciis dirimentibus: lenitoque metu, revocatis omnibus, praeter eos, quos consuetudo praesidio Mesopotamiae destinarat, ⁶⁾ reversus est Hierapolim.

9 Summa itaque coeptorum quorsum evaderet, ambigens, cum in unum exercitus convenisset, omnes centurias, et manipulos, et cohortes in concionem vocavit concinentibus tubis: oppletoque multitudinis campo, ut eam ad firmanda promptius adigeret imperanda, tribunali cello sistens, stipatoque solito densius, haec prosequutus est ad serenitatis speciem et fiduciae vultu formato.

10 *Sollicitus semper, ne quid re levi vel verbo committam inculpatae parum congruens honestati, utque cautus navigandi magister, clavos pro fluctuum*
7) motibus erigens vel inclinans, compellor nunc apud vos, amantissimi viri, confiteri meos errores, quin potius (si dici liceat verum) humanitatem, quam credidi negotiis communibus profuturam. Proinde, ut facilius sciri possit, quae sit huius concilii convocandi materia, accipite quaeso aequis au-
ribus et secundis.

6) Ms. reversus est cappolim summa itaque. 7) al. motu.

Gallum patruelem meum, tempore, quo con-
fundendis rebus pertinaciter Magnentius inhaere-
bat, quem obruere vestrae virtutes, potestate Cae-
saris sublimatum ad Orientis praesidium misi: qui,
cum a iustitia per multa visu relatuque nefaria de-
fecisset, arbitrio punitus est legum. Atque utinam
hoc contenta esset invidia, turbarum acerrima con-
citatrix! et angebat nos una sed secura doloris prae-
teriti recordatio. At nunc aliud accidit, ausim di-
cere, praeteritis maestius, quod per fortitudinem
vobis ingenitam adiumenta caelestia coercebunt.
Julianus, quem, dum circumfremantes Illyricum
nationes exteris oppugnatis, tuendis praefecimus
Galliis, levium confidentia proeliorum, quae cum
Germanis gessit semiermibus, ut vecors elatus, ad-
scitis in societatem superbam auxiliariis paucis,
feritate speque postrema ad perniciosam audaciam
promptis, in noxam publicam conspiravit, aequi-
tate calcata, parente nutriceque orbis Romani:
quam tumentes spiritus tamquam²) favillas esse fa-
cturam deinde, ut scelestorum ultricem, et ipse ex-
pertus, et docente antiquitate facile credo.

Quid igitur superest, nisi ut turbinibus excitis oc-
curramus? subcrescentis rabiem belli, antequam
pubescat validius, celeritatis remediis oppressuri.
Nec enim dubium, favore numinis summi praesen-
te, cuius perenni suffragio damnantur ingrati, fer-
rum impie praeparatum ad eorum interitum esse
vertendum, qui non laceffiti, sed aucti beneficiis
pluribus, ad insontium pericula surrexerunt. Ut
enim mea mens auguratur, iustitiaque rectis consi-
liis adfutura promittit, spondeo, quod, si ventum
fuerit comminus, ita pavore torpescant, ut nec ocu-

R 2

²) Mf. favillas efacturamque.

*lorum vestrorum vibratae lucis ardorem, nec bar-
ritus sonum perferant primum.*

16 Omnes post haec dicta in sententiam suam, ha-
stasque vibrantes irati, post multa, quae benivole
responderant, petebant se duci protinus in rebel-
lem. Qua gratia in laetitiam Imperator versus ex
metu, concione mox absoluta, Arbetionem ante
alios faustum ad intestina bella sedanda ex anteactis
iam sciens, iter suum praeire cum lanceariis et Mat-
tariis, et catervis expeditorum praecepit, et cum
Laetis itidem Gomoarium, venturis in Succorum
angustias opponendum, ea re aliis antelatum, quod
ut contemptus in Galliis, erat Iuliano infestus.

1 XIV. In hoc rerum adversarum tumultu hae-
rens eius fortuna iam et subsistens, adventare casum
vitae difficilem, modo non loquentibus signis aperte
monstrabat. Namque et nocturnis ¹⁾ imaginibus
terrebatur, et nondum penitusmersus in somnum,
umbram viderat patris obtulisse pulcrum infantem:
eumque susceptum et locatum in gremio suo, excus-
sam sibi proiecisse longius sphaeram, quam ipse
dextera manu gestabat. Id autem permutationem
temporum indicabat, licet interpretantes placentia
2 responderent. Post haec confessus est ²⁾ iunctiori-
bus proximis, quod tamquam desolatus secretum
aliquid videre desierit, quod interdum adfuisse sibi
squalidius existimabat: et putabatur Genius quidam
tutela salutis adpositus eum reliquisse, mundo ci-
3 tius digressurum. Ferunt enim theologi, in lucem
editis hominibus cunctis, salva firmitate fatali, hu-
iusmodi quaedam velut actus rectura numina socia-
ri, admodum tamen paucissimis visa, quos multipli-
4 ces auxere virtutes. Idque et oracula et auctores
docuere praecleari: inter quos est etiam Menander
comicus, apud quem hi senarii duo leguntur:

1) Mf. temporibus. 2) al. convictoribus

³⁾ Ἀπαντι δαίμων ἀνδρὶ συμπαρίσταται
Εὐθὺς γενομένῳ, μυσταγωγὸς τοῦ βίου.

⁴⁾ Itidem ex sempiternis Homeri carminibus intelligi 5
datur, non deos caelestes cum viris fortibus collo-
quutos, nec adfuisse pugnantibus vel iuvisse, sed fa-
miliares genios cum iisdem versatos, quorum ⁵⁾ ad-
miniculis freti praecipuis Pythagoras enituisse dici-
tur et Socrates, Numaque Pompilius, et superior
Scipio: et ut quidam existimant, Marius, et Octa-
vianus, cui Augusti vocabulum delatum est primo:
Hermesque Termaximus, et Tyaneus Apollonius,
atque Plotinus, ausus quaedam super hac re disse-
rere mystica, alteque monstrare, quibus primordiis
hi genii animis connéxi mortalium, eas tamquam
gremiis suis susceptas tuentur, quoad licitum est,
docentque maiora, si senserint puras, et a collu-
vione peccandi immaculata corporis societate
discretas.

XV. Ingressus itaque Antiochiam festinando
Constantius, ad motum certaminum civilium, ut
solebat, avide surrecturus, paratis omnibus exire
properabat immodice, renitentibus plurimis mur-
mure tenus: nec enim dissuadere palam audebat
quisquam vel vetare. Autumno iam senescente
profectus, cum ad suburbanum venisset disiunctum
exinde tertio lapide, Hippocephalum nomine, lu-
cente iam die cadaver hominis interfecti dextra ia-
cens capite avulso conspexit, contra occiduum la-
tus extensum: territusque omine, finem parantibus
fatis destinatus ipse tendebat: venitque Tarsum,
ubi leviori febris contactus, ratusque itinerario motu
imminutae valetudinis excuti posse discrimen, pe-
tiit per vias difficiles ¹⁾ Mopsucrenas, Ciliciae ulti-

3) *al.* Ἀπαντι δαίμων ἀνδρὶ τῷ γενομένῳ ἅπαντος ἐστὶ μυσταγωγὸς τοῦ βίου. 4) *Mf.* inde sentit. 5) τὸ freti in *Mf.* deest. 1) *al.* Mopsuestiam.

mam hinc pergentibus stationem, sub Tauri montis radicibus positam: egredique sequuto die conatus, invalente morbi gravitate detentus est: paullatimque urente calore nimio venas, ut ne tangi quidem corpus eius posset in modum foculi fervens, cum usus deficeret medelarum, ultimum spirans deflebat exitium: mentisque sensu tum etiam integro, successorem suae potestatis statuuisse dicitur Iulianum.

3 Deinde anhelitu iam pulsatus letali conticuit: diuque cum anima colluctatus iam discessura, abiit e vita III. Non. Octobrium, imperii vitaeque anno quadragesimo et mensibus paucis.

4 Post quae, supremis cum gemitu conclamatis, excitisque lamentis et luctu: deliberabant locum obtinentes in aula regia primum, quid agerent, quidve moliri deberent: paucisque occulte super eligendo Imperatore tentatis, incitante, ut ferebatur, Eusebio, quem noxarum conscientia stimulabat, cum novandis rebus imminens obfisteret Iulianus; mittuntur ad eum Theolaiphus et Aligildus, tunc Comites, mortem indicantes propinqui, et oraturi, ut mora omni depulsa ad obtinendum obtemperare sibi pa-

5 ratum tenderet Orientem. Fama tamen rumorque loquebatur ²⁾ incertus, Constantium voluntatem ordinasse postremam: in qua Iulianum, ut praediximus, scripsit heredem: et iis quos diligebat,

6 fideicommissa detulit et legata. Uxorem autem praegnantem reliquit, unde edita posthuma, eiusque nomine adpellata, cum adolevisset, matrimonii iure copulata est Gratiano.

1 XVI. Bonorum igitur vitiorumque eius differentia vere servata, praecipua prima conveniet expediri. Imperatoriae auctoritatis cothurnum ubique custodiens, popularitatem elato animo contemnebat et magno: erga tribuendas celsiores dignita-

2) *al.* interim.

tes impendio parcus: nihil circa administrationum augmenta praeter pauca novari perpessus: numquam erigens ¹⁾ cornua Militarium. Nec sub eo ² dux quisquam cum clarissimatu proventus est. Erant enim, ut nos quoque meminimus, Perfectissimi: nec occurrebat magistro equitum provinciae rector, nec contingi ab eo civile negotium permittebat. Sed cunctae castrenses et ordinariae potestates, ut honorum omnium apicem, priscae reverentiae more praefectos semper suspexere praetorio. In conservando milite nimium cautus: examinatore ³ meritorum nonnumquam ²⁾ subscrupulosus, palatinas dignitates velut ex quodam tribuens perpendiculo: et sub eo nemo celsum aliquid acturus in regia, repentinus adhibitus est vel incognitus: sed qui post decennium officiorum magisterium, vel largitiones, vel simile quidquam esset rector, apertissime noscebatur. Valdeque parum contigerat, ut Militarium aliquis ad civilia regenda transiret: contraque non nisi pulvere bellico indurati praeficiebantur armatis. Doctrinarum diligens adfectator: sed ⁴ cum a rhetorica per ingenium defereretur ³⁾ obtusum, ad versificandum transgressus, nihil operae pretium fecit. In vita parca et sobria, edendi pot- ⁵ tandique moderatione valetudinem ita retinuit firmam, ut raros colligeret morbos, sed eos non procul a vitae periculis: id enim evenire corporibus a lascivia demotis et luxu, diuturna experimenta et probationes medendi monstrarunt. Somno con- ⁶ tentus exiguo, cum id posceret tempus et ratio: perque spatia vitae longissima impendio castus, ut nec mare ministro saltem suspicione tenus posset redargui; quod crimen, etiam si non invenit malignitas, fingit in summarum licentia potestatum.

1) Ms. cornua militarium. 2) Ms. subscrupolis. 3) Ms. obtusum.

7 Equitandi et iaculandi, maximeque perite dirigendi sagittas, artiumque armaturae pedestris perquam scientissimus. Quod autem nec terfisse umquam nares in publico, nec spuisse, nec transtulisse in partem alterutram vultum aliquando visus est, nec pomorum quidquam, quoad vixerat, gustaverit, ut dicta saepius ⁴⁾ praetermitto.

8 Dinumeratis carptim bonis, quae scire potuimus, nunc ad explananda eius vitia veniamus. Cum esset in negotiis aliis principibus mediis comparandus, si adfectatae dominationis ansam quamdam falsam reperisset aut levem, hanc sine fine scrutando, fasque eodem loco ducens et nefas, Caligulae, et Domitiani, et Commodi immanitatem facile superabat: quorum aemulatus saevitiam inter imperandi exordia, cunctos sanguine et genere

9 se contingentes turpiter interemit. Addebatur miserorum aerumnis, qui rei maiestatis imminutae vel laesae deferebantur, acerbitas eius et iracundae suspiciones, in huiusmodi cuncta distentae. Et si quid tale increpuisset, in quaestiones acrius exurgens quam civiliter, spectatores adponebat his litibus truces: mortemque longius in puniendis quibusdam, si natura permitteret, conabatur extendi: in huiusmodi controversiarum partibus etiam Gal-

10 lieno ferocior. Ille enim perduellionum crebris verisque adpetitus infidiis, Aureoli, et Posthumi, et Ingenui, et Valentis cognomento Thessalonici, aliorumque plurium, mortem factura crimina aliquoties lenius vindicabat: hic etiam facta vel dubia adigebat videri certissima ⁵⁾ vi nimia tormentorum.

11 Iustumque in eiusmodi titulis capitaliter oderat, cum maxime id ageret, ut iustus existimaretur et clemens. Et tamquam ex arida silva volantes scin-

4) Hic in Ms. quaedam transposita sunt, quae rectius in vulgatis libb. leguntur. 5) Ms. vinea tormenta. *al.* vi torment.

tillae, flatu leni ventorum adusque discrimina vicorum agrestium incohibili cursu perveniunt, ita ille quoque ex minimis causis malorum congeries excitabat, Marci illius dissimilis Principis verecundi, qui, cum ad imperiale culmen in Syria Cassius surrexisset, epistolarum fascem ab eo ad conscios missum, perlatore capto sibi oblatum, illico signatum exuri praecepit, agens adhuc in Illyrico, ne infidiatoribus cognitis, invitus quosdam habere pollet offensos. Utque recte sentientes quidam arbitrabantur, virtutis erat potius indicium magnae, imperio eundem *) Constantium sine cruore cessisse, quam vindicasse tam inclementer. Ut Tullius quoque docet, crudelitatis increpans Caesarem in quadam ad Nepotem epistola: *Neque enim quidquam aliud est felicitas, inquit, nisi honestarum rerum prosperitas. Vel ut alio modo definiam: Felicitas est fortuna adiutrix consiliorum bonorum: quibus qui non utitur, felix esse nullo pacto potest. Ergo in perditis impiisque consiliis, quibus Caesar usus erat, nulla potuit esse felicitas. Feliciorque meo iudicio Camillus exsulans, quam temporibus iisdem Manlius, etiamsi (id quod cupierat) regnare potuisset.* Id Ephesius quoque Heraclitus adserens monet, et ab inertibus et ignavis, eventus variante fortuna, superatos aliquoties viros fuisse praestantes: illud vero epinere inter praecipuas laudes, cum potestas in gradu, velut sub iugum missa nocendi saeviendique cupiditate et irascendi, in arce victoris animi tropaeum erexit gloriosum.

Ut autem in externis bellis hic Princeps fuit saucius et adflictus: ita prospere succedentibus pugnis civilibus tumidus, et intestinis ulceribus rei publicae sanie perfusus horrenda: quo pravo pro-

6) *al. conotantium.*

posito magis quam recto vel usitato, triumphales arcus ex clade provinciarum sumptibus magnis crexit in Gallis et Pannoniis, titulis gestorum adfixis se, quoad stare poterunt, monumenta
 16 lecturis. Uxoribus, ac spadonum gracilentis vocibus, et palatinis quibusdam nimium quantum addictus, ad singula eius verba plaudentibus, et, quid ille aiat vel neget, ut adsentiri possint, observantibus.

17 Augebat etiam amaritudinem temporum flagitatorum rapacitas inexpleta, plus odiorum ei quam pecuniae conferentium. Hocque multis intolerantius videbatur, quod nec causam aliquando audiuit, nec provinciarum indemnitati prospexit, cum multiplicatis tributis et vectigalibus vexarentur. Eratque super his adimere facilis, quae donabat.

18 Christianam religionem absolutam et simplicem anili superstitione confundens: in qua scrutanda perplexius, quam componenda gravius, excitavit discidia plurima; quae progressa fusius aluit concertatione verborum: ut catervis antistitum iumentis publicis ultro citroque discurrentibus per synodos, quas adpellant, dum ritum omnem ad suum trahere conantur arbitrium, rei vehiculariae succideret nervos.

19 Figura tali situque membrorum: subniger, luce oculorum edita, cernensque acutum, molli capillo, rasis adlidue genis lucentibus ad decorem, adusque pubem ab ipsis colli confiniis longior, brevissimis cruribus et incurvis: unde saltu valebat et cursu.

20 Pollinctum igitur corpus defuncti, conditumque in loculis, Iovianus etiam tum protector domesticus, cum regia prosequi pompa Constantino-
 21 polim usque iussus est, prope necessitudines eius humandum. Eique vehiculo infidenti quod portabat reliquias, ut principibus solet, annonae mili-

taris offerebantur indicia, ut ipsi nominant, ⁷⁾ proba, et animalia publica monstrabantur, et ex usu crebrescebant occurfus: quae et alia horum similia, eidem Ioviano imperium quidem, ⁸⁾ sed et cassum et umbratile ut ministro rerum funebrium portendebant.

7) Mf. probam. 8) Mf. sed et cassum.

AMMIANI MARCELLINI

RERUM GESTARUM

LIBER XXII.

Iulianus A. metu Constantii A. subsistit in Dacia, et clam haruspices ac augures consulit. C. I. Iulianus cognita morte Constantii transcurrit Thracias, et Constantinopolim pacatam intrat, totumque imperium Rom. citra pugnam recipit. II. Constantiani quidam, pars iure, pars iniuria damnantur. III. Eunuchos omnes et tonsores ac coquos palatio expellit Iulianus A. et de palatinorum spadonum vitiis, ac de corrupta disciplina militari. IV. Iulianus A. cultum deorum, antea dissimulatum, palam et libere profitetur, et christianorum episcopos inter se committit. V. Qua arte complures litigatores Aegyptios, a quibus moleste interpellabatur, domum redire coegerit. VI. Iulianus Constantinopoli saepe ius dicit in curia, et dum ibi Thraciarum res ordinat, variis exterarum gentium legationibus aditur. VII. Descriptio Thraciarum, et sinus Pontici, regionumque ac nationum Ponto adiacentium. VIII. Iulianus A. aucta ornataque Constantinopoli, Antiochiam petit, ac in itinere Nicomediensibus ad reparandas urbis ruinas pecunias tribuit, Ancyrae iurisdictionibus vacat. IX. Antiochiae hiemans Iulianus iura reddit, nec quemquam propter religionem gravat. X. Georgius Alexandriae episcopus ab ethnicis Alexandrinis cum duobus aliis per vicos trahitur, discerpiturque ac crematur impune. XI. Expeditionem Iulianus parat in Persas, et ad praenoscendum belli eventum oracula consulit, victimasque innumerabiles caedit, totus haruspicinae et auguriis addictus. XII. Templi Apollinis Daphnaei incendium Iulianus A. immerito imputat christianis, et maiorem Antiochiae ecclesiam claudi iubet. XIII. Iulianus A. in monte Casio Iovi sacra fa-

cit: cur Antiochiensibus iratus, Misopogonem scripserit. XIV. Descriptio rerum Aegyptiacarum: et de Nilo, de Crocodilo, de Ibi, ac de Pyramidibus. XV. De quinque Aegypti provinciis, deque claris earum urbibus. XVI.

Dum haec in diversa parte terrarum fortunae struunt¹ volubiles casus, Iulianus inter multa, quae per Illyricum agitabat, exta rimabatur adfidue, avesque suspiciens, praescire festinabat accidentium finem: sed responsis ambiguis et obscuris haerebat futurorum incertus. Eique tandem haruspicinae peritus Aprun-² culus, Gallus orator, promotus rector postea Narbonensis, nuntiavit eventus, inspectu iecoris, ut aiebat ipse, praedoctus, quod operimento duplici viderat tectum. Cumque ille timeret, ne cupiditati suae congruentia fingerentur, atque ideo maestus, omen multo praesentius ipse conspexit, quod excessum Constantii clare monstrabat. Eodem enim puncto, quo idem obierat in Cilicia, lapso milite, qui se³) inleffurum equo dextra manu erexit, humique prostrato, exclamavit illico audientibus multis, cecidisse, qui eum ad culmen evexit. Fixa³ tamen firmitate consistens, intra terminos Daciae se continebat, sic quoque plurima pertimescens. Nec enim cautum ducebat coniecturis credere, forsitan in contrarium erupturis.

II. Inter quae tam suspensa, advenere subito¹ remissi ad eum legati, Theolaiphus atque Aliguldu, defunctum Constantium nuntiantes, addentesque, quod eum voce suprema successorem suae fecerit potestatis. Qua re cognita, post exemptos pericu-² lorum aestus, et bellicarum sollicitudinum turbas²) imminentes elatus, iamque vaticiniis credens, et celeritatem negotiis suis aliquoties profuisse exper-

¹) Mf. insensurum. 76. insensurum. 1) al. in immensum elatus.

- tus, edixit iter in Thracias: ²⁾ motisque properè
 ignis emensa declivitate Succorum, Philippopolim
 petiit Eumolpiada veterem, alacri gradu sequenti-
 3 bus, quos duxerat, cunctis. Advertebant enim
 imperium, quod ereptum ibant cum ultimorum
 metu discriminum, praeter spem ordinario iure
 concessum. Utque solet fama novitates augere,
 properabat exinde sublimior, ut quodam Triptole-
 mi currum, quem ob rapidos circumgressus aëriis
 serpentibus et pinnigeris fabulosa vetustas imponit:
 perque terras et maria formidatus, nullis obstanti-
 bus muris, Heracleam ingressus est Perinthum.
 4 Quo apud Constantinopolim mox comperto, effun-
 debatur aetas omnis et sexus tamquam demissum
 aliquem visura de caelo. Exceptus igitur tertio
 Idum Decembrium verecundis senatus officiis, et
 popularium consonis plausibus, stipatusque arma-
 torum et togatorum agminibus, velut acie duceba-
 tur instructa: omnium oculis in eum non modo
 contuitu destinato, sed cum admiratione magna de-
 5 fixis. Somnio enim propius videbatur, adultum
 adhuc iuvenem, exiguo corpore, factis praestantem
 ingentibus, post cruentos exitus regum et gentium;
 ab urbe in urbem inopina velocitate transgressum,
 quaqua incederet, accessione ³⁾ opum et virium,
⁴⁾ flammæ instar cuncta facilius occupasse: princi-
 patum denique deferentē nutu caelesti absque ulla
 publicae rei suscepisse iactura.
 1 III. Brevi deinde Secundo Sallustio, promotus
 praefecto praetorio, summam quaestionum agitan-
 darum ut fido commisit: Mamertino, et Arbetione,
 et Agilone atque Nevita adiunctis, itidemque Io-
 vino magistro equitum per Illyricum recens pro-
 2 vecto. Qui omnes transgressi Chalcedona, praesen-

²⁾ *sed properè* Ms. deest. ³⁾ Ms. operum et virium. ⁴⁾ *Steph.*
 same.

tibus Iovianorum Herculianorumque ¹⁾ principibus et tribunis, causas vehementius aequo bonoque spectaverunt, praeter paucas, in quibus veritas nos nocentissimos offerebat. Et Palladium primum ex ³ magistro officiorum in Britannos exterminarunt, suspicione tenus infimulatum, quaedam in Gallum composuisse ²⁾ apud Constantium, dum sub eodem Caesare officiorum esset magister. Dein Taurum ⁴ ex praefecto praetorio in exilium egere Vercellum: cuius factum apud iudices iustorum iniustorumque distinctores videri potuit veniae plenum. Quid enim deliquit, si ortum turbinem veritus, ad tutelam Principis sui confugit? Et acta super eo gesta non sine magno legebantur horrore, cum id voluminis publici contineret exordium: *Consulatu Tauri et Florentii, inducto sub praeconibus Tauro.* Ad ⁵ exitium itidem tale Pentadius trahebatur: cui id obiectum est, quod a ³⁾ Constantio missus notis excepit, quae propinquante pernicie super multis interrogatus responderat Gallus. Sed cum se iuste defenderet, tandem ⁴⁾ abiit innoxius. Iniquitate ⁶ simili Florentius tunc magister officiorum, Nigriniani filius, contrusus est in insulam Dalmatiae Boas. Alter enim Florentius, ex praefecto praetorio consul etiam tum, rerum mutatione subita territus, cum coniuge periculis exemptus diu delituit, nec redire ante mortem ⁵⁾ potuit: capitis crimine tamen damnatus est absens. Pari sorte Euagrius, Comes ⁷ rei privatae, et Saturninus ex cura palatii, et Cyrius ex notario, ⁶⁾ portati sunt in exilium. Ursuli vero necem largitionum Comitum ipsa mihi videtur fuisse Iustitia, Imperatorem arguens ut ingratum. Cum enim Caesar in partes mitteretur occiduas omni tenacitate stringendus, nullaue potestate mi-

¹⁾ Ms. principibus. ²⁾ Ms. Constantinum. ³⁾ Ms. Constantino. ⁴⁾ al. obiit. ⁵⁾ τὸ Iuliani Ms. deest. ⁶⁾ Ms. portati.

- liti quidquam donandi delata, ut pateret ad motus asperior exercitus; hic idem Ursulus datis litteris ad eum, qui Gallicanos tuebatur thesauros, quidquid posceret Caesar, procul dubio iusserat dari.
- 8 Quo extincto, cum maledictis execrationibusque multorum se Iulianus sentiret expositum, impurgabile crimen excusari posse existimans, absque conscientia sua hominem adfirmabat occisum, praetendens, quod eum militaris ira delevit, memor quae dixerat, ut ante retulimus, cum Amidam vidisset excisam. Ideoque timidus videbatur, vel parum intelligens, quid conveniret, cum Arbitionem semper ambiguum et praetumidum his quaestionibus praefecisset, aliis specie tenus cum principis legionum praesentibus, quem primum omnium saluti suae norat obiectum, ut decuit victoriarum civilium participem ⁷⁾ fortem.
- 10 Et quamquam haec, quae ⁸⁾ retulimus, eius displicuere fautoribus; sequentia tamen severitatis
- 11 recto vigore sunt gesta. Apodemium enim ex agente in rebus, quem in Silvani necem et Galli effrenatius arsisse docuimus, Paulumque notarium cognomento Catenam, cum multorum gemitu nominandum, vivos exustos, qui sperari debuit, oppressit eventus.
- 12 Eusebium super his, cui erat Constantiani thalami cura commissa, alte spirantem et dirum addixere poenae letali: quem ab ima forte adusque iubendum Imperatori paene elatum, ideoque intolerabilem, humanorum spectatrix Adraestia, aurem (quod dicitur) vellens, monensque, ut castigatius ⁹⁾ viveret, reluctantem praecipitem tamquam e rupe quadam egit excelsa.
- IV. Conversus post haec Princeps ad ¹⁾ Palatinos, omnes omnino qui sunt, quique esse possunt,
- non

7) Ms. fortem. 8) Ms. velimus. Steph. vellimus. 9) Ms. veniret.
 1) Ms. Palatinos homines.

non ut philosophus indagandae veritatis professor. Laudari enim poterat, si saltem moderatos quos-
 2 dam, licet paucos, retinisset, morumque probi-
 tate compertos. Namque fatendum est, pleram-
 que eorum partem vitiorum omnium seminarium
 2) effusus aluisse, ita ut rempublicam inficerent cu-
 piditatibus pravis: plusque exemplis, quam pec-
 candi licentia laederent multos. Pasts enim ex his 3
 quidam templorum spoliis, et lucra ex omni odo-
 rantes occasione, ab egestate infima ad saltum sub-
 lati divitiarum ingentium, nec largiendi, nec ra-
 piendi, nec absumendi tenuere aliquem modum,
 aliena invadere semper adsuefacti. Unde fluxioris 4
 vitae initia pullularunt, et periuria, et nullus exi-
 stimationis respectus, demensque superbia fidem
 suam probrosis quaestibus polluebat. Inter quae, 5
 3) ingluvies et gurgites crevere praerupti convivio-
 rum, et pro victorialibus epulares triumphi: usus-
 que abundantes serici et textiles auctae sunt artes,
 et culinarum sollicitior cura: et ambitiosa ornata-
 rum domorum exquisita sunt spatia: quorum men-
 suram si in agris consul Quintius possedisset, ami-
 serat etiam post dictaturam gloriam paupertatis.

Quibus tam maculosis accedere flagitia discipli- 6
 nae castrensis, cum miles cantilenas meditaretur pro
 iubilo, 4) molliores: et non saxum erat, ut antehac,
 armato cubile, sed pluma et flexiles lectuli, et gra-
 viora gladiis pocula, testa enim 5) bibere iam pude-
 bat: et quaerebantur aedes marmoreae, cum scri-
 ptum sit in antiquitatibus, Spartanum militem
 coërcitum acriter, quod procinctus tempore ausus
 sit videri sub tecto. Adeo autem ferox erat in suos 7
 illis temporibus miles et rapax; ignavus vero in
 hostes et fractus, ut per ambitiones otiumque opi-

2) *al. fusius.* 3) *al. eluvies.* 4) *Mf. meliores.* 5) *Mf. vivere.*

bus partis, auri et lapillorum varietates discerneret scientissime, contra quam recens memoria tradit.

8 Notum est enim, sub Maximiano Caesare vallo regis Persarum direpto, gregarium quemdam ⁶⁾ post sacculum Parthicum, in quo erant margaritae, re-
pertum, proiectis imperitia gemmis, abisse pellis nitore solo contentum.

9 Evenerat iisdem diebus, ut ad demendum Imperatoris capillum tonsor venire praeceptus, introiret quidam ambitiose vestitus. Quo viso, Iulianus obstupuit: *Ego, inquit, non rationalem iussi, sed tonsorem acciri.* Interrogatus tamen ille, quid haberet ex arte compendii: vicens diurnas respondit annonas, totidemque pabula iumentorum [quae vulgo dictitant capita] et annuum stipendium
10 grave, absque fructuosis petitionibus multis. Unde motus, omnes huiusmodi cum coquis similibusque aliis eadem accipere bene consuetos, ut parum sibi necessarios, data, quo velint, eundi potestate proiecit.

11 V. Et quamquam a rudimentis pueritiae primis inclinatio erat erga numinum cultum, paullatimque adulescens desiderio rei flagrabat, multa metuens tamen agitabat quaedam ad id pertinentia,
2 quantum fieri poterat, occultissime. Ubi vero abolitis, quae verebatur, adesse sibi liberum tempus faciundi, quae vellet, advertit, sui pectoris patefecit arcana: et ¹⁾ planis absolutisque decretis aperiri
3 cultum. Utque dispositorum roboraret effectum, dissidentes Christianorum antistites cum plebe discissa in palatium intromissos ²⁾ monebat civilius,
4 ut discordiis confopitis quisque nullo vetante religioni suae serviret intrepidus. Quod agebat ideo obstinate, ut dissensiones augente licentia, non

6) τὸ post Mf. deest. 1) al. plane absolutis decret. 2) Mf. monebat civilius, ut discord.

timeret unanimantem postea plebem: nullas infestas hominibus bestias, ut sunt sibi ferales plerique Christianorum, expertus. Saepeque dictitabat, *Audite me, quem Alamanni audierunt et Franci:* imitari putans Marci principis veteris dictum. Sed parum advertit, hoc ab eo nimium discrepare. Ille 5 enim cum Palaestinam transiret, Aegyptum petens, faetentium Iudaeorum et tumultuantium laepe taedio percitus, dolenter dicitur exclamasse: *O! Marcomanni, o! Quadi, o! Sarmatae, tandem alios vobis inertiores inveni.*

VI. Per hoc idem tempus rumoribus excitati variis Aegyptii venere complures, genus hominum controversum, et adfuetudine perplexius litigandi semper laetissimum, maximeque avidum multiplicatum reposcere, si compulsori quidquam dederit, ut levare debito possit, vel certe commodius per dilationem inferre, quae flagitantur, aut criminis vitandi formidine, divites pecuniarum repetundarum interrogare. Hi omnes densati in unum, Principem 2 ipsum, et praefectos praetorio graculorum more strepentes interpellabant incondite, modo non ante septuagesimum annum extorquentes, quae dedisse se iure vel secus plurimis adfirmabant. Cumque nihil aliud agi permitterent, edicto pro-3 posito universos iussit transire Chalcedona, pollicitus, quod ipse quoque protinus veniret, cuncta eorum negotia finiturus. Quibus transgressis, man-4 datum est navigiorum magistris ultro citroque discurrentium, ne quis transfretare auderet Aegyptium: hocque observato cura propensiore, evanuit pertinax calumniandi propositum, et omnes, spe praesumpta frustrati, redierunt ad lares. Unde 5 velut aequitate ipsa dictante, lex est promulgata, qua cavetur nullum interpellari suffragatorem super his, quae cum recte constiterit accepisse.

(A. C. 362.)

VII. Adlapso itaque Kalendarum Ianuariarum die, cum Mamertini et Nevitae nomina suscepissent paginae consulares, humilior Princeps visus est, in officio pedibus gradiendo cum honoratis: quod laudabant alii, quidam ut adfectatum et vile carpebant. Dein Mamertino ludos edente Circenses, manumittendis ex more inductis per admissio-num proximum, ipse ¹⁾ lege agi dixerat, ut solebat: statimque admonitus, iurisdictionem eo die ad alterum pertinere, ut errato obnoxium decem libris auri semet ipse multavit.

3 Frequentabat inter haec ²⁾ curiam agendo diversa, quae ³⁾ divisiones multiplices ingeriebant. Et cum die quodam ei causas ⁴⁾ ibi spectanti venisse nuntiatus esset ex Asia philosophus Maximus, exsiluit indecore: et, qui esset oblitus, effuso cursu a vestibulo longe progressus, exosculatum susceptumque reverenter secum induxit, per ostentationem intemperativam nimius captator inanis gloriae visus, praeclarique illius dicti immemor Tulliani, quo tales **4** notando ita relatum: *Ipsi illi philosophi, etiam in his libris, quos de contemnenda gloria scribunt, nomen suum inscribunt, ut in eo ipso, quo praedicationem ⁵⁾ nobilitatemque despiciunt, praedicari de se ac se nominari velint.*

5 Nec multo deinceps, duo agentes in rebus ex iis, qui proiecti sunt, eum adiere, fidentius promittentes latebras monstrare Florentii, si eis gradus militiae redderetur: quos incessans delatoresque adpellans, addebat, non esse imperatorium, obliquis flecti iudiciis ad retrahendum hominem mortis metu absconditum, qui forte non diu latitare citra spem veniae permetteretur.

¹⁾ Ms. lege agi ductus dixerat. ²⁾ Ms. Curiam agendo diverso. ³⁾ Ms. divisiones. ⁴⁾ Ms. sibi spectanti. ⁵⁾ *al.* nobilitatum.

Aderat his omnibus Praetextatus, praeclarae in- 6
dolis gravitatisque priscae senator, ex negotio pro-
prio forte repertus apud Constantinopolim, quem
arbitrio suo Achaiae proconsulari praefecerat po-
testate.

Nec tamen, cum corrigendis civilibus ita dili- 7
genter instaret, omisit castrensia: rectores militibus
diu exploratos adponens, urbes quinetiam per
Thracias omnes cum munimentis reparans extimis,
curansque sollicite, ne arma vel indumenta, aut
stipendium, vel alimenta deessent his, quos per su-
percilia Histri dispersos, excursibusque barbaro-
rum oppositos, agere vigilanter audiebat et fortiter.
Quae cum ita divideret, nihil segnius agi permit- 8
tens: suadentibus proximis, ut adgrederetur pro-
pinquos Gothos saepe fallaces et perfidos, hostes
quaerere se meliores aiebat: illis enim sufficere
mercatores Galatas, per quos ubique sine conditio-
nis discrimine venundantur.

Haec cum curantem et talia commendabat ex- 9
ternis nationibus fama, ut fortitudine, sobrietate,
militaris rei scientia, virtutumque omnium incre-
mentis excelsum: paullatimque progrediens ambi-
tum oppleverat mundi. Proinde timore eius ad- 10
ventus per finitimos longeque distantes latius expli-
cato, legationes undique ⁶⁾ solito ocius concurre-
bant: hinc Transtigritanis pacem obsecrantibus et
Armeniis, inde nationibus ⁷⁾ Indicis certatim cum
donis optimates mittentibus ante tempus abusque
Divis et Serendivis: ab australi plaga ad famulan-
dum rei Romanae semet offerentibus Mauris: ab
aquilone et regionibus solis, per quas in mare Pha-
sis accipitur, Bosporanis aliisque antehac ignotis
legationes vehementibus supplices ut annua complentes

6) Ms. solito eius. 7) Ms. divis et Serendivis.

sollemnia, intra terrarum genitalium terminos otiose vivere sinerentur.

1 VIII. Adpositum est (ut existimo) tempus, ad has partes nos occasione magni Principis devolutos, super Thraciarum extimis, situque Pontici sinus visa vel lecta quaedam perspicua fide monstrare.

2 Athos in Macedonia mons ille praecelsus, navibus quondam Medicis pervius, et Caphareus Euboicus scopulus, ubi Nauplius Palamedis pater classem confisit Argivam, licet longo spatio controversi a Thessalo mari distinguunt Aegaeum: quod paulatim fusius adulescens, dextra, qua late protenditur, per Sporadas est insulosum atque Cycladas; ideo sic adpellatas, quod omnes ambiunt Delon¹⁾ partu deorum insignem: laeva ²⁾ Imbrum et Tenedum circumluens, et Lemnum et ³⁾ Thasum:

3 quando perflatur, Lesbo illiditur violentius. Unde gurgitibus refluvis Apollinis Sminthii templum et Troada perstringit, et Ilium heroicis casibus clarum: efficitque Melana sinum oppositum Zephyro: cuius apud principium Abdera visitur Protagorae domicilium et Democriti: cruentaeque Diomedis Thracii sedes, et convalles, per quas Hebrus sibi miscetur, et ⁴⁾ Maronea, ac Aenus, qua diris auspiciis coepta moxque relictas, ad Ausoniam veterem ductu numinum properavit Aeneas.

4 Hinc gracilescens paulatim, et velut naturali quodam commercio ruens in Pontum, eiusque partem adsumens, in speciem Φ Graecae litterae formatur: exin Hellespontum a Rhodopa scindens, Cynosfema, ubi sepulta creditur Hecuba, et Coela praeterlabitur et Seston et Callipolin: contra per Achillis Aiacisque sepulcra Dardanum contingit et Abydon, unde iunctis pontibus Xerxes maria pe-

1) Mf. parte. 2) Mf. Embrum. 3) Mf. Taxum. 4) Mf. Maronae ac Aenus.

dibus peragravit: dein Lampacum, Themistocli dono datam a rege Persarum, et Parion, quam condidit Iasionis filius Parius. Unde semiorbe 5 curvescens altrinsecus, lataque aperiens terrarum divortia, circumfluis spatiis Propontidos respergit ex Eoo latere Cyzicum, et Dindyma, religiosa matris magnae delubra, et Apamiam, Ciumque, et Astacum sequuto tempore Nicomediam a rege cognominatam: qua in occasum procedit, Cherronesum pullsat et Aegos-potamœus, in quo loco lapides casuros ex caelo praedixit Anaxagoras, et Lyfimachiam, et civitatem, quam Hercules conditam Perinthis comitis sui memoriae dedicavit. Et ut effe- 6 ctæ plenaeque Φ litterae figura servetur, in meditullio ipso rotunditatis Proconesus insula est oblonga, et Besbicus.

Post cuius summitatem in angustias rursus ex- 7 tenuatum, Europam et Bithyniam intercurrentes, per Chalcedona, Chrysopolim, et stationes transit obscuras. Nam supercilia eius sinistra Athyras portus 8 despectat et Selymbria, et Constantinopolis, vetus Byzantium, Atticorum colonia, et promuntorium Ceras praelucentem navibus vehens constructam cellius turrim: quapropter Ceratas adpellatur ventus inde suetus oriri praeaelidus.

Hoc modo fractum, et participatione maris utri- 9 usque finitum, iamque mitescens, in aequoream panditur faciem, quantum potest cadere sub adspectum, late diffusum et longe. Omnis autem 10 eius velut insularis circuitus littorea navigatio viginti tribus dimensa millibus stadiorum, ut Eratosthenes adfirmat, et Hecataeus, et Ptolemaeus, alique huiusmodi cognitionum minutissimi scrutatores, in speciem Scythici arcus nervo coagmentati geographiae totius adfensione formatur. Et qua sol ocea- 11 no exsurgit Eoo, paludibus clauditur Maeotidos:

- qua declinat in ⁵⁾ vesperum, Romanis provinciis terminatur: unde suspicit fidus arctoum, homines alit linguis et moribus dispares: latus eius austrinum molli devexitate subductum. Per haec amplissima spatia oppida sunt dispersa Graecorum: quae cuncta aetatibus variis praeter pauca Atheniensium coloni condidere Milesii, inter Ionas alios in Asia per Nileum multo ante locati, Codri illius filium, qui se pro patria bello fertur Dorico devovisse. ¹³ Extremitates autem arcus utrimque tenues duo exprimunt Bospori, e regione sibi oppositi, Thracius et Cimmericus: hac causa Bospori vocitati, quod per eos quondam Inachi filia mutata (ut poetae loquuntur) in bovem, ad mare Ionium permeavit.
- ¹⁴ Dextram igitur inflexionem Bospori Thracii excipit Bithyniae latus, quam veteres dixere Mygdoniam: in qua Thyria et Mariandena sunt regiones, et Amyci saevitia Bebryces exempti virtute Pollucis, remotaque statio, in qua volitantes minaciter harpyias Phineus vates horrebat: per quae littora in sinus oblongos curvata Sangarius et Phyllis, et Bizas et Rhebas fluvii funduntur in maria: quibus controversae extraneae sunt Symplegades, gemini scopuli in vertices undique porrecti diruptos, adfueti priscis saeculis obviam sibi cum horrendo fragore collis molibus ferri, ⁶⁾ cedentesque retrorsus acri adfultu ad ea reverti, quae pulsarant. Per has saxorum dehiscantium concursantiumque crebritates, si etiam ales intervolaasset, nulla celeritate pin-
- ¹⁵ narum eripi poterat, quin interiret oppressa. Hi scopuli, cum eos Argo prima omnium navis, Colchos ad direptionem aurei properans velleris, praeterisset innoxia, immobiles turbine circumfracto steterere concorporati, ut eos aliquando fuisse direm-

5) Ms. vesperum ultro Roman. 6) Ms. cadentesque.

ptos nulli nunc conspiciantium credant, nisi super hoc congruerent omnes priscorum carminum cantus.

Post Bithyniae partem, provinciae Pontus et 16 Paphlagonia protenduntur, in quibus Heraclea, et Sinope, et Polemonion, et Amisos amplae sunt civitates, et Tios, et Amastris, omnes ab auspicio diligentia fundatae Graecorum: et Cerasus, unde advexit huiusmodi poma Lucullus, insulaeque arduae, Trapezunta et Pityunta continentes oppida non obscura. Ultra haec loca Acherusium specus 17 est, quod accolae *μυχονόριον* adpellant, et portus Acone: 7) fluvii diversi, Acheron, itidemque Arcadius, et Iris, et 8) Tibris, et iuxta Parthenius, omnes in mare ictu rapido decurrentes. Thermodon his est proximus, ab Armonio defluens monte, et Themiscyraeos interlabens lucos: ad quos Amazonas quondam migrare necessitas subegerat talis. Attritis damnorum assiduitate finitimis, Amazones 18 veteres, quae eos cruentis populabantur incurfibus, altiora spirabant: viresque suas circumspectantes his, quae propinqua saepius adpetebant, validiores, raptae praecipiti cupiditatis ardore, perruptis nationibus plurimis, manus Atheniensibus intulerunt: acrique concertatione effuse disiectae, omnes nudatis equitatus sui lateribus corruere. Harum interitu 19 cognito, residuae ut imbelles domi relictae, extrema perpeffae, vicinitatis eis repensantis similia funestos impetus declinantes, ad pacatiorem sedem transiere 9) Thermodontis: quarum progenies longe deinde propagata per numerosam subolem, manu firmissima ad loca reverterat genitalia, sequuto tempore populis diversarum originum formidabilis.

Haud procul inde attollitur Carambis placide 20 collis, contra [septemtrionem] Helicen exsurgens,

7) Ms. fluvii dives. 8) Ms. Thybris. 9) Ms. Hermodoctis.

cuius e regione est Crioumetopon Tauricae promun-
torium, duobus millibus et quingentis stadiis dis-
paratum. Hocque ex loco omnis ora maritima,
cuius initium Halys est amnis, velut longitudine
lineali directa nervi efficit speciem, duabus arcus
21 summitatibus complicati. His regionibus Dahae
confines sunt, acerrimi omnium bellatores, et
Chalybes, per quos erutum et domitum est primi-
tus ferrum. Post quos terras patentes Byzares ob-
tinent, et Sapires, et Tibareni, et Mossynoeci, et
Macrones, et Philyres, populi nulla nobis adluetu-
22 dine cogniti. A quibus brevi spatio distant viro-
rum monumenta nobilium, in quibus Sthelenus est
humatus, et Idmon, et Tiphys: primus Herculis
socius Amazonico bello letaliter vulneratus: alter
augur Argonautarum: tertius eiusdem navis cautif-
23 simus rector. Praetercursis partibus memoratis,
Aulion antrum est, et fluenta Callichorii ex facto
cognominati, quod, superatis post triennium Indi-
cis nationibus, ad eos tractus Liber versus, circa
huius ripas virides et opacas orgia pristina reparavit
et choros: Trieterica huiusmodi sacra quidam
24 ¹⁰⁾ existimant adpellari. Post haec confinia Cama-
ritarum pagi sunt celebres, et Phasis fremebundis
cursibus Colchos attingit, Aegyptiorum antiquam
subolem: ubi inter civitates alias Phasis est nomine
fluvii dictitata, et ¹¹⁾ Dioscurias nunc usque nota:
cuius auctores Amphitus et ¹²⁾ Cercius Spartani tra-
duntur, aurigae Castoris et Pollucis, a quibus He-
25 niochorum natio est instituta. Paullum ab his se-
cernuntur Achaei: qui bello anteriore quodam
apud Troiam consummato, non cum super Helena
certaretur, ut auctores prodidere nonnulli, in Pon-
tum reslantibus ventis errore delati, cunctisque

¹⁰⁾ Mf. existimant appellari Post. ¹¹⁾ Mf. Diosco-
rio. ¹²⁾ Mf. Cercius.

hostilibus, stabilem domiciliis sedem nusquam reperientes, verticibus montium infedere semper nivalium: et horrore caeli districti, ¹³⁾ victum etiam sibi cum periculis rapto parare adsueta sunt: atque eo ultra omnem deinde ferociam saevierunt. Super Cercetis, qui iisdem adnexi sunt, nihil memoratu traditur dignum.

Quorum post terga Cimmerici agitant incolae ²⁶ Bospori, ubi Milesiae sunt civitates, harumque velut mater omnium Panticapaeum: quam ¹⁴⁾ perstringit Hypanis fluvius, genuinis intumescens aquis et externis. Itineribus hinc extensis, Amazones ²⁷ adusque Caspium mare porrectae circumcolunt Tanain: qui inter Caucasias oriens rupes, per sinuosos labitur circumflexus, Asiamque disterminans ab Europa, in stagnis Maeoticis delitescit. Huic ²⁸ Rha vicinus est amnis, in cuius superciliis quaedam vegetabilis eiusdem nominis gignitur radix, proficiens ad usus multiplices medelarum.

Ultra Tanain panduntur in latitudinem Sauro- ²⁹ matae, per quos amnes fluunt perpetui, ¹⁵⁾ Maraccus, et Rhombites, et Theophanes, et Totor-danes. Licet alia quoque distans immanibus intervallis Sauromatarum praetenditur natio, littori iuncta, quod Coracem suscipiens fluvium in aequor eiecat extremum.

Prope palus est Maeotis amplissimi circumgref- ³⁰ sus: ex cuius uberrimis venis per Patares angustias undarum magnitudo prorumpit in Pontum: cuius in dextro latere insulae sunt Phanagorus et Herinnassa, studio constructae Graecorum. Circa haec ³¹ stagna ultima extremaque plures habitant gentes, sermonum institutorumque varietate dispariles: ¹⁶⁾ Iaxamatae et Maeotae, et Iazyges, Roxolanique et

¹³⁾ το etiam deest vulg. ¹⁴⁾ Ms. pergaegytiphanis. ¹⁵⁾ Ms. Maraccius. ¹⁶⁾ Ms. Ixomatae.

- Alani, et Melanchlaenae, et cum Gelonis Agathyrsi, apud quos adamantis est copia lapidis: alique ultra latentes, quod sunt omnium penitissimi.
- 32 Sed Macotidos lateri laevo Cherronesus est propinqua, coloniarum plena Graecarum. Unde quieti sunt homines et sedati, adhibentes vonneri curam, et proventibus fructuariis victitantes.
- 33 A quibus per varia regna diducti itineribus modicis Tauri dissociantur, inter quos immani diritate terribiles Arinchi, et Sinchi, et Napaei, intendente saevitiam licentia diuturna, indidere mari nomen inhospitali: et a contrarie per cavillationem Pontus Euxinus adpellatur, ut euethen Graeci dicimus stultum, et noctem euphronen, et furias Eumenidas. Diis enim hostiis litantes humanis, et immolantes advenas Dianae, quae apud eos dicitur Oreiloche, caesorum capita fani parietibus praefigebant, velut fortium perpetua monumenta facinorum.
- 35 In hac Taurica insula Leuce sine habitatoribus ullis Achilli est dedicata. In quam si fuerint quidam forte delati, visis antiquitatis vestigiis, temploque et donariis eidem heroi consecratis, vesperi repetunt naves: aiunt enim, non sine discrimine vitae illuc quemquam pernoctare. Ibi et aquae sunt, et candidae aves nascuntur halcyonibus similes: super quarum origine, et Hellespontiacis
- 36 proeliis tempore differemus. Sunt autem quaedam per Tauricam civitates: inter quas eminet Eupatoria, et Dandace, et Theodosia, et minores aliae nullis humanis hostiis impiatae.
- 37 Hactenus arcus apex protendi existimatur. Eius nunc residua leniter sinuata, subiectaque urssae caelesti adusque laevum Bospori Thracii latus, ut ordo postulat, exsequemur: id admonentes, quod cum arcus omnium gentium flexis curventur hastilibus, Scythici soli vel Parthici circumductis utrimque

introrsus pandis et patulis cornibus, effigiem lunae decrefcentis ostendunt, medietatem recta et rotunda regula dividente.

Ergo in ipso huius compagis exordio, ubi Ri-38
phaei deficiunt montes, habitant ¹⁷⁾ Arimphaei iusti
homines, placiditateque cogniti, quos amnes Chro-
nius et Bisula praeterfluunt: iuxtaque Massagetae,
Alani et ¹⁸⁾ Sargetae, alique plures obscuri: quo-
rum nec vocabula nobis sunt nota, nec mores. In-39
teriectu deinde non mediocri Carcinites panditur
sinus, eiusdemque nominis fluvius: et religiosus
per eas terras Triviae locus. Dein Borysthenes a 40
montibus oriens ¹⁹⁾ Neurorum, primigeniis fonti-
bus copiosus, concursuque multorum annuum
adulescens, mari praeruptis undarum verticibus in-
timatur: cuius in marginibus nemorosis Borysthenes
est civitas, et Cephalonesas, et arae Alexandro
Magno, Caesarique Augusto sacratae. Longo ex-41
inde intervallo paene est insula, quam incolunt
Sindi ignobiles, post heriles in Asia casus coniugiis
potiti dominorum et rebus: quibus subiectum gra-
cile littus, Achilleos vocant indigenae dromon, exer-
citiis ducis quondam Thessali memorabilem. Ei-
que proxima est civitas Tyros, colonia Phoenicum,
quam praestringit fluvius Tyras.

In medio autem spatio arcus, quod prolixae ro-42
tunditatis esse praediximus, quodque expedito via-
tori diebus conficitur quindecim, Europaei sunt
Alani, et Costobocae, gentesque Scytharum innu-
merae, quae porriguntur adusque terras sine co-
gnito fine distentas: quarum pars exigua frugibus
alitur: residuae omnes palantes per solitudines va-
stas, nec siliam aliquando nec sementem expertas,
sed squalentes et ²⁰⁾ pruinosas, ferarum taetro ritu

¹⁷⁾ Mf. Armephi iusti. ¹⁸⁾ Mf. Sargetae. ¹⁹⁾ Mf. Nerviarum.
²⁰⁾ Mf. ruinosas.

vescuntur: eisque caritates, et habitacula, vilesque suppellectiles plaustris impositae sunt corticibus tectis: et, cum placuerit, sine obstaculo migrant, eadem carpenta, quo libuerit, convolventes.

43 Cum autem ad alium portuosum ambitum fuerit ventum, qui arcus figuram determinat ultimam, Peuce prominet insula, quam circumcolunt Troglodytae et Peuci, minoresque aliae gentes: et Histros quondam potentissima civitas, et Tomi, et Apollonia, et Anchialos, et Odissos: aliae praeterea multae, quas littora continent Thraciarum.

44 Amnis vero Danubius oriens prope Rauracos montes, confines limitibus Raeticis, per latiore orbem praetentus, ac sexaginta navigabiles paene recipiens fluvios, septem ostiis per hoc ²¹⁾ Scythicum

45 latus erumpit in mare. Quorum primum est Peuce insula supra dicta, ut interpretata sunt vocabula Graeco sermone, secundum Naracustoma, tertium Caloustoma, quartum Pseudostoma: nam Boreonstoma ac deinde Sthenostoma longe minora sunt caeteris: septimum ingens et palustri specie nigrum.

46 Omnis autem circumfluo ambitu pontus, et nebulosus est, et dulcior aequorum caeteris, et vadosus: quod et concrevit aer ex humorum spiramine saepe densatus, et irruentium undarum ²²⁾ magnitudine temperatur, et consurgit in brevia tortuosa, limum globosque adgerente multitudo circumve-

47 nientium fluentorum. Et constat ab ultimis nostri finibus maris agminatim ad hunc secessum pariendi gratia petere pisces, ut aquarum suavitate salubrius ²³⁾ fetus educant, in receptaculis cavis, quae sunt ibi densissima, securi voracium belluarum: nihil enim in Ponto huiusmodi aliquando est visum, prae-

²¹⁾ Ms. Scythicum litus. ²²⁾ al. multitudine. ²³⁾ al. foetum.

ter innoxios delphinas et ²⁴⁾ parvos. Quidquid au- 48
tem eiusdem pontici finus Aquilone caeditur et
pruinis, ita perstringitur gelu, ut nec annum cur-
sus subtervolvi credantur, nec per infidum et labile
solum gressus hominis possit vel iumentum firmari:
quod vitium numquam mare sincerum, sed permi-
sum aquis amnicis tentat. Perlati ²⁵⁾ aliquantot-
sum longius, quam sperabamus, pergamus ad re-
liqua.

Accesserat aliud ad gaudiorum praesentium cu- 49
mulum, diu quidem speratum, sed dilationum am-
bage multiplici tractum. Nuntiatum est enim per
²⁶⁾ Agilonem et Iovium postea quaestorem, Aqui-
leiae defensores ²⁷⁾ longioris obsidii taedio, cogni-
toque Constantii excessu, patefactis portis egrellos,
auctores prodidisse barbarum: iisdemque vivis ex-
sulis, ut supra relatum est, omnes concessionem impe-
trasse delictorum et veniam.

IX. At prosperis Iulianus elatior, ultra homi-
nes iam spirabat, periculis expertus assiduus, quod
ei orbem Romanum placide iam regenti, velut mun-
danam cornucopiam Fortuna gestans propitia, cun-
cta gloriosa deferabat et prospera: antegressis victo-
riarum titulis haec quoque adiiciens, quod, dum
teneret imperium solus, nec motibus internis est
concitus, nec barbarorum quisquam ultra suos ex-
siluit fines: sed populi omnes aviditate semper ¹⁾ in-
sectandi praeterita, ut damnosa et noxia, in laudes
eius studiis miris accendebantur.

Omnibus igitur, quae res diversae poscebant et a
tempora, perpensa deliberatione dispositis, et mili-
tibus orationibus crebris, stipendioque competen-
ti ad expedienda incidentia promptius animatis,
cunctorum favore sublimis, Antiochiam ire conten-

²⁴⁾ Mf. pavos. ²⁵⁾ Mf. et Steph. aliquantorsum longe. ²⁶⁾ Mf. Abilonem. ²⁷⁾ ul. longiore. ¹⁾ Mf. insectari.

dens, reliquit Constantinopolim incrementis maximis fultam: natus enim illic, diligebat eam ut gentilem patriam et colebat. Transgressus itaque fretum, praetercurſa Chalcedona et Libyſſa, ubi ſepultus eſt Hannibal Poenus, inde Nicomediam venit urbem antehac inclytam, ita magnis retro principum amplificatam impenſis, ut aedium multitudine privatarum et publicarum recte noſcentibus regio quaedam urbis aeſtimaretur aeternae. Cuius moenia cum vidiffet in favillas miſerabiles conſediſſe, angorem animi tacitis fletibus indicans, pigriore gradu pergebat ad regiam: hoc maxime aerumnis eius illacrimans, quod ordo ſqualens occurrit et ²⁾ populus nimium quantum antehac florentiſſimus: et agnoſcebat quosdam, ibidem ab Eufebio ³⁾ educatus epiſcopo, quem genere longius contingebat.

5 Hic quoque pari modo ad reparanda, quae terrae ſubverterat tremor, abunde praetiſtis plurimis, per Nicaeam venit ad Gallograeciae fines: unde dextrorſus itinere declinato, Peſſinunta convertit, viſurus vetuſta Matris magnae delubra: a quo oppido bello Punico ſecundo, carmine Cumano monente, per Scipionem Naſicam ſimulacrum translatum

6 eſt Romam. Cuius ſuper adventu in Italiam pauca cum aliis huic materiae congruentibus in actibus Commodi principis digeſſimus per exceſſum: quam autem ob rem hoc nomine oppidum ſit adpellatum, variant rerum ſcriptores. Quidam enim figmento deae caelitus lapſo, ἀπὸ τοῦ πεσεῖν, quod cadere nos dicimus, urbem adſeruere cognominatam. Alii memorant Ilium, Troiſ filium, Dardaniae ⁴⁾ regem, locum ſic adpellaffe. Theopompus non Ilium id egiffe, ſed Midam adfirmat Phrygiae quondam potentiſſimum regem.

Venerato

2) Mſ. populus. 3) Mſ. ducatus. 4) Mſ. Regem vel locum.

Venerato igitur numine, hostiisque litato et votis, ⁵⁾ Ancyram redit: eumque exinde progredientem ulterius multitudo inquietabat, pars violenter erepta reddi sibi poscentium; alii querentes, consortiis se ⁶⁾ curiarum addictos iniuste; nonnulli sine respectu periculi agentes adusque rabiem, ut adversarios suos laesae maiestatis criminibus illigarent. Verum ille iudicibus Cassiis tristior et Lycurgis, causarum momenta aequo iure perpendens, suum cuique tribuebat, nusquam a vero abductus, acrius in calumniatores exsurgens: quos oderat, multorum huiusmodi petulantem saepe dementiam adusque discrimen expertus, dum esset adhuc humilis et privatus. Exemplumque patientiae eius in tali negotio, licet sint alia plurima, id unum sufficiet poni. Inimicum quidam suum, cum quo discordabat asperrime, ⁷⁾ commisisse in maiestatem turbulentius deferebat: Imperatoreque dissimulante, eadem diebus continuis replicans, interrogatus ad ultimum, qui esset, quem argueret, respondit, municipem locupletem. Quo audito, princeps ⁸⁾ renidens: *quibus indiciis, ait, ad hoc pervenisti?* Et ille, *purpureum sibi, inquit, indumentum ex serico pallio parat.* Iussusque post haec, ut vilis ardua rei vilem inculans, abire tacitus et innoxius, nihilominus instabat. Quo taedio Iulianus defatigatus, ad largitionum Comitem visum propius, *Iube, inquit, periculoso garritori pedum tegmina dari purpurea, ad adversarium perferenda: quem, ut datur intelligi, chlamydem huius coloris memorat sibi confarcinasse: ut sciri possit, sine viribus maximis quid pannuli proficiant leves.*

Sed ut haec laudanda et bonis moderatoribus ¹²⁾ aemulanda: ita illud amarum et notabile fuit, quod

⁵⁾ Ms. Anticyram. ⁶⁾ Ms. Curiarium. ⁷⁾ Ms. Curialium. ⁸⁾ Ms. dixisse. ⁹⁾ al. renitens.

aegre sub eo ⁹⁾ a Curialibus quisquam adpetitus, licet privilegiis, et stipendiorum numero, et originis penitus alienae ¹⁰⁾ firmitudine communitus, obtinebat aequissimum: adeo ut plerique territi emergarentur molestias pretiis ¹¹⁾ clandestinis.

- 13 Itineribus itaque emensis cum ad Pylas venisset, qui locus Cappadocas discernit et Cilicas, osculo susceptum rectorem provinciae nomine Cellsum, iam inde a studiis cognitum Atticis, adscitumque in con-
 14 sessum vehiculi, Tarsum secum induxit. At hinc videre properans Antiochiam, Orientis apicem pulcrum, ulus itineribus solitis venit: urbique propinquans in speciem alicuius numinis votis excipitur publicis, miratus voces multitudinis magnae, salu-
 15 tare sidus inluxisse Eois partibus adclamantis. E venerat autem iisdem diebus annuo cursu completo Adonia ritu veteri celebrari, amato Veneris, ut tabulae fingunt, apri dente ferali deleta, quod in adulto flore sectarum est indicium frugum. Et visum est triste, quod amplam urbem principumque domicilium introeunte Imperatore nunc primum, ululabiles undique planctus et lugubres sonus audie-
 16 bantur. Hic patientiae eius et lenitudinis documentum leve quidem adparuit, sed mirandum. Thalassium quemdam ex proximo libellorum, infidiatorem fratris oderat Galli: quo adorare adesseque officio inter honoratos prohibito, adversarii, cum quibus litigabat in foro, postridie turba congregata superflua, adito Imperatore, *Thalassius*, clamitabant, *inimicus pietatis tuae nostra violenter*
 17 *eripuit*. Et ille hac occasione hominem opprimi posse coniiciens, *Agnosco*, respondit, *quem dicitis, offendisse me iusta de causa: et silere vos interim consentaneum est, dum mihi inimico potiori faciat*

9) vulgo *ad a* deest. 10) *al.* fortitudine. 11) *Ms.* clandestinis
 itineribus.

satis. Mandavitque adfidenti praefecto, ne audiretur eorum negotium, antequam ipse cum Thalassio rediret in gratiam, quod brevi evenit.

X. Ibi hiemans ex sententia, nullis interim voluptatis rapiebatur illecebris, quibus abundant Syriae omnes: verum per speciem quietis iudicialibus causis intentus, ¹⁾ non minus arduis quam bellicis, distrahebatur multiformibus curis, exquisita docilitate librans, quibus modis suum cuique tribueret: iustisque sententiis et improbi modicis coercerentur suppliciiis, et innocentes fortunis defenderentur intactis. Et quamquam in disceptando aliquoties ² erat intempestivus, quid quisque iurgantium coleret, tempore alieno interrogans: tamen nulla eius definitio litis a vero dissonans reperitur: nec argui umquam potuit ob religionem vel quodcumque aliud, ab aequitatis recto tramite deviasse. Iudicium enim ³ hoc est optandum et rectum, ubi per varia negotiorum examina iustum id est et iniustum: a quo ille ne aberraret, tamquam scopulos cavebat abruptos. Hoc autem ideo adsequi potuit, quod levitatem agnoscens commotioris ingenii sui, praefectis proximisque permittebat, [ut fidenter impetus suos aliorum tendentes, ad quae decebat, monitu opportuno frenarent: monstrabatque] subinde, se dolere delictis, et gaudere correctione. Cumque ⁴ eum defensores causarum, ut conscium rationis perfectae, plausibus maximis celebrarent, fertur id dixisse permotus: *Gaudebam* ²⁾ *plane prae meque ferebam, si ab his laudarer, quos et vituperare posse adverterem, si quid factum sit secus aut dictum.* Sufficiet autem pro multis, quae clementer ⁵ egit in litibus cognoscendis, hoc unum ponere nec

T 2

¹⁾ Mf. non minus quam bellicis arduisque, quibus distr. ²⁾ Mf. plane me quem eff. ³⁾ plane, meque eff.

abhorrens a proposito, nec absurdum. Inducta in iudicium femina quaedam, cum palatinum adversarium suum e numero proiectorum, cinctum praeter spem conspexisset, hoc factum insolens tumultuando querebatur: et imperator, *Prosequere*, ait, *mulier, si quid te laesam existimas: hic enim sic cinctus est, ut expeditius per lutum incedat: at parum nocere tuis partibus potest.*

- 6 Et aestimabatur per haec et similia, ut ipse dicebat assidue, vetus illa iustitia, quam offensam vitiiis hominum Aratus extollit in caelum, imperante eo reversa ad terras, ni quaedam suo ageret, non legum arbitrio, erransque aliquoties obnubilaret
- 7 gloriarum multiplices cursus. Post multa enim etiam iura quaedam correxit in melius, ambagibus circumcisis, indicantia liquide, quid iuberent fieri vel vetarent. ³⁾ Illud autem erat inclemens, obruendum perenni silentio, quod arcebat docere magistros rhetoricos et grammaticos, ritus christiani cultores.

- 1 XI. Iisdem diebus Gaudentius ille notarius, quem opponendum per Africam missum supra diximus a Constantio; Iulianus quinetiam ex vicario, earundem partium nimius fautor, retracti sub vinculis, morte perire poenali. Tunc et ¹⁾ Artemius ex duce Aegypti, Alexandrinis urgentibus atrocium criminum mole, supplicio capitali multatus est. Post quem Marcelli ex magistro equitum et peditum filius, ut iniectans imperio manus, publica deletus est morte. Romanus quinetiam et Vincentius, scutariorum scholae primae secundaeque tribuni, agitalle convicti quaedam suis viribus altiora, acti sunt in exsilium.

- 3 Cumque tempus interstetisset exiguum, Alexandrini Artemii comperto interitu, quem verebantur,

3) Ms. Illud autem erat inclem. 1) Ms. Artemius.

ne cum potestate reversus (id enim minatus est) multos laederet ut offensus, iram in Georgium vertunt episcopum, vipereis, ut ita dixerim, moribus ab eo saepius ²⁾ adpetiti. ³⁾ In fullonio natus, ut ⁴ ferebatur, apud Epiphaniam Ciliciae oppidum, actusque in damna complurium, contra utilitatem suam rei que communis episcopus Alexandriae est ordinatus, in civitate, quae suo pte motu, et ubi causae non suppetunt, seditionibus crebris agitur et turbulentis, ut oraculorum quoque loquitur fides. His efferatis hominum mentibus Georgius ⁵ quoque ipse grave accesserat incentivum, apud patulas aures Constantii multos exinde incusans, ut eius recalcitrantes imperiis: professionisque suae oblitus, quae nihil nisi iustum suadet et lene, ad delatorum ausa feralia desciscibat. Et inter caetera dicebatur ⁶ id quoque maligne docuisse Constantium, quod in urbe praedicta aedificia cuncta solo cohaerentia, a conditore Alexandro magnitudine impensarum publicarum exstructa, emolumentis aerarii proficere debent ex iure. Ad haec mala id quoque addide- ⁷ rat, unde paullo post trusus est in exitium praeceps. Reversus ex comitatu principis, cum transiret per speciosum Genii templum, multitudine stipatus ex more, flexis ad aedem ipsam luminibus, *quamdiu*, inquit, *sepulcrum hoc stabit?* Quo audito velut fulmine multi perculsi, metuentesque, ne illud quoque tentaret evertere, quidquid poterant, in eius perniciem clandestinis insidiis concitabant. Ecce autem repente perlato laetabili nuntio indi- ⁸ cante extinctum Artemium, plebs omnis elata gaudio insperato, vocibus horrendis infrendens, Georgium petit: raptumque diversis mulcandi generibus proterens et conculcans divaricatis pedibus.

²⁾ Ms. appetitus. ³⁾ *al.* insullio.

9 Cumque eo Dracontius monetae praepositus, et Diodorus quidam veluti Comes, iniectis per crura funibus simul exanimati sunt; ille, quod aram in moneta, quam regebat, recens locatam evertit: alter, quod, dum aedificandae praeesset ecclesiae, cirros puerorum licentius detondebat, id quoque
 10 ad deorum cultum existimans pertinere. Quo non contenta multitudo immanis dilaniata cadavera peremptorum camelis imposita vexit ad littus: iisdemque subdito igne crematis, cineres proiecit in mare, id metuens, ut clamabat, ne collectis supremis, aedes illis exstruerentur ut reliquis, qui deviare a religione compulsi, pertulere cruciabiles poenas, adusque gloriosam mortem intemerata fide progressi, et nunc martyres adpellantur.

Poterantque miserandi homines ad crudele supplicium ducti, christianorum adiumento defendi,
 11 ni. Georgii odio omnes indiscrete flagrabant. Hoc comperto, Imperator ad vindicandum facinus nefandum erectus, iamque expetiturus poenas a noxiis ultimas, mitigatus est lenientibus proximis: missoque edicto, acri oratione scelus detestabatur admissum, minatus extrema, si deinde tentatum fuerit aliquid, quod iustitia vetet et leges.

1 XII. Inter haec expeditionem parans in Persas, quam dudum animi robore conceperat cello, ad ultionem praeteritorum vehementer elatus est, sciens et audiens gentem asperrimam per sexaginta ferme annos inuissille Orienti caedum et direptionum monumenta saevissima, ad internecionem exercitibus
 2 nostris saepe deletis. Urebatur autem bellandi gemino desiderio: primo, quod impatiens otii lituos somniabat et proelia: dein, quod in aetatis flore primaevo obiectus efferarum gentium armis, recalentibus etiam tum regum precibus et regalium, qui viuci magis posse, quam supplices manus tendere

credebantur, ornamentis illustrium gloriarum inferre Parthici cognomentum ardebat.

Quae maximis molibus festinari cernentes obtrectatores desides et maligni, unius corporis permutatione tot cieri turbas intempestivas indignum et perniciosum esse strepebant, studium omne in differendo procinctu ponentes: et dictitabant his praesentibus, quos audita referre ad Imperatorem posse rebantur, eum, ni sedatius ageret, immodica rerum secundarum prosperitate, velut luxuriantes ubertate nimia fruges, bonis suis protinus occasurum. Et haec diu multumque agitantes, frustra 4 virum circumlatrabant immobilem occultis iniuriis, ut Pygmaei vel Thiodamas agrestis homo Lindius Herculem. Ille tamen, ut maioris praeter cacteros 5 spiritus, nihilo lentius magnitudinem expeditionis secum commentans, in praeparandis congruis operam navabat enixam.

Hosiarum tamen sanguine plurimo aras crebri-6 tate nimia perfundebat, tauros aliquoties immolando centenos, et innumeros varii pecoris greges, 7) avesque candidas terra quaefitas et mari: adeo ut indies paene singulos milites carnis distentiore sagina victitantes incultius, potusque aviditate corrupti, humeris impositi transeuntium, per plateas ex publicis aedibus, ubi vindicandis potius, quam concedendis conviviis indulgebant, ad sua diversoria portarentur: Petulantes ante omnes et Celtae, quorum ea tempestate confidentia creverat ultra modum. Augebantur autem caerimoniarum ritus im-7 modice, cum impensarum amplitudine antehac inusitata et gravi: et quisque, cum impraepecte liceret, scientiam vaticinandi professus, iuxta imperitus et docilis, sine fine vel praestitutis ordinibus, oraculorum permittebantur scitari responsa, et ex-

1), *Mf.* avesque.

1. The first step in the process is to identify the problem or issue that needs to be addressed. This involves gathering information and understanding the context of the problem.

2. Once the problem is identified, the next step is to define the objectives and goals of the project. This helps to clarify what needs to be achieved and provides a clear direction for the team.

3. The third step is to develop a plan or strategy to address the problem. This involves breaking down the problem into smaller, manageable tasks and determining the resources needed to complete each task.

4. The fourth step is to implement the plan. This involves putting the strategy into action and monitoring progress regularly to ensure that the project is on track.

5. Finally, the fifth step is to evaluate the results of the project. This involves assessing the outcomes against the objectives and goals to determine the effectiveness of the project and identify areas for improvement.

The following table shows the results of the regression analysis for the dependent variable "Number of children in the household" (N = 1,000). The independent variables are "Age of the head of household" and "Gender of the head of household". The dependent variable is "Number of children in the household". The regression equation is:

Variable	Coefficient	Standard Error	t-statistic	p-value
Age of the head of household	0.001	0.001	0.5	0.617
Gender of the head of household	0.001	0.001	0.5	0.617
Constant	1.000	0.000	1.000	0.000

The regression equation is:
$$\text{Number of children in the household} = 0.001 \times \text{Age of the head of household} + 0.001 \times \text{Gender of the head of household} + 1.000$$

[illegible]

100

1. The first step is to identify the problem or question that needs to be answered. This involves understanding the context and the specific requirements of the task.

2. Next, it is important to gather relevant information and data. This can be done through research, consultation with experts, or by analyzing existing data sets.

3. Once the information is gathered, the next step is to develop a plan or strategy to address the problem. This may involve breaking the problem down into smaller, more manageable parts.

4. The fourth step is to implement the plan. This involves putting the strategy into action and monitoring progress along the way.

5. Finally, it is essential to evaluate the results and determine whether the problem has been successfully solved. If not, adjustments may need to be made to the plan.

mulierculis laetabatur. Et quamquam his paribusque de causis indignaretur, tacens tamen motumque in animi retinens potestate, sollemnia celebrabat.

4 Denique praestituto feriarum die Casium montem adscendit nemorosum, et tereti ambitu in sublimem porrectum, unde secundis galliciniis videtur primo solis exortus. Cumque Iovi faceret rem divinam, repente conspexit quemdam humi prostratum, supplici voce vitam precantem et veniam. Interrogantique ei, qui esset, responsum est, Praefidalem esse Theodotum Hierapolitanum: qui profectum a civitate sua Constantium inter honoratos deducens, adulando deformiter tamquam futurum sine dubietate victorem, orabat, lacrymas fingens et gemitum, ut Iuliani ad eos mitteret caput perduellis ingrati, specie illa, qua Magnentii circum-

5 latum meminerat membrum. Quibus auditis, *Accepi olim, inquit, ¹⁾ hoc dictum, imperator, relatione multorum: sed abi securus ad lares, exutus omni metu clementia principis, qui, ut prudens, definivit, inimicorum minuere numerum, augereque amicorum sponte sua contendit ac libens.*

6 Exin ²⁾ sacrorum perfecto ritu digresso, offeruntur rectoris Aegypti scripta, Apim bovem operosa quaesitum industria, tamen post tempus inveniri potuisse firmantis: quod ut earum regionum existimant incolae, faustum et ubertatem frugum, diversaque indicat bona.

7 Super qua re pauca conveniet expediri. Inter animalia antiquis observationibus consecrata, Mnevis et Apis sunt notiora: Mnevis Soli sacratur, super quo nihil dicitur memorabile: sequens Lunae. Est enim Apis bos diversis genitalium notarum figuris expressus, maximeque omnium corniculantis lu-

1) Mf. dictum Imperator relatione. 2) Mf. vectorum.

nae specie latere dextro insignis: qui, cum post vivendi spatium praestitutum sacro fonte immerfus e vita abierit (nec enim ultra eum trahere licet aetatem, quam secreta librorum praescribit auctoritas mysticorum: ³⁾ nec nisi semel ei in anno bos femina inventa cum notis certis ⁴⁾ offertur) alter cum publico quaeritur luctu: et si omnibus signis consummatus reperiri potuerit, ducitur Memphim urbem frequentem, praesentiaque numinis Aesculapii claram. Cumque initiante antistitem numero centum, in- ⁸ ductus in thalamum esse coeperit sacer, coniecturis apertis signa rerum futurarum dicitur demonstrare: et adeuntes quosdam indiciis averti videtur obliquis; ut offerentem cibum aliquando Germanicum Caesarem, sicut lectum est, averfatus, portendebat paullo post eventura.

XV. Strictim itaque, quoniam tempus videtur hoc flagitare, res Aegyptiacae tangantur, quarum notitiam in actibus Hadriani et Severi principum digessimus late, visa pleraque narrantes. Aegy- ² ptiam gentem omnium vetustissimam, nisi quod super antiquitate certat cum Scythis, a meridiali latere Syrtes maiores et Phycus promontorium, et Botion, et Garamantes, nationesque variae claudunt: qua Orientem e regione prospicit, Elephantinen et Meroën urbes Aethiopum, et Catadupos rubrumque pelagus et Scenitas praetenditur Arabas, quos Saracenos nunc adpellamus: septemtrioni opposita terrarum situ cohaeret immenso, unde exordium Asia Syriarumque provinciae sumunt: a vespere Illiaco disiungitur mari, quod quidam nominavere Parthenium.

Pauca itaque super benivolo omnium flumine ³ Nilo, quem Aegyptum Homerus adpellat, prae-

³⁾ Ms. necatur horago arcibos foem. Steph. necatur Io Inachi.
⁴⁾ Ms. et Steph. offertur, quo perennit alter.

stringi conveniet, mox ostendendis aliis, quae sunt
4 in his regionibus admiranda. Origines fontium
Nili, ut mihi quidem videri solet, sicut adhuc factum est, posterarum quoque ignorabunt aetates. Verum quoniam fabulantes poëtae, variantesque geographi in diversa latentem notitiam scindunt, opinionones eorum veritati confines (ut arbitror) expedit
5 diam paucis. Adfirmant aliqui physicorum, in subiectis septemtrioni spatiis, cum hiemes frigidae cuncta constringunt, magnitudinem nivium ¹⁾ congelascere: easque postea vi flagrantis sideris resolutas, fluxis humoribus nubes efficere gravidas, quae in meridianam plagam Etesiis flantibus pulsae, expressaeque tepore nimio, incrementa ubertim suggerere Nilo creduntur. Ex Aethiopicis imbribus,
6 ²⁾ qui abundantes in tractibus illis per aestus torridos cadere memorantur, exundationes eius erigi anni temporibus adserunt alii praestitutis: quod utrumque dissonare videtur a veritate. Imbres enim apud Aethiopas aut numquam, aut per intervalla temporum longa cadere memorantur. Opinio
7 est celebrior alia, quod spirantibus prodromis, perque dies quadraginta et quinque Etesiarum continuis flatibus repellentibus eius meatum, velocitate cohibita, superfusis fluctibus intumescit: et reluctantem spiritu controverso adulescens in maius, hinc vi reverberante ventorum, inde urgente cursu venarum perennium, progrediens in sublime tegit omnia, et humo suppressa, per supina camporum
8 speciem exhibet maris. Rex autem Iuba, Punicorum confusus textu librorum, a monte quodam oriri eum exponit, qui situs in Mauritania despectat oceanum: hisque indiciis hoc proditum ait, quod pisces et herbae, et belluae similes per eas paludes gignuntur. Aethiopiae autem partes praetermeans Nilus,

1) Ms. congelucre. 2) Ms. qualudantes.

nominum diversitate ³⁾ decursa, quae ei orbem peragranti nationes indidere ⁴⁾ complures, aestuans inundatione ditissima ad cataractas, [id est praeruptos scopulos] venit, e quibus praecipitans ruit potius, quam fluit: ⁵⁾ unde Atos olim accolae usu aurium fragore assiduo deminuto necessitas vertere solum ad quietiora coegit. Exinde lenius means ¹⁰ per ostia septem, quorum singula perpetuorum annium usum et faciem praebent, nullis per Aegyptum aquis externis adiutus ⁶⁾ eiectatur. Et praeter amnes plurimos ex alveo derivatos auctore, cadentesque in supparet eius, septem navigabiles sunt et undosi, quibus subiecta vocabula veteres indiderunt: Heracleoticus, Sebennyticus, ⁷⁾ Bolbiticus, Phatniticus, Mendesius, Taniticus, et Pelusiacus. Oriens autem ⁸⁾ inde, ut dictum est, propellitur e ¹¹ paludibus adusque cataractas, insulasque efficit plures: quarum aliquae ita porrectis aquis dicuntur extentae, ut singulas aegre tertio die relinquat. Inter quas duae sunt clarae, Meroe, et Delta, a ¹² triquetrae litterae forma hoc vocabulo signatius adpellata. Cum autem sol per cancri sidus coeperit vehi, augescens adusque transitum eius in libram, diebusque centum sublatius fluens, minuitur postea, et mitigatis ponderibus aquarum, navibus antea pervios equitabiles campos ostendit. Abunde ita ¹³ que luxurians ita est noxius, ut infructuosus, si venerit parcius: gurgitum enim nimietate humectans diutius terras, culturas moratur agrorum: parvitate autem minatur steriles segetes. Eumque nemo aliquando extolli cubitis altius XVI. possessor optavit. Et, si inciderit moderatius, aliquoties iactae sementes ⁹⁾ in loco pinguis caespitis cum augmento

3) Mf. decussa. 4) Mf. complures et ans. inund. 5) Mf. unde athololim. 6) unde et hoc olim accol. 6) Mf. electatur. 7) Mf. Bucente Pathmiticus. 8) Mf. inde ut dictum. 9) Steph. in liquore.

tuens enhydrus, ichneumonis genus, oris aditum penetrat alite praevia patefactum, et populato ventre vitalibus dilancinatis erumpit. Audax tamen 20 crocodilus monstrum fugacibus; ubi audacem senserit, timidissimum, et in terra acutius cernens, per quatuor menses hibernos nullo vesci dicitur cibo.

Hippopotami quoque generantur in illis partibus, ultra animalia cuncta ratione carentia sagacissimi ad speciem equorum, bifidas habentes ungulas, caudasque breves: quorum sollertiae ¹⁸⁾ duo interim ostendere documenta sufficiet. Inter arundines cellas et squalentes nimia densitate haec belua cubilibus positis, otium pervigili studio circumspectat, laxataque copia ad segetes depascendas egreditur. Cumque iam coeperit redire distenta, aversis vestigiis distinguit tramites multos, ne unius plani itineris lineas insidiatores sequuti, repertum sine difficultate confodiant. Item, cum aviditate 23 nimia extuberato ventre pigrescit, super calamos recens exsectos femora convolvit et crura, ut pedibus vulneratis cruor egestus sagina distentum faciat levem: et carnes faucias caeno oblinit, quamdiu in cicatrices convenient plagae. Has monstruosas 24 antehac raritates in belluis, in aedilitate Scauri vidit Romanus populus primitus, patris illius Scauri, quem defendens Tullius imperat Sardis, ut de familia nobili ipsi quoque cum orbis terrarum auctoritate sentirent: et per aetates exinde plures saepe huc ducti, nunc inveniri nusquam possunt, ut coniectantes regionum incolae dicunt, insectantis multitudinis taedio ad Blemmyas migrasse compulsi.

Inter Aegyptias alites, quarum varietas nullo 25 comprehendi numero potest, ibis sacra est et amabilis, et innocua, ideo, quod nidulis suis ad cibum suggerens ova serpentum, efficit, ut rarefiant mor-

18) *et interim* vulg. deest.

- 26 tiferæ pestes absumptæ. Occurrunt eadem volucres pinnatis agminibus anguim, qui ex Arabicis emergunt paludibus venena malignantes: eosque, antequam finibus suis excedant, proeliis superatos aëriis vorant: quas aves per rostra edere fetus accipimus. Serpentes quoque Aegyptus alit innumeras, ultra omnem perniciem saevientes: basiliscos, et amphisbaenas, et scytalas, et acontias, et dipladas, et vyperas, aliasque complures, quas omnes magnitudine et decore aspis facile supereminens, numquam sponte sua fluenta egreditur ¹⁹⁾ Nili.
- 28 Multa in illis tractibus pretium est operæ ²⁰⁾ maximum legere, e quibus pauca conveniet explicari. ²¹⁾ Tempa ubique molibus magnis ²²⁾ exstructa. Pyramides ad miracula septem provectæ, quarum diuturnas surgendi difficultates scriptor Herodotus docet, ultra omnem ²³⁾ omnino altitudinem, quæ humanis confici potest, erectæ sunt turres, ab imo latissimæ in summitates acutissimas
- 29 desinentes. Quæ figura apud geometras ideo sic adpellatur, quod ad ignis speciem, τοῦ πυρός, ut nos dicimus, extenuatur in conum. Quarum magnitudo, quoniam in celsitudinem nimiam scandens gracilescit paullatim, umbras quoque mechanica ratione consumit.
- 30 Sunt et syringes subterraneæ quidam et flexuosi secessus, quos (ut fertur) periti rituum vetustorum adventare diluvium præscii, metuentesque, ne caerimoniarum oblitteraretur memoria, penitus operosis digestos fodinis per loca diversa struxerunt: et excisis parietibus volucrum ferarumque genera multa sculpservnt, et animalium species innumeras, quas hierographicas litteras adpellarunt.

Dein

¹⁹⁾ Mf. Nili multa. ²⁰⁾ Mf. maxima ægænae. ²¹⁾ Haec verba Mf. desunt. ²²⁾ Mf. exstructa ad miracul. ²³⁾ Mf. nomenclum.

Dein Syene, ²⁴⁾ in qua solstitii tempore, quo ³¹ sol aestivum cursum extendit, recta omnia ambientes radii excedere ipsis corporibus umbras non sinunt. Inde, si stipitem quisquam fixerit rectum, vel hominem aut arborem viderit stantem, circa liniamentorum ipsas extremitates contemplabitur umbras absumi: sicut apud Meroen Aethiopiae partem aequinoctiali circulo proximam dicitur evenire, ubi per nonaginta dies umbrae nostris in contrarium cadunt, unde Antiscios eius incolae vocant. Quae quoniam miracula multa sunt, opusculi nostri ³² propositum excedentia, ad ingenia celsa reiiciamus, pauca super provinciis narraturi.

XVI. Tres provincias Aegyptus fertur habuisse ¹ temporibus priscis, Aegyptum ipsam, et Thebaidem, et Libyam: quibus duas adiecit posteritas, ab Aegypto Augustamnica, et Pentapolim a Libya fictiore dissociatam.

Igitur Thebais multas inter urbes, clariores aliis ² Hermopolim habet, et Copton, et Antinoû, quam Hadrianus in honorem ¹⁾ Antinoi condidit sui: ²⁾ hecatompylos enim Thebas ³⁾ nemo non novit.

In Augustamnica Pelusium est oppidum nobile, ³ quod Peleus Achillis pater dicitur condidisse, lustrari deorum monitu iussus in lacu, qui eiusdem civitatis alluit moenia, cum post interfectum fratrem nomine Phocum horrendis furiarum imaginibus raptaretur: et Cassium, ubi Pompeii sepulcrum est Magni, et Ostracine, et Rhinocolura.

In Pentapoli Libya Cyrene est posita, urbs antiqua ⁴ sed deserta, quam Spartanus condidit Battus, et Ptolemais, et Arsinoë eademque Teuchira, et Darnis, et ⁴⁾ Berenice, quas Hesperidas adpellant. In fictio- ⁵

²⁴⁾ Hae duae voces Mf. desunt. ¹⁾ Mf. Antinou. ²⁾ Mf. et Steph. apud Hecatomp. ³⁾ Mf. magnorum. ⁴⁾ Mf. Berniae.

re vero Libya Paraetonion, et Chaerecla, et Neapolis, inter municipia pauca et brevia.

6 Aegyptus ipsa, quae iam inde, uti Romano imperio ⁵⁾ iuncta est, regitur a praefectis, exceptis minoribus multis, Athribi, et ⁶⁾ Oxyryncho, et Thmui, et Memphi maximis urbibus nitet.

7 Alexandria enim vertex omnium est civitatum: quam multa nobilitant, et magnificentia conditoris altissimi, et architecti sollertia Dinocratis: qui [cum ampla moenia fundaret et pulcra, paenuria calcis ad momentum ⁷⁾ parum repertae] omnes ambitus lineales farina resperfit: quod civitatem ⁸⁾ post haec alimentorum uberi copia circumfluere fortuito mon-

8 stravit. ⁹⁾ Inibi aerae salubriter spirantes, aër tranquillus et clemens: atque, ut periculum docuit per varias collectum aetates, nullo paene die incolentes hanc civitatem solem serenum non vident.

9 Hoc littus cum fallacibus et insidiolis accessibus affligeret antehac navigantes discriminibus plurimis, excogitavit in portu Cleopatra turrim excelsam, quae Pharos a loco ipso cognominatur, praelucendi navibus nocturna suggerens ministeria: cum quondam ex ¹⁰⁾ Parthenio pelago venientes aut Libyco, per pandas oras et ¹¹⁾ patulas, montium nullas speculas vel collium signa cernentes, harenarum
10 inliffae glutinosae mollitiae frangerentur. Haec eadem regina heptastadium, sicut vix credenda celeritate, ita magnitudine mira construxit ob causam notam et necessariam. Insula Pharos, ubi Protea cum phocarum gregibus diversatum Homerus fabulatur inflatus, a civitatis littore mille passibus dis-
11 parata, Rhodiorum erat obnoxia vectigali. Quod cum in die quodam nimium quantum petitori ve-

5) Ms. iuncta est regio, regitur. 6) Ms. Ozurinmoettimium.

7) Ms. parum repertae. 8) Ms. post haec aliment. 9) *al.* ibi.

10) Ms. paretonio. 11) Ms. fatumlas montium.

nissent, femina callida semper in fraudes, sollemni-
um specie feriarum, iisdem publicanis secum ad
suburbana perductis, opus iusserat irrequietis labo-
ribus consummari: et septem diebus totidem stadia
molibus iactis in mare, solo propinquanti terrae
sunt vindicata. Quo cum vehiculo ingressa, errare
ait Rhodios, insularum non continentis portorium
flagitantes.

His accedunt altis sublata fastigiis templa; inter ¹²
quae eminet Serapeum, quod, licet minuatur
exilitate verborum, atriis tamen columnariis am-
plissimis, et spirantibus signorum figmentis, et re-
liqua operum multitudine ita est exornatum, ut post
Capitolium, quo se venerabilis Roma in aeternum
attollit, nihil orbis terrarum ambitiosius cernat.
In quo bibliothecae fuerunt inaeestimabiles: et lo- ¹³
quitur monumentorum veterum concinens fides,
septingenta voluminum millia, Ptolemaeis regibus
vigiliis intentis composita, bello Alexandrino, dum
diripitur civitas sub dictatore Caesare, conflagrasse.

¹³) Canopus inde duodecimo disiungitur lapide: ¹⁴
quem, ut priscae memoriae tradunt, Menelai guber-
nator sepultus ibi cognominavit. Hactenus impen-
dio locus et diversoriiis laetis exstructus, auris et
salutari temperamento perflabilis: ita ut extra mun-
dum nostrum morari se quisquam arbitretur in illis
tractibus agens, cum saepe aprico spiritu immur-
murantes audierit ventos.

Sed Alexandria ipsa non sensim, ut aliae urbes, ¹⁵
sed inter initia prima aucta per spatiosos ambitus,
internisque seditionibus diu aspere fatigata, ad ul-
timum multis post annis Aureliano imperium agen-
te, civilibus iurgiis ad certamina interneciva pro-
lapsis, dirutisque moenibus, amisit regionis maxi-

V 2

¹²) Ms. Serapaeum. ¹³) Ms. Canisius.

mam partem, quae Bruchion adpellabatur, diutur-
 16 num praestantium hominum domicilium. Unde
 Aristarchus grammaticae rei donis excellens, et
 Herodianus artium minutissimus sciscitator, et Sac-
 cas Ammonius Plotini magister, aliique plurimi
 scriptores multorum in litteris nobilium studiorum:
 inter quos Chalcenterus ¹⁴⁾ eminuit Didymus, mul-
 tiplicis scientiae ¹⁵⁾ scriptis memorabilis: qui in
 illis sex libris, ubi nonnumquam imperfecte Tul-
 lium reprehendit, fillographos imitatus scriptores
 maledicos, iudicio doctarum aurium incusatur, ut
 immania frementem leonem ¹⁶⁾ putredulis vocibus
 17 ¹⁷⁾ canus catulus longius circumlatrans. Et quam-
 quam veteres, cum iis, quorum memini, florere
 complures, tamen ne nunc quidem in eadem urbe
 doctrinae variae silent: nam et disciplinarum magistri
 quodammodo spirant, et nudatur ibi geometrico
 radio, quidquid reconditum latet, nondumque
 apud eos penitus exaruit musica, nec harmonia con-
 ticuit, et recalet apud quosdam adhuc licet raros,
 consideratio mundani motus et siderum, doctique
 sunt numeros haud pauci: super his scientiam cal-
 18 lent, quae fatorum vias ostendit. Medicinae au-
 tem, cuius in hac vita nostra nec parca nec sobria
 desiderantur adminicula crebra, ita studia augentur
 in dies, ut, licet opus ipsum redoleat, pro omni
 tamen experimento sufficiat medico ad commendan-
 dam artis auctoritatem, si Alexandriae se dixerit
 19 eruditum: et haec quidem hactenus. Sed si intel-
 ligendi divini ¹⁸⁾ aditionem multiplicem, et prae-
 sensationum originem mente vegeta quisquam volue-
 rit replicare, per mundum omnem inveniet mathe-
 20 mata huiusmodi ab Aegypto circumlata. Hic pri-
 mum homines longe ante alios ad varia religionum

14) *al.* emicuit. 15) *Mf.* copti. 16) *al.* putidulis. 17) *Mf.*
 canus catul. 18) *Mf.* editionem.

incunabula (ut dicitur) pervenerunt, et initia prima
 sacrorum caute tuentur, condita scriptis arcanis.
 Hac institutus prudentia Pythagoras, colens secre- 21
 tius deos, quidquid dixit aut voluit, auctoritatem
 esse instituit ratam, et femur suum aureum apud
 Olympiam saepe monstrabat, et cum aquila collo-
 quens subinde visebatur. Hinc Anaxagoras lapides 22
 e caelo lapsuros, et putealem limum contrectans,
 tremores futuros praedixerat terrae. Et Solon sen-
 tentiis adiutus Aegypti sacerdotum, latis iusto mo-
 deramine legibus, Romano quoque iuri maximum
 addidit firmamentum: ex his fontibus per sublimia
 gradiens sermonum amplitudine Iovis aemulus Pla-
 ton visa Aegypto, militavit sapientia gloriosa.

Homines autem Aegyptii plerique subfusculi 23
 sunt, et atrati, magisque maestiores, gracilenti et
 aridi, ad singulos motus excandescentes, contro-
 versi, et repolcones acerrimi. Erubescit apud eos,
 si quis non infitiando tributa, plurimas in corpore
 19) vibices ostendat. Et nulla tormentorum vis in-
 veniri adhuc potuit, quae obdurato illius tractus
 latroni invito elicere potuit, ut nomen proprium
 dicat.

Id autem notum est, ut annales veteres mon- 24
 strant, quod Aegyptus omnis sub amicis erat antea
 regibus: sed superatis apud Actium bello navali
 Antonio et Cleopatra, provinciae nomen accepit ab
 Octaviano Augusto possessa. 20) Aridiorem Libyam
 supremo Apionis regis consequuti sumus arbitrio:
 Cyrenas cum residuis civitatibus Libyae Pentapo-
 leos, Ptolemaei liberalitate suscepimus. Evectus
 longius, ad ordinem remeabo coeptorum.

19) Ms. vivaces. 20) Ms. aridiorem Libyam.

AMMIANI MARCELLINI

RERUM GESTARUM

LIBER XXIII.

Julianus A. templum apud Hierosolyma pridem dirutum, frustra instaurare conatur. C. I. Arfacem idem Armeniae regem ad bellum Persicum parari iubet, et cum exercitu ac Scytharum auxiliis transit Euphratem. II. Iuliano A. per Mesopotamiam iter facienti Saracenarum gentium reguli coronam auream et auxilia ultro offerunt: classis Rom. mille et centum navium adveniens consternit Euphratem. III. Descriptiones muralium machinarum, ballistae, scorpionis vel onagri, arietis, helepoleos, ac malleoli. IV. Iulianus A. apud Circesium Aboram flumen cum omnibus copiis ponte navali transgreditur, et milites alloquitur. V. Describuntur maiores provinciae XVIII. regni Persarum, una cum suis quaeque urbibus, moresque nationum. VI.

(A. C. 363.)

1 Haec eo anno, ut praetereamus negotiorum minutias, agebantur. Iulianus vero iam ter consul adscito in collegium trabeae Sallustio praefecto per Gallias, quater ipse amplissimum inierat magistratum: et videbatur novum, adiunctum esse Augusto privatum, quod post Diocletianum et Aristobulum
2 nullus meminerat gestum. Et licet accidentium varietatem sollicita mente praecipiens, multiplicatos expeditionis adparatus flagranti studio perurgeret: diligentiam tamen ubique dividens, imperii-

que sui memoriam magnitudine operum gestiens propagare, ambitiosum quondam apud Hierosolymam templum, quod post multa et interneciva certamina, obsidente Vespasiano, posteaque Tito, aegre est expugnatum, instaurare sumptibus cogitabat immodicis: negotiumque maturandum Alypio dederat Antiocheni, qui olim Britannias curaverat pro praefectis. Cum itaque rei idem fortiter instaret Alypius, iuvaretque provinciae rector, metuen-
3 di globi flammaram prope fundamenta crebris adsultibus erumpentes, fecere locum exultis aliquoties operantibus inaccessum: hocque modo elemento destinatus repellente, cessavit inceptum.

Iisdem diebus legatos ad se missos ab urbe aeterna, clare natos meritisque probabilis vitae compertos, Imperator honoribus diversis adfecit: et Apronianum Romae decrevit esse praefectum, Octavianum proconsulem Africae, Venusto vicariam commisit Hispaniae; Rufinum Aradium Comitem Orientis in locum avunculi sui Iuliani recens defuncti provexit. Quibus, ut convenerat, ordi-
5 natis, terrebatur omine quodam (ut docuit exitus) praesentissimo. Felice enim largitionum Comite profluvio sanguinis repente extincto, eumque Comite Iuliano sequuto, vulgus publicos contuens titulos, Felicem Iulianum Augustumque pronuntiabat. Praecesserat aliud saevum. Namque Kalendis 6
6 ipsis Ianuariis ¹⁾ adscendente eo gradile Genii templum, e sacerdotum consortio quidam caeteris diuturnior, nullo pulsante concidit; animamque insperato casu efflavit: quod adstantes incertum per imperitiam, an adulandi cupiditate, memorabant consulum seniori portendi nimirum Sallustio: sed, ut adparuit, non aetati, sed potestati maiori interitum propinquare ²⁾ monstrabatur. Super his alia 7

1) τὸ ἐν in Ms. deest. 2) Ms. et Steph. monstrabantur.

quoque minora signa subinde, quid accideret, ostendebant. Inter ipsa enim exordia procinctus Parthici disponendi, nuntiatum est Constantinopolim terrae pulsu vibratam: quod horum periti minus laetum esse pronuntiabant, aliena pervadere molienti rectori. Ideoque intempestivo conatu desistere suadebant: ita demum haec et similia contemni oportere firmantes, cum irrudentibus armis externis lex una sit et perpetua, salutem omni ratione defendere, nihil remittente vi moris. Iisdem diebus nuntiatum est ei per litteras, Romae super hoc bello libros Sibyllae consultos, ut iusserat, Imperatorem eo anno discedere a limitibus suis aperto prohibuisse responso.

- 1 II. Inter haec tamen legationes gentium plurimarum auxilia pollicentium, liberaliter susceptae remittebantur, speciosa fiducia Principe respondente, nequaquam decere adventiciis adiumentis rem vindicari Romanam, cuius opibus foveri conveniret amicos et socios, si auxilium eos adegerit necessitas implorare. Solum Arfacem monuerat Armeniae regem, ut collectis copiis validis iubenda operiretur, quo tendere, quid deberet urgere, propere cogniturus. Proinde, cum primam consultae rationes copiam praebuissent, rumore praecurso hostiles occupare properans terras, nondum adulto vere, missa per militares numeros expeditionali tes-
- 2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100
101
102
103
104
105
106
107
108
109
110
111
112
113
114
115
116
117
118
119
120
121
122
123
124
125
126
127
128
129
130
131
132
133
134
135
136
137
138
139
140
141
142
143
144
145
146
147
148
149
150
151
152
153
154
155
156
157
158
159
160
161
162
163
164
165
166
167
168
169
170
171
172
173
174
175
176
177
178
179
180
181
182
183
184
185
186
187
188
189
190
191
192
193
194
195
196
197
198
199
200
201
202
203
204
205
206
207
208
209
210
211
212
213
214
215
216
217
218
219
220
221
222
223
224
225
226
227
228
229
230
231
232
233
234
235
236
237
238
239
240
241
242
243
244
245
246
247
248
249
250
251
252
253
254
255
256
257
258
259
260
261
262
263
264
265
266
267
268
269
270
271
272
273
274
275
276
277
278
279
280
281
282
283
284
285
286
287
288
289
290
291
292
293
294
295
296
297
298
299
300
301
302
303
304
305
306
307
308
309
310
311
312
313
314
315
316
317
318
319
320
321
322
323
324
325
326
327
328
329
330
331
332
333
334
335
336
337
338
339
340
341
342
343
344
345
346
347
348
349
350
351
352
353
354
355
356
357
358
359
360
361
362
363
364
365
366
367
368
369
370
371
372
373
374
375
376
377
378
379
380
381
382
383
384
385
386
387
388
389
390
391
392
393
394
395
396
397
398
399
400
401
402
403
404
405
406
407
408
409
410
411
412
413
414
415
416
417
418
419
420
421
422
423
424
425
426
427
428
429
430
431
432
433
434
435
436
437
438
439
440
441
442
443
444
445
446
447
448
449
450
451
452
453
454
455
456
457
458
459
460
461
462
463
464
465
466
467
468
469
470
471
472
473
474
475
476
477
478
479
480
481
482
483
484
485
486
487
488
489
490
491
492
493
494
495
496
497
498
499
500
501
502
503
504
505
506
507
508
509
510
511
512
513
514
515
516
517
518
519
520
521
522
523
524
525
526
527
528
529
530
531
532
533
534
535
536
537
538
539
540
541
542
543
544
545
546
547
548
549
550
551
552
553
554
555
556
557
558
559
560
561
562
563
564
565
566
567
568
569
570
571
572
573
574
575
576
577
578
579
580
581
582
583
584
585
586
587
588
589
590
591
592
593
594
595
596
597
598
599
600
601
602
603
604
605
606
607
608
609
610
611
612
613
614
615
616
617
618
619
620
621
622
623
624
625
626
627
628
629
630
631
632
633
634
635
636
637
638
639
640
641
642
643
644
645
646
647
648
649
650
651
652
653
654
655
656
657
658
659
660
661
662
663
664
665
666
667
668
669
670
671
672
673
674
675
676
677
678
679
680
681
682
683
684
685
686
687
688
689
690
691
692
693
694
695
696
697
698
699
700
701
702
703
704
705
706
707
708
709
710
711
712
713
714
715
716
717
718
719
720
721
722
723
724
725
726
727
728
729
730
731
732
733
734
735
736
737
738
739
740
741
742
743
744
745
746
747
748
749
750
751
752
753
754
755
756
757
758
759
760
761
762
763
764
765
766
767
768
769
770
771
772
773
774
775
776
777
778
779
780
781
782
783
784
785
786
787
788
789
790
791
792
793
794
795
796
797
798
799
800
801
802
803
804
805
806
807
808
809
810
811
812
813
814
815
816
817
818
819
820
821
822
823
824
825
826
827
828
829
830
831
832
833
834
835
836
837
838
839
840
841
842
843
844
845
846
847
848
849
850
851
852
853
854
855
856
857
858
859
860
861
862
863
864
865
866
867
868
869
870
871
872
873
874
875
876
877
878
879
880
881
882
883
884
885
886
887
888
889
890
891
892
893
894
895
896
897
898
899
900
901
902
903
904
905
906
907
908
909
910
911
912
913
914
915
916
917
918
919
920
921
922
923
924
925
926
927
928
929
930
931
932
933
934
935
936
937
938
939
940
941
942
943
944
945
946
947
948
949
950
951
952
953
954
955
956
957
958
959
960
961
962
963
964
965
966
967
968
969
970
971
972
973
974
975
976
977
978
979
980
981
982
983
984
985
986
987
988
989
990
991
992
993
994
995
996
997
998
999
1000
- sera, cunctos transire iussit Euphraten. Quo comperto, omnes evolant ex hibernis, transmissoque (ut textus docebat scriptorum) dispersi per stationes varias, adventum Principis expectabant. Ipse autem Antiochiam egressurus, Heliopoliten quemdam Alexandrum Syriacae iurisdictioni praefecit, turbulentum et saevum: dicebatque, non illum meruisse; sed Antiochenis avaris et contumeliosis huiusmodi iudicem convenire. Cumque eum profecturum deduceret multitudo promiscua, itum

felicem reditumque gloriosum exoptans, oransque ut deinde placabilis esset et lenior: nondum ira, quam ex compellationibus et probris conceperat, emollita, loquebatur asperius, se esse eos adferens postea non visurum. Disposuisse enim aiebat, hie- 5
mandi gratia per compendariam viam, consummato procinctu, Tarsum Ciliciae reversurum: scripsisseque ad Memorium praelidem, ut in eadem urbe cuncta sibi congrua pararentur: et hoc haud diu postea contigit. Corpus namque eius illuc relatum, exsequiarum humili pompa in suburbano sepultum est, ut ipse mandarat.

Iamque apricante caelo, tertio ¹⁾ Nonas Martias 6 profectus, Hierapolim solitis itineribus venit: ubi cum introiret civitatis capacissimae portas, sinistra porticus subito lapsa, subter tendentes quinquaginta milites, exceptis plurimis vulneratis, tignorum tegularumque pondere magno collisit. Unde con- 7
tractis copiis omnibus, Mesopotamiam tam prope- re signa commovit, ut fama de se nulla praeversa (id enim ²⁾ curatius observarat) improvisus Assyrios occuparet. Denique, cum exercitu et Scytharum auxiliis Euphrate navali ponte transmissio, venit ad Batnas municipium Osdroënae, ibique illaetabile portentum offendit. Cum enim calorum frequens 8
multitudo ad suscipiendum consuete pabulum prope acervum palearum stetisset impendio celsum, (hoc enim modo per regiones illas tales species construuntur) rapientibus multis quassata congeries inclinata est, parique exitio quinquaginta obruit homines mole maxima ruinarum.

III. Maestus exinde digressus venit cursu prope- 1
ro Carras, antiquum oppidum, Crassorum et Romani exercitus aerumnis insigne: unde duae ducen- tes Persidem viae regiae distinguuntur, laeva per

1) Ms. Nonas Maias. 2) al. accuratius.

Adiabenam et Tigridem, dextera per Assyrios et Eu-
 2 phraten. Ibi moratus aliquot dies, dum necessaria
 parat, et Lunae, quae religiose per eos colitur tra-
 cius, ritu locorum fert sacra, dicitur ante aras,
 nullo arbitrorum admissio, occulte paludamentum
 purpureum propinquo suo tradidisse Procopio, man-
 dalleque arripere fidentius principatum, si se in-
 3 terisse didicerit apud Parthos. Hic Iuliani quie-
 scentis animus agitatus insomniis, eventurum triste
 aliquid praesagiebat. Quocirca et ipse, et visorum
 interpretes praesentia contemplantes, diem sequu-
 turum, qui erat quartum decimum Kal. Apriles,
 observari debere pronuntiabant. Verum, ut com-
 pertum est postea, hac eadem nocte Palatini Apolli-
 nis templum, praefecturam regente Aproniano, in
 urbe conflagravit aeterna: ubi, ni multiplex iuvisset
 auxilium, etiam Cumana carmina consumpserat
 magnitudo flammaram.

4 ¹⁾ Post quae ita digesta, agmina et commeatus
 omnis generis ²⁾ disponenti, procurfatorum adventu
 anhelantium etiam tum indicatur, equestres hostium
 turmas vicino limite quodam perrupto avertisse su-
 5 bito praedas. Cuius atrocitate mali percussus, illico,
 ut ante cogitaverat, triginta millia lectorum militum
 eidem commisit Procopio, iuncto ad parilem pote-
 statem Sebastiano Comite ex duce Aegypti: iisdem-
 que praecepit, ut intra Tigridem interim agerent,
 vigilanter omnia servaturi, ne quid inopinum ex in-
 cauto latere oriretur, qualia multa saepe ³⁾ didice-
 rat evenisse: mandabatque eis, ut, si fieri potius
 posset, ⁴⁾ regi sociarentur Arfaci: cumque eo per
 Corduenam et Moxoënam, Chiliocomo uberi Me-
 diae tractu, partibusque aliis praestricto cursu va-

¹⁾ *al.* postque ita digesta. ²⁾ *al.* disponendi. ³⁾ *al.* dixerat.
⁴⁾ *Mf.* Regis optarentur.

statis, apud Assyrios adhuc agenti sibi ⁵⁾ concurrerent, necessitatum articulis adfuturi.

His ita ordinatis, ipse exitu simulato per Tigrim, quod iter etiam re cibaria de industria iusserat instrui, flexit dextrorsus: et quieta nocte emensa, mane iumentum, quo veheretur ex usu, poposcit: oblatusque ei equus Babylonius nomine, ictu torminis consternatus, dum dolorum impatiens volvitur, auro lapillisque ornamenta distincta consperfit. Quo ostento laetior ⁶⁾ exclamavit, plaudentibus proximis, *Babylona humi procidisse, ornamentis omnibus spoliata*. Et paullisper detentus, ⁷ ut omen per hostias litando firmaret, Davanam venit castra praesidiaria, unde ortus Belias fluvius funditur in Euphraten. Hic corporibus cibo curatis et quiete, postridie ventum est ad Callinicum, munimentum robustum et commercandi opimitate gratissimum: ubi ante diem sextum Kal. quo Romae Matri deorum pompae celebrantur annales, et carpentum, quo vehitur simulacrum, Almonis undis ablui perhibetur, sacrorum sollemnitate prisco more completa, somno per otium capto, exsultans pernoctavit et laetus. Luce vero sequuta profectus ⁸ exinde per supercilia riparum fluvialium, aquis adulescentibus undique convenis, cum armigera gradiens manu, in statione quadam sub pellibus mansit: ubi Saracenarum reguli gentium genibus supplices nixi, oblata ⁷⁾ ex auro corona, tamquam mundi nationumque suarum dominum adorarunt, suscepti gratanter, ut ad furta bellorum adpositi. Dumque hos alloquitur, Xerxis illius potentissimi ⁹ regis iustar classis advenit, tribuno Constantiano cum Comite Lucilliano ductante, quae latissimum flumen Euphraten artabat: in qua mille erant onerariae naves ex diversa trabe contextae, commeatus

5) Ms. concurrerent. 6) *al.* clamavit. 7) *al.* auri corona.

abunde ferentes et tela et obsidionales machinas: quinquaginta aliae bellatrices, totidemque ad compaginandos necessariae pontes.

- 1 IV. Re ipsa admoneor, breviter, quantum mediocre potest ingenium, haec instrumentorum genera ignorantibus circumscripte monstrare: et ballistae figura docebitur prima. Ferrum inter axiculos duos firmum compaginatur et vastum, in modum regulae maioris extentum: cuius ex volumine tereti, quod in medio pars polita componit, quadratus eminet stilus ¹⁾ extentius, recto canalis angusti meatu cavatus, et hac multiplici chorda nervorum tortilium illigatus: eique cochleae duae lignae coniunguntur aptissime, quarum prope unam adssistit artifex contemplabilis, et subtiliter adponit in temonis cavamine sagittam ligneam spiculo maiore conglutinatam: hocque facto hincinde validi iuvenes ver-
- 3 sant agiler rotabilem flexum. Cum ad extremitatem nervorum acumen venerit summum, percita interno pulsu a ballista ex oculis avolat, interdum nimio ardore scintillans: et evenit saepius, ut, antequam telum cernatur, dolor letale vulnus agnoscat.
- 4 Scorpionis autem, quem adpellant nunc onagrū, huiusmodi forma est. Dolantur axes duo quernei vel ilicei, curvanturque mediocriter, ut prominere videantur in gibbas, hique in modum ferratoriae machinae connectuntur, ex utroque latere patientius perforati: quos inter per cavernas funes colligantur robusti, compagem, ne dissiliat, continentes.
- 5 Ab hac medietate restium ligneus stilus exsurgens obliquus, et in modum iugalis temonis erectus, ita nervorum ²⁾ nodulis implicatur, ut altius tolli possit et inclinari: summitatique eius unci ferrei copulantur, e quibus pendet stuppea vel ferrea funda: cui

1) *al.* extensus. 2) *al.* modulis.

ligno fulmentum prostermitur ingens, cilicium paleis confertum minutis, validis nexibus illigatum, et locatum super congestos caespites vel latericios aggeres. Nam muro saxeo huiusmodi moles imposita, disiectat quidquid invenerit ³⁾ subter, concussione violenta, non pondere. Cum igitur ad concertationem ventum fuerit, lapide rotundo fundae imposito, quaterni altrinsecus iuvenes repagula, quibus incorporati sunt funes explicantes, retrorsus stilum paene ⁴⁾ supinum inclinant: itaque demum sublimis adstans magister, claustrum, quod totius operis continet vincula, referat malleo forti ⁵⁾ percussus: unde absolutus ictu volucris stilus, et molitudine offensus cilicii, saxum contorquet, quidquid incurrerit, collisurum. Et tormentum quidem ⁶⁾ adpellatur ex eo, quod omnis explicatio torquetur: scorpio autem, quoniam aculeum desuper habet ⁷⁾ erectum: cui etiam onagri vocabulum indidit aetas novella ea re, quod alini feri cum venatibus agitantur, ita eminus lapides post terga calcitrando emittunt, ut perforent pectora sequentium, aut perfractis ossibus capita ipsa displodant.

Hinc ad arietem ⁸⁾ veniemus. Eligitur abies 8 vel ornus excelsa, cuius summitas duro ferro concluditur et prolixo, arietis efficiens prominulam speciem, quae forma huic machinamento vocabulum indidit: et sic suspensa utrimque transversis asseribus et ferratis, quasi ex lance, vinculis trabis alterius continetur: eamque, quantum mensurae ratio patitur, ⁹⁾ multitudo retro repellens, rursus ad obvia quaeque rumpenda protrudit ictibus validissimis, instar adfurgentis et caedentis arietis. Quae crebritate velut reciproci fulminis impetu aedificiis

3) Ms. super. 4) Ms. urinum. 5) Ms. perclusum. 6) al. appellatur, quod eo omnis. 7) al. erectus. 8) al. venimus. 9) Ms. altitudo.

scissis in rimas, concidunt structurae laxatae muro-
 9 rum. Hoc genere operis, si fuerit exlerto vigore
 discussum, nudatis ¹⁰⁾ defensoribus, ideoque solu-
 tis obsidiis, civitates munitissimae recluduntur.

10 Pro his arietum ¹¹⁾ meditamentis iam crebritate
 despectis, conditur machina scriptoribus historicis
 nota, quam Helepolim Graeci ¹²⁾ cognominamus:
 cuius opera diuturna Demetrius Antigoni filius re-
 11 gis, Rhodo aliisque urbibus oppugnatis Poliorcetes
 est adpellatus. Aedificatur autem hoc modo. Te-
 studo compaginatur immanis, axibus roborata lon-
 gissimis, ferreisque clavis aptata: et contegitur co-
 12 riis bubulis virgarumque recenti textura, atque limo
 adsparguntur eius suprema, ut flammeos detrectet
 et missiles casus. Conferuntur autem eius frontali-
 bus trifulcae cuspides praeacutae, ponderibus fer-
 reis graves, qualia nobis pictores ostendunt fulmina
 vel fictores, ut, quidquid petierit, aculeis exfertis
 13 abrumpat. Hanc ita validam molem ¹³⁾ rotis et fu-
 nibus regens numerosus intrinsecus miles, langu-
 diori murorum parti viribus admovet concitis: et,
 nisi desuper propugnantium valuerint vires, collisis
 parietibus aditus patefacit ingentes.

14 Malleoli autem, teli genus, figurantur hac spe-
 cie: Sagitta est cannea, inter spiculum et arundi-
 nem multifido ferro coagmentata, quae in mulie-
 bris coli formam, quo nentur lintea stamina, con-
 cavatur ventre subtiliter et plurifariam patens, at-
 que in alveo ipso ignem cum aliquo suscipit alimento.
 15 Et si emissa lentius arcu invalido (ictu enim rapi-
 diore exstinguitur) haeserit usquam, tenaciter cre-
 mat, aquisque conspersa acriores excitat aestus in-
 cendiorum, nec remedio ullo, quam superiacto
 pulvere consopitur. Hactenus de instrumentis mu-

10) Mf. defensoribus, ideoque solutis obs. 11) Mf. medita-
 mentis. 12) Mf. cognominamus. 13) Steph. palis.

ralibus, e quibus pauca sunt dicta: nunc ad rerum ordinem revertamur.

V. Adscitis Saracenorum auxiliis, quae animis ¹ obtulere promptissimis, tendens Imperator agili gradu, Cerculum principio mensis Aprilis ingressus est, munimentum tutissimum, et fabre politum: cuius moenia Abora et Euphrates ambiunt flumina, velut spatium insulare fingentes. Quod Diocletia- ² nus exiguum antehac et suspectum, muris turribusque circumdedit cellis, cum in ipsis barbarorum confiniis interiores limites ordinaret, ³ ¹) ne vagarentur per Syriam Persae, ita ut paucis ante annis cum magnis provinciarum contigerat damnis. Namque, ³ cum Antiochiae in alto silentio, scenicis ludis mimus cum uxore immissus, e medio sumpta quaedam imitaretur, populo venustate attonito, coniunx, *Nisi somnus est, inquit, en Persae:* et retortis plebs universa cervicibus, exacervantia in se tela declinans spargitur passim. Ita civitate incensa, et obtruncatis pluribus, qui pacis more palabantur effusius, incensisque locis finitimis et vastatis, onusti praeda hostes ad sua remearunt innoxii, Mareade vivo exusto, qui eos ad suorum interitum civium duxerat inconsulte. Et haec quidem Gallieni temporibus evenerunt.

Iulianus vero, dum moratur apud Cerculum, ⁴ ut per navalem Aborae pontem exercitus et omnes sequelae transirent: litteras tristes Sallustii Galliarum praefecti suscepit, orantis suspendi expeditionem in Parthos, obtestantisque, ne ita intempestive, nondum pace numinum exorata, irrevocabile subiret exitium. Posthabito tamen suatore ⁵ cautissimo, fidentius ²) ultra tendebat: quoniam nulla vis humana vel virtus meruisse umquam potuit, ut, quod praescripsit fatalis ordo, non fiat.

¹) Mf. edocumento. ²) Mf. ultro.

Statimque transgressus, pontem avelli praecepit,
 3) ne cui militum ab agminibus propriis revertendi
 6 fiducia remaneret. Pari sorte hic quoque omen il-
 laetabile visum est, adparitoris cuiusdam cadaver
 extentum carnificis manu deleti: quem praefectus
 Sallustius praefens ea re supplicio capitali damnarat,
 quod intra praestitutum diem alimentorum augmen-
 tum exhibere pollicitus, 4) casu impediante frustratus
 est. Sed miserando homine trucidato, postridie
 advenit, ut ille promiserat, alia classis abunde ve-
 hens annonam.

7 Profecti exinde Zaitham venimus locum, qui
 olea arbor interpretatur. Hic Gordiani Imperato-
 ris longe conspicuum vidimus tumulum, cuius actus
 a pueritia prima, exercituumque felicissimos ductus,
 et insidiosum interitum digessimus tempore compe-
 8 tenti. Ubi cum pro ingenita pietate consecrato
 Principi parentasset, pergeretque ad Duram, de-
 sertum oppidum, procul militarem cuneum conspi-
 catus stetit immobilis: eique dubitanti, quid fer-
 rent, offertur ab eis immanissimi corporis leo, cum
 aciem peteret multiplici telorum iactu confossus.
 Quo omine velut certiore iam spectaculi prosperio-
 ris elatus, exsultantius incedebat: sed incerto 5) fa-
 tu fortunae aliorum prorupit eventus. Obitus
 enim regis portendebatur, sed cuius, erat incertum.

9 Nam et oracula dubia legimus, quae non nisi casus
 discrevere postremi: ut fidem vaticinii Delphici, quae
 post Halyn flumen transmissum, maximum regnum
 6) deiecturum praedixerat Croesum: 7) et aliam,
 quae Atheniensibus ad certandum contra Medos ob-
 lique destinaverat mare: sortemque his posteriorem
 veram quidem, sed non minus ambiguum: *Aio te*
 10 *Aeacida Romanos vincere posse.* Etrusci tamen
 haruspi-

3) Ms. ne qui. 4) al. causa imp. 5) Ms. fatu. 6) Ms. deie-
 cturum. 7) Ms. et aliae.

haruspices, qui comitabantur, gnari prodigialium rerum, cum illis procinctum hunc saepe arcentibus non crederetur, prolatis libris exercitualibus ostendebant, signum hoc esse prohibitorium, principique aliena, licet iuste, invadenti contrarium. Sed calcabantur philosophis refragantibus, quorum 11 reverenda tunc erat auctoritas, errantium subinde, et in parum cognitis perseverantium diu. Etenim, ut probabile argumentum ad fidem implendam scientiae suae id praetendebant, quod et Maximiano antehac Caesari cum ⁸⁾ Narseo Persarum rege iam congressuro, itidem leo et aper ingens trucidati simul oblatis sunt, et superata gente discessit incolomis: illo minime ⁹⁾ contemplato, quod aliena petenti portendebatur exitium, et Narseus primus Armeniam Romano iuri obnoxiam occuparat. Sequu- 12 to itidem die, qui erat VII. Idus Aprilis, sole vergente iam in occasum, ex parva nubecula subito aëre crassato usus adimitur lucis: et post minacem tonitruum crebritatem et fulgurum, Iovianus nomine miles de caelo tactus cum duobus equis concidit, quos potu satiatos a flumine reducebat. ¹⁰⁾ Eoque viso harum rerum interpretes arcessiti in- 13 terrogatique, etiam id vetare procinctum fidentius adfirmabant, fulmen consiliarium esse monstrantes: (ita enim adpellantur, quae dissuadent aliquid fieri vel suadent.) Ideoque hoc nimis cavendum, quod militem celsi nominis cum bellatoriis iumentis exstinxit: et hoc modo contacta loca nec intueri, nec calcari debere fulgurales pronuntiant libri. Contra 14 philosophi, candorem ignis sacri repente conspecti nihil significare aiebant, sed esse acrioris spiritus cursum, ex aethere aliqua vi ad inferiora detrusum: aut si exinde praenoscitur aliquid, incrementa claritudinis Imperatori portendi gloriosa coeptanti,

8) Ms. Narseo. 9) Ms. contemplante. 10) Ms. eoque viso.

cum constet flammās suapte natura nullo obstante ad sublimia convolare.

15 Peracto igitur, ut ante dictum est, ponte, cunctisque transgressis, Imperator antiquissimum omnium ratus est, militem alloqui, sui rectorisque fiducia properantem intrepide. Signo itaque ¹¹⁾ per lituos dato, cum centuriae omnes, et cohortes, et manipuli convenissent, ipse aggere glaebali adfistens, coronaque celsarum circumdatus potestatum, talia ore sereno disseruit, favorabilis studio concordī cunctorum.

16 *Contemplans maximis viribus et alacritate vos vigere, fortissimi milites, concionari disposui, docturus ratione multiplici, non nunc primitus, ut maledici mussitant, Romanos penetrasse regna Persidis. Namque ut Lucillum transeam vel Pompeium, qui per Albanos, et Massagetas, quos Alanos nunc adpellamus, hac quoque natione perrupta vidit Cassios lacus: Ventidium novimus Antonii legatum*

17 *strages per hos tractus innumeras edidisse. Sed ut a vetustate discedam, haec, quae tradidit recens memoria, replicabo. Traianus, et Verus, ac Severus hinc sunt digressi victores et tropaeati: redissetque pari splendore iunior Gordianus, cuius monumentum nunc vidimus ¹²⁾ honorate, apud Resainam superato fugatoque rege Persarum, ni factione Philippi praefecti praetorio, scelestē iuvantibus paucis in hoc, ubi sepultus est, loco, vulnere impio cecidisset. Nec errare diu manes eius inulti, quod velut ¹³⁾ elaborante iustitia, omnes, qui in eum conspiravere,*

18 *cruciabilibus interiere suppliciis. Et illos quidem voluntas ad altiora propensior subire impulit facinora memoranda: nos vero miseranda recens captarum urbium, et inultae caesorum exercituum umbrae, et damnorum magnitudines castrorumque*

11) Mf. per reliquos. 12) al. honorare. 13) Mf. elabente.

amissiones ad haec, quae proposuimus, hortantur, votis omnium sociis, ut medeamur praeteritis, et honorata huius lateris securitate republica, quae de nobis magnifice loquatur posteritas, relinquamus. Adero ubique vobis adiumento numinis sempiterni 19 Imperator, et antesignanus, et conturmalis omnibus secundis, ut reor. At si fortuna verjabilis in pugna me usquam fuderit, mihi vero pro Romano orbe memet vovisse sufficiet, ut Curtii ¹⁴⁾ Muciique veteres, et clara prosapia Deciorum. Abolenda nobis natio molestissima, cuius in gladiis nondum nostrae propinquitatis exaruit cruor. Plures ab- 20 sumptae sunt maioribus nostris aetates, ut interirent radicitus, quae vexabant. Devicta est perplexo et diuturno Marte Carthago: sed eam dux inclytus timuit superesse ¹⁵⁾ victoriae. Evertit funditus Numan- tiam Scipio post multiplices casus obsidionis emen- sos. Fidenas, ne imperio subcrescerent aemulae, Roma subvertit: et Faliscos ita oppressit, et Veios, ut suadere nobis laboret monumentorum veterum fides, ut has civitates aliquando valuisse credamus. Haec ut antiquitatum peritus exposui: superest, ut 21 aviditate rapiendi posthabita, quae insidiatrix saepe Romani militis fuit, quisque agmini cohaerens incedat; cum ad necessitatem congregiendi fuerit ventum, signa propria sequuturus; sciens, quod, si remanserit usquam, exsectis cruribus relinquetur. Nihil enim praeter dolos et insidias hostium vereor nimium callidorum. Ad summam polliceor universis, 22 rebus post haec prospere mitigatis, absque omni praerogativa principum, qui, quod dixerint vel censuerint, pro potestate auctoritatis iustum esse existimant, rationem me recte consultorum vel secus, si quis exegerit, redditurum. Quocirca erigite iam 23

X 2

14) Steph. Mutique tres. 15) Mf. victoriae.

nunc quaeso, erigite animos vestros, multa praesumentes et bona, aequata sorte nobiscum, quidquid occurrerit difficile, subituri, et coniectantes aequitati semper solere iungi victoriam.

24 Conclufa oratione ad hunc gratissimum finem, ductoris gloria proelior miles exultans, speque prosperorum elatior, sublatiſ altius ſcutis nihil periculofum fore vel arduum clamitabat, ſub Imperatore plus ſibi laboris, quam gregariis indicente.

25 Maxime omnium id numeri Gallicani fremitu laetiore monſtrabant: memores, aliquoties eo ductante, perque ordines diſcurrente, cadentes vidiffe gentes aliquas, alias ſupplicantes.

1 VI. Res adegit huc prolapſa, ut in exceſſu celeris ſitum monſtrare Perfidis, deſcriptoribus gentium ¹⁾ curioſe digeſtum, e quibus aegre vera dixere pauciſſimi. Quod autem erit paullo proluxior textus, ad ſcientiam proficiet plenam. Quisquis enim adfectat nimiam brevitatem, ubi narrantur incognita: non, quid ſignatius explicet, ſed quid debeat praeteriri, ſcrutatur.

2 Hoc regnum quondam exiguum, multisque antea nominibus adpellatum ob cauſas, quas ſaepe retulimus: cum apud Babylona Magnum fata rapuiſſent Alexandrum, in vocabulum Parthi conceſſit Arſacis obſcure geniti, latronum inter aduleſcentiae rudimenta ductoris, verum paulatim in melius mutato propoſito, clarorum contextu factorum aucti

3 ſublimius. Qui poſt multa glorioſe et fortiter geſta, ſuperato Nicator ſeleuco, eiſdem Alexandri ſucceſſore, cui victoriarum crebritas hoc indiderat cognomentum, praefidiisque Macedonum pulſis ipſe tranquillius agens, temperator obedientium fuit et
4 arbiter lenis. Denique poſt finitima cuncta, vi vel aequitatis conſideratione, vel metu ſubacta, civitatum

1) Mſ. curioſe digeſtis.

et castrorum castellorumque munimentis oppleta Perside, adsuetaque timori esse accolis omni-
 bus, quos antea formidabat, medium ipse agens cursum
 aetatis, placida morte decessit. Certatimque sum-
 matum et vulgi sententiis concinentibus, astris (ut
 ipsi existimant) ritus sui consecratione permixtus est
 omnium primus. Unde ad id tempus reges eius- 5
 dem gentis praetumidi, adpellari se patiuntur So-
 lis fratres et Lunae: utque Imperatoribus nostris
 Augusta nuncupatio amabilis est et optata; ita regi-
 bus Parthicis abiectis et ignobilibus antea, incre-
 menta dignitatum felicibus Arsacis auspiciis acces-
 sere vel maxima. Quamobrem numinis eum vice 6
 venerantur et colunt, eoque propagatis honori-
 bus, ut ad nostri memoriam non, nisi Arsacides is
 sit, quisquam in suscipiendo regno cunctis antepo-
 natur: et in qualibet civili concertatione, quae
 2) assidue apud eos eveniunt, velut sacrilegium quis-
 que caveat, ne dextera sua Arsacidem arma gestan-
 tem feriat vel privatum.

Satisque constat hanc gentem regna, populis 7
 vi superatis compluribus, dilataste adusque Propou-
 tidem et Thracias: sed alte spirantium ducum su-
 perbia, licenter grassantium per longinqua, aerum-
 nis maximis imminutam: primo per Cyrum, quem
 Bospori fretum cum multitudine fabulosa transgres-
 sum, ad internecionem delevit Tomyris regina Scy-
 tharum, ultrix acerrima filiorum. Deinde, cum 8
 Dareus, posteaque Xerxes Graeciam elementorum
 usu mutato adgressi, cunctis paene copiis terra ma-
 rique consumptis, vix ipsi tutum invenere disces-
 sum: ut bella praetereamus Alexandri, et testa-
 mento nationem omnem in successoris unius intra
 translata.

2) Mss. assidue.

- 9 Quibus peractis transcurfisque tempo-ibus longis, sub consulibus, et deinceps in potestatem Caesarum redacta re publica, nobiscum eae nationes subiinde dimicarunt, paribusque momentis interdum, aliquoties superatae, nonnumquam adiree victrices.
- 10 Nunc locorum situm, quantum ratio finit, carptim breviterque absolvam. Hae regiones in amplitudines diffusae longas et latas, ex omni latere insulorum et celebre Persicum ambiunt mare: cuius ostia adeo esse perhibentur angusta, ut ex Harmozonte Carmaniae promuntorio contra oppositum aliud promuntorium, quod adpellant incolae Maces, sine
- 11 impedimento cernatur. Quibus angustiiis permeatis, cum latitudo patuerit nimis extensa, navigatio adusque urbem Teredona porrigitur, ubi post iacturas multiplices pelago miscetur Euphrates: omnisque sinus dimensione littorea in numerum viginti millium stadiorum velut spatio detornato finitur: cuius per oras omnes oppidorum est densitas et vi-
- 12 corum, naviumque crebri discursus. Ergo permeatis angustiiis antedictis, venit ad Armeniae sinum, Orienti obiectum intervallo. Cantichus nomine panditur sinus australis: haud procul inde alius, quem vocant Chaliten, occiduo obnoxius fideri. Hinc praestricis pluribus insulis, e quibus paucae sunt notae, Indorum mari iunguntur oceano, qui ferventem solis exortum suscipit omnium pri-
- 13 mus, ipse quoque nimium calens. Utque geographici stili formarunt, hac specie distinguitur omnis circuitus antedictus. Ab Arctoo cardine adusque Caspiae portas Cadusiis conterminat, et Scytharum gentibus multis, et Arimaepis hominibus luscis et feris: ab occidua plaga contingit Armenios, et Niphaten, et in Asia sitos Albanos, mare rubrum, et Scenitas Arabas, quos Saracenos posteritas adpellavit: Mesopotamiam sub axe meridiali despectat:

Orienti a fronte contrarius, ad Gaugen extenditur flumen, quod Indorum intersecans terras, in pelagus eiectionatur australe.

Sunt autem in omni Perside hae regiones maximae, 14 quas Vitaxae, id est, magistri equitum curant, et regis satrapae (nam minores plurimas recensere difficile est et superfluum) Assyria, Susiana, Media, Persis, Parthia, Carmania maior, Hyrcania, Margiana, Bactriani, Sogdiani, Sacae, Scythia ultra Emodem montem, Serica, Aria, Paropanisadae, Drangiana, Arachosia, et Gedrosia.

Citra omnes propinqua est nobis Assyria, celebritate et magnitudine, et multiformi feracitate 15 distissima: quae per populos pagosque amplius diffusa quondam et copiosa, ad unum concessit vocabulum, et nunc omnis adpellatur Assyria: ubi inter baccharum vulgariumque abundantiam frugum bitumen nascitur prope lacum nomine Sosingiten, cuius alveo Tigris voratus fluensque subterraneus, percur- 16 sis spatiis longis emergit. Hic et naphtha gignitur picea specie glutinosa, similis ipsa quoque bitumini: cui etiam si avicula insederit brevis, praepedito volatu subversa penitus evanescit. Et cum hoc liquoris ardere coeperit genus, nullum inveniet humana mens, praeter pulverem, extinguendi commentum.

In his pagis hiatus quoque conspicitur terrae, 17 unde halitus letalis exurgens, quodcumque animal proxime steterit, odore gravi consumit. Quae lues oriens a profundo quodam puteo, cum os eius excesserit latum, antequam sublimius vagaretur, terras circumfatas inhabitabiles acerbitate fecisset. Cuius simile foramen apud Hierapolim Phrygiae antehac, 18 ut adserunt aliqui, videbatur: unde emergens itidem noxius spiritus perseveranti odore, quidquid prope venerat, corrumpibat, absque spadonibus solis: quod qua causa eveniat, rationibus phy-

19 sicis permittatur. Apud Asbamaei quoque Iovis templum in Cappadocia, ubi amplissimus ille philosophus Apollonius traditur natus prope oppidum Tyana, stagno effluens fons cernitur, qui magnitudine aquarum inflatus, seseque resorbens, numquam extra margines intumescit.

20 Intra hunc circuitum Adiabena est, Assyria priscis temporibus vocitata, longaque adfuetudine ad hoc translata vocabulum ea re, quod inter Onam et Tigridem sita navigeros fluvios, adiri vado numquam potuit: *transire* enim *διαβαίνειν* dicimus Graeci: et veteres quidem hoc arbitrantur. Nos autem id dicimus, quod in his terris amnes sunt duo perpetui, quos et transivimus, Diabas et Adiabas, iuncti navalibus pontibus: ideoque intelligi Adiabenam cognominatam, ut a fluminibus maximis Aegyptus, Homero auctore, et India, et Euphratenfis ante hac Commagena: itidemque Hiberia ex Hiberno, nunc Hispania, et a Baeti amne insigni provincia Baetica.

22 In hac Adiabena Ninus est civitas, quae olim Persidis regna possederat, nomen Nini, potentissimi quondam regis, Semiramidis mariti declarans, et Ecbatana, et Arbela, et Gaugamela, ubi Darium Alexander post discrimina varia proeliorum incitato Marte prostravit.

23 In omni autem Assyria multae sunt urbes: inter quas Apamia eminet Mesene cognominata, et Teredon, et Apollonia, et Vologesia, hisque similes multae. Splendidissimae vero et pervulgatae hae solae sunt tres: Babylon, cuius moenia bitumine Semiramis struxit (arcem enim antiquissimus rex condidit Belus) et Ctesiphon, quam Vardaues priscis temporibus instituit, posteaque rex Pacorus incolarum viribus amplificatam et moenibus, Graeco indito nomine Persidis, effecit specimen summum: post hanc Seleucia, ambitiosum opus Nica-

toris Seleuci. Qua per duces Veri Caesaris (ut ante 24
retulimus) expulsa, avulsum sedibus simulacrum
Comei Apollinis, perlatumque Romam, in aede
Apollinis Palatini deorum antistites collocarunt.
Fertur autem, quod post direptum hoc idem fi-
gmentum, incensa civitate, milites fanum scrutantes
invenere foramen angustum: quo resecato, ut pre-
tiosum aliquid invenirent, ex adyto quodam con-
cluso a Chaldaeorum arcanis labes primordialis ex-
siluit, quae insanabilium vi concepta morborum,
eiusdem Veri Marcique Antonini temporibus, ab
ipsis Persarum finibus, adusque Rhenum et Gallias
cuncta contagiis polluebat et mortibus.

Hic prope Chaldaeorum est regio altrix philoso-25
phiae veteris, ut memorant ipsi, apud quos veridica
vaticinandi fides eluxit. Perfluunt autem has eas-
dem terras potiores ante alios amnes hi, quos prae-
diximus, et Marles, et flumen regium, et Euphra-
tes cunctis excellens: qui tripartitus, navigabilis
per omnes est rivos, insulasque circumfluens, et
arva cultorum industria diligentius rigans, vomeri
et gignendis arbutis habilia facit.

His tractibus Susiani iunguntur, apud quos non 26
multa sunt oppida, inter alia tamen eminent Susa,
saepe domicilium regum, et Arfiana, et 3) Sele, et
Aracha: caetera brevia sunt et obscura. Fluvii
vero multi per haec loca discurrunt, quibus prae-
stant Oroates, et Harax, et Meseus, per arenosas
angustias, quae a rubro prohibent Caspium mare,
aequoream multitudinem inundantes.

At in laeva Media confinis Hyrcano panditur 27
mari: quam ante regnum Cyri superioris, et incre-
menta Persidos, legimus Asiae 4) reginam totius,
Assyriis domitis, quorum plurimos pagos in Acro-
patenae vocabulum permutatos belli iure possedit.

3) Ms. Sole. 4) Ms. regna.

- 28* Pugnatrice natio, et formidanda post Parthos, quibus vincitur solis, regiones inhabitans ad speciem quadratae figurae formatas. Harum terrarum incolae omnes ad latitudinem nimiam extenduntur, eisque maximae celsitudines imminent montium, quos ⁵⁾ Zacram, et Orontem, et Iasonium vocant.
- 29 Coroni quoque montis altissimi partem habitantes occiduam, frumentariis agris adfluunt et vinariis, pingui fecunditate laetissimi, et fluminibus fontium-
- 30 que venis liquidis locupletes. Sunt apud eos prata virentia: fetus equarum nobilium, quibus (ut scriptores antiqui docent, nos quoque vidimus) ineuntes proelia viri summa vi vehi exsultantes solent,
- 31 quos Nefaeos adpellant. ⁶⁾ Abundant aequae civitatibus, quibus Media, et vicis in modum oppidorum exstructis, et multitudine incolarum. Utque absolute dicatur, uberrimum est habitaculum regum.
- 32 In his tractibus ⁷⁾ magorum agri sunt fertiles: super quorum secta studiisque, quoniam huc incidimus, pauca conveniet expediri. Magiam opinionum insignium auctor amplissimus Plato, Machagistiam esse verbo mystico docet, divinorum incorruptissimum cultum, cuius scientiae saeculis priscis multa ex Chaldaeorum arcanis Bactrianus addidit Zoroastres: deinde ⁸⁾ Hytaspes, rex prudentissi-
- 33 mus, Darii pater. Qui cum superioris Indiae secreta fidentius penetraret, ad nemorosam quamdam venerat solitudinem, cuius tranquillis silentiis praecelsa Brachmanorum ingenia potiuntur: eorumque monitu rationes mundani motus et siderum, purosque ⁹⁾ sacrorum ritus, quantum colligere potuit, eruditus, ex his, quae didicit, aliqua sensibus magorum infudit: quae illi cum disciplinis praesen-

5) Mf. Zacram. 6) Mf. Abundantiaque. 7) Mf. Magorum magri. 8) το rex deest al. 9) sacrorum peius.

tiendi futura, per suam quisque progeniem, posteris aetatibus tradunt. Ex eo per saecula multa ad 34 praesens una eademque prosapia multitudo creata, deorum cultibus dedicatur. Feruntque, si iustum est credi, etiam ignem caelitus lapsum apud se sempiternis foculis custodire, cuius portionem exiguam, ut faustam, praeisse quondam Asiaticis regibus dicunt. Huius originis apud veteres nu- 35 merus erat exilis, eiusque ministeriis Persicae potestates in faciendis rebus divinis sollemniter utebantur. Eratque piaculum aras adire, vel hostiam contrectare, antequam magus conceptis precationibus libamenta diffunderet praecursoria. Verum aucti paullatim, in amplitudinem gentis solidae concesserunt et nomen: villasque inhabitantes nulla inurorum firmitudine communitas, et legibus suis uti permitti, religionis respectu sunt honorati. Ex 36 hoc magorum semine septem post mortem Cambyfis regnum inisse Persidos antiqui memorant libri, docentes, eos Darii factione oppressos, imperitandi initium equino hiunitu sortiti.

In hac regione oleum conficitur medicum, quo 37 illitum telum, si emissum lentius laxiore arcu (nam ictu exstinguitur rapido) haeserit usquam, tenaciter cremat: et si aqua voluerit abluere quisquam, aestus excitat acriores incendiorum, nec remedio ullo, quam iactu pulveris consopitur. Paratur autem 38 hoc modo. Oleum usus communis herba quadam infectum condiunt harum rerum periti, ad diuturnitatem servantes, et coalescens durant ex materia venae naturalis, similis oleo crassiori: quae species gignitur apud Persas, quam (ut diximus) naphtham vocabulo adpellavere gentili.

Per haec loca civitates dispersae sunt plures, 39 queis omnibus praestant Zombis, et Patigran, et Gazaca: inter quas opibus et magnitudine moenium conspicuae sunt Heraclia, et Arfacia, et Europos,

et Cyropolis, et Ecbatana, sub Iasonio monte in
 40 terris sitae Syromedorum. Amnes has regiones
 praetereunt multi, quorum maximi sunt Choaspes,
 et Gyndes, et Amardus, et Charinda, et Cambyfes,
 et Cyrus, cui magno et ¹⁰⁾ specioso Cyrus ille supe-
 rior rex amabilis, abolito vetere, id vocabulum
 dedit, cum ereptum ire regna Scythica destinaret:
 quod et fortis est, ut ipse etiam ferebatur, et vias
 sibi, ut ille, impetu ingenti molitus, in Caspium
 delabatur mare.

41 Per tractus meridianos expansa, post haec con-
 finia, littoribus proxima Persis habitatur antiqua,
 minutis frugibus dives et palmite, aquarumque
 copia iucundissima. Amnes quippe multi per eam
 antedictum influunt sinum: quorum maximi sunt
 Vatrachites, ¹¹⁾ Rogomanis, et Brisoana, atque Ba-
 42 grada. Oppida vero mediterranea sunt ampliora:
 incertum enim, qua ratione per oras maritimas nihil
 condiderunt insigne: inter quae Persepolis est clara,
 et Ardea, et ¹²⁾ Obroatis, atque Tragonice. Insu-
 lae vero visuntur ibi tres tantum, ¹³⁾ Tabiana, et
 Fara, et Alexandria.

43 His propinquant Parthi siti sub Aquilone, co-
 lentes nivales terras et pruinosas: quorum regiones
 Choatres fluvius interseindit caeteris abundantior;
 et haec potiora residuis sunt oppida, ¹⁴⁾ Genonia,
 Moesia, Charax, Apamia, Artacana, et Hecatom-
 pylos, a cuius finibus per Caspia littora adusque
 44 portarum angustias stadia quadraginta numerantur
 et mille. Feri sunt illic habitatores pagorum om-
 nium, atque pugnaces: eosque ita certamina iuvant
 et bella, ut iudicetur inter alios omnes beatus, qui
 in proelio ¹⁵⁾ profuderit animam. Excedentes enim

¹⁰⁾ Ms. specioso. ¹¹⁾ Ms. Rogomanus. ¹²⁾ Ms. Habraatis.
¹³⁾ Ms. Cadiana. ¹⁴⁾ Ms. Genonia, Moesia, Charax. ¹⁵⁾ al.
 fuderit.

e vita morte fortuita, conviciis infectantur ut degeneres et ignavos.

Quibus ab Orientali Australique plaga Arabes 45
beati conterminant, ideo sic adpellati, quod frugibus iuxta, et fetibus, et palmite, odorumque suavitate multiplici sunt locupletes: magnaeque eorum partes mare rubrum a latere dextro contingunt: laeva Persico mari collimitant, elementi utriusque potiri bonis omnibus adsueta. Ubi et stationes, et 46
portus tranquilli sunt plures, et emporia densa, et diversoria regum ambitiosa nimium et decora, aquarumque suapte natura calentium saluberrimi fontes, et rivorum fluminumque multitudo perspicua, 16) sospitalisque temperies caeli, ut recte spectantibus nihil eis videatur ad felicitatem deesse supremam. Ac licet abundet urbibus mediterraneis 47
atque maritimis, campisque copiosis et vallibus, has tamen civitates habet eximias, Geapolim, et Nascon, et Baraba, itidemque Nagara, et Mephram, et Taphra, et Dioscuriada. Insulas autem complures habet per utrumque proximas mare, quas dinumerare non refert. Insignior tamen aliis Turgana est, in qua Serapidis maximum esse dicitur templum.

Post huius terminos gentis, Carmania maior 48
verticibus celsis erigitur, adusque Iudicum pertinens mare, fructuariis arboreisque fetibus culta, sed obscurior Arabum terris multo et minor: fluminibus tamen ipsa quoque non minus abundans, caespitisque ubere iuxta fecunda. Amnes autem sunt 49
hic caeteris notiores Sagareus, et Saganis, et Hydriacus. Sunt etiam civitates, licet numero paucae, victu tamen et cultu perquam copiosae: inter quas nitet Carmana omnium mater, et Portospana, et Alexandria, et Hermoupolis.

16) *al. sospitalisque.*

- 50 Interius vero pergenti occurrunt Hyrcani, quos eiusdem nominis alluit mare. Apud quos, ¹⁷⁾ glae-
bae macie internecante sementes, ruris colendi cura
est levior: sed vescuntur venatibus, quorum varie-
tate immane quantum exuberant. Ubi etiam tigri-
dum millia multa cernuntur, feraeque bestiae plu-
res: quae cuiusmodi solent capi commentis, dudum
51 nos meminimus retulisse. Nec ideo tamen stivam
ignorant, sed seminibus teguntur ¹⁸⁾ aliquae par-
tes, ubi solum est pinguius: nec arbuscula defunt in
locis habilibus ad plantandum, et marinis mercibus
52 plerique sustentantur. Hic amnes duo pervulgati
sunt nominis, Oxus et Maxera, quos urgente inedia
superantes natatu aliquoties tigres, improvisae fini-
tima populantur. Habent etiam civitates inter mi-
nora municipia validas, duas quidem maritimas,
Socunda et Saramanna: mediterraneas alias,
Azmornam et Solen, et his nobiliorem Hyrcanam.
53 Contra hanc gentem sub Aquilone dicuntur Abii
versari, genus piissimum, calcare cuncta mortalia
consuetum: quos (ut Homerus fabulosius canit) Iu-
piter ab Idaeis montibus contuetur.
54 Sedes vicinas post Hyrcanos sortiti sunt Margia-
ni, omnes paene collibus altis undique circum-
saepi, ideo a mari discreti. Et quamquam plera-
que sunt ibi deserta aquarum ¹⁹⁾ paenuria, quaedam
tamen habent oppida: sed Iasonion, et Antiochia,
et Nisea, sunt aliis notiora.
55 Proximos his limites possident Bactriani, natio
antehac bellatrix et potentissima, Persisque semper
infesta, antequam circumfisos populos omnes ²⁰⁾ ad
ditionem gentilitatemque traherent nominis sui:
quam rexere veteribus saeculis etiam Arsaci formi-

17) Ms. glebae macie intermicantes ementes. 18) Ms. talique parte. 19) Ms. penuria soli quaedam, sed. 20) Steph. ad de-
ditionem.

dabiles reges. Eius pleraeque partes, ita ut Mar-56
 giana, procul a littoribus sunt disparatae, sed humi-
 gignentium fertiles: et pecus, quod illic per cam-
 pestria loca vascitur et montana, membris est magnis
 compactum et validis: ut indicio sunt cameli a Mi-
 thridate exinde perducti, et primitus in obsidione
 Cyzicena visi Romanis. Gentes iisdem Bactrianis 57
 obediunt plures, quas exsuperant Tochari: et ad
 Italiae speciem crebris fluminibus inundantur: e
 quibus Artemis et Zariaspes ante sibi confociati,
 iidemque Ochus et ²¹⁾ Orchomanes iuncti convenis
 aquis augent immania Oxi fluentia. Sunt et hic ci- 58
 vitates, quas amnes diversi perstringunt, his ceden-
 tes ut melioribus, Chatra, et Charte, et Alicodra,
 et Astacia, et Menapila, et Bactra ipsa, unde re-
 gnum et vocabulum nationis est institutum.

Sub imis montium pedibus, quos adpellant 59
 Sogdios, inter quos amnes duo fluunt navium ca-
 pacissimi, Araxates et Dymas, qui per iuga valles-
 que praecipites in campestem planitiem decurren-
 tes, Oxiam nomine paludem efficiunt longe lateque
 diffusam. Hic inter alia oppida celebrantur Ale-
 xandria, et Cyreschata, et Drepsa metropolis.

His contigui sunt Sacae, natio fera, squalen- 60
 tia incolens loca, solo pecori fructuosa, ideo nec
 civitatibus culta: cui Ascanimia mons imminet, et
 Comedus. Praeter quorum radices, et vicum,
 quem Lithinon pyrgon adpellant, iter longissimum
 patet mercatoribus pervium, ad Seras subinde com-
 meatibus.

Circa defectus et crepidines montium, quos 61
 Imavos et Tapurios vocant, ²²⁾ Scythae sunt intra
 Persicos fines, ²³⁾ Asianis contermini Sarmatis, Ala-
 norumque latus tangentes extremum. Qui velut

²¹⁾ *al.* Orgomanes. ²²⁾ *Ms.* Scythae sunt aura intra. ²³⁾ *al.*
 Asanae.

agentes quodam in secessu, coalitique solitudine, per intervalla dispersi sunt longa, adsueta victu vili
 62 et paupertino. Et gentes quidem variae hos incolunt tractus, quas nunc recensere alio properans superfluum puto. Illud tamen sciendum est, inter has nationes paene ob asperitatem nimiam inacces-
 sas, homines esse quosdam mites et pios; ut Iaxartae sunt et Galactophagi, quorum meminit vates Homerus in hoc versu:

Γλακτοφάγων Ἀβίων τε δικάιστάτων ἀνθρώπων.

63 Inter flumina vero multa, quae per has terras vel potioribus iungit natura, vel lapsu post trahit in mare, Roemnus celebris est, et Iaxartes, et Talicus. Civitates autem non nisi tres solas habere noscuntur, Alpabota, et Chauriana, et Saga.

64 Ultra haec utriusque Scythiae loca, contra orientalem plagam in orbis speciem confertae celtorum aggerum summitates ambiunt Seras, ubertate regionum et amplitudine circumspectos: ab occidentali latere Scythis adnexos: a septemtrione et orientali, nivosae solitudini cohaerentes: qua meridiem spectant, adusque Indiam porrectos et Gangem. Adpellantur autem ibidem montes, ²⁴⁾ Anniva, et Nazavicium, et Asmira, et Emodon, et

65 Opurocarra. Hanc itaque planitiem undique prona declivitate praeruptam, terrasque lato situ distentas, duo famosi nominis flumina, Oechardes et ²⁵⁾ Bautis lentiore meatu percurrunt. Et dispar est tractuum diversorum ingenium: hic patulum, alibi molli devexitate subductum: ideoque satietate fru-

66 gum, et pecoribus, et arbuſtis exuberat. Incolunt autem fecundissimam glaebam variae gentes, e quibus Alitrophagi, et Annibi, et Sizyges, et Chardi Aquilonibus obiecti sunt et pruinis. Exor-

tum

²⁴⁾ Mf. Anniva. ²⁵⁾ Mf. Bautis.

tum vero solis suspiciunt Rabannae, et Asmirae, et
 Essedones omnium splendidissimi: quibus ²⁶⁾ Athago-
 rae ab occidentali parte cohaerent, et ²⁷⁾ Aspaca-
 rae: Betae vero australi celsitudine montium ²⁸⁾ in-
 clinati. Urbibus licet non multis, magnis tamen
 celebrantur et opulentis: inter quas maximae Asmi-
 ra, et Essedon, et Asparata, et Sera, nitidae sunt
 et notissimae. Agunt autem ipsi quietius Seres, ⁶⁷
 armorum semper et proeliorum expertes: utque
 hominibus sedatis et placidis otium est voluptabile,
 nulli finitimorum molesti. Caeli apud eos incunda
 salubrisque temperies, aëris facies munda, lenium-
 que ventorum commodissimus flatus: et abunde
 silvae sublucidae: a quibus arborum fetus aquarum
 adsperginibus crebris, velut quaedam vellera mo-
 lientes, ex lanugine et liquore mistam subtilitatem
 tenerrimam pectunt: nentesque ²⁹⁾ subtemina, con-
 ficiunt sericum, ad usus antehac nobilium, nunc
 etiam infimorum sine ulla discretione proficiens.
 Ipsi praeter alios frugalissimi, pacatoris vitae culto- ⁶⁸
 res, vitantes reliquorum mortalium coetus. Cum-
 que ad coëmenda fila, vel quaedam alia fluvium
 transierint advenae, nulla sermonum vice, propo-
 sitarum rerum pretia solis oculis aestimantur: et ita
 sunt abstinentes, ut apud se tradentes gignentia,
 nihil ipsi comparent ³⁰⁾ adventicium.

³¹⁾ Ariani vivunt post Seras, Boreae obnoxii fla- ⁶⁹
 tibus: quorum terras amnis vehendis sufficiens na-
 vibus, Arias perfluit nomine, faciens lacum ingeu-
 tem eodem vocabulo dictitatum. Abundat autem
 haec eadem Aria oppidis: inter quae sunt ³²⁾ cele-
 bria, ³³⁾ Bitaxa Sarmatina, et Sotera, et Nisibis,
 et Alexandria, unde naviganti ad Caspium mare
 quingenta stadia numerantur et mille.

26) Ms. Athagorae. 27) Ms. Aspatharæ beatae. 28) Ms. incli-
 nati. 29) *al.* subtegmina. 30) *al.* advectitium. 31) Ms. Afriani.
 32) *al.* celebres. 33) Ms. Bitaxas armotina.

- 70 His locis Paropanifatae sunt proximi, Indos ab oriente, Caucasumque ab occidentali latere prospectantes, ipsi quoque montium defectibus ³⁴⁾ inclinati: quos residuis omnibus maior Ortogordomaris interluit fluvius, a Bactrianis exurgens. Habent autem etiam civitates aliquas; quibus clariores sunt Agazaca, et Naulibus, et ³⁵⁾ Ortopana, unde littorea navigatio adusque Mediae fines, portis proximos Caspiis, stadiorum sunt duo millia et ducenta.
- 71 Antedictis ³⁶⁾ continui sunt Drangiani collibus cohaerentes, quos flumen alluit Arabium nomine ideo adpellatum, quod inde exoritur, interque alia duobus municipiis exsultantes Prophthasia et Ariaspae, ut opulentis et claris.
- 72 Post quos ³⁷⁾ exadversum Arachofia visitur, dextrum vergens in latus Indis obiecta, quam ab Indo fluviorum maximo, unde regiones cognominatae sunt, amnis multo minor exoriens aquarum alluit amplitudine, efficitque paludem Arachotoscrenem ³⁸⁾ adpellatam. Hic quoque civitates sunt inter alias ³⁹⁾ utiles, Alexandria, et Arbaca, et Choaspa.
- 73 At in penitissima parte Perfidos ⁴⁰⁾ Gedrosia est, dextra terminos contingens Indorum, inter minores alios Artabio uberior flumine: ubi montes deficiunt Barbitani, quorum ex pedibus imis emergentes alii fluyii Indo miscentur, amittentes nomina magnitudine potioris. Civitates autem etiam hic sunt: inter civitates praeter insulas Sedratyra, et Gynaekon limen meliores residuis aestimantur.
- 74 Ne igitur orae maritimae spatia alluentia Perfidis extremitates per minutias demonstrantes, a proposito longius aberremus, id sufficiet dici: quod mare praetentum a Caspiis montibus per boreum latus

34) Ms. inclinati. 35) *al.* Orthospata. 36) Ms. continui. 37) exadversum. 38) Ms. appellat. 39) Ms. utiles. 40) Ms. Gerolia.

adusque memoratas angustias, novem millium stadiorum; Australe vero ab ostiis Nili fluminis adusque principia Carmanorum, quatuordecim millium stadiorum numero definitur.

Per has nationes dissonas et multiplices, hominum quoque diversitates sunt ut locorum. Sed ut generaliter corpora describamus et mores, graciles paene sunt omnes, subnigri vel livido colore palentes, caprinis oculis torvi, et superciliis in semiorbium speciem curvatis iunctisque, ⁴¹⁾ non indecoribus barbis, capillisque ⁴²⁾ promissis hirsuti: omnes tamen promiscue, vel inter epulas festosque dies, gladiis cincti cernuntur. Quem Graecorum veterum morem abiecissemus primos Athenienses, Thucydides est auctor amplissimus. Effusius plerique ⁴³⁾ soluti in Venerem, aegreque contenti multitudine pellicum: puerilium stuprorum expertes: pro opibus quisque adsciscens matrimonia plura vel pauca. Unde apud eos per libidines varias caritas dispersa torpescit. Munditias conviviorum et luxum, maximeque potandi aviditatem vitantes, ut luem. Nec apud eos extra regales mensas hora est praestituta prandendi, sed venter unicuique velut solarium est, eoque monente, quod inciderit, editur: nec quisquam post satietatem superfluos sibi ingerit cibos. Immane, quantum restricti et cauti, ut inter hostiles hortos gradientes nonnumquam et vineta, nec cupiant aliquid, nec contingant, venenorum et secretarum artium metu. Super his nec stando mingens, nec ad requisita naturae secedens facile visitur Persa: ita observantius haec aliaque pudenda declinant. Adeo autem dissoluti sunt, et artuum laxitate vagoque incessu se iactitantes, ut effemina-

Y 2

⁴¹⁾ Mf. indecoribus barbis. ⁴²⁾ al. prolixis. ⁴³⁾ al. soliti solvi in venerem.

tos existimes, cum sint acerrimi bellatores: sed magis artifices, quam fortes, eminusque terribiles: abundantes inanibus verbis, insanumque loquentes et ferum: magnidici, et graves, ac taetri, minaces iuxta in adversis rebus et prosperis, callidi, superbi, crudeles vitae necisque potestatem in servos et plebeios vindicantes obscuros. Cutes vivis hominibus detrahunt particulatim vel solidas: nec ministranti apud eos famulo mensaeque adstanti hiscere vel loqui licet, vel sperare: ita ⁴⁴⁾ prostratis pellibus
 81 labra omnium vinciuntur. Leges apud eos impendio formidatae: inter quas diritate exsuperant latae contra ingratos, et desertores: et abominandae aliae, per quas ob noxam unius omnis propinquitas
 82 perit. Ad iudicandum autem usu rerum spectati, destinantur et integri, parum alienis consiliis indigentes: unde nostram consuetudinem rident, quae interdum facundos, iurisque publici peritissimos post indoctorum collocat terga. Nam quod superfidere corio damnati ob iniquitatem iudicis iudex alius cogebatur, aut finxit vetustas, aut olim recepta
 83 consuetudo cessavit. Militari cultu ac disciplina, proludiisque continuis rei castrensis et armaturae, quam saepe formavimus, metuendi vel exercitibus maximis: equitatus virtute confisi, ubi defudat nobilitas omnis et splendor. Pedites enim in speciem mirmillonum contecti, iussa faciunt ut calones. Sequiturque semper haec turba tamquam addicta perenni servitio, nec stipendiis aliquando fulta nec donis. Et gentes plurimas, praeter eas, quas abunde perdomuit, sub iugum haec patio miserat, ita audax et ad pulveres Martios erudita, ni bellis
 84 civilibus externisque assidue vexarentur. Indumentis plerique eorum ita operiuntur lumine colorum fulgentibus vario, ut, licet sinus lateraque

44) Ita *Mf.* et *Steph.* *al.* rostratis pellibus.

diffuta relinquunt flatibus agitari ventorum, inter calceos tamen et verticem nihil videatur intectum. Armillis uti monilibusque aureis, et gemmis, praecipue margaritis, quibus abundant, adsuefacti post Lydiam victam, et Croesum.

Reflat, ut super ortu lapidis huius pauca suc- 85
cinctius explicentur. Apud Indos et Perlas margaritae reperiuntur in testis marinis robustis et candidis, permissione roris anni tempore praestituto conceptae. Cupientes enim velut coitum quemdam, humores ex lunari adspergine capiunt densius oscit-
tando. Exindeque ⁴⁵⁾ gravidulae edunt minutas binas, aut ternas, vel ⁴⁶⁾ uniones ideo sic adpellatas, quod evisceratae conchulae singulas aliquoties pariunt, sed maiores. Idque indicium est aetherea 86
potius derivatione, quam saginis pelagi hos oriri fetus et vesci: quod guttae matutini roris iisdem infusae claros efficiunt lapillos et teretes: vespertini vero flexuosos contra, et rutilos, et maculosos interdum. Minima autem vel magna pro qualitate haustum figurantur casibus variatis. Concussae vero saepissime metu fulgurum inanescunt, aut debilia pariunt, aut certe vitiis diffluunt abortivis. Capturas autem difficiles et periculosas, et ampli- 87
tudines pretiorum illa efficit ratio, quod frequentari sueta littora propter piscantium insidias declinantes, ut quidam coniiciunt, circa devios scopulos et marinorum canum receptacula delitescunt. Quod 88
genus gemmae etiam in Britannici secessibus maris gigni legique, licet dignitate dispari, non ignoramus.

45) Ms. gravidulae. 46) al. uniones sic appellatas, quod eius terrae conchulae.

AMMIANI MARCELLINI RERUM GESTARUM

LIBER XXIV.

Julianus cum exercitu Assyriam ingreditur, et Anathan castellum ad Euphratem in fidem recipit, ac incendit. C. I. Imperator castellis et oppidis aliis intentatis, aliis, quae deserta erant, incensis, Pirisaboram in deditiorem accipit succenditque. II. Iulianus A. ob rem bene gestam centenos viritim denarios militibus promittit, et exiguum donativum dedignantibus, modesta oratione ad sanitatem revocat. III. Oppidum Maozamacha expugnatum a Romanis atque excisum. IV. Munitionissimum situ et opere castellum expugnant Romani ac incendunt. V. Persarum duobus millibus et quingentis interfectis, et vix LXX. suorum amissis, Iulianus multos coronis pro concione donat. VI. Imperator a Ctesiphontis obsidione deterritus, cunctas naves suas temere iubet exuri, et a flumine recedit. VII. Imperator cum iam nec pontes facere, nec parti copiarum suarum posset adiungi, per Corduencam reverti statuit. VIII.

Post exploratam alacritatem exercitus, uno parique ardore ¹⁾ impetrabilem Principem superari non ²⁾ posse, Deum usitato clamore testati, Iulianus summae rei finem imponendum maturius credens, extracta quiete nocturna, itinerarium sonare lituos iubet: praestructisque omnibus, quae difficultates arduae belli poscebant, candente iam luce Assyrios

1) *al.* impenetrabilem. 2) posse, Deum usitato clam.

fines ingressus, celso praeter alios spiritu obequitans ordinibus, aemulatione sui cunctos ad officia fortitudinis incendebat. Utque ductor usu et docilitate firmatus, metuens, ne per locorum insolentiam insidiis caperetur occultis, agminibus incedere quadratis exorsus est. Excursatores quidem quingentos et mille sensim praeire disposuit, qui cautius gradientes ex utroque latere, itidemque a fronte, ne quis repentinus irrueret, prospectabant. Ipse vero medios pedites regens, quod erat totius roboris firmamentum, dextra legiones aliquas cum Nevita supercilia fluminis ³⁾ praestringere iussit Euphratis. Cornu vero laevum cum equitum copiis Arinthaëo tradidit et Hormisdæ, ducendum confertius per plana camporum et mollia. Agmina vero postrema Dagalaiphus cogebat et Victor, ultimusque omnium Osdruenæ dux Secundinus. Deinde ut ³ hostibus, si erupissent usquam, vel conspiciantibus procul, timorem multitudinis maioris incuteret, laxatis cuneis iumenta dilatavit et homines, ut decimo paene lapide postremi dispararentur a signiferis primis: quod arte mira saepe fecisse Pyrrhus ille rex dicitur Epirotes, opportunis in locis castrametandi, armorumque speciem diffundendi ex industria, vel attenuandi perquam scientissimus, ut, ubi usu venisset, plures aestimarentur, aut pauci.

Sarcinas vero et calones et adparitionem imbel- ⁴ lem, impedimentorumque genus omne inter utrumque latus instituit procedentium ordinatim, ne qua vi subita raperentur, ut saepe contigit, improtecta. Classis autem licet per flumen ferebatur adfiduis flexibus tortuosum, nec residere, nec praecurrere sinebatur.

Emenso itaque itinere bidui prope civitatem ve- ⁵ nimus Duram desertam, marginibus amnis imposi-

3) Ms. praestringere.

tam. In quo loco greges cervorum plures inventi sunt, quorum alii confixi missilibus, alii ponderibus ⁴⁾ elisi remorum, ad satietatem omnes pervenerunt: pars maxima natatu adfucta veloci alveo penetrato, incohibibili cursu evasit ad solitudines notas.

- 6 Exin dierum quatuor itinere levi peracto, vespere incedente cum expeditis mille impositis navibus, Lucillianus Comes imperio principis mittitur Anathan munimentum expugnaturus: quod ut pleraque alia circumluitur fluentis Euphratis. Et navibus, ut praeceptum est, per opportuna dispersis, obsidebatur insula, nebulosa nocte obumbrante impetum clandestinum. Sed postquam advenit lux certa, aquatum quidam egressus, visis subito hostibus ululabili clamore sublato, excitos tumultuosis vocibus propugnatores armavit. Et mox specula quadam altissima explorato situ castrorum, quam ocissime cum duarum praesidio navium amnem supermeat Imperator, pone sequentibus navigiis multis, quae obsidionales machinas advehebant. Iamque muris propinquans, cum non absque discriminibus multis consideraret esse certandum, sermone cum leni, tum aspero et minaci hortabatur ad deditionem defensores: qui ad colloquium petito Hormisda, promissis eius et iuramentis illecti, multa sibi de lenitudine Romana spondebant. Denique prae se bovem coronatum agentes, quod est apud eos susceptae pacis indicium, descendere suppliciter: et statim munimento omni incenso, Pulaeus eius praefectus, dux Aegypti postea, honore tribunatus adfectus est. Reliqui vero cum caritatibus suis et supellectile, ⁵⁾ humaniore cultu ad Syriacam civitatem Chalcida transmissi sunt. Inter hos miles quidam, cum Maximianus perrupisset quondam Persicos fines, in his locis aeger relictus, prima
- 7
8
9
10

4) Ms. infcrarum. 5) Ms. humaniore.

etiam tum lanugine iuvenis, ut aiebat, uxores fortitus gentis ritu complures, cum numerosa subole tunc senex incurvus, exultans proditionisque auctor ducebatur ad nostra, testibus adfirmans, et praescisse se olim, et praedixisse, quod centenarium contiguus sepeliatur in solo Romano. Post quae Saraceni procuratores quosdam partis hostium obtulere laetissimo Principi, ⁶⁾ et munerati ad agenda similia sunt remissi.

Acciderat aliud postridie dirum. Ventorum ¹¹ enim turbo exortus, pluresque vertigines concitans, ita confuderat omnia tecta, ut tabernacula multa ⁷⁾ conscinderentur, et supini plerique milites sternerentur vel proni, ⁸⁾ spiritu stabilitatem vestigii subvertente. Nec minus eodem die aliud periculosum evenit. Amne enim repente ⁹⁾ extra margines evagato, mersae sunt quaedam frumentariae naves, cataractis avulsis, ad ¹⁰⁾ defundendas reprimendasque aquas rigare suctas opere saxeo structis: quod ntrum per insidias, an magnitudine acciderit fluentorum, sciri non potuit.

Post perruptam incensamque urbem omnium ¹² primam, et captivos transmissos, certiore iam spe proventus exercitus ad fiduciam, elatis vocibus in favores Principis consurgebat, adfore sibi etiam deinde caelestem existimans curam.

Et quia per regiones ignotas de obscuris erat ¹³ suspectior cura, ¹¹⁾ astus gentis et ludificandi varietas timebatur. Ideoque Imperator nunc antesignanus, nunc agminibus cogendis insistens cum expeditis velitibus, ne quid lateret abstrusum, frutecta squalida vallesque scrutabatur: licentiores militum per longinqua discursus adfabilitate nativa prohibendo vel minis. Hostiles tamen agros omni fru- ¹⁴

6) Ms. et minerat ad agenda. 7) Ms. conscinderentur. 8) Ms. dispiritu. 9) Steph. circa. 10) Ms. defundendas. 11) al. actus.

gum genere divites cum segetibus et tuguriis inflam-
mari permisit ita demum, cum usui necessaria abun-
de sibi quisque collegisset: et hoc modo sauciaba-
tur salus hostium nesciorum. Bellatores enim li-
benter quaesitis dextris propriis utebantur, alia vir-
tutis suae horrea reperisse existimantes, et laeti,
quod vitae quoque subsidiis adfluentes, alimenta
servabant quae navigiis vehebantur. Hic vino gra-
vis quidam temerarius miles, ad ulteriorem ripam
nullo urgente transgressus, in conspectu nostro ¹²⁾ ab
hostibus captus, occisus est.

II. Quibus tali casu patrat, ad castra perveni-
mus nomine Thilutha, in medio fluminis sita, lo-
cum immenso quodam vertice tumescentem, et po-
testate naturae velut manu circumsaeptum humana:
cuius ad deditionem incolae tentati mollius, ut de-
cebat, quoniam asperitas edita vim superabat armo-
rum, intempestivam tunc defectionem esse firma-
bant. Sed hactenus responderunt, cum interiora
occupaverint protinus gradientes Romani, se quo-
que, utpote regnorum sequelas, victoribus accessu-
ros. Et post haec praetermeantes ipsa moenia na-
ves nostras cum yerecundia quiete spectabant immo-
biles. Quo transito, cum ad munimentum aliud
Achaiachala nomine venissemus, fluminis circum-
tione vallatum, arduumque transcensu, ¹⁾ refutati
pari responso discessimus. Alia postridie castra ob
muros invalidos derelicta, praetereuntur incensa.
²⁾ Postera igitur et insequenti die stadiis ducentis
cmenfis, ventum est ad locum ³⁾ Paraxmalcha. Un-
de amne transito, milliario septimo disparata Dia-
cira invaditur civitas, habitatoribus vacua, frumen-
to et salibus nitidis plena, in qua templum alti cul-
minis arci vidimus superpositum: qua incensa, cae-

¹²⁾ Mf. ab hominibus. ¹⁾ *al.* confutati. ²⁾ Mf. Postera igitur.
³⁾ Mf. Baraxmalcha.

sisque mulieribus paucis, quae repertae sunt, trajecto
 fonte scatenti bitumine, Ozogardana occupavimus
 oppidum, quod formidine advenientis exercitus
 itidem deseruere cultores: in quo principis Traiani
 tribunal ostendebatur. Hac quoque exusta, biduo 4
 ad refectionem corporum dato, prope extremum
 noctis, quae secundum diem sequuta est, Surena
 post regem apud Persas promeritae dignitatis, et
 Malechus Podofaces nomine, Phylarchus Saraceno-
 rum Assanitarum, famosi nominis latro, omni sae-
 vitia per nostros limites diu grassatus, structis Hor-
 misdae infidiis, quem ad speculandum exiturum in-
 certum unde praesenserant, ideo sunt tentamento
 frustrati, quod angusta fluminis interluvies et prae-
 alta transiri vado non potuit. Et primo lucis exor- 5
 dio, cum essent hostes iam in contuitu, visi tunc
 primitus corusci galeis, et horrentes indutibus 4) ri-
 gidis: milites in procinctum impetu veloci tenden-
 tes, eos involavere fortissime. Et quamvis arcus
 validis viribus flecterentur, et splendor ferri inter-
 micans Romanorum metum augeret: ira tamen
 acuente virtutem, clypeorum densitate contexti, ne
 possent emittere, coegerunt. Animatus his vin- 6
 cendi primitiis miles, ad vicum Macepracta perve-
 nit, in quo semiruta 5) murorum vestigia videban-
 tur: qui priscis temporibus in spatia longa protenti,
 6) tueri ab externis incurfibus Assyriam dicebantur.
 Hinc pars fluminis scinditur largis aquarum agmini- 7
 bus, ducens ad tractus Babylonios interiores, usui
 agris futura et civitatibus circumiectis: alia Naha-
 malcha nomine, quod *fluvius regum* interpretatur,
 Ctesiphonta praetermeat: cuius in exordio turris in
 modum Phari celsior surgit: hanc peditatus omnis
 pontibus caute digestis transivit. Equites vero cum 8
 iumentis armati clementiores gurgites fluminis obli-

4) Mf. rerigidis. 5) al. muri. 6) Mf. tueri.

quati transnarunt: alii multitudine subita petiti telorum hostilium, quos egressi auxiliares ad cursuram levissimi, fugientiumque cervicibus insistentes, laniatu avium prostraverunt.

- 9 Quo negotio itidem gloriose perfecto, ad civitatem Pirisaboram ventum est, amplam et populosam, ambitu insulari circumvallatam. Cuius obsequitans moenia Imperator et situm, obsidium omni cautela coeptabat, quasi sola formidine oppidanos a propugnandi studio submoturus. Quibus per colloquia saepe tentatis, cum nec promissis ququam flecteretur nec minis, suscipitur oppugnandi exordium: et armatorum triplici corrua circumdatis muris, die primo adusque noctis initium missilibus certabatur. Tum defensores animo praestantes et viribus, per propugnacula ciliciis undique laxius passis, quae telorum impetus cohiberent, obtecti scutis vimine firmissimo textis, et crudorum tergorum densitate vestitis, validissime resistebant, ferrea nimirum facie omni: quia laminae singulis membrorum liniamentis cohaerenter aptatae, fido operimento totam hominis speciem contegebant. Et aliquoties Hormisdæ et indigenae et regalis colloquia petentes obnixæ, propinquantem probris atque conviciis ut male fidum incessabant et desertorem: 7) hac lenta cavillatione diei maxima parte exempta, tenebrarum silentio primo multiformes admotæ sunt machinae, coeptaque altitudo complanari fossarum. Quae vixdum ambigua luce defensores 8) intentius contemplati, eo accedente, quod angularem turrin ictus foravit arietis violentior, relictis civitatis duplicibus muris, continentem occupant arcem, asperi montis interrupta planitie superpositam: cuius medietas in sublime consurgens, tereti ambitu Argolici scuti speciem ostendebat, nisi

7) *al. ac.* 8) *al. intente.*

quod a septentrione id, quod rotunditati deerat, in Euphratis fluentia proiectae cautes eminentius tuebantur: in qua excelebant minae murorum, bitumine et coctilibus laterculis fabricatae, quo aedificii genere nihil esse tutius constat. Iamque ferocior miles pervasa urbe, quam viderat vacuum, adversus oppidanos ab arce multimoda tela fundentes acri contentione pugnabat. Cum enim iidem prohibitores catapultis nostrorum urgerentur atque ballistis: ipsi quoque ex edito arcus erigebant fortiter tensos: quibus panda utrimque surgentia cornua ita lentius flectebantur, ut nervi digitorum acti pulvis violentis arundines ferratas emitterent, quae corporibus illis, contrariis letaliter figebantur. Dimicabatur nihilominus utrobique saxorum manualium nimbis: et neutrobi inclinato momento, proelium atrox a lucis ortu ad initium noctis destinatione magna protractum, pari sorte diremptum est. Proinde die sequuto cum certaretur asperissime, multique funderentur altrinfecus, et ⁹⁾ aequae vires gesta librent: Imperator omnes aleae casus inter mutuas clades experiri festinans, cuneatim stipatus, densatisque clypeis ab ictu sagittarum defensus, veloci saltu comitantibus promptis prope portam venit hostilem, crasso ferro crustatam. Et licet saxis et glande caeterisque telis cum periculo salutis premeretur, fodicare tamen paratos valvarum latera, ut aditum patefacerent, vocibus increpans crebris, non ante discellit, quam telorum congerie, quae superiaciebantur, se iam cerneret obruendum. Evasis cum omnibus tamen, paucis levius vulneratis, ipse innoxius, verecundo rubore suffusus. Legerat enim Aemilianum Scipionem, cum historiarum conditore Polybio, Megalopolitano Arcade, et ¹⁰⁾ triginta militibus, portam Carthagini impetu

9) Mf. aequi mores. 10) Fulg. triginta millibus.

simili subfodisse. Sed fides recepta scriptorum ve-
 17 terum recens factum defendit. Aemilianus enim
 testudine lapidea ¹¹⁾ tectam successerat portam, sub
 qua tutus et latens, dum moles saxneas detegunt ho-
 stes, urbem nudatam irrupit: Iulianus vero locum
 patentem ¹²⁾ adgressus, obumbrata caeli facie
 fragmentis montium et missilibus, aegre repulsus
 abscessit.

18 His raptim ac tumultuarie agitis, cum opero-
 sitas vinearum et aggerum impeditissima a caeteris
 urgentibus cerneretur: machinam, quae cognomi-
 natur Helepolis, iussit expeditius fabricari: qua,
 ut supra docuimus, ¹³⁾ rex usus Demetrius, supera-
 19 tis oppidis pluribus Poliorcetes adpellatus est. Ad
 hanc molem ingentem, superaturam cellarum tur-
 rium minas, prohibitores oculorum aciem intentius
 conferentes, itidemque instantiam obsidentium
 perpensantes, subito vertuntur ad preces: circum-
 fusque per turres ac moenium minas, et fidem Ro-
 manam panfis manibus protestantes, vitam cum ve-
 20 nia postulabant. Cumque cessasse ¹⁴⁾ opera, et mu-
 nitores nihil tentare viderent ulterius, quod quietis
 erat indicium certum: copiam sibi dari conferendi
 21 sermonis cum Hormisda poscebant. Hocque im-
 petrato, Mamerfides praesidiorum praefectus de-
 missus per funem, ¹⁵⁾ ductusque ad Imperatorem,
 ut obsecravit, vita cum impunitate sibi confortibus-
 que suis firmiter pacta, redire permissus est. Ge-
 stisque nuntiatis, plebs omnis utriusque sexus ad
 sententiam suam cunctis acceptis, pace foederata
 cum religionum consecrationibus fidis, patefactis
 egreditur portis, salutarem genium adfuisse sibi
 22 clamitans Caesarem magnum et lenem. Numerata
 sunt autem dediticiorum duo millia et quingenti:

11) *al.* tectus. 12) *al.* ingressus. 13) *Mf.* est usus Demetr.
 14) *Mf.* operam et venitores. 15) *al.* deductusque.

nam caetera multitudo obsidium ante suspectans, navigiis parvis permeato amne discessit. In hac arce armorum alimentorumque copia reperta est maxima: unde necessariis sumptis, reliqua cum loco ipso exussere victores.

III. Postera die, quam haec acta erant, perfertur ad Imperatorem cibos per otium capientem nuntius gravis, Surenam Persicum ducem procuratorum partis nostrae tres turmas inopinum adgressum, paucissimos trucidasse: inter quos strato tribuno unum rapuisse vexillum. Statimque concitus ira immani, cum armigera manu festinatione ipsa tutissimus pervolavit: et grassatoribus foeda consternatione depulsis, residuos duos tribunos sacramento solvit ut desides et ignavos: deoem vero milites ex his, qui fugerant, exauctoratos capitali addixit supplicio, sequutus veteres leges.

Incensa denique urbe, ut memoratum est, constructo tribunali insistens, actis gratiis exercitui convocato, cunctos ad paria facienda deinceps hortabatur: et argenteos nummos centenos viritim pollicitus, cum eos parvitate promissi percitos tumultuari sensisset, ad indignationem plenam gravitatis erectus:

En, inquit, Persae circumfluentes rerum omnium copiis: ditare vos poterit opimitas gentis, si unum spirantibus animis fortiter fecerimus. Ex immensis opibus egentissima est tandem, credite, Romana respublica per eos, qui, ut augerent divitias, docuerunt Principes auro quiete a barbaris redempta redire. Impetitum aerarium est, urbes exinanitae, populatae provinciae: mihi nec facultates, nec propinquitas generis suppetit, quamvis ortu sim nobilis, praeter pectus omni liberum metu: nec pudebit Imperatorem cuncta bona in animi cultu po-

1) Mf. quietem a barbaris redemptam.

nentem; profiteri paupertatem honestam. Nam et Fabricii familiari re pauperes rexere bella gravissi-
 6 *ma, gloria locupletes. Haec vobis cuncta poterunt*
abundare, si imperterriti, Deo meque, quantum
humana ratio patitur, caute ductante mitius egeri-
tis: sin resistitis ad seditionum revoluti dedecora pri-
 7 *stinarum, pergite. Ut imperatorem decet, ego*
solus confecto tantorum munerum cursu moriar stan-
do, contempturus animam, quam mihi febricula
eripiet una. Aut certe discedam, nec enim ita vixi,
ut non possim aliquando esse privatus. Praeque me
fero et laetor, ductores spectatissimos esse nobiscum,
perfectos bellicarum omni genere doctrinarum.

8 *Hac modesta Imperatoris oratione, inter secunda*
et aspera ²⁾ medii, miles pro tempore delenitus,
adsumpta cum meliorum expectatione fiducia, re-
gibilem [se fore pollicitus et morigerum, cuncto-
rum adspirante consensu] auctoritatem eius sublimi-
tatemque cordis extollebat in caelum: quod, cum
vere atque ex animo dicitur, solet ³⁾ armorum cre-
 9 *pitu leni monstrari. Repetitis post haec tentoriis,*
pro copia rei praesentis victu se recreavit et quiete
nocturna. Animabat autem Iulianus exercitum,
cum non per caritates, sed per ⁴⁾ inchoatas nego-
tiorum magnitudines deieraret assidue: Sic sub iu-
gum mitteret Persas: ita quassatum recrearet orbem
Romanum: ut Traianus fertur aliquoties iurando
dicta ⁵⁾ consueisse firmare: Sic in provinciarum spe-
ciem reductam videam Daciam: sic pontibus Hi-
strum et ⁶⁾ Euphraten superem, et similia plurima.

10 *Post haec decursis millibus passuum quatuorde-*
cim, ad locum quemdam est ventum, arva aquis
abundantibus fecundantem: quo itinere nos ituros
 Persae

2) *al.* meante. 3) *al.* amor ex crepitu. 4) *Mf.* inchoatas nego-
 tiorum magnitudines. 5) *Mf.* consueisse. 6) *Mf.* Aufidum.

Perfae praedocti, sublatis cataractis undas evagari
fufius permiferunt. Itaque humo late stagnante, al-¹¹
tero die militi requie data, Imperator ipfe praegref-
fus, conſtratis ⁷⁾ ponticulis multis ex utribus, et
⁸⁾ coriaceis navibus, ⁹⁾ itidemque conſectis palma-
rum trabibus, exercitum non fine difficultate tra-
duxit.

In his regionibus agri ſunt plures conſiti vineis ¹²
varioque pomorum genere: ubi oriri arbores adſue-
tae palmarum, per ſpatia ampla adusque Meſenem
et mare pertinent magnum, inſtar ingentium nemo-
rum. Et quaqua inceſſerit quisquam, termites et
ſpadica cernit adſidua, quorum ex fructu mellis et vini
conſicitur abundantia: et maritari palmae ipſae dicun-
tur, ¹⁰⁾ facileque ſexus poſſe discerni. Additur etiam, ¹³
generare feminas ſeminibus illitas marium, feruntque
eas amore mutuo delectari: hocque inde clarere,
quod contra ſe ¹¹⁾ viciffim nutantes, ne turgidis qui-
dem flatibus avertuntur. Et ſi ex more femina ma-
ris non illita fuerit ſemine, abortus vitio fetus emit-
tit ¹²⁾ intempeſtivos. Et ſi qua femina, cuius ar-
boris amore percuſſa ſit, ignoretur, unguento ipſius
inſicitur truncus, et arbor alia naturaliter odoris
dulcedinem concipit: hisque indiſciis velut coeundi
quaedam proditur fides.

Qua cibi copia ſatur exercitus, plures praeter- ¹⁴
greſſus eſt inſulas: et ubi formidabatur inopia, ibi
timor ſaginae gravis inceſſit. Sagittariorum deni-
que hoſtilium impetu ¹³⁾ latenti tentatus, neque in-
ultus, prope locum venit, ubi pars maior Euphratis
in rivos ¹⁴⁾ dividitur multifidos.

IV. In hoc tractu civitas, ob muros humiles ab
incolis Iudaeis deſerta, iratorum manu militum con-

7) Mſ. periculis. 8) Mſ. procia navibus. 9) Mſ. itidemque.
10) Mſ. facilesque. 11) Steph. enixiſſime micantes. 12) Mſ. in-
tempeſtuosus. 13) Mſ. latenti. 14) Mſ. dividitur.

- flagravit. Quibus actis pergebat ulterius Imperator, placida ope numinis, ut arbitrabatur, erectior. Cumque Maogamalcha venisset, urbem magnam et validis circumdatam moenibus, tentoriis fixis providit sollicite, ne castra repentino equitatus Persici turbarentur accursu: cuius fortitudo in locis patentibus immane quantum gentibus est formidata.
- 3 Et hoc disposito, stipatus velitibus paucis, ipse quoque pedes civitatis situm diligenti inquisitione exploraturus, in perniciosas praecipitatus insidias, ex
- 4 ipso vitae discrimine tandem emerfit. Namque per latentem oppidi portam Persae decem armati degressi, imaque clivorum pervadentes poplitibus subsidendo, repentino impetu nostros adgressi sunt. E quibus duo conspectiorem habitu Principem gladiis petiere districtis: sed occurrit ictibus erectum altius scutum: quo contactus magna elataque fiducia unius lateri ferrum infixit: alterum stipatores multiplicatis ictibus occiderunt. Residuis, e quibus vulnerati sunt aliqui, disiectis in fugam, spoliatisque ambobus, reducens incolumes socios cum exuviis remeavit ad castra, omnium laetitia magna
- 5 susceptus. Sustulit in hoste prostrato aureum colli monile Torquatus: fudit confidentissimum Gallum alitis propugnatione Valerius, postea cognomento Corvinus: hacque gloria posteritati sunt commendati: non invidemus: accedat hoc quoque monumentis veteribus facinus pulchrum.
- 6 Constratis postridie pontibus, exercituque ¹⁾ trajecto, et metatis alibi salubrius castris vallo duplici circumductis, quoniam (ut diximus) timebantur solitudines planae, oppidi suscepit oblidium, periculosum fore existimans, si gradiens prorsus, a tergo relinqueret, quos timeret.

1) *al.* traiecto.

Haec dum magno molimine comparantur, Su- 7
 rena hostium dux iumenta adortus, quae in lucis
 palmaribus vescebantur, a cohortibus nostris repul-
 soriis cum paucorum exitio habitus frustra, disces-
 sit. Et duarum incolae civitatum, quas amnes am- 8
 plexi faciunt insulas, parva sui fiducia trepidi ad
 Ctesiphontis moenia se contulerunt: pars per silva-
 rum densa; alii per paludes vicinas alveis arborum
 cavatarum invecti, ad unicum auxilium et potissi-
 mum itineris longi, quod supererat, dilabuntur, ul-
 teriora petituri terrarum. E quibus resistentes ali- 9
 quos nostri milites trucidabant: ipsi quoque lintri-
 bus et cymbis per varia discurrentes, captivos alios
 subinde perducebant. Id enim erat librata ratione
 dispositum, ut, dum copiae pedestres muros op-
 pugnant, equestres turmae divisae per globos abigen-
 dis insisterent praedis: hocque proviso, nullo provin-
 cialium damno miles visceribus hostium pascebatur.

Iamque Imperator muris duplicibus oppidum, 10
 ordine circumdatum trino scutorum, spe patrandi
 incepti, maximis viribus oppugnabat. Sed ut erat
 necessarius adpetitus, ita effectum res difficillima:
 nam accessus undique rupibus anfractu celliore di-
 scissis, flexuosisque excessibus, ob periculum an-
 cepti adeundi copiam denegabat: maxime cum tur-
 res celebritate et altitudine formidandae, montem
 saxeam arcis naturaliter editum aequabant, et pro-
 clivis planities flumini imminens propugnaculorum
 firmitate muniebatur. Accedebat his haud levius 11
 malum, quod lecta manus et copiosa, quae obside-
 batur, nullis ad deditionem illecebris flectebatur,
 sed tamquam superatura vel devota cineribus patriae,
 resistebat adversis. Iam aegre retentabatur infe-
 rens se protervius miles, et pugnam vel aequo
 campo iustoque proelio poscens: cumque receptui
 caneretur, assidue animosis hostem urgendi conati-
 bus urebatur.

- 12 Vicit tamen nostrorum confilium contentionem virium maximam: divisisque operibus, officia quisque distributa capeffit ocissime. Hinc enim ardui suggestus erigebantur: inde fossarum altitudines alii complanabant: terrarum latibula concava oblongis tramitibus alibi struebantur: locabant etiam artifices tormenta muralia, in funestos sonitus proruptura.
- 13 Et cuniculos quidem cum vineis Nevita et Dagalaphus curabant: ineundis autem conflictibus, et defendendis ab incendio vel eruptionibus machinis praeerat Imperator.

Cumque adparatu omni exscindendae urbis labore multiplici consummato, pugna flagitaretur: 2) Victor nomine dux reversus est, adusque Ctesiphonta itineribus exploratis, nulla obstacula nuntians offendisse. Quo efferati gaudio milites omnes, elatique firmioribus animis ad certandum, signum opperiebantur armati.

- 14
- 15 Iamque clangore Martio sonantibus tubis strepebant utrimque partes: et primi Romani hostem undique laminis ferreis in modum tenuis 3) plumae consaeptum, fidentemque, quod tela rigentis ferri lapsibus impacta resiliebant, crebris procurvationibus et minaci murmure lacebabant: nonnumquam compage scutorum, qua velut testudine infigurabili fornicum operiebantur aptissime, assiduis motibus laxius dehiscente. Contra Persae muris obstinatius adhaerentes, quantum facere nitique poterant, eludere et frustrari exitiales impetus conabantur.
- 16 Verum ubi vimineas crates prae se ferentes oppugnatores iam moenia perurgerent, cum sagittariis funditores, alii quinetiam saxa volventes ingentia, cum facibus et malleolis eos longius propulabant: tum aptatae ligneis sagittis ballistae flexu stridoreque torquebantur, creberrima spicula funditan-

2) τὸ nomine deest al. 3) Ms. plumae conceptum.

tes, et scorpiones, quocumque manus peritae duxissent, rotundos lapides evibrabant. Iterum deinde 17 ac saepe geminatis congressibus, aestus in meridiem crescens, effervescente vaporatus sole, adparatu operum et studio proeliandi intentos cunctos, revocaverat fatigatos ⁴⁾ et sudore perfusos.

Eodem mentis proposito sequuto quoque die per 18 varia certaminum genera controversae partes dimicantes instanter, aequis manibus et pari fortuna discedunt. Verum in omne discrimen armatis proximus Princeps civitatis urgebat excidium, ⁵⁾ ne circa muros diu excubans, omitteret maiora, quae tentabat. Sed in districtis necessitatibus nihil tam 19 leve est, quod non interdum etiam contra sperata, rerum adferat momenta magnarum. Cum enim, ut saepe, discessurae partes levius concertarent, abusive incusso ariete, qui paullo ante erat admotus, sternitur residuis omnibus altior turris, latere coctili firmissime structa: cuius ruina muri contiguum latus secum immani fragore protraxit. Ibi tum varietate 20 casuum obsidentium labor, obessorumque industria vicissim facinoribus speciosis inclaruit. Nihil enim asperum ira et dolore succenso militi videbatur: nihil munitoribus erat pro salute currentibus metuendum aut dirum. Nam cum anceps pugna diutius fervens, sanguine utrimque multis caedibus fuso, diei finisset occasu, tandem fatigationi consulitur.

Dumque haec luce agerentur ac palam, nuntia- 21 tur Imperatori pervigili cura distento, legionarios milites, quibus cuniculorum erant fodinae mandatae, cavatis tramitibus subterraneis ⁶⁾ sublicibusque suspensis, ima penetrasse fundamentorum, iam,

⁴⁾ Steph. aut sudore. ⁵⁾ In Steph. editione haec verba defunt.
⁶⁾ Mf. supplicibusque susp. 10. sublicibus susp. ut Fellus et Caesar.

- 22 si ipse disposuerit, evasuros. Cum itaque noctis plerumque processisset, aeneatorum accentu signo dato progrediendi ad pugnam, ad arma concursum est: et consulto murorum invaduntur utrimque frontes, ut, dum propulsaturi pericula defensores ultro citroque discurrunt, nec proxima fodientis audiretur ferri tinnitus, nec quoquam intrinsecus obfistente, cuniculariorum subito manus emergat.
- 23 Quibus ita, ut convenerat, ordinatis et occupatis prohibitoribus, patefactisque latebris, evolat ⁷⁾ Exsuperius de victorum numero miles, post quem Magnus tribunus, et Iovianus notarius: quos audax multitudo sequuta, his prius confossis, quos in aede, per quam in lucem prodierant, invenerunt, suspensis gradibus procedentes obtruncarunt vigiles omnes, ex usu moris gentici iustitiam felicitatemque
- 24 regis sui canoris vocibus extollentes. Existimabatur Mars ipse, si misceri hominibus numina maiestatis iura permittunt, adfuisse castra Lucanorum invadenti Lusino. Hocque ideo creditum est, quod in congressu flagranti scalas vehens visus formidandae vastitatis armatus, postridie, cum recenseretur exercitus, praecipuo studio quaesitus, reperiri non potuit: cum se ultro offerret, si miles fuisset, memorabilis conscius facti. Sed ut tunc qui esset pulchri facinoris auctor, penitus est ignoratum, ita nunc enituerunt ii, qui fecere fortissime, obsidionalibus coronis donati, et pro concione laudati veterum more.
- 25 Tandem nudata reaseratis aditibus multis, lapsura invaditur civitas: et sine sexus discrimine vel aetatis; quidquid impetus reperit, potestas iratorum absumpsit: alii exitii imminentis timore, cum hinc ignis, inde mucrones urgerent, ultimum flentes, e muris acti sua sponte praecipites, membrisque

7) *Vulg.* ex superius devictorum numero.

omnibus infirmati, vitam morte funestiorum paulisper, dum caederentur, egerunt. Extractus est 26 autem vivus cum satellitibus LXXX. Nabdates praesidi-
diorum magister, quem oblatum sibi cum aliis servari iussit intactum serenus Imperator et clemens.

Divisa itaque perpenfis meritis et laboribus praeda, ipse ut erat parvo contentus, mutum puerum oblatum sibi suscepit gesticularium, multa, quae callebat, nutibus venustissimis explicantem, et tribus aureis nummis partae victoriae praemium iucundum, ut existimabat, et gratum. Ex virginibus 27 autem, quae speciosae sunt captae, ut in Perside, ubi seminarum pulchritudo excellit, nec contrectare aliquam voluit, nec videre: Alexandrum imitatus et Africanum, qui haec declinabant, ne frangerentur cupiditate, qui se invictos a laboribus ubique praestiterunt.

Inter haec certamina nostrae partis architectus, 28 cuius nomen non suppetit, post machinam scorpionis forte adfistens, reverberato lapide, quem artifex titubanter aptaverat fundae, obliso pectore 8) supinatus profudit animam, disiecta compage membrorum adeo, ut ne signa quidem totius corporis noscerentur.

Exin profecto Imperatori index nuntiaverat certus, 29 circa muros subversi oppidi fallaces foveas et obscuras, quales in tractibus illis sunt plurimae, sub-
sedisse manum insidiatricem latenter, ut improvise inde 9) exorta agminis nostri terga feriret extrema. Confestimque ad extrahendam eam missi sunt com- 30
pertae fortitudinis pedites. Qui cum neque pervadere foraminum aditus, nec amandatos intus pro-
licere possent ad decernendum, collectam stipulam et sarmenta specuum faucibus adgesserunt. Unde fumus angustius penetrans, ideoque spissior, quos-

8) Steph. sauciatus. 9) Mf. exorta.

dam vitalibus obstructis necavit: alios ignium adflatus immissus prodire in perniciem coëgit ab uptam: et ita omnibus ferro incendiove consumptis, ad signa repedavit ocius miles. Hoc modo civitas ampla et populosa virtute roboris excisa Romani, in pulverem concidit et ruinas.

31 Post quae tam gloriosa transitis pontibus, multorum annium concursu continuatis, ad munimenta gemina venimus aedificiis cautis exstructa: ubi Victorem Comitem exercitus praevium a transitu fluminis regis filius, progressus a Ctesiphonte cum optimatibus et multitudine armata, prohibere conatus, catervis sequentium militum visis abscessit.

1 V. Pergentes itaque protinus ad lucos venimus, agrosque pube variorum seminum laetos: ubi re-
2 perta regia Romano more aedificata, quoniam id placuerat, mansit intacta. Erat etiam in hac eadem regione extantum spatium et rotundum, loricae ambitu circumclausum, destinatas regiis voluptatibus continens feras, cervicibus iubatis leones, armisque hispidos apros, et ursos (ut sunt Persici) ultra omnem rabiem saevientes, et alia lecta immania corpora bestiarum: quas omnes diffractis portarum obicibus, equites nostri venatoriis lanceis et missilium
3 multitudine confoderunt. 1) Quae loca pingui situ et cultu: quibus 2) Coche, quam Seleuciam nominant, haud longius disparatur: ubi vallatis opere tumultuario castris, et exercitu omni per aquarum et pabuli opportuna biduo recreato, antegressus cum procurfatoribus princeps, et civitatem desertam collustrans, a Vero Principe quondam excisam, 3) in qua perpetuus fons stagnum ingens eiectat, in Tigridem defluens: corpora vidit suffixa patibulis multa 4) necessitudinum eius, quem prodidisse civi-

1) Mf. Quae loco pingui sitas. 2) Mf. coaequans. 3) Mf. in quo. 4) al. necessariorum.

tatem Pirisaboram retulimus supra. Hic et Nabda-⁴
tes vivus exustus est, quem extractum cum LXXX.
latebris expugnatae docui civitatis: eo quod inter
exordia obsidii coepti clam pollicitus prodere, di-
micavit acerrime, adeptusque veniam insperatam,
ad id proruperat insolentiae, ut Hormisdam lace-
raret omnibus probris.

Itaque aliquantum progressi, tristi percellimur⁵
facto: dum enim tres procuratorum cohortes¹⁾ ex-
peditae cum cunco Persico decertarent, quem pate-
factis subito portis profuderat civitas: proruptores
alii ex contraria fluminis ripa iumenta nos sequen-
tia cum pabulatoribus paucis licenter palantibus in-
tercipiunt et obtruncant. Unde profectus Impera-⁶
tor iratus et frendens, iamque regionibus Ctesiphon-
tis propinquans, cellsum castellum offendit et muni-
tissimum: ad quod explorandum ausus accedere,
obscurior ut ipse rebatur, cum paucis obequitans
muros, paulloque avidius intra⁶⁾ iactum telorum re-
pertus, latere non potuit: statimque diversorum mis-
silem nubem exagitatus oppetisset tormento murali, ni
vulnerato armigero, qui lateri eius haerebat, ipse
scutorum densitate coniectus, evitato magno discri-
mine discessisset.

Qua causa concitus immane, munimentum dis-⁷
posuit obsidere, prohibitoribus acriter ad resisten-
dum intentis, quod loco fidebant propemodum in-
acceso, quodque rex cum ambitiosis copiis passibus
citius incedens propediem adfore credebatur. Iam-⁸
que vineis et residuis omnibus, quae poscebat ob-
sidium, paratis, vigilia secunda praecipiti, cum
nox casu tunc lunari splendore nitens, his, qui
propugnaculis insistebant, aperte cuncta monstra-
ret: repente in unum pondus coacta multitudo pa-
tefactis subito portis erupit: cohortemque necopi-

5) Ms. expeditae. 6) Ms. ictum.

nantem adorta, nostrorum caecidit complures: inter quos etiam tribunus peremptus est, periculum
 9 propulsare conatus. Quae cum ita aguntur, pari modo, ut antea, Persae ex adversa fluminis ripa partem adorti nostrorum, interfectis quibusdam vivos cepere nonnullos. Et timore, simul quia venisse in maiorem numerum copiae putabantur hostiles, egere nostri tunc segnius: sed ubi animis in audaciam restitutis, armisque raptis inter tumultum, exercitus cantu concitus buccinarum, cum minaci murmure festinaret, eruptores perterriti reverterunt
 10 intacti. Et Imperator ira gravi permotus, reliquos ex ea cohorte, qui abiecte sustinuerant impetum grassatorum, ad pedestrem compegit militiam, quae
 11 onerosior est, dignitatibus imminutis. Flagrans post haec ad eruendum castellum, ubi periclitatus est, operam convertit et curam, numquam ab antesignanis ipse digrediens, ut inter primos dimicans militi ad fortiter faciendum esset exemplo spectator probatorque gestorum. Quo inter discriminum vertices diu multumque versato, varietate munitionum atque telorum, et conspiratione 7) oppugnantorum,
 12 idem castellum incenditur captum. Post quae, consideratis asperitatibus ante gestarum rerum et impendentium, requievit exercitus labore nimio quasi latus, multis victui congruis adfatim distributis. Vallum tamen sudibus densis et fossarum altitudine cautius deinde struebatur, cum a vicinia iam Ctesiphonte repentini excursus, et alia formidarentur occulta.

1 VI. Ventum est hinc ad fossile flumen Naharmalcha nomine, quod amnis regum interpretatur, tunc aridum. Id antehac Traianus, posteaque Severus, egesto solo fodiri in modum canalis amplissimi studio curaverat summo, ut, aquis illuc ab Eu-

7) *al.* pugnatorum.

phrate transfusis, naves ad Tigridem commigrarent. Tutissimumque ad omnia visum est eadem ² loca purgari, quae quondam similia Persae timentes mole saxorum obruere multorum. Hacque valle purgata, ¹) avulsis cataractis undarum magnitudine classis secura fladiis xxx. decursis, in alveum eiecta est Tigridis: et contextis illico pontibus ²) transgressus exercitus, iter ³) Cochen versus promovit. Utque lassitudini succederet quies opportuna, in ³ agro consedimus opulento, arbuftis et vitibus et cypressorum viriditate laetissimo, cuius in medio diversorium opacum est et amoenum, gentiles picturas per omnes aedium partes ostendens, regis bestias venatione multiplici trucidantis: nec enim apud eos pingitur vel fingitur aliud praeter varias caedes et bella.

Proinde cunctis ex sententia terminatis, Augustus ⁴ altius iam contra difficultates omnes incedens, tantumque a fortuna sperans nondum adflicta, ut propius temeritatem multa crebro auderet: validiores naves, ex his, quae alimenta portabant et machinas, deoneratas octogenis implevit armatis: retentoque secum classis robore firmiore, quam in tres diviserat partes, unam cum Victore Comite quiete prima noctis emitti disposuit, ut flumine raptim transmissa ripae occuparentur hostiles. Quod cum acri metu territi duces concordi precatu ⁵ fieri prohibere tentarent, neque destinationem flecterent Principis, sublato vexillo, ut iussu est, evolant e conspectu quinque subito naves: et cum ripas iam adventarent, facibus et omni materia, qua alitur ignis, petitae assiduus iactibus, cum militibus iam conflagrassent, ni veloci vigore pectoris excitus Imperator, signum sibi datum, nostros, quod margines iam tenerent, ut mandatum est,

1) Ms. depulsis. 2) Ms. congressus. 3) Ms. Cothen.

- erexisse proclamans, classem omnem properare citis
 6 remigiis adegisset. Quo facto et naves incolumes
 sunt receptae: et residuus miles, quamquam saxis
 et varietate telorum ex edito vexaretur, post con-
 certationem acerrimam praealtas ripas et arduas su-
 7 pergressus, stabat immobilis. Et miratur historia
 Rhodanum arma et lorica retinente Sertorio trans-
 natatum: cum eo momento turbati quidam milites,
 veritique, ne remanerent post signum erectum,
 scutis, quae patula sunt et incurva, proni firmitus
 adhaerentes, eaque licet imperite regendo, per
 voraginosum amnem velocitatem comitati sint
 navium.
- 8 Contra haec Persae obiecerunt instructas cata-
 phractorum equitum turmas sic confertas, ut lami-
 nis coaptati corporum flexus splendore praestringe-
 rent occurrentes obtutus, operimentis scorteis equo-
 rum multitudine omni defensa: quorum in subsidiis
 manipuli locati sunt peditum, contexti scutis oblon-
 gis et curvis, ⁴⁾ quae tecta vimine et coriis crudis
 gestantes, densius se commovebant. Post hos ele-
 phanti gradientium collium specie, motuque im-
 manium corporum propinquantibus exitum inten-
 tabant, documentis praeteritis formidati.
- 9 Hinc Imperator catervis peditum infirmis me-
 dium inter acies spatium secundum Homericam
 dispositionem praestituit, ne locati priores, ceden-
 tesque deformiter cunctos averterent secum, aut
 postsignani pone omnes reiecti centurias, nullo
⁵⁾ retinente, licentius verterent terga: ipse cum levis
 armaturae auxiliis per prima postremaque discur-
 rens.
- 10 Ergo ubi vicissim contiguae se cernerent partes,
 cristatis galeis corusci Romani, vibrantesque cly-

4) Mf. quae tecta vimine et coriis crudis gestantes. 5) Steph.
 renitente.

peos, velut pedis anapaesti praecinentibus modulis lenius procedebant: et praepilatis missilibus per ⁶⁾ procuratores principiis pugnae tentatis, excita undique humus rapido turbine portabatur. Et cum ¹¹ undique solito more conclamaretur, virorumque alacritatem ⁷⁾ sonantia classica iam iuvarent, hastis et mucronibus strictis hinc inde comminus pugnabatur: sagittarum periculis miles erat immunis, quantum interiora festinatius occupabat. Inter quae Julianus pullos fulcire subsidiis, incitareque tardantes, quasi conturmalis strenuus properabat et rector. Laxata itaque acies prima Persarum, ⁸⁾ leni ante, ¹² dein concito gradu calefactis armis retrorsus gradiens, propinquam urbem petebat: quam sequebatur miles itidem fessus, in campis torridis adusque diei finem a lucis ortu decernens: eiusque occipitiis pertinacius haerens, omnem cum Pigrane, et Surena, et ⁹⁾ Narseo potissimis ducibus adusque Ctesiphontis muros egit praecipitem ¹⁰⁾ adverforum feriens furas et terga. Perrupissetque civitatis adi- ¹³ tus, lapsum agminibus mistus, ni dux Victor nomine manibus erectis prohibuisset et vocibus, ipse humerum et sagitta praestriatus: et timens, ne intra moenium ambitus rapidus miles inconsulte reperi- tus, nullosque inveniens exitus, multitudinis pondere circumveniretur.

Sonent Hectoreas poëtae veteres pugnas: forti- ¹⁴ tudinem Thessali ducis extollant: longae loquantur aetates Sophanem, et Aminiam, et Callimachum, et ¹¹⁾ Cynaegirum, Medicorum in Graecia ¹²⁾ fulmina illa bellorum: non minus illo die quorundam ex nostris inclaruisse virtutem, omnium confessione monstratur.

6) Ita Ms. et Steph. *Vulgo* procuratores. 7) Ms. sonans classica iam iuvaret. 8) Ms. leniente et incone. 9) Ms. Narseo. 10) *al.* averforum. 11) Ms. Capegirum. 12) Ms. culmina.

- 15 Post timorem depositum calcatasque ruinas hostilium corporum, iusto sanguine miles etiam tum cruentus, ad Imperatoris tentoria congregatus, laudes ei perhibebat et gratias, quod ignoratus ubique, dux esset an miles magis, tum ita rem prospere gesserat, ut caesis Persarum plus minusve duobus milibus et quingentis, LXX. caderent soli nostrorum.
- 16 Qui adpellans plerosque nominatim, quos stabili mente aliquid clarum fecisse ipse arbiter perspexit, navalibus donavit coronis, et civicis, et castrensis.
- 17 Abunde ratus post haec prosperitates similes adventare, complures hostias Marti parabat ultori: et ex tauris pulcherrimis decem ad hoc perductis, nondum aris admoti voluntate sua novem procubere tristissimi: decimus vero, qui diffractis vinculis lapsus, aegre reductus est, mactatus ominosa signa monstravit. Quibus visis exclamavit indignatus acriter Iulianus, Iovemque testatus est, nulla Marti iam sacra facturum: nec resecravit, celeri morte praereptus.
- 1 VII. Digesto itaque consilio cum primatibus super Ctesiphontis obsidio, itum est in voluntatem quorundam, facinus audax et importunum esse noscentium id adgredi: quod et civitas situ ipso¹⁾ inexpugnabilis defendebatur, et cum metuenda²⁾ multitudine protinus rex adfore credebatur. Vicit sententia melior: cuius utilitate Princeps sollertissimus adprobata, Arinthaenum cum manu peditum expedita ad populandas regiones circumfatas misit, armentis laetas et frugibus, hostes pari persequutorum industria, quos dispalatos nuper densi tramites et latebrae texere²⁾ notissimae: hinc opulenta.
- 3 Sed ille avidae semper ad ulteriora cupiditatis, parvi habitis vetantium dictis, et increpitis optimati-

1) *al.* inexpugnabili. 2) *Mf.* notissimae hinc opulenta. Sed.

bus, quod ob inertiam [otiique desiderium amitti
suaderent prope iam] parva regna Persidis: flumine
laeva relicto, infaustis ductoribus praeviis, medi-
terraneas vias arripere ³⁾ citato proposuit gradu.
Et tamquam funesta face Bellonae subiectis ignibus ⁴
exuri cunctas iusserat naves, praeter minores duo-
decim, quas profuturas pangendis pontibus dispo-
suit vehi carpentis: idque putabat utiliter ordinasse,
ne relicta classis usui hostibus foret, aut certe, ut
ab expeditionis primordio factum est, armatorum
fere viginti millia in trahendis occuparentur iisdem
navibus et regendis.

Dein, cum metuens sibi quisque mussaret, mon- ⁵
straretque perspicua veritas, quod repulsus forsitan
ariditate vel altitudine montium, ad aquas redire
non poterit miles, tortique perfugae aperte fateren-
tur, se sefellisse, concursu maximo extinguere iussae
sunt flammæ. Et quoniam ignis auctus immaniter
plerasque consumpsit, xii. tantummodo naves po-
tuerunt intactae servari, quæ, ut possint custodiri,
discretæ sunt. Hoc casu classe, cum non oportet- ⁶
ret, abolita, Iulianus consociato fretus exercitu,
cum armatorum nulli per diversa ⁴⁾ distringerentur,
numero potior ad interiora tendebat, alimenta ad-
fatim opulentis suggerentibus locis.

Quo cognito, hostes, ut inedia nos cruciarent, ⁷
herbas cum adultis segetibus incenderunt: et con-
flagratione procedere vetiti, stativis castris, dum
flammæ senescerent, ⁵⁾ tenebamur. Insultantesque
nobis longius Persæ, nunc de industria se diffun-
debant, aliquoties confertius resistentes: ut procul
conspicantibus viderentur advenisse iam regis auxi-
lia, ideoque eos aestimaremus erupisse ad audaces
excursus et insolita tentamenta. Maerebat tamen ⁸
ob hæc Imperator et miles, quod nec contabulandi

3) Ms. charo. 4) *al.* distinerentur. 5) *al.* nitebamur.

pontis erat facultas, amissis navibus temere, nec occurri poterat hostis adventicii motibus, quem adesse ⁶⁾ coruscus nitor indicabat armorum, arte pro lingulis membris inflexus. Hisque accedebat aliud haud exiguum malum: quod nec adminicula, quae praestolabamur cum Arsace et nostris ducibus, adparebant, ob causas impedita praedictas.

I VIII. Has ob res ut solaretur anxios milites Princeps, captivos graciles suapte natura, ut paene sunt Persae, et macie iam confectos iussit in medium duci: nostrosque respiciens, *En, inquit, quos Martia ista pectora viros existimant, deformes illuvie capellas et taetras, utque crebri docuerunt eventus, antequam manus conferant, abiectis armis*
2 *vertentes semet in fugam.* Quibus dictis, remotisque captivis, super rerum summa consultabatur. Et multis ultro citroque dictitatis, cum reverti debere per loca, qua venimus, plebs vociferaretur imprudens: resistebat intentius Princeps, multis cum eo nequaquam fieri posse monstrantibus, per effusam planitiem pabulo absumpto et frugibus, vicorumque reliquiis exustorum inopia squalentibus ultima: quodque liquentibus iam brumae pruinis omne immaduerat solum, et ruptis riparum termi-
3 nis aucti inhorruere torrentes. ⁷⁾ Eo etiam ad difficultatem accedente negotii, quod per eas terras vapore sideris calescentes, muscarum et culicum multitudine referta sunt omnia, earumque volatu dies et astrorum noctu micantium facies obumbra-
4 tur. Et cum nihil humani proficerent sensus, diu fluctuantes et dubii, exstructis aris caesisque hostiis consulta numinum ²⁾ scitabamur: utrum nos per Assyriam reverti censerent, an praeter radices montium lenius gradientes, Chiliocomum prope ³⁾ Corduenam

6) Mf. coruscus. 1) Mf. ego etiam. 7) Eo etiam. 2) Mf. citabantur. 3) Mf. Corduam.

duenam sitam ex improvise vastare: quorum neutrum extis inspectis confore dicebatur. Sedit tamen sententia, ut, omni spe meliorum succisa, Corduenam arriperemus: et xvi. Kal. Iulias promotis iam signis, ⁴⁾ progressu imperatore cum lucis exordio, fumus vel vis quaedam turbinata pulveris adparebat: ut opinari daretur asinorum esse greges agrestium, quorum multitudo in tractibus est illis innumera, ideo simul incedens, ut constipatione densa feroces leonum frustreretur adsultus. Quidam ⁶ arbitrabantur Saracenos duces adventare iam nostros, rumoribus percitos, quod Imperator Ctesiphonta magnis viribus oppugnaret: nonnulli Persas nobis ⁵⁾ viantibus incubuisse firmabant. Ideo inter ⁷ haec ita ambigua, ne quid adversum accideret, revocantibus agmina classicis, in valle graminea prope rivum, multiplicato scutorum ordine in orbiculatam figuram metatis tutius quievimus castris. Nec enim adusque vesperam aëre concreto discerni potuit, quidnam esset, quod diu squalidius videbatur.

4) *Vulg.* progressu iam lucis. 5) *Mf.* viantibus.

AMMIANI MARCELLINI

RERUM GESTARUM

LIBER XXV.

*Persae Romanos iter facientes adorti, fortiter reprimuntur. C. I. Inopia frumenti et pabuli premitur exercitus: Iulianus terretur ostentis. II. Imperator, dum ad repellendos Persas, qui undique instabant, omissa lorica temere se proeliis inserit, hasta vulneratur, ac in tabernaculum refertur, ubi circumstantes alloquitur ac post epotam frigidam moritur. III. *) Virtutes eius ac vitia, forma corporis et statura. IV. Iovianus, primicerius domesticorum protectorum, tumultuarie eligitur imperator. V. Romanos ex Perside redire properantes, procedentesque, crebris proeliis lacessunt Persae et Saraceni, ac magno cum detrimento repelluntur. VI. Fame et inopia suorum adductus Iovianus A. pacem cum Sapore necessariam sed turpissimam facit, traditis V. regionibus cum Nisibi et Singara. VII. Romani fluvio Tigri transito, post diuturnam et maximam cibariorum inopiam fortiter toleratam, tandem in Mesopotamiam perveniunt. Iovianus A. res Illyrici atque Galliarum utcumque ordinat. VIII. Bineses nobilis Persa Nisibin urbem inexpugnabilem nomine Saporis a Ioviano recipit: oppidani inviti patria excedere, et Amidam migrare compulsi. V. regiones cum urbe Singara et XVI. castellis ex pacto Persis*

*) In hisce argumentis capita promiserant Gronovius et Ernesti undecim, nonnisi decem tamen inveniuntur in contexto. Error autem cum in hoc capite tertio latere mihi videretur, in alui duo-

rum capitum contenta in unum contrahere, quam ordinem, quem historicos in laudandis huius libri capitibus observare animadverti, turbare.

optimatibus adsignantur. IX. Iovianus metu rerum novarum per Syriam, Ciliciam, Cappadociam et Galatiam celeriter itinere facto, Ancyrae cum Varronio filio infante consulatum init ac mox Dadastranae repentina morte fungitur. X.

Et hanc quidem noctem nullo siderum fulgore splendens, ut solet in arduis rebus et dubiis, exegimus, nec sedere quoquam auso nec flectere in quietem lumina prae timore. Ubi vero primum dies inclaruit, radiantes ¹⁾ loricae limbis circumdatae ferreis, et corusci thoraces longe prospecti, adesse regis copias indicabant. Hocque viso accensum, ²⁾ properantem congregi militem dirimente fluvio brevi prohibuit Imperator: et non procul a vallo ipso inter excursatores nostros et Persicos proelio acri conferto, Machamaeus cecidit ductor unius agminis nostri. Cui propugnaturus Maurus frater, dux postea Phoenices, cum germani trucidasset interfectorem, obvium quemque perterrens, infirmatus et ipse humerum telo, pallefcentem morte propinqua Machamaeum extrahere pugna viribus valuit magnis.

Et cum fatiscerent vix toleranda aestuum magnitudine crebrisque congressibus partes, ad ultimum hostiles turmae gravi sunt repulsa discussae. Hinc recedentibus nobis longius, ³⁾ Saraceni nostrorum metu peditum repedare compulsi, paullo postea innexi Persarum multitudine tutius irruebant, Romana impedimenta rapturi: verum viso Imperatore ad alas subsidiarias reverterunt. Qua ex regione profecti ad Hucumbra nomine villam pervenimus: ubi per biduum omnibus ad esum congruis, et satietate quaesita frumenti ultra spem recreati discessimus:

A a 2

1) Ms. loricae nimbis circumd. 2) Ms. proferentem. 3) Ms. Saraceni sunt et nostrorum.

et confestim, absque his, quae tempus vehi permittit, reliqua flammis exusta sunt.

- 5 Postridie exercitu sedatius procedente, extremos, qui eo die forte cogendorum agminum officia sustinebant, nec opinantes Persae adorti, negotio levi interfecissent, ni proximus equitatus noster, hoc ⁴⁾ ocius intellecto, per patulas valles late diffusus tantam molem discriminis, vulneratis, qui super-
6 pervenerant, ⁵⁾ repulisset. In hac cecidit pugna Adaces nobilis satrapa, legatus quondam ad Constantium Principem missus, ac benigne susceptus: cuius exuviis interfecto Iuliano oblatis, remuneratus est, ut decebat. Eodem die Tertiacorum equestris numerus a legionibus inculatus est, quod, cum ipsae hostium adversas irrumperent acies, illi paullatim dilapsi, alacritatem paene totius minuissent exercitus. Unde ad indignationem iustam Imperator erectus, ademptis signis hastisque diffractis, omnes eos, qui fugisse arguebantur, inter impedimenta et sarcinas et captivos agere iter imposuit, ductore eorum, qui solus fortiter decertarat, aliae turmae adposito, cuius tribunus turpiter proelium
9 deseruisse convincebatur. Abiecti sunt autem sacramento etiam alii quatuor ob flagitium simile vexillationum tribuni: hoc enim correctionis moderamine leniori, impendentium consideratione difficultatum contentus est Imperator.
- 10 Progressi itaque LXX. stadia attenuata rerum omnium copia, herbis frumentisque crematis, ex flammis ipsis raptas fruges et pabula, ut quisque vehere
11 potuit, conservavit. Hoc etiam loco relicto, cum ad tractum Maranga adpellatum omnis venisset exercitus, prope lucis confinia immensa Persarum apparuit multitudo, cum Merene equestris magistro militiae, filiisque regis duobus, et optimatibus

4) Ms. acutius. 5) Ms. repulissent.

plurimis. Erant autem omnes catervae ferratae, ita 12
 per singula membra densis laminis tectae, ut iun-
 cturae rigentes compagibus artuum convenirent:
 humanorumque vultuum simulacra ita capitibus di-
 ligenter apta, ut imbracteatis corporibus solidis,
 ibi tantum incidentia tela possint haerere, qua per
 cavernas minutas et orbibus oculorum adfixas par-
 cius visitur, vel per supremitates narium angusti spi-
 ritus emittuntur. Quorum pars contis dimicatura 13
 stabat immobilis, ut retinaculis aereis fixam existi-
 mares: iuxtaque sagittarii (cuius artis fiducia ab in-
 cunabulis ipsis gens praevaluit maxima) tendebant
 divaricatis brachiis flexiles arcus, ut nervi mammas
 praestringerent dexteras, spicula sinistris manibus
 cohaerent: summaque peritia digitorum pulsibus
 argutum sonantes arundines evolabant, vulnera per-
 niciosa portantes. Post hos elephantorum fulgen- 14
 tium formidandam speciem, et truculentos hiatus
 vix mentes pavidae perferebant: ad quorum strido-
 rem odoremque et insuetum adspectum magis equi
 terrebantur. Quibus insidentes magistri, manu- 15
 briatos cultros dexteris manibus illigatos gestabant,
 acceptae apud Nisibin memores cladis: et si fero-
 ciens animal vires exsuperasset regentis, ne rever-
 sum per suos, ut tunc acciderat, collisam sterneret
 plebem, 6) vertebram, quae caput a cervice deter-
 minat, ictu maximo terebrabant. Exploratum est
 enim aliquando ab Hasdrubale Hannibalis fratre,
 ita citius vitam huiusmodi adimi belluarum. Qui- 16
 bus non sine magno horrore perspectis, stipatus
 armatarum cohortium globis cum primatibus fiden-
 tissimus Imperator, ut flagitabat maior vis et atro-
 cior, lunari acie sinuatisque lateribus occursuros
 hosti manipulos instruebat. Et, ne sagittariorum 17
 procursus nostrorum cuneos disiectaret, illatis con-

6) Mf. venam.

citatus signis spiculorum impetum fregit: datoque ad decernendum sollemniter signo, densati Romani pedites confertas hostium frontes nisu protruserunt
 18 acerrimo. Et fervente certaminum mole, clypeorum sonitus, et virorum armorumque lugubre sibilantium fragor, nihil perpetuens iam remissum, campos cruore et corporum strage contextit, effulsius cadentibus Persis: quibus saepe languidis in conflictu, artius pes pede collatus graviter obfistebat, pugnare fortiter eminus consuetis, et, si inclinatas suorum copias senserint, cedendo in modum imbrium pone versus directis sagittis hostes a persequendi fiducia detertere. Pullis igitur pondere magnarum virium Parthis, miles solis cursu flammeo diu laxatus, signo in receptum ⁷⁾ dato, in tentoria repedit, ad audendum deinceps maiora sublatus.

19 In hoc proelio Persarum maior, ut dictum est, adparuit strages; nostrorum admodum levis. Eminuit tamen inter varios certaminum casus Vetranius mors viri pugnacis, qui legionem Ziannorum regebat.

20 II. Post quae triduo indutiis destinato, dum suus quisque vulnere medetur vel proximi, commeatibus nos destitutos inedia cruciabat iam non ferenda: et quoniam frugibus exustis et pabulis, homines in discrimen ultimum venerant et iumenta, ex eo cibo, quem animalia tribunorum ¹⁾ vehebant et Comitum, imae quoque militum plebi penitus indigenti pars
 21 distributa est magna. Et Imperator, cui non cupiditiae ciborum ex regio more, sed sub columellis tabernaculi parvis cenaturo, pultis portio ²⁾ parabatur exigua, etiam munifici fastidienda gregario, quidquid ad ministeria postulabatur, per contubernia
 3 paupertina sui securus egressit. Ipse autem ad solli-

7) Mf. dato, in tentoria repetat. 1) In Steph. haec verba: et Comitum imae quoque militum desunt. 2) Mf. postulabatur.

citam suspensamque quietem paullisper protractus, cum somno (ut solebat) depulso, ad aemulationem Caesaris Iulii quaedam sub pellibus ³⁾ scribens, obscuro noctis altitudine ⁴⁾ sensus cuiusdam philosophi teneretur, vidit squalidius, ut confessus est proximis, speciem illam Genii publici, quam, cum ad Augustum surgeret culmen, conspexit in Galliis, ⁵⁾ velata cum capite Cornucopia per aulaea tristius discedentem. Et quamquam ad momentum haesit ⁴ stupore defixus, omni tamen superior metu, ventura decretis caelestibus commendabat: relictoque humi strato cubili, adulta iam excitus nocte, et numinibus per sacra depulsoria supplicans, flagrantissimam facem cadenti similem visam, aëris parte sulcata evanuisse existimavit: horroreque perfusus est, ne ita aperte minax Martis adparuerit sidus.

Erat enim nitor igneus iste, quem *διαίστορα* nos ⁵ adpellamus, nec cadens umquam nec terram contingens. Corpora enim qui credit caelitus posse labi, profanus merito iudicatur et demens. Fit autem hic habitus modis compluribus, e quibus sufficiet pauca monstrare. Scintillas quidam putant ⁶ ab aethereo cadentes vigore, parumque porrectius tendere sufficientes extinguui: vel certe radiorum flammam iniectas nubibus densis acri scintillare ⁶⁾ contactu: aut cum lumen aliquod cohaeserit nubi. Id enim in stellae speciem figuratum, decurrit quidem, dum viribus ignium sustentatur: amplitudine vero spatiorum exinanitum, in aërium solvitur corpus, ad substantiam migrans, cuius attritu incaluit nimio.

Confestim itaque ante lucis primitias Etrusci ha- ⁷ ruspices accersiti, ⁷⁾ consuli que, quid astri species portenderet nova, vitandum esse cautissime respon-

³⁾ Ms. scribens. ⁴⁾ Ms. lenius. ⁵⁾ *al.* velata cum cornucopia. ⁶⁾ *Steph.* contractu. ⁷⁾ Ms. consuli que quid. *quod placet.*

derunt, ne quid tunc tentaretur: ex Tarquitianis libris, in titulo *De rebus divinis* id relatum esse monstrantes: quod, face in caelo visa, committi proelium, vel simile quidquam non oportebit. Quo etiam id inter alia multa spernente, orabant haruspices saltem aliquot horis profectionem differri: et ne hoc quidem sunt adepti, Imperatore omni vaticinandi scientiae reluctante: sed exorto iam die, promota sunt castra.

III. Hinc nos egressos, Persae cum saepe afflicti peditum ¹⁾ stabiles pugnas horrerent, structis insidiis occulte comitabantur, altrinsecus viantes catervas a cellis collibus explorando: ut id suspicans miles adusque perpetuum diem nec vallum erigeret, nec sudibus se communiret. Dumque teguntur firmiter latera, et exercitus pro locorum situ quadratis quidem, sed laxis incedit agminibus, invasa subito terga pone versus arma cogentium Principi indicatur, etiam tum inermi ad speculanda anteriora progresso. Qua concitus clade, oblitus loricae, scuto inter tumultum adrepto, properans ultimis ferre suppetias, revocatur alio ²⁾ metu, qui etiam antesignanos, unde discesserat, paria perpeti nuntiabat. Quae dum sine respectu periculi sui redintegrare festinat, ex alia parte cataphractorum Parthicus globus centurias adoritur medias: ac sinistro cornu inclinato acriter superfusus, factorem stridorumque elephantorum impatienter tolerantibus nostris, contis et multiplicatis missilibus decernebat. Verum Principe volitante inter prima discrimina procliorum, exsilivit nostra succinctior armatura, averforumque Persarum et belluarum suffragines concidebat et dorso. Quos cum Iulianus cavendi immemor diffluxisse trepidos, elatis vociferando manibus aperte demonstrans, irasque sequentium

1) Ms. stabiles pugnas. 2) al. motu.

excitans, ardentem effunderet semet in pugnam, clamabant hinc inde candidati, quos disiecerat terror, ut fugientium molem, tamquam ruinam male compositi culminis ³⁾ declinaret: et [incertum] subita equestri hasta, cute brachii eius praefixa, costis perfossis haesit in ima iecoris fibra. Quam dum ⁷ avellere dextera manu conatur, acuto utrimque ferro digitorum nervos sensit excisos: et provolutus iumento, praesentiumque veloci concursu relatus in castra, medicinae ministeriis fovebatur. Mox ⁸ que ubi lenito paullisper dolore timere desit, magno spiritu contra exitum certans, arma poscebat et equum: ut reviso proelio suorum fiduciam repararet, ac videretur sui securus alienae salutis sollicitudine vehementer adstringi: eo vigore, licet in negotio dispari, quo Epaminondas ille dux inclytus, letaliter apud Mantineam saucius et revector ex acie, conquirebat sollicitate scutum. Quod cum vidisset propius, laetior vi vulneris interiit: et qui animam intrepidus amittebat, iacturam clypei formidavit. Sed cum vires parum sufficerent volun- ⁹ tati, sanguinisque profluvio vexaretur, mansit immobilis: ideo spe deinceps vivendi absumpta, quod percunctando Phrygiam adpellari locum, ubi ceciderat, comperit. Hic enim obituum se praescripta audierat sorte. Reducto ad tentoria Principe, ¹⁰ incredibile dictu est, quanto ardore miles ad vindictam ira et dolore ferventior involabat, hastas ad scuta concrepans; etiam mori, si tulisset fors, obstinatus. Et quamvis offundebatur oculis altitudo pulveris, et aestus calefcens officeret alacritati membrorum; tamen velut exauctoratus amisso ductore, sine parcimonia ruebat in ferrum. Contra animo- ¹¹ sius Persae sagittarum volantium crebritate conspectum ⁴⁾ sui rapiebant ⁵⁾ oppositis: quos elephanti

³⁾ Ms. declararet. ⁴⁾ Ms. solis. ⁵⁾ Ms. oppositis quos elephantis.

- tardius ⁶⁾ praecedentes, magnitudine corporum cristarumque horrore pavorem iumentis incutiebant
 12 et viris. Concurfus itaque armatorum, et cadentium gemitus, equorum flatus, tinnitus ferri procul audiebatur, quamdiu satietate vulnerum partibus fessis, nox diremit certamina iam tenebrosa.
 13 Quinquaginta tum Persarum optimates et satrapae cum plebe maxima ceciderunt, inter has turbas Merena et ⁷⁾ Nohodare potissimis ducibus interfectis. Obstupescat magniloquentia vetustatis diversis in locis proelia xx. Marcelli: ⁸⁾ Sicinium Dentatum adiiciat, ornatum militare multitudine coronarum: miretur super his Sergium, qui ⁹⁾ vices et ter vulneratus est in variis pugnis, ut fertur: cuius posteritatis ultimus Catilina claras gloriarum adoras sempiternis maculis obumbravit. Deformabat
 14 tamen tristitia laetiores eventus. Dum haec post discessum ducis ubique aguntur, exercitus cornu dextro defatigato, et Anatolio interfecto, qui tunc erat officiorum magister: Sallustius praefectus actus in exitium praiceps, et opera sui adparitoris ereptus, Sophorio amisso consiliario, qui ei aderat, casu evasit et fuga: quidamque milites per multa discrimina occupato castelli vicini praesidio, post diem denique tertium iungi exercitui potuerunt.
 15 Quae dum ita aguntur, Iulianus in tabernaculo iacens circumstantes adloquutus est demissos et tristes: *Advenit, o socii, nunc abeundi tempus e vita impendio tempestivum, quam reposcenti naturae, ut debitor bonae fidei, redditurus exsulto: non, ut quidam opinantur, adflictus et maerens: philosophorum sententia generali perdoctus, quantum corpore sit beator animus, et contemplans, quoties conditio melior a deteriore secernitur, laetandum esse potius,*

6) Mf. praeceditos. 7) Mf. Novodare. 8) al. Siccium. 9) Mf. viciens.

quam dolendum. Illud quoque advertens, quod etiam Dii caelestes quibusdam piissimis mortem tamquam summum praemium persolverunt. Mu- 16
nus autem id mihi delatum optime scio, ne difficultatibus succumberem arduis, neve me proiciam umquam aut prosternam: expertus, quod dolores omnes, ut insultant ignavis, ita persistentibus cedunt. Nec me gestorum poenitet, aut gravis fla- 17
gitii recordatio stringit, vel cum in umbram et angulos amandarer, vel post principatum susceptum: quem tamquam a cognatione caelitum defluentem, immaculatum (ut existimo) conservavi, et civilia moderatius regens, et examinatis rationibus bella inferens et repellens: tametsi prosperitas simul utilitasque consultorum non ubique concordent, quoniam coeptorum eventus superae sibi vindicant potestates. Reputans autem, iusti esse finem imperii, obedi- 18
tium commodum et salutem, ad tranquilliora semper, ut nostis, propensior fui, licentiam omnem actibus meis exterminans, rerum corruptricem et morum: gaudensque, ¹⁰⁾ adeo sciens, quod, ¹¹⁾ ubicumque me velut imperiosa parens consideratis periculis obiecit res publica, steti fundatus, turbines calcare fortuitorum adsuefactus. Nec fateri pude- 19
bit, interiturum me ferro dudum didici fide fatidica praescinente. Ideoque sempiternum veneror numen, quod non clandestinis insidiis, nec longa morborum asperitate, vel ¹²⁾ damnatorum sine decedo: sed in medio cursu florentium gloriarum hunc merui clarum ¹³⁾ e mundo digressum. Aequo enim iudicio iuxta timidus est et ignavus, qui, cum non oportet, mori desiderat: et qui refugiat, cum sit opportunum. Hactenus loqui vigore virium labente suffi- 20
ciat. Super imperatore vero creando caute reticeo,

10) Mss. et Steph. adeo sciens. 11) Steph. quod ubicunque.
12) al. delicatorum. 13) al. e medio.

ne per ¹⁴⁾ imprudentiam dignum praeteream: aut nominatum, quem habilem reor, anteposito forsitan alio in discrimen ultimum trudam. Ut alumnus autem rei publicae frugi, opto bonum post me reperiri rectorem. Post haec placide dicta, familiares opes iunctioribus velut supremo distribuens ¹⁵⁾ filio, Anatolium quaesivit officiorum magistrum: quem cum beatum fuisse Sallustius respondisset praefectus, intellexit occisum: acriterque amicum ingemuit, qui ¹⁶⁾ elate ante contempserat suum. Et flentes inter haec omnes, qui aderant, auctoritate integra etiam tum increpabat: humile esse, caelo sideribusque conciliatum lugeri Principem dicens. Quibus ideo iam silentibus, ipse cum Maximo et Prisco philosophis super animorum sublimitate perplexius disputans, hiante latius suffossilateris vulnere, et spiritum tumore cohibente venarum, epota gelida aqua, quam petiit, medio noctis horrore vita facilius est absolutus, anno aetatis altero et ¹⁷⁾ tricesimo: natus apud Constantinopolim: a pueritia usque parentis obitu destitutus Constantii, quem post fratris Constantini excessum inter complures alios turba consumpsit imperii successorum, et Basilina matre, iam inde a maioribus nobili.

I IV. Vir profecto heroicis connumerandus ingeniiis, claritudine rerum et coalita maiestate conspicuus. Cum enim sint, ut sapientes definiunt, virtutes quatuor praecipuae, temperantia, prudentia, iustitia, fortitudo, eisque accidentes extrinsecus aliae, scientia rei militaris, auctoritas, felicitas atque liberalitas: intento studio coluit omnes ut singulas.

2 Et primum ita inviolata castitate enituit, ut post amissam coniugem nihil umquam venereum ¹⁾ agita-

¹⁴⁾ Ms. imprudentiam, idque rectius puto. ¹⁵⁾ al. studio.
¹⁶⁾ Ms. elatantem. ¹⁷⁾ Ms. tricenisimo. ¹⁾ Ms. augis latens.

ret: illud advertens, quod apud Platonem legitur, Sophoclem tragoediarum scriptorem aetate grandae-
vum interrogatum, ecquid adhuc feminis miscere-
tur, negantem id adiecisse, quod gauderet harum
rerum amorem, ut rabiosum quemdam effugisse do-
minum et crudelem. Item ut hoc propositum vali- 3
dius confirmaret, recolebat saepe dictum lyrici Bac-
chylidis, quem legebat iucunde, id adferentem,
quod ut egregius pictor vultum speciosum effingit,
ita pudicitia celsius confurgentem vitam exornat.
Quam labem in adulto robore iuventutis ita caute
vitavit, ut ne suspicione quidem tenus libidinis ul-
lius vel ²⁾ ceterioris vitae ministris incusaretur, ut
saepe contingit.

Hoc autem temperantiae ³⁾ genus crescebat in 4
maius, iuvante parcimonia ciborum et somni, qui-
bus domi forisque tenacius utebatur. Namque
⁴⁾ in pace victus eius mensura atque tenuitas erat
recte noscentibus admiranda, velut ad pallium mox
reversuri: per varios autem procinctus, stans inter-
dum more militiae cibum brevem vilemque sumere
visebatur. Ubi vero exigua dormiendi quiete re- 5
creasset corpus laboribus induratum, expergefactus
explorabat per semetipsum vigiliarum vices et statio-
num, post haec ⁵⁾ serias ad artes confugiens doctri-
narum. Et, si nocturna lumina, inter quae lucu- 6
brabat, potuissent ⁶⁾ voces ullae testari, profecto
ostenderant, inter hunc et quosdam Principes mul-
tum interesse, ⁷⁾ quem norant voluptatibus ne ad
necessitatem quidem indulsisse naturae.

Dein prudentiae eius indicia fuere vel plurima, 7
e quibus explicari sufficiet pauca. Armatae rei
scientissimus, et ⁸⁾ togatae: civilitati admodum flu-

2) *al.* secretioris. 3) *al.* genus immanis iuvat parcimonia. 4)
al. in pace eius mensurarum tenuitas. 5) *Mf.* serias. 6) *Mf.* voces
ullae. 7) *Mf.* quemquam. 8) *deest Steph.*

dens, tantum sibi arrogans, quantum a contemptu et insolentia distare existimabat: virtute senior, quam aetate: studiosus cognitionum omnium, et indeclinabilis aliquoties iudex: ⁹⁾ censor moribus regendis acerrimus, placidus, opum contemptor, mortalia cuncta despiciens: postremo id praedicabat, *Turpe esse sapienti, cum habeat animum, captare laudes ex corpore.*

8 Quibus autem iustitiae inclaruit bonis, multa significant: primo, quod erat pro rerum et hominum distinctione sine crudelitate terribilis: deinde, quod paucorum discrimine vitia cohibebat: tum autem, quod minabatur ferro potius quam utebatur. Postremo, ut multa praeteream, constat eum in apertos aliquos inimicos insidiatores suos ita consurrexisse mitissime, ut poenarum asperitatem genuina lenitudine ¹⁰⁾ castigaret.

10 Fortitudinem certaminum crebritas, ususque bellorum ostendit, et patientia frigorum immanium, et fervoris quoque. Corporis munus a milite, ab imperatore vero animi poscitur. Ipse trucem hostem ictu confecit audacter congressus, ac nostros cedentes obiecto pectore suo aliquoties cohibuit solus: regnaque furentium Germanorum excidens, et in pulvere vaporato Perfidis, augebat fiduciam
11 militis dimicans inter primos. Castrensium negotiorum scientiam plura declarant et nota: civitatum oppugnationes et castellorum inter ipsos discriminum vertex, acies figura multiformi compositae, salubriter et caute castra metata, praetenturae stationesque agrariae tutis rationibus ordinatae. Auctoritas adeo valuit, ut dilectus artissime, dum timetur, ac si periculorum socius et laborum, et inter concertationes acerrimas animadverti iuberet indesides; et Caesar adhuc, sine stipendio regeret mi-

9) Mf. censoriis. 10) al. vestigaret.

litem feris adpositum gentibus, ut dudum est dictum; alloquutusque tumentes armatos, discessurum ad vitam minaretur privatam, ni tumultuari desisterent. Denique id pro multis nosse sufficiet: ¹³ exhortatum eum simplici concione militem Gallicanum, pruinis adsuetum et Rheno, peragratis spatiis regionum extentis, per tepentem Assyriam adusque confinia traxisse Medorum.

Felicitas ita eminuit, ut ipsis quodammodo ¹⁴ vicibus fortunae aliquamdiu bonae gubernatricis evectus, victoriosis cursibus difficultates superstaret immensas. Et postquam ex occidua plaga digressus est: quoad fuit in terris, quievere ¹¹⁾ nationes omnes immobiles, ac si quodam caduceo leniente mundana.

Liberalitatis eius testimonia plurima sunt et ¹⁵ verissima: inter quae indicta sunt tributorum admodum levia, coronarium indultum, remissa debita multa diuturnitate congesta, aequata fisci iurgia cum privatis, vectigalia civitatibus restituta cum fundis, absque his, quos velut iure vendidere praeteritae potestates: quodque numquam augendae pecuniae cupidus fuit, quam cautius apud dominos servari existimabat, id aliquoties praedicans, *Alexandrum Magnum, ubi haberet thesauros interrogatum, apud amicos benivole respondisse.*

Digestis bonis, quae scire potuimus, nunc ad ¹⁶ explicanda eius vitia veniamus, licet dicta sint carptim. ¹²⁾ Levioris ingenii: verum hoc instituto rectissimo temperabat, emendari se, cum devia-
a fruge bona, permittens. Linguae fusioris et ad- ¹⁷
modum raro silentis: praesagiorum sciscitationi nimiae deditus, ut aequiperare videretur in hac parte principem Hadrianum: superstitiosus magis, quam sacrorum legitimus observator, innumeras sine par-

¹¹⁾ τὸ omnes Steph. deest. ¹²⁾ al. lentioris ing.

cimonia pecudes mactans: ut aestimaretur, si revertisset de Parthis, boves iam defuturos: Marci illius similis Caesaris, in quem id accepimus dictum: Οἱ λευκοὶ βόες Μάρκῳ τῷ Καίσαρι. Ἄν σὺ νικήσης, 18 ἡμεῖς ἀπώλόμεθα. Vulgi plausibus laetus, laudum etiam ex minimis rebus intemperans ¹³⁾ adpetitor, popularitatis cupiditate cum indignis loqui saepe adfectans.

19 Verum tamen cum haec essent, aestimari poterat, ut ipse aiebat, vetus illa Iustitia, quam offensam vitiis hominum Aratus extollit in caelum, eo imperante redisse rursus ad terras, ni quaedam ad arbitrium agens, interdum ostenderet se dissimilem sui.

20 Namque et iura condidit non molesta, absolute quaedam iubentia fieri vel arcentia, praeter pauca. Inter quae erat ¹⁴⁾ illud inclemens, quod docere vetuit magistros rhetoricos et grammaticos Christia-

21 nos, ni transissent ad numinum cultum. Illud quoque itidem parum ferendum, quod municipium ordinum coetibus patiebatur iniuste quosdam adnecti, vel peregrinos, vel ab iis consortiis privilegiis aut origine longe discretos.

22 Figura talis utique membrorum. Mediocris erat staturae, capillis, tamquam pexisset, mollibus, hirsuta barba in acutum desinente vestitus, venustate oculorum micantium flagrans, qui mentis eius angustias indicabant, superciliis decoris, et naso rectissimo, ore paullo maiore, labro inferiore demisso, opima et incurva cervice, humeris vastis et latis, ab ipso capite usque unguum summitates linamentorum recta compage, unde viribus valebat et cursu.

23 Et quoniam eum obtrectatores novos bellorum tumultus ad perniciem rei communis infimulant concitasse:

13) Mf. et potiore. 14) τὸ illud deest vulg.

citasse: sciant docente veritate perspicue, non Iulianum, sed Constantium ardores Parthicos succendisse, cum Metrodori mendaciis avidius adquiescit, ut dudum retulimus plene. Unde caesi ad inter-²⁴ necionem exercitus nostri, capti militares aliquoties numeri, urbes excisae, rapta munimenta vel diruta, provinciae gravibus impensis exhaustae: et ad effectum tendentibus minis cuncta petebantur a Persis adusque Bithynos et littora Propontidis. At in²⁵ Galliis bellorum tenore gliscente, diffusis per nostra Germanis, iamque Alpibus ad vastandam Italiam perrumpendis, ¹⁵) multa et nefanda perpessis hominibus, ¹⁶) nihil praeter lacrimas supererat et terrores: ubi et praeteritorum recordatio erat acerba, et exspectatio tristior impendentium. Quae omnia iuvenis iste ad occiduam plagam specie Caesaris missus, regesque pro mancipiis agitans ignobilibus, cuncta paene mira dictu celeritate correxit. Utque²⁶ Orientem pari studio recrearet, adortus est Persas, triumphum exinde relaturus et cognomentum, si consiliis eius et factis illustribus decreta caelestia congruissent. Et cum sciamus experimento, adeo²⁷ quosdam ruere improvidos, ut bella interdum victi, et naufragi repetant maria, et ad difficultates redeant, quibus succubere saepissime, sunt, qui reprehendant paria repetisse Principem ubique victorem.

V. Nec fuit post haec lamentis aut fletibus locus. Corpore enim curato pro copia rerum et temporis, ut, ubi olim ipse statuerat, conderetur: principio lucis sequutae, quae erat quintum Kal. Iulias, hostibus ex omni latere circumfusus, collecti duces exercitus, advocatisque legionum principiis et turmarum, super creando Principe consultabant. Discissique studiis turbulentis, Arinthaëus, et Vi-²

¹⁵) Steph. nihil multa. ¹⁶) τὸ nihil Steph. deest.

ctor, et e palatio Constantii residui, de parte sua quemdam habilem scrutabantur: contra Nevita, et Dagalaiphus, proceresque Gallorum, virum talem
 3 ex commilitio suo quaeritabant. Quae dum ambiguntur, nulla variante sententia, itum est voluntate omnium in Sallustium: eoque causante morbos et senectutem, honoratior aliquis miles advertens destinatus reluctantem: *Et quid ageretur, ait, si illud bellum vobis* ¹⁾ *curandum commisisset absens, ut saepe factum est, Imperator? nonne posthabitis caeteris militem instantibus aerumnis eriperetis? Id nunc agite: et si Mesopotamiam videre licuerit, utriusque exercitus consociata suffragia legitimum Principem declarabunt.*

4 Inter has exiguas ad tantam rem moras, nondum pensatis sententiis, tumultuantibus paucis, ut in rebus extremis saepe est factum, Iovianus eligitur Imperator, domesticorum ordinis primus, paternis meritis mediocriter commendabilis. Erat enim Varroniani notissimi Comitis filius, haud dudum post depositum militiae munus ad tranquilliora vitae digressi.
 5 Et confestim indumentis circumdatus principalibus, subitoque productus e tabernaculo, per agmina iam discurrebat proficisci parantia.
 6 Et quoniam acies adusque lapidem quartum porrigebatur, antesignani quosdam clamare Iovianum audientes Augustum, eadem multo magis sonabant: gentilitate enim prope perciti nominis, quod una littera discernebat, Iulianum recreatum arbitrati sunt deduci magnis favoribus, ut solebat.
 7 Verum cum incurvus ille visus et longior adventaret, suspicati, quod acciderat, in lacrimas effusi sunt omnes et luctum. Quod si gravis quidam aequitatis ²⁾ spectator in ultimo rerum spiritu factum criminatur improvide: nauticos idem iustius incu-

1) Ita Mf. In vulg. *et curandum* deest. 2) Mf. peccator.

sabit, amisso perito navigandi magistro, saevientibus flabris et mari, ³⁾ quod clavos regendae navis cuilibet periculi socio commiserunt. His ita caeco ⁸ quodam iudicio fortunae peractis, Iovianorum signifer, quos Varronianus rexerat dudum, cum novo dissidens Principe, etiam tum privato, ut patris eius obtrectator immoderatus, periculum ex inimico metuens iam communia supergresso, discessit ad Persas: ac data dicendi copia, quae sciret, docet Saporem iam propinquantem, exstincto, quem verebatur, turbine concitato calorum ad umbram imperii Iovianum adhuc protectorem adscitum, inertem quemdam et mollem. Hoc ille au- ⁹ dito, quod semper trepidis votis expetebat, et inopina prosperitate elatus, multitudine ex regio equitatu adiuncta iis, qui dimicavere nobiscum, celeri disposuit gradu agminis nostri invadi terga postremi.

VI. Quae dum ultro citroque ordinantur, hostiis pro Ioviano ¹⁾ extisque inspectis, pronuntiatum est, eum omnia perditurum, si intra vallum remansisset, ut cogitabat: superiorem vero fore, profectum. Proinde egredi iam coeptantes adori- ² untur nos elephantis praeviis Persae: ad quorum fremitum incessumque terribilem equis inter initia turbatis, et viris, Ioviani et ²⁾ Herculiani, occisis belluis ³⁾ paucis, cataphractis equitibus acriter resistenterunt. Deinde legiones Ioviorum atque Victo- ³ rum laborantibus suis ferentes auxilium, elephantos duos straverunt cum hostium plebe non parva: et in laevo proelio viri periere fortissimi, Iulianus, et Macrobius, et Maximus legionum tribuni, quae tunc primas exercitus obtinebant. Hisque sepultis, ⁴ ut rerum angustiae permiserunt: prope confinia

B b 2

³⁾ *et quod* Mf. deest. ¹⁾ Mf. extisque. ²⁾ *al.* Herculiani.
³⁾ Mf. paucis et cataphractis.

noctis cum ad castellum Sumere nomine citis passibus tenderemus, iacens Anatolii corpus est agnitum, quod tumultuaria opera terrae mandatum est. Hic et milites sexaginta cum palatinis recepimus, quos in munimentum Vaccatum confugisse retulimus.

5 Sequuto deinde die pro captu locorum reperta in valle castra ponuntur, velut murali ambitu circumclausa, praeter unum exitum eundemque patentem, undique in modum mucronum praeacutis

6 sudibus fixis. Hocque viso, e saltibus nos hostes diversitate telorum, ac verbis turpibus incessebant, ut perfidos et lectissimi Principis peremptores: audierant enim ipsi quoque referentibus transfugis, rumore iactato incerto, Iulianum telo cecidisse Ro-

7 mano. Ausi denique inter haec equitum cunei, porta perrupta praetoria, prope ipsum tabernaculum Principis advenire: occisis multis suorum et vulneratis, vi repulsi sunt magna.

8 Egressi exinde, proxima nocte Charcham occupavimus locum: ideo tuti, quod riparum aggeribus humana manu destructis, ne Saraceni deinceps Assyriam persultarent, nostrorum agmina nullus ut
9 ante vexabat. Cumque his Kal. Iuliis stadiis xxx. confectis, civitatem nomine Duram adventaremus, fatigatis iumentis, vectores eorum novissimi pedibus incedentes, a Saracena multitudo circumsaepi protinus interissent, ni expeditiores turmae nostrorum
10 opem laborantibus attulissent. Hos autem Saracenos ideo patiebamur infestos, quod salaria muneraque plurima a Iuliano ad similitudinem praeteriti temporis accipere vetiti, questique apud cum, solum audierant, Imperatorem bellicosum et vigilantem
11 ferrum habere, non aurum. In hoc loco Persarum obstinatione tritum est quatrimum. Nam progredientes nos sequebantur crebris lacestitionibus retrahentes: cum staremus ut pugnaturi,

gradum sensim referentes, moris diuturnis excruciabant. Iamque (ut solent extrema metuentibus etiam ficta placere) fama circumlata, fines haud procul limitum esse nostrorum, exercitus vociferans immodeste, dari sibi copiam transeundi Tigridis flagitabat. Quibus oppositus cum rectoribus Imperator, tumentemque iam canis exortu lideris amnem ostendens, ne se periculosis committerent gurgitibus exorabat: nandi imperitos adserens esse complures, simulque adiiciens, hostiles manus hinc inde margines superfusi fluminis occupasse. Sed cum haec saepe congeminando refragaretur in casum, milesque conclamans magno contentionis fragore minaretur extrema, id imperatur aegerrime, ut missi cum Arctois Germanis Galli amnem primi omnium penetrarent: ut his magnitudine fluentorum abreptis, residuorum pertinacia frangeretur; aut si id perfecissent innocui, transitus fidentior tentaretur. Electique sunt ad id negotium habiles, qui maxima prae caeteris flumina transmeare in regionibus genuinis a prima pueritia sunt instituti: et cum latendi copiam nocturna quies daret, tamquam e transfenna simul ⁴⁾ emissi, spe citius ripas occupare contrarias: Persarumque conculcatis pluribus et truncatis, ⁵⁾ quos loca servare dispositos securitas plaecido vixerat somno, efficacis audaciae signum elatis manibus ⁶⁾ contortisque sagulis ostendebant. Hoc longe conspecto, ardens ad transitum miles ea mora tantummodo tenebatur, quod utribus caesorum animalium coriis coagmentare pontes architecti promittebant.

VII. Quae dum vanis conatibus agitantur, rex Sapor et procul absens, et cum prope venisset, exploratorum perfugarumque veris vocibus docebatur fortia facta nostrorum, foedas suorum strages, et

4) *Ms.* emissis peritis. 5) *al.* quos. 6) *Steph.* pectoris.

elephantos, quot numquam rex ante meminerat, interfectos: exercitumque Romanum continuis laboribus induratum, post casum gloriosi rectoris non salutis suae, ut memorabat, consulere, sed vindictae, difficultatemque rerum instantium aut victoria summa, aut morte memorabili finiturum. Ob quae reputabat multa et formidanda: diffusum abunde militem per provincias, levi tessera colligi posse: expertus et sciens, populum suum post amissam maximam plebem ultimis terroribus deformatum: simul comperiens in Mesopotamia relictum Shaud multo minorem exercitum. Quae super omnia, hebetarunt eius anxiam mentem uno parique natatu quingenti viri transgressi tumidum flumen incolumes, custodibusque confossis, reliquos consortes suos ad similem fiduciam concitantes.

4 Haec inter, cum neque pontes compaginari paterentur undae torrentes, et absumptis omnibus, quae mandi poterant, utilibus, exacto miserabiliter biduo: furebat inedia iraque percitus miles, ferro properans, quam fame, ignavissimo genere mortis, absumi.

5 Erat tamen pro nobis aeternum Dei caelestis numen: et Persae praeter sperata priores, super fundanda pace oratores Surenam et optimatem alium mittunt, animos ipsi quoque despondentes, quos omnibus paene proeliis pars Romana superior gra-

6 vius quassabat indies. Conditiones autem ferebant difficiles et perplexas, fingentes humanorum respectu reliquias exercitus redire finire clementissimum regem, quae iubet si impleverit cum primatibus

7 Caesar. Contra hos cum Sallustio praefecto mittitur Arinthaenus: et dum deliberatur examinatus, quid fieri deberet, dies quatuor sunt evoluti inedia

8 cruciabiles, et omni supplicio tristiores. Quo temporis spatio, antequam hi mitterentur, si ¹⁾ exabu-

1) Ms. si ex abusus.

sus Princeps paullatim terris hostilibus excessisset, profecto venisset ad praesidia Corduenae, uberis regionis et nostrae, ex eo loco, in quo haec agebantur, centesimo lapide disparatae.

Petebat autem rex obstinatius, ut ipse aiebat, 9 sua dudum a Maximiano erepta: ut docebat autem negotium, pro redemptione nostra, quinque regiones Transtigritanas: 2) Arzanenam, et Moxoenam, et Zabdicenam, itidemque Rehimenam, et Corduenam, cum castellis quindecim, et Nisibin, et Singaram, et castra Maurorum, munimentum perquam opportunum. Et cum pugnari decies expediret, ne horum quidquam dederetur: adulatorum globus instabat timido Principi, Procopii metuum dum subserens nomen: eumque adfirmans, nisi rediret, cognito Iuliani interitu, cum intacto milite, quem regebat, novas res nullo renitente facile moliturum. Hac perniciose verborum ille assidue 11 tate nimia succensus, sine cunctatione tradidit omnia, quae petebantur: difficile hoc adeptus, ut Nisibis et Singara sine incolis transirent in iura Persarum, a munimentis vero alienandis reverti ad nostra praesidia Romani permitterentur. Quibus 12 exitiale aliud accessit et impium, ne, post haec ita composita, Arsaci poscenti contra Persas ferretur auxilium, amico nobis semper et fido. Quod ratione gemina cogitatum est, ut puniretur homo, qui Chiliocomum 3) mandatu vastaverat Principis, et remaneret occasio, per quam subinde licenter invaderetur Armenia. Unde postea contigit, ut vivus caperetur idem Arsaces, et Armeniae maximum latus Medis conterminans, et Artaxata inter dissensiones et turbamenta raperent Parthi.

Quo ignobili decreto firmato, ne quid committeretur per indutias contrarium pactis, obsidatus

2) Ms. Asarzanaenam. 3) Ms. mandatu.

specie viri celebres altrinsecus dantur ⁴⁾ Remora, et Victor ex parte nostrorum, et ⁵⁾ Bellovaedius, insignium numerorum tribuni: ex parte vero diversa Bineses e numero nobilium optimatum, tresque ¹⁴ alii satrapae non obscuri. Foederata ⁶⁾ itaque pace annorum triginta, eaque iurisiurandi religionibus consecrata, reversi itineribus aliis, quoniam loca contigua flumini ut confragosa vitabantur et aspera, potus inopia premebamur et cibi.

¹ VIII. Et pax specie humanitatis indulta, in perniciem est versa multorum: qui fame adusque spiritum lacerati postremum, ideoque latenter progressi; aut imperitia nandi gurgite fluminis ¹⁾ adhauriebantur: aut si undarum vi superata venirent ²⁾ ad ripas, a Saracenis vel ³⁾ Persis (quod, ut diximus paullo ante, exturbavere Germani) caedebantur ut pecora, ² vel longius amandati sunt venundandi. Ubi vero transeundi amnis aperte signum dedere buccinae concrepantes, immane, quo quantoque ardore ⁴⁾ temere rapiendo momenta periculorum, semet quisque reliquis omnibus anteponens, vitare multa et terribilia festinabat: et pars cratibus temere textis iumenta retinentes hinc inde natantia; alii superfidentes utribus, quidam diversa in necessitatis abrupto versantes, undarum occurfantium fluctus obli-
³ quis meatibus penetrabant. Imperator ipse brevibus lembis, quos post exustam classem docuimus remansisse, cum paucis transvectus, eadem navigia ultro citroque discurrere statuit, dum omnes conveheremur. Tandemque universi praeter merfos ad ultiores venimus margines, favore superi numinis discrimine per difficiles casus extracti.

⁴ Dum nos pendentium aerumnarum opprimit timor, compertum est procurfatorum indicio, Per-

⁴⁾ Ms. Nemota. ⁵⁾ Ms. Bellovaedius. ⁶⁾ *al.* ita pace. ¹⁾ Ms. adoriebantur. ²⁾ Ms. ripas rapti a Saracenis. ³⁾ Ms. per-eum. ⁴⁾ Ms. intenire.

fas pontem iungere procul e nostro conspectu, ut post firmatam pacem et foedera sopitis belli turbini-
bus, incuriosius gradientes aegros, et animalia pe-
terent diu defatigata: verum cum se proditos ad-
vertissent, a conatu nefario destiterunt. Hac etiam 5
suspicionem iam liberi, properantesque itineribus
magnis, prope Hatram venimus, vetus oppidum in
media solitudine positum, olimque desertum: quod
diruendum adorti temporibus variis Traianus et Se-
verus principes bellicosi, cum exercitibus paene de-
leti sunt, ut in eorum actibus has quoque digessi-
mus partes. Unde cognito, per porrectam plani- 6
tiem, adusque lapidem septuagesimum, in regio-
nibus aridis nec aquam inveniri posse praeter sal-
sam et faetidam, nec ad victum aliquid nisi abrotonum,
et absinthium, et dracontium, aliaque herbarum
genera tristissima: vasa, quae portabantur, aquis
impleta sunt dulcibus: et mactatis camelis iumen-
tisque aliis, alimenta quaesita sunt licet noxia.

Et via sex dierum emensa, cum ne gramina qui- 7
dem invenirentur, solatia necessitatis extremae: dux
Mesopotamiae Cassianus, et tribunus Mauricius pri-
dem ob hoc missus, 5) ad Ur nomine Persicum ve-
nere castellum, cibos ferentes ex his, quos relictus
cum Procopio et Sebastiano exercitus parcius victi-
taus conservarat. Hinc Procopius alter notarius, 8
et 6) Memoridus militaris tribunus, ad tractus Illy-
ricos mittuntur et Galliarum, nuntiaturi Iuliani
mortem, et Iovianum post eius obitum ad culmen
augustum evectum. Quibus mandaverat Princeps, 9
ut Lucillianum socerum suum, post depositum mi-
litiae munus digressum ad otium, morantemque eo
tempore apud Sirmium, oblatis magisterii equitum
et peditum codicillis, quos iisdem tradiderat, pro-
perare Mediolanum urgerent, res firmaturum anci-

5) Ms. adur. 6) al. Memorius.

pites: et, quod magis metuebatur, si casus novi
 10 quidam exsurgerent, opponendum. Quibus secre-
 tiores addiderat litteras, Lucillianum itidem mo-
 nens, ut quosdam lectos exploratae industriae fidei-
 que duceret secum: adminiculis eorum usus pro
 11 incidentium captu negotiorum. Prudentique con-
 silio Malarichum ex familiaribus negotiis agentem
 etiam tum in Italia, missis insignibus ⁷⁾ Iovino iussit
 succedere armorum magistro per Gallias, gemina
 utilitate praespeculata: ut et dux meriti celsioris,
 ideoque suspectus abiret e medio; et homo inferio-
 ris spei ad sublimiora proventus, auctoris sui nutan-
 12 tem adhuc statum studio fundaret ingenti. Iussum
 est autem ad implenda haec perrecturis, extollere
 seriem gestorum in melius, et rumores, quaquā
 irent, verbis diffundere ⁸⁾ concinentibus, procin-
 ctum Parthicum exitu prospero terminatum: addi-
 tisque festinando itineri noctibus, provinciarum
 militiaeque rectoribus ⁹⁾ insinuare novi Principis
 scripta, omniumque sententiis occultius sciscitatis
 remeare velociter cum responsis, ut comperto,
 quid in longinquis agatur, principatus ¹⁰⁾ corrobo-
 randi matura consilia quaerantur et cauta.
 13 Hos tabellarios fama praegrediens, index tristio-
 rum casuum ¹¹⁾ velocissima, per provincias volitabat
 et gentes; maximeque omnium Nisibenos acerbo
 dolore perculsit, cum urbem Saporī deditam com-
 perissent: cuius iram metuebant et similitates, reco-
 lentes, quae assidue pertulerit funera, eam saepius
 14 oppugnare conatus. Constabat enim, ¹²⁾ orbem
 Eorum in ditionem potuisse transire Persidis, nisi
 haec civitas habili situ et moenium magnitudine
 restitisset. Miseri tamen licet maiore venturi pavo-
 re constringerentur, spe tamen sustentari potuerunt

7) *al.* Ioviano. 8) *Mf.* concinentibus. 9) *Mf.* insinuarent.
 10) *Mf.* corroborandi. 11) *Mf.* velocissima. 12) *al.* orbem eorum.

exigua: hac ¹³⁾ scilicet, velut suopte motu, vel exoratus eorum precibus Imperator, eodem statu retinebit urbem, Orientis firmissimum claustrum.

Dum gestorum seriem ubique rumores diffundi-¹⁵
tant varii, in exercitu absumptis com meatibus paucis, quos advectos praediximus, in corpora sua necessitas erat humana vertenda, ni iumentorum caro caesorum aliquatenus perdurasset: unde effectum est, ut et armorum pleraque proicerentur et sarcinarum. Adeo enim atroci tabuimus fame, ut, si usquam modius unus farinae fuisset repertus (quod raro contigerat) aureis decem mutaretur ut minus.

Profecti exinde Thilsaphata venimus, ubi Seba-¹⁶
stianus atque Procopius cum tribunis principiisque militum sibi ad tuendam Mesopotamiam commissorum, ut poscebat sollemnitas, occurrerunt: et sequebantur benigne suscepti. Post quae itinere se-¹⁷
stinato, Nisibi cupide visa, extra urbem stativa castra posuit Princeps: rogatusque enixe precante multiplici plebe, ut ingressus, palatium more succederet Principum, pertinaciter reluctatus est, erubescens agente se intra muros, urbem inexpugnabilem iratis hostibus ¹⁴⁾ tradi. Ibi tunc vespera tene-¹⁸
brante, raptus a cena Iovianus, primus inter notarios omnes, quem ¹⁵⁾ in obsidione civitatis Maiozamalchae per cuniculum docuimus evasisse cum aliis, ductusque ad devium locum, et praeceps actus in puteum sicum, obrutus est saxorum multitudine superiecta: hanc profecto ob causam, quod Iuliano perempto, ipse quoque nominatus a paucis ut imperio dignus, nec post creatum Iovianum egit modeste: sed susurrans super negotio quaedam audiebatur, invitabatque ad convivia subinde Militares.

¹³⁾ *Ms.* scilicet velut suopte. ¹⁴⁾ *al.* tradit. ¹⁵⁾ vulgo *ro in deest*.

- 1 IX. Postridie Bineses, unus ex Persis, quem inter alios excellere diximus, mandata regis complere festinans, promissa flagitabat instanter: et Principe permittente Romano civitatem ingressus, gentis suae signum ab arce extulit, ¹⁾ submigrationem e patria
 2 civibus nuntians luctuosam. Et vertere solum ex templo omnes praecepti, manus tendentes orabant, ne imponeretur sibi necessitas abscedendi, ad defendendos penates se solos sufficere sine alimentis publicis adfirmantes et milite, satis confisi adfuturam iustitiam pro genitali sede dimicaturis, ut experti sunt saepe. ²⁾ Et haec quidem suppliciter ordo et populus precabatur: sed ventis loquebantur incassum, Imperatore, ut fingebat alia metuens, periu-
 3 rii piacula declinante. Tum Sabinus fortuna et genere inter municipales clarus, ore volubili replicabat, Constantium immani crudescente bellorum materia superatum a Persis interdum, deductumque postremo per fugam cum paucis ad Hibitam stationem intuitam, panis frusto vixisse precario, ab anu quadam agresti porrecto, nihil tamen ad diem perdidisse supremum: et Iovianum inter exordia principatus provinciarum muro cessisse, ³⁾ cuius obice
 4 iam inde a vetustate innoxiae permanserunt. Cumque nihil promoveretur, iurisiurandi religionem Principe destinatus praetendente: cum oblatam ei coronam aliquamdiu recusans, coactus denique suscepisset, Silvanus quidam causarum defensor confidentius ⁴⁾ exclamavit. *Ita, inquit, Imperator, a civitatibus residuis coroneris.* Quo verbo exasperatus, intra triduum omnes iussit excedere moenibus, detestantes rerum praesentium statum.
 5 Adpositis itaque compulsoribus, mortem, si qui distulerint egredi, minitantibus, moenia permista

1) Ms. submigratione. 2) Ms. et haec. 3) Vulg. cuius obiisse.
 4) Steph. exclamavit.

sunt lamentis et luctu: et per omnia civitatis membra una vox cunctorum erat gementium, cum laceraret crines matrona exsul fuganda laribus, in quibus nata erat et educata: orbataque mater liberis⁵⁾ vel coniuge viduata, procul ab eorum manibus pelleretur: et turba flebilis postes penatium amplexa vel limina lacrimabat. Exin variae complentur⁶ viae, qua quisque poterat dilabentium. Properando enim multi furabantur opes proprias, quas vehi posse credebant, contempta reliqua suppellectili pretiosa et multa: hanc enim reliquerunt penuria iumentorum.

Tu hoc loco, Fortuna orbis Romani, merito⁷ incusaris, quae disillantibus procellis rem publicam excussa regimenta perito rei gerendae ductori, consummando iuveni porrexisti: quem nullis ante actae vitae insignibus in huiusmodi negotiis cognitum, nec vituperari⁶⁾ est aequum nec laudari. Illud tamen ad⁸ medullas usque bonorum pervenit, quod, dum extimescit aemulum potestatis, dumque in animo per Gallias et Illyricum versat quosdam saepe sublimiora coeptasse, famam adventus sui praevenire festinans, indignum imperio facinus amictu periurii fugiendi commisit, Nisibi prodita: quae iam inde a Mithridatici regni temporibus, ne Oriens a Persis occuparetur, viribus restitit maximis. Numquam enim⁹ ab urbis ortu inveniri potest annualibus replicatis, ut arbitror, terrarum pars ulla nostrarum ab Imperatore vel Consule hosti concessa: sed ne ob recepta quidem, quae direpta sunt, verum ob amplificata regna triumphalis gloria fuisse delata. Unde P. Scipioni ob recuperatas Hispanias, Fulvio Capua post diuturna certamina superata, et Opimio post diversos exitus proeliorum, Fregellanis tunc internecivis hostibus ad deditionem compulsis, triumphus sunt

5) *al.* et coniug. 6) *al.* *est* deest.

11 denegati. Id etiam memoriae nos veteres docent, in extremis casibus, icta cum ⁷⁾ dedecore foedera, postquam partes verbis iuravere conceptis, repetitione bellorum illico disoluta: ut temporibus priscis apud Furcas Caudinas sub iugum legionibus missis in Samnio, et per Albinum in Numidia scelestae ⁸⁾ pace cogitata, et auctore turpiter pactionis festinatae Mancino dedito Numantinis.

12 Proinde extractis civibus, et urbe tradita, missoque tribuno Constantio, qui munimenta praesidiaria cum regionibus Perficis optimatibus adsignaret: cum Iuliani supremis Procopius mittitur, ea, ut superstes ille mandarat, humaturus in suburbano

13 Tarsensi. Qui ad exsequendum profectus, confestim corpore sepulto discessit, nec inveniri usquam potuit studio quaesitus ingenti, nisi quod multo postea apud Constantinopolim visus est subito purpuratus.

1 X. His hoc modo peractis, discursisque itineribus, Antiochiam venimus, ubi per continuos dies velut offenso numine multa visebantur et dira: quorum eventus fore luctificos gnari rerum prodigia-

2 lium praecinebant. Nam et Maximiani statua Caesaris, quae locata est in vestibulo regiae, amisit repente sphaeram aeream, formatam in speciem poli, quam gestabat: et cum horrendo stridore sonuerunt in consistorio trabes: et visa sunt interdiu sidera cometarum, super quorum natura ratiocinan-

3 tes physici variant. Quidam enim eos hoc nomine ideo existimant adpellari, quod tortos ignes spargunt ut crines, in unum stellis multiplicibus congregatis. Alii eos arbitrantur ex halitu sicciore terrarum ignescere, paullatim in sublimiora ¹⁾ surgente. Quidam ²⁾ currentes radios solis, densiore nube ob-

⁷⁾ *al.* ductore. ⁸⁾ *Mf.* pax. ¹⁾ *Mf.* surgentes. ²⁾ *Mf.* currentesque.

iecta digredi ad inferiora prohibitos, splendore infuso corpori crasso, lucem velut stellis distinctam mortali conspectu monstrare. Sedit quorundam opinioni, hanc speciem tunc adparere, cum ³⁾ erecta solito celsius nubes aeternorum ignium vicinitate colluceat: vel certe stellas esse quasdam caeteris similes, quarum ortus obitusque, quibus sint temporibus praestituti, humanis mentibus ignorari. Plura alia de cometis apud peritos mundanae rationis sunt lecta: quae digerere nunc vetat aliorum oratio properans.

Moratum paullisper Antiochiae Principem, curarumque ponderibus diversis adflictum, exeundi mira cupiditas agitabat: proinde nec iumento parcens nec militi, flagrante hieme ⁴⁾ inde profectus, signis, ut dictum est, vetantibus plurimis, Tarsum urbem Cilicum nobilem introiit, cuius originem docuimus supra. Exindeque egredi nimium pro-
perans, exornari sepulcrum statuit Iuliani, in pomerio situm itineris, quod ad Tauri montis angustias ducit: cuius suprema et cineres, si qui tunc iuste consuleret, non Cydnus videre deberet, quamvis gratissimus amnis et liquidus: sed ad perpetuandam gloriam recte factorum praeterlambere Tiberis intersecans urbem aeternam, divorumque veterum monumenta praestringens.

⁵⁾ Deinde Tarso profectus, extentis itineribus venit oppidum Cappadociae Tyana: ubi ei reversi Procopius notarius et Memoridus tribunus occurrunt gestorumque aperiunt textum, hinc, ut ordo poscebat, exorsi, quod Lucillianus Mediolanum ingressus cum Seniacho et Valentiniano tribunis, quos duxerat secum, cognito, quod Malarichus recusavit suscipere magisterium, effuso cursu petierat Remos. Et tamquam in alto gentis silentio, extra cal-
7

3) Ms. erecta. 4) Ms. die. 5) al. Inde.

cem, ut dicitur, procurrebat: et intempestive parum etiam tum firmatis omnibus ex actuario ratiociniis scrutandis incubuit: qui fraudum conscius et noxarum, ad militaria signa confugit: finxitque Iuliano superstitie in res novas quemdam medium surrexisse: cuius fallaciis turbo militaris acerrime concitus Lucillianum et Seniauchum occidit. Valentinianum enim paullo postea Principem, trepidum, et, quo confugeret, ambigentem, Primitivus hospes tutius
8 amandarat. His ita tristibus laetum aliud addebatur, missos a Iovino milites adventare, quos capita scholarum ordo castrensis adpellat, nuntiantes aequo animo Ioviani imperium amplecti exercitum Gallicanum.

9 Quibus compertis, Valentiniano, qui 6) cum iisdem redierat, regenda scutariorum secunda committitur schola, et Vitalianus domesticorum consortio iungitur, Erulorum e numero miles, qui multo postea auctus Comitatus dignitate, male rem per Illyricum gessit: confestimque mittitur in Gallias Arinthaëus, ferens litteras ad 7) Iovinum, ut constanter ageret suum obtinens locum: eique mandatum est, ut animadverteretur in concitorem tumultus, auctoresque seditionis ad comitatum victi transmitterentur. Post quae, ut videbatur expedire, disposita, apud Aspuna Galatiae municipium breve Gallicani milites visi Principi, ingressique consistorium, post audita gratanter, quae pertulerant, munerati redire iubentur ad signa.

(A. C. 364.)

11 Et cum introisset Ancyram Imperator, paratis ad pompam pro tempore necessariis, consulatum iniit adhibito in societatem trabeae Varroniano filio suo admodum parvulo: cuius vagitus, pertinaciter 8) reluctantis, ne in curuli sella veheretur ex more, id quod mox accidit, portendebat.

Hinc

6) *al.* cum iis red. 7) *Mss.* Iovianum. 8) *Mss.* reluctantis.

Hinc quoque Iovianum celeri gradu praescriptus 12
vitae finiendae dies exegit. Cum enim venisset Da-
dastanam, qui locus Bithyniam distinguit et Galatas,
exanimatus inventus est nocte: super cuius obitu
9) dubietates emerfere complures. Fertur enim re- 13
centi calce cubiculi illiti ferre odorem noxium ne-
quivisse, vel extuberato capite perisse succensione
prunarum immensa, aut certe ex colluvione cibo-
rum avida cruditate distentus. Decessit autem an-
no tricesimo aetatis et tertio. Cumque huic et Ae-
miliano Scipioni vitae exitus similis evenisset, super
neutrius morte quaestionem comperimus agitatam.

Incedebat autem motu corporis gravi, vultu 14
laetissimo, oculis caesis, vasta proceritate et ardua,
adeo ut diu nullum indumentum regium ad mensu-
ram eius aptum inveniretur. Et aemulari malebat
Constantium, agens seria quaedam aliquoties post
meridiem: iocarique palam cum proximis adfue-
tus. Christianae legis idem studiosus, et nonnum- 15
quam honorificus, mediocriter eruditus, magisque
benivolus, et perpenius, ut adparebat ex paucis
quos promoverat, iudices electurus: edax tamen,
et vino Venerique indulgens, quae vitia imperiali
verecundia forsitan correxisset. Dicebatur autem 16
Varronianus pater eius monitu cuiusdam somnii du-
dum praescisse, quod evenit, idque duobus ami-
cis commisisse fidissimis, illo adiecto, quod ipsi quo-
que deferretur trabea consularis. Sed impetrato
uno, adipisci non potuit aliud. Audita enim filii
celsiore fortuna, antequam eum videret, fatali
praeventus est morte. Et quia huic nomini amplif- 17
simum magistratum portendi, per quietem praedi-
ctum est seni: Varronianus nepos eius infans etiam
tum, cum Ioviano patre declaratus est, ut supra re-
tulimus, consul.

9) *al.* dubitationes.

AMMIANI MARCELLINI

RERUM GESTARUM

LIBER XXVI.

Valentiniano, scholae secundae scutariorum tribuno, communi magistratuum civilium et militarium consensu, Nicaeae absenti desertur imperium: et de ratione bissexti. C. I. Valentinianus cum Ancyra evocatus Nicaeam celeriter venisset, una omnium voce iterum eligitur imperator, purpuraque et diademate ornatus, Augustusque adpellatus, militem adloquitur. II. De Apronian praefectura urbana Romae. III. Valentinianus Valentem fratrem suum Nicomediae tribunum stabuli, ac mox apud Constantinopolim in Hebdomo, consentiente exercitu, consortem imperii constituit. IV. Imperatores ambo comites et militares numeros inter se partiuntur; et paullo post alter Mediolani, alter Constantino- poli I. consulatum ineunt. Alamanni Gallias vastant; Procopius in Oriente res novas molitur. V. Patria et genus, mores, ac dignitates Procopii; deque eius sub Ioviano latebra: et qua ratione Constantinopoli imperator sit adpellatus. VI. Procopius Thracias sine sanguine in suam potestatem redigit, et equites peditesque per Thraciam iter facientes, promissis in verba sua adigit, nec non Iovios et Victores, a Valente adversus se missos, sibi oratione iungit. VII. Nicaea et Chalcedone obsidione liberatis, Bithynia in ditionem Procopii redigitur: et mox Cyzico expugnato Hellespontus. VIII. Procopius in Bithynia, in Lycia, et Phrygia a suis desertus, et vivus Valenti traditus, capite truncatur. IX. Marcellus protector, eius cognatus, et multi Procopianarum partium supplicio capitis adfecti. X.

Dictis impenfiore cura rerum ordinibus adusque memoriae confinia propioris, convenerat iam re-

ferre a notioribus pedem, ut et pericula declinentur veritati saepe contigua, et examinatores contendi operis deinde non perferamus intempestivos, strepentes ut laesos, si praeteritum sit, quod loquutus est Imperator in coena, vel omissum, quam ob causam gregarii milites coërciti sunt apud signa, et quod non decuerat in descriptione multiplici regionum, super exiguis filere castellis: quodque cunctorum nomina, qui ad urbani praetoris officium convenere, non sunt expressa: et similia plurima praeceptis historiae dissonantia, discurrere per negotiorum cellitudines adsuetae, non humilium minutias indagare causarum: quas si scitari voluerit quispiam, individua illa corpuscula volitantia per inane, atomos, ut nos adpellamus, numerari posse sperabit. Haec quidam veterum formidantes, cognitiones actuum variorum stilis uberibus explicatas non edidere superstites, ut in quadam ad Cornelium Nepotem epistola Tullius quoque testis reverendus adfirmat. Proinde inscitia vulgari contempta, ad residua narranda pergamus.

Hac volubiliū casuum diritate exitu luctuoso finita, obituque intervallato brevi tempore Principum, corpore curato defuncti, missoque Constantiopolim, ut inter Augustorum reliquias conderetur, progressu Nicaeam versus exercitu, quae in Bithynia mater est urbium, potestatum civilium militiaeque rectores magnitudine curarum adstricti communium, interque eos quidam spe vana sufflati, moderatorem quaeritabant diu exploratum et gravem.

Et rumore tenuis obscuris paucorum susurris nomen praestringebatur Equitii, scholae primae scutariorum etiam tum tribuni: qui cum potiorum auctoritate displicuisset, ut asper et subagrestis; translata est suffragatio levis in Ianuarium Ioviani adfinem, curantem summitatem necessitatum castrensium per Illyricum. Quo itidem spreto, quia pro-

cul iacebat: ut aptus ad id, quod quaerebatur, atque conveniens, Valentinianus nulla discordante sententia, numinis adspiratione caelestis electus est: agens scholam scutariorum secundam, relictusque apud Ancyram, postea sequuturus, ut ordinatum est. Et quia nullo renitente hoc e re publica videbatur, missis, qui eum venire ocius admonerent, diebus decem nullus imperii tenuit gubernacula: quod tunc evenisse, extis Romae inspectis haruspex edixerat Marcus.

6 Inter haec tamen, ne quid novaretur contrarium placitis, neve armatorum mobilitas saepe versabilis in praesentium quemdam inclinaret arbitrium, attente providebat Equitius, et cum eo Leo, adhuc sub Dagalaipho magistro equitum rationes numerorum militarium tractans, exitialis postea magister officiorum, exercitus universi iudicium, quantum facere nitique poterant, ut Pannonii fautoresque Principis designati firmantes.

7 Qui cum venisset accitus, implendique negotii praelagiis, ut opinari dabatur, vel somniorum adfuitate, nec videri die secundo, nec prodire in medium voluit, bissextum vitans Februarii mensis tunc illucescens, quod aliquoties rei Romanae fuisse diguorat infaustum: cuius notitiam certam designabo.

8 Spatium anni vertentis id esse periti mundani motus et siderum definiunt veteres, inter quos ¹⁾ Meton, et Euctemon, et Hipparchus, et Archimedes excellunt, cum sol perenni rerum sublimium lege polo percurso signifero, quem Zodiacum sermo Graecus adpellat, trecentis et sexaginta quinque diebus emensis et noctibus, ad eundem redierit cardinem: ut verbo tenus, si a ²⁾ secunda particula elatus arietis, ad eam dimensione redierit ter-

1) Mf. Memon. 2) Ita Mf. et Steph. in aliis *τὸ particula* deest.

minata. Sed anni intervallum verissimum memora- 9
tis diebus et horis sex adusque meridiem concludi-
tur ³⁾ plenam: annique sequentis erit post horam
sextam initium porrectum ad vesperam. Tertius a
prima vigilia sumens exordium, ad horam noctis
extenditur sextam. Quartus a medio noctis adus-
que claram trahitur lucem. Ne igitur haec compu- 10
tatio variantibus annorum principiis, et quodam
post horam sextam diei, alio post sextam excursa
nocturnam, scientiam omnem squalida diversitate
confundat, et autumnalis mensis inveniatur quan-
doque vernalis: placuit senas illas horas, quae qua-
driennio viginti colliguntur atque quatuor, in unius
diei noctisque adiectae transire mensuram. Hoc- 11
que alte considerato, eruditis concinentibus multis
effectum est, ut ad unum distinctumque exitum cir-
cumversio cursus ⁴⁾ annui revoluta, nec vaga sit nec
incerta, nulloque errore deinceps obumbrata ratio
caelestis adpareat, et menses tempora retineant
praestituta. Haec nondum extentis fusius regnis, 12
diu ignoravere Romani, perque saecula multa ob-
scuris difficultatibus implicati, tunc magis errorum
profunda caligine fluctuabant, cum in sacerdotes
potestatem transtulissent intercalandi: qui licenter
gratificantes publicanorum vel litigantium commo-
dis, ad arbitrium suum subtrahebant tempora vel
augebant. Hocque ex coepto emerferunt alia plu- 13
rima, quae fallebant, quorum meminisse nunc su-
pervacuum puto. Quibus abolitis, Octavianus
Augustus, Graecos sequutus, hanc inconstantiam
correctaurbatione composuit, spatiis duodecim
mensium et sex horarum magna deliberatione colle-
ctis: per quae duodecim siderum domicilia sol dis-
currens motibus sempiternis, anni totius intervalla

3) *Steph.* plenum. 4) *al.* anni.

14concludit. Quam rationem bissexti probatam, etiam victura cum saeculis Roma adiumento numinis divini fundavit. Proinde pergamus ad reliqua.

1 II. Elapso die parum apto ad inchoandas rerum magnitudines, ut quidam existimant, propinquante iam vespéra, monitu praefecti Sallustii, sub exitii denuntiatione statutum est prompta consensione cunctorum, ne potioris quisquam auctoritatis, vel suspectus altiora covari, procederet postridie mane.

2 Cumque multorum taedio, quos votorum inanitas cruciabat, tandem finita nocte lux advenisset: in unum quaesito milite omni, progressus Valentinianus in campum, permissusque tribunal adscendere celsius structum, comitiorum specie, voluntate praesentium secundissima, ut vir serius, rector pro-

3nuntiatur imperii. Mox principali habitu circumdatus et corona, Augustusque nuncupatus cum laudibus amplis, quas novitatis potuit excitare dulcedo, praemeditata dicere iam parabat. Eoque, ut expeditius loqueretur, brachium exsertante, obmurmuratio gravis exoritur, concrepantibus centuriis et manipulis, cohortiumque omnium plebe urgentium destinate, confestim Imperatorem

4alterum declarari. Quod licet nonnulli existimarent paucis corruptis ad gratiam fieri despectorum: ex eo tamen id frustra creditum videbatur, quod non emercati, sed consoni totius multitudinis paria volentis clamores audiebantur, documento recenti fragilitatem pertimescentis sublimium fortunarum. Dein ex susurris immaniter strepentis exercitus cieri tumultus violentior adparebat, et confidentia militis erumpentis interdum ad perniciofa facinora time-

5batur. Quod Valentinianus magis prae cunctis, ne fieret, extimescens, elata prospere dextera vi Principis fiducia pleni, ausus increpare quosdam ut seditiosos et pertinaces, cogitata nullis interpellantibus absolvebat.

*Exsulto, provinciarum fortissimi defensores, et 6
prae me fero, semperque laturus sum, nec speranti,
nec adpetenti moderamina orbis Romani mihi, ut
potissimo omnium, vestras detulisse virtutes. Quod 7
erat igitur in manu positum vestra, nondum electo
imperii formatore, utiliter et gloriose complectis, ad-
scito in honorum verticem eo, quem ab ineunte adu-
lescentia ad hanc usque aetatis maturitatem splen-
dide integreque vixisse experiundo cognoscitis. Pro-
inde pacatis auribus accipite quaeso simplicioribus
verbis, quod conducere arbitror in commune. Ad 8
hiberi oportere in omnes casus socia potestate colle-
gam, contemplatione poscente multiplici nec ambigo,
nec repugno, curarum acervos et mutationes varias
accidentium ipse quoque ut homo formidans: sed
studendum est concordiae viribus totis, per quam
res quoque minimae convalescunt: quod impetrabi-
tur facile, si patientia vestra cum aequitate consen-
tiens, id mihi, quod mearum est partium, concesserit
libens. Dabit enim (ut spero) fortuna consiliorum 9
adiutrix bonorum, quantum efficere et consequi pos-
sum, diligenter scrutantibus temperatum. Ut enim
sapientes definiunt, non modo in imperio, ubi peri-
cula maxima sunt et creberrima, verum etiam in
privatis quotidianisque rationibus, alienum ad ami-
citiam, cum iudicaverit quisquam prudens, adiuu-
gere sibi debet, non, cum adiunxerit, iudicare.
Haec cum spe laetiorum polliceor: vos firmitatem 10
factorum retinentes et fidem, dum hiberna patitur
quies, animorum reparate vigorem atque membro-
rum, ob nuncupationem augustam debita protinus
accepturi.*

Finita oratione, quam auctoritas erexerat inopi-
pina, flexit Imperator in suam sententiam univer-
sos: consiliique eius viam sequuti, qui paullo ante
flagrantissimis vocibus aliud postulabant, circum-
laeptum aquilis et vexillis, agminibusque diversorum

ordinum ambitiose stipatum, iamque terribilem duxerunt in regiam.

- 1 III. Dum haec in Oriente volubiles fatorum explicant sortes, Apronianus regens urbem aeternam, iudex integer et severus, inter curarum praecipua, quibus haec praefectura saepe sollicitatur, id primum opera curabat enixa, ut veneficos, qui tunc rarefcebant, captos, postque agitas quaestiones nocuisse quibusdam apertissime confutatos, indicatis consciis morte multaret, atque ita paucorum discrimine reliquos, si qui laterent, formidine parium
- 2 exturbaret. Haec egisse ideo efficaciter fertur, quod Iuliani promotus arbitrio agentis etiam tum per Syrias, in itinere unum amiserat oculum: suspicatusque, artibus se nefariis adpetitum, iusto quidem, sed inusitato dolore haec et alia magna quaeritabat industria. Unde quibusdam atrox visus est, in amphitheatrali curriculo nudatim coeunte aliquoties plebe, causas dispiciens criminum maximorum.
- 3 Denique post huiusmodi vindicata complura, ¹⁾ Hilarinum aurigam convictum atque confessum, vix dum pubescentem filium suum venefico tradidisse, docendum secretiora quaedam legibus interdicta, ut nullo conscio adminiculis iuvaretur internis, capitali animadversione damnavit: qui laxius retinente carnifice, subito lapsus confugit ad ritus Christiani sacrarium, abstractusque exinde illico abscissa
- 4 cervice consumptus est. Verum haec similiaque tum etiam ut coercenda mox cavebantur, et nulli vel admodum pauci, in his versati flagitiis, vigori publico insultarunt: sed tempore sequuto, longaeva impunitas nutrit immania, usque eo grassante licentia, ut imitatus Hilarinum quidam senator, servumque suum modo non per syngrapham arcanis piacularibus inducendum commisisse doctori malarum ar-

1) Ms. *Hilarinum* et ita quoque infra.

tium confutatus, supplicium redimeret opima mercede, ut crebrior fama vulgarat. Isque ipse hoc 5 genere, quo iactum est, absolutus, cum vitae pudere deberet et culpa, non abolendae incubuit maculae: sed, tamquam inter multos probrosos solus vacuus ab omni delicto, equo phalerato infidens discurrensque per silices, multo post se²⁾ nunc usque trahit agmina servulorum, per novum quoddam insigne curiosius spectari adfectans: ut Duillium accepimus veterem, post gloriosa illa navalis rei certamina id sibi sumpsisse, ut tibicine lenius praecinente rediret ad sua post coenam.

Sub hoc tamen Aproniano ita iugiter copia necessariorum exuberavit, ut nulla saltem levia murmura super inopia victui congruentium orirentur: quod assidue Romae contingit.

IV. At in Bithynia Valentinianus Princeps (ut praediximus) declaratus, dato in perendinum diem signo proficiscendi, convocatis primoribus, quasi tota consilia quam sibi placentia sequuturus, percunctabatur, quemnam ad imperii consortium oporteret adsumi: silentibusque cunctis, Dagalaiphus tunc equestris militiae rector respondit fidentius: *Si tuos, inquit, amas, Imperator optime, habes fratrem; si rem publicam, quaere, quem vestias.* Quo dicto asperatus ille, sed tacitus et occultans, 2 quae cogitabat, Nicomediam itineribus citis ingressus Kal. Martiis, Valentem fratrem stabulo suo cum tribunatus dignitate praefecit. Indeque cum venisset Constantinopolim, multa secum ipse divolvens, et magnitudine urgentium negotiorum iam se¹⁾ superari considerans: nihil morandum ratus, ²⁾ quintum Kal. Aprilis productum eundem Valentem in suburbanum, universorum sententiis concinentibus (nec enim audebat quisquam refragari) Augustum

2) *al. unicus.* 1) *Mf. parari.* 2) *τὸ quintum* in aliis libris deest.

pronuntiavit: decoreque imperatorii cultus ornatum, et tempora diademate redimitum in eodem vehiculo secum reduxit: participem quidem legitimum potestatis, sed in modum adparitoris morigerum, ut progrediens aperiet textus.

4 Quibus ita nullo interturbante perfectis, constricti rapidis febribus Imperatores ambo diu, spe vivendi firmata, ut erant in inquirendis gnaviores, quam in componendis, suspectas morborum causas investigandas acerrime. Uratio officiorum magistro Delmatae crudo, et Iuventio Sisciano quaestori tunc commiserunt: ut loquebatur pertinax rumor, invidiam cientes Iuliani memoriae principis, amicisque eius, tamquam clandestinis praestigiis laesi. Sed hoc evanuit facile, ne verbo quidem tenuis infidiarum indicio ullo reperto.

5 Hoc tempore velut per universum orbem Romanum bellicum canentibus buccinis, excitae gentes saevissimae limites sibi proximos persultabant. Gallias Raetiasque simul Alamanni populabantur; Sarmatae Pannonias et Quadi; Picti, Saxonesque et Scotti, et ³⁾ Atacotti Britannos aerumnis vexare continuis; Austoriani Mauricaeque aliae gentes Africam solito acrius incurfabant; Thracias et diripiebant praedatorii globi Gothorum. Persarum rex manus Armeniis iniectabat, eos ad suam ditionem ex integro vocare vi nimia properans, sed iniuste; causando, quod post Ioviani excessum, cum quo ⁴⁾ foedera firmarat et pacem, nihil obflare ⁵⁾ debet, quo minus ea recuperaret, quae antea ad maiores suos pertinuisse monstrabat.

(A. C. 365.)

1 V. Acta igitur tranquillius hieme, concordissimi Principes, unus nuncupatione praelatus, alter

3) Ms. Attacitti. 4) Ms. foedera. 5) Ms. debet.

honore specie tenus adiunctus, percursis Thraciis Naesum advenerunt: ubi in ¹⁾ suburbano, quod adpellatum Mediana a civitate tertio lapide disparatur, quasi mox separandi, partiti sunt comites. Et ²⁾ Valentiniano quidem, cuius arbitrio res gerebatur, Iovinus evenit, dudum promotus a Iuliano per Gallias magister armorum, et Dagalaiphus, quem militiae rectorem provexerat Iovianus: in Orientem vero sequuturus Valentem ordinatus est Victor, ipse quoque iudicio Principis antedicti provectus, cui iunctus est Arinthaëus. Lupicinus enim ³⁾ pridem a Ioviano pari modo promotus magister equitum, partes tuebatur Eoas. Tunc et Equitius Illyriciano ⁴⁾ praepositus exercitui, nondum magister, sed Comes: et Serenianus olim sacramento digressus, recinctus est ut Pannonius, sociatusque Valenti domesticorum praefuit scholae. Quibus ita digestis, et militares partiti numeri.

Et post haec cum ambo fratres Sirmium introissent, diviso palatio, ut potiori decuerat, Valentinianus Mediolanum, Constantinopolim Valens discessit. Et Orientem quidem regebat potestate praefecti Sallustius; Italiam vero cum Africa et Illyrico Mamertinus, et Gallias provincias ⁵⁾ Germanianus. Agentes igitur in memoratis urbibus Principes, ⁶⁾ sumpserunt primitus trabeas consulares: omnisque hic annus dispendiis gravibus rem Romanam afflixit. Alamanni enim perrupere Germaniae limites, hac ex causa solito infestius moti. Cum legatis eorum missis ad comitatum certa et praestituta ex more munera praeberi deberent, minora et ⁷⁾ vilia sunt attributa: quae illi suscepta, furenter agentes, ut indignissima proiecere. Tractatique asperius ab Ursacio tunc magistro officiorum, iracundo quodam

¹⁾ Steph. suburbio. ²⁾ Ms. pridie. ³⁾ Ms. Germanianus. ⁴⁾ Ms. vilia.

et saevo, regressi factumque exaggerantes, ut contumeliose despectas gentes immanissimas concitarent.

8 Et circa id tempus, aut non multo posterius, in Oriente Procopius in res surrexerat novas: quae prope Kal. Novembris venturo Valentiniano Parisios, eodemque nuntiata sunt die.

9 Et Alamannis quidem occursurum Dagalaiphum pergere mature praecepit: qui, vastitatis propinquioribus locis, longius discefferant incruenti. Super adpetitu vero Procopii antequam adulesceret reprimendo, curis ⁵⁾ diducebatur ambiguus, ea potissimum ratione sollicitus, quod ignorabat, utrum Valente superstite an extincto ⁶⁾ memoratus imperium adfectarat. Equitius enim relatione Antonii tribuni accepta, ⁷⁾ agentis in Dacia mediterranea militem, qui nihil praeter negotium ipsum, auditum obscure significabat; ipse quoque nondum liquida fide comperta, simplicibus verbis Principem gestorum ¹⁰ conscium fecit. His cognitis Valentinianus eodem Equitio aucto magisterii dignitate, repedare ad Illyricum destinabat, ne persultatis Thraciis perduellis iam formidatus invaderet hostili excursu Pannonias. Documento enim recenti impendio terrebatur, reputans, paullo ante Iulianum, contempto Imperatore bellorum civilium ubique victore, nec speratum ante nec exspectatum, ab urbe in ¹¹ urbem incredibili velocitate transisse. Verum ardens ad redeundum eius impetus molleiebatur consiliis proximorum, ⁸⁾ suadentium et orantium, ne interneciva minantibus barbaris exponeret Gallias, neve hac causatione provincias desereret egentes adminiculis magnis: ⁹⁾ iisque legationes urbium accessere nobilium, precantes, ne in rebus duris et

5) Ms. diducebantur. 6) *al.* memoratum Imperium. 7) Ms. agentis. 8) Ms. valentium. 9) Ms. maenisque.

dubiis impropugnatas eas relinqueret; quas praesens eripere poterit discriminibus maximis, metu ambitiosi nominis sui Germanis incusso.

Tandem denique utilitate rei perpenfius excogitata, in multorum sententias flexus, replicabat aliquoties, hostem suum fratrisque solius esse Procopium; Alamannos vero totius orbis Romani: statuitque nusquam interim extra confinia moveri Gallorum. Et adusque Remos progressus, sollicitusque super Africa, ne repente perumperetur, Neotherium, postea consulem tunc notarium, ad eamdem tuendam ire disposuit, et Mafaucionem domesticum protectorem ea consideratione, quod diu sub patre Cretione quondam Comite educatus, suspecta noverat loca; hisque et scutarium adiunxit Gaudentium, olim sibi cognitum et fidelem.

Quia igitur uno eodemque tempore utrobique turbines exarsere maestissimi, competenti loco singula digeremus, nunc partem in Oriente gestorum, deinde bella barbarica narraturi: quoniam pleraque et in occidentali et in Eoo orbe iisdem mensibus sunt excitata: ne, dum ex loco subinde saltuatim redire festinamus in locum, omnia confundentes, squaliditate maxima rerum ordines implicemus.

VI. Insigni genere Procopius in Cilicia natus et educatus, ea consideratione, qua propinquitate Iulianum postea Principem contingebat, a primo gradu eluxit: et ut vita moribusque castigatior, licet occultus erat et taciturnus, notarius diu perspicaciter militans et tribunus, iamque summatibus proximis: post Constantii obitum in rerum conversione velut Imperatoris cognatus altius anhelabat, ¹⁾ adiunctus consortio Comitum: et adparebat eum, si nunquam potuisset, fore quietis publicae turbatorem. Hunc Iulianus Perlidem ingrediens; conso-

1) Ms. adiunctus.

- ciato pari potestatis iure Sebastiano, in Mesopotamia cum manu militum reliquerat valida: mandaratque, ut susurravit obscurior fama (nemo enim dicti auctor exstitit verus) pro cognitorum ageret textu, et si subsidia rei Romanae languisse sensisset, Imperatorem ipse se provideret ocius nuncupari.
- 3 Qui iniuncta civiliter agens et caute, Iuliani letaliter vulnerati funus, et ad regenda communia comperit Iovianum evectum: falloque rumore disperso, inter abeuntis anhelitus animae eundem Iulianum²⁾ vero mandasse, placere sibi, Procopio clavos summae rei gerendae committi: veritus, ne hac ex causa indemnatus occideretur, e medio se conspectu discrevit, maxime post Ioviani territus necem notatiorum omnium primi, quem Iuliano perempto veluti dignum imperio paucis militibus nominatum, novaque exinde coeptare suspectum, cruciabiliter
- 4 didicerat interfectum. Et quia se quaeri industria didicerat magna, vitans gravioris invidiae pondus, ad abdita longiusque remota discessit. Cumque a Ioviano exploratius indagari latibula sua sentiret, et ferinae vitae iam fuisset pertaesum: (quippe a celsiore statu deiectus ad inferiora, etiam edendi paenuria in locis squalentibus stringebatur, hominumque egebat colloquiis) postremae necessitatis impulsu devius itineribus ad³⁾ Chalcedonos agrum pervenit.
- 5 Ubi, ⁴⁾ quoniam et illud firmitus visum est receptaculum, apud fidissimum amicorum delitescere, Strategium quemdam ex palatino milite senatorem, Constantinopolim, quantum fieri poterat clanculo, saepe intermeans: ut indicio eiusdem Strategii patuit, postquam saepius in factionis conscios est in-
- 6 quisitum. Ritu itaque sollertissimi cuiusdam speculatoris, ⁵⁾ ignotus ob squalorem vultus et maciem

2) τοῦ vero in aliis libris deest. 3) *al.* Chalcedonium. 4) *Ms.* quoniam et illud. 5) *al.* ignotus vultu ob squalorem et maciem.

rumusculos colligebat tunc crebrescentes, ut sunt acerba semper instantia, incusantium multorum Valentem, quasi cupiditate aliena rapiendi succensum. Cuius dirlitati adiectum erat incentivum ex-7
 tiale focer Petronius, ex praeposito Martensium militum promotus repentino saltu patricius, animo deformis et habitu: qui ad nudandos sine discretione cunctos immaniter flagrans, nocentes pariter et ⁶⁾ insontes post exquisita tormenta quadrupli nexibus vinciebat, debita iam inde a temporibus principis Aureliani perscrutans, et impendio maerens, si quemquam absolvisset indemnem. Cuius morum 8
 intolerantiae haec quoque perniciēs accedebat, quod, cum ditaretur luctibus alienis, erat inexorabilis et crudelis, et in rabido corde durissimus, nec reddendae nec accipiendae rationis umquam capax: invisior Cleandro, quem agentem sub Imperatore Commodo praefecturam, sublata vecordia diversas legimus vexasse fortunas: et onerosior Plautiano, qui praefectus itidem sub Severo, ultra mortale tumens cuncta confuderat, ni gladio perisset ultore. Haec lacrimosa, quae incitante Petronio 9
 sub Valente clausere multas paupertinas et nobiles domos, impendentiumque spes atrocior, provincialium et militum paria gementium sensibus imis haerebant: et votis licet obscuris et tacitis permutatio status praesentis ope numinis summi, concordi gemitu poscebatur. Quae Procopius latenter ac- 10
 cipiē, arbitratusque, ubi feliciter ⁷⁾ acciderit factum, negotio levi ad apicem summae potestatis assumi, subsidebat ut praedatrix bestia, viso, quod capi poterat, protinus eruptura. Cui haec, quae 11
 maturabat, ardenti, fors hanc materiam dedit impendio tempestivam. Consumpta hieme festinans ad Syriam Valens, ⁸⁾ iamque fines Bithynorum in-

6) Ms. insontes. 7) Ms. addiderit. 8) al. iam fines.

gressus, docetur relationibus ducum, gentem Gothorum ea tempestate intactam ⁹⁾ ideoque saevissimam, conspirantem in unum ad pervadenda parari collimitia Thraciarum: hocque cognito, ut impraepedito ipse pergeret, quo tendebat, sufficiens equitum adiumentum et peditum mitti iussit ad loca, in quibus barbarici timebantur excursus. Dimoto itaque longius Principe, Procopius aerumnis diuturnis attritus, et vel atrocem mortem clementiorem ratus malis, quibus adflictabatur, aleam periculorum omnium iecit abrupte: extremaque iam perpeti nequaquam timens, praeunte perdita ratione facinus adoritur audacissimum, Divitenses Tungricanosque iuniores ad procinctum urgentem per Thracias inter alios celerare dispositos et Constantinopoli moraturos sollemniter biduum, per quosdam ex iisdem numeris notos sollicitare properans: quia cum omnibus loqui periculosum erat et
 13 arduum, fidem paucorum elegit. Qui pellecti spe praemiorum ingentium, sub consecratione iurisiurandi promissere, se, quae vellet, cuncta facturos: favorem quoque polliciti contumalium, inter quos ipsi potiore locum obtinebant in suadendo, stipendiis excellentes et meritis. Utque condictum est, ubi excanduit radiis dies, idem Procopius ductus in cogitationes varias, Anastasianas balneas petit, a sorore Constantini cognominatas, ubi locata noverat signa: doctusque per arcanorum conscios, omnes in eius studium consensisse societate coita nocturna, ¹⁰⁾ fide salutis data libenter admissus, constipatione vendibilium militum cum honore quidem, sed in modum tenebatur obsessi: qui ut praetoriani quondam post Pertinacis necem licitantem imperii praemia Iulianum susceperant, ipsi quoque

9) *al.* eandemque saevissime. 10) *Mf.* fidelitatis.

quoque Procopium infausti dominatus exordia molientem, attenti ad omne compendium defenderunt.

Stetit itaque subtabidus (excitum putares ab inferis) nusquam reperto paludamento, tunica auro distincta ut regius minister, indutus a calce in pubem in paedagogiani pueri speciem, purpureis opertus tegminibus pedum: hastatusque purpureum itidem pannulum laeva manu gestabat, ut in theatriali scena simulacrum quoddam insigne per aulaeum vel mimicam cavillationem subito putares emersum. Ad hoc igitur dehonestamentum honorum omnium ludibrioſe ¹¹⁾ sublatus, et ancillari adulatione beneficii alloquutus auctores, opesque pollicitus amplas et dignitates ob principatus primitias, processit in publicum multitudine stipatus armorum: signisque sublatiſ erectius ire pergebat, circumclausus horrendo fragore scutorum lugubre concrepantium, quae metuentes, ne a celsioribus tectis saxiſ vel tegularum fragmentis conflictarentur, densius ipsis galearum cristis aptabant.

Huic intimidius incedenti nec resistebat populus, nec favebat: accendebatur tamen infita plerisque vulgarium novitatis repentina iucunditate, ea re potius incitante, quod Petronium, ut praediximus, divitias violenter augentem, omnes eadem mente detestabantur, qui sepulta iamdudum negotia, et redivivas nebulas debitorum in diversos ordines excitabat. Cum itaque tribunal idem adscendisset Procopius, et, cunctis stupore defixis, time retur silentium triste: procliviorẽ viam ad mortem (ut sperabat) existimans advenisse, per artus tremore diffuso implicatior ad loquendum, diu tacitus stetit: pauca tamen interrupta et moribunda voce dicere iam exorsus, quibus stirpis propinquitatem imperatoriae praetendebat, leni paucorum

11) al. sublatiſ.

sufurro pretio illectorum, deinde tumultuariis succlamationibus plebis Imperator adpellatus incondite, petit curiam raptim. Ubi nullo clarissimorum, sed ignobili paucitate inventa, palatium pessimo pede festinatis passibus introiit.

19 Mirantur quidam profecto irrisione digna principia, incaute coepta et temere, ad ingemiscendas erupisse rei publicae clades, ignari forsan exemplorum, haec accidisse primitus arbitantes. Sic Adramyttenus Andriscus de genere quidam infimae fortis, adusque Pseudophilippi nomen ¹²⁾ evectus, bellis Macedonicis tertium addidit grave. Sic Antiochiae Macrino Imperatore agente, ab Emesa Heliogabalus exivit Antoninus. Ita inopino impetu Maximini Alexander cum Mamaea matre confossus est. In Africa superior Gordianus in imperium raptus, adventantium periculorum angoribus implicatus, vitam laqueo spiritu intercluso profudit.

1 VII. Igitur cupediarum vilium mercatores, et qui intra regiam adparebant, aut parere desierant, quique coetu militarium nexi ad pacatiora iam vitae discesserant, in insoliti casus ambigua partim inviti, alii volentes adsciscebantur: nonnulli omnia tutiora praesentibus rati, e civitate occulte dilapsi, Imperatoris castra petivere itineribus festinatis.

2 Hos omnes Sophronius vivacissimo cursu praegressus, tunc notarius, praefectus postea Constantinopoleos, Valentem a Caesarea Cappadocum iam profecturum, ut vaporatis aestibus Ciliciae iam lenitis ad Antiochiae percurreret sedes: textu narratogestorum, spe dubia in talibus percitum et stupentem, avertit Galatiam, res adhuc trepidas arripiturum.

3 Qui dum itineribus properat magnis, attentissima cura Procopius in dies agitabat et noctes, sub-

12) Ms. erectus.

ditivos quosdam ostentans, qui astutia confidenti partim ab Oriente, alii e Galliis se venisse, et Valentinianum obiisse fingentes, cuncta patere novo et favorabili Principi memorabant. Et quia res 4 novae petulanter arreptae celeritate muniri solent interdum, ne quid formidandum omitteretur, 1) cum festinatione Nebridius in locum Sallustii praefectus praetorio factione Petronii recens promotus, et Caesarius Constantinopolitanae urbis praefectus in vincula compinguntur: et iubetur civitatem curare solita potestate Phronemius, esseque magister officiorum Euphrasius, ambo Galli, institutis bonarum artium spectatissimi: et administratio negotiorum castrensium Gomoario et Agiloni revocatis in sacramentum committitur inconsulte, ut docuit rerum exitus proditor. Quia igitur Iulius co- 5 mes per Thracias copiis militaribus praesidens, oppressurus rebelles, si comperisset conata, ex propinquis stationibus timebatur, commentum excogitatum est validum: et quasi iussu Valentis seria super barbaricis motibus tractaturus, Nebridii litteris adhuc clausi violenter expressis accitus Constantinopolim, strictius tenebatur. Hacque callida fraude bellatrices Thraciae gentes sine cruore adquisitae, adminicula ausis tumultuariis maxima compararunt. Post quae ita eventu laetiore completa, Araxius 6 exambita regia praetorio praefectus accessit, velut Agilone genero suffragante: alique plures ad aulae varios actus et administrandas provincias sunt admissi, quidam inviti, alii ultro semet offerentes cum praemiis. Utque in certaminibus intestinis usu ve- 7 nire contingit, emergebant ex vulgari faece nonnulli, desperatione consiliisque ductantibus caecis: contraque quidam orti splendide, a culminibus summis adusque mortes et exilia corruebant.

D d 2

1) Mf. cum festinatione.

- 8 Ubi per haec et similia factio firmiter videbatur
esse composita, restabat, ut abundans cogeretur
militum manus: et impetratum est facile, id quod
in publicis turbamentis aliquoties ausa ingentia, vel
9 iustis exorsa primordiis impedivit. Transeuntes ad
expeditionem per Thracias concitatae equitum pe-
ditumque turmae, blandeque acceptae et liberali-
ter cum essent, omnesque in unum sitae, iamque
exercitus species adpareret: promissis uberrimis in-
hiantes, sub execrationibus diris in verba iuravere
Procopii: hanc polliciti pertinaciam, quod eum
10 suis ²⁾ armis defensabunt. Inventa est enim occasio
ad alliciendos eos perquam opportuna: quod Con-
stantii filiam parvulam, cuius recordatio colebatur,
sinu ipse circumferens, necessitudinem praetende-
bat et Iuliani. Adeptusque est aliud tempori con-
gruum: quod Faustina, matre puellae, casu prae-
sente, quaedam acceperat habitus insignia princi-
11 palis. Adiungit his aliud veloci diligentia matu-
randum: et electi quidam stoliditate praecipites ad
capessendum Illyricum missi sunt, nullo praeter pe-
tulantiam adiumento confisi, aureos scilicet num-
mos effigiatos in vultum novi Principis, aliaque ad
illecebras aptantes: quos correptos Equitius per
eas regiones militum rector exstinxit genere diverso
12 poenarum. Pariaque deinde metuens, obsiruxit
tres aditus angustissimos, per quos provinciae ten-
tantur Arctoae, unum per ripensem Daciam, alte-
rum per Succos notissimum, tertium per Macedo-
nas, quem adpellant Acontisma. Hacque cautela,
vana persuasionem rapiendi Illyrici destitutus usurpa-
tor indebitae potestatis, magna perdidit instrumen-
ta bellorum.
- 13 Dum haec ita aguntur, atrocitate nuntii Valens
perculsus, iamque revertens per Gallograeciam,

2) Steph. animis.

auditis apud Constantinopolim gestis, diffidenter incedebat et trepide: ac repentino pavore vias providendi turbante, eousque desponderat animum, ut angustos amictus abiicere tamquam gravem sarcinam cogitaret: fecissetque profecto, ni vetantibus proximis detractus a deformi proposito, firmatusque meliorum sententiis, agmina duo ³⁾ praeire iussisset, quibus nomina sunt Iovii atque Victores, castra perduellium irrupturos. His iam propin-¹⁴ quantibus, ipse Procopius ⁴⁾ a Nicaea regressus, quo nuper advenerat, cum Divitenfibus desertorumque plebe promiscua, quam ⁵⁾ dierum brevi spatio congregarat, Mygdum acceleravit: qui locus Sangario adluitur flumine. Ubi cum legiones iam ¹⁵ pugnaturae congredierentur, inter reciprocantes missilia quasi procurfatione hostem laceffens, solus prorupit in medium. Et secundioris ductu fortunae, ex contraria acie velut agnitum quemdam Vitalianum, quem, si norat, ambigitur, Latine salute data blande produxit: eumque porrecta dextra suaviatus, omnibus hinc inde attonitis, *En, inquit, ¹⁶ cana Romanorum exercituum fides, et ⁶⁾ religionibus firmis iuramenta constricta! Placet, fortissimi viri, pro ignotis tot suorum consurrexisse mucrones: utque Pannonius degener labefactans cuncta et proterens, imperio, quod ne votis quidem concipere ausus est umquam, potiatur, ingemiscere nos vestris nostrisque vulneribus. Quin potius sequimini culminis summi profapiam, non [ut rapiat aliena, sed in integrum maiestatis avitae] restituatur, arma iustissima commoventem.*

Hac sermonis placiditate molliti omnes, qui ¹⁷ acriter venerant pugnaturi, signorum apicibus aquilisque summissis descivere libentes ad eum: et pro

3) Steph. praecedere. 4) Mf. Anticea. 5) Mf. dierum brevi spatio. 6) al. regionibus.

terrifico fremitu, quem barbari dicunt barritum, nuncupatum Imperatorem stipatumque de more, consentientes in unum reduxerunt ad castra, testati more militiae Iovem, invictum Procopium fore.

- 1 VIII. Huic perduellium prosperitati laetior accessit. Rumitalca enim tribunus in societatem Procopianorum adscitus, et suscepta cura palatii, digesto mature consilio, permistoque cum militibus, mari ad Drepanum antea, nunc Helenopolim venit,
 2 exindeque Nicaeam spe celerius occupavit. Ad quam obsidendam cum huiusmodi pugnarum peritis Vadamario misso ex duce et rege Alamannorum, Valens Nicomediam pergit. 3) Exindeque profectus, oppugnationi Chalcedonis magnis viribus insistebat; cuius e muris probra in eum iaciebantur, et iniuriose compellabatur ut Sabaarius. Est autem sabaia ex ordeo vel frumento in liquorem conversis paupertius in Illyrico potus. Fessus denique inopia commeatum, et obstinatione nimia defensorum, discedere iam parabat: cum inter haec clausi apud Nicaeam, patefactis subito portis egressi, munitorum magna parte prostrata, ductore fidentissimo Rumitalca properabant ardentem, circumventuri Valentem a tergo, nondum a Chalcedonos suburbano digressum: et patrassent conata, ni rumore quodam praeverso imminens exitium ille perdoctus, instantem vestigiis hostem per Sunonensem lacum et fluminis Galli sinuosos amfractus propere discedendo frustra sequentem lusisset. Et hoc casu Bithynia quoque in Procopii ditionem redacta est.
- 4 Unde cum Ancyram Valens citis itineribus revertisset, comperissetque Lupicinum ab Oriente cum catervis adventare non contemnendis: spe prosperorum erectior, Arinthaem lectissimum ducem
 5 occursum hostibus misit. Qui ubi Dadaflanam

1) *al.* Exinde.

tetigit, in qua statione perisse diximus Iovianum, Hyperechium sibi oppositum repente vidit cum copiis, antehac ²⁾ Castrensis adparitorem, cui ut amico Procopius auxilia ductanda commisit. Et dedignatus hominem superare certamine despicabilem, auctoritatis et celsi fiducia corporis, ipsis hostibus iussit suum vincere rectorem: atque ita turmarum antesignanus umbratilis ³⁾ comprehensus suorum manibus.

Quae dum hoc modo procedunt, Venustus qui-⁶dam largitionum adparitor sub Valente, multo ante Nicomediam missus, ut aurum susceptum stipendii nomine militibus per Orientem diffusis viritim tribueret, hac tristitia cognita alienum pervidens tempus, Cyzicum cum iis, quae susceperat, se citius contulit. Ubi forte Serenianus repertus domesti-⁷corum tunc Comes, missus ad thesauros tuendos, urbem inexsuperabili moenium ambitu monumentis quoque veteribus cognitam, fretus tumultuario praesidio custodiebat: ad quam expugnandam Procopius, ut, possessa Bithynia, sibi etiam ⁴⁾ Hellespontum iungeret, validam destinaverat manum. Morabantur autem effectum sagittis et glandibus⁸ caeterisque iaculis oblidentium saepe globi ⁵⁾ confixi, et propugnatorum sollertia claustrum per catenam ferream valde robustam ori portus insertum, quae, ne rostratae irruerent naves hostiles, erat al-
trinfecus colligata. Hanc post varios militum labo-⁹res et ducum, fatigatorum acerrimis proeliis, Aliso quidam tribunus abscidit, ⁶⁾ exsertus bellator et prudens, hoc modo. Coniunctis tribus navigiis, testudinem hac specie superstruxit. Densatis cohaerentes supra capita scutis, primi transtris instabant armati, alii post hos semet curvantes humiliter, ter-

²⁾ Ms. Castrensis. ³⁾ Ms. compressus. ⁴⁾ Ms. bellis pontum.
⁵⁾ *al.* confusi. ⁶⁾ Ms. exsertas.

tiis gradatim inclinatis submisit, ita ut novissimi suffraginibus insidentes formam aedificii fornicati monstrarent. Quod machinae genus contra mura-
 les pugnas ideo figuratur hac specie, ut missilium
 ictus atque saxorum per decursus cadentium labiles,
 10 instar imbrium evanescant. Itaque coniectu telo-
 rum Aliso paullisper defensus ingenti corporis robo-
 re, supposito stipite eandem catenam fortius bi-
 penni concidens ita confregit, ut disiecta pateface-
 ret aditum latum: hocque exitu civitas hostili im-
 petu patuit improlecta. Qua causa extincto postea
 proterviae totius auctore, cum in factionis partici-
 pes saeviretur: hic idem tribunus contemplatione
 facinoris clari vitam cum militia retineus, diu post
 in Hauria oppetiit vastatoria manu confossus.

11 Hoc Marte Cyzico referata, Procopius ad eam
 propere festinavit: veniaque universis, qui repugna-
 vere, donatis, Serenianum solum iniectis vinculis
 12 iussit duci Nicaeam servandum artissime. Statim-
 que Hormisdae maturo iuveni, Hormisdae regalis
 illius filio, potestatem proconsulis detulit, et civi-
 lia more veterum et bella recturo. Qui agens pro
 moribus lenius, a militibus, quos per devia Phry-
 giae miserat Valens, subito corripendus incurfu,
 tanto vigore evasit, ut adscensa navi, quam ad ca-
 sus pararat ancipites, sequentem ac paene captam
 uxorem sagittarum nube diffusa defensam averteret
 secum: matronam opulentam et nobilem, cuius
 verecundia et destinatio gloriosa abruptis postea dis-
 criminibus maritum exemit.

13 Ea victoria ultra homines Procopius sese effe-
 rens, et ignorans, quod quivis beatus, versa rota
 Fortunae, ante vesperum potest esse miserrimus: Ar-
 betionis domum, cui antea tamquam eadem sibi sen-
 tientis parcebat ut propriae, iussit exinaniri, 7) mo-

7) Ms. mobiles.

bilis census inaeſtimabilis plenam: ideo indignatus, quod venire ad eum accitus aliquoties distulit, cauſatus incommoda ſenectutis et morbos. Et licet 14
 hac ex cauſa praefumptor momentum pertimeſceret grave, tamen, cum obſiſtente nullo ſe in orientales provincias effundere libenti cunctorum adſenſione iam licentius poſſet, avidas novitatem quamdam viſere taedio aſperioris imperii, quo tunc tenebantur: erga alliciendas quasdam civitates Asiae, legendosque eruendi peritos auri, ut ſibi profuturos proeliis, quae magna exſpectabat et crebra, ſegnius commoratus; in modum acuti mucronis obtuſus eſt. Ut quondam Peſcennius Niger ad ſubveniendum 15
 ſpei rerum extremae a populo Romano ſaepe accitus, dum diu cunctatur in Syria, a Severo ſuperatus in ſinu Iſſico (qui eſt in Cilicia, ubi Dareum Alexander fudit) fugatusque, in ſuburbano quodam Antiochiae gregarii manu militis interiit.

(A. C. 566.)

IX. Haec adulta hieme Valentiniano et Valente 1
 Coſſ. agebantur. Translato vero in Gratianum adhuc privatum et Dagalaiphum ampliffimo magiſtratu, aperto iam vere ſuſcitatis viribus, Valens iuncto ſibi Lupicino cum robuſtis auxiliis Peſſinunta ſigna propere tulit, Phrygiae quondam, nunc Galatiae oppidum. Quo praefidiis ocieſ communito, 2
 ne quid inopinum per eos emergeret tractus, praeter radices Olympi montis excelfi tramitesque fragoſos ire tendebat ad Lyciam, oſcitantem ibi 1) Gomoarium adgreſſurus. Cui pertinaci conſpiratione 3
 multorum hac maxima conſideratione reſiſtebatur, quod hoſtis eius, ut ante relatum eſt, Conſtantii filiam parvulam cum matre Fauſtina et in agminibus, et cum prope in acie ſtarent, lectica circum-

1) Mſ. Obigomarium.

ferens secum, ut pro imperiali germine, cui se quoque iunctum addebat, pugnarent audentius, iras militum accendebat. Sicut aliquando dimicaturi Macedones cum Illyriis, ²⁾ regem adhuc infantem in cunis locavere post aciem, cuius metu, ne trahe- retur captivus, adversos fortius opprefferunt.

4 Contra has calliditatis argutias sagaci opitula-
tione nutanti negotio consuluit Imperator: et Ar-
betionem ex Consule agentem iam dudum in otio,
ad se venire hortatus est, ut Constantiniani ducis
verecundia truces animi lenirentur: neque secus
5 evenit. Nam cum omnibus provector natus et di-
gnitate sublimior, canitiem reverendam ostenderet
multis ad perfidiam inclinatis, publicum grassato-
rem Procopium; milites vero sequutos eius erro-
rem, filios et laborum participes pristinatorum ad-
pellans orabat, ut se ac si parentem magis seque-
rentur felicissimis ductibus cognitum, quam pro-
fligato morem gererent nebuloni destituendo iam et
6 caluro. Quibus cognitis Gomoarius, cum elusis
hostibus, unde venerat, redire posset innoxius, ad
castra Imperatoris opportunitate intervalli proximi,
captivi colore transivit, velut accursu multitudinis
visae subito circumsaepus.

7 Qua succensus alacritate Valens castra promovit
ad Phrygiam: et ³⁾ prope Nacoliā collatis mani-
bus, ⁴⁾ partium dux in ancipiti ⁵⁾ Agilo rem excur-
su prodidit repentino: eumque sequuti complures
iam pila quatientes et gladios, ad Imperatorem
transeunt cum vexillis scuta perversa gestantes, quod
defectionis signum est apertissimum.

8 Hoc praeter spem omnium viso, Procopius, sa-
lutis intercluso suffragio, versus in pedes, circum-
iectorum nemorum secreta et montium petebat:

2) τοῦ regem Ms. deest. 3) Ms. propensacolum. 4) Ms. parti-
tiundum. 5) Ms. iaculorum excursus.

Florentio sequente et Barchalba tribuno, quem per saevissima bella iam inde a Constantii temporibus notum, necessitas in crimen traxerat, non voluntas. Maiore itaque noctis parte consumpta, cum a ve- 9
spertino ortu luna praelucens in diem metum auge-
ret, undique facultate evadendi exempta, consilio-
rum inops Procopius, ut in arduis necessitatibus
solet, cum fortuna expostulabat luctuosa et gravi,
mersusque multiformibus curis, subito a comitibus
suis artius vinctus, relato iam die ductus ad castra,
Imperatori offertur reticens atque defixus: statim-
que abscissa cervice, discordiarum civilium gliscen-
tes turbines ⁶⁾ sepelivit et bella, ad veteris Perpen-
nae exemplum: qui post Sertorium inter epulas ob-
truncatum, dominatione paullisper potitus, a ⁷⁾ fru-
tectis, ubi latebat, extractus, oblatusque Pompeio,
eius iussu est interfectus.

Parique indignationis impetu Florentius et Bar- 10
chalba, qui eum duxerunt, confestim, non pensata
ratione, sunt interfecti. Nam si Principem legiti-
mum prodidissent, vel ipsa iustitia iure caesos pro-
nuntiaret: si rebellem et oppugnatorem internae
quietis, ut ferebatur; amplas eis memorabilis facti
oportuerat deferri mercedes.

Excessit autem vita Procopius anno quadrage- 11
mo, amplius mensibus decem: corpore non inde-
coro, nec mediocris staturae, subcurvus, humum-
que intuendo semper incedens, perque morum tri-
stium latebras illius similis Crassi, quem in vita se-
mel risisse Lucillius adfirmat et Tullius: et, quod
est mirandum, quoad vixerat, incruentus.

X. Iisdem fere diebus protector Marcellus, 1
eiusdem cognatus, agens apud Nicaeam praesidium,
proditione militum et interitu Procopii cognito,
Serenianum intra palatium clausum medio noctis

6) *al.* sepelivit, ad veteris. 7) fructectis ubi latebat.

horrore incautum adortus occidit: cuius mors salutari plurimis fuit. Nam si victoriae superfuisset incultis moribus homo et nocendi acerbitate conflagrans, Valentique ob similitudinem morum et genitalis patriae vicinitatem acceptus: occultas voluntates Principis introspiciens ad crudelitatem propensioris, multas innocentium ¹⁾ ediderat strages.

3 Quo interfecto, idem Marcellus occupata celericursu Chalcedone, concrepantibus paucis, quos vilitas et desperatio trudebat in scelus, umbram principatus funesti capeffit gemina ratione fallente: quod et Gothorum tria millia regibus iam lenitis ad auxilium erant missa Procopio, Constantianam praetendenti ²⁾ necessitudinem, quae ad societatem suam parva mercede traduci posse existimabat: quodque gesta in Illyrico etiam tum latebant.

4 Inter quae tam trepida, speculationibus fidis Equitius doctus conversam molem belli totius in Asiam, digressus per Succos Philippopolim clausam praefidiis hostium, Eumolpiadam veterem reserare magna vi conabatur, urbem admodum opportunam, et impedituram eius ³⁾ adventus, si pone relictam, adiumenta Valenti laturus (nondum enim apud Nacoliā gesta compererat) festinare ad Aemimontum cogeretur. Verum paullo postea cognita levi praesumptione Marcelli, milites missi sunt audaces et prompti, qui eum raptum, ut deditum noxae mancipium, in custodiam compegerunt. Unde post dies productus, lateribus sulcatis acerrime, pariaque ⁴⁾ perpeffis confortibus interiit, hoc favorabilis ⁵⁾ solo, quod abstulit Serenianum e medio, crudelem ut Phalarim, ⁶⁾ * illi et illi fidum ad doctrinarum dicitatem, ⁷⁾ quam causis inanibus praetexebat.

1) Mf. ediderat. 2) τὸ quae Mf. deest. 3) Steph. adpetitus. 4) Mf. perpensis. 5) Mf. solo. 6) Mf. ille et ille fidum. 7) τὸ quam Mf. deest.

Exstirpatis occasu ducis funeribus belli, saevi- 6
tum est in multos acrius, quam errata flagitaverant
vel delicta: maximeque in Philippopoleos defenso-
res, qui urbem seque ipsos non nisi capite viso Pro-
copii, quod ad Gallias portabatur, ⁸⁾ aegerrime
dediderunt. Ad gratiam tamen precantium coërci- 7
ti sunt aliqui lenius: inter quos eminebat Araxius,
in ipso rerum exustarum ⁹⁾ ardore adeptus ambitu
praefecturam: ¹⁰⁾ et Agilone intercedente genero
supplicio insulari multatus, breve post tempus eva-
sit. Euphrasius vero itemque Phronemius missi ad 8
occiduas partes, arbitrio obiecti sunt Valentiniani:
et absoluto Euphrasio Phronemius Cherronesum de-
portatur, inclementius in eodem punitus negotio,
ea re, quod divo Iuliano fuit acceptus: cuius me-
morandis ¹¹⁾ virtutibus ambo fratres principes obtre-
ctabant, nec similes eius nec suppare.

His accedebant alia graviora, et multo magis 9
quam in proeliis formidanda. Carnifex enim et
unci et cruentae quaestiones, sine discrimine ullo
aetatum et dignitatum per fortunas omnes et ordi-
nes grassabantur, et pacis obtentu iudicium dete-
standum agitabatur, infaustam victoriam execranti-
bus universis, internecivo bello quovis gravio-
rem. Nam inter arma et lituos conditionis aequatio levio- 10
ra facit pericula: et Martiae virtutis potestas aut id,
quod ausum, occupat; aut ¹²⁾ inopinata mors, si
acciderit, nullum ignominiae continet sensum, fi-
nemque secum vivendi simul et dolendi perducit:
ubi vero consiliis impiis iura quidem praetendun-
tur et leges, et Catonianae vel Cassianae sententiae
fuo perliti ¹³⁾ resident iudices, ¹⁴⁾ agitur autem,
quod agitur, ad voluntatem praetumidae potestatis,

8) Ms. acerrime dividerunt. 9) ad ardorem. 10) Ms. et Agi-
lonem. 11) Ms. virtutibus eius ambo. 12) Ms. nobilitate et. 13)
Ms. residendi. 14) Ms. agatur.

et ex eius libidine incedentium vitae necisque momenta penſantur, ibi capitalis vertitur perniciēs et
 11 abrupta. Nam, ut quisque ea tempeſtate ob quamlibet voluerat cauſam, regiae propere accedens, et aliena rapiendi aviditate exuſtus, licet aperte inſontem arceſſens, ut familiaris ſuſcipiebatur et fidus,
 12 ditandus calibus alienis. Imperator enim promptior ad nocendum, criminantibus patens, et funereas delationes adſciſcens, per ſupplieiorum diuerſitates effrenatius exſultavit: ſententiae illius Tullianae ignarus docentis, infelices eſſe eos, qui omnia
 13 ſibi licere exiſtimarunt. Haec implacabilitas cauſae quidem piſſimae, ſed ¹⁵⁾ victoriae foedioris, innocentes tortoribus expoſuit multos, vel ſub eculeo caput incurvos, aut icti carnificis torvi ſubſtravit: quibus, ſi pateretur natura, vel denas animas profundere praestabat in pugna, quam lateribus fodicatis omni culpa immunes, fortunis gementibus univerſis, quaſi laesae maiestatis luere poenas, dilaniatis ante corporibus, quod omni eſt triſtius morte.
 14 Exin, cum ſuperata luctibus ferocia deſlagraſſet, proſcriptiones, et exilia, et quae leviora quibusdam videntur, quamquam ſint aſpera, viri pertulere ſummates: et ut ditaretur alius, genere nobilis et forte meritis locupletior, actus patrimonio praecipuus, truſusque in exilium conſumebatur angore, aut ſtipe precaria victitabat: nec modus ullus exitiabilibus malis impoſitus, quamdiu Principem et proximos opum ſatietas cepit et caedis.
 15 Hoc novatore adhuc ſuperſtite, cuius actus multiplices docuimus et interitum, diem duodecimum Kalend. Auguſtas, conſule Valentiniano primum cum fratre, horrendi terrores ¹⁶⁾ per omnem orbis ambitum graſſati ſunt ſubito, quales nec fabulae

¹⁵⁾ Mf. victoriae foedioris. ¹⁶⁾ Poſt haec verba ſolium integrum in Mf. deſideratur.

nec veridicae nobis antiquitates exponunt. Paulo 16
 enim post lucis exortum, densitate praevia fulgurum
 acrius vibratorum tremefacta concutitur omnis ter-
 reni stabilitas ponderis, mareque dispulsum retro
 fluctibus evolutis abscellit, ut resecta voragine pro-
 fundorum, species natantium multiformes limo cer-
 nerentur haerentes: valliumque vastitates et mon-
 tium tunc, ut opinari dabatur, suspicerent radios
 solis, quos primigenia rerum sub immensis gurgiti-
 bus amandavit. Multis igitur navibus velut arida 17
 humo connexis, et licenter per exiguas undarum re-
 liquias palantibus plurimis, ut pisces manibus colli-
 gerent et similia: marini fremitus velut gravati re-
 pullam, versa vice confurgunt, perque vada ferven-
 tia insulis et continentis terrae porrectis spatiis vio-
 lenter illisi, innumera quaedam in civitatibus, et
 ubi reperta sunt aedificia, complanarunt: proinde
 ut elementorum furente discordia, involuta facies
 mundi miraculorum species ostendebat. Relapsa 18
 enim aequorum magnitudo, cum minime sperare-
 tur, millia multa necavit hominum et submersit: re-
 currentiumque aestuum incitata vertigine, quaedam
 naves, postquam humentis substantiae consenuit tu-
 mor, pessumdatae visae sunt: exanimataque naufra-
 giis corpora supina iacebant aut prona. Ingentes 19
 aliae naves extrusae rabidis flatibus, culminibus in-
 sedere tectorum, ut Alexandriae contigit: et ad se-
 cundum lapidem fere procul a litore contortae sunt
 aliquae, ut Laconicam prope Mothonen oppidum
 nos transeundo conspeximus diuturna carie fati-
 scentem.

AMMIANI MARCELLINI

RERUM GESTARUM

LIBER XXVII.

Alamanni, fufis acie Romanis, Chariettonem et Severianum comites interficiunt. C. I. Iovinus magifter equitum per Gallias, unam et alteram Alamannorum manum imparatam caedit; tertiam barbarorum partem apud Catalaunos proelio superat, sex hostium milibus interfectis, quatuor vulneratis. II. De tribus praefectis urbi, Symmacho, Lampadio, et Iuventio. Sub eo Damafi et Urfini de episcopatu Romano contentiones. III. Describuntur populi, et sex provinciae Thraciarum, singularumque clarae urbes. IV. Valens Aug. Gothis, qui auxilia Procopio contra ipsum miserant, bellum infert, et post triennium pacem cum eis facit. V. Gratianum filium Valentinianus consentiente exercitu Augustum nuncupat, et puerum purpuram indutum ad fortiter faciendum hortatur, militibusque commendat. VI. Valentiniani A. iracundia, feritas et saevitia. VII. Pictis, Attacottis, et Scottis, post ducem et comitem interfectos, Britanniam impune vastantibus, Theodosius comes fufis praedam excussit. VIII. Mauricae gentes Africam populantur. Isaurorum latrocinia Valens compefcit. De Praetextati praefectura urbana. IX. Valentinianus A. Rhenum transit, et Alamannos, qui in celsissimos montes fugerant, non incruento utrimque certamine fundit fugatque. X. De Probi nobilitate, opibus, dignitatibus et moribus. XI. Romani et Persae de Armenia et Hiberia inter se pugnant. XII.

¹ Dum per Eoum orbem haec, quae narravimus, diverfi rerum expediunt casus, Alamanni post aeternumno-

rumnosa*s* iacturas et vulnera, quae congressi saepe Iuliano Caesari pertulerunt, viribus tandem resumptis licet imparibus pristinis, ob causam expositam supra, Gallicanos limites formidati iam persultabant. Statimque post Kal. Ianuarias, cum per glaciales tractus hiemis rigidum inhorresceret fidus, cuneatim egressa multitudo licentius vagabatur. Horum portioni primae Charietto, tunc per utram-²que Germaniam Comes, occursum cum milite egreditur ad bella ineunda promptissimo, adscito in societatem laboris Severiano itidem Comite, invalido et longaevo, qui apud Cabilona Divitensibus praesidebat et Tungricanis. Proinde confertius³ agmine in unum coacto, ponteque brevioris aquae firma celeritate transmissio, visos eminus barbaros Romani sagittis aliisque levibus iaculis incessabant, quae illi reciprocis iactibus valide contorquebant. Ubi vero turmae congressae strictis confligere mu-⁴cronibus, nostrorum acies ¹⁾ impetu hostium acriore concussa, nec resistendi nec faciendi fortiter copiam reperit, cunctis metu compulsis in fugam, cum Severianum vidissent equo deturbatum, missilique telo peroffensum. Ipse denique Charietto, dum ce-⁵dentes obiectu corporis et vocis iurgatorio sonu audentius pertinet, pudendumque diluere dedecus fiducia diu standi conatur, oppetiit telo letali confixus. Post cuius interitum, Erulorum Batavorum-⁶que vexillum direptum, quod insultando tripudiantes barbari crebro sublatum altius ostendebant, post certamina receptum est magna.

(A. C. 367.)

II. Qua clade cum ultimo maerore comperta, correcturus secius gesta Dagalaiphus a Pariliis mittitur. Eoque diu cunctante, causanteque, diffusos

¹⁾ τὸ hostium deest Steph.

- per varia barbaros semet adoriri non posse, accitoque paullo post, ut cum Gratiano etiam tum privato susciperet insignia consulatus; Iovinus equitum magister accingitur: et instructus paratusque, cautissime observans utrumque sui agminis latus, venit prope locum Scarponna: ubi inopinus maiorem barbarorum plebem, antequam armaretur, temporis brevi puncto praeventam ad internecionem extinxit. Exsultantes innoxii proelii gloria milites ad alterius globi perniciem ducens, sensimque incedens rector eximius speculatione didicit fida, direptis propius villis vastatoriam manum quiescere prope flumen: iamque adventans, abditusque in valle densitate arbuistorum obscura, videbat lavantes alios, quosdam comas rutilantes ex more, potantesque nonnullos. Et nactus horam impendio tempestivam, signo repente per lituos dato latrocinalia castra perrupit: contraque Germani nihil praeter inefficaces minas iactanter sonantes et fremitum, nec expedire arma dispersa, nec componere aciem, nec resurgere in vires permittebantur, ¹⁾ urgente instanter victore. Quocirca forati pilis et gladiis cecidere complures, absque iis, quos versos in pedes texere flexuosi tramites et angusti.
- 4 Hoc prospero rerum effectu, quem virtus peregerat et fortuna, aucta fiducia Iovinus militem ducens, diligenti speculatione praemissa, in tertium cuneum, qui restabat, propere castra commovit: et maturato itinere omnem prope Catelaunos invenit ad congregiendum promptissimum. Et vallo opportune metato, suisque pro temporis copia cibo recreatis et somno, primo aurorae exortu in aperta planitie composuit aciem dilatatam arte sollerti, ut spatiis amplioribus occupatis aequiperare Romani hostium multitudinem adparerent, inferiores nume-

1) In Steph. editione τὸ instanter doest.

ro, licet viribus pares. ²⁾ Signo itaque per bucci-6
nas dato, quum pede collato res agi coepisset, sueta
vexillorum ³⁾ splendentium facie territi stetero Ger-
mani. Quibus hebetatis parumper; reparatisque
confestim, adusque diei extimum concertatione
protenta, validius imminens miles fructum rei bene
gestae sine dispendio quaesisset, ni Balchobaudes
armaturarum tribunus magniloquentia socordi coa-
litus, propinquante iam vespere cessisset incondite.
Quem si sequutae residuae cohortes abiissent, ad tri-
stes exitus eousque negotium venerat, ut nec acta
nuntiaturus quisquam posset superesse nostrorum.
Sed resistens animorum acri robore miles ita lacertis 7
eminuit, ut hostium quatuor millibus faucis, sex
alia interficeret millia: ipse vero non amplius mille
ducentis amitteret, ducentis tantummodo vulnera-
tis. Noctis itaque adventu proelio iam dirempto, 8
refectisque viribus fessis, prope confinia lucis du-
ctor egregius in agminis quadrati figuram producto
exercitu, cum comperisset occultantibus tenebris
barbaros lapsos: securus insidiarum per aperta cam-
porum sequebatur et mollia, calcando semineces et
constrictos, quos vulneribus frigorum asperitate
contractis dolorum absumpserat magnitudo. Exin 9
progressus ulterius, revertens, ubi nullum repererat,
didicit regem hostilium agminum cum paucis captum
ab Ascariis, quos ipse ⁴⁾ per iter aliud ad diripienda
tentoria miserat Alamannica, suffixum patibulo.
Ideoque iratus in tribunum animadvertere statuit,
ausum hoc inconsulta potestate superiore fecisse:
eumque damnasset, ni militari impetu commissum
facinus atrox, documentis evidentibus constitisset.

Et post haec redeunti Parisios post claritudinem 10
recte gestorum Imperator laetus occurrit: eumque

E e 2

2) Ms. Signo itaque. 3) In Steph. deest. 4) Ms. pariter.

postea consulem designavit: illo videlicet ad gaudii
 cumulum accedente, quod iisdem diebus Procopii
 11 suscepit caput a Valente transmissum. Praeter
 haec, alia multa narratu minus digna conferta sunt
 proelia per tractus varios Galliarum, quae super-
 fluum est explicare, quoniam neque operae pre-
 tium aliquod eorum habuere proventus, nec histo-
 riam producere per minutias ignobiles decet.

1 III. Hoc tempore vel paullo ante, nova por-
 tenti species per annonariam adparuit Tusciam: id-
 que, quorsum evaderet, prodigialium rerum periti
 penitus ignorarunt. In oppido enim Pistorienti
 prope horam diei tertiam spectantibus multis asinus
 tribunali adscenso audiebatur destinatus rugiens: et
 stupefactis omnibus, qui aderant, quique didice-
 rant referentibus aliis, nulloque coniectante ventu-
 2 ra, postea, quod portendebatur, evenit. Teren-
 tius enim humili genere in urbe natus et pistor, ad
 vicem praemii, quia peculatus reum detulerat Orfi-
 tum ex praefecto, hanc eandem provinciam corre-
 ctoris administraverat potestate. Eaque confiden-
 tia deinceps inquietius agitans multa, in navicula-
 riorum negotio falsum admisisse convictus, ut fereba-
 tur, periit carnificis manu, regente Claudio Romam.

3 Multo tamen antequam hoc contingeret, Sym-
 machus Aproniano successit, inter praecipua nomi-
 nandus exempla doctrinarum atque modestiae, quo
 instante urbs sacratissima otio copiisque abundantius
 solito fruebatur: [et ambitioso ponte exultat atque
 firmissimo, quem] condidit ipse, et magna civium
 laetitia dedicavit ingratorum, ut res docuit apertis-
 4 sima. Qui, consumptis aliquot annis, domum eius
 in transtiberino tractu pulcherrimam incenderunt,
 ea re perciti, quod vilis quidam plebeius infixerat,
 illum dixisse sine indice ullo vel teste, libenter se
 vino proprio calcarias extincturum, quam id ven-
 diturum pretiis, quibus sperabatur.

Advenit post hunc urbis moderator Lampadius 5
ex praefecto praetorio, ¹⁾ homo indignanter admo-
dum sustinens, si, etiam cum spueret, non lauda-
retur, ut id quoque prudenter praeter alios faciens:
sed nonnumquam severus et frugi. Hic cum ma- 6
gnificos praetor ederet ludos, et uberrime largire-
tur, plebis nequiens tolerare tumultum, indignis
multa donari saepe urgentis; ut liberalem se et mul-
titudinis ostenderet contemptorem, accitos a Vati-
cano quosdam egentes opibus ditaverat magnis.
Vanitatis autem eius exemplum, ne latius evage- 7
mur, hoc unum sufficiet poni, leve quidem, sed
cavendum iudicibus. Per omnia enim civitatis
membra, quae diversorum Principum ²⁾ exorna-
runt impensae, nomen proprium inscribebat: non
ut veterum instaurator, sed conditor. Quo vitio
laborasse Traianus dicitur Princeps: unde eum her-
bam parietinam iocando cognominarunt.

Hic praefectus exagitatus est motibus crebris: 8
uno omnium maximo, cum collecta plebs infima,
domum eius prope Constantinianum lavacrum inie-
ctis facibus incenderat et malleolis, ni vicinorum
et familiarium veloci concursu a summis tectorum
culminibus petita saxis et tegulis abscessisset. Ea- 9
que vi territus ipse ³⁾ primitus crebrescentis sedi-
tionis in maius, secessit ad Mulvium pontem (quem
struxisse superior dicitur Scaurus) adlenimenta ibi-
dem tumultus opperiens, quem causa concitaverat
gravis. Aedificia erigere exoriens nova, vel vetu- 10
sta quaedam instaurans, non ex titulis solitis parari
iubebat impensas: sed, si ferrum quaerebatur, aut
plumbum, aut aes, aut quidquam simile; adpari-
tores immittebantur, qui velut ementes diversa, ra-
perent species nulla pretia persolvendo: unde ac-

1) In Steph. το homo deest. 2) Mf. exarmarunt. 3) Mf. pri-
mitus crebreſc.

cenforum iracundiam pauperum ⁴⁾ damna deflentium crebra aegre potuit celeri vitare digressu.

- 11 Advenit successor eius ex quaesitore palatii ⁵⁾ Iuventius, integer et prudens, Pannonius: cuius administratio quiescit et placida, copia rerum omnium fluens. Et hunc quoque discordantis populi seditiones terruere cruentae, quae tale negotium excitavere. 12 Damascus et Ursinus supra humanum modum ad rapiendam episcopatus sedem ardentes, scissis studiis asperrime conflictabantur, ad usque mortis vulnerumque discrimina adiumentis utriusque progressis: quae nec corrigere sufficiens Iuventius nec mollire, coactus vi magna secessit in 13 suburbanum. Et in concertatione superaverat Damascus, parte, quae ei favebat, instante. Constatque in basilica Sicinini, ubi ritus Christiani est conventiculum, uno die centum triginta septem reperta cadavera peremptorum: efferatamque diu plebem aegre postea delenitam.
- 14 Neque ego abnuo, ostentationem rerum considerans urbanarum, huius rei cupidos ob impetrandum, quod adpetunt, omni contentione laterum iurgari debere: cum id adepti, futuri sint ita securi, ut ditentur oblationibus matronarum, procedantque vehiculis infidentes, circumspecte vestiti, epulas curantes profusas, adeo ut eorum convivia 15 regales superent mensas. Qui esse poterant beati revera, si magnitudine urbis despecta, quam vitiis opponunt, ad imitationem antistitum quorundam provincialium viverent: quos tenuitas edendi potandique parcissime, vilitas etiam indumentorum, et supercilia humum spectantia, perpetuo numini verisque eius cultoribus ut puros commendant et verecundos. Hactenus deviasse sufficiet, nunc ad rerum ordines revertamur.

4) τοῦ damna vulg. deest. 5) Ms. Iuventius, et ita infra.

IV. Dum aguntur antedicta per Gallias et Italiam, i
novi per Thracias exciti sunt procinctus. Valens
enim, ut consulto placuerat fratri, cuius regebatur
arbitrio, arma concussit in Gothos, ratione iusta
permotus: quod auxilia misere Procopio civilia bella
coeptanti. Ergo convenit pauca super harum ori-
gine regionum et situ transcurrere per brevem ex-
cessum.

Erat Thraciarum descriptio facilis, si veteres²
concinerent stili: quorum obscura varietas quo-
niam opus veritatem professum non iuvat, sufficiet
ea, quae vidisse meminimus, expedire. Has terras³
impressa quondam camporum placiditate aggerum-
que altitudine fuisse porrectas, Homeri perennis
auctoritas docet, Aquilonem et ¹⁾ Zephyrum ventos
exinde flare fingentis: quod aut fabulosum est, aut
tractus antehac diffusi latissime, destinatique natio-
nibus feris, cuncti Thraciarum vocabulo censeban-
tur. Et partem earum habitavere Scordisci, longe⁴
nunc ab iisdem provinciis disparati, saevi quondam
et truces, ut antiquitas docet, hostiis captivorum
Bellonae litantes et Marti, humanumque sanguinem
in ossibus capitum ²⁾ cavis bibentes avidius: quorum
asperitate post multiplices pugnarum aerumnas saepe
res Romana vexata, postremo omnem amisit exerci-
tum cum rectore.

Sed ut nunc cernimus, eadem loca formata in⁵
cornuti fideris modum, effingunt theatri faciem spe-
ciosam. Cuius in summitate occidentali montibus
praeruptis densitate Succorum patefcunt angustiae,
Thracias dirimentes et Daciam. Partem vero fini-⁶
stem arctoïs obnoxiam stellis ³⁾ Aemimontanae cel-
situdines claudunt, ut et Hister, qua Romanum
caespitem lambit, urbibus multis et castris conti-

¹⁾ τὸ ventos Steph. deest. ²⁾ Ms. capitum cavis. ³⁾ Ms. Haemimontana celsitudines clauduntur.

- 7 guus et castellis. Per dextrum, quod australe est, latus scopuli tenduntur Rhodopes: unde ⁴⁾ Eoum iubar exsurgit, finitur in fretum: cui undosius ab Euxino ponto labenti, pergentique fluctibus reciprocis ad Aegaeum, discidium panditur terrarum angustum. Ex angulo tamen orientali Macedonicis iungitur collimitiis per artas praecipitesque vias, ⁵⁾ quae cognominantur Acontisma: cui proxima Arethusa convallis et statio, in qua visitur Euripidis sepulcrum tragoediarum sublimitate conspici, et Stagira, ubi Aristotelem, ut Tullius ait, fundentem aureum flumen, accepimus natum. Haec quoque priscis temporibus loca barbari tenuere, morum sermonumque varietate dissimiles. E quibus, praeter alios, ut immaniter efferati ⁶⁾ timebantur Odryssae, ita humanum fundere sanguinem adsueta, ut, cum hostium copia non daretur, ipsi inter epulas post cibi satietatem et potus, suis velut alienis corporibus imprimerent ferrum.
- 10 Verum aucta re publica, dum consulare vigeret imperium, has gentes antehac semper indomitas, vagantesque sine cultu vel legibus, Marcus Didius ingenti destinatione pressit; Drusus intra fines continuit proprios; Minucius prope amnem Hebrum, a celsis Odrysarum montibus fluentem, superatos proelio stravit: post quos residui ab Appio Claudio proconsule sunt infesta concertatione deleti. Oppida enim in Bosporo sita et Propontide classes 11 obtinuerunt Romanae. Advenit post hos imperator Lucullus, qui cum ⁷⁾ durissima gente Bessorum conflictit omnium primus: eodemque impetu Aemimontanos acriter resistentes oppressit. Quo imminente, Thraciae omnes in ditionem veterum ⁸⁾ trans.

⁴⁾ Mf. eo iubar. ⁵⁾ al. qua cognom. ⁶⁾ al. memorantur.
⁷⁾ Mf. durissima. ⁸⁾ al. transivere.

iere nostrorum: hocque modo post procinctus ancipites, rei publicae sex provinciae sunt quaesitae.

Inter quas prima ⁹⁾ ex fronte, quae Illyriis est ¹² confinis, Thracia speciali nomine adpellatur: quam Philippopolis Eumolpias vetus, et Beroea amplae civitates exornant. Post hanc Aemimontus Hadrianopolim habet, quae dicebatur Uscudama, et Anchialon, civitates magnas. Dein Myfia, ubi Marcianopolis est, a sorore Traiani Principis ita cognominata, et Dorostorus, et Nicopolis, et Odyssus: iuxtaque Scythia, in qua celebriora sunt ¹⁰⁾ aliis oppida Dionysopolis, et Tomi, et ¹¹⁾ Calatis. Europa omnium ultima, praeter municipia urbibus nitet duabus, Apris et Perintho, quam Heracleam posteritas dixit. Rhodopa huic adnexa ¹³ Maximianopolim habet, et Maroneam, et Aenum, qua condita et relicta Aeneas Italiam auspiciis prosperitate perpetua ¹²⁾ post diuturnos occupavit errores.

Constat autem, ut vulgavere rumores assidui, ¹⁴ omnes paene agrestes, qui per regiones praedictas montium circumcolunt altitudines, salubritate virium et praerogativa quadam vitae longius propagandae nos anteire: idque inde contingere arbitrantur, quod colluvione ciborum abstinent calidis, et perenni viriditate roris adspersionibus gelidis corpora constringente, aurae purioris dulcedine potiuntur, radiosque solis suapte natura vitales primi omnium sentiunt, nullis adhuc maculis rerum humanarum ¹³⁾ infectos. His ita digestis pedem referamus ad coeptum.

V. Procopio superato in Phrygia, internarum-¹ que dissensionum materia consopita, Victor magister equitum ad Gothos est missus, cogniturus aper-

9) *al.* ex fronte quae. 10) *τὸ αὐτὸ* vulgo deest. 11) *Mf.* Galati. 12) *Mf.* *τὸ post* deest. 13) *Mf.* infectos.

te, quam ob causam gens amica Romanis, foederibusque ¹⁾ ingenuae pacis obstricta, armorum dederat adminicula bellum Principibus legitimis inferenti. Quí ut factum ²⁾ firma defensione purgarent, litteras eiusdem obtulere Procopii, ut generis Constantiniani propinquo imperium sibi debitum sumplisse commemorantis, veniaque dignum adferentes errorem.

² Quibus eodem referente Victore compertis, Valens ³⁾ parvi ducens exculationem vanissimam, in eos signa commovit, motus adventantis iam praescios; et pubescente vere quaesito in unum exercitu, prope Daphnem nomine munimentum est castra metatus: ponteque contabulato supra navium foros flumen transgressus est Histrum, resistantibus nullis.

³ Iamque sublatus fiducia, cum ultro citroque discurrens nullum inveniret, quem superare posset vel terrere: omnes enim formidine perciti militis cum adparatu ambitioso propinquantis, montes petivere Serrorum arduos, et inaccessos nisi perquam gnaris.

⁴⁾ Ne igitur, aestate omni consumpta, sine ullo remearet effectu, Arinthaëo magistro peditum misso cum praedatoriis globis, familiarum rapuit partem, quae antequam ad dirupta venirent et flexuosa capi potuerunt, per plana camporum errantes. Hocque tantum, quod fors dederat, impetrato, rediit cum suis innoxius, nec illato gravi vulnere nec accepto.

⁵ Anno sequuto ingredi terras hostiles pari alacritate conatus, fufius Danubii gurgitibus vagatis impeditus, mansit immobilis, prope Carporum vicum flativis castris adusque autumnum locatis emensum. Unde, quia nihil agi potuit dirimente magnitudine fluentorum, Marcianopolim ad hiberna discessit.

⁶ Simili pertinacia tertio quoque anno per Novidunum navibus ad transmittendum annum connexis

¹⁾ Ms. iuge. ²⁾ *al.* prima. ³⁾ Ms. parviducens. ⁴⁾ *et* igitur in vulgatis libris deest.

perrupto barbarico, continuatis itineribus longius agentes Creuthungos bellicosam gentem adgressus est: postque leviora certamina Athanaricum ea tempestate iudicem potentissimum, ausum resistere cum manu quam sibi crediderit abundare, extremorum metu coëgit in fugam: ipseque cum omnibus suis Marcianopolim rediit, ad hiemem agendam, ut in illis tractibus habilem.

Aderant post diversos triennii casus finiendi⁷ belli materiae tempestivae. Prima, quod ex Principis diuturna permanfione metus augebatur hostilis: dein, quod commerciis vetitis, ultima necessariorum inopia barbari stringebantur: adeo ut legatos supplices saepe mittentes⁵⁾ venialem poscerent pacem. Quibus Imperator rudis quidem, verum⁸ spectator adhuc acquissimus rerum, antequam adulationum perniciosus illecebris captus rem publicam funeribus perpetuo deflendis adfligeret, in commune consultans pacem dare oportere decrevit. ⁶⁾ Mis-⁹ sique vicissim Victor et Arinthaëus, qui tunc equestrem ac pedestrem militiam agebant: qui cum propositis conditionibus adsentiri Gothos docuissent litteris veris, praestituitur componendae⁷⁾ paci conveniens locus. Et quoniam adserebat Athanaricus, sub timenda execratione⁸⁾ iurisiurandi se esse obstrictum, mandatisque prohibitum patris, ne solum calcaret aliquando Romanorum, et adigi non poterat, indecorumque erat et vile ad eum Imperatorem transire: recte noscentibus placuit, navibus remigio directis in medium flumen, quae vehebant cum armigeris Principem, gentisque iudicem inde cum suis, foederari, ut statutum est, pacem. Hocque compolito et acceptis oblidibus, Valens¹⁰ Constantinopolim rediit: ubi postea Athanaricus

5) Ms. venalem poscerent praecem. 6) *al.* emisitque vicissim Victorem et Arintheum. 7) Ms. pacis. 8) Ms. iurandi.

proximorum factione genitalibus terris expulsus, fatali sorte decessit, et ambitiosis exsequiis ritu sepultus est nostro.

- 1 VI. Inter haec Valentiniano magnitudine quasi-
lato morborum, agitanteque extrema, convivio
occultiore Gallorum, qui aderant in commilitio
Principis, ad imperium Rusticus Iulianus tunc ma-
gister memoriae poscebatur, quasi adflatu quodam
furoris bestiarum more humani sanguinis avidus, ut
ostenderat, cum proconsulari potestate regeret
- 2 Africam. In praefectura enim urbana, quam ad-
huc administrans extinctus est, tempus anceps me-
tuens tyrannidis, cuius arbitrio tamquam inter
dignorum inopiam ad id ¹⁾ escenderat culmen, lenis
- 3 videri cogebatur et mollior. Contra hos niteban-
tur aliqui studiis altioribus in favorem Severi ma-
gistri tunc peditum, ut apti ad hoc impetrandum:
qui, licet asper esset et formidatus, tolerabilior
tamen fuit, et praefendus modis omnibus ante-
dicto.
- 4 ²⁾ Sed dum haec cogitantur incassum, Imperator
remediis multiplicibus recreatus, vixque se mortis
periculo contemplanus extractum: Gratianum filium
suum adulto iam proximum, insignibus principatus
- 5 ornare meditabatur. Et paratis omnibus, milite-
que firmato, ut animis id acciperet promptis, cum
Gratianus venisset, progressus in campum tribunal
adscendit: splendoreque nobilium circumdatus po-
testatum, dextera puerum adprehensum productum-
que in medium, oratione concionaria destinatum
Imperatorem exercitui commendavit.
- 6 *Faustum erga me vestri favoris indicium, hunc
loci principalis circumferens habitum, quo potior*

¹⁾ Ms. *descenderat*. Forſan in antiquis codicibus ſcriptum fuit
escenderat, ut ſupra: idque in aliis libris iam olim quoque ob-
ſervatum fuit. ²⁾ *al.* ſed cum.

aliis iudicatus sum multis et claris: consiliorum sociis
votorumque auspiciis vobis, pietatis officium ad-
grediar tempestivum, prospera Deo spondente:
cuius sempiternis auxiliis stabit Romana res incon-
cussa. Accipite igitur, quaeso, placidis mentibus, 7
viri fortissimi, desiderium nostrum, id reputantes,
quod haec, quae fieri caritatis sancunt iura, non
tantum transire volumus per conscientiam vestram,
verum etiam probata firmari, ut congrua nobis et
profutura. Gratianum hunc meum aduultum, quem 8
diu versatum inter liberos vestros commune diligitis
pignus, undique muniendae tranquillitatis publicae
causa in Augustum sumere commilitium paro, si
propitia caelestis numinis vestraeque maiestatis vo-
luntas parentis amorem iuverit praeceuntem: non
rigido cultu ab incunabulis ipsis ut nos educatum,
nec tolerantia rerum coalitum asperarum, nec ca-
pacem adhuc Martii pulveris, ut videtis: sed fami-
liae suae laudibus maiorumque factis praestantibus
concontinentem, potioribus (invidiae metu dicitur) pro-
tinus ³⁾ succreturum. Ut enim mihi videri solet, 9
mores eius et adpetitus, licet nondum maturos saepe
pensanti: ineunte adulescentia, quoniam humani-
tate et studiis disciplinarum sollertium est politus,
librabit suffragiis puris merita recte secusve facto-
rum: faciet, ut sciant se boni intelligi: in pulcra
facinora procurabit, signis militaribus et aquilis
adhaesurus: solem nivesque et pruinas et sitim per-
feret et vigiliis: castris, si necessitas adegerit, ali-
quotiens propugnabit: salutem pro periculorum so-
ciis obiectabit: et, quod pietatis summum primum-
que munus est, rem publicam, ut domum paternam
diligere poterit et avitam.

Nondum finita oratione dictis cum adsensu laeto 10
auditis, pro suo quisque loco et animo milites alius

3) al. surrepturum.

alium anteire festinans, tamquam utilitatis et gaudiorum participes Gratianum declararunt Augustum, classicorum amplissimo sonu blandum fragorem miscentes armorum. Quo viso maiore fiducia
 11 Valentinianus exultans, corona indumentisque supremæ fortunæ ornatum filium osculatus, iamque fulgore conspicuum, alloquitur advertentem, quæ ⁴⁾ dicebantur.

12 *En, inquit, habes, mi Gratiane, amictus, ut speravimus omnes, augustos, meo commilitonumque nostrorum arbitrio delatos ominibus faustis. Accingere igitur pro rerum urgentium pondere, ut patris patruique collega: et adsuesce impavidus penetrare cum agminibus peditum gelu pervios Histrum et Rhenum: armatis tuis proximus stare: sanguinem spiritumque considerate pro his impendere, quos regis: nihil alienum putare, quod ad*
 13 *Romani imperii pertinet latus. Haec pro tempore praecepisse sufficiet, caetera monere non desinam. Nunc reliqui vos estis, rerum maximi defensores: quos rogo et obtestor, ut ad crescentem Imperatorem fidei vestrae commissum servetis adfectione fundata.*

14 His dictis sollemnitate omni firmatis, Eupraxius Caesariensis Maurus, magister ea tempestate memoriae, primus omnium exclamavit, *familia Gratiani hoc meretur*: statimque promotus quaestor, multa et prudentibus aemulanda bonæ fiducia reliquit exempla, nusquam a statu naturæ discedens intrepidae, sed constans semper legumque similis, quas omnibus una eademque voce loqui in multiplicibus advertimus causis: qui tunc magis in suscepta parte iustitiae permanebat, cum eum recta monentem exagitaret minax Imperator et nimius.
 15 Conurrectum est post haec in laudes maioris Prin-

4) Ms. dicebantur.

cipis et novelli: maximeque pueri, quem oculorum flagrantior lux commendabat, vultusque et reliqui corporis iucundissimus nitor, et egregia pectoris indoles: quae Imperatorem implellet cum veterum lectissimis comparandum, si per fata proximosque⁵⁾ licuisset, qui virtutem eius etiam tum instabilem⁶⁾ obnubilarunt actibus pravis.

In hoc tamen negotio Valentinianus morem institutum antiquitus supergressus, non Caesares sed Augustos germanum nuncupavit et filium, benivole satis. Nec enim quisquam antehac adscivit sibi pari potestate collegam, praeter Principem Marcum, qui Verum adoptivum fratrem absque diminutione aliqua auctoritatis Imperatoriae socium fecit.

(A. C. 568.)

VII. His ex sententia¹⁾ rectoris et militum ordinatis, vix dies intercessere pauci, cum Mamertinum praefectum praetorio ab urbe regressum, quo quaedam perrexerat correcturus, Avitianus ex vicario peculatus detulerat reum. Cui ideo Vulcatus²⁾ successit Rufinus, omni ex parte perfectus, et velut apicem senectutis honoratae praetendens, sed lucrandi opportunas occasiones occultationis spe numquam praeternittens. Qui nactus copiam³⁾ Principis, Orfitum ex praefecto urbis solutum exilio, patrimonii redintegrata iactura, remitti fecit in lares.

Et quamquam Valentinianus homo propalam⁴⁾ ferus, inter imperitandi exordia, ut asperitatis opinionem molliret, impetus truces retinere nonnumquam in potestate animi nitebatur: serpens tamen vitium et²⁾ dilatum aliquamdiu, licentius erupit ad

5) *al.* licuisset et qui. 6) *Mf.* adnubilarunt. 1) rectoris. 2) *τὸ aliquamdiu* *Mf.* deest.

perniciem plurimorum: quod auxit ira acerbius effervescens. Hanc enim ulcus esse animi diuturnum, interdumque perpetuum prudentes definiunt, nasci ex mentis ³⁾ mollitia consuetum: id adserentes argumento probabili, quod iracundiores sunt incolumibus languidi, et feminae maribus, et iuvenibus senes, et felicibus aerumnosi.

5 Eminuit tamen per id tempus inter alias humilium neces, mors Dioclis ex comite largitionum Illyrici, quem ob delicta ⁴⁾ levia flammis iussit exuri: et Diodori ex agente in rebus, triumque adparitorum potestatis vicariae per Italiam, ob id necatorum atrociter, quod apud eum questus est comes, Diodorum quidem adversus se civiliter implorasse iuris auxilium, officiales vero iussu iudicis aulos monere proficiscentem, ut responderet ex lege. Quorum memoriam apud Mediolanum colentes nunc usque Christiani, locum, ubi sepulti sunt, *Ad innocentes* adpellant.

6 Dein cum in negotio Maxentii cuiusdam Pannonii, ob executionem a iudice recte maturari praeceptam, trium oppidorum ordines mactari iussisset, interpellavit Eupraxius, tunc quaestor; et, *Parcius, inquit, agito, piissime Principum: hos enim, quos interfici tamquam noxios iubes, ut martyras, id est divinitati acceptos, colit religio Christiana.* Cuius salutarem fiduciam praefectus imitatus Florentius, cum in re quadam venia digna audisset eum percitum ira ⁵⁾ iussisse item ternos per ordines urbium interfici plurimarum, *Et quid agetur, ait, si oppidum aliquod Curiales non haberet tantos? Inter reliqua id quoque suspendi debet, ut, cum habuerit, occidantur.* Ad hanc inclementiam illud quoque accedebat dictu dirum et factu: quod,

3, Ms. mollitia. 4) Ms. brevia. 5) Ms. iussisse item ternos.

quod, si quis eum adisset iudicium potentis inimici declinans, aliumque sibi postulans dari: hoc non impetrato, ad eundem, quem metuebat, licet multa praetenderet iusta, remittebatur. Itemque aliud audiebatur horrendum, quod, ubi debitorum aliquem egestate obstrictum nihil reddere posse dicebatur, interfici debere pronuntiabat.

Haec autem et similia licenter ideo altiore fastu ⁹ quidam Principes agunt, quod amicis emendandi secus cogitata vel gesta copiam negant: inimicos loqui terrent amplitudine potestatis. Nulla vacat quaestio pravitatum apud eos, qui, quod ⁶⁾ volunt ipsi, maximas putant esse virtutes.

VIII. Profectus itaque ab Ambianis, Treveros-
que festinans, nuntio percellitur gravi, qui Britan-
nias indicabat barbarica conspiratione ad ultimam
vexatas inopiam: Nectaridumque Comitem mariti-
mi tractus occisum, et ¹⁾ Fullofaudem ducem ho-
stium infidiis circumventum. Quibus magno cum ²
horrore compertis, Severum etiam tum domestico-
rum Comitem misit, si fors casum dedisset optatum,
correcturum sequius gesta: quo paullo postea revo-
cato, Iovinuseadem loca profectus, ²⁾ Provertuidem
celeri gradu praemisit, adminicula petiturus exerci-
tus validi. Id enim instantes necessitates flagitare fir-
mabant. Postremo ob multa et metuenda, quae ³
super eadem insula rumores assidui perferebant,
electus Theodosius illuc properare disponitur, offi-
ciis Martiis felicissime cognitus: adscitataque animosa
legionum et cohortium ³⁾ pube, ire tendebat prae-
eunte fiducia speciosa.

Et quoniam, cum Constantis Principis actus ⁴
componerem, motus adulescentis et senescentis
oceanis, situmque Britanniae pro captu virium ex-

6) τὸ ἴψι deest al. 1) Mf. effullofaudem. 2) Mf. Provertu
idem. 3) Mf. pubetere tend.

planavi, ad ea, quae digesta sunt semel, revolvi superfluum duxi: ut Ulyxes Homericus apud Phaeacas ob difficultatem nimiam replicare formidat. Illud tamen sufficiet dici, quod eo tempore Picti in duas gentes divisi, Dicalidonas et Vecturiones, itidemque Attacotti bellicosa hominum natio, et Scotti, per diversa vagantes multa populabantur: Gallicanos vero tractus Franci et Saxones iisdem confines, quo quisque erumpere potuit terra vel mari, praedis acerbis incendiisque, et captivorum funeribus ⁴⁾ hominum violabant.

6 Ad haec prohibenda, si copiam dedisset fortuna prosperior, orbis extrema dux efficacissimus petens, cum venisset ad Bononiae littus, quod a spatio controverso terrarum angustiiis reciproci distinguitur maris, attolli horrendis aestibus adsueti, rursusque sine ulla navigantium noxa in speciem complanari camporum: exinde, transmeato lentius freto, deferretur ⁵⁾ Rutupias, stationem ex adverso tranquillam. Unde cum consequuti Batavi venissent et Eruli, Ioviique et Victores, fidentes viribus numeri, egressus tendensque ad ⁶⁾ Lundinium vetus oppidum, quod Augustam posteritas adpellavit, divisilis plurifariam globis, adortus est vagantes hostium vastatorias manus, graves onere sarcinarum: et propere fufis, qui vinctos homines agebant et pecora, praedam excussit, quam tributarii perdidere miserrimi. His denique restituta omni, praeter partem exiguam, impensam militibus fessis,mersam difficultatibus suis antehac civitatem, sed subito, quam salus sperari potuit recreatam, in ovantis speciem laetissimus introiit.

9 Ubi ad audenda maiora prospero successu elatus, ⁷⁾ tutaque scrutando consilia, futuri morabatur

4) Ms. omnium. 5) Ms. Ruturias. 6) *ad*. Lundonium. 7) Ms. rotaque.

ambiguus, diffusam variarum gentium plebem et ferocientem immaniter, non nisi per dolos occultiores et improvisos excursus superari posse, captivorum confessionibus et transfugarum indiciis doctus. Denique edictis propositis impunitateque ¹⁰ promissa, desertores ad procinctum vocabat, et ⁸⁾ multos alios per diversa libero commeatu dispersos. Quo monitu ut rediere plerique, incentivo percitus, retentusque anxiiis curis, Civilem nomine recturum Britannias pro praefectis ad se poposce-
rat mitti, virum acrioris ingenii, sed iusti tenacem et recti: itidemque Dulcitium, ducem scientia rei militaris insignem.

IX. Haec in Britanniis agebantur. Africam vero iam inde ab exordio Valentiniani imperii exurebat barbarica rabies, per procursus audentiores et crebris caedibus et rapinis intenta. Quam rem militaris augebat secordia, et aliena invadendi cupiditas, maximeque Romani nomine Comititis. Qui ² venturi providus, transferendaeque in alios invidiae artifex, saevitia morum multis erat exosus, hac praecipue causa, quod superare hostes in vastandis provinciis festinabat, adfinitate Remigii tunc magistri ¹⁾ officiorum confusus: quo prava et contraria referente, Princeps (ut prae se ferebat ipse) cautissimus lacrimosa dispendia diutius ignoravit Afrorum.

Gestorum autem per eas regiones seriem plenam, ³ et Ruricii praesidis legatorumque mortem, et caetera luctuosa, cum adegerit ratio, diligentius explicabo. Et quoniam adest liber locus dicendi, ⁴ quae sentimus, aperte loquamur: hunc Imperatorem omnium primum in maius militares fastus ad damna rerum auxisse communium, dignitates opes-

F f 2

8) *et alios* deest vulg. 1) Ita Ms. et Steph. In aliis *et confusus* deest.

que eorum sublimius erigentem: et quod erat publice privatimque dolendum, inflexa saevitia punientem gregariorum errata, parcentem potioribus, qui tamquam peccatis indulta licentia, ad labem delictorum immanium confurgebant: qui ex eo anhelantes, ex nutu suo indistanter putant omnium pendere fortunas. Horum flatus et pondera inventores iuris antiqui ²⁾ mollientes, etiam infon-
 5 tes quosdam aliquotiens suppliciis aboleri censuere letalibus. Quod saepe contingit, cum ob multitudinis crimina, nonnulli sortis iniquitate plectuntur innoxii: id enim nonnumquam ad privatorum pertinuit causas.

6 At in Isauria globatim per vicina digressi praedones, oppida villasque uberes libera populatione vexantes, magnitudine iacturarum Pamphyliam afflictabant et Cilicas. Quos cum nullis arcentibus internecive cuncta disperdere Asiae Vicarius ea tempestate Musonius advertisset, Athenis Atticis antehac magister rhetoricus: deploratis novissime rebus, luxuque adiumento militari marcente, adhibitis semiermibus paucis, quos Diogmitas adpellant, unum grassatorum cuneum, si patuisset facultas, adoriri conatus, per angustum quemdam transiens devexitatis amfractum, ad inevitabiles venit infidias: et ibi cum his confossus est quos ducebat.

7 Tali successu latrones praetumidos, palantesque per varia confidentius, interfectis aliquibus, ad latebrosa ³⁾ montium saxa quae incolunt excitae tandem copiae contruserunt: ubi cum eis nec quiescendi nec inveniendi ad victum utilia copia laxaretur, per indutias pacem sibi tribui poposcerunt, Germanicopolitanis auctoribus, quorum apud eos, ut signiferae manus, semper valere sententiae: obfi-

2) Ms. molientes. 3) Ms. animantium.

dibusque datis, ut imperatum est, immobiles diu mansere, nihil audentes hostile.

Haec inter Praetextatus praefecturam urbis 8 sublimius curans, per integritatis multiplices actus et probitatis, quibus ab adulescentiae rudimentis inclaruit, adeptus est id, quod raro contingit, ut, cum timeretur, amorem non perderet civium, 4) minus firmari solitum erga iudices formidatos. Cuius auctoritate iustisque veritatis suffragiis tumultu lenito, quem Christianorum iurgia concitarunt, pulsoque 5) Ursino, alta quies parva, proposito civium Romanorum aptissima: et adulescebat gloria 6) praeclari rectoris plura et utilia disponentis. 7) Namque et Maeniana sustulit omnia, fabricari 10 Romae priscis quoque vetita legibus: et discrevit ab aedibus sacris privatorum parietes, iisdem inverecunde connexos: ponderaque per regiones instituit universas, cum aviditati multorum ex libidine trutinas componentium occurri nequiret. In examinandis vero litibus ante alios id impetravit, quod laudando Brutum Tullius refert, ut, cum nihil ad gratiam faceret, omnia tamen grata 8) viderentur esse, quae 9) faciebat.

X. Sub idem fere tempus Valentiniano ad expeditionem caute, ut rebatur, profecto, Alamanus regalis Rando nomine, diu praestruens, quod cogitabat, Mogontiacum praefidiis vacuum cum expeditis ad latrocinandum latenter irrepsit. Et quoniam 2 casu Christiani ritus invenit celebrari sollemnitatem, impraepedite cuiusquemodi fortunae 1) virile et muliebre secus cum supellectili non parva indefensum abduxit.

Parvo inde post intervallo inopina rei Romanae 3 spes laetiorum adfulsit. Cum enim Vithicabius

4) *al. minis.* 5) *Mf. Ursino.* 6) *Mf. praeclari.* 7) *Mf. Namque et.* 8) *τὸ esse* deest *al.* 9) *al. faciebat.* 1) *al. virilem et muliebrem sexum.*

rex, Vadomarii filius, specie quidem molliculus et morbosus, sed audax et fortis, ardores in nos semper succenderet bellicos, opera navabatur impensior, ut qualibet occumberet strage. Et quia tentatus aliquotiens nullo genere potuit superari vel prodi, fraude citerioris vitae ministri, studio sollicitante nostrorum occubuit: cuius post necem aliquatenus hostiles torpuere discursus. Interfector tamen prae metu poenarum, quas verebatur, si patuisset negotium, ad Romanum solum se celeri transtulit gradu.

5 Parabatur post haec lentioribus curis et per copias multiformes in Alamannos expeditio solitis gravior, destinatus id publica tutela poscente, quoniam reparabilis gentis motus timebantur infidi: milite nihilominus accenso, cui ob suspectos eorum mores, nunc infimorum et supplicum, paullo post ultima minitantium, nullae quiescendi dabantur indutiae.

6 Contracta igitur undique mole maxima catervarum, armis et subsidiis rei cibariae diligenter instructa, accitoque Sebastiano Comite cum Illyriis et Italicis numeris, quos regebat, anni tempore iam²⁾ tepente Valentinianus cum Gratiano Rhenum³⁾ transgressus resistente nemine, divisis agminibus quadratis ipse medius incedebat, Iovino et Severo magistris rei castrensis altrinsecus ordinum latera servantibus, ne repentino invaderentur adsaltu.

7 Protinusque inde ductantibus itinerum callidis, exploratis accessibus, per regiones longo itu porrectas sensim gradiens miles irritatior ad pugnandum, velut repertis barbaris minaciter infrendebat. Et quoniam aliquot diebus emensis nullus potuit, qui resisteret, inveniri, cuncta satorum et tectorum, quae visebantur intacta, cohortium manu vorax flamma

2) Ms. terente. 3) Ms. transtibusque neminem divisit.

vastabat, praeter alimenta, quae colligi dubius re-
 rum eventus adigebat et custodiri. Post haec lenio- 8
 re gressu Princeps ulterius tendens, cum prope
 locum venisset, cui ⁴⁾ Solicinio nomen est, velut
 quadam obice stetit, doctus procurfantium relatione
 verissima, barbaros longe conspectos. Qui nullam 9
 ad tuendam salutem viam superesse cernentes, nisi
 se celeri defendissent ⁵⁾ occursum, locorum gnaritate
 confisi, unum spirantibus animis montem occupa-
 vere praecellum, per confragosos colles undique
 praeruptum et invium, absque septentrionali latere,
 unde facilem habet devexitatem et mollem. Signis
 illico fixis ex more, cum undique ad arma concla-
 maretur, imperio Principis et ductorum stetit regi-
 bilis miles, vexillum opperiens extollendum: quod
 erat opportune subeundae indicium pugnae. Ergo, 10
 quia spatium deliberandi aut exiguum dabatur aut
 nullum, hinc impatientia militis ⁶⁾ perterrente,
 inde horrenda circumsonantibus Alamannis, id
 consilium ratio celeritatis admisit, ut arctoam mon-
 tium partem, quam clementer diximus esse procli-
 vem, Sebastianus cum suis occuparet, fugientes
 Germanos, si fors ita tulisset, levi negotio confossu-
 rus: quo, ut placuit, maturato, Gratianoque apud
 signa Iovianorum retro detento, cuius aetas erat
 etiam tum proeliorum impatiens et laborum, Va-
 lentinianus ut dux cunctator et tutus, centurias et
 manipulos capite intecto conlustrans, nullo poten-
 tium in conscientiam arcani adhibito, remota mul-
 tudine stipatorum, speculatum radices aggerum
 avolavit cum paucis, quorum industriam norat et
 fidem: praedicans, ut erat sui arrogans aestimator,
 inveniri posse aliam viam ducentem ad arduos cli-
 vos, praeter eam, quam inspexere ⁷⁾ proculcatores.

4) Ms. Soliconeno. 5) Ms. occursum, unde locorum. 6) *al.*
 praetereunte. 7) *al.* procuratores.

- 11 Per ignota itaque et palustres uligines devius tendens, insidiatricis manus locatae per ⁸⁾ obliqua subito oppetisset adcursum, ni necessitatis adiumento postremo, per labilem limum incitato iumento digressus, legionum se gremiis immerisset post abruptum periculum: cui adeo proximus fuit, ut galeam eius cubicularius ferens auro lapillisque distinctam, cum ipso tegmine penitus interiret, nec postea vivus reperiretur aut interfectus.
- 12 Proinde quiete reficiendis corporibus data, signoque erecto, quod solet ad pugnam hortari, tubarum minacium accendente clangore, fidentissimo impetu acies motas prompte ante alios praeiere duo iuvenes lecti in principiis adeundi discriminis, Salvius et Lupicinus, scutarius unus, alter e schola Gentilium, fragore terribili concitantes: hastasque crispando cum ad rupium obiecta venissent, trudentibusque Alamannis evadere ad celsiora conarentur, ⁹⁾ advenit omne pondus armorum, ¹⁰⁾ iisdemque antesignanis per hirta dumis et aspera magno virium nisu in editas sublimitates erepsit.
- 13 Acri igitur partium spiritu conflictus cuspidibus tentatur infestis: et hinc arte belli doctior miles, inde licet feroces, sed incauti barbari dexteris coiere collatis: quos latius sese pandens exercitus infusis utrimque cornibus adflictabat, per fremitus
- 14 territos et equorum hinnitus et tubas. Nihilominus tamen ipsi adsumpta fiducia restiterunt: aequataque parumper proeliorum sorte, haud parva mole certatum est, dum ¹¹⁾ turmarum funeribus mutuis
- 15 res gerebatur. Disiecti denique Romanorum ardore, metuque turbati, miscentur ultimis primi: dumque in pedes versi discedunt, verutis ¹²⁾ hostilibus forabantur et pilis. Postremo, dum anhelis

8) Ms. oblita. 9) *al.* advenit huc omne. 10) *al.* iis denique. In Ms. neutrum habetur. 11) Ms. ruinarum. 12) Ms. hastilibus.

currunt et fessi, pandebant sequentibus poplites et suras et dorso. Stratis denique multis, lapsum partem Sebastianus, cum subsidiali manu locatus post montium terga, trucidavit ex incauto latere circumventam: dispersi caeteri silvarum se latebris amandarunt.

In hac dimicatione nostri quoque oppetere non 6 contemnendi: inter quos Valerianus fuit domesticorum omnium primus, et Natuspardo quidam scutarius, exsertus ita bellator, ut Sicinio veteri compareretur et Sergio. Hisque tali casuum diversitate perfectis, milites ad hiberna, Imperatores Treveros reverterunt.

XI. Per haec tempora Vulcatio Rufino absoluto 1 vita, dum ¹⁾ administrarat, ad regendam praefecturam praetorianam ab urbe Probus accitus, claritudine generis et potentia et opum amplitudine cognitus orbi Romano, per quem universum paene patrimonia sparsa possedit, iuste an secus non iudicium est nostri. Hunc quasi genuina quaedam, ut fin- 2 gunt poëtae, fortuna vehens praepetibus pinnis, nunc beneficum ostendebat et amicos ²⁾ sublimius erigentem, aliquotiens insidiatorem dirum, et per cruentas noxium simultates. Et licet potuit, quoad vixit, ingentia largiendo, et intervallando potestates assiduas: erat tamen interdum timidus ad audaces, contra timidos celsior: ut videretur, cum sibi fideret, de cothurno strepere tragico, et ubi paveret, omni humilior socco. Atque ut natautum 3 genus elemento suo expulsum, haud tam diu spirat in terris; ita ille marcebat absque praefecturis: quas iurgiis familiarum ingentium capeffere cogebatur, numquam innocentium per cupiditates immensas, utque multa perpetrarent impune, dominum suum mergentium in rem publicam. Namque 4

1) *al.* administrat. 2) *al.* altius.

fatendum est, numquam illa magnanimitate coalitus, clienti vel servo agere quidquam iussit illicitum: sed si eorum quemquam crimen ullum compererat admisisse, vel ipsa repugnante iustitia, non explorato negotio, sine respectu boni honestique defendebat. Quod vitium ³⁾ reprehendens ita pronuntiat Cicero: *Quid enim interest inter suasorem facti et probatorem? Aut quid refert, utrum volum*
5 rim fieri, an gaudeam factum? Suspiciosus tamen, et ⁴⁾ munitus suoapte ingenio fuit, et subamarum ar-
 6 ridens, blandiensque interdum, ut noceat. Id autem perspicuum est in eiusmodi moribus malum, tum maxime, cum celari posse existimatur: ita implacabilis et ⁵⁾ directus, ut si laedere quemquam instituisset, nec exorari posset, nec ad ignoscendum erroribus inclinari: ideoque aures eius ⁶⁾ non cera,
 7 sed plumbis videbantur obstructae. In summis divitiarum et dignitatum culminibus anxius et sollicitus, ideoque semper levibus morbis afflictus. Haec per occidentales plagas series rerum fuere gestarum.

1 XII. Rex vero Perfidis longaevus ille Sapor, et ab ipsis imperitandi exordiis dulcedini rapinarum addictus, post Imperatoris Iuliani excessum et pudentiae pacis icta foedera, cum suis paullisper nobis visus amicus, calcata fide sub Ioviano pactorum, iniectabat Armeniae manum, ut eam, velut placitorum
 2 abolita firmitate, ditioni iungeret suae. Et primo per artes fallendo diversas, ¹⁾ nationem omnem renitentem dispendiis levibus afflictabat, sollicitans quosdam optimatum et Satrapas, alios
 3 excursibus occupans improvisis. Dein per exquisitas periuriisque mistas illecebras captum regem ipsum

3) Mf. reprehendens tam pronuntiat. 4) Mf. munitus. 5) Mf. directus. 6) nonne eras sed pluribus. Vulg. non erant sed pluribus. 1) Mf. nationem hominum.

Arfacem, adhibitumque in convivium iussit ad latentem trahi posticam: eumque effollis oculis, vinctum catenis argenteis, quod apud eos honoratis vanum suppliciorum aestimatur esse solatium, exterminavit ad castellum Agabana nomine, ubi discruciat²⁾ cecidit ferro poenali. Deinde, ne quid⁴ intemeratum perfidia praeteriret, Sauromace pulso, quem auctoritas Romana praefecit Hiberiae, Aspacurae cuidam potestatem eiusdem detulit gentis diademate addito, ut arbitrio se monstraret insultare nostrorum. Quibus ita studio nefando perfectis,⁵ Cylaci spadoni et Artabanni, quos olim susceperat perfugas, commisit Armeniam (horum alter ante gentis praefectus, alter magister fuisse dicebatur armorum) iisdemque mandar⁶at, ut Artogerassam intentiore cura excinderent, oppidum muris et viribus validum, quod thesauros et uxorem cum filio Arfacis tuebatur. Ini⁶ere, ut statutum est, obsidum duces. Et quoniam munimentum positum in asperitate montana, rigente tunc caelo nivibus et pruinis, adiri non poterat, eunuchus Cylaces aptusque ad muliebria palpamenta, Artabanne adscito, prope moenia ipsa³⁾ fide non amittendae⁴⁾ salutis accepta, propere venit: et cum socio ad interiora susceptus ut postulavit, suadebat⁵⁾ minaciter defensoribus et reginae, motum Saporis inclementissimi omnium lenire deditio⁷ne veloci. Multis post haec ultro citroque dictitatis, eiulanteque muliere truces mariti fortunas, proditi⁷onis acerrimi compulsores in misericordiam flexi mutavere consilium: et spe potiorum erecti, secretis colloquiis ordinarunt, hora praestituta nocturna reclusis subito portis validam manum erumpere, vallumque hostile caedibus adgredi repentinis, ut lateant id tentantes,

¹⁾ Mf. deciderat. ³⁾ Mf. deinde. ⁴⁾ Mf. saluti. ⁵⁾ Mf. minaciter.

8 polliciti se prodituros. Quibus religione firmatis egressi, biduumque ad deliberandum, quid capessere debeant, sibi concedi clausos petisse adseverantes, in defidiam obsessores traduxerunt: et vigiliis, quibus ob securitatem altiore stertitur somno, civitatis ⁶⁾ aditu reſerato iuventus exſiluit velox: paſſibusque inſonis expeditis mucronibus ⁷⁾ repens, cum caſtra nihil metuentium invaſſent, iacentes multos
9 nullis reſiſtentibus trucidarunt. Haec inopina defectio necesque inſperatae Perſarum, inter nos et Saporem diſcordiarum excitavere cauſas immanes: illo etiam accedente, quod Arſacis filium Param, ſuadente matre cum paucis e munimento digreſſum, ſuſceptumque Imperator Valens apud Neocaſarea morari ⁸⁾ praecepit, urbem Polemoniacy ponti notiſſimam, liberali victu curandum et cultu.

Qua humanitate Cylaces et Artabannes illecti, miſſis oratoribus ad Valentem, auxilium eundem-
10 que Param ſibi regem tribui popoſcerunt. Sed pro tempore adiumentis negatis, per Terentium ducem Para reducitur in Armeniam, rectorus interim ſine ullis inſignibus gentem: quod ratione iuſta eſt obſervatum, ne fracti foederis nos argueremur et pacis.

11 Hoc comperto textu geſtorum Sapor ultra hominem efferatus, concitis maioribus copiis Armenias aperta praedatione vaſtabat. Cuius adventu territus Para, itidemque Cylaces et Artabannes, nulla circumſpectantes auxilia, celſorum montium petivere ⁹⁾ reſeſſus, limites noſtros diſterminantes et Lazi-
cam: ubi per ſilvarum profunda et flexuoſos colles menſibus quinque deliteſcentes, regis multiformes
12 luſere conatus. Qui operam teri fruſtra contem-
plans ſidere flagrante brumali, pomiferis exuſtis ar-

6) Mſ. aditura e ſtrato. 7) Mſ. repens. 8) Mſ. praecipitur.
9) Mſ. reſeſſus.

boribus, castellisque munitis et castris, quae ceperat ¹⁰⁾ superata vel prodita, cum omni pondere multitudinis Artogerassam circumlaeptam, et post varios certaminum casus ¹¹⁾ lassatis defensoribus patefactam incendit: Arfacis uxorem erutam inde cum thesauris abduxit.

Quas ob causas ad eas regiones Arinthaëus cum ¹³ exercitu mittitur Comes, suppetias laturus Armeniis, si eos exagitare procinctu gemino tentaverint Persae.

Inter quae Sapor immensum quantum astutus, ¹⁴ et, cum sibi conduceret, humilis aut elatus, societatis futurae specie Param ut incuriosum sui per latentes nuntios increpabat, quod maiestatis regiae velamento Cylaci serviret et Artabanni: quos ille praeceps blanditiarum illecebris interfecit, capitaque caesorum ad Saporem ut ei morigerus misit.

Hac clade late diffusa, Armenia omnis perisset ¹⁵ impropugnata, ni Arinthaëi adventu territi Persae eam incurfare denuo distulissent: hoc solo contenti, quod ad Imperatorem misere legatos, petentes nationem eandem, ut sibi et Ioviano placuerat, non defendi. Quibus repudiatis, Sauromaces pulsus, ¹⁶ ut ante diximus, Hiberiae regno, cum duodecim legionibus et Terentio remittitur: et eum amni Cyro iam proximum Aspacures oravit, ut socia potestate consobrini regnarent: causatus ideo se nec cedere, nec ad partes posse transire Romanas, quod ¹²⁾ Ultra eius filius oblidis lege tenebatur adhuc apud Persas.

Quae imperator doctus, ut concitandas ex hoc ¹⁷ quoque negotio turbas consilio prudentiaque molli-
ret, divisioni adquievit Hiberiae: ut eam medius dirimeret Cyrus, et Sauromaces Armeniis finitima

¹⁰⁾ τὸ vel prodita in Ms. defunt. ¹¹⁾ Ms. laxatis. ¹²⁾ Ms. ultra.

retineret et Lazis, Aspacures Albaniae Persisque contigua.

- 18 His percitus Sapor, pati se exclamans indigna, quod contra foederum textum iuvarentur Armeniae, et ¹³⁾ evanuit legatio, quam super hoc miserat corrigendo, quodque se non adsentiente nec conscio dividi placuit Hiberiae regnum: velut obleratis amicitiae foribus, vicinarum gentium auxilia conquirebat, suumque parabat exercitum, ut serenata caeli temperie subverteret omnia, quae ex re sua struxere Romani.

13) Ms. evanuit.

AMMIANI MARCELLINI

RERUM GESTARUM

LIBER XXVIII.

Multi, etiam Senatores, ac senatorii generis feminae, Romae veneficiorum, stuprorum et adulteriorum accusantur, et supplicio adficiuntur. C. I. Valentinianus Aug. totam Rheni ripam Gallicam castris, castellis et turribus munit: Alamanni Romanos trans Rhenum munimentum exstruentes interficiunt. Marathocupreni grassatores in Syria iussu Valentis A. cum liberis et vico suo deleti. II. Theodosius urbes Britanniae a barbaris vastatas restituit, castella reparat, et provinciam insulae recipit, quae Valentia est adpellata. III. De Olybrii et Ampelii praefectura urbana: et de vitiis senatus populiue Romani. IV. Saxones in Gallia, post factas indutias, a Romanis insidiis circumventi. Valentinianus data fide iungendi copias, Burgundiones Alamanniae immisit, qui decepti ac illusi, captivis omnibus occisis domum redierunt. V. Clades Tripoli provinciae, Leptitanisque et Oensibus ab Austurianis illatae, et fraude Romani comitis Valentiniano occultatae, et minime vindicatae. VI.

Dum apud Persas, ut supra narravimus, perfidia regis motus agitatur insperatos, et in Eois tractibus bella rediviva consurgunt: anno sextodecimo et eo diutius post Nepotiani exitium, saeviens per urbem aeternam urebat cuncta Bellona, ex primordiis minimis ad clades excita luctuosas: quas oblitterasset utinam iuge silentium! ne forte paria quandoque tententur, plus exemplis generalibus nocitura quam

- 2 delictis. Ac licet ab textu cruento gestorum exquisi-
 site narrando, iustus me retraheret metus multa re-
 putantem et varia; tamen praesentis temporis mode-
 stia fretus, carptim, ut quaeque memoria digna sunt,
 explanabo: nec pigebit quid ex his, ¹⁾ quae apud
 veteres acciderint, ²⁾ timuerim, docere succincte.
- 3 Bello Medico primo cum diripuissent Asiam Persae,
 obsidentes ³⁾ Miletum molibus magnis, minantesque
 defensoribus cruciabiles necesse, iniecere clausis ne-
 cessitatem, ut omnes magnitudine malorum adflicti,
 peremptis caritatibus propriis, proiectoque in ignem
 mobili censu, arsfuros se certatim congererent in
- 4 communem pereuntis patriae rogam. Hoc argu-
 mentum paullo postea digestum tumore tragico
 Phrynichus in theatrum induxerat Athenarum: paul-
 isperque iucunde auditus, cum ⁴⁾ cothurnatus sti-
 lus procederet lacrimosus, indignatione damnatus
 est populi, arbitrati, non consolandi gratia, sed
 probrose monendi, quae pertulerat amabilis civitas,
 nullis auctorum adminiculis fulta, hos quoque do-
 lores scenicis adnumerasse fabulis insolenter. Erat
 enim Atheniensium colonia Miletus, deducta inter
 Ionas alios per ⁵⁾ Nileum filium Codri, [qui fertur
 5 pro patria bello se Dorico devovisse.] Sed ad pro-
 posita veniamus.

Maximianus regens quondam Romae vicariam prae-
 fecturam, apud Sopianas Valeriae oppidum obscu-
 rissime natus est, patre tabulario praesidialis officii,
 orto a posteritate Carporum, quos antiquis excitos

6 sedibus Diocletianus transtulit in Pannoniam. Is
 post mediocre studium liberalium ⁶⁾ doctrinarum,
 defensionemque causarum ignobilem, et administra-
 tas Corsicam itidemque Sardiniam, rexit deinde Tu-
 sciam.

¹⁾ Mf. quaeque apud. ²⁾ al. timuerim. ³⁾ al. militum. ⁴⁾
 Mf. cothurnatus. ⁵⁾ Mf. Linæ. ⁶⁾ al. disciplinarum.

sciam. Unde morato in itinere diutius successore, progressus ad curandam urbis annonam, etiam provinciae ⁷⁾ moderamina retinebat: egitque consideratione triplici inter exordia cautius. Primo, quod ⁷ recalebant in auribus eius parentis effata, quid augurales alites vel cantus monerent oscinum adprime callentis, adusque sublimia regimenta, sed periturum ferro poenali: dein, quod nactus hominem Sardum, quem ipse postea per dolosas fallacias interemit, ut circumtulit rumor, eliciendi animulas noxias et praelagia sollicitare larvarum perquam gnarum: dum superesset ille, timens, ne proderetur, tractabilis erat et mollior: postremo, quod tamquam subterraneus serpens per humiliora reptando, nondum maiores funerum excitare poterat causas.

Principium autem, unde latius se funditabat, ⁸ emerfit ex negotio tali. Chilo ex Vicario et coniunx eius Maxima nomine, questi apud Olybrium ea tempestate urbi praefectum, vitamque suam venenis petitam adseverantes impetrarunt, ut hi, quos suspectati sunt, illico rapti compingerentur in vincula: organarius Sericus, et Asbolius palæstrita, et harulpex Campensis. Verum negotio tepescente ⁸⁾ ob ⁹ diuturnam morborum asperitatem, qua tenebatur Olybrius: ⁹⁾ morarum impatientes hi, qui rem detulerunt, libello petiverunt oblato, ut examinandum iurgium praefecto mandaretur annonae: idque studio celeritatis concessum est. Accepta igitur no- ¹⁰ cendi materia Maximinus effudit genuinam ferociam, pectori crudo adfixam: ut saepe faciunt amphitheatrales ferae, diffractis tandem solutae posticis.

Cumque multiformiter quasi in proludiis negotium spectaretur, et quidam fulcatis lateribus nominassent nobiles aliquos, tamquam usos artificibus laedendi per clientes, aliosque humiles ¹⁰⁾ notos

7) Mf. moderamine. 8) al. ob. 9) al. morae. 10) al. notans.

reos et indices: supra plantam (ut dicitur) evagatus tartareus cognitor, relatione maligna docuit Principem, non nisi suppliciis acrioribus perniciofa facinora scrutari posse vel vindicari, quae Romae perpetrare complures. His ille cognitis efferatus, ut erat vitiorum inimicus acer magis quam severus, uno proloquio in huiusmodi causas, quas arroganter proposito maiestatis imminutae miscebat, omnes, quos iuris prisca iustitia divorumque arbitria quaestionibus exemere cruentis, si postulasset negotium, statuit tormentis adfligi. Utque congeminata potestas erectaque sublatius altiores confarcinaret aerumnas, Maximino Romae agere disposito pro praefectis, sociavit ¹¹⁾ ad haec cognoscenda, quae in multorum pericula struebantur, Leonem notarium, postea officiorum magistrum, bustuarium quemdam latronem Pannonium, efflantem ferino rictu crudelitatem, etiam ipsum nihilominus humani sanguinis avidissimum. Auxit obstinatum Maximini ingenium ad laedendum adventus collegae similis, et litterarum cum ampla dignitate dulcedo. Ideoque pedes huc et illuc exultando contorquens, saltare, non incedere videbatur, dum studebat inter altaria celsius gradientes, ut quidam memorant, imitari Brachmanas.

¹⁴ Iamque lituis cladium concrepantibus internarum, rerum atrocitate torpentibus cunctis, praeter multa cruda et immitia, quorum nec diversitas comprehendendi nec numerus potest, mors Marini causarum defensoris eminuit: quem ut ausum Hispanillae cuiusdam artibus pravis adfectasse coniugium, transeunter indiciorum fide discussa, supplicio ¹⁵ tali damnavit. Et quoniam existimo, forsitan aliquos haec lecturos, exquisite scrutando notare, strepentes, id actum esse prius, non illud, aut ea, quae

¹¹⁾ Ms. ad hos.

viderint praetermissa: hactenus faciendum est satis, quod non omnia narratu sunt digna, quae per squalidas transiere personas: nec, si fieri fuisset necesse, instructiones vel ex ipsis tabulariis suppeterent publicis, tot calentibus malis, et novo furore sine retinaculis imis summa miscente: cum iustitium esse, quod timebatur, non iudicium aperte constaret.

Tunc Cethegus senator adulterii reus delatus, 16
cervice periit abscissa, et Alypius nobilis adulescens, ob levem relegatus errorem, aliique humiles publica morte oppetiverunt: in quorum miseriis velut sui quisque discriminis cernens imaginem, tortorem et vincula somniabat et diversoria tenebrarum.

Eodem tempore etiam Hymetii praeclarae indo- 17
lis viri negotium est actitatum: cuius hunc fuisse novimus textum. Cum Africam pro consule regeret, Carthaginensibus victus inopia iam lassatis, ex horreis Romano populo destinatis frumentum dedit: paulloque postea, cum provenisset segetum copia, integre sine ulla restituit mora. Verum, quo- 18
niam denis modis singulis solidis indigentibus vendundatis, emerat ipse tricenos, 12) interpretii compendium ad Principis aerarium misit. Ideoque Valentinianus per nundinationem suspicatus parum, quam oportuerat, missum, eum bonorum parte multavit. Ad cuius cladem exaggerandam id quo- 19
que iisdem diebus acciderat non minus exitiale. Amantius haruspex ea tempestate prae caeteris notus, 13) occultiore indicio proditus, quod ob prava quaedam implenda, ad sacrificandum ab eodem esset adscitus Hymetio, inductusque in iudicium, quamquam incurvus sub equuleo staret, pertinaci negabat instantia. Quo infitiente, secretioribus 20
chartis ab eius domo prolatis, commonitorium re-

G g 2

12) *al.* integrum comp. 13) *Mf.* occultiores.

- pertum est manu ¹⁴⁾ scriptum Hymetii, petentis, ut obsecrata ritu sacrorum sollemnium numina erga se Imperatores ¹⁵⁾ delenirent: cuius extima parte quaedam invectiva ¹⁶⁾ legebantur in Principem, ut et
 21 ¹⁷⁾ avarum et truculentum. Haec Valentinianus relatione iudicum doctus, asperius interpretantium facta, vigore nimio in negotium iussit inquiri. Et quia Frontinus consiliarius antedicti, minister fuisse conceptae precationis arguebatur, concisus virgis atque confessus, ablegatus est in exilium ad Britannos: Amantius vero damnatus postea rerum capitalium interiit. Post hanc gestorum seriem Hymetius ad oppidum ductus Ocriculum, audiendus ab Ampelio urbi praefecto de Maximino Vicario, confestimque perdendus, ut adparebat, data sibi copia rectius Imperatoris praesidium adpellavit, nominisque eius perfugio tectus, servabatur incolu-
 23 mis. Super hoc Princeps consultus, senatui negotium dedit. Qui cum rem librata iustitia comperisset, eumque ad Boas Dalmatiae locum exterminasset, aegre Imperatoris iracundiam tulit, perciti vehementer, quod hominem addictum, ut ipse proposuerat, morti, clementiori sententia didicerat plexum.
 24 Ob haec et huiusmodi multa, quae cernebantur in paucis, omnibus timeri sunt coepta. Et ne tot malis dissimulatis paullatimque serpentibus, acervi crescerent aerumnarum, nobilitatis decreto legati mittuntur: Praetextatus ex urbi praefecto, et ex Vicario Venustus, et ex Consulari Minervius, oraturi, ne delictis supplicia sint grandiora, neve senator quisquam inusitato et illicito more tormentis ex-
 25 poneretur. Qui cum intromissi in consistorium haec referrent, negantem Valentinianum, se id statuisse,

¹⁴⁾ Ms. inscriptum. ¹⁵⁾ Ms. delenirent. ¹⁶⁾ Ms. legebantur. ¹⁷⁾ Ms. adavarum.

et calumnias perpeti clamitantem, moderate redarguit quaestor Eupraxius: hacque libertate emendatum est crudele praeceptum, supergressum omnia diritatis exempla.

Circa hos dies Lollianus primae lanuginis adulescens, Lampadii filius ex praefecto, exploratus causam Maximino spectante, convictus codicem noxiarum artium nondum per aetatem firmato consilio descripsisse, exsulque mittendus, ut sperabatur, patris impulsu provocavit ad Principem: et iussus ad eius comitatum duci, de fumo (ut aiunt) in flammam; traditus Phalangio Baeticae Consulari, cecidit ¹⁸⁾ funesti carnificis manu.

Super his etiam Tarratius Bassus, postea urbi praefectus, et frater eius Camenius, et Marcianus quidam, et Eusaphius, omnes clarissimi, arcessiti in crimen, quod eiusdem ¹⁹⁾ conscii veneficii aurigam fovere dicebantur Auchenium: documentis etiamtum ambiguis, suffragante absoluti sunt Victorino, ut dispersus prodidit rumor, qui erat amicus Maximino iunctissimus.

Nec minus feminae quoque calamitatum participes fuere similium. Nam ex hoc quoque sexu peremptae sunt originis altae complures, adulteriorum flagitiis obnoxiae vel stuprorum. Inter quas notiores fuere Claritas et Flaviana: quarum altera cum duceretur ad mortem, indumento, quo vestita erat, abrepto, ne velamen quidem secreto membrorum sufficiens retinere permessa est. Ideoque carnifex nefas admisisse convictus immane, vivus exustus est.

Paphius quinetiam et Cornelius senatores, ambo venenorum artibus pravis se polluisse ²⁰⁾ confessi, eodem pronuntiante Maximino sunt interfecti. Pari sorte etiam procurator monetae exstinctus est. Sericum enim et Asbolium supradictos, quoniam cum

18) Ms. funesti. 19) Ms. conscii veneficiis. 20) Ms. confessi.

hortaretur passim nominare, quos vellent, adiecta religione firmarat, nullum igni vel ferro se puniri iussurum, plumbi validis ictibus interemit. Et post haec flammis Campensem haruspicem dedit, in negotio eius nullo sacramento constrictus.

- 30 Opportunum est, ut arbitror, explanare nunc causam, quae ad exitium praecipitem Aginatum impulit, iam inde a priscis maioribus nobilem, ut loquuta est pertinacior fama: nec enim super hoc
- 31 ulla documentorum rata est fides. Anhelans flatu superbo Maximinus, etiam tum praefectus annonae, nactusque audaciae incitamenta non levia, tendebat adusque Probi contemptum, viri summatum omnium maximi, iureque praefecturae praetorianae regentis
- 32 provincias. Quod Aginatus indignissime ferens, dolensque in examinandis causis Maximinum ab Olybrio sibi praelatum, cum esset ipse Vicarius Romae: familiari sermone docuit Probum occulte, facile vanum hominem recalcitrantem sublimibus
- 33 meritis posse opprimi, si ille id fieri censuisset. Has litteras, ut quidam adseverabant, Probus ad Maximinum, eruditorem iam in sceleribus, commendatumque Principi pertimescens, nullo conscio praeter baiulum misit. Hisque recitatis ita homo ferus exarsit, ut machinas omnes in Aginatum deinde commoveret: velut serpens vulnere noti cuiusdam
- 34 adtritus. Accessit his alia potior insidiarum materia, quae eundem Aginatum obruit. Victorinum enim defunctum infimulabat, ut Maximini actus, dum supererat, venditantem: cuius ex testamento legata ipse sumpterat non adspernanda: parique petulantia Anepsiae quoque eius uxori lites minabatur
- 35 et iurgia. Quae haec metuens, ut Maximini etiam muniretur auxilio, finxit maritum in voluntate, quam condiderat nuper, argenti tria millia pondo eidem reliquisse. Qui aviditate nimia flagrans (nec enim hoc quoque vitio caruit) petit hereditatis

medietatem. Verum etiam hoc ut parum sufficienti nequaquam contentus, aliud commentus est, ut arbitrabatur, honestum et tutum: et ne amitteret an- sam sibi oblatam lucrandi uberis patrimonii, Victorini privignam Anepsiae filiam petit filio coniugem: idque adsentiente muliere prompte firmatum est.

Per haec et alia simili maerore deflenda, quae 36 decolorabant speciem urbis aeternae, grassabatur per strages multiplices fortunarum homo cum gemitu nominandus, ultra forenses terminos semet extentans. Namque et resticulam de fenestra ²¹⁾ praetorii quadam remota dicitur semper habuisse suspensam, ²²⁾ cuius summitas ²³⁾ quaedam velut clausa colligaret, nullis quidem indiciis fulta, sed nocitura infontibus multis: et Mucianum Barbarumque adparitores aliquotiens discretim trudi iubebat, ad fallendum aptissimos. Hi tamquam eiulando casus, 37 quibus se simulabant oppressos, iudicis exaggerando crudelitatem, remedium nullum aliud reis ad obtinendam vitam superesse eadem replicando saepe adseverabant, ni criminibus magnis petissent nobiles viros: quibus ad sui societatem adnexis, facile eos absolvi posse firmabant.

Ob quae implacabilitate ultra adposita iam per- 38 gente, manus vinclis sunt artatae complurium: ortuque nobiles inculti videbantur et anxii. Nec eorum culpari quisquam debuit, cum salutantes humum paene curvatis contingentibus membris, per saepe clamantem audirent spiritus ferini latronem, nullum se invito reperiri posse infontem. Quae 39 verba effectui propere iuncta terruissent profecto Numae Pompilii similes et Catonum. Prorsus enim sic agebatur, ut nec in alienis malis quorundam exarescerent lacrimae: quod in variis et confragosis

21) Ms. Praetoris. 22) Ms. eius. 23) Ms. quaedam velut damusam collegaret.

40 actibus vitae plerumque contingit. A iure tamen iustitiaque crebro discedens ferreus cognitor, erat uno quasi praecipuo tolerabilis. Interdum enim exoratus parcebat aliquibus, quod prope vitium esse in hoc loco legitur apud Tullium: *Nam si implacabiles iracundiae sunt, summa est acerbitas: sin autem exorabiles, summa levitas: quae tamen, ut in malis, acerbitati anteponenda est.*

41 Post haec praegresso Leone, acceptoque successore, ad Principis comitatum Maximinus accitus, auctusque praefectura praetoriana, nihilo lenior fuit,
42 et iam longius nocens, ut basilisci serpentes. In id tempus, aut non multo prius, scopae florere sunt visae, quibus nobilitatis curia mundabatur: idque portendebat, extollendos quosdam despiciatissimae sortis ad gradus potestatum excelsos.

43 Et quamlibet tempestivum est ad ordinem redire coeptorum, tamen nihil impedituri temporum cursus immorabimur paucis, quae per iniquitatem curantium vicariam praefecturam in urbe, contra quam oportuerat gesta sunt, quia ad nutum Maximini et voluntatem iisdem ministris velut adparitoribus gerebantur.
44 Post hunc venit Ursicinus ad mitiora propensior: qui, quoniam cautus esse voluit et civilis, retulerat Esaïam cum aliis, ob commissum adulterium in Rufinam detentis, Marcellum maritum eius ex agente in rebus, reum imminutae maiestatis deferre conatis: ideoque ut cunctator contemptus, et ad haec fortiter exsequenda parum conveniens, e vicaria potestate discessit.
45 Huic successit Emonensis Simplicius, Maximini consiliarius ex grammatico, post administratam nec erectus nec tumidus, sed obliquo adspectu terribilis: qui compositis ad modestiam verbis acerba meditabatur in multos. Et primo Rufinam cum universis auctoribus adulterii commissi vel conscis interfecit, super quibus Ursicinum retulisse praediximus: alios deinde

complures nullo noxiorum discrimine vel inson-
tium. In cruento enim certamine cum Maximino 46
velut antepilano suo contendens, superare eum in
succidendis familiarum nobilium nervis studebat:
Bulirim veterem et Antaeum imitatus, et Phala-
rim, ut taurus ei solus deesse videretur Agrigen-
tinus.

His in hunc modum ac talibus actitatis, Hesy- 47
chia quaedam matrona ob intentatum crimen, in
domo adparitoris, cui custodienda est tradita, mul-
ta pertimescens et saeva, fulcro plumeo vultu con-
tracto incubuit, et animam occluso narium spira-
mento effudit.

Adiunctum est his aliud haud mitius malum. 48
Eumenius enim et Abienus ambo ex coetu amplissi-
mo, infamati sub Maximino in Fausianam feminam
non obscuram, post Victorini obitum, quo iuvante
vixere securius, Simplicii adventu perterrefacti, non
secus volentis magna cum minis, ad secreta rece-
ptacula se contulerunt. Sed Fausiana damnata inter 49
reos recepti vocatique edictis, semet abstrusius
amandarunt: quorum Abienus apud Aneptiam diu
delitescibat. Sed ut solent insperati casus adgrava-
re miserae clades, Apaudulus nomine servus
Aneptiae, verberatae coniugis dolore percussus,
negotium ad Simplicium detulit nocte progressus:
missique adparitores indicatos e latebris abstraxe-
runt. Et Abienus quidem exaggerato crimine 50
stupri, quod intulisse dicebatur Aneptiae, morte
multatus est. Mulier vero, ut continendae vitae
spem firmam dilato posset habere supplicio, adpe-
titam se nefariis artibus, vim in domo Aginatii per-
pessam adseveravit. Haec, ut gesta sunt, mugitus 51
ad Principem Simplicius retulit: agensque ibi Maxi-
minus, infestus ob causam, quam supra docuimus,
Aginatio, simultate una cum potestate in maius ac-
censa, [oravit] impense, ut rescriberetur eum occidi:

et impetravit facile male sanus incitator et potens.
 52 Metuensque gravioris invidiae pondus, ne pronuntia-
 tante Simplicio et consiliario suo et amico, periret
 homo patriciae stirpis; tenuit apud se paullisper
 imperiale praeceptum, haerens et ambigans, quem-
 nam potissimum exsecutorem atrocis rei fidum in-
 53 veniret et efficacem. Tandemque, ut solent pares
 facile congregari cum paribus, Doryphorianus qui-
 dam repertus est Gallus, audax adusque insaniam:
 cui hanc operam implere brevi pollicito deferri pro-
 vidit vicariam, et commonitorium cum Augusti lit-
 teris tradidit: instruens hominem saevum quidem
 sed rudem, qua celeritate Aginatium sine ullo de-
 leret obstaculo, dilatione qualibet inventa forsitan
 54 evasurum. Festinavit, ut mandatum est, Dory-
 phorianus magnis itineribus Romam: et ²⁴⁾ inter
 administrandi initia magna quaeritabat industria,
 qua vi senatorem perspicui generis interficeret iu-
 vantibus ²⁵⁾ nullis. Cognitoque, eum iam pridem
 repertum in villa propria custodiri, ipse tamquam
 caput fontium pariterque Anepsiam horrore medio
 tenebrarum audire disposuit, quo tempore hebetari
 solent obstrictae terroribus mentes: ut inter innu-
 mera multa Ajax quoque Homericus docet, optans
 perire potius luce, quam pati formidinis augmenta
 55 nocturnae. Et quoniam iudex, quin immo praedo
 nefandus ad id solum, quod promisit, intentus,
 cuncta extollebat in maius, iusso Aginatio statui,
 agmina fecit introire carnificum: catenisque sonan-
 tibus triste, mancipia squalore diuturno marcentia
 in domini caput adusque ultimum lacerabat exitium:
 quod in stupri quaestione fieri vetuere clementissi-
 56 mae leges. Denique, cum iam contigua morti tor-
 menta ancillae voces expressissent obliquas, indicii
 fide parum plene discussa, Aginatus ad supplicium

²⁴⁾ Mf. iterazdi iuitia. ²⁵⁾ Mf. nullis.

duci pronuntiatus abrupte, nec auditus, cum magnis clamoribus adpellaret nomina Principum, sublimis raptus occiditur, pari sententia Aneptia interfecta. Haec agitante Maximino cum adellet, perque emissarios cum procul ageret, funera urbs deploravit aeterna.

Sed accelerarunt ultimae dirae caesorum. Nam-⁵⁷que ut postea tempestive dicetur, et idem Maximinus sub Gratiano intoleranter se efferens, damnatorio iugulatus est ferro, et Simplicius in Illyrico truncatus: et Doryphorianum pronuntiatum capitis reum, trusumque²⁶⁾ carcere Tulliano, matris consilio Princeps exinde rapuit, reversumque ad lares per cruciatus oppressit immensos. Unde huc fleximus revertamur: is urbanarum rerum status, ut ita dixerim, fuit.

(A. C. 369.)

II. At Valentinianus magna animo concipiens, et utilia, Rhenum omnem a Raetiarum exordio adusque fretalem Oceanum magnis molibus¹⁾ communiebat, castra extollens altius et castella, turresque assiduas per habiles locos et opportunos, qua Galliarum extenditur longitudo: nonnumquam etiam ultra flumen aedificiis positis subradens barbaros fines. Denique, cum reputaret munimen-²tum celsum et tutum, quod ipse a primis fundarat auspiciis, praeterlabente Nicro nomine fluvio, paullatim subverti posse undarum pulsu immani, meatum ipsum aliorum vertere cogitavit: et quae-
sitis artificibus peritis aquariae rei, copiosaque militis manu, arduum est opus adgressus. Per multos³ enim dies compaginatae formae e roboribus, coniectaeque in alveum, fixis refixisque aliquotiens

²⁶⁾ Ms. in Tertulliano in matre. ¹⁾ Ms. commonebat.

prope ingentibus stilis, fluctibus erectis ²⁾ confun-
debantur, avulsaeque vi gurgitis ³⁾ interrompeban-
4 tur. Vicit tamen Imperatoris vehementior cura,
et morigeri militis labor, mento tenus, dum ope-
raretur, saepe demersi: tandemque non sine quo-
rumdam discrimine castra praefidiaria ⁴⁾ inquietu-
dine urgentis annis exempta, nunc valida sunt.

5 Ac talibus laetus exsultansque, pro anni et tem-
poris statu dilapso conducing, rei publicae curam
habuit, ut officio Principis congruebat. Ratusque
aptissimum ad id, quod deliberabat, implendum,
trans Rhenum in monte Piri, qui barbaricus locus
est, munimentum exstruere disposuit raptim. Ut-
que celeritas effectum negotii faceret tutum, per
Syagrium tunc notarium, postea praefectum et con-
sulem, Aratorem monuit ducem, ut, dum undique
6 altum esset silentium, id arripere conaretur. Trans-
iit cum notario dux, ut iussum est, statim, fodere-
que per militem, quem duxit, fundamenta exorsus,
Hermogenem suscepit successorem: eodemque
puncto quidam optimates ⁵⁾ Alamanni venere obfi-
dum patres, quos lege foederis mansuraeque diutius
7 pacis haud adspernanda pignora tenebamus. Qui
flexis poplitibus supplicabant, ne Romani securitatis
improvidi, quorum fortunam sempiterna fides caelo
contiguam fecit, pravo ⁶⁾ deciperentur errore, pa-
8 ctisque calcatis rem adorirentur indignam. Verum
haec et similia loquentes incassum, cum nec audi-
rentur, ⁷⁾ nec quietum aliquid vel mite referri sen-
tirent, filiorum flentes exitium discesserunt: his-
demque ⁸⁾ digressis, ex abdito collis propinqui bar-
baricus profiluit globus, optimatibus tum danda
responso, ut intelligi dabatur, opperiens: ⁹⁾ ador-

2) Ms. confidebantur. 3) Ms. interan vice. 4) Ms. inrivecun-
dinerrantis. 5) *Vulg.* Alemanni venere obsides Imperatoris, quos
leg. 6) Ms. deficerentur. 7) *Vulg.* audirentur nec aliquid mite
referri. 8) Ms. agrigressis. 9) Ms. adortus multos.

tusque milites seminudos, humum etiamtum gestantes, expeditis agiler gladiis ¹⁰⁾ obtruncabant: inter quos etiam duces ambo sunt caesi. Nec indicaturus gesta superfuit quisquam praeter Syagrium: qui, deletis omnibus, ad comitatum reversus, irati sententia Principis sacramento exutus, abiit ad lares, id ¹¹⁾ commeruisse saevo iudicatus arbitrio, quod evaserit solus.

Haec inter per Galliam latrociniorum rabies ¹⁰ saeva scatebat in perniciem multorum, observans celebres vias, fundensque indubitanter, quidquid inciderat fructuosum. Denique praeter complures alios, quos absumpserunt infidiae tales, Constantianus tribunus stabuli, impetu est clandestino exceptus, moxque interfectus, Valentiniani adfinis, Cerealis et Iustinae germanus.

At procul, tamquam horum similia ¹²⁾ cientibus ¹¹ furiis per omne latus, Maratocupreni grassatores acerrimi vagabantur, vici huius nominis incolae in Syria prope Apamiam positi, nimium quantum numero et exquisitis fallaciis abundantes: ideoque formidati, quod mercatorum militumque honoratorum specie ¹³⁾ sine strepitu ullo diffusi, opimas domos, villas et ¹⁴⁾ oppida pervadebant. Nec ¹² quisquam adventum eorum cavere poterat inopinum, non destinata, sed varia petentium et longinqua, et, ¹⁵⁾ quoquo ventus duxerat, ¹⁶⁾ irrumpentium: quam ob causam praeter caeteris hostibus Saxones timentur ut repentini. Et quamlibet ¹⁷⁾ coniurati multorum opes ¹⁸⁾ attriverint, oestroque concepti furoris exagitati strages edidere luctificas, sanguinis nihilo minus avidi quam praedarum: tamen, ne per minutias gesta ¹⁹⁾ narrando operis im-

10) Ms. obcabant. 11) id commeruisse. 12) Ms. similia actentibus. 13) Ms. sine strepitu ullo die soli opimas. 14) Ms. sine ullo discrimine opimas domos. 15) Ms. opes. 16) Ms. quaque. 17) Ms. corrumpentium. 18) Ms. coniuratus. 19) Ms. attribuerint. 19) Ms. narrandor enus.

pediam cursum, id unum sufficiet eorum exitiale
 13 poni commentum. Quaesitus in unum impiorum
 hominum globus, imitatus rationalis officium ipsum-
 que iudicem, vespertinis tenebris lugubre claman-
 te praecone civitatem ingressi, ambitiosam domum
 cuiusdam primatis, ut proscripti iussique interfici,
 cum gladiis obsederunt: raptaque suppellectili pre-
 tiosa, quia subito perculsi familiares hebetatis sensi-
 bus non defenderant dominum, caelis pluribus,
 14 ante revolutam lucem gressu discessere veloci. Ve-
 rum, cum exuviis referti multorum, ²⁰⁾ rapiendi
 dulcedine nil praetermitterent, intercepti imperiali
 motu, oppressi interiere omnes ad unum: eorum-
 que suboles parva etiam tum, ne ad parentum exem-
 pla subcresceret, pari sorte deleta est, et lares versi,
 quos ambitiose luctuosis aliorum dispendiis ²¹⁾ con-
 struxerunt. Et haec quidem textu processere
 narrato.

1 III. Theodosius vero dux nominis inclyti, ani-
 mo vigore collecto ab Augusta profectus, quam
 veteres adpellavere Lundinium, cum milite indu-
 stria comparato sollerti, versis turbatisque Britan-
 norum fortunis opem maximam tulit: opportuna
 ubique ad insidiandum barbaris praeveniens loca,
 nihil gregariis imperans, cuius non ipse primitias
 2 alacri capefferet mente. Hocque genere cum stre-
 nui militis munia et praeclari ducis curas expleret,
 fulis variis gentibus et fugatis, quas insolentia nu-
 triente securitate adgredi Romanas res inflammabat,
 in integrum restituit civitates et castra multiplicibus
 quidem damnis ¹⁾ adflicta, ²⁾ sed ad quietem tempo-
 ris longi fundata.

3 Evenerat autem eodem haec agente facinus
 dirum, erupturum in periculum grave, ni inter

²⁰⁾ Mf. pariendi. %r. rapiendi. ²¹⁾ Mf. construxerunt. 1) Mf. adflictis. al. affectas. 2) Mf. et ad quietem temp.

ipsa conatus principia fuisset extinctum. ³⁾ Valen-⁴
 tinus quidam in Valeria Pannoniae superbi spiritus
 homo, Maximini illius exitialis Vicarii, postea
 praefecti coniugis frater, ob grave crimen actus in
 Britannias exsul, quietis impatiens malefica bestia
 ad res perniciosas consurgebat et novas, in Theo-
 dosium tumore quodam, quem solum resistere posse
 nefandis cogitationibus advertibat. Multa tamen ⁵
 clam palamque circumspiciens, crescente flatu cupi-
 ditatis immensae exsules sollicitabat et milites, pro
 temporis capta ausorum ⁴⁾ illecebrosas pollicendo
 mercedes. Iamque propinquante tentatorum effe-⁶
 ctu, doctus haec, unde convenerat, dux alacrior
 ad audendum, et corde celso ad vindictam comper-
 torum erectus, Valentinum quidem cum paucis arta
 sibi societate iunctissimis letali poena plectendos
 Dulcitio dediderat duci: militari scientia vero, qua
 superabat praesentes, futura coniiciens, de coniu-
 ratis quaestiones agitari prohibuit, ne formidine
 sparsa per multos, reviviscerent provinciarum tur-
 bines compositi.

Hinc ad corrigenda plura conversus et necessa-⁷
 ria, periculo penitus dempto, cum aperte constaret
 nulla eius coepta propitiam deseruisse fortunam, in-
 staurabat urbes et praefidiaria, ut diximus, castra,
 limitesque vigiliis tuebatur et praetenturis: recu-
 peratamque provinciam, quae in ⁵⁾ ditionem con-
 cesserat hostium, ita reddiderat statui pristino, ut
 eodem referente et rectorem haberet legitimum, et
 Valentia deinde vocaretur arbitrio ⁶⁾ Principis velut
 ovantis.

Areanos genus hominum a veteribus institutum, ⁸
 super quibus aliqua in actibus Constantis retulimus,

³⁾ Mf. Valentinianus. ⁴⁾ *al.* illecebras. ⁵⁾ Mf. ditiones. ⁶⁾
 Mf. Principis velut ova . . t . . . tudie nuntio inest etima prae-
 cipua. Arianos.

paullatim prolapsos in vitia a stationibus suis removit: aperte convictos, ⁷⁾ acceptarum promissarumque magnitudine praedarum allectos, quae apud nos agebantur, aliquotiens barbaris prodidisse. Id enim illis erat officium, ut ultro citroque per longa spatia discurrentes, vicinarum gentium strepitus nostris ducibus intimarent.

9 Ita spectatissime autedictis rebus aliisque administratis similibus, ad comitatum accitus, tripudiantesque relinquens provincias, ut Furius Camillus vel Cursor Papirius, victoriis crebris et salutaribus erat insignis. Et favore omnium adusque fretum deductus, leni vento transgressus, venit ad commilitium Principis: cumque gaudio susceptus et laudibus, in locum Valentis Iovini successit, qui equorum copias tuebatur.

1 IV. Diu multumque a negotiis ¹⁾ digressus urbanis, adigente cumulo foris gestorum, ad ea strictim exsequenda regrediar, exorsus ab Olybrii praefectura tranquilla nimis et leni: qui numquam ab humanitatis statu deiectus, sollicitus erat et anxius, ne quod usquam factum eius asperum inveniretur aut dictum: calumniarum acerrimus insectator, fisci lucra, unde poterat, circumcidens, iustorumque distinctor et arbiter plenus, in subiectis admodum ² temperatus. Sed obnubilabat haec omnia vitium parum quidem ²⁾ nocens rei communi, sed in alto iudice maculosum, quod citeriorem vitam paene omnem vergentem in luxum per argumenta scenica amoresque peregerat nec vetitos, nec incestos.

3 Post hunc urbem rexit Ampelius, cupidus ipse quoque voluptatum, Antiochiae genitus, ex magistro officiorum ad proconsulatum geminum, indeque

⁷⁾ Mf. acceptarum promissarumque magnitudine praecarum. ¹⁾ al. digressus. ²⁾ vulgo nocens, sed.

que multo postea ad praefecturae culmen evectus,
 3) laetus alia, et ad populi favorem adipiscendum
 aptissimus: nonnumquam tamen rigidus, atque
 utinam in proposito perseverans. Correxisset enim
 ex parte licet exigua irritamenta gulae et 4) ganeas
 taetras, ni flexus in molliora emisisset gloriam diu
 victuram. Namque statuerat, ne taberna vinaria 4
 ante horam quartam aperiretur, neve aquam vul-
 garium calefaceret quisquam, vel adusque praesti-
 tutum diei spatium lixae coctam proponerent car-
 nem; vel honestus quidam mandens videretur in
 publico. Quae probra aliaque his maiora dissimu- 5
 latione iugi neglecta ita effrenatius exarserunt, ut
 nec Epimenides ille Cretensis, si fabularum ritu ab
 inferis excitatus redisset ad nostra, solus purgare
 sufficeret Romam: tanta plerosque labes insanabi-
 lium flagitiorum oppressit.

Et primo nobilitatis, ut aliquoties pro locorum 6
 copia fecimus, dein plebis digeremus errata, inci-
 dentia veloci constringentes excessu. Praenomi- 7
 num claritudine conspicui quidam, ut putant, in
 immensum semet extollunt, cum Reburri, et 5) Fa-
 bunii, et Pagonii Gerionesque adpellentur, ac Dalii
 cum Tarraciis et Perrasiis, aliisque ita decens so-
 nantibus originum insignibus multis. Nonnullos 8
 fulgentes sericis indumentis, ut ducendos ad mor-
 tem, vel ut sine dritate ominis loquamur, prae-
 gresso exercitu arma cogentes, manipulatim concit-
 tato fragore sequitur multitudo servorum. Tales, 9
 ubi comitantibus singulos quinquaginta ministris
 tholos introierint balnearum, 6) ubi sunt nostrum,
 minaciter clamant: si adparuisse subito ignota com-
 pererint mancipia, aut oppidanae quondam prosti-
 bulum plebis, vel meritorii corporis veterem lu-

3) Ms. laetus alia. 4) Ms. galineas. 5) Ms. Fabunii. 6) Ms. ubi sunt nostrorum clamant app.

pam: certatim concurrunt, palpantesque advenam deformitate magna blanditiarum ita extollunt, ut Semiramim Parthi, vel Cleopatras Aegyptus, aut Artemisiam Cares, vel Zenobiam Palmyreni. Et haec admittunt hi, quorum apud maiores censoria nota senator adflictus est, ausus, dum adhuc non deceret, praesente communi filia coniugem osculari.

10 Ex his quidam cum salutaribus pectoribus oppositis coeperunt, osculanda capita in modum taurorum minacium obliquantes, adulatoribus offerunt genua suavianda vel manus, id illis sufficere ad beate vivendum existimantes: et abundare omni cultu humanitatis ⁷⁾ peregrinum putantes, cuius forte etiam gratia sunt obligati, interrogatum, quibus thermis utatur aut aquis, aut ad quam successerit domum.

11 Et cum ita graves sint et cultores virtutum, ut putant, si venturos undelibet equos aut aurigas quemdam didicerint nuntiasse: ⁸⁾ ita velociter imminet, vident et percunctantur, ut Tyndaridas fratres eorum suspexere maiores, cum priscis illis victoriis indicatis gaudio cuncta complessent.

12 Horum domus otiosi quidam garruli frequentant, variis adfentandi figmentis ad singula altioris fortunae verba plaudentes, parasitorum in comœdiis aetas adfectando. Ut enim illi sufflant milites gloriosos, obsidiones urbium et pugnas et millia hostium iisdem, ut heroicis aemulis, adsignantes: ita hi quoque columnarum constructiones alta fronte suspensas mirando, atque parietes lapidum circumspectis coloribus nitidos, ultra morta-

13 litatem nobiles viros extollunt. Poscuntur etiam in ⁹⁾ convivii aliquoties trutinae, ut adpositi pisces et volucres ponderentur et glires: quorum magnitudo saepius replicata non sine taedio praesentium, ut

7) Ms. peregrinum putantes, cuius. 8) Ms. italos terhiment vident et perc. 9) Ms. connubiis.

antehac inusitata, laudatur assidue: maxime cum haec eadem numerantes notarii triginta prope ¹⁰⁾ assistant cum thecis et pugillaribus tabulis, ut deesse solus magister ludi litterarii ¹¹⁾ videretur.

Quidam detestantes ut venena doctrinas, Iuvenalem et Marium Maximum curatiori studio legunt, nulla volumina praeter haec in profundo otio contractantes: quam ob causam, non iudicioli est nostri. Cum multa et varia pro amplitudine gloriarum et generum lectitare deberent, audientes destinatum poenae Socratem, coniectumque in carcerem, perrogasse quemdam ¹²⁾ scite lyrici carmen Stefichori modulantem, ut doceretur id agere, dum viveret: interroganteque musico, quid ei poterit hoc prodesse morituro postridie, respondisse, ut aliquid sciens amplius e vita discedam.

Ita autem pauci sunt inter eos severi vindices ¹³⁾ delictorum, ut, si aquam calidam tardius attulerit servus, trecentis ¹⁴⁾ adfligi verberibus iubeatur: si hominem sponte occiderit propria, instantibus plurimis, ut damnetur ¹⁵⁾ reus, dominus hactenus exclamat: Quid faciat malus, ¹⁶⁾ famosus et nequam? et si quis aliud eiusmodi deinceps ausus fuerit, corrigetur.

Civilitatis autem hoc apud eos est nunc, quod ¹⁷⁾ expedit peregrino fratrem interficere cuiuslibet, quam ¹⁷⁾ rogatus ad convivium excusare: defectum enim ¹⁸⁾ patrimonii se oppido perpeti senator existimat, si is defuerit, quem aliquoties libratissimis sententiis invitaverit semel.

H h 2

¹⁰⁾ Ms. assistentes. ¹¹⁾ Ms. viderentur. ¹²⁾ Ms. excite. ¹³⁾ Ms. tectorum. ¹⁴⁾ Ms. adflicta. ¹⁵⁾ Ms. cremus. ¹⁶⁾ Ms. mu niosus et nequam, et si quis di deinceps ausus fuerit cortu ti autem hoc apud eos nunc m quod expedit Civilitatis. ¹⁷⁾ Ms. rogatus. ¹⁸⁾ Ms. patrimoniiis oppidi perpeti.

18. Pars eorum, si agros visuri processerunt longius, aut alienis laboribus venaturi, Alexandri Magni itinera se putant aequiperasse, vel Caesaris: aut si a lacu Averni ¹⁹⁾ lembis invecti sunt pictis Puteolos ²⁰⁾ vel Caietam, maxime cum id vaporato audeant tempore. Ubi si inter aurata flabella laciniis ²¹⁾ sericis infederint muscae, vel per ²²⁾ foramen umbraculi pensilis radiolus irruerit solis, queruntur,
 19 quod non ²³⁾ sunt apud Cimmerios nati. Dein, cum a Silvani lavacro vel Mamaeae aquis ventitant sospitalibus, ut quisquam eorum egressus tenuissimis se terferit linteis, solutis pressoriis vestes luce nitentes arbitra diligenter explorat, quae ²⁴⁾ una portantur sufficientes ad induendos homines undecim: tandemque electis aliquot involutus, receptis anulis, quos, ne violentur humoribus, famulo tradiderat, digitis ut ²⁵⁾ metatis abit.
20. Enimvero, si quis e militia Principis recens digressus abierit in larem, aut provectibus, tali praesente irio lenu praesul existimatur: caeteri taciturni audiunt dicta solus pater familias tectus narrans aliena et placentia referens et utile pleraque fallendo.
21. Quidam ex iis licet rari aleatorum vocabulum declinantes, ideoque se cupientes ²⁶⁾ adpellari tesserrarios: inter quos tantum differt, quantum inter fures et latrones. Hoc tamen fatendum est, quod, cum omnes amicitiae Romae tepescant, aleariae solae, quasi gloriosis quaesitae sudoribus, sociales sunt, et adfectu nimio firmitate plena connexae:

19) Ms. Tembis. 20) Ms. vel certamen. 21) Ms. fertis. 22) Ms. toramen. 23) Ms. sunt apud. 24) Ms. una p tur. 25) metatis. Ne id enimvero si quibus in mil principis regens digressus rit in aetut provectibus tali praesente irio lenu praesul existimatur ceteri tacitur dicta solias pater familias tectu rant aliena et placentia referrent et urile pleraque fallendo Quidam. 26) Ms. appellari inter.

unde quidam ex his gregibus inveniuntur ita concordēs, ut Quintilios esse existimes fratres. Ideoque videre licet ignobilem, artis tellerariae callentem arcana, ut Catonem Porcium ob repulsam praeturae nec suspectam antea nec speratam, incedere gravitate composita maestiores, quod ei in maiore convivio vel confessu proconsularis quidam est antelatus.

Subsident aliqui copiosos homines, senes aut 22 iuvenes, orbos vel caelibes, aut etiam uxores habentes et liberos (nec enim in hoc titulo discrimen aliquod observatur) ad voluntates condendas allicientes 27) eos praestigiis miris: qui cum supremis iudiciis ordinatis, quae habebant, reliquerint iis, quibus morem gerendo testati sunt, 28) illico pereunt, ut id impleri forte fatorum opperiente, nec puteos, nec facili potest aegritudo testament . . . comitatu est his quisquam.

Alius cum dignitate licet mediocri, cervice 23 tumida gradiens, notos antea 29) obliquato contuetur adspectu, ut post captas Syracusas existimes reverti M. Marcellum.

Multi apud eos negantes esse superas potestates 24 in caelo, nec in publico prodeunt, nec praeudent, nec lavari arbitrantur se cautius posse, antequam ephemeride scrupulose sciscitata didicerint, ubi sit verbi gratia signum Mercurii, vel quotam cancri fideris partem polum discurrens obtineat luna.

Alius, si creditorem suum flagitare molestius 25 adverterit debitum, ad aurigam confugit audentem omnia praedicenter, eumque ut veneficum curat urgeri: unde non nisi reddita cautione, dispendioque afflictus gravi discedit. Et additur huic, debito-

27) Mf. potest regis. 28) Mf. pereunt ut id impleris orafatorum operiente nec puteos nec facili potest aegritudo testam comitatum est his quistuum cum dignitate licet vicet tumida. Alius. 29) Mf. aliquanto.

rem voluntarium includit ut proprium, nec ante eius profectionem absolvit.

26 Parte alia uxor, ut proverbium loquitur vetus, eamdem incudem diu noctuque tundendo, maritum testari compellit, hocque idem ut faciat uxor, urget maritus instanter: et periti iuris altrinsecus adiscuntur, unus in cubiculo, alter eius aemulus in triclinio, repugnantia tractaturi: iisdemque subseruntur genitalium ³⁰⁾ extorum interpretes controversi, hinc praefecturas profusius largientes et sepulturas divitum matronarum; inde ad exsequias virorum ³¹⁾ iamiam adventantes necessaria parari oportere ³²⁾ innuentes: et testatura ancillas suapte natura pallidi adspirati pridie consumpta defuncta um Romaque: ut Tullius ait: *Nec in rebus humanis quidquam bonum norunt, nisi quod fructuosum sit: et amicos tamquam pecudes eos potissimum diligunt, ex quibus se sperant maximum fructum esse capturos.*

27 Cumque mutuum illi quid petunt, foccos et Miconas videbis et Lachetas: cum adiguntur, ut reddant, ita cothurnatos et turgidos, ut Heraclidas illos Cresphontem et Temenum putes. Hactenus de senatu.

28 Nunc ad otiosam plebem veniamus et desidem: in qua nitent ut nominibus cultis et quidam calceorum expertes, Cimessores, Statarii, Semicupae, et Serapini, et Cicimbricus cum Gluturino, et cum Trulla, et Lucanicus cum Pordaca et Salsula, similesque innumeri. Hi ³³⁾ omne, quod vivunt, vino et tesseriis impendunt, et lustris, et voluptatibus, et spectaculis: eisque templum, et habitaculum, et ³⁴⁾ concio, et cupitorum spes omnis Circus est

30) Ms. extormth terpretes. 31) Ms. fama adventantes.
 32) Ms. innuentes et testatura ancillas captenatura pallidi
 aspirati pridie consumpta defuncta um romaque ut
 ullius ait. 33) Ms. omne. 34) Ms. concio et copitorum et spes.

maximus: et videre licet per fora, et compita, et plateas, et conventicula circulos multos collectos in se controversis iurgiis ferri, aliis aliud, ut fit, defendentibus. Inter quos hi, qui ad satietatem vixerunt, potiores auctoritate longaeva, per canos et ³⁵⁾ rugas clamitant saepe, rem publicam stare non posse, si futura concertatione, quem quisque vindicat, carceribus non ³⁶⁾ exiluerit princeps, et funalibus equis parum cohaerenter circumflexerit metam. Et ubi negligentiae tanta est caries, exoptato die equestrium ludorum inlucescente, nondum solis puro iubare, ³⁷⁾ effusius omnes festinant praecipites, ut velocitate currus ipsos anteeant certaturos: super quorum eventu ³⁸⁾ discissi votorum studiis, anxii plurimi agunt pervigiles noctes.

Unde, si ad theatralem ventum fuerit vilitatem, artifices scenarii per sibilos ³⁹⁾ exploduntur, si quis sibi aere humiliorem non conciliaverit plebem. Qui si defuerit strepitus, ad imitationem Tauricae gentis peregrinos vociferantur pelli debere (quorum subsidii semper nisi sunt ac steterunt) et taetris vocibus et absurdis: quae longe abhorrent a studiis et voluntate veteris illius plebis, cuius multa facete dicta memoria loquitur et ⁴⁰⁾ venusta. Id enim nunc repertum est pro sonitu laudum impensiore per adplicatos homines ad loquendum, ut in omni spectaculo, exodiario, venatori, aurigae, et histriorum generi omni, et iudicibus cellis itidemque minoribus, nec non etiam matronis clametur ⁴¹⁾ adfide, *Per te ille discat*: quid autem debeat disci, nemo sufficit explanare.

³⁵⁾ Ms. et rogant velamittant. ³⁶⁾ exiluerit prin nomina-
 bilis equis parum coherce ercircum clexerit metam et ubi
 negligentiae tanta est caries. Exoptato. ³⁷⁾ Ms. fusius. ³⁸⁾ Ms.
 discissi. ³⁹⁾ Ms. explorantur. ⁴⁰⁾ Ms. venustas. ⁴¹⁾ Ms. obsidie
 *Per te*.

- 34 In his plerique distentioribus saginis addicti, praeunte nidoris indagine acutisque vocibus feminarum, a galliciniis ipsis, in modum pavonum⁴²⁾ immaniter clangentium, humum summis pedum unguibus contingentes aulis adstant, digitos praerodentes dum patinae defervescent: alii nauseam horridae carnis, dum excoquitur, intentius despectantes, ut discissarum pecudum exta rimari cum anatomicis Democritum putes, docentem, quibus modis posteritas mederi doloribus possit internis.
- 35 Sit satis interim haec digessisse super rebus urbanis: nunc redeamus ad caetera, quae per provincias agitavere multiplices casus.

(A. C. 370.)

- 1 V. Erupit Augustis ter Coss. Saxonum multitudo: et Oceani difficultatibus permeatis, Romanum limitem gradu petebat intento, saepe nostrorum funeribus pasta: cuius eruptionis primae procellam Nannenus sustinuit Comes, regionibus iisdem adpositus, dux diuturno bellorum labore compertus.
- 2 Sed tunc ad mortem destinatae plebi congressus, cum milites quosdam ruisse, et se vulneratum imparem fore certaminibus adverteret crebris, docto Imperatore, quid agi deberet, id est adeptus, ut peditum magister Severus opitulatum rebus dubiis
- 3 adveniret. Qui ducens militem rei sufficientem cum venisset ad loca, discriminatis¹⁾ ordinibus barbaros ante colluctationem adeo terruit et turbavit, ut nec controversas opponerent manus, sed signorum aquilarumque fulgore praestrici venialem
- 4 poscerent pacem. Diuque variatis consiliis, cum id rei publicae conducere videretur, pactis indutiis, et datis ex conditione proposita iuvenibus multis habilibus ad militiam, discedere permissi sunt Saxo-

42) Mf. liennitare. 1) Mf. ordinib. per barbaros.

nes, sine impedimento, unde venerant, reversuri. Quibus omni iam formidine vacuis reditumque pa-⁵ rantibus, occulte pedites missi insidias in abdita quadam valle struxerunt, unde praetereuntes ad- gredi negotio poterant levi: sed longe secus accidit, quam sperabatur. Sonitu enim adventantium perciti ⁶ exfluere quidam intempestive, visique subito, dum se firmare festinant, ululantibus lugubre barbaris, vertuntur in pedes. Stetere tamen mox congloba- ti, extremaque sorte vires licet non integras sugge- rente confligere cogeantur: multaque caede per- culsi concidissent nullo relicto, ni cataphractorum equitum cuneus, ad inferendum periculum trans- euntibus barbaris ex alio latere prope divortium iti- neris ²⁾ pari modo locatus, clamore percitus tristi agiler subvenisset. Exin concursum infestius, fir-⁷ matisque pectoribus hinc inde incumbentes Roma- ni clausos hostes eductis gladiis obtruncabant: nec quisquam eorum genitales revisere potuit lares, ne uno quidem caedibus concorporalium superesse per- misso. Ac licet iustus quidam arbiter rerum factum inculabit perfidum et deforme: pensato tamen ne- gotio non feret indigne, manum latronum exitialem tandem copia data captam.

Post haec ita prospere consummata, Valentinia-⁸ nus versando sententias multiformes, anxia sollici- tudine stringebatur: reputans multa et circumspi- ciens, quibus commentis Alamannorum et Macria- ni regis frangeret fastus, sine fine vel modo rem Romanam irrequietis motibus confundentes. Im-⁹ manis enim natio, iam inde ab incunabulis primis varietate casuum imminuta, ita saepius adulescit, ut fuisse longis saeculis aestimetur intacta. Sedit- que consilia alia post alia Imperatori probanti, Bur- gundios in eorum excitari perniciem, bellicosos et

²⁾ Ms. primo dolocatus.

pubis immensae viribus adfluentes, ideoque me-
 10 tuendos finitimis universis. Scribebatque frequen-
 ter ad eorum reges per taciturnos quosdam et fidos,
 ut iisdem tempore praestituto supervenirent, polli-
 citus ipse quoque transito cum Romanis agminibus
 Rheno occurrere pavidis, pondus armorum vitan-
 tibus insperatum.

11 Gratanter ratione gemina Principis acceptae
 sunt litterae: prima, quod iam inde temporibus
 priscis subolem se esse Romanam Burgundii sciunt:
 dein, quod salinarum finiumque causa Alamannis
 saepe iurgabant. Et catervas misere lectissimas:
 quae, antequam ³⁾ milites congregarentur in unum,
 adusque ripas Rheni progressae, Imperatore ad
 struenda munimenta districto, terrori nostris fuere
 12 vel maximo. Igitur paullisper morati, cum neque
 Valentinianus, ut spoponderat, die praedicto ve-
 nisset; nec promissorum aliquid adverterent factum,
 ad comitatum misere legatos, poscentes adminicula
 sibi dari reductoris ad sua, ne nuda hostibus expone-
 13 rent terga. Quod ubi negari per ambages sentirent
⁴⁾ et moras, maesti exinde discesserunt et indignati.
 Hocque comperto reges ut ludibrio habiti saevien-
 tes, captivis omnibus interfectis, genitales repe-
 tunt terras.

14 Apud hos generali nomine rex adpellatur Hen-
 dinos, et ritu veteri potestate deposita removetur,
 si sub eo fortuna titubaverit belli, vel segetum
 copiam negaverit ⁵⁾ terra: ut solent Aegyptii casus
⁶⁾ eiusmodi suis assignare rectoribus. Nam sacer-
 dos apud Burgundios omnium maximus vocatur
 Sinistus: et est perpetuus, obnoxius discriminibus
 nullis, ut reges.

15 Per hanc occasionem impendio tempestivam,
 Alamannos gentis antedictae metu dispersos ad-

³⁾ Ms. milites congregarentur. ⁴⁾ Ms. et moras, maesti. ⁵⁾
 Ms. terflavi solent. ⁶⁾ Ms. eiusmodi nuis adf.

gressus per Raetias Theodosius, ea tempestate magister equitum, pluribus caelis, quoscunque cepit, ad Italiam iussu Principis misit, ubi, fertilibus⁷⁾ pagis acceptis, iam tributarii circumcolunt Padum.

VI. Hinc tamquam in orbem migrantes alium, ad Tripoleos Africanæ provinciae veniamus aerumnas, quas, ut arbitror, Iustitia quoque ipsa deslevit: quae unde instar exarsere flammarum, textus aperiet absolutus. Austuriani his contermini partibus² barbari, in discursus semper expediti veloces, vive-reque adsueta rapinis et caedibus, paullisper pacati: in genuinos turbines revoluti sunt, hanc causam praetendentes ut seriam. Stachao quidam nomine³ popularis eorum, ¹⁾ ut in otio nostra peragrandō licentius, agebat quaedam vetita legibus: inter quae illud potius eminebat, quod provinciam omni fallaciarum via prodere conabatur, ut indicia docuere verissima: quocirca supplicio flammarum absumptus est.

Huius necem ulcisci, ut propinqui damnatique⁴ iniuste causantes, ferarum similes rabie concitarum exsiluere sedibus suis, Ioviano etiam tum imperante: veritque prope Leptim accedere, civitatem muris et populo validam, suburbano eius uberrimo insedere per triduum: mactatisque agrestibus, quos inopinus hebetaverat pavor, vel confugere coëgerat ad speluncas, incensa supellectili multa, quae vehi non poterat, referti rapinis reverterunt ingentibus, trahentes captivum Silvam quoque²⁾ casu cum caritatibus in agro inventum, ordinis sui primatem.

Hac subita clade Leptitani perterriti, ante incrementa malorum, quae intentabat barbaricus tumor, praesidium imploravere Romani Comitis per Africam

7) Ms. pacis. 1) Ms. eorum utinovo nostra. 2) Ms. casuum feritatibus in agro.

recens provecti. Qui cum venisset militares copias ducens, ferreque opem rebus rogaretur adflictis, non nisi abundanti commeatu adgesto, et camelorum quatuor millibus adparatis, castra firmabat esse
 6 moturum. Hocque responso miserandis civibus stupefactis, atque negantibus, sufficere se posse post vastationes et incendia, ita enormibus instrumentis remedia quaerere damnorum immanium, dissimulanter diebus ibi quadraginta consumptis, nullo tentato inde discesserat Comes.

- 7 Qua spe ³⁾ Tripolitani frustrati formidantesque extrema, adlapso legitimo die concilii, quod apud eos est annuum, Severum et ⁴⁾ Flaccianum creavere legatos, Victoriarum aurea simulacra Valentiniano ob imperii primitias oblaturus: utque lacrimosas
 8 provinciae ruinas docerent intrepide. Quibus compertis Romanus, misso equite velocissimo magistrum officiorum petit Remigium, ad finem suum rapinarum participem, ut provideret Imperatoris arbitrio cognitionem huius negotii Vicario ⁵⁾ sibi que deferri.
 9 Venerunt in comitatum legati: aditoque Principe, verbis, quae perpessi sunt, ostenderunt: obtulerunt decreta, textum continentia rei totius. Quibus lectis, cum neque relationi officiorum magistri faventis Romani flagitiis, nec contraria referentibus crederetur: promissa disceptatio plena dilata est eo more, quo solent inter potiorum occupationes ludi potestates excelsae.
 10 Dum remedia quaedam a commilitio Principis exspectantur, suspensis Tripolitanis diuque anxiiis, rursus globi supervenere barbarici, fiducia sublata praeteritorum: Leptitanoque agro et Ocenfi interneciva populatione transcursis, expleti praedarum acervis ingentibus abscefferunt, occisis decurioni-

3) *ML*. Pentapolitani. 4) *ML*. Flaccianum. 5) *al.* sibi def.

bus multis: inter quos Rusticianus sacerdotalis et Nicasius enitebat aedilis. Haec autem eruptio ideo 11 arceri non potuit, quod ad legatorum preces negotiorum quoque militarium cura praefidi delata Rusticio, mox translata est ad Romanum. Et iam recens 12 inflictae cladis nuntius missus ad Gallias, excitavit acrius Principem. Ideoque tribunus et notarius Palladius mittitur, ut et militi disperfo per Africam praeberet stipendium debitum, et gesta per Tripolim fide congrua scrutaretur.

Inter tales tamen consulendi moras expectandi- 13 que responsa, Austuriani successu gemino insolentes, ut rapaces alites advolarunt irritamento sanguinis atrocius efferatae: cunctisque, nisi quos fuga discriminibus eximeret, interemptis, praedas, quas antehac reliquerant, avexerunt, arboribus exsectis et vitibus. Tunc Mychon quidam nobilis oppidanus 14 et potens, captus in suburbano, lapsusque, antequam vinciretur, quia pedibus aeger evadere penitus vetabatur, in puteum aquis vacuum sese coniecit: unde costa diffracta levatus a barbaris, ductusque prope portas, coniugis miseratione redemptus est, et ad pinnas muri fune sublatus, post biduum interiit. Unde elati in pertinaciam saevissimi gra- 15 fatores ipsa pulsavere moenia Leptitana, funestis plangoribus resonantia feminarum, quas numquam antea hostiliter clausas pavor exanimabat insolitus: obsessaque urbe per octo continuos dies, cum quidam oppugnatores sine ullo vulnerarentur effectu, redierunt ad propria tristiores.

Ob quae super salute dubii cives, ultimaque 16 tentantes, profectis ante legatis nondum reversis, Iovinum mittunt atque Pancratium, quae viderint, quae ipsi perpessi sint, Imperatorem fida relatione docturos: qui Severum apud Carthaginem inventum et Flaccianum superiores illos legatos, percunctando, quid egerint, cognoverunt eos audiri a Vi-

cario iussos et Comite. E quibus Severus illico periit vexatus acerbitate morborum: nihilominus tamen properarunt ad comitatum magnis itineribus antedicti.

- 17 Ingresso post haec Palladio Africam, Romanus, quas ob res venerat, ante ⁶⁾ praelstructus, ut securitatem suam in tuto locaret, numerorum principiis per quosdam secretorum mandaverat conscios, ut ei tamquam potenti et palatii summatibus proximo, stipendii, quod pertulerat, praestarent maximam
18 partem: et ita est factum. Confestimque ille ditatus perrexerat ad Leptim: utque ad veritatis perveniret indaginem, Erechthium et Aristomenem facundos municipales et insignes, libere suas civiumque et finitimorum retexentes aerumnas, ad loca vastata
19 secum eduxit. Quibus aperte cuncta monstrantibus, luctuosis provinciae cineribus visis revertit: Romanumque ut desidem increpans, relaturum se cuncta verissime, quae viderat, minabatur ad Principem. Atque ille ira percitus et dolore, se quoque mox referre firmavit, quod missus ut notarius incorruptus, donativum militis omne in quaestus
20 averterit proprios. Qua gratia flagitiorum arbitra conscientia, cum Romano deinde Palladius concordabat: reversusque ad comitatum, arte mendaciorum impia Valentinianum fefellerat, Tripolitanos frustra queri commemorans. Ideoque rursus ad Africam cum Iovino postremo omnium legatorum remittitur (Pancratius enim decesserat apud Treveros) ut cum Vicario ipse merita legationis quoque secundae spectaret: praeter haec linguas Erechthii et Aristomenis praecidi iusserat Imperator, quos invidiosa quaedam loquutos idem Palladius intimarat.

6) *al.* praelstructurus.

Sequutus, ut statutum est, Vicarium notarius ²¹ venit ad Tripolim. Hocque comperto Romanus domesticum suum illuc ⁷⁾ volucriter misit, et Caecilium consiliarium in ea provincia genitum: per quos, incertum pretiis an fallaciis, circumventi municipes omnes gravabant Iovinum, destinatus adferentes, nihil eorum mandasse, quae docuerat Principem: eousque iniquitate grassante, ut ipse quoque Iovinus ad salutis suae discrimen confiteretur, se Imperatori mentitum.

Quibus per Palladium regressum cognitīs, ²² Valentinianus ad acerbitatem proclivior Iovinum quidem ut auctorem, ⁸⁾ Caelestinum vero Concordiumque et Lucium, ut falsi conscios et participes, puniri supplicio capitali praecepit: ⁹⁾ Ruriciū autem praesidem ut mendacem morte multari: hoc quoque accedente, quod in relatione eius verba quaedam (ut visum est) immodica legebantur. Ac Ruricius quidem apud Si- ²³ timum caesus: reliqui apud Uticam sententia Vicarii Crescentis addicti. Flaccianus tamen ante legatorum interitum, cum a Vicario audiretur et Comite, constanter salutis suae propugnans, acclamationibus iratorum militum impetuque cum conviciis paene confossus est: obiicientium, ideo Tripolitānos non potuisse defendi, quod ipsi ad expeditionales usus praebere necessaria detractarunt. Et ob ²⁴ haec trusus in carcerem, dum consultus super eo, quid conveniret agi, decerneret Imperator, sollicitatis, ut dabatur opinari, custodibus, in urbem Romam abierat profugus: ibique delitescens, fatali lege decessit.

Hoc memorando fine externis domesticisque ²⁵ cladibus vexata conticuit Tripolis non indefensa:

7) *al.* velociter. 8) *Steph.* Caelestinum. 9) *Mf.* ultimaeque.

quia vigilavit Iustitiae oculus sempiternus, ultimaeque legatorum et praefidis dirae. Diu enim postea huiusmodi casus emerfit. Solutus sacramento Palladius, destitutusque fastu, quo tumebat, discessit
 26 ad otium. Et cum Theodosius ductor exercituum ille magnificus, oppressurus Firmum perniciose coeptantem, venisset in Africam, et praescripti Romani rem mobilem, ut iussu est, scrutaretur: inter chartas eius inventa est Meterii cuiusdam epistola, id continens: *Domino patrono Romano Meterius*; et in fine post multa nihil ad rem pertinentia: *Salutat te Palladius proiecticius: qui non aliam ob causam dicit se esse proiectum, nisi quod in causa Tripolitanorum apud aures sacras mentitus est.*
 27 His litteris ad comitatum missis et lectis, Valentiniani iussu Meterius raptus suam esse confitetur epistolam: ideoque Palladius exhiberi praeceptus, cogitans, quas criminum coxerit moles, in statione primis tenebris observata custodum absentia, qui festo die Christiani ritus ¹⁰⁾ in ecclesia pernoctabant,
 28 innodato gutture laquei nexibus interiit. Hoc fortunae secundioris iudicio plene comperto, deletoque tristium concitore turbarum, exsiluerunt Erechthius et Aristomenes e latebris, qui, cum sibi iussas abscidi linguas didicissent ut prodigas, ad longe remota declinarunt et abdita: doctoque super nefanda fraude Gratiano Imperatore fidentius (Valentinianus enim obierat) ad Hesperium proconsulem et Flavianum Vicarium audiendi sunt missi: quorum aequitas auctoritate ¹¹⁾ nixa iustissima, torto Caecilio, aperta confessione cognovit, ipsum suasisse civibus, gravarent mentiendo legatos. Haec acta sequuta est relatio, gestorum pandens plenissimam fidem; ad quam nihil responsum est.

Et

10) M. in ecclesiam. 11) M. mixta.

Et ne quid cothurni terribilis fabulae relinque-²⁹
 rent intentatum, hoc quoque post depositum acces-
 sit aulaeum. Romanus ad comitatum profectus se-
 cum Caecilium duxit, cognitores accusaturum ut in-
 clinatos in provinciae partem: isque Merobaudis
 favore susceptus, necessarios sibi plures petierat ex-
 hiberi. Qui cum Mediolanum venissent, frustra-³⁰
 que se tractos obfirmulatis documentis probabilibus
 ostendissent, absoluti redierunt ad lares. Valen-
 tiniano tamen superflite, post superiora, quae narra-
 vimus, Remigius quoque digressus ad otium, la-
 queo vitam elisit, ut congruo docebimus loco.

AMMIANI MARCELLINI

RERUM GESTARUM

LIBER XXIX.

Theodorus notarius imperium adfectat, et apud Valentem Antiochiae accusatus maiestatis, convictusque cum plurimis criminis consciis interficitur. C. I. Multi in oriente veneficiorum et aliorum criminum rei delati, damnatique, pars iure, pars iniuria iugulantur. II. In occidentis tractibus varia Valentiniani Aug. saevitiae et efferatae crudelitatis exempla. III. Valentinianus A. Rhenum navali ponte transgressus, culpa militis Macrianum Alamannorum regem incautum capere non potuit. IV. Theodosius, magister equitum per Gallias, Firmum Maurum Nubelis Reguli filium, qui a Valentiniano desciverat, multis proeliis atterit, ac demum eo ad voluntariam mortem compulso, pacem Africae reddit. V. Quadi, nefaria Gabinii regis sui caede incitati, Pannonias et Valeriam igni et ferro cum Sarmatis vastant, et legiones duas paene totas delent. De Claudii praefectura urbana. VI.

(A. C. 371.)

1 **E**xacta hieme rex Persarum gentis Sapor, pugnarum fiducia pristinarum immaniter arrogans, suppleto numero suorum abundeque firmato, erupturos in nostra cataphractus et sagittarios et conductam misit
2 plebem. Contra has copias Traianus Comes et Vadamarius ex rege Alamannorum cum agminibus perrexere pervalidis, hoc observare Principis iussu adpositi, ut arcerent potius, quam lacefferent Persas.

Qui cum venissent Vagabanta, legionibus habilem 3
locum, rapidos turmarum procurfus hostilium in se
ruentium acriter exceperunt inviti: operaque con-
sulta retrocedentes, ne ferro violarent adverforum
quemquam primi, et iudicarentur discissi foederis
rei, ultima trudente necessitate congressi sunt: con-
fossisque multis discessere victores. Inter moras ta- 4
men utrimquesecus tentatis aliquotiens levibus proe-
liis, varioque finitis eventu, pactis indutiis ex con-
sensu aestateque consumpta, partium discessere du-
ctores etiamtum discordes. Et rex quidem Parthus
hiemem Ctesiphonte acturus, rediit ad sedes: et
Antiochiam Imperator Romanus ingressus. Qui,
dum ibi moratur securus interim hostium externo-
rum, intestinis paene perierat fraudibus, ut aperiet
series ¹⁾ delata gestorum.

Procopius quidam, inquires homo, barbarum 5
cupiditati semper addictus, Anatolium detulerat et
Spudalium palatinos, exigi, quae de aerario inter-
ceperant, iussos, infidiari Comiti Fortunatiano, mo-
lesto illi flagitatori. Qui animi asperitate confestim
ad insanum percitus modum, pro potestatis aucto-
ritate, quam regebat, Palladium quemdam obscu-
rissime natum, ut veneficum a memoratis condu-
ctum, et Heliodorum fatorum per genituras inter-
pretem, adigendos prodere, quae scirent, praeto-
rianæ iudicio tradidit praefecturae. Cumque ad 6
facti vel tentati quaestionem acrius veniretur, ²⁾ ex-
clamabat Palladius confidenter, levia esse haec, de
quibus agitur, et praetereunda: alia se, si licuerit
dicere, monstraturum metuenda et potiora, quae
ingenti molimine iam praestructa, nisi prospectum
fuerit, universa confundent. Iussusque docere
fidenter, quae norat, rudentem explicuit immen-

I i 2

1) *ML.* delatu. 2) *al.* exclamat.

sum: adfirmans Fidustium praesidiale, et cum Irenaeo Perganium nomen imperaturi post Valen-
7tem detestandis praesagiis didicisse secretim. Et correptus Fidustius illico (namque aderat forte) occulteque inductus, viso indice, nulla infitiatione obumbrare iam publicata conatus, rei totius calamitosum aperit textum: absolute confessus, se cum Hilario et Patricio vaticinandi peritis, quorum Hilarius militaverat in palatio, de imperio consuluisse futuro: motasque secretis artibus sortes et nuncupationem Principis optimi, et ipsis consultoribus
8 fluctuosos exitus praedixisse. Atque cunctantibus, quisnam ea tempestate omnibus vigore animi antistaret, visus est aliis excellere Theodorus, secundum inter notarios adeptus iam gradum. Et erat revera ita, ut opinati sunt. Namque antiquitus claro genere in Galliis natus, et liberaliter educatus a primis pueritiae rudimentis, modestia, prudentia, humanitate, gratia, litteris ornatissimus, semper officio locoque, quem retinebat, superior videbatur, altis humilibusque iuxta acceptus. Solusque
9 paene omnium erat, cuius linguam non infrenem sed dispicientem, quae loqueretur, nullius claudibat periculi metus. His addebat idem Fidustius, excarnificatus iam ad interitum, omnia quae praedixit, se indicante Theodorum per Eucaerium didicisse, virum praestabili scientia litterarum abundeque honoratum: Asiam quippe paullo ante rexerat
10 pro praefectis. Quo in custodia condito, gestorumque volumine Imperatori recitato de more, prodigiosa feritas in modum ardentissimae facis fufius vagabatur, elata turpi adulatione multorum, maximeque praefecti praetorio tunc Modesti. Qui dum
11 formidine successoris agigaretur indies, obumbratis blanditiarum ³⁾ concinnitatibus cavillando Valen-

³⁾ Ms. concinnantibus.

tem subrusticum hominem sibi varie commulcebat, horridula eius verba et rudia flosculos Tullianos appellans, et ad extollendam eius vanitatem fidera quoque, si iussisset, exhiberi posse promittens.

Igitur et Theodorus a Constantinopoli, quam ¹² ex negotio familiari petierat, rapi celeri iubetur effectu: et dum ille reducitur, ex praeiudiciis variis, quae diebus exercebantur et noctibus, plures a dis-iunctissimis regionibus trahebantur, dignitatibus et nobilitate conspici. Cumque nec carceres publici ¹³ iam distenti inclusorum iam catervas, nec privata domicilia sustinerent constipatione vaporata confertas: quoniam vinculis maxima pars eorum attinebatur, et suam et proximi cuiusque vicem omnes horrebant. Advenit aliquando tamen ipse quoque Theo- ¹⁴ dorus, praemortuus et atratus: quo in devia territorii parte abscondito, paratis omnibus, quae indagines futurae polcebant, internarum cladum litui iam sonabant.

Et quia fallere non minus videtur, qui gesta ¹⁵ praeterit sciens, quam ille, qui numquam facta fingit: non abuimus (neque enim ambigitur) salutem Valentis et antea saepius per occultas coitiones, et tunc in extrema demersam: ferrumque ad iugulum eius prope adactum a militaribus, fato reflectente, depulsum, quem lacrimosis in Thracia discrimini-bus destinarat. Namque et in nemoroso quodam ¹⁶ inter Antiochiam et Seleuciam loco leni quiete post meridiem consopitus, a Sallustio tunc scutario, et saepe alias ⁴⁾ adpetitus insidiantibus multis, vitae terminis a primigenio ortu adscriptis ausa immania frenantibus evadebat. Ut sub Principibus Commo- ¹⁷ do et Severo ⁵⁾ nonnumquam accidebat, quorum summa vi salus crebro oppugnabatur: adeo ut post

4) Ms. appetenter. 5) Ms. nonnumquam acceptum accidebat tam octavianum ex Procons. quorum.

intestina pericula multa et varia, alter in amphitheatrali cavea, cum adfuturus spectaculis introiret, a
6) Quintiano senatore illicitae cupidinis homine ad debilitatem paene pugione vulneraretur: alter inopinabili impetu, tempore aetatis extremo, a Saturnino centurione confilio Plautiani praefecti in cubiculo iacens confoderetur, ni tulisset suppetias filius
18 adulescens. Quocirca etiam Valens erat venia dignus, vitam, quam ereptum ire perfidi properabant, omni cautela defendens. Sed inexpiabile illud erat, quod regaliter turgidus, pari eodemque iure, nihil inter se distantibus meritis, nocentes innocentesque maligna infectione volucriter perurgebat: ut, dum adhuc dubitaretur de crimine, Imperatore non dubitante de poena, damnatos se quidam
19 prius discerent quam suspectos. Adulescebat autem obstinatum eius propositum, admovente stimulos avaritia, et sua et eorum, qui tunc in regia versabantur: novos hiatus aperientium, et, si qua humanitatis fuisset mentio rara, hanc adpellantium tarditatem: qui cruentis adulationibus institutum hominis, mortem in acie linguae portantis, ad partem pessimam depravantes, omnia turbine intempestivo perflabant, eversum ire funditus domus opulentissimas festinantes.
20 Erat enim expositus accessu insidiantium et reclusus, vitio gemino perniciose implicitus: quod intoleranter irascebatur tunc magis, cum eum puderet irasci: et quae facilitate privati opertis susurris audierat, an vera essent, excutere tumore Principis superfidens, pro veris accipiebat et certis.
21 Inde factum est, ut clementiae specie penatibus multi protruderentur infontes, praiceps in exilium acti: quorum in aerario bona coacta et ipse ad quaestus proprios redigebat, ut damnati cibo precario victitarent, angustiis formidandae

6) Mf. Quintiniano.

paupertatis attriti: cuius metu vel in mare nos ire praecipites, suadet Theognis poeta vetus et prudens. Quae etiamsi recta fuisse concesserit quisquam, erat 22 tamen ipsa nimietas odiosa. Unde animadversum est recte hoc definitum: nullam esse crudeliorem sententiam ea, quae est, cum parcere videtur, asperior.

Igitur cum praefecto praetorio summatibus quae- 23 sitis in unum, quibus cognitiones commissae sunt, intenduntur equulei, expediuntur pondera plumbea, cum fidiculis et verberibus: resultabant omnia truculentae vocis horroribus, inter catenarum sonitus, tene, claude, 7) comprime, abde, ministris officiorum tristium clamitantibus. Et quoniam ad- 24 dici post cruciabiles poenas vidimus multos, ut in tenebrosis rebus confusione cuncta miscente: summatim quia nos penitissima gestorum memoria fugit, quae recolere possumus expeditius absolvemus.

Primo introvocatū post interrogatiunculas leves 25 Pergamius, a Palladio, ut dictum est, proditus, quaedam imprecationibus praescisse nefariis: sicut erat impendio eloquentior, et in verba periculosa proiectus, inter ambigentes iudices, quid prius quaeri debeat, quidve posterius, dicere audacter exorsus, multa hominum millia quasi consciorum 8) sine fine strependo fundebat, modo non ab extremo Atlante magnorum criminum arguendos poscens aliquos exhiberi. Quo, ut consarcinante nimis ardua, morte multato, aliisque gregatim post illum occilis, ad ipsius Theodori causam, quasi ad Olympici certaminis pulverem, pervenitur. Eodem die 26 inter complura alia hoc quoque evenerat triste, quod Salia, thesaurorum paullo ante per Thracias Comes, cum de vinculis educitur audiendus, et calceo inferit pedem, quasi ruina incidentis immensi

7) *al. comple.* 8) *Mf. sine strepitu.*

terroris repente percussus, animam inter retinendum manus efflavit.

27 Constituto itaque iudicio, et cognitoribus praescripta ostendantibus legum, sed ex voluntate dominantis moderantibus momenta causarum, horror pervaserat universos. Totus enim devius ab aequitate dilapsus, iamque eruditior ad laedendum, in modum arenariae ferae, si admotus quisquam fabricae diffugisset, ad ultimam rabiem saeviebat.

28 Inducti itaque Patricius et Hilarius, ordinemque replicare iussi gestorum, cum inter exordia variarent, fodicatis lateribus, illato tripode quo utebantur, adacti ad summas angustias, aperiunt negotii fidem ab ipsis exordiis replicatam. Et prior Hilarius:

29 *Construximus, inquit, magnifici iudices, ad cortinae similitudinem Delphicae diris auspiciis de laureis virgulis infaustam hanc mensulam quam videtis: et imprecationibus carminum secretorum, choragiisque multis ac diuturnis ritualiter consecratam movimus tandem: movendi autem, quoties super rebus arcanis consulebatur, erat institutio ta-*

30 *lis. Collocabatur in medio domus emaculatae odoribus Arabicis undique, lance rotunda pure superposita, ex diversis metallicis materiis fabrefacta: cuius in ambitu rotunditatis extremo elementorum viginti quatuor scriptiles formae incisae perite, di-*

31 *iungebantur spatiis examine dimensis. Hac linteis quidam indumentis amictus, calceatusque itidem linteis soccis, torulo capiti circumflexo, verbenas felicitis arboris gestans, litato conceptis carminibus numine praescitionum auctore, caerimoniali scientia supersistit: *) cortinulis pensilem anulum librans, sartum ex Carpathio filo perquam levi, mysticis disciplinis initiatum: qui per intervalla distincta*

*) Ms. cortinulas pensilem.

retinentibus singulis litteris incidens saltuatim, heroos efficit versus interrogationibus consonos, ad numeros et modos plene conclusos: quales leguntur Pythici, vel ex oraculis editi Branchidarum. Ibi ³² tum quaerentibus nobis, qui praesenti succedet imperio, quoniam omni parte expolitus fore memorabatur, et adfiliens anulus duas perstrinxerat syllabas ΘEO cum adiectione litterae postrema, exclamavit praesentium quidam, Theodorum praescribente fatali necessitate portendi. Nec ultra super negotio est exploratum: satis enim apud nos constabat, hunc esse, qui poscebatur.

Cumque totius rei notitiam ita signate sub oculis ³³ iudicium subiecisset, adiecit benivole, id Theodorum penitus ignorare. Post haec interrogati, an ex fide sortium, quas agitabant, ea praescierint, quae sustinerent: versus illos notissimos edidere, clare pronuntiantes capitalem eis hanc operam scrutandi sublimiora cito futuram: nihilominus tamen iplis quoque cum cognitoribus Principi caedes incendiaque flagitantes furias imminere: quorum tres ponere sufficiet ultimos: ¹⁰⁾

Οὐ μὰν νηποινίγε σὸν ἔσσεται αἶμα, καὶ αὐτοῖς

Τισιφόνη βαρύμηνις ἐφοτάσσει κακὸν οἶτον,

Ἐν πεδίοισι Μίμαντος αἶλα καιομένοισι κάρ.

Quibus lectis, unguibus male mulcati separantur exanimes. Postea, ut cogitati sceleris officina ³⁴ pateret aperte, honoratorum inducitur globus, vertex ipso continens rerum. Cumque nihil praeter se quisque cernens, ruinam suam impelleret super alium, permissu quaesitorum coeptans dicere Theodorus, primo in precem venialem prostratus, dein artius respondere compulsus, ostendit, se cognita

¹⁰⁾ ΟΤΜΑΝΑΙ ΗΠΟΙΝΙ ΓΕΓΟΝΕCCEΤΑΙΜΜΚΑΓ ΑΥΤΟΙC ΠΕΙΦΩΝΗΒΑΡΤΜΗΝΙC ΕΦΟΠΑΗCΕΙΚΑΚΟΝΕΙΤΟΝΕΝ ΠΕΔΙΟΙ- CΙΜΜΑΝΤΟCΑΙ ΛΕΟΜΕΝΟ ΚΑΡ.

per Eucarium, ne ad Imperatorem referret, ut conatus est aliquoties, ab eo prohibitum, adserente non adpetitu regni occupandi illicito, sed ratione quadam indeclinabilis fati, id quod sperabatur, 35 ultro venturum. Deinde haec eadem Eucario sub cruenta quaestione confesso; confutabant Theodorum litterae suae, per ambages obliquas ad Hilarium scriptae: quibus spe iam firma concepta ex vatibus, de re non cunctabatur, sed tempus patrandae cupidinis quaeritabat.

36 Quibus post haec cognita sequestratis, Eutropius Asiam proconsulari tunc obtinens potestate, ut factionis conscius arcessitus in crimen, abscessit innocuus, Pasiphilo eximente philosopho, qui, ut eum mendacio iniusto perverteret, crudeliter tortus, de statu robustae mentis non potuit deturbari.

37 His accessit philosophus Simonides, adulescens ille quidem, verum nostra memoria severissimus. Qui cum audisse negotium per Fidulium deferretur, et causam non ex veritate, sed ex unius nutu pensari vidisset, didicisse se dixit praedicta, et commissa pro firmitate animi tacuisse.

38 Quaeis omnibus perspicaciter inquisitis, Imperator cognitorum consultationi respondens, sub uno proloquio cunctos iubet occidi: et vix sine animorum horrore funestum spectaculum multitudine innumera ¹¹⁾ contuente, et onerante questibus caelum (namque singulorum mala omnium esse communia credebantur) ducti universi flebiliter iugulantur praeter Simonidem: quem solum saevus ille sententiae lator, efferatus ob constantiam gravem, iusserat

39 flammis exuri. Qui vitam ut dominam fugitans rabidam, ridens subitas momentorum ruinas, immobilis conflagravit: Peregrinum illum imitatus Protea cognomine, philosophum clarum: qui, cum

11) Mf. continente.

mundo digredi statuisset, Olympiae quinquennali certamine sub Graeciae conspectu totius, adscenso rogo, quem ipse construxit, flammis absumptus est.

Et post hunc diebus sequutis omnium fere ordi- 40 num multitudo, quam nominatim recensere est arduum, in plagas calumniarum coniecta, percussorum dexteris fatigavit, tormentis et plumbo et verberibus ante debilitata: sumptumque est de quibusdam sine spiramento vel mora supplicium, dum quaeritur, an sumi deberet: et ut pecudum ubique trucidatio cernebatur. Deinde congesti innumeri 41 codices, et acervi voluminum multi sub conspectu iudicum concremati sunt, ex domibus eruti variis ut illiciti, ad leniendam caesorum invidiam, cum essent plerique liberalium disciplinarum indices variarum et iuris.

Neque ita multo post Maximus ille philosophus, 42 vir ingenti nomine doctrinarum, cuius ex uberrimis sermonibus ad scientiam copiosus Iulianus exstitit Imperator, oraculi supra dicti versus audisse infirmulatus, seque comperisse adensus, sed reticenda professionis consideratione non effudisse, verum ultro praedixisse, consultores ipsos suppliciis poenalis perituros: Ephesum ad genuinam patriam ductus ¹²⁾ ibique capite truncatus, sensit docente periculo postremo, quaesitoris iniquitatem omnibus esse criminibus graviolem. Constrictus etiam 43 Diogenes laqueis impiae falsitatis, vir nobili pro sapia editus, ingenio, facundia forenli, suavitateque praestans, dudum Bithyniae rector, ut opimum patrimonium eius diriperetur, capitali est poena adfectus. Ecce autem Alypius quoque ex Vicario 44 Britanniarum, placiditatis homo iucundae post otiosam et repositam vitam (quoniam huc usque iniustitia tetenderat manus) in squalore maximo volu-

12) Mf. ~~et~~ capite deest.

tatus, ut veneficii reus citatus est cum Hierocle filio, adulescente indolis bonae, urgente Diogene quodam et vili et solo, omnique laniena excruciato, ut verba placentia Principi, vel potius arcessitori loqueretur: quo, cum poenis non sufficerent membra, vivo exulto, ipse quoque Alypius post multationem bonorum exfulare praeceptus, filium miserabiliter ductum ad mortem, casu quodam prospero revocatum ¹³⁾ excepit.

- 1** II. Per id omne tempus Palladius ille, coagulum omnium aerumnarum, quem captum a ¹⁾ Fortunatiano docuimus primum, ipse fortis ²⁾ infimitate ad omnia praeceps, clades alias super alias cumulando, lacrimis universa perfuderat luctuosis.
- 2** Nactus enim copiam nominandi, sine fortunarum distantia, quos voluisset, ut artibus interdictis imbutos: ita ut ferarum occulta vestigia doctus observare venator, multos intra casses lugubres includebat, quosdam veneficiorum notitia pollutos, alios ut adpetitoribus imminuendae conscios maiestatis.
- 3** Et, ne vel coniugibus maritorum vacaret miserias flere, immittebantur confestim, qui signatis domibus inter scrutinia supellectilis poenis addicti, incantamenta quaedam anilia, vel ³⁾ ludibriosa subderent amatoria, ad infontium perniciem concinnata: quibus in iudicio recitatis, ubi non lex, non religio, non aequitas veritatem a mendaciis dirimebat, indefensi bonis ablatis, nullo contacti delicto, promiscue iuvenes, alique membris omnibus capti,
- 4** ad supplicia ⁴⁾ sellis gestatoriis ducebantur. Inde factum est per Orientales provincias, ut omnes metu similibus exurerent libraria omnia: tantus universos invaserat terror. Namque, ut ⁵⁾ pressius loquar, omnes ea tempestate velut in Cimmeriis tenebris

¹³⁾ Ms. excepit. ¹⁾ Ms. Fortunatione. ²⁾ Ms. infimitate. ³⁾ Ms. velut ebriosa. ⁴⁾ *al.* supplicium. ⁵⁾ Ms. pressius.

reptabamus, paria convivis Siculi Dionysii pavitantes: qui, cum epulis omni tristioribus fame saginarentur, ex summis domorum laqueariis, in quibus discumbebant, setis nexos equinis et occipitiis incumbentes gladios perhorrebant.

Tunc et Bassianus procerum genere natus, notarius militans inter primos, quasi praenoscere altiora conatus, licet ipse de qualitate partus uxoris consuluisse firmaret, ambitioso necessitudinum studio, quibus tegebatur, morte ereptus, patrimonio opimo exutus est.

Inter fragores tot ruinarum Heliodorus, tartareus ille malorum omnium cum Palladio fabricator, mathematicus, ut memorat vulgus, colloquiis ex aula regia praepigneratus abstrusis, iam funebres aculeos exsertabat, omni humanitatis invitamento ad prodenda, quae sciret vel fingeret, lacessitus. Nam et sollicitius cibo mundissimo fovebatur, et ad largiendum pellicibus merebat aes collaticium grave, et incedebat passim ⁶⁾ ac late os circumferens vultuosum, omnibusque formidatus: ea fiducia sublatior, quod ad lupanar, quo, sicut ipse voluit, liberius servabatur, cubiculariis officiis praepositus, assidue propalam ventitabat, elogia parentis publici praeferebat futura pluribus luctuosa. Perque eum ⁸ ut forensium causarum patronum, quid in primis orationis partibus collocaret, ut proficere possit facilius ⁷⁾ Valens, quibusve figurarum commentis splendida loca attentare debeat, praemonebatur.

Et quoniam longum est quae cruciarius ille conflagavit, hoc unum edisseram, quam praecipiti confidentia patriciatus columnina ipsa pulsavit. Qui ex clandestinis, ut dictum est, regionum confabulationibus immaniter arrogans, et ipsa vilitate ad facinus omne venalis, egregium illud par consulum Euse-

6) Mf. ac late. 7) Mf. ac valere.

bium et Hypatium germanos fratres, Constantii principis quondam adfines, ad cupidinem altioris fortunae erectos, et consuluisse et agitalle quaedam super imperio detulit: addens itineri ad mendacium ficte constructo, quod Eusebio etiam principalia
10 indumenta parata sint. Quibus haustis averter, fremebundus et minax, cui nihil dicere debuerat, quia omnia sibi licere, etiam iniusta existimabat, irremisse ab ⁸⁾ extremis regionum intervallis exhibitis omnibus, quos solutus legibus accusator perducere profunda securitate mandarat, suscipi quaestio-
11 tionem criminose praecepit. Cumque nodosis coartationibus aequitate diu iactata, et ⁹⁾ nexibili adseveratione perditum nebulonis durante, nullam confessionem exprimere tormenta gravia potuissent, ablegatosque ab omni huiusmodi conscientia res ipsa viros ostenderet claros: calumniator quidem ita ut antea honorabiliter colebatur: illi vero, exilio et pecuniariis adflicti dispendiis, paullo postea, reddita sibi multa, sunt revocati, dignitatibus integris et splendore.

12 Nec tamen post haec tam poenitenda repressius actum est vel pudenter: non reputante alta nimium potestate, quod recte institutis ne cum inimicorum quidem incommodis in delicta convenit ruere voluntaria: nihilque sit tam deformis, quam ad ardua imperii supercilia etiam acerbitem naturae ad-
13 iungi. Sed Heliodoro incertum morbo an ¹⁰⁾ quaedam excogitata vi mortuo (nolim dicere, utinam nec ipsa res loqueretur!) funus eius per vespillones elatum pullati praecedere honorati complures, inter
14 quos et fratres iussi sunt consulares. Ibi tunc rectoris imperii caries tota stoliditatis apertius est profanata: qui cum abstinere inconsolabili malo rogaretur, obnixie inflexibilis mansit: ut videretur aures

8) Mf. externis. 9) al. nixis adf. 10) vulg. aliqua.

occlusisse ceris, quasi scopulos Sirenios transgressurus. Superatus tamen precibus destinatis tandem, nudatis capitibus infaustam bustuarii libitinam adusque sepulcrum incedentes et pedibus, quosdam etiam complicatis articulis, praeire mandavit. Horret nunc reminisci, ¹¹⁾ quo iustitio ¹²⁾ humilitati tot rerum apices visebantur, et praecipue consulares, post scipiones et trabeas et fastorum monimenta mundana. Inter quos omnes ex adulescentia virtutum pulcritudine commendabilis noster Hypatius praeminebat, vir quieti placidique consilii, honestatem lenium morum velut ad perpendiculum librans: qui et maiorum claritudini gloriae fuit, et ipse posteritatem mirandis actibus praefecturae geminae decoravit.

Accesserat hoc quoque eodem tempore ad Valentis caeteras laudes: quod, cum in aliis ita saeviret infeste, ut poenarum atrocitatem aegre ¹³⁾ ferret finiri cum morte; Pollentianum tribunum malitia quemdam exsuperantem, iisdem diebus convictum confessumque, quod exsecto vivae mulieris ventre, atque intempestivo partu extracto, infernis manibus excitis de permutatione imperii consulere ausus est: familiaritatis contuitu, ordine omni mullante, abire iussit illaesium, salutem et invidendas opes et militiae statum integrum retenturum.

O praeclara informatio doctrinarum, munere caelesti indulta felicibus, quae vel vitiosas naturas saepe excoluisti! quanta in illa caligine temporum correxisses, si Valenti scire per te licuisset, nihil aliud esse imperium, ut sapientes definiunt, nisi curam salutis alienae: bonique esse moderatoris, restringere potestatem, resistere cupiditati omnium rerum, et implacabilibus iracundiis: nosseque, ut

11) *Steph.* qua iustitia. 12) *al.* humiliati. 13) *Ms.* maturis
 ferret.

Caesar dictator aiebat, *miserum esse instrumentum senectuti recordationem crudelitatis*: ideoque de vita et spiritu hominis, qui pars mundi est, et animalium numerum complet, laturum sententiam diu multumque cunctari oportere, nec praecipiti studio, ubi irrevocabile factum est, agitari: ut exemplum est illud antiquitati admodum notum.

19 Apud proconsulem Asiae Dolabellam [Smyrnaea materfamilias filium] proprium et maritum venenis necasse confessa, quod filium [ex priore viro ab eis occisum comperisset] et comperendinata, cum consilium, 14) ad quod res ex more delata est, anceps, quid inter ultionem et scelus statui debeat, haesitaret, ad Areopagitas missa est, Athenienses iudices tristiores: quorum aequitas deorum quoque iurgia dicitur distinxisse. Hi, causa cognita, centesimo post anno cum accusatore mulierem adesse iusserunt: ne aut absolverent veneficam, aut ultrix necessitudinum puniretur. Ita numquam tardum existimatur, quod est omnium ultimum.

20 Post commissa iniquitatibus variis antedicta, et impressas foede corporibus liberis, quae supervixerant, notas, inconnivens Iustitiae oculus, arbiter et vindex perpetuus rerum, vigilavit attente. Namque caesorum 15) ultimae dirae, perpetuum numen ratione querelarum iustissima 16) commoventes, Bellonae accenderant faces: ut fides oraculi firmaretur, quod nihil impune praedixerat perpetrari.

21 Dum haec, quae supra digesta sunt, Antiochiae Parthico fragore cessante per intestinas dilatantur aerumnas: coetus furiarum horrificus post involutos multiplices casus ab eadem urbe digressus, 22 cervicibus Asiae totius insedit hoc modo. 17) Festus
flus

14) Mf. quod rex ex more. 15) Mf. ultimae. 16) Mf. commoventes. 17) Mf. Festus.

flus quidam Tridentinus ultimi sanguinis et ignoti, in nexum germanitatis a Maximino dilectus ut sodalis et contogatus, decernentibus fatis ad Orientem transgressus est: ibique administrata Syria, magisterioque memoriae peracto, bona lenitudinis et reverentia reliquit exempla: unde regere Asiam proconsulari potestate exorsus, velificatione tranquilla (ut aiunt) ferebatur ad gloriam. Audiens autem Maximinum optimo cuique exitialem, obtrectabat subinde actibus eius ut perniciosus et foedis. Sed cum impie peremptorum exsequiis suffragantibus ad praefecturam venisse hominem comperisset immeritum, exarsit ad ¹⁸⁾ agenda sperandaque similia; et histrionis ritu mutata repente persona, studio nocendi concepto, incedebat oculis intentis ac rigidis, praefecturam autumans adfore propediem, si ipse quoque se contaminasset infantium poenis. Et ²⁴ quamquam sint multa et varia, quae, ut levius interpretemur, egit asperissime: pauca tamen dici sufficiet, quae sunt nota ac pervulgata, ad aemulationem eorum commissa quae facta sunt Romae. Ratio enim eadem est ¹⁹⁾ ubique recte secusve gestorum, etiam si magnitudo desit dissimilis rerum. Philosophum quemdam Coeranum, haud exilis ²⁵ meriti virum, ea causa tormentorum immanitate inultum occidit, quod ad coniugem suam familiariter scribens, id sermone addiderat Graeco: ²⁰⁾ οὐ δὲ νόει, καὶ στέφε τὴν τύλην: quod dici proverbialiter solet, ut audiens altius aliquid agendum agnoscat. Anum quamdam simplicem, intervallatis febribus ²⁶ mederi leni carmine consuetam, occidit ut noxiam, postquam filiam suam ipso conscio curavit accita. In chartis cuiusdam municipis clari scrutari ex negotio iussis, genitura Valentis cuiusdam inventa est: ²⁷

¹⁸⁾ Ms. agenda sperandoque. ¹⁹⁾ al. ibi recte.
²⁰⁾ Ms. COIΛΘΝΟΘΙΚΑΙΟΤΕ, ΦΕΤΗΝΤΤΑΗΝ.

repellensque calumnias is, cuius intererat, cum obiectaretur ei, quamobrem constellationem Principis collegisset, fratrem suum fuisse Valentem, dudumque obisse documentorum plena fide monstrare pollicitus, inexpectato veritatis indicio laniatus, lacer trucidatus est. Visus adulescens in balneis admoveere marmoris manus utriusque digitos alternatim et pectori, septemque vocales litteras numerasse, ad stomachi remedium prodesse id arbitratus: in iudicium tractus, ²¹⁾ percussus est gladio post tormenta.

¹ III. His et mihi, vertenti stilum in Gallias, confunditur ordo seriesque gestorum, inter multa et saeva Maximinum reperiens iam praefectum: qui potestate late diffusa ¹⁾ scaevum Imperatori accellerat incentivum, maiestati fortunae miscenti licentiam gravem. Quisquis igitur dicta considerat, perpendat etiam caetera quae tacentur: veniam daturus ut prudens, si non cuncta complectimur, quae consiliorum pravitas crimina in maius exaggerando commisit. Adulescente enim acerbitate, rationum inimica rectorum, trux suapte ingenio Valentinianus, post eiusdem ²⁾ Maximini adventum, nec meliora monente ullo nec retentante, per asperos actus velut aestu quodam fluctuum ferebatur et procellarum: adeo ut irascentis saepe vox et vultus et incessus mutaretur et color. Quam rem indicia varia testantur et certa, e quibus pauca sufficiet poni.

³ Adultus quidam ex his, quos paedagogianos appellant, ad observandam venaticiam praedam Spartanum canem retinere dispositus, ante praedictum tempus absolvit, adsultu eius evadere conantis appetitus et morsu: ideoque necatus ad exitium fustibus, eadem humatus est die. Praepositum fabricae

21) Ms. percussus. 1) *al.* saevum. 2) Ms. Maximiani.

oblato thorace polito faberrime, praemiumque ideo
 expectantem, ea re praecepit ³⁾ occidi, quod pon-
 dus paullo minus habuit species ferrea, quam ille
⁴⁾ formarat. Epiroten aliquem ritus Christiani
 presbyterum tam Octavianum ex procon-
 sule offensarum auctore licet tar-
 dius ad sua redire permissio. Constantianus strator **5**
 paucos militares equos ex his ausus mutare, ad
 quos probandos missus est in Sardiniam, eodem
 iubente lapidum ictibus oppetit crebris. Athana-
 sius favorabilis tunc auriga, suspectus ei vulgari le-
 vitate, ut vivus incendi iuberetur, si quid tentasset
 huiusmodi: [quem] non multo postea veneficiis
 usum ferebatur, nulla delata voluptatum artifici
 venia, ignibus aboleri praeceptus est. Africanus **6**
 causarum in urbe defensor assiduus, post admini-
 stratam provinciam ad regendam aliam adspiravit:
 cuius suffragatori magistro equitum Theodosio id
 petenti, subagressi verbo responderat: *Abi, inquit,*
Comes: et munda ei caput, qui sibi mutari provinciam
cupit: et hoc elogio periit homo disertus, ad potio-
 ra festinans, ut multi. Claudium et Sallustium ex **7**
 Iovianorum numero, adusque tribunatus dignitates
 progressos, accusabat quidam vilitate ipsa despe-
 ctus, quod, cum imperium Procopius adfectasset,
 aliqua pro eo loquuti sunt bona. Cumque nihil
 quaestiones reperirent assidue; mandare magistris
 equitum auditoribus Princeps, ut agerent Claudium
 in exilium, et Sallustium pronuntiarent capitis
 reum, pollicitus, quod eum revocabit ad suppli-
 cium raptum: hocque ita, ut statutum est, ⁵⁾ ob-
 servato, nec Sallustius morte exemptus est, nec
 Claudius, nisi post eiusdem Valentiniani ⁶⁾ obitum

K k 2

³⁾ Ms. occidi ad p^a i, quod. ⁴⁾ Hic locus in Ms. transpositus est. ⁵⁾ Ms. obervatione. ⁶⁾ Ms. vitium.

deportationis maestitia ⁷⁾ liberatus. ⁸⁾ * * * longe
 8 culaverit, cum illi saepissime torquerentur. Repli-
 catis igitur quaestionibus dense, et quibusdam vi
 nimia tormentorum absumptis, ne vestigia quidem
 ulla delatorum reperta sunt criminum. In hoc ne-
 gotio protectores ad exhibendas missi personas,
 fustibus praeter solitum ⁹⁾ caesi.

9 Horrescit animus omnia recensere, simulque re-
 formidat, ne ex professo quaesisse videamur in vitia
 Principis, alia commodissimi. Illud tamen nec
 praeteriri est aequum nec fileri: quod cum duas ha-
 beret urfas saevas hominum ambestrices; Micam
 auream et Innocentiam: cultu ita curabat enixo,
 ut earum caveas prope cubiculum suum locaret,
 custodesque adderet fidos, visuros sollicite, ¹⁰⁾ ne
 quo casu ferarum deleretur luctificus calor. Inno-
 centiam denique, post multas, quas eius laniatu
 cadaverum viderat sepulturas, ut benemeritam in
 silvas abire dimisit ¹¹⁾ innoxiam. Exop simile
 sedit * *

1 IV. Et haec quidem morum eius et propositi
 cruenti sunt documenta verissima: sollertiae vero
 circa rem publicam [n]usquam ¹⁾ digredientis, ne-
 que eum vel obtrectator pervicax incusabit: illud
 contemplans, quod maius pretium operae forsitan
 regendis verius milite barbaris quam pellendis. Et
 cum dedisset * * e speculis, si quis hostium se com-
 movisset, desuper visus ²⁾ obruebatur.

2 Agitabatur autem inter multiplices curas id om-
 nium primum et potissimum, ut Macrianum regem
 auctum inter mutationes crebras ³⁾ sententiarum,

7) Mf. liberatus. 8) (hic lacuna quatuor linearum.) * longe cu-
 laverit, cum illi. 9) Mf. caesi. 10) *al.* ne quo ea superarum
 debetur luctific. 11) Mf. innoxiam. Exop simile sedit
 1) digredientis, nec quo eum velom reciator pervicax in-
 cusabit. illud contemplatio, quod maius pretium operae fortitan
 regendus verius milite barbaris quo pellendis. Et cum dedisset
 * (hic lacuna quinque linearum) speculis si quis host. 2) Mf.
 obruebatur agitabatur. 3) Mf. sententiarum . .

iamque in nostros adultis viribus exsurgentem, vi
superstitem raperet vel infidiis, ut multo ante Vado-
marium Iulianus: et provisus, quae negotium posce-
bat et tempus, cognitoque transfugarum indiciis,
ubi comprehendi nihil opperiens poterit antedictus,
tacite, quantum concessit facultas, ne qui conse-
rendo officeret ponti, iunxit navibus Rhenum. Et 3
antegressus contra Mattiacas aquas primus Severus,
qui pedestrem curabat exercitum, perpensa militum
paucitate territus stetit, timens, ne resistere ne-
quiens, irruentium opprimeretur hostilium agmi-
num mole. Et quia suspicabatur venalia ducentes 4
mancipia scurras, casu illic repertos, id, quod vi-
derant, excursu celeri nuntiare, cunctos mercibus
direptis occidit. Adventu itaque plurium copia- 5
rum animati iudices, castrisque ad tempus brevissi-
mum fixis, quia nec sarcinale iumentum quisquam
nec tabernaculum habuit praeter Principem, cui
4) tapetes suffecerant pro tentorio: parumper ob te-
nebras morati nocturnas, exsiliente procinctu per-
gebant ulterius, itinerum 5) gnaris ducentibus, equi-
tatu cum Theodosio rectore praeire disposito equi-
tat erat * * tempore iaceat, extento strepi-
tu suorum est impeditus: quibus adfidue mandans,
ut incendiis et rapinis abstinerent, impetrare non
potuit. Ignium enim crepitu dissonisque clamori-
bus satellites exciti, idque, quod acciderat, 6) su-
specti, carpento veloci impositum regem angusto
aditu circumfractis collibus abdiderunt. Hac Va- 6
lentinianus gloria defraudatus, nec sua culpa, nec
ducum, sed intemperantia militis, quae dispendiis
gravibus saepe rem Romanam adflixit, adusque
7) quinquagesimum lapidem terris hostilibus in-

4) Mf. tapetes suffec. 5) Mf. gnari discentibus fre
. equitatu cum Theodosio rectore prae disposito
equirat erat. * (hic lacuna trium linearum) * tempore iaceat.
6) Mf. suspecti. 7) Mf. quingentesimum.

7 flammatis, rediit Treveros maestus. Ubi tamquam leo ob cervum amissum vel capream morsus vacuos concrepans, dum hostium disiecta frangeret timor, in Macriani locum Bucinobantibus, quae contra Mogontiacum gens est ⁸⁾ Alamanna, regem Fraomarium ordinavit: quem paullo postea, quoniam recens excursus eundem penitus vastaverat pagum, in ⁹⁾ Britannos translatum potestate tribuni, Alamannorum praefecerat numero, multitudine viribusque ea tempestate florenti: Bitheridum vero et Hortarium nationis eiusdem primates item regere milites iussit: e quibus Hortarius, proditus relatione Florentii ¹⁰⁾ Germaniae ducis, contra rem publicam quaedam ad Macrianum scripsisse barbarosque optimates, veritate tormentis expressa, conflagravit flamma poenali.

1 V. Abhinc inter ¹⁾ * * * * * proximo, haec narratione differi continua placuit, ne, dum negotiis longe discretis et locis alia subseruntur, cognitio multiplex necessario confundatur.

2 Nubel velut regulus per nationes Mauricas potentissimus vita digrediens, et legitimos et natos e concubinis reliquit filios: e quibus Zamma Comiti nomine Romano acceptus, latenter a fratre Firmo peremptus, discordias excitavit et bella. Eius enim necem ulcisci impensiore studio properans Comes, ad infidiatoris perniciem multa ciebat et formidanda. Utque rumores distulerunt adfidui, navabatur opera diligens in palatio, Romani quidem relationes, multa et aspera congerentes in Firmum, libenter suscipi recitarique Principi, in earum favorem concipientibus multis: ea vero, quae contra Firmus salutis tuendae gratia docebat crebro per suos, accepta diutius occultari; Remigio tunc officiorum

8) Ms. Alemannia. 9) Ms. Britannos latum. 10) Ms. Germaniaca. 1) Hic in Ms. lacuna trium linearum.

magistro, ad fine amicoque Romani, inter potiores Imperatoris necessitates haec velut minima et superflua non nisi opportune legi posse adseverante.

Quae cum ad obruendam defensionem suam agitari ²⁾ animadverteret Maurus, ultimorum metu iam trepidans, ne amandatis, quae praetendebat, ut perniciosus et ³⁾ contumeliosus condemnatus occideretur, ab imperii ditione descivit, et adiumentum ⁴⁾ ad vastandum.

[Quare ne] hostis implacabilis incrementis virum ⁵⁾ adolesceret, ad abolendum cum comitatensis auxilio militis pauci Theodosius magister equitum mittitur, cuius virtutes ut impetrabilis ea tempestate prae caeteris nitebant: Domitii Corbulonis et ⁶⁾ Lulii veterum simillimi: quorum prior sub Nerone, alter Traiano rem regente Romanam, pluribus inclaruere fortibus factis. Proinde ab Arelate secundis egressus auspiciis, emeatoque mari cum classe, quam ductabat, nullo de se rumore praegresso, desertur ad Sitifensis Mauritaniae litus, quod adpellant accolae Igilgitanum. Ibique inventum casu Romanum leniter adloquutus, misit ad vigilias ordinandas et praetenturas, parum super his, quae verébatur, increpitem. Quo ad Caesariensem digresso, Gildonem Firmi fratrem et Maximum misit correpturos Vincentium: qui curans Romani vicem, incivilitatis eius erat particeps et furtorum. Recepto itaque tardius milite, quem amplitudo morabatur maris, Sitifim properans, Romanum cum domesticis custodiendum protectoribus committi mandavit: agensque in oppido sollicitudine diducebatur accipiti, multa cum animo versans, qua via quibusve commentis per exustas calidibus terras pruinis adfuetum duceret militem: vel

2) *al.* adverteret. 3) *Mf.* contumeliosus. 4) *Mf.* vastandum
 hostis. 5) *Mf.* adolescerent. 6) *Steph.* Dufii.

hostem caperet discursatorem et repentinum, infidiisque potius clandestinis, quam proeliorum stabilitate confisum.

8 Quod ubi Firmo levi rumore, dein apertis est indiciiis cognitum, spectatissimi ducis adventu praefrictus, veniam confessionis praeteritorum missis oratoribus poscebat et scriptis, docentibus eum non sponte sua ad id erupisse, quod norat scelestum, sed iniquitate grassante licentius, ut monstrare pol-
9 licebatur. Quibus lectis paceque obsidibus acceptis promissa, dux ad recensendas legiones, quae Africanam tuebantur, ire pergebat ad Pancharianam stationem, quo convenire praeceptae sunt. Ibi magnificis verbis atque prudentibus spe cunctorum erecta, reversus Sitifim, concitato indigena milite cum eo, quem ipse perduxerat, aegre perpetiens
10 moras ad procinctus ire ocius festinabat. Inter residua autem multa et clara, id amorem eius auxerat in immensum, quod a provincialibus commeatum exercitui prohibuit dari, menses et condita hostium virtutis nostrorum horrea esse, fiducia memorans speciosa.

11 His ita cum laetitia possessorum dispositis,
7) Tubusuptum progressus, oppidum Ferrato contiguum monti, legationem secundam Firmi repudiavit, quae obfides, ut ante statutum est, non duxerat secum. Unde omnibus pro loco et tempore cautius exploratis concito gradu Tyndensium gentem et Massissensium petit, levibus armis instructas, quas Mascizel et Dius fratres Firmi 8) ducta-
12 bant. Cum essent hostes iam in contuitu membris omnibus celeres, post missilia hinc inde crebrius iacta, committitur certamen asperrimum: interque gemitus mortis et vulnerum audiebantur barbarorum ululabiles fletus captorum et caesorum: pugna-

7) Ms. Tubosoptum. 8) Ms. optabant.

que dirempta plures agri populati sunt et incensi. Inter quos clades eminuerunt fundi Petrensis, excisi 13 radicitus: quem Salmaces dominus, Firmi frater, in modum urbis exstruxit. Hoc successu victor elatus, mira velocitate 9) Lamfoctense oppidum occupavit, inter gentes positum antedictas, ubi abunde rei cibariae copiam 10) condi effecit: ut, si pergens interius alimentorum offendisset paenuriam, iuberet e propinquo convectari. Quae dum ita procedunt, 14 Mascizel reparatis viribus nationum confinium adminicula ductans, conferta manu cum nostris, fuis e parte suorum pluribus, ipse equi pernecitate aegre discrimine mortis exemptus est.

Fessus aerumnis gemini proelii Firmus, imoque 15 aestuans corde, nequid ultimae rationis omitteret, Christiani ritus antistites oraturos pacem cum obsidibus misit. Qui quoniam suscepti lenius, pollicitique victui congrua militibus, ut praeceptum est, laeta retulere responsa: praemissis muneribus Maurus ipse fidentius ad Romanum perrexerat ducem, equo infidens apto ad ancipites casus: cumque prope venisset, fulgore signorum et terribili vultu Theodosii praestriatus, iumento defiluit: curvataque cervice humi paene adfixus, temeritatem suam flebiliter inculabat, pacem obsecrando cum venia. Susceptusque cum osculo, quoniam id rei publicae 16 conducebat, bonae spei iam plenus, sufficientia praebuit alimenta: et quibusdam propinquis suis ad obsidum vicem relictis abscessit, captivos, ut sponderat, redditurus, quos primis barbarum exordiis rapuit: biduoque post Icosium oppidum, cuius supra docuimus conditores, militaria signa et coronam sacerdotalem cum caeteris quae interceperat, nihil cunctatus restituit, ut praeceptum est.

9) Ms. iam Phocense. 10) Ms. candi. al. cundi.

- 17 Exinde, cum discursis itineribus magnis ¹¹⁾ Tiposam noster dux introiret, legatis Mazicum, qui se confociaverant Firmo, suppliciter obsecrantibus veniam, animo elato respondit, se in eos ut perfidos arma protinus commoturum. Quibus ¹²⁾ imminentis periculi metu defixis, revertique iussis ad sua, Caesaream ire tendebat, urbem opulentam quondam et nobilem, cuius itidem originem in Africae situ digessimus plene: eamque ingressus, cum omnem paene incendiis late dispersis vidisset exustam, horridasque canitie filices, primam et secundam legionem ad tempus ibi locari disposuit, ut favillarum egerentes acervos, agitarent ibi praesidium, ne repetito barbarorum impetu vastaretur.
- 18 Quae cum rumores veri ¹³⁾ distulissent, provinciae rectores tribunusque Vincentius e latibulis, ¹⁴⁾ quibus sese commiserant, egressi, tandem intrepidi ad ducem ocius pervenerunt. Quibus ille gratanter visis atque susceptis, agens etiam apud Caesaream, fide rerum diligentius explorata, comperit Firmum per speciem faventis et supplicis tectiore consilio id moliri, ut nihil hostile metuentem exercitum in modum tempestatis subitae conturbaret.
- 19 Quamobrem conversus hinc venit ad municipium Sugabarritanum Transcellensi monti ¹⁵⁾ adcline: ubi inventos equites quartae sagittariorum cohortis, quae ad rebellem defecerat, ut contentum se supplicio leniori monstraret, omnes contrusit ad infimum militiae gradum: eosque et Constantianorum peditum partem Tigavias venire iusserat cum tribunis: e quibus unus torquem pro diademate capiti
- 20 imposuit Firmi. Dumque haec aguntur, revertunt Gildo et Maximus, Bellenen e principibus Mazicum et Fericium gentis praefectum ducentes, qui
- 21

11) Ms. Tiposam. 12) Ms. minanti. 13) Ms. sustulissent et curri provinciae. 14) τὸ sese deest al. 15) al. adclive.

factionem iuverant quietis publicae turbatoris¹⁶⁾***
 producerent vinctos. Quo ita, ut statutum est, 22
 facto, lucis primo exortu ipse egressus, cum inven-
 nisset eos in exercitu circumsaep¹⁷⁾tos: *Quid de istis*
nefariis, inquit, *proditoribus fieri oportere, con-*
tubernales devoti, censetis? Sequutusque acclama-
 tionem rogantium sanguine vindicari, eos, qui in-
 ter Constantianos merebant, prisco more militibus
 dedit occidendos: Sagittariorum vero primoribus
 manus incidit; residuos supplicio capitali multavit:
 ad aemulationem Curionis acerrimi illius ducis, qui
 Dardanorum ferociam in modum Lernaee serpenti-
 tis aliquotiens renascentem hoc genere poenarum
 exstinxit. Sed obtrectatores malivoli vetus factum 23
 laudantes, hoc ut dirum vituperant et asperrimum:
 Dardanos hostes memorantes internecivos, et iuste,
 quae sustinuerunt, perpe¹⁸⁾ssos: hos vero sublignanos
 milites debuisse lenius corrigi, ad unum prolapsos
 errorem. Quos scientes forsitan admonemus, hanc
 cohortem et facto et exemplo adversam. Antedi- 24
 ctos Bellenen et Fericium, quos duxerat Gildo, tri-
 bunumque sagittariorum Curandium ea re iussit oc-
 cidi, quod nec ipse umquam cum hostibus congredi
 voluit, nec suos, ut pugnarent, hortari. Agebat
 autem haec Tullianum illud advertens, quod *salu-*
taris ¹⁹⁾ *vigor vincit inanem speciem* ²⁰⁾ *clementiae.*

Exin profectus, fundum nomine Gallonatis, 25
 muro circumdatum valido, receptaculum Maurorum
 tutissimum arietibus admotis evertit: et caesis omni-
 bus incolis moenibusque complanatis, ad Tingitanum
 castellum progressus, per ²¹⁾ *Ancorarium* montem,
²²⁾ *Mazicas* in unum collectos invasit, iam tela reci-
 procantes volitantia grandinis ritu. Et cum esset 26
 utrimque discursus, agmina viris armisque incitata

16) In Mf. lacuna hic quatuor linearum. 17) *al.* rigor. 18)
 Mf. dementiae. 18*) Mf. Ancorariam. 19) *al.* Mazices.

nostrorum non perferentes Mazices, licet bellicorum genus et durum, diversis stragibus implicati foedo difluxere terrore: ruentesque in fugam caesi sunt, absque iis, qui reperta copia discedendi, supplici prece veniam, quam dari tempus flagitaverat, 27 impetrarunt. Suggen eorum ductorem ²⁰⁾ * * * Romano successerat, in Sitifensem Mauritaniam ire disposito ad agitando praesidia, ne provincia pervaderetur, ipse praeteritis elatior casibus gentem petit Musonem: quam conscientia rapinarum et caedum actibus congregaverat Firmi, ut sperabatur maiora mox adepturi.

28 Progressusque aliquantum iuxta Addense municipium comperit, dissonas cultu et sermonum varietate nationes plurimas unum spirantibus animis, immanium exordia concitare bellorum, adigente hortanteque maxima spe praemiorum sorore Firmi nomine Cyria: quae abundans divitiis et destinatione feminea, nifibus magnis instituit iuvare ger-
29 manum. Quocirca Theodosius veritus, ne Marti sese committeret impari, congressusque multitudini immensae cum paucis (tria enim armatorum millia ductabat atque quingentos) amitteret universos, inter pudorem cedendi pugnandique ardorem gradiens retro paullatim, trudente pondere plebis abscessit.

30 Hocque eventu barbari nimium ²¹⁾ quantum [elati] sequentesque pertinaciter * * * certare necessitate compulsus, semetipsum et ad internecionem perdiderat cunctos, ni gentium turbulenta concussio, procul Mazicum visis auxiliis, quos anteibant quidam Romani, arbitrata in se impetum agminum ferri complurium, versa in pedes aperuisset nostris exitus antehac inter-
31 saeptos. Exinde cum militem ducens incolumem

20) In Ms. hic lacuna quatuor linearum. 21) Ms. quantum equentesque pertinaciter * (hic lacuna unius lineae) * certare necessitate fussem et ipsum.

Theodosius ad fundum venisset nomine Mazucanum, exultis desertoribus paucis, aliisque ad sagittariorum exemplum, quibus manus ademptae sunt, contruncatis, Tipatam mense Februario venit. Ubi diutius agens, ut antiquus ille cunctator pro 32 negotio consultabat, commentis potius et prudentia, quam periculosis congressibus, hostem pugnacem et ²²⁾ impetrabilem iactu telorum, si fors copiam dederit, oppressurus. Mittebat tamen adli- 33 due suadendi quosdam peritos ad gentes circumfinitas, Baiuras, ²³⁾ Cantaurianos, Aualtomates, Casaves, Davaresque, et finitimos alios, nunc timore, nunc nummis eos ad societatem alliciens, veniamque petulantiae interdum ²⁴⁾ promittendo, cum * * tultorius per ambages et moras hostem frangentem suos impetus oppressurus, ut quondam Pompeius Mithridatem.

Qua causa declinans perniciem proximam Fir- 34 mus, licet praesidiorum magnitudine communitus, relicta plebe, quam coegerat magna mercede, quoniam latendi copiam nocturna quies dedit, Caprarienses montes longe remotos penetravit, et diruptis rupibus inaccessos. Cuius habitu clandestino 35 multitudo dispersa, sine rectore particulatim diffluens, invadendi eius castra nostris copiam dedit. Hisque direptis, et interfectis, qui resistebant, vel in deditionem acceptis, regionum maxima parte vastata, gentibus, per quas transibat dux consultissimus, adposuit fidei compertae praefectos. Hac 36 inopina sequendi confidentia territus perduellis, servis comitantibus paucis, digressu celeri consulturus saluti, ne quo praepediretur obstaculo, abiecit pretiosarum sarcinas specierum, quas ²⁵⁾ avexerat secum. Uxorem namque fessam labore continuo et

22) *al.* impenetrabilem. 23) *al.* Cautorianos. 24) *Ms.* promittendo cum (*hic lacuna trium linearum.*) tultorius per. 25) *al.* auxerat.

- 37²⁶⁾ perancipitis * * * Theodosius, nullique
adeuntium parcens mundiore victu stipendioque
milite recreato, Caprariensibus Abannisque eorum
vicinis praelio levi sublati, ad municipium prope-
ravit ense: verisque nuntiis doctus, bar-
baros occupasse iam tumulos, per amfracta undique
spatia in sublime porrectos, nullique pervios, nisi
indigenis locorum perquam gnaris, repedando de-
dit hostibus facultatem per indutias licet breves Ae-
thiopum iuxta agentium adminiculis augeri vel
38 maximis. Qui ²⁷⁾ concatervatis copiis fremituque
minaci sine sui respectu ruentes in pugnam, averte-
runt eum inaeestimabilium turmarum specie dira per-
terrefactum: statimque redintegratis animis, com-
meatus vehens abunde, revertit, et conglobatis suis
scutaque in formidabilem moventibus gestum, con-
39 troverfas iisdem opposuit manus. Quamquam igitur
tur immite quiddam barbaricis concrepantibus armis
manipuli furentium imminebant, ipsi quoque par-
mas genibus illidentes: tamen ut puginator ille cau-
tus et prudens, militis paucitate diffusus, audacter
agmine quadrato incedens, ad civitatem nomine
Contensem flexit iter intrepidus, [ubi captivos]
nostros Firmus ut in munimento abstruso locarat et
celso: cunctisque receptis, in proditores satellites-
que memorati animadvertit acriter, ut solebat.
- 40 Hoc ei magni numinis adiumento gerenti pro-
sperrime, verus indicat explorator, confugisse ad
Isaflensium populum Firmum: ad quem reposcen-
dum una cum fratre Mazuca caeterisque necessitudi-
nibus illuc ingressus, cum adipisci non posset, genti
41 bellum indixit. Et praelio atroci commisso, fero-
cientibus barbaris ultra modum, aciem in ²⁸⁾ rotun-

²⁶⁾ Mf. perancipitis . . . (hic lacuna trium linearum) . . .
Theodosius nullique ad eum tium parcens. ²⁷⁾ *et*.
catervatis. ²⁸⁾ Mf. rotundo habitus. *et*. rotunda habitu.

do habitu figuratam opponit; adeoque Isasenses pondere catervarum urgentium inclinati sunt, ut plurimi caderent, et ipse Firmus ferox, et saepe in suam ²⁹⁾ perniciem praeceps, equo auferretur in fugam, per saxa et rupes discurrere ³⁰⁾ citius ad-
 fucto: Mazuca vero frater eius caperetur letaliter faucibus. Qui Caesaream mitti dispositus, ubi saeva ⁴²
 inusserat monumenta facinorum pessimorum, dilata-
 to vulneris hiatu discessit. Caput tamen eius avulsum, residuo corpore, cum magno visentium gaudio urbi illatum est antedictae. Post haec Isa- ⁴³
 sensem gentem, quae obsidit, superatam dux nobilis incommodis multis, ut aequitas poscebat, afflixit. Ibi Evasium potentem municipem, Florumque eius filium, et quosdam alios, per secretiora consilia temeratorem quietis iuvisse confutatos aperte, flammis absumpsit.

Exindeque pergens interius, nationem Inbale- ⁴⁴
 nam spiritu adgressus ingenti, ubi natum Nubelem patrem didicerat Firmi, repulsus altitudine montium et flexuosis angustis stetit. Et quamlibet facto in hostem impetu, pluribusque peremptis aperuerit viam: formidans tamen sublimia collium ad insidiandum aptissima, ducens suos incolumes revertit ad Audiensem castellum: ubi Iesalensium gens fera semet dedit, voluntaria auxilia praestare spondens et commeatus.

His et eiusmodi gloriosis actibus exsultans ampli- ⁴⁵
 ssimus ductor, ipsum otii turbatorem petebat valido virium nisu: ideoque prope munimentum nomine Medianum diu consistens, per multas prudentesque sententiarum vias eundem sibi prodi posse sperabat. Haecque cogitationibus anxiiis altioreque prospici- ⁴⁶
 ciens cura, rursus ad Isasenses hostem comperit revertisse: quos nihil moratus, ut antea, agminibus

29) *Ms.* perniciem. 30) *al.* citius.

adoritur incitatis. Cui rex Igmazen nomine, spectatus per eos tractus opibusque insignis, progressus obviam confidenter: *Cuius loci es tu? (inquit) vel quid acturus huc venisti? responde.* Quem Theodosius fundata mente intuens torvum: *Comes, ait, Valentiniani sum, orbis terrarum domini, ad opprimendum latronem funereum missus: quem nisi statim reddideris, ut invictus statuit Imperator, peribis funditus cum gente, quam regis.* Quo audito Igmazen, post convicia multa, quae congestit
47 in ducem, ira doloreque perculsus abcessit. Et sequutae principio lucis, utrimque occursum sibi ad confligendum processerunt acies minacissimae: et barbarorum viginti paene millia in ipsis locata sunt frontibus, occultatis pone terga subsidialibus globis, ut adsurgentes paulatim nostros multitudine clauderent insperata: hisque Iesaleni auxiliares accessere quam plures, quos adiumenta et com-
48 nostris docuimus promississe. Contra Romani, quamvis admodum pauci, tamen fortibus animis victoriisque antegressis elati, densatis lateribus, scutisque in testudinis formam cohaerenter aptatis resistenter gradibus fixis: et a sole orto usque ad diei extimum pugna protenta paullo ante vesperam visus est Firmus equo celsiori insidens, sago puniceo porrectius panto milites clamoribus magnis hortari, ut dedant Theodosium opportune, truculentum eum adpellans et dirum, et suppliciorum laevium re-
49 rebant. Hae insperatae voces ad dimicandum quosdam acius incitarunt; alios deserere praelium illerunt. Proinde, ubi noctis advenit quies prima, partibus tenebrarum obvolutis horrore, dux reversus ad Duodien-
castellum, militesque recognoscens, eos, quos a pugnandi proposito pavor et verba detorserant Firmi, diverso genere poenarum exstinxit: alios adeptis dexteris, quosdam vivos
com-

combustos. Excubiasque agens cura pervigili, barbarorum aliquos ausos, cum adparere non possent, post occasum lunae castra sua tentare, fudit, vel irruentes audentius cepit. Digressus exinde passibus citis, ³¹⁾ Iesalenses ut ambiguae fidei per tramites adortus obliquos, unde parum sperari potuit, ad paenuriam vastavit extremam: perque Caesariensis Mauritaniae oppida reversus Sitifim, Castorem et Martinianum rapinarum flagitiorumque Romani participes, ad interitum tortos incendit.

Redintegratur post haec cum Iffanensibus bellum: primoque conflictu barbarorum pluribus pulsis et interfectis, rex eorum Igmazen, vincere antehac adfuetus, terrore fluctuans mali praesentis, nihilque commerciis vetitis ad vitam spei sibi restare, si obstinatius egerit, arbitratus, quantum caute fieri potuit et occulte, prorupit ex acie solus: visumque Theodosium suppliciter petiit, ut ³²⁾ Masillam Mazicum optimatem ad se venire iuberet. Per quem, ⁵² ut rogaverat, missum, clandestinis colloquiis monuit ducem suoapte ingenio pertinacem, ut ad praebendam sibi copiam agendi, quae vellet, popularibus suis acriter immineret, eosque assiduitate pugnandi mutaret in metum, promptos quidem ad perduellis favorem, sed iacturis multiplicibus fessos. Paruit ⁵³ Theodosius dictis: et crebritate certaminum Iffanenses ita protrivit, ut iisdem labentibus more pecudum, Firmus latenter evaderet, et aviis et diuturnis latebris amandandus, inibi, dum de fuga consultat, tentus ab Igmazene custodiretur. Et ⁵⁴ quoniam obscurius gesta didicerat per Masillam, in extremis rebus unum remedium superesse contemplan, calcare vivendi cupiditatem voluntaria statuit morte: vinoque consulto distentus, et crapulentus, silenti nocte oppressis altiore somno custodibus,

31) Mf. Vessalienses. 32) Mf. Misilliam.

pervigil ipse impendentis aerumnae terrore, insonis gressibus relicto cubili, manibus repens et pedibus longius sese discrevit: repertumque funiculum, quem finiendae vitae paravere casus, de clavo parietis adfixo suspendit: ubi collo inserto ³³⁾ animam absque moris cruciabilibus exhalavit.

55 Quod dolenter ferens Igmazen, ³⁴⁾ ereptamque sibi gloriam gemens, quia non contigerat ad castra Romana vivum ducere perduellem, interposita fide publica per Masillam, ipse camelo necati cadaver impositum ferens, cum tentoria exercitus adventaret ad Subicarense castellum locata, in iumentum transtulit sarcinale, et Theodosio obtulit exultanti.

56 Qui convocatis armatis simul atque plebeiis, interrogatisque, an ³⁵⁾ agnoscerent vultum, cum eiusdem esse sine ulla didicisset ambage, ibi paullisper moratus Sitifim triumphanti similis rediit aetatum ordinumque omnium celebrabili favore susceptus.

1 VI. Dum hoc pulvere per Mauritaniam dux antedictus anhelat et Africam, Quadorum natio motu est ¹⁾ excita repentino, parum nunc formidanda, sed immensum quantum antehac bellatrix et potens, ut indicant perpetrata, quoniam raptim ²⁾ proclivia, obsestaque ab iisdem ac Marcomannis Aquileia, Opitergiumque excisum, et cruenta complura perceleri acta procinctu: vix resistente perruptis Alpibus Iulius Principe serio, quem ante docuimus, Marco. Et erat, ut barbaris, ratio iusta querelarum. 2 Valentinianus enim studio muniendorum limitum glorioso quidem, sed nimio, ab ipso principatus initio flagrans, trans flumen Histrum in ipsis Quadorum terris, quasi Romano iuri iam vindicatis, aedificari praesidiaria castra mandavit:

33) *al.* animam non asque miris cruciabilibus. 34) *Mf.* ereptamque. 35) *al.* cognoscerent. 1) *Mf.* inexcita. 2) *Mf.* quoniam proclivia obsestaque ab.

quod accolae ferentes indigne, sui que cautiore,
 legatione tenus interim et susurris arcebant. Sed 3
 Maximinus in omne avidus nefas, et genuinos miti-
 gare nequiens flatus, quibus praefecturae accesserat
 tumor, increpabat Equitium per Illyricum eo tem-
 pore magistrum armorum, ut pervicacem et desi-
 dem, necdum opere, quod maturari dispositum est,
 consummato: addebatque ut consulens in commu-
 ne, quod, si parvo suo Marcelliano deferretur po-
 testas per Valeriam ducis, munimentum absque ulla
 causatione confurgeret. Utrumque mox est impe-
 tratum. Qui promotus profectusque cum venisset 4
 ad loca, intempestive turgens ut filius, nullis adfa-
 tibus delentis iis, quos numquam tentatae cupidita-
 tis figmenta regionum suarum faciebant extorres,
 opus paullo ante inchoatum adgreditur, admissa
 copia rogandi suspensum. Denique Gabinium 5
 regem, ne quid novaretur, modeste poscentem, ut
 adiensurus, humanitate simulata cum aliis ad con-
 vivium conrogavit: quem digredientem post epulas,
 hospitalis officii sanctitate nefarie violata, trucidari
 securum effecit.

Cuius rei tam atrocis disseminatus rumor illico 6
 per diversa, et Quados et gentes circumfusas effera-
 vit: regisque flentes interitum, in unum coactae
 misere vastatorias manus: quae Daubium trans-
 gressae, cum nihil exspectaretur hostile, occupatam
 circa messem agrestem adortae sunt plebem: maio-
 reque parte truncata, quidquid superfuit, domum
 cum multitudine varii pecoris abduxerunt. Evenit 7
 set profecto tunc inexpiabile scelus, numerandum
 inter probrosas rei Romanae iacturas (paullo enim
 absuit, quin filia caperetur Constanti, ³) cibum su-
 mens in publica villa, quam adpellant Pistrensem,

LI 2

3) In Steph. haec verba desunt.

cum duceretur Gratiano nuptura) ni favore propitii numinis praesens Messalla provinciae rector, eam iudiciali carpento impositam ad Sirmium vicefimo sexto lapide disparatum cursu reduxisset effuso.

- 8 Hoc casu prospero regia virgine periculo miserandae servitutis exempta, cuius nisi potuisset impertrari redemptio captae, magnas inuississet rei publicae clades, latius se cum Sarmatis Quadi pandentes, ad raptus et latrocinia gentes aptissimae, praedas hominum ⁴⁾ virile et muliebre secus agebant et pecorum, villarum cineribus exustarum caesorumque incolentium exsultantes aerumnis, quos nec
9 opinantes sine ulla parcimonia deleverunt. Per omnia itaque propinqua malorum similium dispersa formidine, praefectus praetorio agens tunc apud Sirmium Probus, nullis bellorum terroribus adsuetus, rerum novarum lugubri visu praestriatus, oculosque vix attollens, haerebat diu, quid capefferet, ambigens: et cum paratis velocibus equis noctem proximam destinasset in fugam, monitus tutiore
10 consilio mansit immobilis. Didicerat enim, omnes sequuturos confestim, qui moenibus clauderantur, tegendos latebris opportunis: quod si contigisset, impugnata civitas venisset in manus hostiles.
11 Proinde, parumper lenito pavore, ad arripienda, quae urgebant, acri animo adsurgens, reterfit obrutas ruderibus fossas, murorumque maximam partem pacis diuturnitate contemptam, et subversam adusque cellarum turrium minas expedit, studio aedificandi coalitus: hac ratione opere velociter absoluto, quod impensas aedificandi causa theatri dudum congestas, sufficientes ad id, quod efficere maturabat, invenit. Atque huic spectato consilio salutare addidit aliud, et sagittariorum cohortem e statione proxima, adfuturam obsidio, si venisset, accivit.

4) *al.* virilis et muliebris sexus.

His velut obicibus barbari ab oppugnanda urbe ¹²
 depulsi, parum ad has calliditates dimicandi soller-
 tes, sarcinisque impediti praedarum, ad Equitii
 vertuntur indaginem. Et cum ad Valeriae spatia
 longe remota secessisse captorum didicissent indiciis,
 illuc properato petierant gradu frendentes, hacque
 ex causa iugulo eius intenti, quod per ipsum cir-
 cumventum regem existimabant insontem. Quibus ¹³
 concito cursu ruentibus infestius, obviam legiones
 motae sunt duae, Pannonica et Moesiaca, valida
 praeliis manus: quae, si conspirasset, abierat pro-
 cul dubio victrix. Sed dum discretim grassatores
 adoriri festinant, ortis inter se discordiis impediti
 de honore certabant et dignitate. Quo intellecto ¹⁴
 Sarmatae sagacissimi, non exspectato certandi signo
 sollemni, Moesiacam primam incessunt: dumque
 milites arma tardius per tumultum expediunt, inter-
 fectis plurimis aucti fiducia, aciem perrupere Pan-
 nonicam: disiectaque agminis mole, geminatis icti-
 bus omnem paene delessent, ni periculo mortis ali-
 quos citum extraxisset effugium.

Inter haec fortunae dispendia tristioris dux ¹⁵
 Moesiae Theodosius iunior, prima etiam tum lanu-
 gine iuvenis, Princeps postea perspectissimus, Sar-
 matas Liberos ad discretionem servorum rebellium
 adpellatos, conlimitia nostra ex alio latere invaden-
 tes, aliquotiens expulit et adflixit, congressibus
 densis adtritos: adeoque obsistentes fortissime tur-
 bas confluentes oppressit, ut caesorum plurium ali-
 tes iuste sanguine satiaret et feras. Unde residui ¹⁶
 tumore iam deflagante metuentes, ne idem dux
 virtutis, ut adparuit, expeditae, in primo finium
 aditu incurstantes cuneos sterneret aut fugaret, vel
 insidias per silvarum locaret occulta, post multos
 perrumpendi conatus subinde tentatos incassum,
 abiecta pugnandi fiducia, concessionem petivere
 praeteritorum et veniam: victique ad tempus indul-

tae foederibus pacis nihil egere contrarium, eo maxime timore perculsi, quod ad tutelam Illyrici Gallicani militis validum accesserat robur.

- 17 Dum haec tot ac talia per turbines agitantur ad-
fiduos, Claudio regente urbem aeternam, Tiberis,
qui media intersecans moenia, cloacis et fluviis
abundantibus multis Tyrrheno mari miscetur, effu-
sione imbrium exuberans nimia, et supra annis spe-
18 ciem pausus, omnia paene contextit. Et stagnanti-
bus civitatis residuis membris, quae tenduntur in
planitiem molliorem, montes soli et quidquid insu-
larum cellius eminebat, a praesenti metu defende-
batur: et, ne multi inedia contabescerent, unda-
rum magnitudine nusquam progredi permittente,
lembis et scaphis copia suggerebatur abunde cibo-
rum. At vero, ubi tempestas mollivit, et flumen
retinaculis ruptis rediit ad solitum cursum, absterlo
19 metu nihil postea molestum expectabatur. Hic
ipse praefectus egit admodum quiete, nullam sedi-
tionem super querela iusta perpessus: et instauravit
vetera plurima. Inter quae porticum excitavit in-
gentem, lavacro Agrippae contiguam, Eventus
Bonni cognominatam, ea re, quod huius nominis
prope visitur templum.
-

AMMIANI MARCELLINI

RERUM GESTARUM

LIBER XXX.

Para rex Armeniorum evocatus a Valente, et Tarsti specie obsequiorum custoditus, cum trecentis popularibus fugit, et frustratus viarum observatores, equis regnum repetit, nec multo post a Traiano duce in convivio interficitur. C. I. Valentis A. et Saporis P. R. de Armenia et Hiberiae regnis contendentium legationes. II. Valentinianus A. post vastatos aliquos Alamanniae pagos, cum Macriano Alamannorum rege colloquitur, ac pacem facit. III. Modestus praefectus praetorio a iure dicendo Valentem avertit: et de causidicina, deque iurisconsultis, et variis advocatorum generibus. IV. Valentinianus Sarmatis et Quadis Pannoniarum populatoribus bellum illaturus, in Illyricum proficiscitur, et transito Danubio Quadorum pagos vastat, vicos incendit, barbaros cuiusque aetatis iugulat. V. Idem, dum legatis Quadorum populares suos purgantibus respondet iratus, ictu sanguinis exstinguitur. VI. Quo patre natus sit, et quas res Princeps gesserit. VII. Eius saevitia, avaritia, invidia et timor. VIII. Eiusdem virtutes. IX. Valentinianus iunior Valentiniani filius, in castris apud Bregetionem Augustus adpellatur. X.

(A. C. 374.)

Inter has turbarum difficultates, quas perfidia ducis rege Quadorum excitavit occiso per scelus, dirum in Oriente committitur facinus, Para Armeniorum rege clandestinis insidiis obtruncato: cuius materiae impio conceptae consilio hanc primordiale fuisse

- 2 novimus causam. Confarcinabant in hunc etiam-
tum adultum crimina quaedam apud Valentem ex-
aggerantes male sollertes homines, dispendiis saepe
communibus pasti. Inter quos erat Terentius dux
demisse ambulans, semperque submaestus, sed,
3 quoad vixerat, acer dissensionum instinator. Qui
adscitis in societatem gentilibus paucis, ob flagitia
sua suspensis in metum, scribendo ad comitatum
adsidue Cylacis necem replicabat et ¹⁾ Artabannis:
addens, eundem iuvenem ad superbos actus ela-
4 tum, nimis esse in subiectos immanem. Unde,
quali futurus particeps suscipiendi tunc pro instan-
tium rerum ratione tractatus, idem Para regaliter
vocatus, et apud Tarsum Ciliciae obsequiorum spe-
cie custoditus, cum neque ad imperatoris castra ac-
cipi, ²⁾ nec urgentis adventus causam scire cunctis
reticentibus posset; tandem secretiore indicio com-
perit, per litteras Romano rectori suadere Tere-
tium, mittere propediem alterum Armeniae regem:
ne odio Parae speque, quod ³⁾ revertetur, natio
nobis opportuna deficeret ad iura Persarum, eam
rapere vi vel metu vel adulatione flagrantium.
- 5 Quae reputans ille, impendere sibi praelagebat
exitium grave. Et doli iam prudens, neque aliam,
nisi cito discessu, salutis reperiens viam, suadenti-
bus his, quibus fidebat, conglobatis trecentis co-
mitibus sequentis eum e patria, cum equis velocissi-
mis, ut in magnis solet dubiisque terroribus, au-
dacter magis quam considerate, pleraque diei parte
emenso egressus cuneatim properabat intrepidus.
- 6 Cumque eum provinciae ⁴⁾ moderator, adparitoris,
qui portam tuebatur ⁵⁾ imperatus, festinato studio
reperisset in suburbanis, ut remaneret enixius obse-

1) Ms. Artabannis dens. 2) *al.* nec urgentis accel-
sus. Ms. ne surgentes advenus. 3) Ms. revertitur. 4) Ms. mode-
rator Apparitoris. 5) Ms. impercitus.

crabat: et parum hoc impetrato, mortis averſus eſt metu. Nec minus paullo poſtea legionem ſequutam 7
 ianique adventantem, ipſe cum promptiſſimis re-
 troſus excurrans, fundensque in modum ſcintilla-
 rum ſagittas, ſed voluntate errans, ita in fugam
 compulſit, ut cum tribuno milites univerſi perterre-
 facti, vividius quam venerant remearent ad muros.
 Exin ſolutus omni formidine, biduo et binocio 8
 exantlatis itinerum laboribus magnis, cum ad flu-
 men veniſſet Euphraten, et inopia navium voragi-
 noſum amnem vado transire non poſſet, nandi im-
 prudentia paventibus multis, ipſe omnium maxime
 cunctabatur: et remaniſſet, ni, cunctis verſanti-
 bus varia, id reperire potuiſſet effugium in neceſſi-
 tatis abrupto tutiſſimum. Lectulos in villis reperi- 9
 tos binis utribus ſuffulſerunt, quorum erat abundans
 prope in agris vinariis copia: quibus ſingulis pro-
 ceres infidentes et regulus ipſe, iumenta trahentes,
 praeruptos undarum occuſantium fluctus obliqua-
 tiſ meatibus declinabant: hocque commento tan-
 dem ad ulteriorem ripam poſt extrema discrimina
 pervenerunt. Reſidui omnes equis invecti natanti- 10
 bus, et circumluente flumine ſaepe demerſi iactati-
 que, infirmati periculoſo madore expelluntur ad
 contrarias margines: ubi paullisper reſecti, expe-
 ditius, quam diebus praeteritis, incedebant.

Hoc nuntiato Princeps antedicti fuga percuſſus, 11
 quem elaqueatum fidem rupturum exiſtimabat, cum
 ſagittariis mille ſuccinctis et levibus Danielum mittit
 et Barzimerem revocatuſ eum, Comitem unum,
 alterum ſcutariorum tribunum. Hi locorum gnari- 12
 tate confiſi, quod ille properans, ut peregrinus et
 inſuetus, maeandros faciebat et gyros, compendioſis
 vallibus eius itinera praevenierunt: et diviſis inter
 ſe copiis, clauſere vias proximas duas, trium mil-
 lium intervallo diſtinctas, ut tranſiturus per utram-
 viſ caperetur improvidus: ſed evanuit cogitatum.

- 13 hoc casu. Viator quidam ad citeriora festinans, cum bivium armato milite vidisset oppletum, per posterulam tramitem medium squalentem fructectis et sentibus vitabundus excedens, in Armenios incidit fessos: et ductus ad regem, arcano sermone, solum, quae viderat, docet, ac retinetur intactus.
- 14 Moxque metu dissimulato eques mittitur clandestinus ad dextrum itineris latus, diverforia paraturus et cibum: quo paullum progresso, in laevum tractum item alius talia factururus ire iubetur ocissime,
- 15 alterum aliorum nesciens missum. Quibus ita utiliter ordinatis, rex ipse cum suis dumeta, per quae viator venerat, relegens, ⁶⁾ eo rursus monstrante, per hispidam et iumento onusto exiguam callem post terga relictis militibus evolavit, qui captis eius ministris, missis ad mentes observantium praestringendas, quasi venaticiam praedam modo non porrectis ⁷⁾ brachiis expectabant. Dumque hi venturum opperiantur, ille regno incolumis restitutus, et cum gaudio popularium summo susceptus, in ⁸⁾ fide mansit immobilis, iniuriis, quas pertulerat, omnibus demissatis.
- 16 Danielus post haec et Barzimeres, cum Iusiamiam revertissent; probrosis lacerati conviciis, ac si inertes et desides, ut hebetatae primo adpetitu venenatae serpentes, ora exacuere letalia, cum primum potuissent, elapso pro virium copia nocituri.
- 17 Et leniendi causa flagitii sui, vel fraudis, quam meliore consilio pertulerunt, apud Imperatoris aures rumor omnium tenacissimas incessabant falsis criminibus Param, intentiones Circeas in vertendis debilitandisque corporibus miris modis eum callere fingentes: addentesque, quod huiusmodi artibus offusa sibi caligine mutatus, vasorumque forma

6) *al.* eo ipso. 7) *Ms.* brachiis. 8) *Ms.* fiderandi nemanfueti
... mobilis.

transgressus, tristes sollicitudines, si huic irrisioni superfuert, excitabit.

Hinc in illum inexplicabile auctum Principis 18 odium, et doli struebantur indices, ut per vim ei vel clam vita adimeretur: agentique tunc in Armenia Traiano, et rem militarem curanti, id secretis committitur scriptis. Qui illecebrosis regem infi- 19 diis ambiens, et modo serenae mentis Valentis indices litteras tradens, modo ipse sese eius convivii ingerens, ad ultimum composita fraude ad prandium verecundius invitavit: qui nihil adversum metuens venit, concessoque honoratiore discubuit loco. Cumque adponerentur exquisitae cuppediae, 20 et 9) aedes amplae nervorum et articulado flatilique sonitu resultarent, iam vino incalescente, ipso convivii domino per simulationem naturalis cuiusdam urgentis egresso, gladium dextrictum intentans, torvo lumine ferociens, quidam immittitur barbarus asper ex his, quos Supras adpellant, confossurus iuvenem, ne exsilire posset etiamtum 10) praepeditum. Quo viso regulus forte prominens ultra 21 torum, expedito 11) dolore adfurgens, ut vitam omni ratione defenderet, perforato pectore deformis procubuit victima; ictibus multiplicatis foede concisa. Hocque figmento nefarie decepta credu- 22 litate, inter epulas, quae reverendae sunt vel in Euxino ponto, hospitali numine contuente, peregrinus cruor in ambitiosa linthea conspersus spumante savie satietati superfuit convivarum, horrore maximo disperforum. Ingemiscat, si quis vita digressis est dolor, huius arrogantiam facti Fabricius ille Luscinus: sciens, qua animi magnitudine Democharen, vel, ut quidam scribunt, Niciam, ministrum repulerit regium, colloquio occultiore polli-

9) Ms. adessasple nervorum. 10) Ms. impraepeditum. 11) al. dolo.

citum, quod Pyrrhum Italiam tunc bellis saevissimis exurentem, veneno poculis necabit infectis : ¹²⁾ scripseritque ad regem, ut ab interiore caveret obsequio. Tantum reverentiae locum apud priscam illam iustitiam, vel hostilis mensae genialitas ob-
 23 nebat. Verum excusabatur recens inusitatum facinus et pudendum necis exemplo Sertorianae : adulatoribus forsitan ignorantibus, quod, ut Demosthenes perpetuum Graeciae decus adfirmat, numquam similitudine aut impunitate alterius criminis diluitur id, quod contra ac liceat arguitur factum.

1 II. Haec per Armeniam notabiliter gesta sunt. Sapor vero post suorum pristinam cladem comperto interitu Parae, quem sociare sibi impendio conabatur, maerore gravi perculsus, augenteque nostri exercitus alacritate formidinem, maiora sibi praese-
 2 minans, Arrace legato ad Principem misso, perpetuam aerumnarum causam deleri penitus suadebat Armeniam : si id displicuisset, aliud poscens, ut Hiberiae divisione cessante, remotisque inde partis Romanae praefidiis, Aspacures solus reguare per-
 3 mitteretur, quem ipse praefecerat genti. Ad quae Valens in hanc respondit sententiam, nihil derogare se posse placitis ex consensu firmatis, sed ea studio curatiore defendere. Glorioso proposito contrariae regis litterae hieme iam extrema perlatae sunt, vana causantis et tumida. Adseverabat enim non posse semina radicitus amputari discordiarum, nisi intervenissent conscii pacis foederatae cum Ioviano, quorum aliquos vita didicerat abscessisse.

4 Ingravescente post haec altius cura, Imperator eligere consilia, quam invenire sufficiens, id conducere rebus existimans, Victorem magistrum equitum et Urbicium Mesopotamiae ducem ire propere iussit in Persas, responsum absolutum et uniusmodi

12) Ms. scriberetque.

perferentes: quod rex iustus et suo contentus, ut iactitabat, scelestè concupiscat Armeniam, ad arbitrium suum vivere cultoribus eius permissis: sed ni Sauromaci praesidia militum impertita principio sequentis anni, ut dispositum est, impraepedita reverterint, invitus ea complebit, quae sponte sua facere supersedit. Quae legatio recta quidem et 5 libera, ni deviasset in eo, quod absque mandatis oblatas sibi regiones in eadem Armenia suscepit exiguas.

Qua regressa, advenit Surena potestatis secundae post regem, has easdem Imperatori offerens partes, quas audacter nostri sumere legati. Quo 6 suscepto liberaliter et magnifice, sed parum impetrato, quod poscebat, remisso, parabantur magna instrumenta bellorum, ut mollita hieme Imperatore trinis agminibus perrupturo Persidem, ideoque Scytharum auxilia festina celeritate mercante.

Proinde parum adeptus ea, quae spe vana conceperat Sapor, utraque solitum asperatus, quod ad expeditionem accingi rectorem ¹⁾ compererat nostrum: iram eius conculcans Surenae dedit negotium, ut ea, quae Victor Comes susceperat et Urbicius, armis repeteret, si quisquam repugnaret, et milites Sauromacis praesidio destinati malis affligerentur extremis. Haecque, ut statuerat, maturata confestim; nec emendari potuerunt nec vindicari, quia rem Romanam alius circumsteterat metus totius Gothiae, Thracias licentius perrumpentis: quae funera tunc explicari poterunt carptim, si ad ea quoque venerimus.

Haec per Eoos agitata sunt tractus. Quorum 9 inter seriem Africanas clades, et legatorum Tripoleos manes inultos etiamtum et errantes sempiternus vindicavit Iustitiae vigor, aliquoties serus, sed scrup-

¹⁾ *nl.* conceperat.

- pulofus quaefitor gestorum recte vel secius, hoc
 10 modo. Remigius, quem populanti provincias re-
 tulimus Comiti favisse Romano, postquam Leo in
 eius locum magister esse coepit officiorum, a mune-
 ribus rei publicae iam quiescens, negotiis se rurali-
 bus dedit prope Mogontiacum in genitalibus locis.
- 11 Quem ibi morantem securius, ²⁾ praefectus prae-
 torio Maximinus reversum ad otium spernens, ut
 solebat dirae luis ritu grassari per omnia, laedere
 modis, quibus poterat, adfectabat: utque rimare-
 tur plura, quae latebant, Caesarium antehac eius
 domesticum, postea notarium Principis, raptum,
 quae Remigius egerit, vel quantum acceperit, ut
 Romani iuvaret actus infandos, per quaestionem
 12 cruentam interrogabat. Quibus ille cognitis, cum
 esset, ut dictum est, in secessu, conscientia malo-
 rum urgente, vel ³⁾ rationem formidine superan-
 te calumniarum, innodato gutture laquei nexibus
 interiit.
- 1 III. Sequito post haec anno, Gratiano adscito
 in trabeae societatem Equitio consule, Valentiniano
 post vastatos aliquos Alamauniae pagos munimen-
 tum aedificanti prope Basiliam, quod adpellant ac-
 colae Robur, offertur praefecti relatio Probi, do-
 2 centis Illyrici clades. Quibus ille, ut cunctatorem
 decuerat ducem, examinatus lectis, attonitus cogi-
 tationibus anxiis, Paterniano notario misso nego-
 tium scrupulosa quaesivit indagine: moxque veris
 per eum nuntiis gestorum acceptis, evolare protinus
¹⁾ festinabat, ausos temerare limitem barbaros pri-
 mo fragore, ut mente conceperat, oppressurus ar-
 3 morum. Quia igitur abeunte autumno multa im-
 pediebant et aspera, adnitebantur omnes per regiam
 optimates, ut adusque ²⁾ principium veris oratum

2) *al.* praefecit praetorio. 3) *Mf.* ratione formidinem. 1) *Mf.* festinaret. 2) *Mf.* principum oratum eum perciperent et exoratum.

eum pertinerent et exoratum: primum durata pruinis itinera, ubi nec adultae in pascuum herbae repirentur, nec caetera usui congrua, penetrari non posse firmantes: dein vicinorum Galliis regum immanitatem, maximeque omnium Macriani ut formidati tunc praetendentes, quem constabat impacatum relictum, etiam ipsa urbium moenia tentaturum. Haec memorantes addentesque utilia, re-⁴duxere eum in meliorem sententiam: statimque, ut conducebat rei communi, prope Mogontiacum blandius rex antedictus accitur, proclivis ipse quoque ad excipiendum foedus, ut adparebat. Et venit immane quo quantoque flatu distentus, ut futurus arbiter superior pacis: dieque praedicto colloquii ad ipsam marginem Rheni caput altius erigens stetit, hinc inde sonitu scutorum intonante gentilium. Contra Augustus adscensis amnicis lembis, saeptus⁵ ipse quoque multitudine castrensium ordinum, tutius prope ripas accessit, signorum fulgentium nitore conspicuus: et immodestis gestibus murmureque barbarico tandem sedato, post dicta et audita ultro citroque versus, amicitia media sacramenti fide firmatur. Hisque perfectis discessit barbarum⁶ rex artifex delentus, futurus nobis deinceps socius: et dedit postea adusque vitae tempus extremum, constantis in concordiam animi facinorum documentum pulchrorum. Periit autem in Francia⁷ postea: quam dum internecive vastando perrumpit avidius, oppetiit Mellobaudis bellicosi regis infidiis circumventus. Post foedus tamen sollemni ritu impletum, Treveros Valentinianus ad hiberna discessit.

IV. Haec per Gallias et latus agebantur Actum. At in Eois partibus alto externorum silentio intestina perniciēs augebatur per Valentis amicos et proximos, apud quos honestate utilitas erat antiquior. Navabatur enim opera diligens, ut homo

- rigidus, audire cupiens lites, a studio iudicandi revocaretur, metu, ne ita ut Iuliani temporibus defensione innocentia respirante, frangeretur potentium tumor adsumpta licentia latius solitus evagari.
- 2 Ob haec et similia concordi consensu dehortantibus multis, maximeque Modesto praefecto praetorio regionum arbitrio spadonum exposito, et subagreste ingenium ¹⁾ nullis vetustatis lectionibus expoliturum coacto vultu fallente, et adserente, quod infra imperiale columen causarum essent minutiae privatarum: ille ad humiliandam celsitudinem potestatis negotiorum examina spectanda instituta esse arbitratum, ut monebat, abstinuit penitus, laxavitque rapinarum fores: quae roborantur indies iudicum advocatorumque pravitate sentientium paria: qui tenuiorum negotia militaris rei rectoribus, vel intra palatium validis venditantes, aut opes, aut honores quaesivere praeclaros.
- 3 Hanc professionem oratorum forensium, ²⁾ iure πολιτικῆς μορίου εἰδῶλον, id est civilitatis particulae umbram, vel adulationis partem quartam esse definit amplitudo Platonis: Epicurus autem κακοτεχνίαν nominans, inter artes numerat malas. ³⁾ Tifias suasionis opificem esse memorat, adsentiente Leontino Gorgia. Quam a veteribus ita determinatam, orientalium quorundam versutia adusque bonorum extulit odium: unde etiam retinaculis temporis praestituti frenatur. Ergo absolutis super eius indignitate paucis, quam in illis partibus agens expertus sum, ad coeptorum cursum regrediar institutum.
- 5 Florebant elegantiae priscae patrociniis tribunalia: cum oratores concitae facundiae, attenti studiis doctrinarum, ingenio, fide, copiis ornamentisque dicendi

1) Ms. nullius. 2) τὸ iure deest al. 3) Ms. ΚΙΟΙCΙΑC.

dicendi pluribus eminebant: ut Demosthenes, quo dicturo concursus audiendi causa ex tota Graecia fieri solitos, monumentis Atticis continetur: et Calistratus, quem nobilem illam super Oropo causam [qui locus in Euboea est] perorantem, idem Demosthenes Academia cum Platone relictâ sectatus est: ut Hyperides, et Aeschines, et Andocides, et Dinarchus, et Antiphon ille Rhamnufius, quem ob defensum negotium omnium primum antiquitas prodidit accepisse mercedem. Nec minus apud 6 Romanos Rutilii, et Galbae, et Scauri, vita, moribus, frugalitateque spectati, et postea per varias aevi sequentis aetates censorii, et consulares multi, et triumphales, Crassi et Antonii, et cum Philippis Scaevolae alique numerosi, post exercitus prosperime ductos, post victorias et tropaea, civilibus stipendiorum officiis floruerunt: laureasque fori speciosis certaminibus occupantes, summis gloriae honoribus fruebantur. Post quos excellentissimus 7 omnium Cicero, orationis imperiosae fluminibus saepe depressos aliquos iudiciorum eripiens flammis: *non defendi homines sine vituperatione fortasse posse; negligeriter defendi sine scelere non posse* firmabat.

At nunc videre est per Eoos omnes tractus violenta et rapacissima genera hominum per fora omnia volitantium, et subsidentium divites domus, ut Spartanos canes aut Cretas, vestigia sagacius colligendo, ad ipsa cubilia pervenire caularum.

In his primus est coetus eorum, qui seminando 9 diversa iurgia per vadimonia mille iactantur, viduarum postes et orborum limina deterentes, et aut inter discordantes amicos aut propinquantes vel adfines, si simultatum levia 4) senserint receptacula, odia struentes infesta: in quibus aetatis progressu

4) Ms. levia senserint.

non ut aliorum vitia intepescunt, sed magis magisque roborantur: inter rapinas insatiabiles inopes, ad capiendam versutis orationibus iudicum fidem, quorum nomen ex Iustitia natum est, sicam ingenii
 10 desfringentes. Horum obstinatione libertatem temeritas, constantiam audacia praeceps, eloquentiam inanis quaedam imitatur fluentia loquendi: quarum artium ⁵⁾ scaevitate, ut Tullius adiecit, nefas est religionem decipi iudicantis. Ait enim: *Cumque nihil tam incorruptum esse debeat in republica quam suffragium, quam sententia; non intelligo, cur, qui ea pecunia corruerit, poena dignus sit: qui eloquentia, laudem etiam ferat. Mihi quidem hoc plus mali facere videtur, qui oratione, quam qui pretio iudicem corrumpit: quod pecunia corrumpere prudentem nemo potest; dicendo potest.*

11 Secundum est genus eorum, qui iuris professi scientiam, quam repugnantium sibi legum abolevere discidia, velut vinculis ori impositis reticentes, iugi silentio umbrarum sunt similes propriarum. Hi velut fata natalicia praemonstrantes, aut Sibyllae oraculorum interpretes, vultus gravitate ad habitum composita tristiores, ipsum quoque venditant,
 12 quod oscitantur. Hi ut altius videantur iura calere, Trebatium loquuntur, et Calcellium, et Alfenum, et Auruncorum Sicanorumque iamdiu leges ignotas, cum Euandri matre abhinc saeculis obrutas multis. Et si voluntate matrem tuam finxeris occidisse, multas tibi suffragari absolutionem lectiones reconditas pollicentur, si te senserint ⁶⁾ esse nummatum.

13 Tertius eorum est ordo, qui ut in professione turbulenta clarescant, ad expugnandam veritatem ora mercenaria procudentes, per prostitutas frontes vilesque latratus, quo velint, aditus sibi patefaciunt

5) *ad* scaevitate. 6) *et* esse deest al.

crebros: qui inter sollicitudines iudicum per multa distentas inresolubili nexu vincientes negotia, laborant, ut omnis quies litibus implicetur, et nodosis quaestionibus de industria iudicia circumscribunt: quae cum recte procedunt, delubra sunt aequitatis: cum depravantur, foveae fallaces et caecae: in quas si captus ceciderit quisquam, non nisi per multa exiliet lustra, adusque ipsas medullas exsuctus.

Quartum atque postremum est genus impudens, ¹⁴ pervicax, et indoctum, eorum, qui cum immature e litterariis eruperint ludis, per angulos civitatum discurrunt, miniambos non causarum remediis congrua commentantes, fores divitum deterendo, coenarum ciborumque aucupantes delicias exquisitas. Qui cum semel umbraticis lucris, et inhian- ¹⁵ dae undique pecuniae sese dediderint, litigare frustra quoslibet innocentes hortantur: et ad defendendam causam admissi, quod raro contingit, suscepti nomen et vim negotii sub ore disceptatoris inter ipsos conflictuum articulos instruuntur, circumloquutionibus indigestis ita scatentes, ut collusionis taeterrimae audire existimes ululabili clamore Therfiten. Cum autem ad inopiam muniendarum ¹⁶ venerint allegationum, ad effrenatam deflectunt conviciandi licentiam: quo nomine, ob assidua in personas honorabiles probra, ⁷⁾ diebus dictis aliquoties sunt damnati: e quibus ita sunt rudes nonnulli, ut numquam se codices habuisse meminerint. Et si ¹⁷ in circulo doctorum auctoris veteris inciderit nomen, piscis aut edulii peregrinum esse vocabulum arbitrantur: si vero advena quisquam inusitatum sibi antea Marcianum verbo tenus quaesierit oratorem, omnes confestim Marcianos adpellari se fingunt. Nec iam fas ullum prae oculis habent: sed tam- ¹⁸

M m 2

7) Ms. diebus dioctis.

quam avaritiae venundati et usucapti, nihil praeter interminatam petendi licentiam norunt. Et si quem semel intra retia ceperint, cassibus mille impedi-
cant, per morborum simulationem vicissim consulto cessantes: utque pervulgati iuris proferatur lectio vana, septem vendibiles introitus praeparant, dila-
¹⁹ tionum examina longissima contexentes. Et cum nudatis litigatoribus dies cesserint, et menses, et anni, tandem obtrita vetustate controversia intro-
missa, ipsa capita splendoris ingressa alia secum ad-
vocatorum simulacra inducunt. Cumque intra can-
cellorum venerint saepta, et agi coeperint alicuius fortunae vel salus, atque laborari debeat, ut ab in-
sonte gladius, vel calamitosa detrimenta pellantur, corrugatis hinc inde frontibus, brachiisque histrio-
nico gestu formatis, ut concionaria Gracchi fistula post occipitium desit, consistitur altrinsecus diu:
tandemque ex praemeditato colludio, per eum, qui est in verba fidentior, suave quoddam princi-
pium dicendi ⁸⁾ exseritur, Cluentianae vel pro Cle-
siphonte orationum aemula ornamenta promittens: et in eam conclusionem cunctis finem cupientibus definit, ut nondum se patroni post speciem litis triennium editam causentur instructos: spatioque prorogati temporis impetrato, quasi cum Antaeo vetere colluctati, perseveranter flagitant pulveris periculosi mercedes.

- ²⁰ Verumtamen haec cum ita sint, non desunt ad-
vocatis incommoda plurima, parum sustinenda recte victuro. Namque sellulariis quaestibus inescati, inter se hostiliter dissident, et rupta maledicendi se-
rocia, ut dictum est, multos offendunt: quam tunc effutiunt, cum commissarum sibi causarum infirmi-
tatem rationibus validis ⁹⁾ convallare non possunt.
²¹ Et iudices patiuntur interdum doctos ex Philistionis

8) Mf. et ariter cluenda ne vel pro. 9) Mf. convalere.

aut Aesopi cavillationibus, quam ex Aristidis illius iusti vel Catonis disciplina productos: qui aere gravi mercati publicas potestates, ut creditores molesti opes cuiusquemodi fortunae rimantes, alienis gremiis excutiunt praedas. Ad ultimum id habet ca-²² sidicina cum caeteris metuendum et grave, quod hoc ingenitum est paene litigantibus cunctis, ut, cum iurgia mille casibus cadant, accidentia secus in potestate esse existiment patronorum: et omnem certaminum exitum iisdem soleant assignare, et non vitiis rerum, aut iniquitati aliquoties disceptantium, sed solis defensoribus irascantur. Verum, unde huc declinavimus, revertamur.

(A. C. 375.)

V. Pubescente iam vere Valentinianus a Treve-¹ ris motus, per nota itinera gradu celeri contendebat: eique regiones adventanti, quas petebat, legatio Sarmatarum offertur: pedibusque eius prostrata, orabat pacifica prece, ut propitius veniret et lenis, nullius diri facinoris participes populares suos inventurus aut conscios. Quibus saepe eadem² iterantibus, hactenus perpensa deliberatione respondit, haec in locis, ubi dicuntur admissa, quaerenda verissimis documentis et vindicanda. Cumque exinde Carnuntum Illyriorum oppidum introisset, desertum quidem nunc et squalens, sed ductori exercitus perquam opportunum, ubi fors copiam dedisset aut ratio, e statione proxima reprimebat barbaricos adpetitus.

Et quamquam terrori cunctis erat, dum spera-³ batur ut acer et vehemens mox iudices damnari iussurus, quorum perfidia vel secessione Pannoniarum nudatum est latus: cum illuc venisset, ita intepuit, ut neque in Gabinii regis inquireret necem, neque iniusta rei publicae vulnera¹⁾ quo finente vel agente

1) *al. quo canente.

didicit casu. Ad provincialium residuorum exem- 8
plum etiam Epirotae acturos sibi gratias a praefecto
mittere compulsi legatos, Iphiclem quemdam phi-
losophum, spectatum robore pectoris hominem,
adegere non sponte propria pergere ad id munus
implendum. Qui cum Imperatorem vidisset, agni- 9
tus adventusque sui causam interrogatus, Graece
respondit: atque ut philosophus veritatis professor,
quaerente curatius Principe, si hi, qui misere, ex
animo bene sentiunt de praefecto; gementes, in-
quit, et inviti. Quo ille verbo tamquam telo per- 10
cussus, actus eius ut sagax bestia rimabatur, genui-
no percunctando sermone, quos noscitabat: ubi-
nam ille esset verbi gratia honore ⁵⁾ ante suos excel-
lens et nomine, vel ille dives, aut alius ordinis
primus. Cumque disceret perisse aliquem laqueo,
abisse alium trans mare, conscivisse sibi alium mor-
tem, aut plumbo vita erepta extinctum: in immen-
sum excanduit, urente irarum nutrimenta tunc offi-
ciorum magistro Leone, pro nefas! ipso quoque
praefecturam, ut e celliore scopulo caderet, ad-
fectante: quam si adeptus rexisset, prae his, quae
erat ausurus, administratio Probi ferebatur in
caelum.

Agens itaque apud Carnuntum Imperator, per 11
continuos tres menses aestivos arma parabat et ali-
menta, si qua fors secundasset, pervasurus oppor-
tune Quados, tumultus atrocis auctores: in quo
oppido Faustinus, filius sororis Iuventii praefecti
praetorio, notarius militans, Probo spectante ne-
gotium, carnificis manu peremptus est post tormen-
ta: vocatus in crimen, quod asinum occidisse dice-
batur ad usum artium secretarum, ut adsercbant
quidam urgentes: ut [autem aiebat ille, ad imbecil-
litatem firmandam fluentium] capillorum. Alio 12

5) Ml. ante suos.

quoque in eum perniciose composito, quod petente per iocum quodam Nigrino, ut eum notarium faceret, exclamavit ille hominem ridens, *Fac me Imperatorem, si id volueris impetrare.* Hocque ludibrio inique interpretato, et Faustinus ipse, et Nigrinus, et alii sunt interfecti.

- 13 Praemisso igitur Merobaude cum militari pedum manu, quam regebat, ad vastandos cremandosque barbaricos pagos, comite adiuncto ⁶⁾ Sebastiano, Valentinianus Acincum propere castra commovit; navigiisque ad repentinum casum coniunctis, et contabulato celeri studio ponte, per partem aliam transiit in Quados, speculantes quidem ex disruptis montibus eius adventum, quo plerique anticipites incertique accidentium cum suis caritatibus secesserunt: sed stupore defixos, cum in regionibus suis, contra quam opinabantur, angusta cernerent
- 14 signa. Progressus ergo coacto gradu, in quantum res tulit, iugulataque aetate promiscua, quam etiamtum palantem subitus occupavit excurfus, et tectis combustis, rediit cum incolumibus cunctis, quos duxerat secum: itidemque apud Acincum moratus autumnno praecipiti, per tractus congelari frigoribus adfuetos commoda quaerebat hiberna: nullaque sedes idonea reperiri praeter Sabariam poterat, quamvis eo invalidam tempore adfiduisque
- 15 malis adflictam. Unde hoc, etiamsi magni interesset, paullisper sequestrato, impigre motus, peragrata fluminis ripa, castrisque praesidio competenti munitis atque castellis, Brègitionem pervenit: ibique diu compositum ad quietem Principis fatum sortem denuntiabat ei supremam prodigiis ingerentibus multis. Namque diebus ante paucissimis ruinas fortunarum indicantia cellarum, arsere erinita sidera [cometarum], quorum originem supra docui-

6) Ms. Senastigiano.

mus. Ante apud Sirmium repentino fragore nubium fulmen excussum, palatii et curiae partem incendit et fori: et apud Sabariam eodem adhuc constituto, bubo culminibus regii lavacri ⁷⁾ insidens, occurrentesque funebria, nulla iacentium sagittas et lapides contemplabili dextera cadere potuit, certatim licet ardenti studio petebatur. Item eum ab ¹⁷ urbe praedicta tenderet ad procinctum, per portam voluit, unde introivit, exire, ut omen colligeret, quod cito remeabit ad Gallias. Cumque locus adgestis ruderibus neglectus purgatur, lapsam forem ferratam, quae exitum obseravit, multitudo removere non potuit viribus magnis enisa: et dum frustra tereret diem, coactus per aliam egressus est portam. Nocteque, quam lux ereptura eum vita sequuta est, ¹⁸ ut per quietem solet, videbat coniugem suam absentem sedere, passis capillis, amictu squalenti contactam: quam aestimari dabatur Fortunam eius esse, cum taetro habitu iam discessuram. Progressus ¹⁹ deinde matutinus contractiore vultu subtristis, cum eum oblatus non susciperet equus, anteriores pedes ⁸⁾ praeter stratorem erigens in sublime: innata feritate concitus, ut erat immanis, dexteram stratoris militis iussit abscidi, quae eum insipientem iumento pulserat consueto: perissetque cruciabiliter innocens iuvenis, ni tribunus stabuli Cerealis dirum nefas cum sui periculo distulisset.

VI. Post haec Quadorum venere legati, pacem, cum praeteritorum oblitteratione suppliciter obsecrantes: quam ut adipisci sine obstaculo possent, et tirocinium et quaedam utilia rei Romanae pollicebantur. Quos quoniam suscipi placuit, et redire ² indutiis, quae poscebantur, indultis (quippe eos vexari diutius nec ciborum inopia, nec alienum

7) *al.* concidens. 8) *Ms.* praeter ar . . . torem.

tempus anni patiebantur) in consistorium ¹⁾ Equitio vadente sunt intromissi. Cumque membris incurvatis flarent metu debiles et praestricti, docere iussi, quae ferebant, usitatas illas causationum species iurandi fidem addendo firmabant: nihil ex communi mente procerum gentis delictum adseverantes in nostros, sed per extimos quosdam latrones amni-
 3 que confines evenisse, quae inciviler gesta sunt: etiam id quoque addendo, ut sufficiens ad facta purganda firmantes, quod munimentum exstrui coeptum nec iuste nec opportune, ad ferociam animos
 4 agrestes accendit. Ad haec Imperator ira vehementi percussus, et inter exordia respondendi tumidior, increpabat obiurgatorio ionu nationem omnem, ut beneficiorum immemorem et ingratam. Paullatimque lenitus [et ad molliora] propensior, tamquam ²⁾ ictus e caelo, vitalique via voceque simul obstricta, suffectus igneo lumine cernebatur: ³⁾ erumpente subito sanguine, letali sudore perfusus, ne laberetur spectantibus ⁴⁾ et vilibus, concursu ministrorum vitae secretioris ad conclave ductus est
 5 intimum. Ubi locatus in lecto, exiguas spiritus reliquias trahens, nondum intelligendi minuto vigore, cunctos agnoscebat adstantes, quos cubicularii, ne quis eum necatum suspicaretur, celeritate maxima corrogarant. Et quoniam viscerum flagrante compage laxanda erat necessario vena, nullus inveniri potuit medicus hanc ob causam, quod eos per varia sparserat, curaturos militem pestilentiae mor-
 5 bo tentatum. Unus tamen repertus, venam eius iterum saepiusque pungendo, ne guttam quidem cruoris elicere potuit, internis nimietate calorum ambustis: vel, ut quidam existimabant, arefactis ideo membris, quod meatus aliqui, quos haemor-

¹⁾ Ms. Equitio in Consistorio vadente sunt. ²⁾ *al.* ictus telo vitalia voceque. ³⁾ Ms. egre pene cubito. ⁴⁾ *al.* et vilibus.

rhoidas nunc adpellamus, obferati sunt gelidis frigoribus concrustati. Sensit immensa vi quadam urgente morborum, ultimae necessitatis adesse praescripta: dicereque conatus aliqua vel mandare, ut singultus ilia crebrius pulsans, stridorque dentium et brachiorum motus velut caestibus dimicantium indicabat, iam superatus viventibusque maculis interfusus, animam diu colluctatam efflavit, aetatis quinquagesimo anno et quinto, imperii, minus centum dies, secundo et decimo.

VII. Replicare nunc est opportunum, ut aliquoties fecimus, et ab ortu primigenio patris huiusce Principis adusque ipsius obitum actus eius discurrere per epilogos breves, nec vitiorum praetermisso discrimine vel bonorum, quae potestatis amplitudo monstravit, nudare solita semper animorum interna. Natus apud Cibalas Pannoniae oppidum Gratianus maior ignobili stirpe, cognominatus est a pueritia prima Funarius, ea re, quod nondum adultus venalem circumferens funem, quinque militibus eum rapere studio magno conatis nequaquam cessit: aemulatus Crotoniatem Milonem, cui mala saepe cohaerenter laeva manu retinenti vel dextra, nulla unquam virium fortitudo abstraxit. Ob ergo validi corporis robur, et peritiam militum more luctandi notior multis, post dignitatem protectoris atque tribuni, Comes praefuit rei castrensi per Africam: unde furtorum suspicione contactus, digressusque, multo postea pari potestate Britannum rexit exercitum, tandemque honeste sacramento solutus, revertit ad larem: et agens procul a strepitu, multatione bonorum adstrictus est a Constantio hoc nomine, quod civili flagrante discordia, hospitio dicebatur suscepisse Magnentium, per agrum suum ad proposita festinantem.

Cuius meritis Valentinianus ab ineunte adolescentia commendabilis, contextu suarum quoque

suffragante virtutum, indutibus imperatoriae maiestatis apud Nicaeam ornatus, in Augustum collegium fratrem Valentem adscivit, ut ¹⁾ germanitate, ita concordia sibi iunctissimum, inter probra medium et praecipua, quae loco docebimus competenti. Igitur Valentinianus, post periculorum molestias plures, dum esset privatus, emensas, imperitare ²⁾ exorsus, arces prope flumina sitas et urbes, et Gallias petiit Alamannicis patentes excursibus, reviviscentibus erectius cognito Principis Iuliani interitu, quem post Constantem solum omnium formidabant. Ideo autem etiam Valentinianus merito timebatur, quod auxit et exercitus valido supplemento, et utrobique Rhenum celsioribus castris munivit atque castellis, ne latere usquam hostis ad nostra se proripiens possit.

7 Utque multa praetereamus, quae egit moderato-
ris auctoritate fundati, quaeque per se vel duces
correxerit industrios: post Gratianum filium in socie-
tatem suae potestatis adsumptum, Vithigabium re-
gem Alamannorum Vadamario genitum, adulescen-
tem in flore primo genarum nationes ad tumultus
cientem et bella, clam, quia non potuit aperte,
confodit: et Alamannis congressus prope Solicinum
locum, ubi infidiis paene perierat circumventus,
ad exitium ultimum delere potuit universos, ni pau-
cos velox effugium tenebris amandasset.

8 Inter haec tamen caute gesta, iam conversos ad
metuendam rabiem Saxonas, semper quolibet inex-
plorato ruentes, delatosque tunc ad terrestres tra-
ctus, quorum spoliis paene redierant locupletes,
malefido quidem, sed utili commento peremit,
praeda raptoribus vi fractis excussa.

9 Itidemque Britannos, catervas superfluum
hostium non ferentes, spe meliorum adsumpta, in

1) Ms. germanitate ita concordia. 2) Ms. exorsus ut arces.

libertatem et quietem restituit placidam, nullo pae-
ne redire permissio grassatorum ad sua.

Efficacia pari Valentinum quoque Pannonium ¹⁰
exsulem, per has provincias molientem otium tur-
bare commune, antequam negotium efferveret,
oppressit.

Africam deinde malo repentino perturbatam
discriminibus magnis exemit: cum voraces milita-
rium fastus ferre nequiens Firmus, ad omnes dissen-
sionum motus perflabiles gentes Mauricas conci-
tasset.

Similique fortitudine clades ingemiscendas Illy-
rici vindicasset, ni morte praeventus reliquisset rem
seriam imperfectam.

Ac licet opera praestabilium ducum haec, quae ¹¹
retulimus, consummata sunt: tamen ipsum quoque
satis constat, ut erat expeditae mentis usuque ca-
strensis negotii diuturno firmatus, egisse complura:
inter quae illud elucere clarius potuit, si Macria-
num regem ea tempestate terribilem, vivum capere
potuisset, ut industria magna tentarat, postquam
eum evasisse ²) Burgundios, quos ipse admoverat
Alamannis, maerens didicisset et tristis.

VIII. Haec super actibus Principis brevi sunt ¹
textu percurra: nunc confisi, quod nec metu nec
adulandi foeditate constricta posteritas, incorrupta
praeteritorum solet esse spectatrix, summatim eius
numerabimus vitia, post et ²) praecipua narraturi.
Adsimulavit nonnumquam clementiae speciem, cum ²
esset in acerbitem naturae calore propensior: obli-
tus profecto, quod regenti imperium omnia nimia
velut proceri scopuli sunt devitanda. Nec enim ³
usquam reperitur miti coercitione contentus, sed
aliquoties quaestiones multiplicari iussisse cruentas,

3) *al.* Burgundos. 1) *Ms.* prae te merita narraturi
ad bit nonnumquam.

post interrogationes funestas nonnullis adusque discrimina vitae vexatis: et ita erat effusior ad nocendum, ut nullum aliquando damnatorum capitis eriperet morte subscriptionis elogio leni, cum id etiam
 4 Principes interdum fecere saevissimi. Atqui potuit exempla multa contueri maiorum, et imitari peregrina atque interna humanitatis et pietatis, quas sapientes consanguineas ²⁾ virtutum esse definiunt bonas: e quibus haec sufficiet poni. Artaxerxes Persarum ille rex potentissimus, quem Macrochira membri unius longitudo commemoravit, suppliciorum varietates, quas natio semper exercuit cruda, lenitate genuina castigans, tiaras ad vicem caputum quibusdam noxiis amputabat: et ne secaret aures more regio pro delictis, ex galeris fila pendentia praecidebat: quae temperantia morum ita tolerabilem eum fecit et verecundum, ut adnitentibus cunctis multos et mirabiles actus impleret Graecis scri-
 5 ptoribus celebratos. Praenestino praetore, qui bello quodam Samnitico properare iussus ad praesidium venerat segnius, ad crimen diluendum exhibitum, Papirius Cursor ea tempestate dictator securem per lictorem expediri, homineque abiecta purgandi se fiducia stupefacto, visum prope fruticem iussit abscidi: hocque ioci genere castigatum eum absolvit, non ideo ³⁾ contemptus, ut qui bella diuturna per se superavit et gravia, solus ad resistendum aptus Alexandro Magno, si calcasset Italiam, aestimatus. Haec forsitan Valentinianus ignorans, minimeque reputans ad afflicti solatia status semper esse lenitudinem Principum, poenas per ignes augebat et gladios: quod ultimum in adversis rebus remedium pietas reperit maiorum, ut Isocratis memorat pulchritudo: cuius vox est perpetua docentis,

2) Ms. virtutum. 3) Ms. contemptus vis bella diuturna parum
 lius ad resist.

ignosci debere interdum armis superato rectori, quam, iustum quid sit, ignorant. Unde motum 7 existimo Tullium praeclare pronuntiasse, cum defenderet Oppium: *Etenim multum posse ad salutem alterius, honori multis; parum potuisse ad exitium, probra nemini umquam fuit.*

Aviditas plus habendi sine honesti pravique dif- 8 ferentia, et indagandi quaestus varios per alienae vitae naufragia, exundavit in hoc Principe flagrantius adulescens. Quam quidam praetendentes Imperatorem Aurelianum, purgare tentabant, id adfirmando, quod, ut ille post Gallienum et lamentabiles rei publicae casus exinauito aerario, torrentis ritu ferebatur in divites: ita hic quoque post procinctus Parthici clades magnitudine indigens impensarum, ut militi supplementa suppeterent et impendium, crudelitati cupiditatem opes nimias congerendi miscebat: dissimulans scire, quod sunt aliqua, quae fieri non oportet, etiam si licet; Themistoclis illius veteris 4) dissimilis: qui cum post pugnam agminaque deleta Persarum licenter obambulans, armillas aureas vidisset humi proiectas et torquem: *Tolle*, inquit, *haec*, ad comitum quemdam prope adstantem, *vere quia Themistocles non es*: quodlibet spernens in duce magnanimo 5) lucrum. Huius exempla continentiae similia plurima 9 in Romanis exuberant ducibus: quibus omissis, quoniam non sunt perfectae virtutis indicia (nec enim aliena non rapere laudis est) unum ex multis constans innocentiae vulgi veteris specimen ponam. Cum proscriptorum locupletes domus diripiendas Romanae plebi Marius dedisset et Cinna, vulgi rudes animi, sed humana soliti respectare, alienis laboribus pepercerunt: ut nullus egens reperiretur aut infimus, qui de civili luctu fructum contrectare pateretur sibi concessum.

4) Ms. verisimilis. 5) Ms. lucrum Huius.

10 Invidia praeter haec antedictus medullitus urebatur: et sciens pleraque vitiorum imitari solere virtutes; memorabat assidue, ⁶⁾ severitatem rectae potestatis esse individuum sociam. Utque sunt dignitatum apices maximi licere sibi cuncta existimantes, et ad ⁷⁾ supplicandum contrarios exturbandosque meliores pronius inclinati, bene vestitos oderat et eruditos, et opulentos, et nobiles: et fortibus detrahebat, ut solus videretur bonis artibus eminare: quo vitio exarsisse Principem legimus Hadrianum.

11 Arguebat hic idem Princeps timidos saepius, maculosos tales adpellans et sordidos, et intra sortem humilem amandandos: ad pavores irritos aliquoties abiectius pallens, et quod nusquam erat
12 ⁸⁾ ima mente formidans. Quo intellecto magister officiorum Remigius, cum eum ex incidentibus ira fervere sentiret, fieri motus quosdam barbaricos inter alia subserebat: hocque ille audito, quia timore mox frangebatur, ut Antoninus Pius erat serenus et clemens. Iudices numquam consulto malignos elegit: sed si semel promotos agere didicit immaniter, Lycurgos invenisse se praedicabat et Cassios, columnina Iustitiae prisca: scribensque hortabatur assidue, ut noxas vel leves acerbius vindicarent.
14 Nec afflictis, si fors ingruisset inferior, erat ullum in Principis benignitate perfugium: quod semper ut agitato mari iactatis, portus patuit exoptatus. *Finis enim iusti imperii, ut sapientes docent, utilitas obedientium aestimatur et salus.*

1 IX. Consentaneum est venire post haec ad eius actus sequendos recte sentientibus et probandos: cum quibus si reliqua temperasset, vixerat ut Traianus

6) Ms. livorem severitatem. 7) Ms. supplicandum. 8) Ms. im-
menta. 9) ima mente.

ianus et Marcus. In provinciales admodum parcus, tributorum ubique molliens sarcinas: oppidorum et limitum conditor tempestivus: militaris disciplinae censor eximius, in hoc tantum deerrans, quod, cum gregariorum etiam levia puniret errata, potiorum ducum flagitia progredi linebat in maius, ad querelas in eos motas aliquoties obsurdescens: unde Britannici strepitus, et Africanæ clades, et vastitas emerfit Illyrici.

Omni pudicitiae cultu domi castus et foris, nullo contagio conscientiae violatus obscenae, nihil in-cestum: hancque ob causam tamquam retinaculis petulantiam frenarat aulae regalis: quod custodire facile potuit, necessitudinibus suis nihil indulgens, quas aut in otio reprimebat, aut mediocriter honoravit, absque fratre, quem temporis compulsus angustis, in amplitudinis suae societatem adsumpsit.

Scrupulosus in deferendis potestatibus cellis: nec imperante eo provinciam nummularius rexit, aut administratio venundata, nisi inter [initia] ut solent occupationis spe vel impune quaedam scelestæ committi.

Ad inferenda propulsandaque bella sollertissimus, cautus; aestu Martii pulveris induratus; boni praveque suafor et dissualor admodum prudens, militaris rei ordinum scrutantissimus: scribens decore, venusteque pingens et fingens, et novorum inventor armorum: memoria sermoneque incitato quidem, sed raro, facundiae proximo vicens; amator munditiarum, laetusque non profusis epulis sed exultis.

Postremo hoc moderamine principatus inclaruit, quod inter religionum diversitates medius stetit, nec quemquam inquietavit, neque, ut hoc coleretur, imperavit aut illud: nec interdictis minacibus subiectorum cervicem ad id, quod ipse coluit

¹⁾ inclinabat, sed intemeratas reliquit has partes, ut reperit.

6 Corpus eius lacertosum et validum, capilli fulgor colorisque nitor, cum oculis caesis semper obliquum intuentis et torvum, atque pulchritudo staturae, lineamentorumque recta compago, maiestatis regiae decus implebat.

1 X. Post conclamata Imperatoris suprema, corpusque ¹⁾ curatum ad sepulturam, ut missum Constantinopolim inter divorum reliquias humaretur: suspenso instante procinctu, anceps rei timebatur eventus cohortibus Gallicanis, quae non semper dicatae legitimorum Principum fidei, velut imperiorum arbitrae, ausurae novum quiddam in tempore sperabantur: ²⁾ hoc tentandae novitati res adiuvante, quod gestorum ignarus etiamtum Gratianus agebat tum apud Treveros, ubi profecturus eum morari disposuerat pater. Cum negotium in his esset angustiis, et tamquam in eadem navi futuri periculorum, si accidissent, participes, omnes eadem formidarent: sedit summatum consilio, avulso ponte, quem compaginarat ante necessitas invadens terras hostiles, ut superstitis Valentiniani mandato Mero-
3 baudes protinus acciretur. Hocque ille, ut erat sollertis ingenii, quod evenerat ratus, aut forte doctus ab eo, per quem vocabatur, rupturum concordiae iura Gallicanum militem suspicatus, missam ad se tesseram finxit redeundi cum eo ad observandas Rheni ripas, quasi furore barbarico crudescen-
te: utque erat secrete mandatum, Sebastianum Principis adhuc ignorantem excessum, longius amandavit, quietum quidem virum et placidum, sed militari favore sublatum, ideo maxime tunc cavendum.

1) Ms. voluit. 1) conditum, 2) hoc tentandae novitati res.

Reverso itaque Merobaude, altiore cura pro-4
 spectum, expedito consilio Valentinianus puer de-
 functi filius tum quadrimus, vocaretur in Imperium
 cooptandus, centesimo lapide disparatus degensque
 cum Iustina matre in villa, quam Murocinctam ad-
 pellant. Hocque concinenti omnium sententia con-5
 firmato, Cerealis avunculus eius ocius missus, eum-
 dem puerum lectica impositum duxit in castra: sex-
 toque die post parentis obitum Imperator legitime
 declaratus, Augustus nuncupatur more sollemni.
 Et licet, cum haec agerentur, Gratianum indigne 6
 laturum existimantes, absque sui permissu Princi-
 pem alium institutum: postea ³⁾ metus sollicitudine
 discussa vixere securius, quod ille, ut erat benivo-
 lus et peritus, consanguineum pietate nimia dilexit
 et educavit.

3) Ms. mens.

AMMIANI MARCELLINI

RERUM GESTARUM

LIBER XXXI.

Caedis Valentis A. et cladis a Gothis inferendae prodigia. C. I. De Hunnorum, et Alanorum, aliarumque Scythiae Asiaticae gentium sedibus et moribus. II. Hunni Alanos Tanaitas armis aut pactis sibi adiungunt, Gothosque invadunt, ac suis sedibus pellunt. III. Pars maior Gothorum cognomine Thervingorum sinibus suis expulsa permissu Valentis a Romanis transportatur in Thraciam, obsequium et auxilia pollicita. Greuthungi quoque, pars altera Gothorum, furtim ratibus Histrum transeunt. IV. Thervingi fame et inopia pressi ac pessime habiti, ducibus Alavivo et Fritigerno a Valente deficiunt, ac Lupicinum cum suis fundunt. V. Sueridus et Colias Gothorum optimates, una cum suis prius recepti, cur rebellaverint, et caesis Hadrianopolitanis, Fritigerno se adiunxerint, ad diripiendas Thracias conversi. VI. Profuturus et Traianus ac Richomeres pugnant aequo Marte cum Gothis. VII. Clausi intra Aemimontanas Gothi, deinde a Romanis emissi, Thraciam rapinis, caedibus, stupris, incendiisque foedant, et Barzimerem scutariorum tribunum interficiunt. VIII. Frigeridus dux Gratiani Farnobium optimatem cum multis Gothis et Taifalis caedit: reliquis vita et agri circa Padum dati. IX. Lentienses Alamanni a Gratiani A. ducibus proelio superati, rege Priario etiam interfecto; et post deditionem datis Gratiano tironibus, domum redire permissi. X. Sebastianus Gothos spoliis onustos apud Beroeam inopinantes concidit: paucos fuga servavit. Gratianus A. ad patrum Valentem properat, ei contra Gothos laturus

auxilium. XI. Valens A. ante adventum Gratiani cum Gothis pugnare constituit. XII. Gothi omnes in unum coniuncti, nimirum Thervingi ductu Fritigerni R. et Greuthungi ducibus Alatheo et Safrace, cum Romanis acie instructa confligunt, et fuso equitatu, pedites nudatos atque confertos cum maxima strage in fugam coniiciunt. Valens occisus nusquam comparuit. XIII. Valentis A. virtutes et vitia. XIV. Gothi victores Hadrianopolim oppugnant, ubi thesauros suos Valens et imperatoria insignia cum praefecto et consistorianis reliquerat: et omnia frustra experti discedunt. XV. Gothi, Hunnorum Alanorumque copiis auro sibi adiunctis, frustra Constantinopolim tentant. Qua arte Iulius, magister militum trans Taurum, Orientales provincias Gothis exoneraverit. XVI.

Interea et Fortunae volucris rota, adversa prosperis semper alternans, Bellonam furiis in societatem adscitis armabat, maestosque transtulit ad Orientem eventus, quos adventare praesagiorum fides clara monebat et portentorum. Post multa enim, quae vates auguresque praedixere veridice, resultabant canes ululantibus lupis, et querulum quiddam nocturnae volucres tinniebant et flebile, et squalidi Solis exortus hebetabant matutinos diei candores: et Antiochiae per rixas tumultusque vulgares id in consuetudinem venerat, ut quisque vim se pati existimaret, *Vivus ardeat Valens*, licentius clamitaret: vocesque praeconum audiebantur assidue, mandantium congeri ligna ad Valentini lavacri succensionem, studio ipsius Principis conditi. Quae hunc illi impendere exitum vitae modo non aperte loquendo monstrabant. Super his larvale simulacrum Armeniae regis, et miserabiles umbrae paullo ante in negotio Theodori caesorum, per quietem stridendo carmina quaedam nimium horrenda, multos diris terroribus agitabant. ¹⁾ Vagula gurgulione⁴

¹⁾ Mf. Vagulae.

confecto exanimis visa est iacens: cuius mors publicorum funerum aerumnas indicabat amplas et pervulgatas. Denique cum Chalcedonos subverterentur veteres muri, ut apud Constantinopolim aedificaretur lavacrum, ordine resoluta saxorum, in quadrato lapide, qui structura latebat in media, hi Graeci versus incisi reperti sunt, futura plene pandentes:

- 5 ²⁾ Ἀλλ' ὅπῃ ταν νύμφαι δροσερῇ κατὰ ἄστῳ χορείῃ
 Τερπόμεναι στρέψονται εὐστεφείας κατ' ἀγυαῖς,
 Καὶ τεῖχος λουτροῖο πολύστονον ἔσσεται ἄλκαρ,
 Δὴ τότε μυρία Φῦλα πολυσπερέων ἀνθρώπων
 Ἰστρου καλλιρόοιο πόρον περάοντα σὺν αἰχμῇ,
 Καὶ σκυθικὴν ὀλέσει χώραν καὶ μυσίδα γαῖαν,
 Παιονίης δ' ἐπιδάντα σὺν ἐλπίσι μαινομένησιν
 Αὐτοῦ καὶ βιότοιο τέλος καὶ δῆρις ἐφέξει.

- II. Totius autem sementem exitii et cladum originem diversarum, quas Martius furor incendio solito miscendo cuncta concivit, hanc comperimus causam. Hunnorum gens, monumentis veteribus leviter nota, ultra paludes Maeoticas glaciale oceanum accolens, omnem modum feritatis excedit. ³⁾ Ubi quoniam ab ipsis nascendi primitiis infantum ferro sulcantur altius genae, ut pilorum vigor tempestivus emergens corrugatis cicatricibus hebetetur, senescunt imberbes absque ulla venustate, spadonibus similes: compactis omnes firmisque membris, et opimis cervicibus: ³⁾ prodigiosae formae et pauci, ut bipedes exillimes bestias, vel quales in marginandis pontibus effigiati stipites dolantur in-

2) ΜΓ. ΑΛΛΟΠΟΙΑΝ ΝΤΝΦΑΙΔΡΟCΕΡΕ ΚΑΤΑ ΓΑΑC ΤΤΧΟ
 ΡΗΙΤΕΡΙΠΟΜΕΝΕC ΤΡΟΦΟΝΦΕC ΕΥCΤΕΦΕΑ ΚΑΤΑ ΓΥΙΔCΚΑΙ
 ΤΙΧΟCα ΟΙΤ ΡΟΙΟΠω ΑΥCΤΟ ΝΟΝ ΕCCΙ ΚΑΡΑΗΠΟΤΕΔΝΙ
 ΦΥΑΛΑ ΠΟΛΥCΠΕΡΜΟΝΑΝ ΟΡω ΠωΠΙCΤΟΡΟΥ ΚΛΑΥΡΟΟΙΟ
 ΠΟΡΟΝΤΑ CΥΝ ΙΧΜΗ ΚΑΙ CΚΗ ΕΙΚΗΝΛΕ ΤΙΧΟΡΗΝ ΚΑΙ ΜC
 ΔΑΓΑΙΝΙΠΑΙ ΟΝΤC ΔΕΤ ΗΒΑΤΑCΥΝ ΕΛΤΙCΙΜ ΑΙΝΟΜΕΝΕC
 ΤΑΥΤΟΥ ΚΑΙ ΒΙΟΤΟΙΟΤΕΛΟC ΚΑΙ ΔΗΡΕΙΝ ΕΦΕΞΕΙ. 3) Μ
 prodigiosae formae.

compte. In hominum autem figura licet ⁴⁾ insuavi 3
ita visi sunt asperi, ut neque igni, neque saporatis
indigeant cibis, sed radicibus herbarum agrestium
et semicruda cuiusvis pecoris carne vescantur, quam
inter femora sua et equorum terga subfertam, fotu
calefaciunt brevi. Aedificiis nullis umquam tecti: 4
sed haec velut ab usu communi discreta sepulchra
declinant. Nec enim apud eos vel arundine fasti-
gatum reperiri tugurium potest. Sed vagi montes
peragrantes et silvas, pruinas, famem, sitimque
perferre ab incunabulis adsuescunt. Peregre tecta
nisi adigente maxjma necessitate non subeunt: nec
enim apud eos securos existimant esse sub tectis.
Indumentis operiuntur linteis, vel ex pellibus silve- 5
strium murium confarcinatis: nec alia illis domesti-
ca vestis est, alia forensis. Sed semel obsoleti co-
loris tunica collo inserta non ante deponitur aut
mutatur, quam diuturna carie in pannulos defluxe-
rit defrustrata. Galeris incurvis capita tegunt: hir- 6
suta crura coriis munientes haedinis: eorumque
calcei formulis nullis aptati, vetant incedere gressi-
bus liberis. Qua causa ad pedestres parum accom-
modati sunt pugnas: verum equis prope adfixi, du-
ris quidem, sed deformibus, et muliebriter iisdem
nonnumquam insidentes, funguntur muneribus con-
suetis. Ex ipsis quivis in hac natione pernox et
perdius emit et vendit, cibumque sumit et potum,
et inclinatus cervici angustae iumentum, in altum so-
porem adusque varietatem effunditur somniorum.
Et deliberatione super rebus proposita feriis, hoc 7
habitu omnes in commune consultant. Aguntur
autem nulla severitate regali, sed tumultuario opti-
matum ductu contenti, perrumpunt, quidquid in-
ciderit. Et pugnant nonnumquam lacessiti, sed 8
ineuntes proelia cuneatim variis vocibus sonantibus

4) Ms. licet.

torum. Utque ad pernecitatem sunt leves et repentini; ita subito de industria dispersi ⁵⁾ vigescunt, et incompofita acie cum caede vasta discurrent: nec invadentes vallum, nec castra inimica pilantes praee nimia rapiditate cernuntur. Eoque omnium acerrimos facile dixeris bellatores, quod procul missilibus telis, acutis ossibus pro spiculorum acuminis arte mira coagmentatis, sed distinctis: cominus ferro sine sui respectu configunt, hostesque, dum mucronum noxias observant, contortis laciniis illigant, ut laqueatis resistentium membris equitandi vel gradiendi adimant facultatem. Nemo apud eos arat, nec stivam aliquando contingit. Omnes enim sine sedibus fixis, absque lare vel lege, aut ritu stabili dispalantur, semper fugientium similes, cum carpentis, in quibus habitant: ubi ⁶⁾ coniuges taetra illis vestimenta contexunt, et coeunt cum maritis, et pariunt, et adusque pubertatem nutriunt pueros. Nullusque apud eos interrogatus, respondere, unde oritur, potest, alibi conceptus, natusque procul, et longius educatus. Per indutias infidi, inconstantes, ad omnem auram incidentis spei novae perquam mobiles, totum furori incitatissimo tribuentes. Inconsultorum animalium ritu, quid honestum inhonestumve sit, penitus ignorantes: flexiloqui et obscuri, nullius religionis vel superstitionis reverentia aliquando districti: auri cupidine immensa flagrant: adeo permutabiles, et irasci faciles, ut eodem aliquoties die a fociis nullo irritante saepe desciscant, itidemque propitientur nemine leniente.

¹² Hoc expeditum indomitumque hominum genus, externa praedandi aviditate flagrans immani, per rapinas finitimorum grassatum et caedes, adusque ⁷⁾ Alanos pervenit, veteres Massagetarum: qui unde

5) Ms. iugescunt. 6) Ms. coniuges ex villis vest. 7) Ms. Adalam.

sint, vel quas incolant terras (quoniam huc res prolapsa est) consentaneum est demonstrare, geographica perplexitate monstrata, quae diu multa luda, et varia, tandem reperit veritatis interna . . * . . * . . ad . .

Hister advenarum magnitudine fluenti Sauroma-¹³
tas praetermeat adusque amnem Tanaim pertinentes, qui Asiam terminat ab Europa.. Hoc transito, in immensum extensas Scythiae solitudines Alani inhabitant, ex montium adpellatione cognominati, paullatimque nationes conterminas crebritate victoriarum attritas ad gentilitatem sui vocabuli traxerunt ut Persae. Inter hos Neuri mediterranea incolunt¹⁴ loca, vicini verticibus cellis, quos praeruptos geluque torpentes aquilones adstringunt. Post quos Budini sunt, et Geloni perquam feri, qui detractis peremptorum hostium cutibus indumenta sibi, equisque tegmina conficiunt, bellatrix gens. Gelonis Agathyrsi collimitant, interstincti colore caeruleo corpora simul et crines: et humiles quidem minutis atque raris, nobiles vero latis, fucatis et densioribus notis. Post hos Melanchlaenas et Anthro-¹⁵
pophagos palari accepimus; per diversa, humanis corporibus victitantes: quibus ob haec alimenta nefanda desertis, finitimi omnes longa petiere terrarum. Ideoque plaga omnis Orienti aestivo obiecta, usque dum venit ad Seras, inhabitabilis⁸⁾ manlit. Patre alia prope Amazonum sedes¹⁶ Alani sunt Orienti acclines, diffusi per populosas gentes et amplas, Asiaticos vergentes in tractus, quas dilatari adusque Gangen accepi fluvium, interfecantem terras Indorum, mareque inundantem australe.

Ibi partiti per utramque mundi plagam Alani¹⁷ (quorum gentes varias nunc recensere non refert)

8) Mf. transit.

licet dirempti spatiis longis, per pagos, ut Nomades, vagantur immensos: aevi tamen progressu ad unum concessere vocabulum, et summatim omnes Alani cognominantur * mores et media et efferatam
 18 vivendi, sed iam immaturam. * Nec enim ulla sunt illisce tuguria, aut versandi vomeris cura, sed carne et copia victitant lactis, plaustris superfidentes, quae operimentis curvatis corticum per solitudines conferunt sine fine distentas. Cumque ad graminea venerint, in orbiculatam figuram locatis ⁹⁾ farracis serino ritu vescuntur: absumptisque pabulis, velut carpentis civitates impositas vehunt, maresque supra cum feminis coeunt, et nascuntur in his, et ¹⁰⁾ educantur infantes: et habitacula sunt haec illis perpetua; et quocumque ierint, illic genuinum
 19 existimant larem. Armenta prae se agentes cum gregibus pascunt: maximeque equini pecoris est eis sollicitior cura. Ibi campi semper herbescunt, interfitis pomiferis locis: atque ideo transeuntes quolibet, nec alimentis nec pabulis indigent: quod efficit humectum solum et crebri fluminum praeter-
 20 meantium cursus. Omnis igitur aetas et sexus imbellis circa vehicula ipsa versatur, muniisque distringitur mollibus: inventus vero equitandi usu a prima pueritia coalescens, incedere pedibus existimat vile: et omnes ¹¹⁾ multiplici disciplina prudentes sunt bellatores. Unde etiam Persae, qui sunt originitus Scythae, pugnandi sunt peritissimi.
 21 Proceri autem Alani paene sunt omnes et pulchri, crinibus mediocriter flavis, oculorum temperata torvitate terribiles, et armorum levitate veloces, Hunnisque per omnia suppare, verum victu mitiores et cultu: ¹²⁾ latrocinando et venando adusque Maeotica stagna et Cimmerium Bosporon, iti-

9) Ms. farracilis. 10) Ms. educantur. 11) Ms. multipliciplena.
 12) al. la . . . ando.

demque Armenios discurrentes et Mediam. Utque 22
 hominibus quietis et placidis otium est voluptabile;
 ita illos pericula iuvant et bella. Iudicatur ibi bea-
 tus, qui in proelio profuderit animam: senescentes
 enim et fortuitis mortibus mundo digressos, ut de-
 generes et ignavos conviciis atrocibus infectantur:
 nec quidquam est, quod elatius iactent, quam ho-
 mine quolibet occiso: proque exuviis gloriosis, in-
 terfectorum avullis capitibus detractas pelles pro
 phaleris iumentis accommodant bellatoriis. Nec 23
 templum apud eos visitur, aut delubrum, ne tugu-
 rium quidem culmo tectum cerni usquam potest:
 sed gladius barbarico ritu humi figitur nudus, eum-
 que ut Martem, regionum, quas ¹³⁾ circumcircant,
 praefulem verecundius colunt. Futura miro prae- 24
 sagiunt modo: nam rectiores virgas vimineas colli-
 gentes, easque cum incantamentis quibusdam secre-
 tis praestituto tempore discernentes, aperte, quid
 protendatur, norunt. Servitus quid sit ignorabant, 25
 omnes generoso semine procreati: iudicesque etiam
 nunc eligunt, diuturno bellandi usu spectatos. Sed
 ad reliqua textus propositi revertamur.

III. Igitur Hunni pervasis Alanorum regioni- 1
 bus, quos Greuthungis confines Tanaitas consuetu-
 do nominavit, interfectisque multis et spoliatis, re-
 liquos sibi concordandi fide pacta iunxerunt: eisque
 adiunctis, confidentius Ermenrichi late patentes et
 uberes pagos repentino impetu perruperunt, belli-
 colissimi regis, et per multa variaque fortiter facta
 vicinis nationibus formidati. Qui vi subitae pro- 2
 cellae percussus, quamvis manere fundatus et stabi-
 lis diu conatus est, impendentium tamen diritatem
 augente vulgatus fama, magnorum discriminum
 metum voluntaria morte sedavit. Cuius post obi- 3
 tum rex Vithimiris creatus restitit aliquantisper

13) Mf. circumcircunt.

Alanis, Hunnis aliis fretus, quos mercede sociaverat partibus suis. Verum post multas, quas pertulit clades, animam effudit in proelio, vi superatus armorum. Cuius parvi filii Viderichi nomine curam susceptam Alatheus tuebatur et Saphrax, duces exerciti et firmitate pectorum noti: qui cum tempore arcto praeventi abiecissent fiduciam repugnandi, cautius discedentes ad amnem Danaastum pervenerunt, inter Histrum et Borysthenem per camporum ampla spatia diffluentem. Haec ita praeter spem accidisse doctus Athanaricus Thervingorum iudex (in quem, ut ante relatum est, ob auxilia missa Procopio dudum Valens commoverat signa) stare gradu fixo tentabat, surrecturus in vires, si ipse quoque lacefferetur, ut caeteri. Castris denique prope Danaasti margines ac Greuthungorum vallem longius opportune metatis, Munderichum ducem postea limitis per Arabiam, cum Lagarimano et optimatibus aliis adusque vicissimum lapidem misit, hostium speculatu-
6 rous adventum, ipse aciem nullo turbante interim struens. Verum longe aliter, quam rebatur, evenit. Hunni enim (ut sunt in coniectura sagaces) multitudinem esse longius aliquam suspicati, praetermissis quos viderant, in quietem tamquam nullo obstante compositis, rumpente noctis tenebras luna vado fluminis penetrato, id quod erat potissimum elegerunt: et veriti, ne praecursorius index proculagentes absterreat, Atha-
7 naricum ipsum ictu petivere veloci. Eumque stupentem ad impetum primum, ¹⁾ amissis quibusdam suorum, coegerunt ad effugia properare montium praeruptorum. Qua rei novitate maioreque venturi pavore constrictus, a superciliis ²⁾ Gerasi fluminis adusque Danubium Taifalorum terras praestringens, muros altius erigebat: hac lorica diligentia

1) *al.* amicis. 2) *Mf.* Gerasi.

celeri consummata, in tuto locandam securitatem suam existimans et salutem. Dumque efficax opera suscitatur, Hunni passibus eum citis urgebant: et iam opprefferant adventantes, ni gravati praedarum onere destitissent.

Fama tamen late serpente per Gothorum reliquas gentes, quod inusitatum antehac hominum genus ³⁾ modo ruens ut turbo montibus celsis, ex abdito sinu coortum ⁴⁾ adposita quaeque convellit, et corrumpit: populi pars maior, quae Athanaricum attenuata necessariorum penuria deseruerat, quaeritabat domicilium remotum ab omni notitia barbarorum, diuque deliberans, quas eligeret sedes, cogitavit Thraciae receptaculum gemina ratione sibi convenientius, quod et ⁵⁾ caespitis est feracissimi, et amplitudine fluentorum Histri distinguitur ⁶⁾ a barbaris, patentibus iam peregrini fulminibus Martis: hoc quoque idem relidui velut mente cogitare communi.

(A. C. 376.)

IV. Itaque duce Alavivo ripas occupavere Danubii: missisque oratoribus ad Valentem, suscipi se humili prece polcebant, et quiete victuros se pollicentes, et daturos, si res flagitasset, auxilia. Dum aguntur haec in externis, novos maioresque solitis casus versare gentes Arctoas, rumores terribiles diffuderunt: per omne, quidquid ad Pontum a Marcomannis praetenditur, et Quadis, multitudinem barbaram abditarum nationum vi subita sedibus pulsam, circa flumen Histrum vagari cum caritatibus suis disseminantes. Quae res adspersanter a nostris inter initia ipsa accepta est, hanc ob causam, quod illis tractibus non nisi peracta aut sopita

3) Mf. modo nierum. 4) Mf. adpositu. 5) Mf. ceptis. 6) Mf. a barbaris petentibus.

4 audiri procul agentibus confueverant bella. Verum pubescente iam fide gestorum, cui ¹⁾ robur aduentus gentilium addiderat legatorum, precibus et obtestatione petentium citra flumen fuscipi plebem extorrem: negotium laetitiae fuit potius, quam timori, eruditis adulatoribus in maius fortunam Principis extollentibus: quod ex ultimis terris tot tirocinia trahens ei nec opinanti offerret, ut collatis in unum suis et alienigenis viribus invictum haberet exercitum, et pro militari supplemento, quod provinciatim annuum pendebatur, thesauris accederet

5 auri cumulus magnus. Hacque spe mittuntur diversi, qui cum vehiculis plebem transferant truculentam. Et navabatur opera diligens, ne qui Romanam rem everfurus derelingeretur, vel quassatus morbo letali. Proinde permissu Imperatoris transeundi Danubium copiam colendique adepti Thraciae partes, transfretabantur in dies et noctes, navibus ratibusque et cavatis arborum alveis agminatim impositi: atque per annum longe omnium difficillimum, imbriumque crebritate tunc auctum, ob densitatem nimiam contra ictus aquarum nites quidam et natare conati, hausti sunt plures.

6 Ita turbido instantium studio orbis Romani perniciēs ducebatur. Illud sane neque obscurum est neque incertum, infaustos transvehendi barbaram plebem ministros, numerum eius comprehendere calculo saepe tentantes, conquievisse frustratos: quem qui scire velit (ut eminentissimus memorat vates) Libyci velit aequoris idem discere, quam

7 multae zephyro ²⁾ truduntur harenae. Reviviscant tandem memoriae veteres, Medicas acies ductantes ad Graeciam: quae dudum Hellespontum occupantes, et discidio quodam fabrili maris, ubi montonis * pede quaesitum exponunt et turmatim apud

1) *al.* rumor. 2) *Mss.* trudentur.

Doriscum exercitus recensentur, concordante omni posteritate ut fabulosae sunt lectae. Nam postquam 8 innumerae gentium multitudines per provincias circumfusae, pandentesque se in spatia ampla camporum, regiones omnes et cuncta opplevere montium iuga, fides quoque vetustatis recenti documento firmata est. Et primus cum Alavivo suscipitur Frigernus, quibus et alimenta pro tempore et subigendos agros tribui statuerat Imperator.

Per id tempus nostri limitis reſeratis obicibus 9 atque, ut Aetnaeas favillas armatorum agmina diffundente barbaria; cum difficiles necessitatum articuli correctores rei militaris poscerent aliquos claritudine gestarum rerum notissimos: quasi laevo quodam numine deligente, in unum quaesiti potestatibus praefuere castrensibus homines maculosi: quibus Lupicinus antistabat et Maximus, alter per Thracias Comes, dux alter exitiosus, ambo 3) aemulae temeritatis. Quorum insidiatrix aviditas materia malorum omnium fuit. Nam (ut alia omittamus, quae memorati, vel certe ſinentibus iisdem alii perditis rationibus in commcantes peregrinos adhuc innoxios deliquerunt) illud dicetur (quod nec apud ſui periculi iudices, absolvere ulla poterat venia) triste et inauditum. Cum traducti barbari victus inopia vexarentur, turpe commercium duces invisiſſimi cogitarunt: et quantos undique inſatiabilis colligere potuit canes, pro ſingulis dederunt mancipiis, inter quae [et filii] ducti ſunt optima-
tum.

Per hos dies interea etiam Vithericus Greuthungorum rex cum Alatheo et 4) Saphrace, quorum arbitrio regebatur, itemque 5) Farnobio, propinquans Hiſtri marginibus, ut ſimili ſuſciperetur humanitate obſecravit Imperatorem legatis propere

3) *al.* aemuli. 4) *al.* Aphrace. 5) *Mf.* Farnobio.

13 missis. Quibus, ut communi rei conducere videbatur, repudiatis, et quid capefferent anxii: Athanaricus paria pertimescens abscessit, memor, Valentem dudum cum foederaretur concordia despexisse, adfirmantem se religione devinctum, ne calcaret solum aliquando Romanum, hacque ⁶⁾ causatione Principem firmare pacem in medio flumine coëgisse: quam similitudinem veritus ut adhuc durantem, ad Caucalandensem locum altitudine silvarum inaccessum et montium, cum suis omnibus declinavit, Sarmatis inde extrusis.

1 V. At vero Thervingi iamdudum transire permitti, prope ripas etiamtum vagabantur, duplici impedimento adstricti, quod ducum dissimulatione perniciofa ¹⁾ nec victui congruis sunt adiuti, et tenebantur consulto, nefandis nundinandi commerciis.

2 Quo intellecto, ad perfidiam instantium malorum subsidium ²⁾ vertendi mussabant: et Lupicinus, ne iam deficerent, pertimescens, eos admotis militibus adigebat ocus proficisci.

3 Id tempus opportunum nacti Grethungi, cum alibi militibus occupatis, navigia ultro citroque discurrere solita transgressum eorum prohibentia quiescere prospexissent, ratibus transiere male contextis, castraque a Fritigerno locavere longissime.

4 At ille genuina praevidendi sollertia venturos muniens casus, ut et imperiis obediret et regibus validis iungeretur, incedens segnius, Marcianopolim tarde pervenit itineribus lentis. Ubi aliud accessit atrocius, quod arsuras in commune exitium

5 faces furiales accendit. Alavivo et Fritigerno ad convivium corrogatis, Lupicinus ab oppidi moenibus barbaram plebem opposito milite procul arcebat,

6) Ms. acufatione. 1/2. causatione. 1) al. ne. Ms. ne hoc.
2) Ms. vertendi mussabant.

bat, introire ad comparanda victui necessaria, ut
 ditioni nostrae obnoxiam et concordem, per preces
 adlidue postulantem: ortisque maioribus iurgiis
 inter habitatores et vetitos, adusque necessitatem
 pugnandi est ventum. Efferatique acrius barbari,
 cum necessitudines hostiliter rapi sentirent, spolia-
 runt interfectam militum manum. Quod ³⁾ acci- 6
 dens idem Lupicinus latenti nuntio doctus, dum in
 nepotali mensa ludicris concrepantibus diu discum-
 bens vino marcebat et somno: futuri coniiciens exit-
 um, satellites omnes, qui pro praetorio honoris et
 tutelae causa duces praestolabantur, occidit. Hoc- 7
 que populus, qui muros obsidebat, dolenter ac-
 cepto, ad vindictam detentorum regum, ut opina-
 batur, paullatim augescens, multa minabatur et
 saeva. Utque erat Fritigernus expediti consilii,
 veritus, ne teneretur obsidis vice cum caeteris, ex-
 clamavit, graviore pugnandum exitio, ni ipse ad
 leniendum vulgus lineretur exire cum sociis: quod
 arbitratum humanitatis specie ductores suos occisos,
 in tumultum exarsit. Hocque impetrato egressi
 omnes, exceptique cum plausu et gaudiis, adscensis
 equis evolarunt, moturi incitamenta diversa bello-
 rum. Haec ubi fama rumorum nutrix maligna di- 8
 sperfit, urebatur dimicandi studio Thervingorum
 natio omnis: et inter metuenda multa, periculo-
 rumque praevia maximorum, vexillis de more subla-
 tis, auditisque triste sonantibus classicis, iam tur-
 mae praedatoriae concursabant, pilando villas et
 incendiando, vastisque cladibus, quidquid inveniri
 poterat, permiscentes.

Adversus quos Lupicinus, properatione tumult- 9
 tuaria coactis militibus, temere magis quam consul-
 te progressus, in nono ab urbe milliaro stetit para-
 tus ad decernendum. Barbarique, hoc contempla-

3) Mf. accidens.

to, globos irrupere nostrorum incautos, et parmas suppositis corporibus illidendo, obvios hastis perforabant et gladiis: furoreque urgente cruento, et tribuni et pleraque pars armatorum periere signis ereptis, praeter ducem infaustum, qui ad id solum inventus, ut confligentibus aliis proriperet ipse semet in fugam, urbem cursu concito petiit. Post quae hostes armis induti Romanis, nullo vetante per varia grassabantur.

- 10 Et quoniam ad has partes post multiplices ventum est actus, id lecturos (si qui erunt umquam) obtestamur, ne quis a nobis scrupulose gesta vel numerum exigat peremptorum, qui comprehendi nullo genere potuit. Sufficiet enim, veritate nullo velata mendacio, ipsas rerum digerere summitates: cum explicandae rerum memoriae ubique debeatur integritas fida.
- 11 Negant antiquitatum ignari tantis malorum tenebris obfusam aliquando fuisse rem publicam, sed falluntur malorum recentium stupore confixi. Namque, si superiores vel recens praeteritae evolvantur aetates, tales tamque tristes rerum
- 12 motus saepe contigisse monstrabunt. Inundarunt Italiam ex abditis Oceani partibus Teutones repente cum Cimbris: sed post inflictae rei Romanae clades immensas, ultimis proeliis per duces amplissimos superati, quid potestas Martia ⁴⁾ de habitu prudentiae valeat, radicitus extirpati discriminibus didi-
- 13 cere supremis. Marco itidem moderante Imperium, unum spirando vesania gentium dissonarum, post bellorum fragores immensos, post * eri urbium captarum et direptarum et pessum * concitas proratoris * interitus, partes eorum exiguas reliquisset
- 14 intactas. Verum mox post calamitosa dispendia res in integrum sunt restitutae: hac gratia, quod nondum solutioris vitae mollitie sobria vetustas in-

4) Steph. τὸ de non habet.

fecta; nec ambitiosis mensis, nec flagitiosis quæstibus inhiabat: sed unanimanti ardore summi et infimi inter se congruentes, ad speciosam pro re publica mortem, tamquam ad portum aliquem tranquillum properabant et placidum.

Duobus navium millibus perrupto Bosporo et 15 littoribus Propontidis Scythicarum gentium catervae transgressæ, ediderunt quidem acerbis terrarumque strages: sed amissa suorum parte maxima reverterunt. Ceciderunt dimicando cum barbaris 16 Imperatores Decii, pater et filius. Obsessæ Pamphyliæ civitates, insulae populatæ complures; inflammata Macedonia: omnis diu multitudo Thessalonicam circumfedit, itidemque Cyzicum. Anchialos capta, et tempore eodem Nicopolis, quam indicium victoriae contra Dacos Traianus condidit Imperator. Post clades acceptas illatasque multas 17 et saevas, excisa est Philippopolis, centum hominum millibus (nisi fingunt annales) intra moenia iugulatis. Vagati per Epirum Thessaliamque et omnem Graeciam licentius hostes externi: sed adsumpto in imperium Claudio glorioso ductore, et eodem honesta morte praerepto, per Aurelium acrem virum et severissimum noxarum ultorem pulsi, per longa saecula siluerunt immobiles: nisi quod postea latrocinales globi vicina cum sui exitio 5) rarius incursabant. Verum ea persequar, unde divertì.

VI. Hoc gestorum textu circumlato nuntiis densis, Sacerdus et Colias, Gothorum optimates, cum populis suis longe ante suscepti, et curare apud Hadrianopolim hiberna dispositi, salutem suam ducentes antiquissimam omnium, otiosis animis accidentia cuncta contuebantur. Verum Imperatoris litteris 2

O o 2

5) Ms. rarius.

repente perlatis, quibus transire iussi sunt in Hellespontum, viaticum, cibum, biduique dilationem tribui sibi sine tumore poscebant. Quod civitatis magistratus ferens indigne (succensebat enim iisdem ob rem suam in suburbanis ¹⁾ vastatam) imam plebem omnem cum Fabricensibus, quorum illic ampla est multitudo, productam in eorum armavit exitium: iussisque bellicum canere buccinis, ni abirent ocius, ut statutum est, pericula omnibus minabatur extrema. Quo malo praeter spem Gothi perculsi, et concito quam considerato civium adfultu perterriti, steterunt immobiles: laceratique ad ultimum detestatione atque conviciis, et tentati missilium iactibus raris, ad defectionem erupere confessam: et caesis plurimis, quos impetus deceperat petulantior, ²⁾ averfisque residuis et telorum varietate confixis, habitu iam Romano cadaveribus spoliatis armati, viso propius Fritigerno iunxerunt ³⁾ semet ut morigeri socii, urbemque clausam obdionalibus aerumnis urgebant. In qua difficultate diutius positi, passim et promiscue ruebant: emmensque aliquorum audacia peribat inulta, multaque sagittis et rotatis per fundas lapidibus interiebant. Tunc Fritigernus frustra cum tot cladibus colluctari homines ignaros obsidendi contemplans, relicta ibi manu sufficiente, abire negotio imperfecto suavit, *Pacem sibi esse cum parietibus* memorans, suadensque, ut populandas opimas regiones et uberes absque discrimine ullo, vacuas praefidiis etiamnum adorirentur. Laudato regis consilio, quem cogitatorum norant fore socium efficacem, per Thraciarum latus omne dispersi caute gradiebantur, dediticiis vel captivis vicos uberes ostendentibus, eos praecipue, ubi alimentorum reperiri

1) Mf. et Steph. vastatam imam plebem. 2) al. adversisque. 3) Mf. semet . . . ut.

satias dicebatur: eo maxime adiumento, praeter genuinam erecti fiduciam, quod confluebat ad eos in dies ex eadem gente multitudo, dudum a mercatoribus venundati, adiectis plurimis, quos primo transgressu necati inedia, vino exili vel panis frustis mutavere vilissimis. Quibus accedere sequendarum auri venarum periti non pauci, vectigalium ⁴⁾ perferre posse non sufficientes sarcinas graves: susceptique libenti consensione cunctorum, magno usui iisdem fuere ignota peragrantibus loca, conditoria frugum occulta et latebras hominum et receptacula secretiora monstrando. Nec quidquam nisi inaccessum et devium, prae-euntibus iisdem mansit intactum. Sine distantia enim aetatis vel sexus, caedibus incendiorumque magnitudine cuncta flagrabant: abstractisque ab ipso uberum suctu parvulis et necatis, raptae sunt matres, et viduatae maritis coniuges ante oculos caesis, et puberes adultique pueri per parentum cadavera tracti sunt. Senes denique multi, ad satietatem vixisse clamantes, post amissas opes cum speciosis feminis, manibus post terga contortis, desletisque gentilium favillis aedium, ducebantur extorres.

(A. C. 377.)

VII. Haec ex Thraciis magno maerore accepta: Valentem Principem in sollicitudines varias distraxerunt. Et confestim Victore magistro equitum misso ad Persas, ut super Armeniae statu pro captu rerum componeret impendentium: ipse Antiochia protinus egressurus, ut Constantinopolim interim peteret, Profuturum praemisit et Traianum, ambo rectores, anhelantes quidem altius, sed imbelles. Qui cum ad loca venissent, ubi particulatim perque furta magis et latrocinia multitudo minui deberet

4) *Ms. et Steph.* perferre non posse non sufficientes.

hostilis, ad id, quod erat perniciosum, intempestive conversi, legiones ab Armenia ductas opposuere vesanum adhuc spirantibus barbaris, opere quidem Martio saepe recte compertas, sed impares plebi immensae, quae cellorum iuga montium occuparat
 3 et campos. Hi numeri nondum experti, quid cum desperatione rabies valeret indomita, truso hoste ultra Aemimontis abscisos scopulos faucibus insedere praeruptis, ubi barbaros locis ¹⁾ inclusos, nusquam reperientes exitum diuturna consumeret fames, et opperirentur ipsi Frigeridum ducem, cum Pannonicis et transalpinis auxiliis adventantem, quem petitu Valentis Gratianus ire disposuit in prociuctum, laturum suppetias iis, qui ad ultimum
 4 vexabantur exitum. Post quem Richomeres, domesticorum tunc Comes, imperatu eiusdem Gratiani motus e Galliis, properavit ad Thracias ductans cohortes aliquas nomine tenus: quarum pars pleraque deseruerat (ut iactavere quidam) Merobaudis suasu, veriti, ne destitutae adminiculis Galliae
 5 flarentur licenter Rheno perrupto. Verum articulorum dolore Frigerido praepedito, vel certe, ut obtrectatores finxere malivoli, morbum causante, ne ferventibus proeliis interesset: universos regens ex communi sententia Richomeres Profuturo sociatur et Traiano, tendentibus prope oppidum Salices: unde haud longo spatio separatum vulgus inaestimabile barbarorum, ad orbis rotundi figuram multitudine digesta plaustrorum, tamquam intramuranis cohibitum spatiis, otio fruebatur et ubertate praedarum.

6 Praevia igitur spe meliorum Romani duces, si fors copiam attulisset, ausuri aliquid gloriosum, Gothos, quidquid molirentur, sagaciter observabant: id scilicet praestruentes, ut, si ²⁾ aliorum

1) Ms/ et insulis. 2) Ita Ms. et Steph. vulg. alio.

castra movissent, quod fecere creberrime, terga ultorum adorti plures perfoderent confisi, magnamque spoliis averterent partem. Hoc intellecto 7 hostes, vel transfugarum indiciis docti, per quos nihil latebat incognitum, in eodem loco diu manserunt: sed oppositi exercitus metu praestrici, aliorumque militum, quos adfluere iam sperabant: tefera data gentili, per diversa prope diffusas accivere vastatorias manus, ³⁾ quae [iussis] optimatum acceptis, statim ut incensi malleoli, ad carraginem (quam ita ipsi adpellant) aliti velocitate regressae, incentivum audendi maiora popularibus addiderunt. Nihil post haec inter partes praeter inducias 8 laxatum est breves. Reversis enim his, quos necessitas evocarat, plebs omnis intra saeptorum ambitum etiamtum contrusa, immaniter fremens, animisque concita truculentis, experiri postrema discrimina, nec principibus gentis, qui aderant, renuentibus, cruditate festinabat. Et quoniam haec sole agebantur extremo, noxque adventans ad quietem ⁴⁾ invitos retinebat et maestos, capto per otium cibo, somni manserunt expertes. Contra Romani 9 his cognitis, ipsi quoque exsomnia verebantur hostes, et male sanos eorum ductores ut rabidas feras: eventum licet ancipitem, ut numero satis inferiores, prosperum tamen ob iustiorum sui causam mentibus expectantes impavidis.

Candente itaque protinus die, signo ad arma 10 capienda ex utraque parte per lituos dato, barbari, postquam inter eos ex more iuratum est, tumultuosos locos adpetere tentaverunt: quo exinde per proclive rotarum modo obvios impetu convolverent acriore. Hocque viso ad suos quisque manipulos properans miles, stabili gradu consistens nec vagabatur, nec relictis ordinibus procurabat. Ergo ubi utrimque 11

3) Mf. quae. 4) Mf. et Steph. invisos.

acies cautius incedentes gressu steterunt immobili, torvitate mutua bellatores luminibus se contuebantur obliquis. Et Romani quidem voce undique Martia concinentes, a minore solita ad maiorem protolli, quam gentilitate adpellant barritum, vires validas erigebant. Barbari vero maiorum laudes clamoribus stridebant inconditis: interque varios sermonis dissoni strepitus leviora proelia tentabantur. Iamque verutis et similibus aliis utrimque semet eminus laceffentes, ad conferendas coiere minaciter manus: et scutis in testudinum formam coagmentatis, pes cum pede collatus est. Barbarique ut reparabiles semper et celeres, ingentes clavas in nostros coniicientes ambustas, mucronesque acrius resistentium pectoribus illidentes, sinistrum cornu percurrunt: quod inclinatum subsidialis robustissimus globus, e propinquo latere fortiter excitus, haerente iam ⁵⁾ morte cervicibus, sustentavit. Fervente igitur densis caedibus proelio, in confertos quisque promptior ruens, ritu grandinis undique volitantibus telis oppetebat et gladiis: et sequebantur equites hinc inde fugientibus occipitia lacertis ingentibus praecedentes et terga: itidemque altrinsecus pedites lapsum, timore impeditorum, ⁶⁾ secundo suffragines. Et cum omnia caesorum corporibus opplerentur, iacebant inter eos quidam semianimes, spem vitae inaniter usurpando; alii glande fundis excussa, vel harundinibus armatis ferro confixi: quorundam capita per medium frontis et verticis mucrone distincta, in utrumque humerum magno cum horrore pendebant. Et pertinaci concertatione nondum lassatae, aequo Marte partes semet altrinsecus adflictabant: nec de rigore genuino quisquam remittebat, dum vires animorum alacritas excitaret. Diremit tamen interneciva certa-

5) Mf. morte. 6) Mf. secundos.

mina cedens vespere dies: et cunctis, qua quisque potuit, incompofite discedentibus, relidui omnes repetunt tentoria triftiores. Humatis denique pro¹⁶ locorum et temporis ratione honoratis quibusdam inter defunctos, reliqua peremtorum corpora dirae volucres confumpferunt, adfuetae illo tempore cadaveribus pafci, ut indicant nunc usque albentes offibus campi. Conftat tamen in numero longe minore Romanos, cum ea copiofa multitudine colluctatos, funerea multa perpeffos: non tamen fine deflendis aerumnis exagitaffe barbaram plebem.

VIII. His cafibus proeliorum ita luctuose finitis, noftri proximos Marcianopoleos petivere fecelfus. Gothi intra vehiculorum anfractus fponfe fua contrufi, numquam exinde per dies feptem egredi vel videri funt aufi: ideoque opportunitatem milites nacti, immenfas alias barbarorum catervas inter Aemimontanas anguftias claufe runt aggerum obiectu cellorum: hac fpe nimirum, ut inter Hiftrum et folitudines perniciofa hoftium multitudo compacta, nullosque reperiens exitus periret inedia, cunctis utilibus ad vivendum in civitates validas comportatis: quarum nullam etiamtum circumfedere conati funt, haec et fimilia machinari penitus ignorantes.

Post quae repetivit Gallias Richomeres, ob maiorem proeliorum fremitum, qui ¹⁾ exspectabatur, inde adminicula perducturus. Haec Gratiano quater et Merobaude confulibus agebantur, anno in autumnum vergente. Inter quae Valens audito³ lugubri bellorum direptionumque eventu, Saturninum, equestris exercitus ad tempus cura commiffa, fuppetias Traiano ferentem miffit et Profuturo. Forteque iisdem diebus per Scythiae regiones et⁴ Moesiae omnibus, quae poterant mandi, confumptis, feritate urgente pariter et inopia, barbari

1) Ms. Spectabatur.

[erumpere] molibus magnis ardebant. Hocque saepe tentato cum obruerentur vigore nostrorum per asperitates scruposas valide resistentium: adacti necessitate postrema, Chunorum et Alanorum aliquos ad societatem spe praedarum ingentium adsciverunt.

- 5 Quo cognito Saturninus (iam enim aderat et praetenturas stationesque disponebat agrarias) paulatim colligens suos, digredi parabat consilio non absurdo: ne subita multitudo, uti amnis impulsu undarum obicibus ruptis emissus, convelleret levi negotio cunctos, suspecta loca diutius observantes.
- 6 Deinde post referatas angustias abitumque militis tempestivum, incompofite, qua quisque clauforum potuit, nullo vetante turbandis incubuit rebus: et vastabundi omnes per latitudines Thraciae pandebantur impune, ab ipsis tractibus, quos praetermeat Hister, exorfi, adusque Rhodopen et fretum, quod immensa disternat maria, rapinis et caedibus sanguineque et incendiis, et liberorum corporum corruptelis omnia foedissime permiscentes.
- 7 Tunc erat spectare cum gemitu facta dictu visuque praedira, attonitas metu feminas flagris concrepantibus agitari, fetibus gravidas adhuc immaturis, antequam prodirent in lucem, impia tolerantibus multa: implicatos alios matribus parvulos, et puerum audire lamenta puellarumque nobilium, quarum stringebat fera captivitas manus. Post quae adulta virginitas, castitasque nuptarum ore adsecto flens ultima ducebatur, mox profanandum pudorem optans morte, licet cruciabili, praevenire. Inter quae cum belluae ritu traheretur ingenuus paullo ante dives [et liber] de Fortuna ut inclementi querebatur et caeca, quae cum puncto temporis brevi opibus exutum et dulcedine charitatum domoque extorrem, quam ²⁾ concidisse vidit in cinerem et

2) *al.* concessisse.

ruinas, aut lacerandum membratim, aut servitutum sub verberibus et tormentis duro devovisti victori.

Barbari tamen, velut diffractis caveis bestiae, 9 per spatiorum amplitudines fusius incitati, oppidum petivere nomine Dibaltum, ubi Tribunum scutariorum Barzimerem inventum cum suis, Cornutisque et aliis peditum numeris castra ponentem adfiliunt, eruditum pulvere militari rectorem. Qui confestim 10 (ut adigebat necessitas instantis exitii) iussa canere bellicum tuba, lateribus firmatis, praerupit cum promptis accinctis ad proelium: fortiterque resistendo pari pugnandi sorte discessisset, ni eum equitum adcursum ³⁾ complurium anhelum circumvenisset et fessum. Et ita cecidit interfectis barbarorum non paucis, quorum clades copiarum magnitudo celabat.

IX. Re in hunc modum peracta, Gothi, quid r postea molirentur incerti, quaeritabant Frigeridum, tamquam obicem validum, ubi reperirent, excisuri: et cultiore victu somnoque parumper adsumpto, eum sequebantur ut ferae: docti, quod Gratiani monitu reversus in Thracias, et prope Beroeam vallo metato, eventus rerum speculabatur ancipites. Et hi quidem ad patrandum propositum discursione 2 rapida maturabant. Ille vero regendi conservandique militis non ignarus, id quod cogitatum est, suspicatus, vel exploratorum relatione, quos miserat, aperte instructus, per montium cella silvarumque densitates ad Illyricum redit, erectus prosperitate nimia, quam ei fors obtulit insperata. Repe- 3 dando enim, congregatosque in cuneos sensim progrediens, Gothorum optimatem Farnobium cum vastatoriis globis vagantem licentius occupavit, ducentemque Taifalos nuper in societatem adhibitos: qui, si dignum est dici, nostris ignotarum gentium

3) *al.* quamplurimum.

terrore dispersis, transiere flumen direpturi vacua
 4 defensoribus loca. Eorum catervis subito visis,
 certare comminus dux cautissimus parans, ¹⁾ ador-
 tusque nationis utriusque grassatores minantes
 etiamtum acerba; trucidasset omnes ad unum, ut
 ne nuntius quidem cladis post adpareret, ni cum
 aliis multis perempto Farnobio, metuendo antehac
 incensore barbarum, obtestatus prece impensa su-
 perstitibus pepercisset: vivosque omnes circa Muti-
 nam, Regiumque et Parmam Italica oppida, rura
 5 culturos exterminavit. Hanc Taifalorum gentem
 turpem ac obscenae vitae flagitiis ita accepimus mer-
 sam, ut apud eos nefandi concubitus foedere copu-
 lentur maribus puberes; aetatis viriditatem in eo-
 rum pollutis ulibus consumpturi. Porro, si qui
 iam adultus aprum exceperit solus vel interemerit
 ursum immanem, colluvione liberatur incesti.

- ¹ X. Haec autumnno vergente in hiemem funesti
 per Thracias turbines ²⁾ converrebant: quae tempo-
 rum rabies, velut cuncta cientibus Furiis, ad regio-
 nes quoque longinquas progrediens late serpebat.
² Et iam Lentienfis Alamannicus populus, tractibus
 Raetiarum confinis, per fallaces discursus violato
 foedere dudum concepto, collimitia nostra tenta-
 bat, quae clades hinc exitiale primordium sumpsit.
³ Ex hac natione quidam inter Principis armigeros
 militans, poscente negotio reversus in larem, ut
 erat in loquendo effusior, interrogantes multos,
 quid ageretur in palatio, docet arcessitu Valentis
 patruī Gratianum Orientem versus mox signa motu-
 rum: ut duplicatis viribus repellantur plagarum ter-
 minalium accolae, ad Romanorum verum excidium
 4 coniurati. Quibus avidē Lentienfes acceptis, ipsi
 quoque haec quasi vicini cernentes, ut sunt veloces
 et rapidi, conferti in praedatorios globos, Rhenum

¹⁾ Ms. et Steph. ut priusquam. ²⁾ Ms. converrebant: et quae.

gelu pervium pruiniis Februario mense tendentes prope cum Petulantibus Celtae, non sine sui iactura adstrictos graviter adultis viribus averterunt. Verum retrocedere coacti Germani, atque noscentes exercitus pleramque partem in Illyricum, ut Imperatore mox adfuturo, praegressam, exarsere flagrantius: maioraque conceptantes, pagorum omnium incolis in unum collectis, cum quadraginta armatorum millibus, vel septuaginta, ut quidam laudes extollendo Principis iactitarunt, sublatis in superbiam nostra confidentius irruerunt.

Quibus Gratianus cum formidine magna com-
 pertis, revocatis cohortibus, quas praemisera-
 t in Pannonias, convocatisque aliis, quas in Galliis re-
 tinuerat dispositio prudens, Nannieno negotium
 dedit, virtutis sobriae duci: eique Mallobaudem
 iunxit pari potestate collegam, domesticorum Comi-
 tem, regemque Francorum, virum bellicosum et
 fortem. Nannieno igitur pensante fortunarum ver-
 sabiles casus, ideoque cunctandum esse censente,
 Mallobaudes alta pugnandi cupiditate raptatus, ut
 consueverat, ire in hostem differendi impatiens an-
 gebatur. Proinde horrifico adversum fragore
 2) terrente, primum apud Argentariam signo per
 cornicines dato, concurrere est coeptum: sagittarum
 verutorumque missilium pullibus crebriores hinc
 inde sternebantur. Sed in ipso proeliorum ardore
 infinita hostium multitudine milites visa, vitantes-
 que aperta discrimina, per calles confitas arboribus,
 et angustas, ut quisque potuit, dispersi, paullo
 postea steterere fidentius: et splendore confimili, pro-
 culque nitore fulgentes armorum, imperatorii ad-
 ventus iniecere barbaris metum. Qui repente versi
 in terga, resistentesque interdum, ne quid ultimae
 rationis omitterent: ita sunt caesi, ut ex praedicto

2) *al. torrente.*

numero non plus quam quinque millia, ut aestimabatur, evaderent densitate nemorum tecta, inter complures alios audaces et fortes rege quoque Priorio interfecto, exitialium concitore pugarum.

11 Hac laeti successus fiducia Gratianus erectus, iamque ad partes tendens Eoas, laevior³⁾ flexo itinere latenter Rheno transit, spe incitatio⁴⁾ bona, universam (si id tentanti fors adfuisset) delere statuit

12 malefidam et turbarum avidam gentem. Hocque urgentibus aliis super alios nuntiis cognito, Lentien⁵⁾ses aerumnis populi sui ad internecionem paene deleti, et repentino Principis adventu defixi, quid cape⁵⁾sserent ambigentes, cum neque repugnandi neque agendi aliquid aut moliendi laxamentum possent invenire vel breve, impetu celeri obsessos petiverunt inviis cautibus colles: abruptisque per ambitum rupibus insistentes, rebus caritatibusque suis, quas secum duxerant, omni virium robore propu-

13 gnabant. Qua difficultate perpensa, velut murorum obicibus opponendi per legiones singulas³⁾ quingenteni leguntur armati, usu prudenter bellandi comperti. Qui ea re animorum aucta fiducia, quod versari inter antesignanos vilebatur acriter Princeps, montes scandere nitebantur, tamquam⁴⁾ venaticias praedas, si calcassent editiora, confestim sine certamine ullo rapturi: exorsumque proelium vergente in meridiem die, tenebrae quoque
14 occupavere nocturnae. Quippe magno utriusque partis pugnabatur exitio: caedebant cadebantque nostrorum non pauci: simul arma imperatorii comitatus auro colorumque micantia claritudine, iaculatione ponderum densa confringebantur.

15⁵⁾ Etenim diu reputante Gratiano cum optimatibus, perniciosum adparebat et irritum contra alpe-

3) *al.* quingentini milites leguntur. 4) *al.* venaticas. 5) *ML. Etm. al.* Et inde.

ritates aggerum prominentium intempestiva contendere pertinacia: multis (ut in tali negotio) variatis sententiis, otioso milite circumvallari placuit barbaros inedia fatigatos, quia locorum iniquitate defendebantur. Verum cum obstinatione simili reni-¹⁶ tentes Germani peritique regionum petissent alios montes, his, quos ante infederant, altiores: conversus illuc cum exercitu Imperator, eadem qua antea fortitudine semitas ducentes ad ardua quaeritabat. Quem Lentienfes intentum iugulis suis¹⁷ omni perseverandi studio contemplantes, post dedicationem, quam impetravere supplici prece, oblata (ut praeceptum est) iuventute valida nostris tirociniis permiscenda, ad genitales terras innoxii ire permitti sunt.

Hanc victoriam opportunam et fructuosam, quae¹⁸ gentes hebetavit occiduas, sempiterni numinis nutu Gratianus, incredibile dictu est, quanto cum vigore exserta celeritate aliorum properans expedit: praeclarae indolis adolescens, facundus, et moderatus, et bellicosus, et clemens: ad aemulationem lectorum progrediens Principum, dum etiam tum lanugo genis inserperet speciosa, ni vergens in ludibriosos actus natura, laxantibus proximis semet ad vana studia Caesaris Commodi convertisset, licet hic incruentus. Ut enim ille, quia perimere iacu-¹⁹ lis plurimas feras spectante consueverat populo, et centum leones in amphitheatrali circulo simul emissos telorum vario genere, nullo geminato vulnere contruncavit, ultra hominem exsultavit: ita hic quoque intra saepta, quae adpellant vivaria, sagittarum pullibus crebris dentatas conficiens bestias: incidentia multa parvi ducebat et seria: eo tempore, quo etiam si Imperium Marcus regeret Antoninus, aegre sine collegis similibus et magna sobrietate consiliorum lenire luctuosos rei publicae poterat casus.

20 Dispositis igitur, quae pro temporum captu per Gallias res rationesque poscebant, et punito scutario proditore, qui festinare Principem ad Illyricum barbaris indicarat; Gratianus exinde digressus per castra, quibus Felicis Arboris nomen est, ⁶⁾ per Lauriacum ad opitulandum oppressae parti porrectis itineribus ire tendebat.

21 Iisdemque diebus Frigerido multa atque utilia pro securitate communi sollertissime cogitanti, munireque properanti Succorum angustias, ne discursatores hostes et leves, tamquam ⁷⁾ exaequantur vi torrentes per septentrionales provincias fufius vagarentur; successor Maurus nomine mittitur Comes, venalis ferociae specie, et ad ⁸⁾ cuncta mobilis et incertus: idem, quem praeteritorum textu retulimus, ambigenti super corona capiti imponenda Iuliano Caesari, dum inter eius armigeros militaret ⁹⁾ ac regiam custodiret, torquem obtulisse collo
22 abstractam. Remotusque in ipsa vertigine pereuntium rerum dux cautus et diligens: cum, etiam si dudum discessit in otium, ad procinctum reduci negotiorum magnitudine poscente deberet.

(A. C. 378.)

1 XI. His forte diebus Valens tandem excitus Antiochia, longitudine viarum emensa venit Constantinopolim: ubi moratus paucissimos dies seditioneque popularium levi pulsatus, Sebastiano paullo ante ab Italia, ut petierat, misso, vigilantiae notae ductori pedestris exercitus cura commissa, quem regebat antea Traianus: ipse ad Melanthiada villam Caesarianam profectus, militem stipendio fovebat,
2 et alimentis, et blanda crebritate sermonum. Unde
cum

6) Ms. per inaureacum opitulanda opp. 7) Ms. exaequantur ut in torr. 8) Ms. Steph. cunctam obviallet. 9) Ms. adrogantia.

cum itinere edicto per tesseram ¹⁾ Nicen venisset, quae statio ita cognominatur: relatione speculatorum didicit, refertos opima barbaros praeda a Rhodopeis tractibus ²⁾ prope Hadrianopolim reversisse: qui motu Imperatoris cum abundanti milite cognito, popularibus iungere festinant, circa Beream et Nicopolim ingentibus praefidiis fixis: atque ilico, ut oblatae occasionis maturitas postulabat, cum trecentenis militibus per singulos numeros lectis, Sebastianus properare dispositus est, conducens rebus publicis aliquid (ut promittebat) acturus. Qui itineribus celeratis conspectus prope ³ Hadrianopolim, obsecratis vi portis iuxta adire prohibebatur: veritis defensoribus, ne captus ab hoste veniret et subornatus, atque contingeret aliquid in civitatis perniciem, quale ³⁾ per Actum acciderat Comitem: quo per fraudem Magnentiacis militibus capto, claustra patefacta sunt Alpium Iuliarum. Agnitus tamen, licet sero, Sebastianus, et urbem ⁴ introire permissus, cibo et quiete curatis pro copia, quos ductabat, sequuta luce impetu clandestino erupit: vespераque ⁴⁾ intendente, Gothorum vastatorios cuneos prope flumen Hebrum subito visos, paullisper opertus aggeribus et frutectis, obscura nocte suspensis passibus incompósitos adgressus est: adeoque ⁵⁾ prostravit, ut praeter paucos, quos morte velocitas exemerat pedum, interirent reliqui omnes: praedamque retraxit innumeram, quam nec civitas cepit, nec planities lata camporum. Qua ⁵ causa percitus Fritigernus, et extimescens, ne dux, ut saepe audierat, impetrabilis disperdos licenter suorum globos raptuique intentos consumeret, improvisos adoriens: revocatis omnibus prope Cabylen oppidum cito discessit, ut agentes in regionibus

¹⁾ Ms. Niceam. ²⁾ Ms. praep. Hadrian. ³⁾ Ms. peractum. ⁴⁾ Ms. incendente. ⁵⁾ Ms. prostravit. Steph. praestavit.

patulis nec inedia, nec occultis vexarentur infidiis.

6 Dum haec aguntur in Thraciis, Gratianus docto litteris patruo, qua industria superaverit Alamanos, pedestri itinere, praemissis impedimentis et sarcinis, ipse cum expeditiore militum manu permeato Danubio, delatus Bononiam, Sirmium introiit: et quadriduum ibi moratus, per idem flumen ad Martis castra descendit, febribus intervallatis adflactus: in quo tractu Alanorum impetu repentino tentatus, amisit sequentium paucos.

1 XII. Iisdemque diebus exagitatus ratione gemina Valens, quod Lentienses compererat superatos, quodque Sebastianus subinde scribens facta dictis exaggerabat: e Melanthiade signa commovit, aequiparare facinore quodam egregio adulescentem properans filium fratris, cuius virtutibus urebatur: ducebatque multiplices copias nec contemnendas, nec segnes: quippe etiam veteranos iisdem iunxerat plurimos: inter quos et honoratiores alii, et Traianus procinctus est, paullo ante Magister armorum.

2 Et quoniam exploratione sollicita cognitum est, cogitare hostes fortibus praefidiis itinera claudere, per quae commeatus necessarij portabantur: occursum est huic conatui competenter, ad retinendas opportunitates angustiarum, quae prope erant, pedibus sagittariis et equitum turma citius missa.

3 Triduoque proximo, cum barbari gradu incederent leni, et metuentes eruptionem per devia, quindecim millibus passuum a civitate discreti stationem peterent Nicen: incertum, quo errore, procuratoribus omnem illam multitudinis partem, quam viderant, in numero decem millium esse firmantibus: Imperator procaci quodam calore percussus
4 iisdem occurrere festinabat. Proinde agmine quadrato incedens prope suburbanum Hadrianopoleos venit: ubi vallo sudibus fossaque firmato, Gratia-

num impatienter opperiens, Richomerem Comitem domesticorum suscepit ab eodem Imperatore praemissum cum litteris, ipsum quoque venturum mox indicantibus. Quarum textu oratus, ut praestola- 5 retur paullisper periculorum participem, neve abruptis discriminibus temere semet committeret solum: adhibitis in consilium potestatibus variis, quid facto opus esset, deliberabat. Et cum Seba- 6 stiano auctore quidam protinus eundem ad certamen urgerent: Victor nomine Magister equitum, Sarmata, sed cunctator et cautus, eadem sententiis multis, imperii socium exspectari censebat: ut, incrementis exercitus Gallicani adscitis, opprimeretur levius tumor barbaricus flammans. Vicit ta- 7 men funesta Principis destinatio, et adulabilis quorundam sententia regiorum: qui, ne paene iam partae victoriae (ut opinabantur) confors fieret Gratianus, properari cursu celeri suadebant.

Et dum necessaria parabantur ad decernendum, 8 Christiani ritus presbyter (ut ipsi adpellant) missus a Fritigerno legatus cum aliis humilibus venit ad Principis castra: susceptusque leniter, eiusdemque ductoris obtulit scripta, petentis propalam, ut sibi suisque, quos extorres patriis laribus rapidi ferarum gentium exegere discursus, habitanda Thracia sola cum pecore omni concederetur et frugibus: hoc impetrato, spondentis perpetuam pacem. Praeter 9 haec idem Christianus, ut conscius arcanorum et fidus, secretas alias eiusdem regis obtulit litteras, qui astu et ludificandi varietate nimium sollers, docebat Valentem quasi mox amicus futurus et socius, aliter se popularium saevitiam mollire non posse, vel ad condiciones rei Romanae profuturas allicere, nisi subinde armatum iisdem iuxta monstraret exercitum, et timore imperatorii nominis intentato, eos a pernicioso pugnandi revocaret ardore. Et

legati quidem ¹⁾ ut ambigui frustra habiti discesserunt.

¹⁰ Exoriente vero aurora diei, quem quintum Iduum Augustarum numerus ostendit annalis, signa praepropere commoventur, impedimentis et sarcinis prope Hadrianopoleos muros cum legionum tutela congrua collocatis. Thesauri enim et principalis fortunae insignia caetera, cum praefecto et Con-
¹¹ sistorianis ambitu moenium tenebantur. Decursis itaque viarum spatiis confragosis, cum in medium torridus procederet dies, octavo tandem hostium carpenta cernuntur, ²⁾ quae ad speciem rotunditatis detornata digestaeque exploratorum relatione adfirmabantur. Atque, ut mos est, ululante barbara plebe ferum et triste, Romani duces aciem struxere: et anteposito dextro cornu ³⁾ equitum primo, pedi-
¹² tatus pars maxima subsidebat. Cornu autem equitum laevum disiectis ⁴⁾ adhuc per itinera plurimis, summa difficultate conductum properabat passibus citis. Dumque idem cornu nullo ⁵⁾ etiamtum interturbante extenditur, horrendo fragore sibilantibus armis, pulsuque minaci scutorum territi barbari, quoniam pars eorum cum Alatheo et ⁶⁾ Saphrace procul agens, et ⁷⁾ accita nondum venerat, ⁸⁾ ora-
¹³ tuos pacem misere legatos. Eorum dum vilitatem despicit Imperator, ut firma fierent paciscenda, optimates poscens idoneos mitti: illi de industria cunctabantur, ut inter fallaces indutias equites sui redirent, quos adfore iam sperabant: et miles fervore calefactus aestivo, ficcis faucibus commarceret relucente amplitudine camporum ⁹⁾ incendiis, quos lignis nutrimentisque aridis subditis, ut hoc fieret, iidem hostes urebant. Cui malo aliud quoque ac-

1) τὸ ut deest *al.* 2) τὸ quae *Mf.* et *Steph.* deest. 3) *al.* equitum itinera primo. 4) *al.* adhuc per plurimos. 5) *Mf.* etiamtum. *al.* etiamnum. 6) *al.* Saphrage. 7) *Mf.* accito. 8) *Mf.* foederato raturas. 9) *Mf.* in pondiis quos ignaret.

cedebat exitiale, quod homines et iumenta cruciabat inedia gravis.

Inter quae Fritigernus callidus futuri coniector, ¹⁴ Martemque pertimescens ancipitem, velut caduceatorem unum e plebe suo misit arbitrio, impetens nobiles quosdam et electos ad se propediem obsides mitti, impavidus ipse vim militarem laturus et necessaria. Laudato probatoque formidati Ducis pro- ¹⁵posito, tribunus Equitius, cui tunc erat cura palatii credita, Valentis propinquus, adsentientibus cunctis ire pignoris loco mature disponitur. Quo renitente, quia semel captus ab hostibus, lapsusque a Dibalto, verebatur eorum irrationabiles motus, Richomeres se sponte obtulit propria: ireque promiserat libens, pulchrum hoc quoque facinus et viro convenire existimans forti: iamque pergebat indicia dignitatis ¹⁰) et natalium [daturus.] Eo ad ¹⁶ vallum hostile tendente, sagittarii et scutarii, quos Bacurius Hiberus quidam tunc regebat et Cassio, avidius impetu calenti progressi, iamque adversis connexi, ut immature proruperant, ita inertis discessu primordia belli foedarunt. Hocque impedi- ¹⁷mento conatus intempestivi et Richomeris alacritas fracta est nusquam ire permissi, et equitatus Gothorum cum Alatheo reversus et ¹¹) Saphrace, Alano- rum manu permitta, ut fulmen prope montes cellos excussus, quoscumque accursu veloci invenire comminus potuit, incitata caede turbavit.

XIII. Cumque arma ex latere omni concuterentur et tela, litnosque Bellona luctuosos inflaret, in clades Romanas solito immanius furens: cedentes nostri multis interclamantibus resisterunt: et proelium flammarum ritu crescens, ¹) terrebat militum animos, confixis quibusdam rotatis ictibus iaculo-

¹⁰) Ms. natalium Eo ad. ¹¹) al. Safrage- Alemannorum. ¹) Ms. latius terrebat.

2rum et sagittarum. Deinde collisae in modum ro-
strorum navium acies, trudentesque se vicissim,
undarum specie motibus sunt ²⁾ reciprocis iactitatae.

Et quia sinistrum cornu adusque plaustra ipsa
accessit, ultra (si qui tulissent suppetias) processu-
rum: a reliquo equitatu desertum, multitudine
hostili urgente, sicut ruina aggeris magni oppressum
atque deiectum est: steterunt improtecti pedites,
ita concatervatis manipulis, ut vix mucronem exse-
rere, aut manus reducere quisquam posset. Nec
iam obiectu pulveris caelum patere potuit ad pro-
spectum, clamoribus resultans horrificis. Qua
causa tela undique mortem vibrantia, destinata ca-
debant et noxia, quod nec praevideri poterant nec
3caveri. Verum ubi effusi immensis agminibus bar-
bari iumenta conterebant et viros, et neque ad re-
ceptum confertis ordinibus laxari usquam poterat
locus, et evadendi copiam constipatio densior adi-
mebat: nostri quoque ultimo cadendi contemptu
occurrentes receptis gladiis obtruncabant, et mutuis
securium ictibus galeae perfringebantur atque lori-
4cae. Videreque licebat celsum ferocia barbarum,
genis stridore constrictis, succiso poplite aut abscisa
ferro dextera, vel confosso latere, inter ipsa quo-
que mortis confinia minaciter circumferentem ocu-
los truces: ruinaque confligentium mutua ac humo
corporibus stratis, campi peremptis impleti sunt:
et morientium gemitus profundisque vulneribus
5transfixorum cum timore audiebantur ingenti. In
hoc tanto tamque confusae rei tumultu exhausti la-
bore et periculis pedites, cum deinceps neque vires
illis, neque mentes suppeterent ad consilium, dis-
fractis hastarum plerisque collisione assidua, gladiis
contenti destitutis in confertas hostium turmas mer-
gebant se, salutis immemores, circumspectantes

2) MS. hactainlatae.

ademptum esse omne evadendi suffragium. Et quia 6
 humus rivis operta sanguineis gressus labiles evertē-
 bat, conabantur modis omnibus vitam impendere
 non inultam: adeo magno animorum robore oppo-
 siti incumbētibz, ut etiam telis quidam propriis
 interirent. Atra denique cruoris facie omnia con-
 turbante, et, quocumque se inflexerant oculi, acer-
 vis caesorum adgestis, exanimata cadavera sine par-
 cimoniam calcabantur. Solque sublimior decurso 7
 Leone ad domicilium caelestis Virginis transiens,
 Romanos magis attenuatos inedia sitique confectos,
 etiam armorum gravantibus sarcinis exurebat. Ad
 ultimum incumbēte barbarorum pondere acies in-
 clinatae nostrorum, quod solum postremis malis ha-
 buere subsidium, incondite (qua quisque poterat)
 vertuntur in pedes.

Dumque omnes dispersi per ignotos tramites 8
 cedunt, Imperator diris pavoribus circumsaepus,
 paullatimque infiliens funerum moles, ad Lancea-
 rios confugit et ³⁾ Mattiarios: qui, dum multitudo
 tolerabatur hostilis, fixis corporibus steterant in-
 concussi. Eoque viso Traianus exclamat, spem
 omnem absumptam, ni desertus ab armigeris Prin-
 cept saltem adventicio tegetetur auxilio. Hocque 9
 audito Victor nomine Comes Batavos in subsidiis
 locatos haud procul ad Imperatoris praesidium
 raptim cogere properans, cum invenire neminem
 posset, gradiens retro discessit: parique modo Ri-
 chomeres periculo semet exemit, et Saturninus.

Sequebantur itaque furore ex oculis lucente bar- 10
 bari nostros, iam linquente venarum calore torpen-
 tes: quorum aliqui percussoribus cadebant incertis,
 nonnulli ponderibus solis urgentium obruti, ictuque
 suorum aliqui trucidati: nec enim saepe renitenti-
 bus cedebatur, aut parcebat cedentibus quisquam.

3) Mf. Mattiarios.

- 11 Super his obstruebant itinera iacentes multi femi-
neces, cruciatus vulnerum ⁴⁾ non ferentes: cum
quibus aggeres quoque equorum constrati cadaveri-
bus campos implerunt. Diremit haec numquam
pensabilia damna (quae magno rebus steterē Roma-
nis) nullo splendore lunari nox fulgens.
- 12 Primaque caligine tenebrarum inter gregarios
Imperator, ut opinari dabatur (neque enim vidisse
se quisquam vel praesto fuisse adseveravit) sagitta
perniciose saucius ruit: spirituque mox consumpto
decessit, nec postea repertus est usquam. Hostium
enim paucis, spoliandi gratia mortuos per ea loca
diu versatis, nullus fugatorum vel accolarum illuc
13 adire est ausus. Simili clade Caesarem accepimus
Decium, dimicantem cum barbaris acriter, equi
lapsu prostratum, quem ferventem retinere non
valuit, abiectumque in paludem, nec emergere
14 potuisse nec inveniri. Alii dicunt Valentem ani-
mam non exhalasse confestim, sed cum Candidatis
et spadonibus paucis prope ad agrestem casam rela-
tum secunda contignatione fabre munitam, dum
fovetur manibus imperitis, circumfessum ab ⁵⁾ ho-
stibus, qui esset, ignorantibus, dedecore captivita-
15 tis exemptum. Cum enim oppressulatas ianuas per-
rumpere conati, qui sequuti sunt, a parte penfili
domus sagittis incescerentur, ne per moras inexpe-
dibiles populandi amitterent copiam, congestis sti-
pulae fascibus et lignorum, flammaque supposita,
16 aedificium cum hominibus torruerunt. Unde qui-
dam de Candidatis per fenestram lapsus, captusque
a barbaris prodidit factum, et eos maerore adflixit,
magna gloria defraudatos, quod Romanae rei recto-
rem non cepere superstitem. Is ipse iuvenis occulte
postea reversus ad nostros, haec ita accidisse narra-
17 vit. Pari clade recuperatis Hispaniis, Scipionum
alterum cremata turri, in quam confugerat, ab-

4) Ms. et Steph. in conserentes. 5) Ms. hostilibus.

sumptum incendio hostili comperimus. Illud tamen certum est, nec Scipioni; nec Valenti sepulturam, qui supremitatis honor est, contigisse.

In hac multiplici virorum illustrium clade Tra-¹⁸iani mors eminuit, et Sebastiani: cum quibus xxxv. oppetivere tribuni Vacantes, et numerorum Rectores, et Valerianus atque Equitius: quorum alter stabulum, alter curabat palatium. Inter hos etiam Promotorum tribunus Potentius cecidit in primaeva aetatis flore, bono cuique ⁶⁾ spectatus, meritis Ursicini patris Magistri quondam armorum suisque commendabilis. Constatque vix tertiam evalisse ¹⁹exercitus partem. Nec ulla annalibus praeter Can-¹⁹nensem pugnam ita ad internecionem res legitur gesta, quamquam Romani aliquoties reflante Fortuna fallaciis lusi bellorum iniquitati cesserunt ad tempus: et certamina multa fabulosae neviae flevere Graecorum.

XIV. Periit autem hoc exitu Valens, quinquagesimo anno contiguus, cum per annos quatuor imperasset et decem parvo minus. Cuius bona multis cognita dicemus et vitia. Amicus fidelis et firmus, ²ultor acer ambitionum, severus militaris et civilis disciplinae corrector: pervigil semper et anxius, ne propinquitatem eius praetendens altius semet ferret: erga deferendas potestates vel adimendas nimium tardus: provinciarum aequissimus tutor; quarum singulas ut domum propriam custodiebat indemnes: tributorum onera studio quodam molliens singulari, nulla vectigalium admittens augmenta, in ¹⁾adaerandis reliquorum debitis non molestus; furibus et in peculatu deprehensis iudicibus inimicus asper et vehemens. Nec sub alio Principe in huiusmodi negotiis melius secum actum esse meminit Oriens. Super his omnibus liberalis erat cum moderatione: ³cuius rei licet abundant exempla, unum tamen sus-

6) *al.* spectatus. 1) *al.* requirendis.

ficiet poni. Ut sunt in palatiis nonnulli alienarum rerum avidi, si qui caducum vel aliud petisset ex usu, cum magna iustorum iniustorumque distinctione ²⁾ contradictori copia servata, donabat ei, qui petierat, tres vel quatuor alios absentes aliquoties impetratorum participes iungens: ut castigatius agerent inquieti, lucra, quibus inhiabant, hoc minui ⁴ commento cernentes. Super aedificiis autem, quae per diversas urbes et oppida vel instauravit, vel a primis instruxit auspiciis (ne sim longior) taceo, rebus ipsis id apertius monstrare concedens. Haec bonis omnibus aemulanda sunt, ut existimo: nunc eius vitia percurramus.

⁵ Maguarum opum intemperans adpetitor, laborum impatiens, duritiamque magis adfectans immanem, in crudelitatem proclivior, subagrestis ingenii, nec bellicis, nec liberalibus studiis eruditus: alienis gemitibus libenter emolumenta fructusque conquirens, tuncque magis intolerabilis, cum incidentia crimina ad contemptam vel laesam Principis amplitudinem trahens, in sanguinem saeviebat et ⁶ dispendia locupletum. Illud quoque ferri non poterat, quod, cum legibus lites omnes quaestionesque committere videri se vellet, destinatisque velut lectis iudicibus negotia spectanda mandabat, nihil agi contra libidinem suam patiebatur: iniuriosus alias et iracundus et criminantibus sine differentia veri vel falsi facillime patens: quae vitiorum labes etiam in his privatis quotidianisque rationibus impendio est formidanda.

⁷ Cessator et piger: nigri coloris, pupula oculi unius obstructa, sed ita, ut non eminus adpareret: figura bene compacta membrorum, staturae nec procerae, nec humilis, incurvis cruribus, exstanteque mediocriter ventre.

2) Mf. contradictoris.

Haec super Valente dixisse sufficiet, quae vera 8
 esse aequalis nobis memoria plene testatur. Illud
 autem praeteriri non convenit, quod cum oraculo
 tripodis, quem movisse Patricium docuimus et Hi-
 larium, tres versus illos fatidicos comperisset, quo-
 rum ultimus est, ³⁾ Ἐν πεδίοις Μίμαντος αἰλα καί-
 μένοισ κάρ; hoc, ut erat inconsummatus et rudis,
 inter initia ⁴⁾ contemnebat: processu vero luctuum
 maximorum abiecte etiam timidus, eiusdem fortis
 recordatione Asiae nomen horrebat: ubi, ⁵⁾ Ery-
 thraeo oppido ⁶⁾ superpositum montem Mimanta,
 et Homerum scripsisse et Tullium doctis referenti-
 bus audiebat. Denique post interitum eius disces- 9
 sumque hostilem, prope locum, in quo cecidisse
 existimatus est, inventus dicitur saxeus monumenti
 suggestus, cui lapis adfixus incisus literis Graecis,
 sepultum ibi nobilem quemdam Mimanta veterem
 indicabat.

XV. Post exitialem pugnam, cum iam tenebris
 nox terras impleffet, hi, qui superfuere, dextra
 pars, alii laeva, vel quo metus traxerat, fereban-
 tur, quisque proximos quaerens: cum praeter se
 nihil singuli cernere poterant, occipitiis propriis
 ferrum arbitantes haerere. Audiebantur tamen,
 licet longius, eiulatus miserabiles relictorum, sin-
 gultusque morientium, et vulneratorum cruciabi-
 les fletus.

Luce vero coeptante victores, ut bestiae sangui- 2
 nis irritamento atrocius efferatae, spei inanis illece-
 bris agitati, Hadrianopolim agminibus petivere
 densatis, eam vel cum discriminibus excifuri postre-
 mis: docti per proditores et transfugas, potestatum
 culmina maximarum, et fortunae principalis insignia
 thesaurosque Valentis, illic ut arduo in munimento

3) Mf. ΕΜΗΑΙΔΙΟΙCΙ ΜΙΜΑΝΤΟC ΑΙΛΑΙΑΙΟΜΕΝΟΙΑΡ. Steph.
 ἐν πεδίοις μίμαντος ΑΙΛΑΙΑΙΟΜΕΝΟΙΟ ΑΡ. 4) condemnabat.
 5) Steph. Erichtheo. 6) Mf. superpositum.

3 conditos. Et ne intervallatis ardor intepesceret moris, hora diei quarta ambitu cincto murorum, infestissime certabatur: oppugnatoribus genuina ferocia ad praeceps exitium festinantibus, contraque
4 defensorum vigore validis viribus incitato. Et quia militum calorumque numerus magnus civitatem cum iumentis introire prohibitus, adfixus parietibus moenium aedibusque continuis, pro loci humilitate fortiter decernebat, superaratque rabies imminetium adusque horam diei nonam: subito pedites nostri trecenti, ex his, qui prope ipsas stetero loricas, conferti in cuneum desciverunt ad barbaros: eosque illi avide raptos, confestim (incertum quo consilio) trucidarunt; et ex eo deinceps observatum est, neminem huiusmodi aliquid vel in desperatione
5 rerum ultima cogitasse. Fervente itaque tot malorum congerie, repente cum fragore caelesti imbres nubibus atris effusi dispersere circumfrementium globos: reverfque ad vallum dimensum tereti figura plaustrorum, immanes spiritus latius porrigentes, iuebant nostris per minaces litteras, et legatum *
6 aetatem, fide retinendae salutis accepta. Verum introire non auso, qui missus est, per Christianum quemdam portatis scriptis et recitatis, utque decebat contemplatis, parandis operibus [reliquum] diei et nox omnis ¹⁾ absorpta. Nam intrinsecus filicibus magis obstrusae sunt portae, et moenium intuta firmata: et ad emittenda undique tela vel saxa, tormenta per locos aptata sunt habiles, adgestaque prope sufficiens aqua. Pridie enim dimicantium quidam siti adusque ipsa vitae ²⁾ detrimenta vexati sunt.
7 Contra Gothi reputantes difficiles Martis eventus, auxilique cum sterni et sauciari cernerent fortiores, et particulatim vires suas convelli, astutum iniere consilium, quod ipsa indicante Iustitia publicatum est. Partis enim nostrae Candidatos aliquos,
8

1) *al.* assumpta. 2) *Mf.* defrumenta.

qui die praeterito ad eos defecerant, pellexere, ut simulata fuga velut ad propria remeantes, intra muros suscipi se curarent, ingressique latenter quamdam incenderent partem: ut tamquam signo erecto occultius, dum circa extinguendum incendium distringitur multitudo claustrorum, civitas ³⁾ perumperetur impropugnata. Perrexere, ut statutum est, 9 Candidati: cumque prope fossas venissent, manus tendentes orantesque, ut Romanos semet admitti poscebant. Et recepti (quia nulla erat suspicio quae vetaret) interrogatique super consiliis hostium, variarunt: unde factum est, ut cruenta quaestione vexati, cervicibus perirent abscisis, quid acturi venerant aperte confessi.

Omni itaque bellandi adparatu praestructo, adventante vigilia tertia, barbari, abolito praeteritorum vulnerum metu, in urbis obsecratos aditus multiplicatis ordinibus inundarunt, et ⁴⁾ obstinatione magnatium maiore. At cum armatis provinciales et palatini ad obruendos eos excitatius exsurgabant: et cuiusque modi tela, in multitudine tanta vel temere missa, cadere sine noxa non poterant. Animadversum est a nostris, iisdem telis barbaros uti, quibus petebantur. Ideoque mandatum est, ut nervis ferrum lignumque connectentibus ante iactum incisilis, emitterentur arcu sagittae: quae volitantes vires integras inservabant: infixae vero corporibus, nihil vigoris perdebant, aut certe, si cecidissent in vanum, illico frangebantur. Dedit autem rebus ita 12 flagrantibus grave momentum casus admodum inopinus. Scorpio genus tormenti, quem Onagrum sermo vulgaris adpellat, e regione contra hostium aciem densam locatus, lapidem contorsit ingentem: qui licet humo frustra illisus est, visus tamen ita eos metu exanimavit, ut stupore spectaculi novi cedentes e medio, abire tentarent. Sed buccinis optima- 13

3) Ms. prorumperetur. 4) Ms. obstinationem magnantium mato ea re.

tum monitu occinentibus, instauratum est proelium: et pari modo res Romana superior stetit, nullo ferme alio telo vel ⁵⁾ funditoris amento incassum excusso. Agmina enim prae-euntium ductorum, quos rapiendi Valentis malis lucubrationibus quaesiti cupiditas incendebat, sequuti caeteri prae se ferebant aequiperasse discrimina potiorum: namque semineces aliqui, aut magnis obtriti ponderibus, vel confixi iaculis pectora volvebantur: nonnulli scalas vehendo, ⁶⁾ adscensumque in muros ex latere omni parantes, sub oneribus ipsis obruebantur, contrusis per pronum saxis, et columnarum
 24 fragmentis, et cylindris. Nec ⁷⁾ quemquam furentium cruoris horrenda species ad serum usque diem ab alacritate faciendi fortiter avertebat: hoc incitante, quod etiam defensorum plurimos cadere diversis ictibus videntes eminus laetabantur. Ita sine requie ulla vel modo pro moenibus et contra moenia in-
 15 gentibus animis pugnabatur. Et quia nullo ordine iam, sed per procursus pugnabatur et globos, quod desperationis erat signum extremae, flexo in vespere die digressi omnes rediere ad tentoria tristes, inconsideratae dementiae alter alterum arguentes, quod non, ut suaserat antea Fritigernus, obsidionales aerumnas ubique declinarunt.

1 XVI. Conversi post haec per omne tempus noctis (ut aestivae non longum) ad vulnerum curas artesque medendi gentiles, reddita luce in varias consiliorum vias diducebantur, quorsum tenderent ambigentes: multisque dictatis et controversis, occupare statuunt Perinthum; exinde quaeque divitiarum ⁸⁾ referta: docentibus omnia perfugis, etiam domorum, nedum urbium interna noscentes. Hanc sequuti sententiam, quam utilem existimarunt, itineribus lentis, miscentes cuncta populationibus et incendiis, nullo renitente pergebant.

5) Ms. fundoris. 6) Ms. adscensumque. 7) Ms. quicquam. 8) Ms. refertas.

Obsessi vero apud Hadrianopolim, post eorum ²)
 abitum, cum vacare hoste loca proxima compertae fidei nuntiasse exploratores: egressi media nocte, vitatis aggeribus publicis, per nemorosa et devia, pars Philippopolim; exindeque Serdicam, alii ad ³) Macedoniam, cum intemeratis opibus, quas habebant, omni studio ad properandum exco-
 gitato currebant, velut in regionibus illis reperiendo Valente: quem inter medios certaminum turbines op-
 petiisse, vel certe ad tugurium confugisse (ubi existi-
 matus est vi periisse flammaram) penitus ignorabant.

At Gothi Hunnis Alanisque permisti nimium ³
 bellicosis et fortibus, rerumque asperarum difficul-
 tatibus induratis, quos miris praemiorum illecebris
 sibi sociarat sollertia Fritigerni: fixis iuxta Perin-
 thum castris, ipsam quidem urbem cladium memo-
 res pristinarum nec adire, nec tentare sunt ausi:
 agros vero fertiles late distentos et longe, ad ⁴) ex-
 tremam vastavere penuriam, cultoribus caesis aut
 captis. Unde Constantinopolim, copiarum cumulis ⁴
 inhiantes amplissimis, formas quadratorum agmi-
 num insidiarum metu servantes, ire ocius festina-
 bant, multa in exitium urbis inclitae molituri. Quos
 inferentes sese immodice, obicesque portarum pae-
 ne pulsantes, hoc casu caeleste repulit numen. Sa- ⁵
 racenorum cuneus (super quorum origine moribus-
 que diversis in locis retulimus plura) ad sortem ma-
 gis expeditionalium rerum, quam ad concursatorias
 habilis pugnas, recens illuc accersitus, congressu-
 rus barbarorum globo repente conspecto, a civitate
 fidenter erupit: diuque extento certamine pertinaci,
 aequis partes discessere momentis. Sed Orientalis ⁶
 turma novo neque ante viso superavit eventu. Ex
 ea enim crinitus quidam, nudus omnia praeter pu-
 bem, subraucum et lugubre strepens, educto pu-
 gione agmini se medio Gothorum inseruit, et inter-

²) Mf. et Steph. abitum perduto cum. ³) Mf. Macedoniam cum.
⁴) Mf. penuriam. ⁵) g. extremam vastavere penuriam.

fecti hostis iugulo labra admovit, effusumque cruorem exfluxit. Quo monstroso miraculo barbari ter-
riti, postea non ferocientes ex more, cum agendum
adpeterent aliquid, sed ambiguis gressibus incede-
7 bant. Processu dein ⁵⁾ audacia fracta, cum muro-
rum ambitum insularumque spatiis immensis oblon-
gum, et inaccessas pulcritudines urbis, et incolen-
tium plebem considerarent immensam, iuxtaque
fretum, quod Pontum disternat et Aegaeum, dis-
iectis bellorum officinis, quas parabant, post acce-
pta maiora funera quam illata, exinde digressi sunt
effusorie per Arctoas provincias: quas peragravere
licenter adusque radices Alpium Iuliarum, quas
Venetas adpellabat antiquitas.

8 His diebus efficacia Iulii magistri militiae trans
Taurum enituit salutaris et velox. Comperta enim
fatorum sorte per Thracias, Gothos antea susceptos,
dispersosque per varias civitates et castra, datis te-
ctioribus litteris ad eorum rectores Romanos omnes,
quod his temporibus raro contingit, universos tam-
quam vexillo erecto uno eodemque die mandavit
⁶⁾ occidi, expectatione promissi stipendii securos ad
suburbana productos. Quo consilio prudenti sine
strepitu vel mora completo, Orientales provinciae
discriminibus ereptae sunt magnis.

9 Haec ut miles quondam et Graecus, a principa-
tu Caesaris Nervae exorsus adusque Valentis interi-
tum pro virium explicavi mensura: opus veritatem
professum numquam (ut arbitror) sciens silentio au-
sus corrumpere vel mendacio. Scribant reliqua
potiores, aetate doctrinisque florentes. Quos id
(si libuerit) adgressuros, procudere linguas ad maio-
res moneo stilos.

5) Ms. audaciam fracto. %o. processu dein audaciae infracto.

6) Ms. occidi expectatione.

DE
 CONSTANTIO CHLORO,
 CONSTANTINO MAGNO
 ET ALIIS IMPERATORIBUS
 EXCERPTA AUCTORIS IGNOTI *).

Diocletianus cum Herculio Maximiano imperavit ann. xx. Constantius, Divi Claudii optimi principis nepos ex fratre, protector primum, exin tribunus, postea praeses Dalmatiarum fuit. Iste cum Galerio a Diocletiano Caesar factus est. Relicta enim Helena priore uxore, filiam Maximiani Theodoram duxit uxorem: ex qua postea sex liberos Constantini fratres habuit. Sed de priore uxore Helena filium iam Constantinum habuit, qui postea princeps potentissimus fuit.

Hic igitur Constantinus, natus Helena matre² vilissima in oppido Naïso atque eductus, quod oppidum postea magnifice ornavit, litteris minus instructus, obses apud Diocletianum et Galerium, sub iisdem fortiter in Asia militavit: quem post depositum imperium Diocletiani et Herculii, Constantius a Galerio repetiit: sed hunc Galerius obiecit ante pluribus periculis. Nam et in Sarmatas iuvenis³ equestris militans, ferocem barbarum capillis tentis

*) Haec Excerpta edidere etiam *rerum Italicar. T. XXIV. p. 635.* uterque tamen nil nisi *Henr. Valefium* ad verbum exscripsit.
Sim. Pauli (bibliopola) Argentor. 1664. 8. in *Miscellis antiquae lectionis*, et *Muratorius* in *Scriptt.*

raptum, ante pedes supplicem Galerii imperatoris adduxerat. Deinde, Galerio mittente, per paludem equo ingressus suo, viam caeteris fecit ad Sarmatas, ex quibus plurimis stratis, Galerio victoriam
4 reportavit. Tunc eum Galerius patri remisit. Qui, ut Severum per Italiam transiens vitaret, summa festinatione veredis post se truncatis Alpes transgressus, ad patrem Constantium venit apud Bononiam, quam Galli prius Gesoriacum vocabant. Post victoriam autem Pictorum Constantius pater Eboraci mortuus est, et Constantinus omnium militum consensu Caesar creatus.

5 Interea Caesares duo facti, Severus et Maximinus: Maximino datum est Orientis imperium: Galerius sibi Illyricum, Thracias et Bithyniam tenuit: Severus suscepit Italiam, et quidquid Hercules

6 obtinebat. Postquam vero Constantius in Britannia mortuus est, et Constantinus filius successit, subito in urbe Roma praetoriani milites Maxentium filium Herculi imperatorem crearunt. Sed adversum Maxentium iussu Galerii Severus duxit exercitum.

Qui repente ab omnibus suis desertus est, et Ravennam fugit: dehinc Galerius cum ingentibus copiis Romam venit, minatus civitatis interitum, et castra

7 Interamnae ad Tiberim posuit. Tunc legatos ad urbem misit Licinium et Probum, per colloquium petens, ut gener apud socerum, id est Maxentius apud Galerium precibus magis quam armis optata mercaretur. Qui contemptus, agnovit promissis virorum Maxentii partes suas deseruisse: quibus perturbatus retro versus est, et ut militi suo praedam quamcumque conferret, * flamminia iussit

8 auferri. Ille ad Constantinum refugit. Tunc Galerius in Illyrico Licinium Caesarem fecit. Deinde illo in Pannonia relicto, ipse ad Serdicam regressus, morbo ingenti occupatus sic distabuit, ut aperto et putrescente viscere moreretur, in supplicium

persecutionis iniquissimae ad auctorem scelerati praecepti iustissima poena redeunte. Imperavit ann. XIX.

Severus Caesar ignobilis et moribus et natalibus, ebriosus, et hoc Galerio amicus. Hunc ergo et Maximinum Galerius Caesares fecit, Constantino nihil tale noscente. Huic Severo Pannoniae et Italiae urbes et Africae contigerunt. Quo Caesar Maxentius factus est imperator. Nam desertus Severus a suis, fugit Ravennam. Pro Maxentio filio 10 evocatus illuc venit Herculius, qui per periurium Severum deceptum, custodiae tradidit, et captivi habitu in urbem perduxit, et in villa publica Appiae viae tricesimo milliario custodiri fecit. Postea cum Galerius Italiam peteret, ille iugulatus est, et deinde relatus ad octavum milliarium, conditusque in Gallieni monumento. Igitur Galerius sic ebriosus 11 fuit, ut iuberet temulentus ea, quae facienda non essent, a praefecto admonitus constituerit, ne iussa eius aliquis post prandium faceret.

Interea Constantinus apud Veronam victis duci- 12 bus tyranni, Romam petiit. Cum autem ad urbem Constantinus venisset, egressus ex urbe Maxentius campum supra Tiberim, in quo dimicaret, elegit. Ubi victus, fugatis omnibus suis, inter angustias arcentis populi periit, equo praecipitatus in fluvium. Postera die corpus ipsius levatum flumine, et caput eius incisum, in urbem perlatum est. De cuius origine mater eius cum quaesitum esset, Syro quodam genitum esse confessa respondit. Imperavit ann . . .

Licinius itaque ex nova Dacia vilioris originis, 13 a Galerio factus imperator, velut adversum Maxentium pugnaturus. Sed oppresso Maxentio, cum recepisset Italiam Constantinus, hoc Licinium foedere sibi fecit adiungi, ut Licinius Constantiam foro-

rem Constantini apud Mediolanum duxisset uxorem. Nuptiis celebratis, Gallias repetit Constantinus,
14 Licinio ad Illyricum reverso. Post aliquantum deinde temporis Constantium Constantinus ad Licinium misit, persuadens, ut Bassianus Caesar fieret; qui habebat alteram Constantini sororem Anastasiam: ut exemplo Diocletiani et Maximiani inter Constantinum et Licinium Bassianus Italiam medius
15 obtineret. Et Licinio talia frustrante, per Senicionem Bassiani fratrem, qui Licinio fidus erat, in Constantinum Bassianus armatur. Qui tamen in conatu deprehensus, Constantino iubente convictus et stratus est. Cum Sinicius auctor insidiarum posceretur ad poenam, negante Licinio, fracta concordia est: additis etiam causis, quod apud Aemonam Constantini imagines statuasque deiecerat.
16 Bellum deinde apertum convenit ambobus: utriusque ad Cibalensem campum ductus exercitus. Licinio xxxv. M. peditum et equitum fuere. Constantinus xx. M. peditum equitum duxit. Caesis post dubium certamen Licinianis viginti peditum millibus et equitum ferratorum. Item Licinius cum magna parte equitatus noctis auxilio pervolavit
17 ad Sirmium. Sublata inde uxore ac filio et thesauris, tetendit ad Daciam: Valentem ducem limitis Caesarem fecit. Inde apud Hadrianopolim Thraciae civitatem per Valentem collecta ingenti multitudine, legatos ad Constantinum de pace misit apud Philippos constitutum: quibus frustra remissis, iterum reparato bello, in campo Mardienso ab utroque concurritur, et post dubium ac diuturnum proelium, Licinii partibus inclinatis profuit noctis
18 auxilium. Licinius et Valens credentes Constantinum, quod et verum erat, ad persequendum longius a Byzantio processurum, flexi in partem Beeroeam concesserunt. Ita Constantinus vehementer in ulteriora festinans, deprehendit Licinium reman-

fisse post tergum: fatigatis bello et itinere militibus. Missus deinde Mestrianus legatus pacem petiit, Licinio postulante et pollicente, se imperata facturum. Denuo, sicut ante mandatum est, Valens privatus fieret: quo facto pax ab ambobus firmata est, ut Licinius Orientem, Asiam, Thraciam, Moesiam, minorem Scythiam possideret. Deinde reversus 19 Serdicam Constantinus hoc cum Licinio absente constituit, ut filii Constantini Crispus et Constantinus, filius etiam Licinii Licinius Caesares fierent, et sic ab utroque concorditer regnaretur. Itaque Constantinus et Licinius simul consules facti. In 20 Orientis partibus Licinio, Constantino, repentina rabie fuscitatus Licinius omnes christianos a palatio iussit expelli.

Mox bellum inter ipsum Licinium et Constantinum efferbuit. Item, cum Constantinus Thessalo- 21 nica esset, Gothi per neglectos limites eruperunt, et vastata Thracia et Moesia praedas agere coeperunt. Tunc Constantini terrore et impetu repressi, captivos illi impetrata pace reddiderunt. Sed hoc Licinius contra fidem factum questus est, quod partes suae ab alio fuerint vindicatae. Deinde cum 22 variasset inter supplicandia et superba mandata, iram Constantini merito excitavit. Per tempora, quibus nondum gerebatur bellum civile, sed item parabatur, Licinius scelere, avaritia, crudelitate, libidine saeviebat: occisis ob divitias pluribus, uxoribus eorum corruptis. Rupta iam pace utrius- 23 que exercitus Constantinus Caesarem Crispum cum grandi classe ad occupandam Asiam miserat: cui de parte Licinii similiter cum navalibus copiis Aman- dus obstabat. Licinius vero circa Hadrianopolim 24 maximo exercitu latera ardui montis impleverat. Illuc toto agmine Constantinus inflexit. Cum bellum terra marique traheretur, quamvis per arduum suis nitentibus, attamen disciplina militari et felici-

- tate Constantinus Licinii confusum et sine ordine agentem vicit exercitum, leviter femore sauciatus.
- 25 Dehinc fugiens Licinius Byzantium petit: quo dum multitudo dissipata contenderet, clauso Byzantio Licinius obsidionem terrenam maris securus agibat: sed Constantinus classem collegit ex Thracia. Dehinc solita vanitate Licinius Martinianum sibi
- 26 Caesarem [fecit.] Crispus vero cum classe Constantini Callipolim pervenit, ubi bello maritimo sic Amandum vicit, ut vix per eos, qui in littore remanserant, vivus Amandus effugeret. Classis vero
- 27 Licinii vel oppressa vel capta est. Licinius desperata maris spēs, per quod se viderat obsidendum, Chalcedonam cum thesauris refugit. Byzantium Constantinus invasit, victoriam maritimam Crispo conveniente cognoscens. Deinde apud Chrysopolim Licinius [pugnavit] maxime auxiliantibus Gothis, quos Aliquaca Regalis deduxerat: cum Constantini pars vincens xxv. M. armatorum fudit partis
- 28 adversae, caeteris fugientibus. Postea cum legiones Constantini per Liburnam venire vidissent, projectis armis se dediderunt. Sequenti autem die Constantia soror Constantini, uxor Licinii, venit ad castra fratris, et marito vitam poposcit, et impetravit. Ita Licinius privatus factus est, et convivio Constantini adhibitus: et Martiniano vita con-
- 29 cessa est. Sed Herculii Maximiani soceri sui motus exemplo, ne iterum depositam purpuram in perniciem rei publicae sumeret, tumultu militari exigentibus in Thessalonica iussit occidi; Martinianum in Cappadocia: qui regnavit ann. xix. filio et uxore superstite: quamvis omnibus iam ministris nefariae persecutionis extinctis, hunc quoque in quantum exercere [potuit] persecutorem digna punitio flagitaret.
- 30 Constantinus autem ex Byzantio Constantinopolim nuncupavit ob insigne victoriae: quam velut

patriam cultu decoravit ingenti, et Romae desideravit aequari: deinde, quaelitis ei undique civibus, divitias multas largitus est, ut prope in ea omnes thesauros, regias facultates exhauriret. Ibi etiam Senatum constituit secundi ordinis, Claros vocavit. Deinde adversum Gothos bellum suscepit, et im-31 plorantibus Sarmatis auxilium tulit. Ita per Constantinum Caesarem centum prope millia fame et frigore extincta sunt. Tunc et oblides accepit, inter quos et Ariarici regis filium. Sic cum his 32 pace firmata, in Sarmatas versus est, qui dubiae fidei probantur. Sed servi Sarmatarum adversum omnes dominos rebellarunt: quos pullos Constantinus libenter accepit, et amplius trecenta millia hominum mistae aetatis et sexus per Thraciam, Scythiam, Macedoniam, Italiamque divisit.

Item Constantinus imperator primus christianus, 33 excepto Philippo, qui christianus admodum ad hoc tantum constitutus fuisse mihi visus est, ut millesimus Romae annus Christo potius, quam idolis dicaretur. A Constantino autem omnes semper christiani imperatores usque hodiernum diem creati sunt, excepto Iuliano, quem impia, ut aiunt, machinamentum exitialis vita deseruit. Item Constantinus iusto 34 ordine et pio vicem vertit. Edicto siquidem statuit, citra ullam caedem hominum paganorum templa claudi. Gothorum fortissimas et copiosissimas gentes in ipso barbarico solo, hoc est in Sarmatarum regione delevit.

Calocaerum quemdam in Cypro adspirantem 35 novis rebus oppressit. Dalmatium, filium fratris sui Dalmatii. Eius fratrem Annibalianum data ei Constantina filia sua, Regem regum et Ponticarum gentium constituit. Ita ut Gallias Constantinus minor regebat, Orientem Constantius, Africam, Illyricum et Italiam Constans, ripam Gothicam Dalmatius tuebatur. Item Constantinus cum bel-

lum pararet in Persas, in suburbano Constantinopolitano villa publica iuxta Nicomediam, dispositam bene rem publicam filiis tradens [obiit.] Regnavit ann. xxxi. Sepultus est Constantinopoli

Item ex libris Chronicorum inter caetera.

- 36 Igitur imperante Zenone Augusto Constantinopoli, superveniens Nepos Patricius ad Portum urbis Romae, deposuit de imperio Glycerium, et factus est Episcopus, et Nepos factus imperator Romae. Mox veniens Ravennam: quem persequens Orestes Patricius cum exercitu, metuens Nepos adventum Orestis, ascendens navim fugam petit ad Salonam, et ibi mansit per annos quinque: postea vero a suis occiditur. Mox eo egresso, factus imperator Augustulus.
- 37 Augustulus, qui ante regnum Romulus a parentibus vocabatur, a patre Oreste Patricio factus est imperator. Superveniente Odoacre cum gente Scyrorum, occidit Orestem Patricium in Placentia, et fratrem eius Paulum ad Pineta foris Classem Ravennae.
- 38 Ingressus autem Ravennam deposuit Augustulum de regno, cuius infantiae misertus, concessit ei sanguinem: et quia pulcher erat, tamen donavit ei redditum sex millia solidos, et misit eum intra Campaniam cum parentibus suis libere vivere. Etenim pater eius Orestes Pannotos, qui eo tempore, quando Attila ad Italiam venit, se illi iunxit, et eius notarius factus fuerat. Unde profecit et usque ad Patriciatus dignitatem pervenit.
- 39 Ergo, postquam factus est imperator Zeno a filio suo Leone, qui natus fuerat de filia Leonis Ariadne nomine, regnat cum filio suo anno uno: et merito Leonis regnum remansit apud Zenonem. Zeno vero cum filio iam regnans anno uno, imperavit annos xvi. Isauriae nobilissimus, qui dignus

esset filiam imperatoris accipere, exercitus in arma. Perhibent de eo, quia patellas in genucula non habuisset, sed mobiles fuissent, ut etiam cursu velocissimo ultra modum hominum haberetur. In re publica omnino providentissimus, favens genti suae. Huic insidiabatur Basiliscus, ipse primus senator: 41 quo cognito Zeno aliquantis divitiis petiit Isauriam. At ubi ille egressus est, mox Basiliscus, qui ei, ut dictum est, insidiabatur, arripuit imperium. Basiliscus imperavit annos II. Zeno confortans Isau- 42 ros intra provinciam, deinde misit ad civitatem Novam, in qua erat Theodericus dux Gothorum, filius Walameris, et eum invitavit in solatium sibi adversus Basiliscum, obiectans militem, post biennium veniens, obsidens civitatem Constantinopolim. Sed quia Senatus et populus Zenonem metuentes; 43 ne quid mali pateretur civitas, relicto Basilisco, se illi omnes dederunt aperta civitate. Basiliscus fugiens ad Ecclesiam, intra Baptisterium cum uxore et filiis ingreditur. Cui Zeno dato sacramento securum esse de sanguine, exiens, inclausus cum uxore et filiis intra cisterna sicca, ibidem frigore defecerunt. Zeno recordatus est amore Senatus et 44 populi, munificus omnibus se ostendit, ita ut omnes ei gratias agerent. Senatu Romano et populo tuitus est, ut etiam ei imagines per diversa loca in urbe Roma levarentur. Cuius tempora pacifica fuerunt.

Odoacer vero, cuius supra fecimus mentionem, 45 mox deposito Augustulo de imperio, factus est rex: mansitque in regno annos XIII. Cuius pater Aedico dictus, de quo ita invenitur in libris Vitae beati Severini Monachi intra Pannoniam, qui eum admonuit, et praedixit regnum eius futurum. Ita reperis ad locum. Quidam barbari, cum ad Italiam 46 pergerent, promerendae benedictionis ad eum intuitu diverterunt, inter quos et Odoacer, qui postea

minore Veronense V. Kalendas Octobris. Ibique persequutus est cum Theodericus, et pugna facta, ceciderunt populi ab utraque parte: tamen superatus Odoachar fugit Ravennam pridie Kalendas Octobris. Et perambulavit Theodericus Patricius 51 Mediolanum, et tradiderunt se illi maxima pars exercitus Odoacris, nec non et Tufa magister militum, quem ordinaverat Odoachar cum optimatibus suis Kal. Aprilis. Eo anno missus est Tufa magister militum a Theoderico contra Odoacrem Ravennam. Veniens Faventia Tufa, obsedit Odoacrem cum 52 exercitu, cum quo directus fuerat; et exiit Odoachar de Ravenna, et venit Faventiam, et Tufa tradidit Odoacri Comites Patricii Theoderici, et missi sunt in ferro, et adducti Ravennam.

FAUSTO ET LONGINO. His consulibus Odoachar 53 rex exiit de Cremona et ambulavit Mediolanum. Tunc venerunt Wisigothae in adiutorium Theoderici, et facta est pugna super fluvium Ad-duam, et ceciderunt populi ab utraque parte: et occisus est Pierius comes domesticorum III. Idus Augustas, et fugit Odoachar Ravennam, et mox subsequutus est eum Patricius Theodericus veniens in Pineta, et fixit fossatum, obsidens Odoacrem clausum per triennium Ravenna, et factum est usque ad sex solidos modius tritici. Et mittens legationem Theodericus Faustum, caput Senati, ad Zenonem imperatorem, et ab eodem sperans vestem se induere regiam.

OLYBRIO V. C. Cos. Hoc consule exiit Odoachar 54 rex de Ravenna nocte, cum Herulis ingressus in Pineta, in fossato Patricii Theoderici, et ceciderunt ab utraque parte exercitus, et fugiens Levila magister militum Odoacris, occisus est in fluvio Veiente: et victus Odoacer fugit Ravenna Idibus Iuliis. Igitur coactus Odoachar dedit filium suum Thelane obsidem Theoderico, accepta fide, secu-

55 rum se esse de sanguine. Sic ingressus est Theodericus: et post aliquot dies, dum ei Odoachar insidiaretur, detectus caute ab eo praeventus in palatio, manu sua Theodericus eum in Lauretum praeviente gladio interemit. Cuius exercitus in eadem die iussu Theoderici omnes interfecti sunt, quis ubi potuit reperire cum omni stirpe sua: et moritur Constantinopoli Zeno imperator, et factus est imperator Anastasius.

57 Theodericus enim, qui in legationem direxerat Faustum Nigrum ad Zenonem. At ubi cognita morte eius antequam legatio reverteretur, ut ingressus est Ravenna, et occidit Odoacrem, Gothi sibi confirmaverunt Theodericum regem, non exspectantes iussionem novi Principis. Vir enim bellicosissimus, fortis, cuius pater Walamir dictus rex Gothorum, naturalis tamen eius fuit: mater Ereliva dicta Gothica, Catholica quidem erat, quae
58 in baptismo Eusebia dicta. Ergo praeclarus, et bonae voluntatis in omnibus, qui regnavit annos xxxiii. cuius temporibus felicitas est sequuta Italiam per annos xxx. ita ut etiam pax pergentibus esset.
60 Nihil enim perpere gessit. Sic gubernavit duas gentes in uno Romanorum et Gothorum, dum ipse quidem Arianæ sectae esset, tamen militia Romanis sicut sub Principes esse praecepit. Dona et annonas largitus: quamquam aerarium publicum ex toto feneum invenisset, suo labore recuperavit et opulentum fecit: nihil contra religionem catholicam tentans: exhibens ludos Circensium, et Amphitheatrum, ut etiam a Romanis Traianus vel Valentinianus, quorum tempora sectatus est, adpellaretur, et a Gothis secundum Edictum suum, quem eis constituit, rex fortissimus in omnibus iudicaretur.

61 Hic dum inlitteratus esset, tantae sapientiae fuit, ut aliqua, quae loquutus est, in vulgo usque nunc pro sententia habeantur, unde nos non piget aliqua

de multis eius in commemoratione posuisse. Dixit: Aurum aut daemonem qui habet, non eum potest abscondere. Item: Romanus miser imitatur Gothum: et utilis Gothus imitatur Romanum. Qui- 62
dam defunctus est, et reliquit uxorem, et parvulum filium nescientem matrem. Ab aliquo sublati sunt filius eius parvulus, et ductus in aliam provinciam, et educatus: factus iuvenis quoquomodo revertitur ad matrem, mater enim iam sponderat virum. Cum vidisset mater, amplectitur filium, benedicens Deum, se filium revidisse, et fecit cum eo dies xxx. et ecce veniens sponsus matris, videns iuvenem, interrogavit, quis esset: quae respondit esse suum filium. At ubi comperit esse filium eius, coepit repetere arras et dicere: Aut nega filium tuum esse, aut vere abscedo hinc. Mulier compellitur ab sponso, et coepit negare filium, quem ipsa ante confessa est, et dicere: Vade iuvenis de domo mea, quia peregrinum te suscepi. Ille enim dicebat, regressum se ad matrem in domum patris sui. Quid multa? Dum haec aguntur, filius rogavit regem adversus matrem, quam rex iussit in conspectu suo fisci. Cui et dixit: Mulier, filius tuus adversus te rogat, quid dicis? est filius tuus? an non? Quae dixit: Non est meus filius; sed peregrinum suscepi. Et dum per ordinem omnia filius mulieris intimasset in auribus regis, dicit mulieri denuo: Est filius tuus? an non? quae dixit: Non est filius meus. Dicit ei rex: Et quae est facultas tua, mulier? quae respondit: Usque ad mille solidos. Et tum aliud se rex non esse facturum sub iusiurandum pollicitus est, nisi ipsum alium non acciperet maritum. Tunc confusa est mulier, et confessa est suum esse filium. Sunt eius et multa alia.

Postea vero accepit uxorem de Francis nomine 63
Augostadam. Nam uxorem habuit ante regnum,

de qua susceperat filias: unam dedit nomine Ar-
vagni Alarico regi Wisigotharum in Gallia; et aliam
filiam suam Theodegotham Sigismundo filio Gun-
64 debai regis. Facta pace cum Anastasio imperatore
per Festum de praesumptione regni, et omnia or-
namenta Palatii, quae Odoachar Constantinopolim
transmiserat, remittit.

65 Eodem tempore intentio orta est in urbe Roma
inter Symmachum et Laurentium. Consecrati enim
fuerant ambo. Ordinante Deo, qui eo dignus fuit,
superavit Symmachus. Post facta pace in Urbe
Ecclesiae, ambulavit rex Theodericus Romam, et
occurrit B. Petro devotissimus ac si catholicus.
Cui Papa Symmachus, et cunctus senatus, vel po-
pulus Rom. cum omni gaudio extra urbem occurren-
66 tes. Deinde veniens ingressus urbem, venit ad
senatum, et ad Palmam populo adloquutus, se
omnia, Deo iuvante, quod retro Principes Romani
ordinaverunt, inviolabiliter servaturum promittit.
67 Per tricennalem triumphans populo ingressus Pala-
tium, exhibens Romanis ludos Circensium. Dona-
vitque populo Romano et pauperibus annonas sin-
gulis annis, centum viginti millia modios, et ad
restaurationem palatii, seu ad recuperationem moe-
niae civitatis singulis annis libras ducentas de arca
68 vinaria dari praecepit. Item Amalafrigda germana
sua in matrimonium tradens regi Wandalorum
Transimundo. Liberium praefectum praetorii,
quem fecerat in initio regni sui, fecit Patricium, et
dedit ei successorem in administratione praefecturae.
Itaque Theodorus filius Basilii, Odoim Comes eius
69 infidiabatur ei. Dum haec cognovisset, in palatio,
quod adpellatur Sessorium, caput eius amputari
praecepit. Verba enim promissionis eius, quae
populo fuerat adloquutus, rogante populo in tabula
aenea iussit scribi, et in publico poni.

Deinde sexto mense 'revertens Ravennam, alia 70
germana sua Amalabirga tradens in matrimonio
Herminifrido regi Toringorum: et sic ibi per cir-
cuitum placuit omnibus gentibus. Erat enim ama-
tor fabricarum, et restaurator civitatum. Hic 71
aquaeductum Ravennae restauravit, quem princeps
Traianus fecerat, et post multa tempora aquam in-
trodixit: Palatium usque ad perfectum fecit, quem
non dedicavit: Portica circa palatium perfecit.
Item Veronae thermas, et palatium fecit: et a porta
usque ad palatium porticum reddidit: Aquaedu-
ctum, quod multa tempora destructum fuerat, re-
novavit, et aquam intromisit: Muros alios novos
circuit civitatem. Item Ticenum Palatium, Ther-
mas, Amphitheatrum, et alios muros civitatis fecit.
Sed et per alias civitates multa beneficia praestitit. 72
Sic enim oblectavit vicinas gentes, ut se illi sub
foedus darent, sibi eum regem sperantes. Nego-
tiantes vero de diversis provinciis ad ipsum concur-
rebant. Tanta enim disciplinae fuit, ut, si quis
voluit in agro suo argentum vel aurum dimittere,
ac si intra muros civitatis esset, ita existimaretur.
Et hoc per totam Italiam augurium habebat, ut 73
nulli civitati portas faceret: nec in civitate portae
claudebantur: quis quod opus habebat faciebat,
qua hora vellet ac si in die. Sexaginta modios triti-
ci in solidum ipsius tempore fuerunt, et vinum tri-
ginta amphoras in solidum.

Eodem itaque tempore habebat Anastasius Imp. 74
tres nepotes, id est Pompeium, Probum, et Hy-
patium: cogitans, quem de ipsis faceret post se im-
peratorem, quadam die iussit eos secum prandere,
et intra palatium post prandium meridiari, et sin-
gula lecta eis sterni. Et in uno lecto iussit ad capite
regnum poni, et quis de ipsis in eodem lecto elegis-
set dormire, in hoc se debere cognoscere, cui

- regnum postea traderet. Unus quidem in uno lecto se iactavit, duo enim in alio amore fraterno se collocaverunt. Et ita contigit, ut in illo lecto, ubi regnum positum erat, nullus eorum dormiret.
- 75 Dum haec vidisset, coepit cogitare intra se et dicere, eo quod nullus eorum regnaret: coepit orare Deum, ut illi revelatio fieret, ut scire pollit, dum adviveret, qui post occasum eius regnum susciperet. Haec eodem cogitante et orante cum ieiunio, quodam noctu vidit hominem, qui ita eum admonuit: Craftino qui tibi primus intra cubiculum nuntiatus
- 76 fuerit, ipse accipiet post te regnum tuum. Ita factum est, ut Iustinus, qui comes erat excubitorum, dum advenisset, ubi directus fuerat ab imperatore, renuntiaret: ipse ei nuntiatus est primus per praepositum cubiculi. Cumque haec cognovisset, coepit gratias Deo referre, qui ei dignatus est revelare
- 77 successorem. Cumque haec apud se tacite habuisset, quodam die procedens Imperator, dum festinus vellet a latere Imperatoris transire, obsequium ordinare vellens, calcavit chlamydem Imperatoris:
- 78 cum Imperator hoc tantum dixit: Quid festinas? Nam ultima vita regni sui temptans eum diabolus, volens sectam Eunomiauam sequi: quem populus fidelis repressit, ita ut ei in Ecclesia clamaretur: In Trinitate lanceola non mittis. Non post multum temporis in lecto suo intra urbem Constantinopolim morbo tentus extremam clausit diem.
- 79 Igitur rex Theodericus illiteratus erat, et lic obruto sensu, ut in decem annos regni sui quatuor litteras subscriptionis edicti sui discere nullatenus potuisset. De qua re laminam auream iussit interrasilem fieri, quatuor litteras regis habentem, Theod. ut si subscribere voluisset, posita lamina super chartam, per eam penna duceret, et subscriptio eius tantum videretur.

Ergo

Ergo Theodericus, dato consulatu Eutharico, 80
Romae et Ravennae triumphavit, qui Eutharicus
nimis asper fuit, et contra fidem catholicam inimi-
cus. Post haec Theoderico Veronae consistente 81
propter metum gentium, facta est lis inter Christia-
nos et Iudaeos Ravennae: quare Iudaei baptizatos
nolentes dum livident, frequenter oblatam in aqua
fluminis iactaverunt. Dehinc accensus est populus
non reservantes neque regi neque Eutharico, aut
Petro, qui tunc episcopus erat, consurgentes ad
Synagogas, mox eas incenderunt: quod et in cena
eadem similiter contigit. Mox Iudaei currentes 82
Veronam, ubi rex erat, agente Triwane praeposito
cubiculi: et ipse haereticus favens Iudaeis, insi-
nuans regi factum adversus Christianos: qui mox
iussit propter praesumptionem incendii, ut omnis
populus Romanus Ravennates Synagogas, quas in-
cendio concremaverunt, data pecunia restaurarent:
qui vero non habuisset unde dare, frustrati per pu-
blicum sub voce praeconis ducerentur. Data prae-
cepta ad Euthericum Cilligam, et Petrum episco-
pum secundum hoc tenore praecepit: et ita adim-
pletum est.

Ex eo enim invenit diabolus locum, quemad- 83
modum hominem, bene rem publicam sine querela
gubernantem, subreperet. Nam mox iussit ad fontic-
ulos in proastio civitatis Veronenlis oratorium S.
Stephani, idem situm altarium subverti. Item ut
nullus Romanus arma usque ad cultellum uteretur
vetuit. Item mulier pauper de gente Gothica, 84
iacens sub porticu non longe a palatio Ravennae,
quatuor generavit dracones: duo de Occidente in
Orientem ferri in nubibus a populo visi sunt, et in
mari praecipitari; duo portati sunt unum caput ha-
bentes. Stella cum facula adparuit, quae dicitur

R r

cometes, splendens per dies xv. et terrae motus frequenter fuerunt. Post haec coepit adversus Romanos rex subinde fremere inventa occasione. Cyprianus, qui tunc Referendarius erat, postea Comes Sacrarum et Magister, actus cupiditate, insinuans de Albino Patricio, eo quod litteras adversus regnum eius imperatori Iustino misisset: quod factum dum revocitus negaret, tunc Boëthius Patricius, qui magister officiorum erat, in conspectu regis dixit: Falsa est insinuatio Cypriani: sed si Albinus fecit, et ego, et cunctus senatus uno consilio fecimus, falsum est, domine rex. Tunc Cyprianus haesitans, non solum adversus Albinum, sed et adversus Boëthium eius defensorem, deducit falsos testes adversus Albinum. Sed rex dolum Romanis tendebat, et quaerebat, quemadmodum eos interficeret: plus credidit falsis testibus, quam senatoribus. Tunc Albinus et Boëthius ducti in custodia ad Baptisterium Ecclesiae. Rex vero vocavit Eusebium praefectum urbis Ticini, et inaudito Boëthio, protulit in eum sententiam. Qui mox in agro Calventiano, ubi in custodia habebatur, misit rex, et fecit occidi: qui accepta chorda in fronte diutissime tortus, ita ut oculi eius creparent, sic sub tormenta ad ultimum, cum fuste occiditur.

88 Rediens rex Ravennam, tractans non ut Dei amicus, sed legi eius inimicus, immemor factus omnis eius beneficii et gratiae, quam ei dederat, confidens in brachio suo, item credens, quod eum pertimesceret Iustinus imperator mittens et evocans Ravennam Iohannem sedis apostolicae praesulem, et dicit ad eum: Ambula Constantinopolim ad Iustinum imperatorem, et dic ei inter alia, ut reconciliatos haereticos in catholica restituat religione.

89 Cui papa Iohannes ita respondit: Quod facturus es,

rex, facito citius. Ecce in conspectu tuo adflo. Hoc tibi ego non promitto me facturum, nec illi dicturus sum. Nam in aliis causis, quibus mihi iniunxeris, obtinere ab eodem, annuente Deo, potero. Iubet ergo rex iratus navem praeparari,⁹⁰ et superimpositum eum cum aliis episcopis, id est Ecclesium Ravennatem et Eusebium Fanestrem, Sabinum Campanum, et alios duos simul, et Senatores Theodoro, Importuno, Agapito, et alio Agapito. Sed deus, qui fideles cultores suos non deserit, cum prosperitate perduxit. Cui Iustinus⁹¹ imperator venienti ita occurrit, ac si B. Petro: cui data legatione, omnia repromisit facturum, praeter reconciliatos, qui se fidei catholicae dederunt, Arianis restitui nullatenus posse. Sed dum haec⁹² aguntur, Symmachus, caput senati, cuius Boëthius filiam habuit uxorem, deducitur de Roma Ravennam. Metuens vero rex, ne dolore generi aliquid adversus regnum eius tractaret, obiecto crimine iussit interfici. Revertens igitur Iohannes papa a⁹³ Iustino, quem Theodericus cum dolo suscepit, et in offensa sua eum esse iubet: qui post paucos dies defunctus est. Ergo euntes populi ante corpusculum eius, subito unus de turba abreptus daemonio cecidit, et dum pervenisset cum lectulo ubi lectus erat usque ad hominem, subito sanus surrexit, et praecedebat in exsequias. Quod videntes populi et senatores, coeperunt reliquias de veste eius tollere. Sic cum summo gaudio populi deductus est corpus eius foris civitatem.

Igitur Symmachus Scholasticus Iudaeus iubente⁹⁴ non rege, sed tyranno dictavit praecepta die quarta feria, septimo Kalend. Septembr. Indictione IV. Olybrio consule, ut die dominico adveniente Arianis basilicas catholicas invaderent. Sed qui non pati-⁹⁵

tur fideles cultorēs suos ab alienigenis opprimi, mox intulit in eum sententiam Arii, auctoris religionis eius: fluxum ventris incurrit, et, dum intra triduo evacuatus fuisset, eodem die, quo se gaudebat ecclesias invadere, simul regnum et animam amisit. 96 Ergo antequam exhalaret, nepotem suum Athalaricum in regnum constituit. Se autem vivo fecit sibi monumentum ex lapide quadrato, mirae magnitudinis opus, et saxum ingentem, quem superponeret, inquisivit.

L I P S I A E,

E X O F F I C I N A D Ü R R I A.

*Libri sequentes librariae Weidmanniae Lipsiae
sumtibus sunt editi coemptive pretiisque quae
indicavimus venduntur.*

- Ammiani Marcellini Opera* ex recensione Valesio-Gronoviana per
prosopographiam et Glossarium latinitatis ad studiosorum usum
accommodata curante Aug. Guil. *Ernesti*. 8. mai. 1772. 2 thlr.
- — Idem liber, charta scriptoria. 2 thlr. 12 gr.
- Caesaris*, C. Iulii, Commentarii de bello gallico et civili, acce-
dunt libri de bello Alexandrino, Africano et Hispaniensi, post
Cellarium et S. F. N. *Morum* denuo curavit Ier. Iacob. *Ober-*
linus. 8. mai. 1805. charta impr. 2 thlr. 12 gr.
- — Idem liber, charta belgica. 6 thl.
- — Idem liber, charta script. gall. 3 thlr. 6 gr.
- Calpurnii*, Siculi, T., Eclogae XI. Recognovit, adnotatione et
Glossario instruxit Christ. Dan. *Beck*. 8. 1803. 20 gr.
- Ciceronis*, M. Tullii, Epistolarum libri XVI. cum notis criticis
Traug. Frid. Benedetti. II Tomi. 8. 1790. 2 thlr. 12 gr.
- Cornelii* Nepotis vitae excellentium Imperatorum. Cum animad-
versionibus I. A. *Bosii*, varias lectiones et praefat. addidit Io.
Frid. Fischerus. Editio nova multo auct. et emend. 8. mai.
1806. charta impress. 2 thlr.
- — Idem liber, charta script. gallica 2 thlr. 18 gr.
- — Idem liber, charta belg. opt. 5 thlr.
- Gellii*, Auli, Noctium Atticarum libri XX. sicut supersunt. Edi-
tio Gronoviana. Praefatus est et excursus operi adiecit Io. Lu-
dov. *Conradi*. II Tomi. 8. mai. 1762. 4 thlr.
- Q. Horatii* Flaccus ex recensione et cum notis atque emendatio-
nibus Richardi *Bentleii*. II. Tomi. 8. mai. 1764. 4 thlr.
- T. Livii* Patavini Historiarum libri qui supersunt omnes, ex re-
censione Arn. *Drakenborchii* cum indice rerum locupletissimo.
Accellit praeter varietatem lectionis Gronovianae et Creverianae
glossarium Livianum curante Aug. Guil. *Ernesti*. Editio nova
emendatio. Tomus I—V. 8. 1801. 1804. 6 thlr. 8 gr.
- — Idem liber, charta belgica. 10 thlr. 20 gr.
- — Idem liber, charta belg. opt. 12 thlr. 4 gr.
- — Tomus Vtus seu *Glossarium Livianum*, sive Index lati-
nitatis exquisitioris. Ex schedis A. G. *Ernesti* emendavit plu-
rimisque accessionibus locupletavit Godofr. Henr. *Schaefer*. 8.
1804. 2 thlr. 8 gr.
- — Idem liber, charta belgica. 3 thlr. 8 gr.
- — Idem liber, charta belgica optima. 3 thlr. 16 gr.
- Manutii*, Pauli, Commentarius in M. Tullii *Ciceronis* Orationes.
Curavit C. G. *Richter*. 8. mai. 1783. 3 thlr. 8 gr.
- Ovidii*, P. Nasonis, Opera ex recensione Nic. *Heinsii*, cum
eiusd. notis integris, praefatus est Io. Aug. *Ernesti*. Curavit
indicemque verborum copiosissimum adiecit Io. Frid. *Fischerus*.
8. 1773. 1 thlr.

- Senecae*, L. Annaei, Philosophi, Opera omnia, quae supersunt, recognovit et illustravit D. Frid. Ernest. *Ruhkopf*. Vol. I-III. 8. mai. 1797 — 1805. 4 thlr. 12 gr.
 — — Idem liber, charta script. 6 thlr. 4 gr.
 — — Idem liber, charta belgica. 9 thlr.
Silli, Caii, Italici, Punicorum libri XVII. varietate lect. et commentario perpetuo illustravit I. C. T. *Ernesti*. Accedit Index uberrimus. Vol. I. et II. 8. mai. 1791. 92. 2 thlr. 20 gr.
 — — Idem liber, charta scriptoria. 4 thlr.
Taciti, C. Corn., Opera. Ex recensione Io. Aug. *Ernesti* denuo curavit Ier. Iac. *Oberlinus*. II Tomi. 8. mai. 1801. 5 thlr.
 — — Idem liber, charta scriptoria. 7 thlr. 12 gr.
 — — Idem liber, charta belgica. 12 thlr.
 — — C. Corn., Opera. Ex recensione Io. Aug. *Ernesti* denuo curavit I. I. *Oberlinus*, in usum Scholarum. 8. 1801. 1 thlr. 12 gr.
 — — Idem liber, charta scriptoria. 2 thlr.
-

- Aeschyli* Dramata, quae supersunt, et deperditorum Fragmenta. Graece et Latine. Recensuit et brevi annotatione illustravit Frid. Henr. *Bothe*. 8. mai. 1805. charta impr. 2 thlr. 18 gr.
 — — Idem liber, charta script. 4 thlr.
 — — Idem liber, charta belg. 6 thlr.
Anacreontica. Graece. Recensuit notisque criticis instruxit Frid. Henr. *Bothe*. 8. min. 1805. charta anglica. 16 gr.
 — — Idem liber, charta pergam. (Velin). 1 thlr. 4 gr.
Appiani, Alexandrini, Romanarum historiarum quae supersunt. Novo studio conquisivit, digessit, ad fidem codicum manuscriptorum recensuit, supplevit, emaculavit, varietatem lectionum adiecit, latinam versionem emendavit, adnotationibus variorum suisque illustravit, commodis indicibus instruxit Ioannes *Schweighaeuser*. 3 Voll. 8 mai. 1785. 11 thlr.
Arati, Solensis, Phaenomena et Diosemea. Graece et Latine, ad Codd. Msspt. et optimarum editionum fidem recensita. Accedunt Theonis scholia vulgata et emendatiora e Cod. Mosq., Leontii de Sphaera Aratea libellus, etc. curavit Ioann. Theoph. *Buhle*. 2 Volumina, accedunt indices plenissimi cum 2 tab. aeri incis. 8. mai. 1793 et 1801. 4 thlr. 4 gr.
 — — Idem liber, charta script. 5 thlr. 20 gr.
Aristophanis Comoediae, auctoritate libri praeclarissimi saeculi decimi emendatae a Phil. *Invernizio*. Accedunt criticae animadversiones, scholia graeca, indices et virorum doctorum adnotationes. Vol. I. et II. 8. mai. 1794. 4 thlr. 12 gr.
 — — Idem liber, charta belgica. 7 thlr.
Dionis, Cassii, Historia romana. Graece cum versione latina Xylandro-Leunclaviana, curante Ioan. A. *Fabricio* et H. S. *Reimaro*. 2 Volumina in fol. Hamb. 1752. 25 thlr.
Dionysii, Halicarnassensis, Opera omnia, graece et latine. Cum annotationibus Henr. *Stephani*, Frid. *Sylburgii*, Franc. *Porti*, Isaaci *Casauboni*, Fulvii *Ursini*, Henr. *Valesii*, Io. *Hudsoni* et Io. Iac. *Reiske*. VI. Tomi. Vol. I-IV., Antiquitatum Romanarum libros I-XI. tenentia, quibus accessit Henrici *Dodwelli* Chronologia graeco-romana; Vol. V., ex scriptis rhetoricis et criticis librum de compositione verborum, artem rhetoricam, veterum scriptorum censuram et commentarios de an-

- tiquis oratoribus tenens; Vol. VI. et ultimum, ex scriptis rhetoricis et criticis epistolam primam ad *Ammaeum*, epist. ad *Cn. Pompeium*, epist. secund. ad *Ammaeum*, iudicium de *Thucydidis* historiis, et librum de admiranda vi dicendi in *Demosthene* tenens. Quibus accesserunt Indices. 8. mai. Lipsiae 1774 — 77. 16 thlr.
- Epicteti Manuale et Cebetis Tabula*. Graece et latine. Graeca ad fidem veterum librorum denuo recensuit et collata omni lectionis varietate vindicavit illustravitque; Latinam versionem, *Enchiridii* praesertim, ad graec. exempli praescriptum diligenter recognovit et emendavit Ioann. *Schweighaeuser*. 8. mai. 1798. 2 thlr. 8 gr.
- — Idem liber, charta scriptoria. 3 thlr.
- — Idem liber, charta belgica. 4 thlr.
- — Idem liber, charta pergamena (*Velinpapier*). 5 thlr.
- — Idem liber, *graece et latine*. Recensuit curavitque Ioann. *Schweighaeuser*. 12. mai. 1798. 12 gr.
- — Idem liber, charta scriptoria. 16 gr.
- — Idem liber, charta belgica. 1 thlr.
- — Idem liber, *graece*. Ad fidem veterum librorum recensuit Io. *Schweighaeuser*. 12. 1798. 6 gr.
- — Idem liber, charta belgica. 10 gr.
- — *Dissertationum ab Arriano digestarum libri IV. Eiusdem Enchiridion et ex deperditis sermonibus Fragmenta*. Post Io. *Uptoni* plerumque curas denuo ad Codicum Mssptorum fidem recensuit, latina versione, adnotationibus, indicibus illustravit Io. *Schweighaeuser*. III Volumina. 8. mai. 1799. 12 thlr.
- — Idem liber, charta belgica. 20 thlr.
- Etiam sub titulo:*
- Epicteteae Philosophiae Monumenta*. III Volumina. 8 mai.
- Homeri Carmina cum brevi annotatione*, accedunt variae *Lectio- nes et Observationes veterum Grammaticorum cum nostrae aetatis Critica*, curavit C. G. *Heyne*. Tom. I-VIII. quibus continentur *Ilias*, *graece et latine*, et variae lectiones et observationes in *Iliadem*, cum ornamentis XXVIII. aeri incis, et Speciminibus Codd. MSS. V. 8. mai. 1802. charta script. 30 thlr.
- — Idem liber, charta belgica. 50 thlr.
- — Idem liber, sine ornamentis, charta impress. 20 thlr.
- — *Ilias*, cum brevi annotatione curante C. G. *Heyne*, 2 tomi. 8. mai. 1804. charta belgica. 10 thlr.
- — Idem liber, charta scriptoria. 6 thlr.
- — Idem liber, charta impress. 4 thlr.
- — *Hymni et Batrachomyomachia*. Graece et Latine. Recensuit, varietate lectionis instruxit et interpretatus est Aug. *Matthiae*. Accedit Auctarium animadversionum. 8. mai. 1805. 1 thlr. 4 gr.
- — Idem liber, charta scriptoria. 1 thlr. 10 gr.
- (Videantur *Matthiae* Animadv. in hymnos Homericos.)
- — *Hymnus in Cererem*; ad codic. Moscov. denuo coll. recensuit et animadvers. illustravit Christ. Guil. *Mitscherlich*. 8. 1787. 20 gr.
- Matthiae*, Aug., *Animadversiones in Hymnos Homericos*, cum *Prolegomenis de cuiusque consilio, partibus, aetate*. 8. mai. 1800. 1 thlr. 18 gr.
- — Idem liber, charta scriptoria. 2 thlr. 12 gr.

Nicolai Damasceni Historiarum Excerpta et Fragmenta, quae supersunt. Graece. Nunc primum separatim edidit, versionem latinam duplicem, alteram Henr. *Valesii*, hinc inde emendatorem, alteram in locos plerosque Hugonis *Grotii*, notas integras H. *Valesii* aliorumque virorum doctorum undique collectas et suas, nec non testimonia veterum ac recentiorum de Nicolai vita scriptorumque notitia adiecit Ioann. Conr. *Orellius*. Accedit Dissertatio de Nicolao Damasceno gallice scripta auctore *Sevin*. 8. mai. 1804. 1 thlr. 12 gr.

— — Idem liber, charta anglica. 2 thlr. 8 gr.

— — Idem liber, charta belgica. 2 thlr. 16 gr.

Plutarchi, Chaeronensis, quae supersunt, omnia, graece et latine. Principibus ex editionibus castigavit, virorumque doctorum suisque annotationibus instruxit Io. Iacob. *Reiske*. XII Volumina. Vol. I-V. Vitas Parallelas tenentia; Vol. VI-X. Opera Moralia et Philosophica tenentia, cum notis Guil. *Xylandri*, Henrici *Stephani* et Philippi Iacobi *Mauffaci* texto subiectis, accedunt denique duo Fragmenta; Vol. XI. tres Indices in eiusdem Vitas parallelas, verborum videlicet, rerum atque auctorum tenens; Vol. XII. et ultimum tres Indices in eiusdem Moralia et Philosophica, verborum videlicet, rerum atque auctorum tenens. Addita sunt ornamenta aeri incisa. 8. mai. 1774—82. 40 thlr.

Polybii Historiarum quidquid superest. Recensuit, digessit, emendatioris interpretatione, varietate lectionis, adnotationibus, indicibus illustravit Io. *Schweighaeuser*. Tom. I-VIII. P. 2da. 8. mai. 1789—95. 27 thlr.

— — Idem liber, charta belgica. 45 thlr.

Simplicii Commentarius in Epicteti Enchiridion. Accedit Enchiridii Paraphrasis christiana et Nili Enchiridion. Graeco et latine. Omnia ad veterum Codicum fidem recensuit et varietate Lect. brevibusque notis illustravit Io. *Schweighaeuser*. II Tomi. 8. mai. 1800. 6 thlr.

— — Idem liber, charta belgica. 10 thlr.

Etiam sub titulo:

Epicteteae Philosophiae Monumenta. Vol. IV. et V.

Sophoclis Oedipus Rex, graece et latine, e recensione *Bruckii*, annotat. perpetua illustravit C. T. *Kuinoel*. 8. 1790. 20 gr.

Sophoclis Dramata, quae supersunt et deperditorum Fragmenta. Graeco et Latine. Denuo recensuit et Rich. Franc. Phil. *Bruckii* annotatione integra, aliorum et sua selecta illustravit Frid. Henr. *Bothe*. 2 Voll. 8. mai. 1806. charta impr. 6 thlr.

— — Idem liber, charta script. gallica. 8 thlr.

— — Idem liber, charta belg. opt. 12 thlr.

Strabonis Rerum geographicarum Libri XVII. Graeca ad optimos codices manuscriptos recensuit, varietate lectionis, adnotationibus illustravit, *Xylandri* versionem emendavit Ioann. Phil. *Siebenkees*, inde a septimo libro continuavit Carol. Henr. *Tzschucke*. Tom. I. II. III. IV. 8. mai. 1796—1806. 10 thlr.

— — Idem liber, Tom. I. II. III. IV. charta belgica. 15 thlr. 12 gr.

Tzetzae, Io., Antehomerica, Homerica et Posthomerica, cum Commentario *Friderici Iacobs*. 8. mai. 1793. 18 gr.

— — Idem liber, charta scriptoria. 20 gr.



८१

Im
al

n'140

UNIVERSITY OF CALIFORNIA LIBRARY
BERKELEY

Return to desk from which borrowed.
This book is DUE on the last date stamped below.

10 Nov '50 H J

*Univ of
Missouri*

REC. CIR. JAN 10 '85

11 Jan '52 WBD

INTER-LIBRARY
LOAN

AUG 21 1970

18 Sep '61 DG

REC'D LD

SEP 13 1961

INTER-LIBRARY LOAN

REC'D - 1084

UNIV. OF CALIF., BERK.

LD 21-100m-11,'49(B7146s16)476

